

CONCIONES GROS





I. J. 20.

John

mess Copin

A. 21.



Tom 3

Christiana 1777

QVADRIPARTITÆ  
CONCIONES  
STANISLAI GRODICII  
SOCIETATIS IESV.

*Quarum prima, Timorem sanctum incutiunt; se-  
cunda Fidem Catholicam confirmant; tertia  
Spem erigunt; postrema diuinam in no-  
bis Charitatem excitant.*

Tomus I<sup>us</sup>

IN

DOMINICAS SEPTEM, QUÆ  
DECURRUNT POST ADVENTVM

AD SEPTVAGESIMAM.

*Inscriptus catalogo librorum Collegij Sandominiensis  
Societati Iesu.*



*I. Vasa Iuniorum*



CRACOVIAE,

In Officina Typographica Nicolai Lob,  
Anno Domini 1696.

5.455



ILL<sup>M</sup> CARDINALIS  
ROBERTI BELLARMINI  
AD STANISLAUM GROD-  
CIVM



Dimodum Re-  
uerende Pater.  
Non sum obli-  
vis inuandisi-  
mae consuetudinis, qua cum  
R. V. habui tempore Congre-  
gationis Generalis. ea causa  
est, ut gratissimae fuerint lre-  
rae, quae memoriam illius tem-  
poris mihi renouant. Con-  
ciones R. V. ad mensam legi-  
timas habeo, hoc praeteritum  
Dominicae Actus tempore  
valde

EPISTOLA  
ILL<sup>MI</sup> CARDINALIS  
ROBERTI BELLARMINI  
AD STANISLAVM GRODI-  
CIVM.



Dmodum Re-  
uerende Pater.  
Non sum obli-  
tus iucundissi-  
mæ consuetudinis , quā cum  
R.V. habui tempore Congre-  
gationis Generalis. ea causa  
est, vt gratissimæ fuerint lite-  
ræ, quę memoriam illius tem-  
poris mihi renouarunt. Con-  
ciones R. V. ad mensam legi  
mihi iubeo , hoc præsertim  
Dominici Aduentus tempore  
valdè



valdè opportunas , alioquin  
 enim ob assiduas occupatio-  
 nes, quibus distineor, vix oti-  
 um ad eas legendas haberem,  
 placent omnia, tùm quòd ipse  
 in se conciones, & eruditæ, &  
 vtilis sint : tum quòd sint  
 valdè similes iis, quas ego in  
 Ecclesia mea Capuana dum  
 Archiepiscopi fungebar offi-  
 cio, habere solebam ad popu-  
 lum ; & si ante duos vel tres  
 annos conciones R. V. ad  
 manus meas peruenissent ,  
 multum me sine dubio iuuis-  
 sent. Hoc meū iudiciū de con-  
 cionibus vestris sciet post vnū  
 vel alterū diem Reuerendiss<sup>s</sup>

P. Ge-

EPISTOLA.

P. Generalis. Sed tamen hanc  
meam sententiam iudicio ho-  
minum doctiorum, & magis  
exercitatorum in munere cō-  
cionandi libenter subiicio.

Valeat R. V. mei memor in  
Sanctis precibus & Sacrificiis  
suis. Romæ XXVI. Decēb.  
Anno Domini. M DC V.

R. V.

Frater in Christo

Robertus Card: Bel-  
larminus.





## FACULTAS.

EGO DECIVS STRIVERIVS Præpositus Prouincialis Societatis IESV in Prouincia Polonia: potestate ad id mihi facta, à Reuerēdo admodū Patre Nostro CLAVDIO AQVAVIVA Præposito Generali Societatis IESV, facultatem concedo, ut conciones P. STANISLAI GRODICI Societatis nostræ, grauium doctorumq; virorum iudicio examinatæ & approbatæ typis excudentur. In quorum fidem has literas manu nostra subscriptas sigilloq; nostro munitas dedimus.

Posnania 2. Maij 1606.

Decius Striuerius.

DOMI-



# FACTS

There is a great deal of  
information to be gathered  
from the records of the  
different departments of the  
Government. It is not  
always easy to find the  
information that is  
needed. The following  
facts are taken from  
the records of the  
Department of the  
Interior.

There is a great deal of  
information to be gathered  
from the records of the  
different departments of the  
Government. It is not  
always easy to find the  
information that is  
needed. The following  
facts are taken from  
the records of the  
Department of the  
Interior.

There is a great deal of  
information to be gathered  
from the records of the  
different departments of the  
Government. It is not  
always easy to find the  
information that is  
needed. The following  
facts are taken from  
the records of the  
Department of the  
Interior.

There is a great deal of  
information to be gathered  
from the records of the  
different departments of the  
Government. It is not  
always easy to find the  
information that is  
needed. The following  
facts are taken from  
the records of the  
Department of the  
Interior.

DOMINICA  
INFRA OCTA-  
VAM NATIVITA-  
TIS DOMINI.

Euangelium Luc. 2.



**I**n illo tempore: Erant Ioseph, & Maria mater Iesu mirantes super his, quae dicebantur de illo. Et benedixit illis Simeon: & dixit ad Mariam matrem eius. Ecce posi-

tus est hic in ruinam, & in resurrectionem multorum in Israel: & in signum cui contradicetur: & tuam ipsius animam pertransibit gladius: ut reuelentur ex multis cordibus cogitationes. Et erat Anna Prophetissa, filia Phanuel, de tribu Aser: haec processerat in diebus multis, & vixit cum viro suo annis septem à virginitate sua. Et haec vidua usque ad annos octoginta quatuor: quae non discedebat de templo, ieiuniis & obsecrationibus serviens nocte, ac die. Et haec, ipsa hora superueniens, confitebatur Domino: & loquebatur de illo omnibus, qui exspectabant redemptionem Israel. Et ut perfecerunt omnia secundum legem Domini, reuersi sunt in Galileam in civitatem suam Nazareth. Puer autem crescebat, & confortabatur plenus sapientia: & gratia Dei erat in illo.

A

P.A.R.

DOM: INF: OCTA: NATI:  
PARTITIO.

Quæ in hoc Euangelio describuntur, acta sunt ipso die Purificationis beatissimæ virginis Mariæ, præsentationis verò ad templum Hierosolymitanum IESU Christi domini nostri. Continent autem quatuor: quæ memoriæ causa sic breuissimis verbis comprehendipossunt. Parentes Christi mirantur: Simeon benedicit: Anna prophetat: IESUS educatur, crescit, confortatur. Nos circa quatuor hæc capita, more nostro, totidem hoc ordine formabimus conciones. Timorem sanctum benedictione sua excitabit in nobis Simeon. Fidem firmabit totum Euangelium. Spem eriget miranda parentum Christi admiratio. Charitatis denique triumphum expedient, quatuor quæ in Euangelio nominantur personæ.

QVIBVS  
CHRI-  
STVS SIT  
IN RVI-  
NAM.

CONCIO PRIMA.

Timor.

*Ecce posuit est hic in ruinam, & in resurrectionem multorum in Israel: & in signum cui contradicetur, ut reuelentur ex multis cordibus cogitationes.*

Exordium  
à natura ani-  
mæ, & cor-  
poris nesci  
petitum.

**M**Irari nonnunquam solet vulgus, præfertim imperitum: quî fiat, quòd cum omnibus hominibus à natura insitum sit idem alendi, conseruandiq; corporis desiderium, idemque edendi appetitus: nullus nihilominus aut cibis reperia-  
tur.



zur, qui singulorum palato sapiat; aut pharmacum, quo vniuersæ curentur infirmitates: sed multò profectò mirandum est magis, quo de fonte profluat, quòd cum animus noster, nonnisi bono nutriatur, nullum tamen non modò in mundo, sed etiam extra mundum bonum inueniatur, quod omnes omnium hominum animi appetant, & à quo medicinam omnes suarum ægritudinum petant, etiamsi bonum illud naturâ suâ ad id præstandum sit efficacissimum. Nam quòd cibi non æque singulis sapiant, complexionis varietas facit: quòd verò medicina quantumuis excellentissima, non omnibus pariter proffit, in causa sunt, non modò diuersa, sed etiam contraria planè morborum genera: at verò cum animus humanus nil norit appetere, nisi sub ratione boni, nil æquè desideret, quàm beatitudinem, quæ in summo bono consistit; quî fit quæso, quòd mentibus hominum oblatum hoc ipsum summum bonum, non tâtum non rapiat in sui amorem omnes, sed etiam plerisq; sit fastidio? Quinimò quod stupendum est planè, inuenias innumeros, quibus illud ipsum, quod debuit esse causa salutis æternæ, sit occasio ruinæ sempiternæ, quibus animorum medicina in venenum conuertitur, quibus ipsum denique summum bonum, extremi mali, & infelici-

tatis est origo. Vnde hæc obsecro tanta rerum disparitas, tanta causarum & effectuum pugna? Rem. n. ita se habere ex themate principio posito evidens est. Nunquid Deus optimus, maximus, nunquid filius eius vnicus, nunquid verbum incarnatum, non est summum bonum, beatitudo ac fælicitas perfecta? Est sanè. Nihilominus de illo audis in Euangelio: ECCE POSITVS EST HIC IN RVINAM, ET IN RESVRRECTIONEM. Positum esse in resurrectionem mirum non est: sed in ruinam positum, stupendum omninò. Memini, & vestrum aliquos meminisse non dubito, me hac de re disserruisse aliquando; verùm & hoc animaduertitis, verba quæ ex Euangelio in medium à me prolata sunt, cogere nos, vt tunc ceptam, nunc continuemus materiam, tantò diligentius, quantò hæc illis sunt difficiliora. Si. n. obscurum sensu esse iudicatur, reperi posse homines, quibus scandalo sit Christus (hoc enim ibi excusimus.) quantæ difficultatis erit, intelligere quomodo POSITVS EST IN RVINAM? Et à quo positus, nisi ab eo, à quo & missus? A patre videlicet æterno, à Deo ipso, ab illo de quo Apostolus testatur, quod omnes homines vult saluos fieri. Quomodo ergò is, qui omnes cupit saluos fieri, filium suum posuit IN RVINAM MVLTORVM?

Difficultas  
thematis o-  
stenditur.

In 1. cōci:

Dom: 2.

Adu:

1. Tim. 2. 4

Myste-



Myſterium hoc veſtris adiutus precibus in præſenti concione explicare, & tam in me, quàm in vobis ſanctum timorem excitare conſtitui. Quis enim non perhorreſcat audiēs I E S U M Chriſtū filium Dei poſitū eſſe in ruinam? Primum itaque genuinum verborum iſtorum ſenſum perquiremus. Quo iacto fundamento, oſtendemus, quomodo hac breui ſentētia omnia hominum genera comprehendantur. Deinde quinam ſint iſti, quibus Chriſtus Dominus eſt in ruinam, & in ſignum contradictionis. Cauſam quoque & autorem tanti mali inueſtigabimus. Denique quàm id ſit vitioſum paucis perſtringemus & remedia in medium afferemus. Tu æterne Pater captis noſtris faue: vt eo cum fructu vniuerſa hæc cōſideremus, ne filium tuum Ieſum Chriſtum in ruinam, & ſignum contradictionis, ſed in auctore ſalutis, & felicis noſtræ reſurrectionis conſummatorē habeamus.

Paucis equidem verbis, & fortè illis tantum duobus IN RESURRECTIONEM exceptis, tot erunt in hac Simeonis tum benedictione, tum prophetia, aut difficultates, aut admirationis incitamenta; quot in ea verba reperientur. Nunquid non particula E C C E, quæ primo loco ponitur, idipſum denotat? Noſtis ſanè, quod tam in cōmuni ſermone, quàm in ſcriptura, verbum

PROPOS:  
quinquepar  
tita.

I. PARS.  
Thema ex  
plicatur.

Quid E C  
CE denotet



hoc **ECCĒ**, demonstrat, ea, quibus apponitur, vt plurimum esse rara, inaudita, sæpè etiam obscuriora, ac proinde attentione, & admiratione dignissima. Talia profectò sunt, quæ hic Simeon in medium profert. Nam cum de Christo inquit: **ECCĒ POSITVS EST HIC IN RVINAM**: duæ statim difficultates occurrunt: altera, à quo positus fuerit? altera, qualem in **RVINAM**?

A quo positus & in qualem **RVINAM**.

AB: 9.

Priorem iam insinuauimus, posterior tanta est, vt quidam ex antiquissimis doctoribus non dubitarint affirmare, bonam hic **RVINAM** notari. Absurdum enim visum est illis in **RVINAM**, ac interitum alicuius positum esse Christum, idque à patre misericordiarum Deo. Ac proinde asseriebant per **RVINAM** hoc in loco, vel passionem Christi Domini, quæ causa fuit resurrectionis nostræ, vel illam, similem uè felicem ruinam intelligendam esse, qua Saulus corruit persecutor **IESV**, vt Paulus resurgeret propugnator Ecclesiæ **IESV**. Pia declaratio: sed verior altera, nempè & per **RVINAM** interitum ac perditionem cum temporalem, tum verò æternam intelligendam: & ad hoc ipsum positum esse **IESVM** à patre suo æterno. Hæc expositio & communior est sanctis Patribus Græcis, ac Latinis, & scripturæ conformior. Senex n. iste Simeon in hac benedictione clarè aspexisse videtur

videtur ad illam Hsaiæ prophetiam, in qua Hsaias de domino exercituum loquens, asserit inter alia, illum futurum *in laqueum, & in ruinam habitantibus Hierusalem.* Id ipsum enim hîc penè totidem verbis expressum audis: At verò & princeps Apostolorum Petrus, & socius passionis ipsius Paulus, expressis verbis testantur, Hsaiâ hoc suo vaticinio incredulitatem Iudæorum notasse. Euincitur igitur scripturam per scripturam interpretando, & eum, à quo positus dicitur Christus, esse Deum: & ruinam istam, malam esse. Mala etenim fuit, & est incredulitas Iudæorum, quæ & ruinæ temporalis, ac excidii Hierosolymitani, & ruinæ ac perditionis eorum æternæ proxima causa extitit.

Aliter tamen POSITVS EST à Deo pater, & à sanctissima Trinitate, HIC Christus IESVS IN RUINAM: ET aliter IN RESURRECTIONEM MVLTORVM IN ISRAEL. Qua de renoua posset in his verbis suboriri difficultas: verum non hoc loco, sed paulò post excutienda, quando causam, & autorem ruinæ huius inuestigabimus: ibidem. n. differentiam inter hæc assignabimus: nunc reliqua Simeonis dicta expendamus: ET IN SIGNVM iquit, CUI CONTRADICETVR. Idē videlicet Christus IESVS positus est à sanctissima Trinitate

Differentia  
inter ruinā  
& resurrectiō



SIGNI va-  
ria acceptio  
*Luc. 2. 12.*

*Is. 11. 12.*

*Gen. 9. 12.*

*Mat. 24.  
30.*

in signum contradictionis. Quibus inver-  
bis præcipuam parit difficultatem hæc vo-  
cula **SIGNVM**, ob variam sui in diuinis lite-  
ris acceptionem: aliquando enim pro indi-  
cio quodam sumitur, ita panni illi, quibus  
inuolutus fuit infans **I E S V S**, itemque præ-  
sepe, *signum* dicuntur: quia erant indicium,  
quod ab Angelis datum est pastoribus ad  
inueniendum Melsiam. Nonnunquam pro  
miraculo & prodigio, quod frequens est in  
Euangelio. Aliquando pro signo militari,  
seu vexillo, ita inquit Isaias *Et leuabit signum  
in nationes*. Vbi pro signo, vexillum est in  
Hebræo. Interdum pro fœdere: sic Deus ad  
Abraham ait. *Hoc est signum fœderis*. Denique  
pro scopo. Et omnibus quidem istis modis  
potest intelligi & dici Christus positus **I N  
SIGNVM**. Fuit. n. & est Dominus noster  
**I E S V S** Christus signum & indicium diuinæ  
iræ placatæ: est item fœderis inter nos, ac  
Deum initi, autor, ac consummator; sed &  
mysterium Incarnationis, passionis, nec non  
resurrectionis ipsius, maximum fuit mira-  
culum, Porro de vexillo crucis ita ipse met  
apud *Mat: Tunc*, inquit, *parebit signum filij ho-*  
*minis*: Hinc clarum est igitur Christo Do-  
mino modis omnibus nomen **SIGNI** pos-  
se applicari. Et quamuis nonnullis Docto-  
ribus, illa de miraculo, & cruce acceptio  
multum placeat: mihi tamē semper vltima,  
visa



visa est accomodatissima: quam etiam nostrum P. Maldonatum aliis prætulisse animaduërto. Videtur. n. Simeon per signum præcipuè hoc in loco scopum intellexisse: Illud inquam signum, de quo propheta. *Te- Tre: 3. 12.*  
*tendit arcum suum, & posuit me quasi signum ad sagittam.* Nam secundum hanc acceptionem, & illud IN RVINAM, optimè explicatur: & venenata linguarum ac conuitorum iacula, quæ Iudæi in Christum toties contorsere, convenientissimè designantur.

Sequitur in prophetia Simeonis; ET TV AM IPSIVS ANIMAM PERTRANSIBIT GLADIVS. Quæ verba quamvis non careant difficultate propria, tamen quia (vt nunc communis Doctorum vult sententia) in parenthesi quasi dicta videntur; & hodierno nostro instituto tantoperè non seruiunt, omissa sunt in themate, eruntque in alia cō- cione explicanda. Concluditur tandem Simeonis benedictio his verbis: VT REVELENTVR EX MVLTIS CORDIBVS COGITATIONES. Quæ triplicem pariunt difficultatem; primam, particula, VT; quidnam significet, causamne, an euentum, vel aliud quidpiam? secundam: vtrum verba ista ad immediatè præcedentia sint referenda, vt aliqui volunt, nec ne? tertiam, qualesnam COGITATIONES hic REVELANDAE REVELA- RI quomo- do hic su- metur.  
 dicuntur bonæ, an malæ? Plerique n. hæc  
 A 5 verba

verba in malam sumunt partem; Vt sit sensus, reuelatū iri eos, qui cōtradixerunt Christo: sed non video, cur etiam in bonam sumi non possint, cū in hoc ipso Euangelio non desint exempla. Nam per aduentum Christi in mundum, REVELATAE sunt EX CORDIBVS Mariæ, Ioseph, Annæ, immò ipsius etiam Simeonis COGITATIONES pię, sanctę, Deo placentes, qui hunc ipsum Christum Iesum pro Messia susceperunt, crediderunt, adorauerunt. Quos deinde permulti alii sunt sequuti. Iam verò particula, VT, intelligi potest eo sensu quo cū alibi, tum in illo psalmi. *Verumtamen propetimentes eum salutare ipsius, vt inhabitet gloria in terranostra.* Vbi VT, sumitur pro ita enim: pari ratione hīc, VT REVELENTVR, id est. Ita enim reuelabuntur EX MVLTIS CORDIBVS COGITATIONES.

VT, quid significet hoc loco.

*Pf. 84. 10.*

Summa dī.  
etorum.

Quare, vt quæ dicta sunt hactenus sūmatim concludamus, sensus sententiæ initio positæ hīc erit. Benedicit Simeon, & benedicendo prophetat, prophetat autem admiranda: idcirco incipit à particula ECCE: ac si dicat: mirandum quid referam, nempe quòd hīc, quem manibus meis gesto, Christus IESVS filius Dei, POSITVS EST à Deo patre suo; immò à SSa. Trīnitate, positus est, inquam, & expositus, VT sit IN RVINAM, & in ruinam cū temporalem, tum verò



tum verò spiritualem in interitum, ac perditionem æternam quibusdam, non omnibus tamen: si quidem expositus etiam est & datus IN RESURRECTIONEM aliorum, ac in salutem MULTORVM IN ISRAEL. Quæ verba de vtrisque intelligi possunt; sed magis de prioribus: quâuis enim non pauci fuerint ex Iudæis, qui per aduentum ipsius salui facti sunt, multò plures tamen illum non receperunt, ac proinde æternis sunt addicti suppliciis: & talibus fuit Christus, & est INSIGNVM, ac scopum quendam, CUI CONTRADICETVR. Nam quòd ad Iudæos attinet, contradixerunt illi Christo, & tanquam in scopum collimarunt, venenatas sagittas linguarum suarum cum in vita, tum in morte ipsius, id est, & quando pertransibat beneficia illis præstando; & quando in cruce pendebat salutem illorum operando. Hæc autem omnia, nempe quòd Christus expositus fuerit tum in interitum; tum in salutem plurimorum, facta sunt, VT REVELENTVR EX MULTIS CORDIBVS COGITATIONES. Nam ista ratione reuelata sunt intima cordium, & apparuit, quid in cogitationibus Iudæorum latuerit: quando, qui ex illis fuerunt pii, IESVM receperunt, & in eum crediderunt, ac in pietate perseuerarunt: qui verò erant impii, impietatem suam euouerunt, illum blasphemam-



phemando, perlequendo, cruci affigendo, ac tam discipulos, quàm doctrinam ipsius infectando.

## II. PARS.

Quatuor ho-  
minum ge-  
nera in  
mundo

Ille est horum verborum sensus: quo iacto fundamento, considerandum iam venit aliud mysterium sanè non contemnendum. Notatur etenim meo iudicio hac breui sententia omnia hominum genera: nam quotquot siue in Iudæa, siue alibi fuerunt, sunt, ac futuri erunt homines, in vno horum quatuor ordinum reperiantur necesse est. Aut n. stant, sed cadent; aut corruerunt sed erigentur: aut ceciderunt nec resurgent amplius: aut stant, firmique permanebunt. Plures ordines non dari vel ipsa partitio ex sufficienti combinatione facta demonstrat. Aperiamus iam, quonam modo hæc, & in prolata sententia habeantur, & in Iudæis qui Christi tempore vixerunt, impleta sint.

Primum eo-  
rum qui  
stant sed ca-  
dent.

Primum genus eorum est, qui cum essent diuina præditi gratia, ex illa exciderunt. Hi notantur illis verbis IN R VIN AM. Is. n. propriè corruere dicitur, qui antea stabat. Tales fuerunt quos ipse Saluator in illa sua post vltimam cœnam admirabili concione habita: taxare uidetur dicens, *Sinon venissem, & locutus fuissèm eis, peccatum non haberent.* Quid enim vetat nos verba hæc vtì sonant intelligere? Fuisse enim aliquos inter Iudæos, qui legem Dei obseruarent, ideòque sta-  
bant;

Io. 15. 22.

bant; adolescens ille clarum facit, qui Christo præcepta legis recensenti respondet: *Omnia hæc custodiui à iuuentute mea.* Vera autē *Mat. 19. 20.* illum dixisse euidens est ex D. Marco duplici ex capite: tum ex illis verbis. *IESVS autem intuitus eum dilexit eum.* Christus. n. non *Mar. 10. 21.* diligit, sed abominatur mendaces, & extra gratiam Dei constitutos: tum ex sequentibus. Nam cum subdit *IESVS: Vnum tibi deest;* profectò perspicuè approbat, alia illum habuisse. Nihilominus tam huic, quàm illis fuit *IESVS* in ruinam. Illis quidē quia *et viderunt, et oderunt, et me et patrem meum.* *Io: 15. 24.* ait Christus. Et cōprobat illo psalmi. *Quia pf. 34. 19.* oderunt me gratis. Adolescenti verò: quia Christo præcipienti; *Vade quacunque habes Mar. 10. 21.* vende, et da pauperibus, et veni, sequere me, non obediuit. Deo enim etiam ad sectanda consilia vocanti, parendum omninò est: ac proinde subiungit Christus verba interitum ipsius denotantia, quæ ipsos etiam Apostolos multum terruerunt.

Alterum hominum genus est, qui corrumpuntur quidem, & aliqui etiam in peccatis voluntantur, sed tamen postea ad cor redeunt, ac per poenitentiam stare incipiunt. Talibus Christus est *IN RESURRECTIONEM*, vt fuit Magdalene in conuiuio: Zachæo domi suæ: Petro in atrio Pontificis: Latroni in cruce: Paulo in via, & infinitis aliis;

Secundum  
qui ceciderunt  
sed stabunt.





*LUC. 15. 1.* iis; de quibus testatur Euangelista. *Erant appropinquantibus ei publicani & peccatores, ut audirent illum.* Id est ut obedirent ei. Nam Pharisei & Scribæ licet adessent sæpe differenti, nunquã tamẽ dicuntur illi appropinquasse: quia nec credebant docenti, nec obediebãt præcipienti. Vtrumque iam dictum hominum genus videtur Christus Dominus dilucidè expressisse illis verbis. *In iudicium ego in hunc mundũ veni, ut qui non videt videat, & qui vident cæci fiant.* His. n. in ruinam; illis verò in resurrectionem verbum Patris fuit.

Tertium,  
qui corrumpit  
& iacent

Tertius ordo est illorum, qui vel nunquam in gratia Dei fuerunt, vel citò ex illa excidentes in vitia se coniecerunt, in iisque obstinati permanserunt. His propriè competit quod sequitur; **ET IN SIGNVM CVI CONTRADICETVR.** Sceleſti etenim isti homines, nihil aliud norunt, quàm scelerum nefariorum et linguæ venenatæ iacula vibrare in Christum, quàm contradicere IESV Saluatori. Ex quorum numero erant Summi Pontifices, Scribæ, & Pharisei: qui & plurimis præter infidelitatem flagitiis astricti erant, & obstinatè, ac pertinaciter in iisdem persistebant. De quibus Euangelista. *Audiebant autem omnia hæc Pharisei, qui erant avari, & deridebant illum.* Et ipse Christus ad eos: *Quomodo vos potestis credere, quã gloriam ab invicem accipitis, & gloriam quã à solo Deo*

*LUC. 16.*

*14.*

*10. 5. 44.*

*Dea est non queritis? Et alibi: vos ex patre Io. 8. 44.*  
*Diabolo estis. Et iterum Et in peccato vestro Ibidem n.*  
*moriemini. 21. & 24.*

Postremus ordo est illorum, qui & pii iu- Quantum  
 stique sunt, & in pietate sua perseverant. De qui stant &  
 huiuscemodi rectè intelligitur, quod po- stabant.  
 stremo loco dicitur: VT REVELENTVR  
 EX MVLTIS CORDIBVS COGITATI-  
 ONES. Nam licet de impiis quoque accipi  
 hæc possint, vt dictum est: magis tamen  
 propriè optimi hic denotantur. Talibus. n.  
 proprium est virtutes celare, quas tamē ipse  
 Christus IESVS manifestat, & in hac vita  
 mortali reuelando, & in illa æterna remu-  
 nerando. Quales præter eos, quorum fit  
 mentio in hodierno Euangelio, fuerūt Chri-  
 sti tempore Nathanael; cuius virtutes ipse Io. 1. 47.  
 Christus prodit: Ioseph quoque ab *Arimathæa: Luc. 23. 50*  
 & infiniti alii.

Neque verò cogitandum est, Christum III. PAR 3  
 IESVM, dum in mundo conuersaretur in Quibus  
 mortali suo corpore, hos effectus causasse, Christus fit  
 & quatuor istos hominum ordines consti- in RVI-  
 tuisse: fuerūt enim illi ab initio mūdi, & vs- NAM & in  
 que ad finē eiusdē sunt futuri; idque (quod SIGNVM  
 stupendum planè) causa Christi. Et quia de  
 duobus bonorum ordinibus, nec est tanta  
 difficultas, nec ad hanc propriè concionem  
 spectant; de aliis duobus tum malorum,  
 quibus est IN RVINAM; tum pessimorū,  
 quibus



I. Quæritur  
cur RVI-  
NAE, prior  
mentio.

*Iſ: 8. 14.*

*Ibidem 15*

Quæri-  
tur cadere  
& conteri  
quomodo  
differant.

quibus est IN SIGNVM CUI CONTRA-  
DICTVR differamus. Itaque resumpto i-  
terum (immò iam tertio) themate propo-  
sito, quærimus primum, cur Simeon di-  
cens ECCE POSITVS EST HIC IN RV-  
INAM ET IN RESVRRECTIONEM  
MVLTORVM; prius ruinæ, quàm resurre-  
ctionis facit mentionem? Nunquid censuit  
magis illum esse positum ad interitû, quàm  
ad salutem? Absit hoc vel cogitare: non i-  
deò: sed iccirco (vt arbitror) quia plures &  
tunc fuerunt, qui perierunt IN ISRAEL,  
id est, ex Iudæis, & nunc pereunt. Quod  
etiam ante prædixerat Isaias prophetans  
de Christo: nam postquam lapidem offensio-  
nis & perram scandali illum vocasset, subiun-  
git: *Et offendent ex eis plurimi, & cadent, & con-  
terentur.* Nonne auditis plurimos condem-  
nandos? Nolite igitur vos quæso multitu-  
dine peccantium prout facere consueuistis,  
excusare, quin immò hoc ipsum animis ve-  
stris iustissimum incutiat terrorem: Si enim  
suis non pepercit Christus, ex quorum san-  
guine processit, minus nobis parcat, qui ta-  
les non sumus. Audis. n. prophetam præ-  
dicere quod *& cadent & conterentur.* Loqui-  
tur autem de Israelitis.

Quòd si percōtatus fueris, num inter hæc  
duo aliqua sit differentia: dicam videre me  
quidem Auctores, vt plurimum, pro eodem  
caſu.

ea sumere, attamen si ipsius saluatoris verba ponderemus, discrimen aliquod inter ista omnino statuamus necesse est. Sic. n. de seipso Christus Dominus (psalmi versiculum citans & ad hunc ipsum locum Isaia aludens) loquitur: *Omnis qui ceciderit super illum lapidem conquassabitur: super quem autem ceciderit, comminuet illum.* *Pf: 117. 22.*  
*Luc: 20. 18* Quod dictum Christi varii variè immò quidam contrario modo interpretantur: alii. n. per priores infideles, per posteriores verò fideles intelligunt: alii contra, alii aliter. Dicerem salua fide Catholica, & meliori iudicio, notari in his verbis duo ista hominum genera de quibus tractationem suscepimus. Qui. n. cadunt super lapidem istum, iis Christus est **IN R VINAM**: super illos verò cadit lapis iste quibus est **IN SIGNVM CVI CONTRADICETVR**. Cōstat. n. apud omnes in prioribus verbis minus peccantes, in posterioribus magis Deum offendentes intelligi. Quod ipsa etiam metaphora à Christo assumpta euidenter docet. Ex pænæ enim magnitudine culpæ gravitatem colligimus: multò autem magis læditur is super quem lapis cadit (propterea dicitur *comminuet illum*) quàm si quis in eundem lapidem impingens corruat: tales verò sunt isti secundum nostram expositionem. Minus enim peccant, qui ex ignorantia, vel infirmitate:

B

quàm



quàm qui ex malitia, & inuidia offendunt Deum; præsertim si in malitia sua perseverant, quales hic intelligimus: proinde illis est Christus in ruinam: his verò in signum contradictionis: illi nonnunquam stant, & iterum corruunt: hi verò obstinati in peccatis hærent, & interdum etiam iustos malitiosè persequuntur: ideòque illi aliquando misericordiam consequuntur: isti prorsus à Deo abiiciuntur.

- Exempla. Rem vt clarior fiat exemplis demonstramus. Ex veteri inprimis testamento occurrunt primi duo Iudæorum Reges, nempe
1. David & Saul.
  2. Reg. 12. Saul & David; quorum vterque quidem corruit, sed dispari ratione; David ex infirmitate, tum adulterium, tum homicidium
  2. Reg. 24. comittendo, tum populū numerando: at
  1. Reg: 15, verò Saul ex malitia & animi præsumptione, tum Deo non obediendo, tum innocentem David impiè persequendo. Iccirco
  1. Reg: 19. David misericordiam est consequutus: de
  2. Reg: 12. Saule autem loquitur Deus ad Samuelem:
  1. Reg: 16.1 *Vsq̃uequo tu luges Saul, cūm ego proiecerim eum?*
- Iam in nouo testamento apertius etiam est exemplum in his ipsis, quos præ manibus
2. Adole- habemus Iudæis. Nam ille adolescens, qui
  - scenit & pharis: Christo iubenti, vt omnia sua venderet,
  - non obediuit, ex infirmitate peccauit;
  - Mur: 10. quod testatur Euangelista dicens: *Qui contri-*
  22. *status in verbo abiit mærens: erat enim habens*
- multas*

*multas possessiones. Pharisei verò ex pura malitia, & inuidia IESVM persequabantur: nam etiam dum eadem eis loqueretur; quarebant, inquit D. Lucas, Principes Sacer-* *Luc. 20. 19*  
*dotum, & scribæ mittere in illum manus illa hora.*

Ac proinde illi adolescenti præceptum Christi fuit IN RVINAM: dum. n. illud implere negligit, cadit *super hunc lapidem*, & con-  
 quassatur: Principibus verò Sacerdotum, & scribis, fuit Christus Dominus IN SIGNVM, cui perpetuò contradixerunt: iccirco cecidit super eos lapis iste, ac illos ita comminuit; vt spes resurgendi non esset vlla amplius. Hos enim designant verba illa Christi: *In peccatis vestris moriemini.* Quantumvis *Io. 8. 24.*  
 enim de hoc adolescente non constet nobis, an conuersus fuerit: duo tamen certa sunt: alterum, illum leuius peccasse quàm Phariseos: alterum, Petrum simili in casu fuisse: *3. Petri & Iuda.*  
 siquidem is dum negat Christum, grauiter in hunc ipsum impingit lapidem, & con-  
 quassatur: est tamē nihilominus reparatus, cum propter pœnitentiā & lachrymas proprias tum verò gratia & dulcissimo aspectu *Luc. 22. 68*  
 Christi IESV: At verò supra Iudam proditorem, lapis iste cadit, & irreparabiliter cōminuit illum.

Quamuis autem hæc ita se habeant vt *3. Quartur An solis*  
 explicata sunt: tamen cum & non constet *Iudæis Christi*  
 nobis, immò nec constare possit, qui nam *stus sit in*  
 RVINAM. *RVINAM.*



sint primi, quiue posterioris gradus; & certum sit, priores non pauca ex posteriori ordine; posteriores verò totum ex primo habere: certum etenim est, & illos qui ex infirmitate peccant, dum peccant contradicere Christo: & iis, qui in peccatis sunt obstinati, **IN RVINAM** maximam esse Christum: idcirco de vtrisque in posterum coniunctim & promiscuè agemus. Et primum quidem quærimus; quinam sint illi, quibus dicitur Christus Dominus esse **IN RVINAM ET IN SIGNVM CVI CONTRADICETVR**, Iudæine soli, an etiam alii? Respondeo omnibus qui pereunt talem esse. Primum quidem Iudæis, qui viuebant quando Christus Dominus in mundo versabatur (de quibus iam dictum est.) Deinde aliis omnibus, qui ex Israel reprobati sunt: tum etiam ipsis gētilibus: quinimmo vniuersis hominibus, qui à principio mundi à via salutis recesserunt. Immo si cum D. Bernardo, Cypriano, & Basilio sentiamus, etiam ante mundi constitutionem, ipsi Lucifero cum apostaticis spiritibus, anam dedit perditionis Christus **IESVS**, verbum incarnandum.

Denique siue personā ipsam & actiones Christi spectes, nihil fuit in illo, quod sagittis & contradictionibus impiorum non patuerit: siue illos qui eum impugnarunt, & hucusque impugnant nec non vsque ad consumma-

Responde-  
tur quod O-  
rbus.

Etiam Dæ-  
monibus.

D. Ber: ho:  
17. in Cat:  
Cyp: sero:  
de zelo.

summationē seculi signum istud petent cōsideraueris; nullum genus hominum excipies iniquorum, quibus non sit I E S V S I N R V I N A M siue in re, siue in figura, siue directē, siue indirectē, siue promiscuē & in confuso, siue etiam in particulari: Iudæis, gentilibus, hæreticis, schismaticis, pseudo-politicis, Machometanis, ipsis denique peruersis Catholicis. Christus etenim I E S V S, Hominibus vero modis variis. In figuris. Ge: 4. 8. verbum patris caro factum, in typo & figura in Abel à Cain occisus fuit: In Noe, dum Ge: 9. 22. denudatus in cruce pependit, à scelesto filio Gal: 4. 29. Cham irrisus est: ab Ismael in Isaac afflictus; Ge: 27. 41. ab Esau in Iacob persecutionem passus à Ge: 37. 28. fratribus suis in Ioseph venditus à Core, Da- Num: 16. 8. than, & Abiron cum alia sacerdotum & Le- 1. Reg: 22. uitarū turba in Moyse contemptus; à Saule 2. Reg: 15. & Absalone ingratisimis Rege & filio, in 2. Reg: 3. Dauid ad mortem quæsitus: à Ioab denique 27. (vt infinita omitam) in Abner fraudulen- In promissi-  
one. ter & ignominiose occisus fuit. Hunc ipsum Christum I E S V M primum quidem promissum tum Adamo & Euæ; tum Abrahamo, Isaaco, Dauidi, & aliis, Filii eorum & filiæ ac nepotes penè omnes repudiarunt; atque tum vita improba, tum idololatria fæda, signo huic sanctissimo impiè contradixerunt. Deinde iam datum natumque, immò con- In Aduentu uersantem cum illis, infinitaque eis præstantem beneficia, multò etiam acerbius perse-



In cruce præ-  
cipuè.

1. Cor. 1. 23

Etiā iis  
qui se Chri-  
stianos  
vocant, est  
Christus in  
vinam. vt.

quiti sunt, & derisionibus, conuitiis, con-  
tumeliis toto vitæ tempore afflictum; tan-  
dem flagellatum, spinisque coronatum,  
crudeliter, ac ignominiosè cruci affixerunt,  
& occiderunt: Crucifixum autem Iudæi  
quidem blasphemarunt, ac in illo grauiter  
scandalisati sunt; Gentiles verò stultum fu-  
isse reputarunt, ac reputant huc vsque. O-  
mnes verò tam Iudæi, quàm gentiles in A-  
postolis & discipulis eius tam vitam, quàm  
doctrinam ipsius miris & inauditis tormen-  
tis persequuti sunt, & extinctam esse volue-  
runt. Hinc Apostolus clamat: *Nos autem præ-*  
*dicamus Christum crucifixum, Iudæis quidem scā-*  
*dalum; gentibus autem stultitiam.* Ecce occasio  
RVINAE. ECCE SIGNVM CVI CONTRA-  
DICITVR. Magis autē etiam ab hæreticis.

Verū Iudæis Gentilibusque missis, hæ-  
reticis verò ad aliud tēpus reservatis (de  
quibus tamē pauca paulo post) ad Catholi-  
cos nostros sermonē transferamus. Quid nū-  
deesse arbitramini inter Christianos quibus  
Christus sit IN RVINAM quibus IESVS  
sit IN SIGNVM CVI CONTRADICITVR?  
Erratis si id putatis: atque vtinam vel sint  
rariores, vel desint saltem illius pessimi ge-  
neris. At proh dolor, pudorque, plures e-  
quidem sunt, quàm esse cogitantur; & terri-  
biliore magisque impii, quàm multi etiam  
Gentilium. Nunquid non audiuiſtis aliquā-  
do de-

do determinatum esse à magnis Theologis, <sup>Scelestissimis.</sup> posse aliquem in certis Indiarum locis negare esse Christianum? Quid ita? inquis.

Quia primi qui eo peruenerant Christiani, ita sese gesserunt, ita omnia cædibus, stupris, rapinis & id genus vitiis, repleuerunt, vt locorum illorum incolæ etiam si gentiles essent arbitrarentur tamen, immò certo sibi persuaderent professionem hominis Christiani aliam non esse, quàm talia patrandi scelera, ac proinde in tantum Christianorū & Christianæ religionis odium exarserunt, vt ne nomen quidem ipsum ferre possent. Atque vtinam, & iterum iterumque dico, ô vtinam omnes tales eo commigrassent, & si resipiscere noluisent, malè periissent; vt orbis Christianus ab iis liber esset: sed quàm plena sunt talium omnia? Omitto hæretici- <sup>Hæreticia.</sup> cos quibus inermes Christi seruos mactare fortitudo est, à quibus monasteria, canobia, religiosorum collegia solo æquare zelus diuinus nuncupatur: quibus virgines Deo sacras ad impudicitiam pertrahere, vel etiã cogere: matrimonium, & thorus immaculatus dicitur: quibus bona aliena, præsertim Ecclesiastica diripere iustitiæ est quædã species: quibus denique omnem diuinum, humanumque ordinem in sacramentis, in gradibus Ecclesiasticis, in Ciuili, Sacroque magistratu, in cæremoniis, in orationibus, festis,



festis, vigiliis, ieiuniis, aliisque sanctis exercitiis euertere, ac funditus è medio tollere religionis sunt actus præcipui, o barbaries etiã apud Scythas inaudita. Sed his omiſſis pseudopoliticos leuiter attingamus.

Pseudo-politiciſ.

In principi-  
pe. Cap. 18.

Iſtis regnare beatitudo eſt; nec quicquam etiam iniquiſſimum omittere, dummodo principem agas, canon vitæ eſt. Ac proinde talibus non ſolum Catholica, ſed & politica fides eſt ſomnium, pietas hypocriſis, iuſtitia aliena inuadere, occidere iocus, prudentia [ad omnem (verba ſunt Machiauel-  
li) vëtorum & fortunæ conuerſionem verſatile ingenium habere] fortitudo debiles opprimere, ſapientia, diuina humanis ſubſternere; mentiri ciuilitas, fallere officium, rapere lucrum: ac vt vno verbo dicam propter vtile, & quod illis videtur honorificũ, omne verè honeſtum relinquere, inhoneſtum verò nullum reformidare. Quis monſtrum tale etiam apud Ethnicos poetas vidit? nihilominus qui ſunt eiufmodi, non ſolum Chriſtiani ſed & Catholici dici, eſſeq; volũt: an verò re ipſa ſint, Deus ipſe nouit. Si enim nemo ſcit cor hominis, niſi qui creauit illud, quanto minùs quis cognoscere poterit hominem duplici corde? Nam quĩ ſciri poteſt, an in eo etiam quòd ſe Catholicum eſſe dicat, ſimulatorẽ non agat, cùm hæc illius ſit profeſſio? ô quantam IN RVI-

NAM est talibus Christus. O quale IN SIGNVM CUI CONTRADICITVR est eis dulcis IESVS. Quis enumerabit sagittas & lanceas venenatas, quas tales cordi ipsius infigunt? Tres accipe ex multis, quibus non Absolonis scelesti parricidæ; sed parentis, conditoris, & redemptoris sui IESV cor transuerberant, & quod omnem ingratitude superat, ad hoc ipsum faciendum alios instituunt. Quid enim in corde latebat saluatoris? Tres potissimæ virtutes, (vt alias taceam infinitas) nempe Humilitas, seu mansuetudo, quàm in primis & ante omnia suis Christus discipulis commendauit. Deinde sinceritas: cuius vitium contrarium nempe hypocrisis in aduersariis maximè est infectatus. Postremo sapientia, vnde & nomen sortitus est, vt *Sapientia Dei*, & non *Sapientia* vocaretur. Hæc verò tria, virtutum genera pseudopolitici maximè infectantur, & quantum in se est confodiunt. Humilitatem & mansuetudinem, ambitione ac crudelitate; Sinceritatem ac fidem simulatione, & perfidia: Sapientiam summa insipientia. Sapientiæ etenim proprium est altissimas causas considerare, & per superiora inferiora regere ac gubernare: isti verò totum contrarium docent, belluinum animum induere; humana consilia diuinis præferre; idque genus alia non pauca. Quanta

NOTA.  
Quomodo  
Pseudopolitici tres virtutes quas Christus amauit maximè persequuntur.

Mat: 11. 29

Mat: 23.

Luc: 11. 49

1. Cor: 1. 30



stultitia? quanta & qualia vulnera infixæ Christo?

Humilem  
posse esse  
strenuum.

At inquiunt (prout quidam mihi obiecit) impossibile est esse simul humilem mansuetumque, & strenuum militem, vel principem, aut Imperatorem, cum hæc sibi invicem contrariantur. Contraria sunt equidem secundum pseudopoliticū caput, quod utinam plus habeat cerebri: at non secundum diuinam Theologiam, immò veram philosophiam. Quis politicorum audebit sese antepondere fortissimo Dauidi? Constantino Magno, & Carolo Magno imperatoribus, nostris quoque Regibus Boleslao Chabri & Criuousto, Sigismundo primo & aliis? Quorum tamen primus ille inquam Dauid, dux cordatissimus, sic alloquitur De-

*Pf. 131. r.* um. *Memento Domine Dauid & omnis mansuetudinis eius.* Agnoscisne vocem? audis quomodo bellicosissimus vir, qui tantum cruoris humani sparsit nihilominus mansuetum se esse prædicat? idque coram eo, cui corda omnium patent Deo? & necdum mendaces horum linguas, à tuis auribus amouebis? Reliquorum autem quos citauimus si gesta & vitæ legantur, inuenientur iicūm hæroica animi magnitudine infinitis victoriis ornata, admiranda & imitanda humilitatis ac mansuetudinis habuisse opera, & indicia, præsertim in iis rebus, quæ Deum, & eius reli-

religionem! concernebant. Cessent igitur obsecro Christiani à talibus non dico Christiano homine, sed etiã bono philosopho morali, & verò politico indignis opinionibus & dogmatis: quinimmò dent operam, vt vulneribus quæ petendo Christum crudeliter sibi metipsis inflixerunt, per eius sanguinem tempestiuè medicinam adhibeant ad veram pænitentiam & sacramenta sancta recurrendo.

Sed tempus est, vt aliis quoque Catholicis, quibus peccare lethaliter familiare est, <sup>Catholicis, etiã præsertim</sup> demonstramus, quomodo Christus IESVS sit eis IN RVINAM, ET IN SIGNVM CVI <sup>Scelestis.</sup> CONTRADICVNT. Retulimus quæ in Indiis acta sunt, optandum ne amplius fiât, prout constat saltem moderatius talia ibi agi: vnde diuina est exaltanda bonitas, & laudanda etiã magistratus vigilantia. Illos verò professione Catholicos veritate, ne Christianos quidem, & his similes qui inter nos versantur perstringit Apostolus his verbis. *Nomen enim Dei per vos blasphematur inter Gentes.* <sup>Ro. 2. 24.</sup> Quid mirum si à gentilibus Ethnicis, <sup>Blasphemis.</sup> nomen Christi blasphematur, propter peruersam Christianorum vitam? cum ab ipsismet Catholicis, hoc ipsum nomen IESVS, & matris eius sanctissimæ, & sanctorum omnium, & ipsius sancti sanctorum Dei trini & vnius blasphemetur quotidie? Ignorant  
tum



In cantatori-  
bus.

Maledicis.

Periuris.

tum est hoc vitium in istis partibus. Sit nomen eius benedictum in sæcula, qui illud ab auribus abscondit vestris. Considerent hæc quos sermo noster tangit, & cogitent quid fratribus suis iunioribus, qui ab illis fidem susceperunt, respondeant, in illa die iudicii Dei. Vos verò ne in superbiam euchamini, sed & pro illis orate, & his non absimilia, quæ regnant inter vos, tollite de medio vestri. Huiusmodi sunt incantationes sortilegia inuocationes dæmonū, superstitiones & alia eius generis. His prope accedūt horrēdę maledicētię, effrenes imprecationes fēda periuria, quæ tam sunt vobis familiaria, vt vix quicquam frequentius, fora, compita, tabernæ, imò domus, subsellia, & tribunalia vestra resonare videantur, quàm isthęc omnia. O Christiani non Christiani, sed ipsi etiam Ethnicis deteriores. Hancine Christo I E S V gratiam redditis pro tot immensis & infinitis, quibus vos affecit beneficiis? Ille vos elegit ex tot quæ etiam ad hūc diem, in orbe sunt nationes copiosissimæ, in tenebris infidelitatis habitantes, Deūque creatorem suum, & Christum I E S V M ignorantes: ille vos lumine verę fidei illustravit: ille suis dotavit sacramentis, & vt essetis sancti & immaculati effecit, ille sanguine suo à peccatis abluit, imò corpore etiam proprio pavit, & eodem sanguine potavit: ille

pro-

protectionem suam adhibet, ne corruatis  
 eorum confixi iaculis, qui *sagittant in obscuro Ps: 10. 1.*  
*rectos corde.* Tu verò quicumque es qui talem  
 viuendi rationem tenens, loco gratitudinis  
 IN SIGNVM tibi posuisti Christum cui per-  
 petuò contradicas? quem pro scopo habe-  
 as? Quoties enim aut Deum blasphemias aut  
 inimicū eius dæmonem inuocas aut quid-  
 uis prædictorum operaris: toties lanceas  
 tuas vibras in Deum, sagittas vesanas cordi  
 infigis Christi IESV. Ne igitur mireris si is  
 futurus sit tibi IN RVINAM, & ruinam  
 grauem: cuius tu ruinam quantum in te fuit  
 prius procurasti.

Aliis omni-  
 bus impiis.

Non solum autem istis verum etiam o-  
 mnibus in lethali peccato constitutis IN  
 RVINAM est Christus, siue id corde, siue  
 ore, siue etiam opere perficiant. Tales ete-  
 nim dum prosperis abutuntur, dum aduer-  
 sis franguntur, nonne contradicunt Chri-  
 sto? qui oppositum illos cum verbo; tum  
 verò opere docuit; Huius generis sunt, qui  
 in afflictionibus, & tribulationibus mur-  
 murant contra Deum factorem & saluato-  
 rem suum; qui leuiter, vel ne leuiter qui-  
 dem læsi, graues vindictas moliuntur, famę  
 aliorum detrahunt, conuitiis, mendaciis,  
 contumeliis delectantur, corpori denique  
 & vitæ aliorum insidiantur. Alii per fas &  
 nefas omnia ad se trahūt, per rapinas, furta,  
 vsuras,



Luc:16.19

vfuras, falsos contractus, falsas merces, falsas monetas, falsa monimenta iuridica. Alii cum illo diuite epulantur quotidie splendide interim verò pauperum ne minimam curam gerunt. Alii ebrietati, compotationibus, luxui, luxuriæ, fornicationi, adulteriis, & his similibus sunt dediti. Qui, Deus meus, & Christe Iesv, tu solus nosti, quomodo te tractent, quomodo tu sis illis IN SIGNVM CUI CONTRADICITVR. Quòd tantò est iniquius, frequentius, enormius, quanto non iam ex infirmitate, sed ex habitu pessimo, & inde ex malitia peccata procedunt nostra. De talibus enim intelligitur illud Apostoli *Cauteriatam habentium suam conscientiam*. Quòd primum quidem Hæreticis competit, de quibus ibi Apost: prophetat, postea verò & aliis. Cauterii enim duæ, vel tres sunt proprietates. Primum enim fit igne seu ferro ignito, deinde facit, vt eo omnes corporis defluant sordes; deniq; habet signum indelebile. Tales sunt habituatii in quouis peccato, nam primum igne malitiæ aduruntur: deinde omnes omnium sordes ad se trahunt, non enim sufficit eis, si soli peccant, verum etiam alios quos possunt aut ad peccatum trahunt ac pelliciunt, aut à bono auocant, hos quidem à piis operibus, illos verò à frequenti vfu sacramentorum, alios autem, à religione vel perfectiori statu vitæ

Quid sit cauteriata conscientia.

1. Tim: 4.2

tu vitæ. Vera & sceleratissima instrumenta  
Diaboli. Quibus vt plurimum illud accidit  
tertium, quod habeant notam indelebilem:  
rarissimè etenim tales conuertuntur, præ-  
fertim si eo dementia delapsi sunt, vt cul-  
pas & peccata sua pessima in Deum opti-  
mum coniiciant.

Quid enim? putatis deesse aliquos, qui  
hæc ipsa, quæ præ manibus habemus, ver-  
ba contra IESVM Deum verum dirigant, v-  
tinam saltem inter Catholicos desint, qui  
dicant nunquid non legimus quod Christus  
ita POSITVS EST IN RVINAM, sicut &  
IN RESURRECTIONEM? Quare quod  
ego pecco, inde provenit, quia IN RV-  
INAM mihi EST POSITVS Christus. Non  
inde, ô scelestè, hoc provenit, non inde.  
Cum enim præceptis tuis in peccata, culpa tua  
id facis. Quod si surrexeris, ex bonitate Chri-  
sti id habebis, nã vt audisti, non eodem mo-  
do Christus Dominus est POSITVS IN  
RVINAM, vt est positus IN RESURRE-  
CTIONEM. Nam in resurrectionem posi-  
tus est directè, efficaciter, & per se omnibus  
modis iubendo, incitando, præcipiendo,  
& ad vitam frugis, ad virtutes, ad pæniten-  
tiam, quàm resurrectio consecratur, omnes  
monendo, ac exhortando; insuper præue-  
niendo nos gratia sua, vt velimus; adiuuân-  
do, infirmitatem nostram vt possimus; o-  
perando

III. PARS  
Quis auctor  
RVINÆ &  
SIGNI  
CONTRA-  
DL



Ose: 13.9.

Simili id de  
claratur.

NOTA.

perando nobiscum, vt bonum perficiamus: denique & merendo nobis omnem gratiã; & efficiendo ac dando RESURRECTIONEM. At IN RVINA secus se res habet: hæc enim principaliter à te est, culpaq; tua provenit. *Perditio tua Israel* ait propheta, tua est inquit perditio, id est ex te procedit, tu ipse eius es auctor, ô homo. Ex Deo verò quid? Respondet ibidem Dei nomine: *tantummodo in me auxilium tuum*. Quicquid ergò boni in nostris operibus reperitur à Deo procedit principaliter: quicquid verò est mali, à nobis est efficaciter. Quare IN RVINAM POSITVS EST IESVS non directè, & causaliter; sed indirectè, & quasi occasionaliter.

Fecit enim Deus pater omnipotens dando nobis filium suum, quòd faciunt medici peritissimi, qui in desperatissimis casibus perscribunt medicinas potentissimas & efficacissimas, quæ si effectum non fuerint sortitæ suum, quis sapiens vel medicum, vel pharmacum audebit accusare, licèt fortè medicina illa aliquam maioris infirmitatis dederit occasionem? ita Deus pater omnipotens, vltimum & potentissimum, quòd habere potuit remedium, contra vitia nostra dedit filium suum IESVM, quem si tu non recipis, vel receptum peccatis tuis gravissimis, vt SIGNVM quoddam & scopum quotidie petis, eique perpetuò contradicis, qua in

qua impietate, & impudentia culpam in illū  
 tuæ ruinæ coniicis? Contradictionem enim  
 esse causam ruinæ, ruinam verò esse eius effe-  
 ctum quis non videt? tu ergò ne contradicas,  
 & ruinam non est quòd timeas: ne sis scara-  
 bæus, & interitum non formidabis. Quid est  
 esse scarabæum? Notum est omnibus, scara- Alia simili-  
tudo.  
 bæum delectari stercorebus: dicitur autem e-  
 mori inter rosas positus. Tales sunt quos de-  
 pinximus, qui in sordibus peccatorum vo-  
 lutantur, ideò odorem Christi ferre non pos-  
 sunt. Si enim Apost: de seipso loquitur quòd  
*Christi bonus odor sumus Deo, in iis qui salvi fiunt,* 2. Cor. 2. 15  
*& in iis qui pereunt. Aliis quidem odor mortis in* Ibidem. 16  
*mortem, aliis autem odor vitæ in vitam.* Quanto  
 magis id ipsi Christo competet? Et nota non  
 factorem, sed bonum odorem & mortem,  
 & vitam causare: non quidem per se, sed pro  
 ratione dispositionis. Ita Christus IESVS est  
 POSITVS IN RESURRECTIONEM. Quia  
*omnes homines vult saluos fieri, & ad agnitionem* 1. Tim. 2. 4  
*veritatis venire.* Ipse enim est lux vera quæ illu- Ioa. 1. 9.  
*minat omnem hominem venientem in hunc mundū.*  
 Est etiam POSITVS IN RVINAM: Quia  
 vt alibi ipse de se testatur. *Lux venit in mundum,* Ioa. 3. 19.  
*& dilexerunt homines magis tenebras, quàm lucem:*  
*erant enim eorum mala opera.* Propterea in tene-  
 bris siue infidelitatis, siue malorum operum  
 ambulantes, impegerunt in lapidem offensi-  
 onis, & corruerunt: quæ non lapidis, sed  
 cæcitatis illorum culpa est. Denique POSI-



TVS EST Christus IESVS IN RESVRRECTIONEM, quia ipse omnem nostram salutem operatus est, & omnem nobis resurrectionem, siue primam, siue secundam, siue gratiæ, siue gloriæ commeruit. EST POSITVS etiam IN RVINAM, vt illi, qui ei contradicunt, videant tandem *in quem transfixerunt*, & quem sagittis suis venenatis, siue cogitationum, siue loquutionum, siue etiam operum pessimorum pupugerunt.

V, PARS.

Quantum  
fit istud ma-  
lum.

Neque verò tantum scelus gratis fecerint, (vt ad postremum quòd proposuimus perueniamus) quantò enim maius & acrius est malum, tantò grauior & acerbior erit pœna. Hoc verò malum, quòd malum non continet? Omne equidem; tam culpæ, quàm pœnæ; tam corporale, quàm spirituale; tam temporarium, quàm æternum. In posterioribus. n. verbis omne malum culpæ continetur. Omnes. siquidem qui peccant pro scopo, & SIGNO habent Christum crucifixum, CUI CONTRADICUNT, alii plus, alii minus; nullus tamen non contradicit: ideò omnibus est IESVS IN RVINAM; quo verbo omnia pœnarum genera cõprehenduntur. Hinc Propheta *Væ* comminatur ei, qui *contradicit ficto-ri suo, testa figulo*. Scitis quid faciat figulus, quãdo aliquod vas illi non succedit, quomodo comminuit illud. Et optandum quidem illis foret, vt sic cum eis ageretur, vtque soli simul contererentur, nec aliqua amplius eorum

rū pars superesset, petiit hoc olim Iob (quāvis in alio sensu) dicens: *Quis det vt veniat petitio mea &c. & qui capit ipse me conterat*: at nec ipse id impetrauit, nec illis hoc eueniet. Sed eueniet illis, quòd Lucifero cum dæmonibus eadem de causa accidit, vt & viuant perenniter, & crucientur sine fine crudeliter. Audistis enim non semel decretum illud summæ veritatis ideòque certum, ideò irrefragabile; illud inquam: *Discedite à me maledicti in ignem æternum, qui paratus est diabolo, & Angelis eius*; ac proinde etiam vobis, quos eorum societati adscribo. Vos enim maluistis cum Apostaticis spiritibus potius in me iacula vestra nefaria vibrare, quàm mandatis meis obtemperare; contradicere potius, quàm obedire: abite igitur, & quòd placuit, exequemini in æternum: Cōtradictionem enim extorquebit à vobis, & malitia mentis vestræ obstinæ, & tormenta sine fine permanfura. O iustum præpotentis Dei iudicium; ô deploranda damnatorum calamitas. Deplorate nunc illam obsecro fructuosè, ne post modum nequicquam in æternum plorare cogamini. Cessate siue vita scelerata, siue etiam ore peruerso & impio contradicere piissimo Christo Iesū; vt à saluatore in hac *die salutis* misericordiam & salutem referatis. Job: 6. 9. Mat: 25. 41. 2. Cor: 6. 2.

Quòd vt faciatis, hæc quinque vobis me-  
dia, seu remedia propono. Primum est, cō-  
siderare quanta sit calamitas eorum, qui con-  
siderare  
I. Te esse  
Idololatram.



- tradunt Christo: tanta equidem, vt omnia sint illis in ruinam, & ea quæ complectuntur, & illa quæ odio habent, & quibus delectantur, & quæ refugiunt, & ipse Christus quem sagittant, & sua idola in quorum gratiam ista faciunt. Testimoniorum huius rei plena sunt
- Ex: 34. 12.* diuinarum literarum monumenta. Vnum ex
- Deu: 7. 16.* multis accipe. Sic inquit scriptura de Rege
- Iud: 8. 27.* Iuda scelesto, pugnante cum Rege Siræ: *A-*
- 2. Par: 28.* *chas immolauit Diis Damasci victimas percussori-*
- 23.* *bus suis, & dixit. Dii regum Syria auxiliantur eis,*  
*quos ego placabo hostiis, & aderunt mihi, cum è con-*  
*trario ipsi fuerit ruina ei, & vniuerso Israeli.* At in-
- quis ego Idolis nō immolo, quia Catholicus sum. Immò verò immolas. Potius enim Deo veraci per Apostolū loquēti, quā tibi homi- ni mēdaci credendū est. Nunquid, nō expresse
- Col. 3. 5.* D. Pau: *Auaritiam* vocat *simulacrorum seruitu-*  
*tem*, id est adorationem? Et alibi de epulis, &
- Phil: 3. 19.* luxuriæ deditis inquit. *Quorum Deus venter est.*
- Prou: 16.* Ecce duo peccatorum capita: adde tertium
- 2. Bonis o-* *superbiæ vitæ; de quo sæpè sapiens, & o-*  
*mnia in bo-* *mnia vitia cōprehendes. Agnosce igitur quo-*  
*num cedere* *modo pater mendacii te mendacium do-*  
*ceat, & define illi obedire. Deinde perpen-*  
*de quæso, quomodo è contrario, qui adhæ-*  
*rent Christo, etiamsi aliquando ex infirmi-*  
*tate corruant; tamen hoc ipsum prodest illis*  
*ad celerius & fortius resurgendum. Nam ait*
- Ro: 8. 28.* Apost: *Scimus quoniam diligentibus Deum omnia*  
*cooperantur in bonum.* Quanta diuina bonitas,  
 quanta

quanta piorum felicitas, quibus & R V I N A  
ipsa cedit I N R E S V R R E C T I O N E M. Ad ho-  
rum ergò confortium festina & eorum te  
numero inferre obsecro.

Quam ad rem iuuabit te præterea confi-  
deratio maximi, in quo es periculi, non so-  
lum illius, quòd in æternum durabit, sed eti-  
am huius, quòd illius causa est, & pæna al-  
terius. Qui enim peccata ex infirmitate facta  
paruipendit, habitum paulatim in illis con-  
trahit, ac iusto Dei iudicio dilabitur in illam,  
quam (vt audisti) tantoperè detestatur Ap:  
*Cauteriatam conscientiam*, & in illum, quo in *1. Tim. 4. 2*  
mundo nullus infelicior est status, illum in  
quam statum, vt cadat, & non resurgat am-  
plius. Non quod non possit, sed quod nun-  
quam volet tantam vim sibi inferre, quanta  
ad id requiritur. Ne ergò differas conuersio-  
nem rogo, ne diuorum etiam pro te inter-  
cessiones in cassum recidant, prout Samuelis *1. Reg. 16. 8*  
pro Saule irritæ fuerunt; ne talis cauterii tibi  
nota inuratur, quæ neque in hac, neque in  
illa vita deleatur vnquam.

Sed & illa summæ tuæ vesaniæ considera-  
tio locum apud te habeat velim. Quis enim  
maximæ stultitiæ illum non argueret qui sa-  
gittas collimaret suas in scopum, & certò sci-  
ret, quòd inde sagittæ resiliunt & ipsum met  
sagittantem, petent & occident? (quod fa-  
ctum legimus in monte Gargano miraculo-  
sè) Eiusdem igitur te ipsum argue insipientiæ,  
C 3 qui

3. Pænas his  
& illic.

1. Tim. 4. 2

1. Reg. 16. 8

4. Vesaniam  
extremam.  
A simili.



qui certò nosti, sagittas, quas in SIGNVM hoc, Christum videlicet dominum contradictionibus tuis emittis, illi quidem nihil nocituras, te verò omninò pessundaturas.

9. Exemplū  
memorabi-  
le.

NOTA.

Exhortatio  
ad peniten-  
tiam validā  
ex dictis.

Deniq; pone ante oculos mentis tuæ spectaculum illud crudele, quòd gentiles recensent historici de filiis, qui cadaver mortui parentis sagittis petebant suis (vnde pro legitimo filio agnitus dicitur is, qui tam enorme exequi facinus recusabat) & cogita si id in tua fieret præsentia, quo in illos esses animo? amaro equidem, vt arbitror. Quid si videres eadem viuo patri à filiis fieri, nunquid non maiori etiam ira, & indignatione contra tam crudeles parricidas excandesceres? dubio procul. Quid si hanc idem tibi ipsi viuo, & benè sano, proles tua facere attentaret? quid de filiis tuis tum sentires? quem dolorem internum perciperes? quibus maledictis illos afficeres, quam vindictam meditareris? Hæc igitur omnia tibi præsta, in te ipsū sancto odio excandesce; adhibe contritionem, & dolorem cordis intensissimum, argue & increpa te ipsum sincerissimè: maledic diei illi, qua in parentem inuicem plus quam parentem tuum Christum IESVM viuum & sensibus omnibus integrum scelestas sagittas tuas eiaculari cæpisti: disquire diligenter quomodo, & quoties id perfeceris, exaggera culpam tuā (prout nunquam satis hæc à quoquam dignè exaggerari potest) quòd tantillus contra tantum

tum tanta commiseris, & patraueris scelera; quòd Deo creatori, & conseruatori tuo toties contradixeris: quòd pro scopo, & SIGNO CUI CONTRA DICERES perpetuò IESVM Christum habueris: quòd illum ipsum, qui pro salute tua plagas & vulnera grauissima sustinuit, tu nouis plagis & vulneribus quantum in te fuit, afficere quotidie uolueris. Hæc meditare, hæc in amaritudine animæ tuæ recollige, recollecta integrè sacerdoti confitère, confessa, non solum nolis iterare, sed potiùs cura pro virili tuo, fructibus pænitiæ vindicare & punire. Hac.ñ.ratione dum hic ad huc uiuis, obtinere poteris, vt Christus IESVS non sit tibi IN RVINAM propter iniquitates tuas; sed sit IN RESURRECTIONEM propter merita & bonitatem suam; non sit tibi SIGNVM cui contradicas, sed sit exemplar quòd imiteris: denique non erit tibi lapis offensionis, in quem ruas, vel qui te conterat; sed fiet tibi lapis in caput anguli, vt & anima, & corpus tuum per gratiam, & charitatem illi agglutinata, eo tandem per misericordiam ipsius perueniant, vbi ipse cum Deo Patre in vnitate spiritus sancti uiuit, & regnat Deus in sæcula sæculorum Amen.



EVANGE  
LIVM ET  
VNVM, DE  
VIGINTI  
ARGV-  
MENTA  
CONTRA  
HERETI-  
COS.

Exordium  
A leſtoris &  
Conciona-  
toris officio

# CONCIO SECVNDA

## Fides.

**S**ileſtoris apud vos fungeremur officio, ſiueſtigandū nobis hodie foret, quam ratione illi pseudoprophetæ, qui non iā (vt priores) à Deo immediatè; ſed ab hominibus ordinante Deo miſſos ſe eſſe fingunt, cognoſci poſſint. Cū. n. iis quas in Aduentu habuimus concionibus, primum partitionis membrum abſoluerimus, oſtenderimusque hæreticorum antefignanos, ac Miniſtros, qui ſe à Deo ipſo miſſos aſſerunt, veriſſimos & puriſſimos eſſe pseudoprophetas, cū non ſolum vna, ſed etiam omnibus planè veri prophetæ notis penitèſ careant: ordo doctrinæ (cui inprimis doctor attendere debet) ſuo iure poſcere videbatur, vt aliud diuiſionis membrum iam aggredieremur. Verū prædicatoris munus, quòd hoc in loco gerimus aliud quidpiam à nobis requirit: nèpè vt à præſcripto Euangelii, quòd præmanibus habemus quantum fieri poteſt non diſcedamus. Quemadmodum igitur tunc de miſſione, quæ fit à Deo, egimus; quoniā ea, quæ in Aduentu lecta ſunt Euangelia illā tractationem exigebant: ita cū hodiernum quod audiſtis, nihil minùſ deſideret, quàm cæpta proſequi: æquum eſt vt nos non Euā-  
geli-

gelium nostro instituto servire cogamus, sed potius Euangelio sermonem nostrum accommodemus: hoc verò caput de missione, quæ fit per manus hominum (sanè perutile ac necessarium) ad illud tempus reseruemus, quādo ipsum quod curret Euangelium, huius rei tractandæ occasionem nobis præbuerit.

Quare in hodierna concione non est vobis expectanda, particularis alicuius controuersie discussio, sed contenti eritis, si ea, quæ in hoc Euangelio non pauca fidei Catholicæ dogmata stabiliuntur, obiter delibemus. Delibemus inquam. Nam si omnia pro dignitate excutienda forent: ne plurium quidem horarum spatium ad id præstandum sufficeret. Verbis igitur Euangelii inhærentes, eaq; secundum litteram ponderantes, eos præcipuè inde flosculos decerpemus, qui fidem Christi contra perfidiam hæreticam, tuentur, probant, confirmant. Vnde etiam euidenter patebit, ibi esse veram Ecclesiam, vbi quæ in Euangelio habentur, fideliter creduntur. Tu Christe IESU tribue ita hæc intueri, vt qui non vident, veritatem, videant, qui verò illam vident, in ea confirmentur.

PROPO:

Ex Euangelio flosculi pro fide Catholica seliguntur.

Quod fit in structura palatii materialis, id in ædificatione domus Dei (quo nomine Ecclesiam Apost: vocat) nobis considerandum venit. Quemadmodum enim illud non semper ex magnis lapidibus, sed non rarò etiam ex paruis lateribus benè compactum, firmū, fixumq;

A simili.

1 Tim: 3. 13



fixumque manet: ita fides nostra non ingentibus tantum argumentorum ponderibus, sed minutis etiam auctoritatum, & rationū momentis, ritè, rectèque coagmentata stabilis, & perpetua permanet. Hæc, igitur minuta firmantur in hac concione animo, mēteque attenta expendemus, itaque incipit Euangelista.

Argumenta  
pro fide Ca-  
tho:

I.  
Pro virgini-  
tate Ma-  
tris DEI.  
Occupatio.

*Luc: 2. 48.*

Ioseph pa-  
ter Christi  
putatiuus.

*Luc: 3. 23.*

ERANT IOSEPH ET MARIA MATER  
IESV. Circa quæ verba prius quam contra omnes hæreticos agere incipiamus, occurrit primum argumenti telum Anabaptistas confodiens, qui lingua sua blasphema asserunt Christū Dominum ex Ioseph esse procreatum: contrarium enim hīc audis, Mariam quidem matrem IESV dici, Ioseph autem patrem eius non dici. Nec ignoro; quid respondere soleant, nempe dici id alibi. Nam ipsa Maria mater IESV sic filium alloquitur suum. *Fili quid fecisti nobis sic? ecce pater tuus, & ego dolentes querebamus te.* Erat igitur inquit, Ioseph verus pater ipsius IESV. Minimè verò. Nam idem ipse, qui hoc scripsit Euangelista seipsum interpretatur, non semel, sed iterum, immò & tertio, & ante, & post prolata verba ista. Ante quidem, in eodem capite in hodierno Euangelio, vt audisti, & paulò post iterum addit dixisse Simeonem. ADMARIAM MATREM EIVS. I. Christi. sed multò clarius id declarat in sequenti capite sic inquit: *Et ipse IESVS erat incipiens quasi*

*quasi amorū trīgita vt putabatur filius Ioseph. Quid dici potuit euidentius? Alterum etenim ex duobus concedant necesse est impii hæretici: vel Christum I E S V M è virgine esse natum, quod verissimum est: vel Lucam dicendo, vt putabatur, summa ignominia Christum afficere voluisse, notando istis verbis Christum ex adulterio esse natum: quod impudentissimum est contra Euangelistam mendacium. Quis enim nisi inimicus, de aliquo bonæ famæ viro dicet, iste putatur esse illius filius? Nonne quilibet animaduverteret, eum, qui id diceret, dubitare, vel potius credere talem non esse illius filium, cuius se filium nominaret? Fuit igitur Ioseph pater I E S V opinione, vt dicit scriptura; non fuit in rei veritate, vt contra scripturā mentitur hæreticus. MARIA autem fuit vera M A T E R I E S V, quia ex purissimo ipsius sanguine corpus I E S V formatum fuit, contra alios antiquos hæreticos; qui affirmabant Christū nec Ioseph, nec Mariæ verum filium fuisse. Ita per extrema semper hæretici gradiuntur, veritas autem in medio consistit. Erant igitur Ioseph & Maria:*

*MIRANTES. Cur mirantur? Mirari enim solemus noua, & antea incognita. At qui vt id Iosepho concedamus; quid latere potuit Mariam in cuius vtero nouem mensibus latuit ille, in quo sunt omnes thesauri sapientia, & scientia absconditi? quid ignorare potuit illa.*

II.  
Quod non  
omnia si-  
mul sciatur

Col: 2. 3.



Etiam à  
B. V.

illa, in quam *Spiritus sanctus* superuenit? cui *virtus altissimi obumbravit*? quæ teste Angelo fuit *gratia plena*? quæ multo ante iam audiuerat, multò mirabiliora cùm extrinsecus ab Angelo à pastoribus, à Magis; tum intrinsecus ab in habitante in se Spiritu sancto? Cur ergò dicit Euangelista eam miratam esse? Dicit, quia verè ita se res habuit. Dicit, vt tu confirmeris in fide Catholica, & abomineris summam hæreticorum impudentiã, quorũ mulierculæ asserunt, se omnia nosse, omnia arcana scripture intelligere, nil eas hac in parte latere. O extrema vesania, ad quam pater mendacii, diabolus hos homines impulit. Matrem Dei, virginem sapientissimam quædam latent, ideò audit, miratur, confert in corde suo. Mulier verò seducta à ministris diaboli, fæmina insipientissima, qua die hausit Spiritum aut Lutheranum, aut Calvinianum, aut Anabaptisticum, eadem hora omnia nouit, nihil vult discere, omnes vult docere, sanctos contemnere, doctores irridere, se omnibus præferre? Si hæc mentis cæcitas non est, nulla profectò cæcitas in mûdo erit. Discite hinc dilectissimi Catholici mei, quantum sit diabolo locum dare, discite in quantam dementiam superbia hominem præcipitet: Et vt humiles humillimę virginis matris Mariæ imitatores decet, discite potius mirari, & in corde vestro conferre diuina, quàm superbè de vobis sentire, & alios docere

docere velle. Denique illud omnes discite, quod vos Catholica & Apostolica docet Ecclesia, nimirum neque via ordinaria, neque extraordinaria, neque priuato cuiquam, neque in vniuersum toti Ecclesiae, omnia secrata & mysteria à Deo simul & semel (quod dicitur) reuelari. Vult. ñ. Christus Dominus omnes, etiam ipsam sponsam suam Ecclesiam, paulatim in scientia proficere: prout voluit parentem suam quædam ab aliis seorsim discere: licet per ipsam vicissim voluerit tum alios; tum ipsos etiam Apostolos, & Euangelistas in multis instruere; præsertim verò hunc, à quo hodiernum Euangelium est cõscriptum. Mirantur itaque parentes Christi, & mirantur.

Etiam ab  
Ecclesia.

SVPER HIS QVAE DICEBANTVR  
tam à Simeone, quam ab aliis.

DE ILLO. De Christo videlicet. Neque verò nunc inchoant, sed continuant admirationem suam parentes IESV. Quod si illi faciunt, quid nos eos imitando agere decet? Verum hac de re erit nobis integra concio instituenda. Nunc iuxta hodierni instituti nostri rationem sufficiat nobis cum sancta matre nostra Ecclesia mirari, venerari, exoculari sanctos patres: quorum aliqui in solitudine, & speluncis; aliqui in claustris, & monasteriis, in contemplatione diuinorum mysteriorum totam vitam suam consumpserunt: neque desunt etiam nunc tantæ virtutis exempla.

III.  
Quod statim  
contem-  
platiuorum  
sit honoran-  
dus.



mulatores, quos infensissimi sanctimoniam  
 & pietatis impugnatores more suo omnibus  
 maledictis; omnibus mendaciis infectantur.  
 Alii. n. fuisse illos in rerum natura negant, alii  
 quæ sanctissimè, & innocentissimè ab illis  
 gesta tota mirata est antiquitas, aut impo-  
 situram, & hypocrisim; aut dæmonum præ-  
 stigias fuisse asserunt: alii denique vbi quæsi-  
 ta sceleri affingendo non succelsit via, hære-  
 ticum attollunt cachinnum, & iam per ludi-  
 brium Panas, Faunos, iam per maledicenti-  
 am feras agrestes belluis potius quàm homi-  
 nibus similes; iam homines otiosos, naturæ  
 monstra, contrario naturæ modo viuentes,  
 homines fanaticos; iam aliis his etiam dete-  
 rioribus compellant nominibus. Misera &  
 deploranda ventris mancipia, *quorum* iuxta  
*Phil. 3. 19.* Apostolum *Deus venter est*, non aliter, quàm  
 iuxta Dei sui mentem de omnibus iudicant;  
 ideòque impossibile esse censent, præstare  
 ea, quæ Deus illorum venter auersatur. Nos  
 verò Catholici mei dilectissimi exultemus  
 in domino, ac diuinæ ipsius bonitati gratias  
 quas possumus agamus maximas; qui in ea  
 nos collocavit hominum congregatione, in  
 qua certum fixumque est, eos, qui hoc mo-  
 do viuunt, sanctè, & laudabiliter viuere, ac  
 sanctissimos parentes Christi, & ipsum I E-  
 S V M pro viribus imitari. Vnde non solum  
 admiremur, & veneremur cælestem eorū cō-  
 uersationem; sed etiam propositum nobis  
 exem-

exemplum seſtemur ſinguli ſecundum voca-  
 tionem noſtram, alii plus, alii minus; omnes  
 tamen aliqua tenus ſaltem nonnunquã cum  
 Chriſto *pernoſtando in orationibus*. Sed iam vi- *Luc. 6. 12.*  
 deamus quidnam fuerit dictum de Chriſto,  
 quod parentes ipſius demirabantur. Inter a-  
 lia hoc quoque, vt arbitror, quod.

ET BENEDIXIT ILLIS SIMEON. Quod *Benedicere*  
 ſi tantum de parentibus I E S V intelligatur, *quomodo*  
 non habet tantam difficultatem; præſertim *hic ſumatur*  
 ſi (cum non paucis Græcis & Latinis doctori-  
 bus) ſentiamus, Simeonem fuiſſe Sacerdo-  
 tem. Nam quod dicit Apoſtolus: *Sine vlla* *Heb. 7. 7.*  
*autem contradictione quod minus eſt, à meliore be-*  
*nedicitur*, licet difficultatem parere poſſet,  
 ratione ſanctitatis, in Beatiffima virgine Ma-  
 ria, quam ſanctiorem Simeone fuiſſe, nemo  
 pius dubitauerit: tamẽ ratione officii, & Sa-  
 cerdotii maior fuit Simeon. Quod ſi iſtam  
 benedictionem extendamus etiam in ipſum  
 Chriſtum Dominum; tunc dicendum erit,  
 per benedictionem hîc intelligi, gratulatio-  
 nem, laudationem, fauſtam ominationem,  
 & his ſimilia.

In ſcriptura enim ſacra variẽ ſumitur bene- *Benedictio*  
 dictionis vocabulum. Et ſiquidem benedi- *varia in ſcri*  
 ctio fit ab ipſo Deo, ſemper fert ſecum do- *ptura.*  
 num aliquod, ſiue quod ad corpus pertin- *IIII.*  
 gat, ſiue quod ad Spiritum, ſiue temporale, *Quod Dei*  
 ſiue æternum. Non credunt iſta, qui nihil *benedictio*  
 ritẽ credunt, hæretici, cùm propter alia; *ſemper deo*  
 tum *aliquid.*



tum ob suam imputatiuam iustitiam, & Eu-  
charistiam. At credit vniuersalis per totum  
terrarum orbem corpore dispersa, & Spiritu  
congregata Ecclesia. Fidei autem Ecclesiæ  
tota adstipulatur scriptura. Adferamus pro  
consolatione Catholicorum aliquot ex mul-  
tis exempla. *Benedixit Deus* in ipsa creatione  
primùm piscibus maris; deinde homini; &  
ait: *Crescite, & multiplicamini*. Quam benedi-  
ctionem mox donum, & potestas est subse-  
quuta procreandi sibi simile; quæ manet in  
hunc diem, & quam diu vniuersum hoc ste-  
terit, permanebit. Eandem benedictionem  
Deus repetit Noë, & filiis eius: Abrahamo  
verò quoties vel benedixit, vel benedictio-  
nem pollicetur, toties donum vel datum,  
vel promissum est aliquod. Duo exempla  
sufficiant: Alterum temporale: ita. n. de Sa-  
ra loquitur Deus Abrahamo. *Et benedicam ei,  
& ex illa dabo tibi filium*. Videtis quomodo i-  
psè Deus interpretatur quid sit benedictio  
diuina? Alterum est spirituale aliquoties re-  
petitum, videlicet quod in Abrahamo *bene-  
dicendæ essent omnes nationes terræ*. Hoc verò a-  
bundè factum est, & fit per Christum Abra-  
hæ filium, cum quo pater æternus, teste A-  
postolo *omnia nobis donauit*. Simili ratione in  
nouo testamento Christus Deus benedixit  
panibus, & piscibus paucis, & ecce sufficiunt  
ad saturanda aliquot hominum millia. Ma-  
gna equidem vis & magnum donum hic be-  
nedi-

nedictionem diuinam consequitur. Sed longè maius illud, quando accepit *IESVS* panem, *Mat: 26.* & benedixit, ac per benedictionem panem illum in corpus suum conuertit; quod ipse testatur dicens: *Accipite & comedite, hoc est corpus meum.* Quod Christi testimonium cum non recipiant hæretici, nobis veris Christianis, tantò maiori cum fide, & ardore est suscipiendum, & laudanda bonitas diuina, qui sensus mentis nostræ illustrat, & illuminat; vt sciamus, & credamus diuinam benedictionem nunquam vacuam ad nos venire. Hominum id est proprium sine dono vllò benedicere alicui; quia non semper possunt quod volunt: at Deus potest omnia. Nihilominus legimus in scriptura hominum etiam quasdā benedictiones cum dono coniunctas fuisse; immò ipsa dona sic vocari. Ita. n̄ Abigail dona deferens, Dauidem alloquitur: *Suscipe benedictionum hanc, quam attulit ancilla tua tibi.* Ita *1. Reg: 25.* *27.* Ita Iacob Patriarcha dona, quæ Esau fratri suo miserat, benedictionem vocat. Ita Axa à Caleph patre suo benedictionem petit; quam statim interpretatur dicens: *Terram australem & arenam dedisti mihi, iunge & irriguam.* Quanta ergo est vesania, negare id Deo, quod concedis non rarò homini? Stat igitur Catholicorum sententia; benedictionem hominum nonnunquam; Dei verò semper cum dono aliquo coniunctam esse.

De benedictionibus autem sacerdotum  
D quid

Hominum  
non semper

*Ge: 33. 11.*

*Ios: 15. 19.*

v.



Quod bene-  
dictio sacer-  
dotum non  
sit frustra-  
nea-

8. Reg: 13.  
33.

Differentia  
inter bene-  
dictionem  
vet: & no:  
legis.

quid dicemus? Dicemus pulchrum quid pro  
consolatione Catholicorum, confusione ve-  
rò (vel conuersione potius) hæreticorum.  
Hi enim fortiter negant benedictionem sa-  
cerdotum quicquam conferre nobis. Quod  
si de Ministris suis intelligunt; non inficia-  
mur. Quid. n. illis conferant fex, & (vt scri-  
pturæ verbis utar) *noūissimū populi* quorum de  
numero, vt plurimum creantur; sicut olim  
Ministri Idolorum? Quomodo autem dabit  
quis, quod ipse non habet? Vnde enim ha-  
beat. Tota potestas Ministrorum à magistra-  
tu, vel promiscua plebe, qui illos sicut alios  
officiales, sæculares eligunt & creant, deri-  
uatur: plebs verò quam potestatem spiritua-  
lem potest cuiquam conferre? O quàm robu-  
stus est hic aries, & in hæreticos, & in pseu-  
dopoliticos, qui talia ab eis hauserūt, sed de  
hoc alias copiosius pertractandū erit: nūc suf-  
ficiat scire verissimum quidem esse, Ministros  
hæreticorum nihil suis conferre præter bap-  
tisma, si ritè fiat, Sed illud omninò à veritate  
alienum, veros sacerdotes cū in naturæ le-  
ge; tum in veteri testamento, multòque am-  
plius in nouo nihil benedictione sua confer-  
re solitos. Conferebant. n. aliquid, & con-  
ferunt; diuersa tamen ratione. Nam sacerdo-  
tes legis naturæ, & vet: testa: id faciebant  
tantum per orationem & precationem quā-  
dam, per quam iis, quos benedicebant ali-  
quid à Deo impetrabant. Quod ipsum quo-  
que

que Pharaonem (licet Idololatrā) non latuit. Sic. n. ille ad Moysem, & Aaronem. *Surgite & egredimini &c. & abeuntes benedicite mihi:* *Ex: 12:31. Ibidem. 32* id est benedictione vstra impetrate mihi, vt auferantur à me plagæ istæ. In nouo verò testamento, præter impetrationem habent aliquid amplius sacerdotes præsertim in sacramentis. Concurrunt. n. vt instrumenta quædam, per quæ Christus dat nobis gratias, & dona sua. Neque. n. mentitur qui dedit eis hanc potestatem dicens: *Quorum remisieritis peccata, remittuntur eis.* *Ioa: 20.23* Remissio autem peccatorū cum gratia, & dono fit diuino: ad quod præstandum concurrunt sacerdotes noui testamenti. Et ex hac vna potestate de aliis iudicium esto. De aliis inquam, quæ ex hisce deriuantur principiis. Hæc. n. vt dixi delibare tantum placuit, vt sint multarum, quæ suis temporibus tractandæ erunt, controuersiarum quasi semina. Consolatio est, ista singularis Catholicorum, qui talem potestatem in Ecclesia & esse credunt, & ea dum vtuntur, gratiæ diuinæ participes efficiuntur: sed iam ad Euangelium redeamus.

ET DIXIT, nempe Simeon, partim benedicendo, partim prophetando. Cui verò dicit? Respondet Euangelista.

AD MARIAM MATREM EIVS. Cur ad matrem? Tribus, vt reor, inter alias, de causis. Primò, quia ipsa sola verè parens, ideo neque hic iam secundò, patris facit mentio-

Cur matrē  
alloquitur  
Simeon.



nem. Deinde, quia illam solam concernunt quædam, quæ hic dicuntur. Postremo, quia ipsa magis intelligens: non solum enim au-  
*Luc. 2. 19.* diebat; quæ dicebantur de IESU, sed & *con-*  
*1. Cor. 2. 6.* *servabat omnia conferens in corde suo;* iccirco per-  
 fecta, ac virgo sapiens & dicebatur, & erat.  
*Sapientiam autem loquimur inter perfectos:* ait A-  
 postolus. Imiteris tu quoque matrem Dei  
 diuina meditando pro virili tuo, & audies  
 mirabilia non à Simeone, sed à Domino Si-  
 meonis. Verum quid tandem siue benedi-  
 cendo prophetat, siue prophetando bene-  
 dicat, audiamus.

VI.  
 Quod bene-  
 dictio non  
 in sola fide  
 consistat.

ECCE POSITVS EST HIC IN RU-  
 INAM, inquit. Admirandum sanè benedicti-  
 onis exordium. Cum. ñ. quispiam alteri be-  
 nedicit, fausta & felicia illi precari consue-  
 uit: hic verò audis contrarium. Quid. ñ. in-  
 faustum magis; quam ruina? ruina. ñ. omnè  
 infelicitatem in se includit: Siue. ñ. quis stā-  
 do labatur, siue stare videatur & non stat, si-  
 ue profundius etiam mergatur semper ruere  
 dicitur, omnibus autem istis modis Chri-  
 stus est in ruinam. Quæ est igitur hæc benedi-  
 ctio, tam acerbi casus prædictio? Neque ve-  
 rò hic sistit Simeon. Nam insuper prophe-  
 tat, tum de signo contradictionis: tum de a-  
 nima eius, quam alloquitur, transuerberan-  
 da gladio: quæ utiq; acerba sunt nimis: quo-  
 modo ergò ad benedictionem pertinent ista?  
 Pertinent eo modo, quo medicina amara  
 spectat

spectat ad sanitatem, vt scias, ô Christiane, benedictionem Christiani hominis, non in prosperis tantum, sed in aduersis etiam consistere: immò in his longè perfectius, si patienter tollerentur. Audi Apostolum tales benedictiones non acceptantem solum, sed etiam in iis gloriantem: ait enim: *Non solum autem, sed & gloriamur in tribulationibus.* Quid causæ: quis fructus? Subdit. *Scientes quoniam tribulatio patientiam operatur, patientia autem probationem, probatio verò spem, spes autem non confundit; quia charitas Dei diffusa est in cordibus nostris.* Admiranda profectò, & amplectenda catena, in qua tribulationi charitas Dei adnectitur, in sola verò charitate solida consistit benedictio. Hanc igitur amplectamur dilectissimi: & obturemus aures nostras ad earum Syrenum cantus, quæ in sola fide salutem, & benedictionem diuinam consistere fabulantur.

*Ro: 5. 5.*

Cæterum cum hæc Simeonis benedictio integra, quasi concione à nobis excussa fuerit, ideò ea tantum hic tangemus, quæ ad confirmandam fidem Catholicâ pertinent. Quorum illud non est postremum, quod in hoc Evangelio pluribus demonstratur argumentis, sacram scripturam esse difficilem, quæ quidē veritas Catholica, licet alias in vniuersali à nobis probata fuerit, tamen vt promissis ibidem factis satisfaciamus, hoc ipsum in particulari nobis, & ex hoc loco, & ex aliis Evangelio-

VII.

Quod sacra scriptura sit difficilis.

*Domini: ca I. Adæ Conc: 2.*



uangelis accepta occasione præstandum erit. In hoc certe Euangelio habentur viginti circiter huius rei argumenta, & difficultates tales in quibus explicandis multa tum doctrina, tum sanctitate excellentissima ingenia non parum desudarunt. Nos & præcedenti, & præsentī concione, pleraque iam attigimus: nunc reliqua prosequamur. Et illud quidem quod subiungitur.

ET IN RESURRECTIONEM, MULTORVM IN ISRAEL, difficultatem non habet, sed habet consolationē: per Israel enim hoc loco non Iudæos tantum, & *Israel secundum carnem*, sed omnes penitus qui saluantur, siue ex Iudæis, siue ex Gentilibus intelligit. *1. Cor: 10. 18.* *Ro: 9. 6.* Non n. omnes qui ex Israel sunt ii sunt Israelitæ, ait Apostolus: sed omnes qui credunt in Christū, illi sunt veri Israelitæ; & his solis Christus est IN RESURRECTIONEM. Satagite dilectissimi, vt omnes ex eorum numero reperiamini. Habet autem difficultatē quod sequitur.

VIII.  
Quod Christus sit in signum cōtradictionis hæreticis.

ET IN SIGNVM CVI CONTRADICET VR: quæ tamen in præterita concione subla-  
ta est: Ideo hic nihil aliud restat, quàm (præter dicta) ostendere, quomodo Christus dominus fuerit, & sit in signum contradictionis hæreticis. Ita sane (quod stupendum est planē) vt nihil sit in Christo siue naturam ipsius vtramque spectes, siue actiones consideres, siue corpus eius mysticum intuearis, siue in spon-

sponsam eiusdem, siue in sacramenta, siue in ordinem admirandum in Ecclesia ab eo constitutum mentem & oculos coniicias; nihil inquam est, quod hæretici cum antiqui, tum moderni iaculis non impetuerint suis. Alii <sup>Nota quam stupende Christi & Ecclesiam dilacerans,</sup> diuinitate illum spoliant; alii huminitate, alii animam illum habuisse negant, alii voluntate humana, alii ipso etiam corpore carere eum asserunt. Alii contradicunt eius conceptioni, ex Ioseph conceptum blasphemantes, vt Anabaptistæ. Alii natiuitati, non ex virgine esse natum asserentes, vt Petrus Martyr, & Beza: alii passi oni, diros illum cruciatus inferni in cruce passum asseuerantes, vt Calvinus: alii descensui ad inferos, quæ non credunt: vt idem Calvinus cum suis, alii ascensui ad cælos, vt Vbiquistæ: alii præsentia ipsius in Eucharistia, vt omnes sacramentarii: alii sacramentis ab eo institutis, vt Lutherani, & omnes reliqui: quorum tot singuli sacramenta sibi constituunt, quot cuiusuis capiti placent. Omnes verò ordinem à Christo in Ecclesia sua constitutum funditus euertunt, sanctos cum ipso regnantes honore, & inuocatione spoliant, animas in purgatorio constitutas orationibus, & auxiliis priuant. Omnia denique membra Christi fædè contaminant, & crudeliter dilacerant. Verum quis omnia iacula quibus hoc SIGNVM ab iis petitur enumerabit? quis blasphemias, quibus ei CONTRADICITVR recensabit? quis



denique omnes sectas quibus Christus, & Ecclesia sua scinditur vel cogitatione assequatur? Cum noua & recentia monstra in singulos dies ex hac Hydra pullulent tantò fœdiora, quantò posteriora. Iam non desunt qui sanguine Christi nos redemptos esse negant; qui animam cum corpore interire asserunt, qui omnia sacramenta reiiciunt, primitiue tantum Ecclesię symbola fuisse asseuerantes. Sed piget, pudetque plura recensere.

IX:  
Quod signū  
crucis im-  
pie insecten-  
tur hæretici

Vnum illud addamus, in quo omnes conueniunt, vt crucem Christi insectentur, & non linguis duntaxat, & ore; sed etiam manibus in illam sacrilega iacula torqueant, eiq; contradicant. Quæ impietas adeò sanè evidens est, vt etiam pueri faciliè inde colligere possint, quo illi spiritu agitentur, qui cum Iudæis, & Ethnicis hac in parte conueniunt, immò sacrilegio & perfidia longè etiam eos superant, tum quòd Christianos se esse dicāt, & Christum insectentur: tum quòd crudeliora etiam, quàm illi suæ impietatis monumenta edant. Plures enim crucis & crucifixi imagines ab hæreticis confossas, globis traiectas, comminutas reperiēs, quàm à Iudæis, vel Gentilibus: vt omnes ad vnum cognoscant, esse illos non qualescunque, sed *Phil: 3. 18* omnium planè acerrimos inimicos crucis Christi: quo improprio maius quid reperire non potuit Apostolus. Utinam aliquando tandē hanc horribilem animi cæcitatem abstergant ab ocu-

ab oculis mentis suæ, & cessent tam impudenter, & euidenter contradicere Christo.

At inquit non Christum nos, sed Idola, <sup>Soluitur obiectio.</sup> quæ vos vobis, ô Papistæ, & fingitis, & adoratis, persequimur. Ad hæc ego respondeo: si nos, ô amici, hostis alicuius, & inimici Christi domini imagines formaremus, <sup>A simili seu exemplo.</sup> vel signa, sigillaue ipsius honoraremus, rectè id diceretis: at cum secus se rem habere sciat, nonne aperte ostenditis, vos illum odio habere, cuius signa conculcatis? Quis unquam vel audiuit, vel legit factum ab orbe condito, vt is, qui alterum amat, eius siue imaginem, siue sigillum aliqua affecerit contemptus, aut ignominie nota? Nonne eo ipso indicio, quo tu Regis vel imaginem fædas, vel sigillum rumpis, declaras te Regem odio prolequi?

Humana, aiunt, hæc sunt exempla, quæ <sup>Item alia.</sup> ad diuina non sunt trahenda. <sup>NOTA.</sup> Obstupescit sane impietatem & peruersitatem istorum hominum. Si nos aliquid paulò altius de Deo, & diuinis rebus loquimur: statim philosophos esse nos, & talia ad Deum trahenda non esse, inclamant: Contra si nos, Christum imitando, ad similitudines, vel exempla demittimus: eandem nobis cantilenam occurrunt. Quæ fraus cacadæmonis dolo isto est euidentior? Immo verò, ô hæretici, ideò Deus factus est homo, vt & ipse humano modo nobiscum conuersaretur, quod & fecit; &



nos ad idem sibi præstandum incitaret, quod libenter suscepit: & etiam nunc amplectitur libentissimè. Itaque sicut olim non solum permisit, sed etiam gratum habuit, quòd *Luc: 7. 38.* Magdalenæ pedes eius lacrymis rigauerit, & capillis terferit: quòd leprosus genua coram *Mar: 1. 40* eo flexerit: quod itidem adolescens & alii fecerunt, quòd Archisynagus prociderit ad pedes eius; quòd cæcus natus, oculis ab illo receptis, *Mar: 5. 22.* *procidens adorauerit eum;* quòd Apostoli super asinum, cui insidebat vestimenta *Mar: 10. 17.* sua strauerint: quòd turbæ præcedētes Christum triumphantem ramos de arboribus cæderint, vestes suas ante illum proiecerint: *Mat: 21. 7.* quòd alii alia honoris illi præstiterint officia: *Mar: 11. 3.* sicut, inquam, hæc, & alia, quæ nunquam præcipiebat, chara tamen olim habuit; ita nunc & imagines, & cruces; & cæremonias varias, & reliqua cordis amore illius fragrantis indicia libentissimo suscipit animo. Habeas ô Christiane, & qui verus esse vis Christianus, hanc certam & infallibilem regulam: Quicquid homo homini secundum rectam rationem præstat siue obsequii, siue officii, siue honoris causa; illud ipsum si tu corde puro & sincero præstiteris Christo, *I E S V M* non solum suscepturum id libenter, sed & liberaliter remuneraturum. Consolamini in verbo isto dilectissimi, & opere exequimini. Nos verò alia prosequamur. Pergit igitur Simeon, & dicit ad Mariam matrem *I E S V.*

E R T V.

NOTA.  
Regulam  
Christi ho  
norandi.

ET TVAM IPSIVS ANIMAM PER-  
TRANSIBIT GLADIVS. Cuius dicti ex-  
positionem huc retulimus. Habet n̄. varias  
difficultates: tum ratione connexionis: tum  
quid per animam, quid per gladium intelli-  
gatur. Et connexio quidem cum superiori-  
bus hæc est, prophetauit Christum Domi-  
num ponendum IN SIGNVM CVI CON-  
TRADICETVR: quod quoniam cum alias,  
tum verò pendente illo in cruce futurū præ-  
uidit Simeon; ideò statim subiungit; quo in  
statu tum temporis ipsa quoque, quam allo-  
quebatur, virgo futura esset: nempe in tan-  
tis angustiis illam futuram, in quantis esset  
is, cuius cor gladio, seu lancea (lancea. n̄. Anima  
quid significet.  
Psal. 104.  
18.  
ATON  
Ge. 35. 12.  
lume



*Ps: 56. 5.*  
Gladius  
quid.

simè in scriptura: vel prototo composito. Nam cum aliàs; tum verò in passione filii sui, Beatissima mater Dei & animæ & corporis tantos sensit dolores; vt nisi à diuina fuisset confortata omnipotentia, anima ipsius, vt Rachelis, corpus eius deleruisset, sicque vita priuata fuisset. Gladius verò clarū est, quòd hīc metaphoricè accipiatur; idque dupliciter: tum pro gladio linguæ, vt in illo psalmi: *lingua eorum gladius acutus*: & non raro aliàs: tum pro ingenti afflictione. Nam non solum dolores maximi, quos Christus dominus ipsa inspectante sustinuit, sed multò etiam magis blasphemix Iudæorum, quas audiuit, virginis cor ex magna erga filium suum compassione penetrabant.

X.  
Quòd com-  
pati Christo  
sit laudabile

Ad hāc ipsam compassionem adhortatur, nos mater nostra Ecclesia sancta: Christi vulnera pro salute nostra in cruce suscepta nobis frequenter ob oculos ponendo, ac dolorem sanctum ex illorum consideratione in nobis excitando. Cui qui obediunt (prout omnes Catholici faciunt) veri sunt matris Dei imitatores, veri sponsæ Christi filii: hæretici verò qui hæc insectantur, & matris, & sponsæ, & filii Dei hostes sunt acerrimi: dicant quicquid velint, prætendant quam velint excusationem, inculcent lætandum esse de tot, quæ Christus Dominus nobis passione sua promeruit, bonis. Lætandum sanè de bonis, at condolendū de pœnis: ad instar probi

NOTA.  
Obiectionis  
solutionem

filii qui lætatur quidem de bonis sibi à patre relictis: at tristatur de morte chari parentis, <sup>A simili.</sup> si pius ipse est. Quod si cognouerit parentem & ignominiosam mortem obiisse, eamque nonnisi ipsius causa sustinuisse; tum verò id fert multò etiam acerbius: idem ergò vt nos faciamus monet Ecclesia, suadet ratio, cogit ipsum pondus naturæ filialis. Inde enim cognoscitur quis legitimus, quis verò illegitimus sit patris filius. Quam ad rem pulchrè quadrant quæ in Euangelio sequuntur.

Compassio  
monstrat le-  
gitimū fi-  
lium.

VT REVELENTVR EX MULTIS COR-  
DIBVS COGITATIONES. Tribulatio-  
nes enim quæ obueniunt amico nostro, vel  
obuenturæ putantur, produnt, quo simus  
erga illum animo; & an veri ipsius siue ami-  
ci, siue etiam filii simus. Nota est illa siue hi-  
storia, siue apologus, quem iam commemo-  
rauimus de filiis tela iacentibus in cadauer  
parētis vita functi: quomodo eo ipso, quòd  
vnus emittere sagittam noluerit, iudicatus  
fuerit pro legitimo filio. Verùm authentica  
magis est historia de iudicio Salomonis, qui <sup>3 Reg: 3. 26</sup>  
per hanc virtutem COMPASSIONIS agno-  
uit, & omnes qui præsentes aderant agnosce-  
refecit, quæ nam fuerit vera mater infantis  
superstitis. Pari omninò ratione COMPAS-  
SIO monstrat, immò demonstrat, qui sint  
veri filii Christi Domini, illine qui de ipsius  
ærumnis lætantur, cò quòd inde fructum  
retulerint: an verò ii, qui piissimo parenti  
pro-



propter ipsos grauissimas pœnas sustinenti, quàm maximè possunt, compatiuntur, & condolent: de bonis verò relictis gratias agunt, eisquè vt par est vtuntur. Hæc pro consolatione Catholicorum contra hæreticos, & Erasinum dicta sufficiant.

Iam quæ restant prosequamur. Vbi illud imprimis occurrit, quod in alia concione insinuaturn est. Antiquos hæc verba verbis quæ immediatè præcedunt iungere: quod tamen faciunt diuersimodè. Nam Hilarius & Ambrosius magis piè id præstant, quàm Origenes, Chrysostomus, Theophylactus, & cæteri. Hi. ñ. affirmant; eo tempore quo Mariæ morienti filio astantis gladius doloris animam penetrauit, in corde ipsius virginis reuelatam fuisse cogitationem, & tentationem, an Christus, qui talia patiebatur, ve-

XI.  
Quod proprium sequi  
iudicium sit  
periculosum.

ruse esset Deus, cùm Deus pati non possit. Sed hæc opinio meritò ab Ecclesia recepta non fuit: tum quòd nunquam quicquam, quod speciem peccati haberet, in mente virginis sanctissimæ, latuisse credendum sit: tū quòd verbis scripturæ sacræ apertè repugnet. Non. ñ. de sola virgine, sed de multis loquitur Simeon; & asserit EX MULTIS COR-  
DIBVS COGITATIONES reuelandas, hæc verò Mariæ cogitatio, quæ fingitur, non ex corde reuelata fuit; sed in mente abscondita latuit. Quod vero dicimus, expositionem istam fuisse explosam, id mirificè & solatur

Catho-

Catholicos, & hæreticos confundit: Catholici. n. propriis non fidentes ingeniis (licet sæpe excellentissimis) & sua omnia censuræ Ecclesiæ submittunt, & receptam ab Ecclesiâ expositionem scripturæ sequuntur. Hæretici verò ita suis somniis inhærent, vt nec à quoquam iudicari velint, nec permittere, vt quis de illorum expositione dubitet, etiam si in ea toti antiquitati repugnent. O superbia planè diabolica. Sanctissimi viri, qualis fuit Chrysostomus, & antiquissimi pariterque supra modum doctissimi qualis Origenes, interdum labuntur in suis expositionibus; homunciones herinati, malè edocti, nil sanctitatis, multum impietatis habentes, interpretationes suas anti faciunt, vt illis potius fidem adhiberi velint, quàm etiam ipsius scripturæ verbis clavis & apertis; qualia sunt, *Hoc est corpus meum*: & alia his similia infinita. Quis cordatus, immò mente non captus ferat ista? Non sunt igitur verba hæc ita, vt ea Græci accipiunt, intelligenda: sed si quis illa cum prioribus continuare voluerit, erunt cum D. Ambrosio & Hilario pie interpretanda: quorum tamen expositio omittitur: tūne longiores simus; tum quia sequens opinio magis nobis placet.

Itaque alii verbis illis, ET IN SIGNVM CUI CONTRADICETVR, hæc VT REVELENTVR &c. coniungunt, eritque sensus multò clarior. Quemadmodum. n. dum  
Chri-



Christus in cruce pendebat, & summas contradictiones sustinebat, reuelatum fuit, quis sincero erga illum animo fuerit, ita nunc & passio ipsius, & tribulationes, quibus nos affligit, plurimorum cordium secreta reuelat; quorundam quidem in malum; tam eorum, qui cruce eius scandalizantur, quam illorum, qui in tribulationibus illum deserunt: aliorum verò in bonum, nempe eorum, qui & patienti compatiuntur, & crucem sibi impositam libenter post illum ferunt.

Quomodo  
reuelentur  
cogitationes.

Simili declaratur.

Dicuntur autem EX CORDIBVS COGITATIONES reuelari, non respectu Dei, cui omnia patent antequam fiant; sed respectu nostri, & aliorum; vt nobis appareant, quæ occulta fuerunt. Facit. n. Deus, quod periti facere consueuerunt siue medici, siue chirurgi, qui ad explorandum, an aliquid virulenti putoris in corpore lateat, malagma parti suspectæ applicant; quod eam corporis partem, si sana sit, corroboret; si verò modicum quid viciati in se humoris contineat, illud dissoluat; si denique pestiferum in corpore latens inuenerit virus, illud ad extimas eliciat partes, vt omnibus reddatur conspicuum: ita facit Deus animarum nostrarum solertissimus medicus.

Christi Malagma.

Malagma hoc spirituale non est aliud, quam ipse Christus IESVS filius Dei, qui à patre suo æterno POSITVS EST VT REVELENTUR EX MULTIS CORDIBVS  
COGI-

COGITATIONES. Primum quidem Iudæorum, postea verò Gentilium, denique illorum etiam omnium, qui Christiano censentur & gaudent nomine. Et cum Iudæis <sup>Iudæis</sup> quidem quid actum fuerit, iam diximus. Expletum. n. est in eis, quod in hac prophetia Simeonis audis, & quod ipse saluator notavit in parabola de *patresfamilias*, qui ad a- <sup>Mat: 21.</sup> gricolas ( quibus suam locauerat vineam ) <sup>38.</sup> *misit filium suum dicens: verebuntur filium meum.* Fecerunt. n. hoc aliqui, & non solum reuerenter susceperunt filium Dei, sed etiam in eum crediderunt. Verum paucitales fuerunt; plures certè *apprehensum eum eiecerunt extra vineam, & occiderunt.* Idem deinde Gentilibus <sup>Gentilibus</sup> euenit. Anunciatus est enim illis Christus pro salute eorum crucifixus; prædicata est resurrectio, & iudicium extremum. Quid illi? *quidam quidem irridebant* (ait scriptura) *quidam* <sup>Act: 17. 32</sup> *verò crediderunt: illi videlicet quorum Deus a-* <sup>Act: 16. 14</sup> *peruit cor.* Quorundam autem virulentum, quod in corde latuit, venenum, ita erupit, ut tam Apostolos, quam alios, qui hoc malagma illis applicabant, persequerentur, & crudeliter trucidarent. Demum hoc ipsum quoq; fieri videmus, non solum in Iudæis, & Ethnicis, sed etiam in illis, qui se à Christo Christianos vocant. <sup>Hæreticis</sup> Prædicatur etenim per totum terrarum orbem Christus crucifixus: prædicatur quòd non aliter, quam *per multas tribu-* <sup>Act: 14. 21</sup> *lationes oporteat nos intrare in regnum Dei; præ-*  

E dicatur



Pseudopolyticis.

Catholicis impiis.

Piis omnibus.

dicatur & applicatur hoc malagma efficacissimum mentibus omnium hominum. Quænam verò ad medicinæ huius præsentiam REVELANTVR EX MVLTIS CORDIBVS COGITATIONES? hæc videlicet. Alii in vnum, vel alterum mundi angulum inclusi, de fide Christi, & religione eius per totum orbem promulgata & recepta ita iudicant; vt qui eorum iudiciis acquiescere nolunt, eos inauditis affectos tormentis crudeliter mactant: Alii ne capitis aut fortunarum suarum aliquod subeant periculum, fidem Christi eiurant: Alii qui se etiam Catholicos vocitant, nouam & Christo crucifixo inuisam Politiam inuehunt; alii dum bene est illis, pii esse videntur, at tribulatione adueniente vlcus putidum erumpit in cutem: alii contra dū pauperes sunt & afflicti, obsequentes se, deuotosque præbent, ditiores verò facti, luxuriæ, ebrietati, aliisque vitiis sese tradentes, vitam crucifixi vitâ suâ irrident; alii ne humanam gratiam perdant, perdunt, quam iam pridem nihili faciebant, diuinam. In horum omnium cordibus iam pridem virulentum pus impietatis latuit, quod tandē hoc malagmate irritatum, in oculos omnium erupit, sunt nihilominus, erantque semper aliqui, licet rariores, quorum animis medicina hæc sanctissima applicata, si quid in eorum cordibus imperfectionis latuit, illud decoxit, sanosque eos reddidit; rarissimi verò, quorū

Ex

EXCORDIBVS COGITATIONES Sanctissimæ, quæ occultabantur, prodierunt, & prodeunt in publicum: tales fuerunt animæ istæ bonæ, & sanctæ, quarum in Euangelio fit mentio: tales postea erant Apostoli, martyres, confessores, virgines, anachoretæ, & multipii, iustique viri, ac fæminæ: tales nunquam in Ecclesia Catholica defuerunt, ac nunc quidem desunt, nec vnquam defuturos certò nobis persuademus. Agite dilectissimi, vt ex eorum reperiamur numero, ne cum illa multitudo impia damnemur. Hæc paulò copiosius, vt in hac concione aliquod saltem Catholicis meis pabulum spirituale præberetur. Iam ad alterâ Euangelii partem transeamus, in qua tantò erimus breuiore, quantò nos prior diutius detinuit. Sequitur itaque.

ET ERAT ANNA PROPHETISSA. Sicut in priori vir eximius; ita iam fæmina sanctissima introducitur.

FILIA PHANVEL DETRIBV ASER, tum propter certitudinem tam exactè genealogia ipsius describitur: tum vt sciamus, in omnitribu Christo Domino testimonia non defuisse, ac nunc quidem in omni gente deesse. Pergit.

HAEC PROCESSERAT IN DIEBV XII. MVLTI. Anus proinde erat, sicut & Simon senex fuit, indies mortem expectans, quæ protrahebatur, vt *videret Christum Domini*

Quod à senibus petendum sit testimonium



ni. Itaque à senibus voluit I E S V S testimonium accipere, & à senibus sexus vtriusque iisque nonnisi piis & sanctis. Nam & *Simeon* vir fuit *iustus*, & *timoratus*; & *ANNA* *PROPHETISSA*. Tales in Ecclesia Catholica reperiuntur per omnes ætates quàm plurimi; & à talibus, & his similibus, quos loco sui nobis Christus reliquit in terra, nos fidem exquirimus; eorumque vestigiis inhæremus; prout Moyses suos, & Deus per illum nos docuit dicens: *Interroga patrem tuum, & annuntiabit tibi: maiores tuos, & dicent tibi.* Apud hæreticos verò longè secus omnia. Maiores repudiantur; prophetæ noui testamenti ridentur; timor Dei abiicitur, potestas à Christo relicta blasphematur iustum deniq; neminem posse esse dogma illorum est. E contrario verò Apostatis novos errores excoGITANTIBUS fides adhibetur, ac somniis illorū creditur, quàm rectè, & vtri melius, & Euāgelio conformius faciant, iudicent qui iudicio non carent, nos interim reliqua Annæ encomia audiamus.

XIII.  
Quod varii  
sint status  
castimoniz

ET VIXERAT CUM VIRO SVO ANNIS SEPTIMA VIRGINITATE SVA. Omnes status castimoniz enumerantur, & in omnibus laudabiliter se gessit Anna. Duos audiuit virginittis, & matrimonii. Tertius sequitur.

ET HÆC VIDVA: sic credit sponsa Christi, nempe & esse istos status varios in Ecclesia;

fia; & in quouis posse quemlibet sanctè vi-  
uere. Dicent hæretici, neque nos id nega-  
mus. Quomodo quæso non negatis, cum  
primus patriarcha vester Lutherus asseruerit  
sicut cibum, & potum; ita vxorem ad vitam  
hominis traducendam necessariam esse? Inde  
enim euidenter consequitur, solum statum  
coniugalem (exceptis fortè pueris, & ad bre-  
uissimum tempus viduis) esse in Ecclesia; &  
hunc non nisi sano, & vegeto utroque coniu-  
ge. Sèd pudet castas offendere aures spurcis  
dictis, & scriptis quæ hac in parte protulit  
propheta germanicus, ideo videamus iam  
quamdiu Anna manserit vidua.

*Luth: In li-  
bro de Vita  
conjugali.*

VSQUE AD ANNOS OCTOGINTA  
QVATVOR ait D. Lucas. Quæro ab aduer-  
sariis, cur iuencula vidua non nupserit? Re-  
spondebunt fortè, quia necdū fuit illud præ-  
ceptum Apostoli de viduis. *Volo iuniores nube-  
re, filios procreare.* Duò hic notare licet, stupē-  
dæ sanè cæcitatis argumenta alterum, in illa  
lege, vbi sterilitas opprobrio erat, tale præ-  
ceptum non fuisse, nunc verò esse, quando  
castratio, & eunuchatus pro Christo susce-  
ptus, non solum laudibus, sed etiam maxi-  
mis præmiis ab ipso filio Dei ornatur. Quid  
dici magis absurdum potuit? Si tum tempo-  
ris defuit lex scripta, qua hæc fæmina non co-  
gebatur nubere, certe non defuit lex natura-  
lis talis qualem ipsi fingunt, nempe ita nemi-  
nem posse continentem esse, sicut neque sine

XIIII.  
Quod iuue-  
nes viduæ  
continere  
possint.

*1. Tim: 5.*

*14.*

*1. Reg: 1. 5.*

*Mat. 19. 12*



cibo viuere. Cur ergo ANNA ista aut tot annorum vidua non nupsit? aut si in viduitate flagitiosè (eò quòd non posset continere) vixit, cur à scriptura laudatur?

XV. Alterum verò absurdum æque vel magis etiam obstupescendum est: Hæreticos ea, quæ carni quoquo modo arrident, inter præcepta Dei & Christi ponere, illa verò quæ sūt ei contraria, penitus repudiare. Primi generis est illud ipsius Dei *Crescite & multiplicamini*: nec non quod iam ex Apostolo de viduis citauimus. *Volo iuniores nubere, filios procreare.*

Gen. 1. 28.

1. Tim: 5.

14.

2. Cor: 10. *mne quod in macello venit manducate.* Et supplēt hæretici quæ Paulus non addidit, nulla habita temporis, & præcepti ratione: quod licet non reperiatur in scriptura, tñ nemo mirari debet id ab illis additū fuisse. Licere enim Euangelicis Euangelium conscribere quis dubitabit? Dignum profectò patella operculū, dignum tali fide tale Euangelium, lætum equidem nuntium, verum non spiritui, sed carni.

Matth. 26.

27.

Possumus etiam inter hæc præcepta & illud cōputare. *Bibite ex hoc omnes*, quod supra modū vrgent, vt omnes norunt, specie quidē sacramēti, sed ideò etiā quia carni iucundū. Cur ñ aliud in eadem cana positum non iterant?

Illud

Illud inquam. *Et vos debetis alter alterius laudare* Ioan: 13. 18.  
*pedes: Exemplum. n. dedi vobis, vt quemadmodum*  
*ego feci vobis, ita & vos faciatis.* Cur hoc non  
 vrgent? licet verba ista multo maiora diuini  
 præcepti habeant indicia, quàm illa? Illis. n.  
 Simpliciter tantum dicitur, hic additur, de-  
 betis, faciatis: quæ verba & præceptum, &  
 obligationē sonant. Sed ratio in promptu est,  
 cur hæretici hoc reiiciant, illud vrgent; quia  
 pedum lotio & abiectione est, & sensui repu-  
 gnat: bibere verò & sensum delectat, & est  
 facilius. Mirabitur fortè quispiam Vittem-  
 bergenses vicinos nostros, vnde hoc nouum  
 Euangelium originem duxit, inter præcepta  
 literaliter intelligenda illud non poluisse. Co- Cat: 5. 1.  
*medite amici, & bibite, & inebriamini Charissimi,*  
 sed nemo id miretur. Nam ad id præstandum  
 satis est adhuc temporis. Fictionū enim nec-  
 dum est finis. Alterius verò generis id est, quæ  
 carni sunt contraria, præcepta, hæc esse pos-  
 sunt, exempli gratia illud Christi & prædi-  
 centis & in posterum præcipientis. *Tunc iei-* Mat: 9. 15.  
*nabunt, Item illud sine intermissione orate.* Simi- Luc: 5. 36.  
 liter illud: *Confitemini alterutrum peccata vestra.* 1. Tess: 5.  
 Et illud ad peccatores: *Miseri estote, & luge-  
 te, & plorate.* 17.  
*Nec non illud & præcursoris, & A-* Iac: 5. 16.  
*postolorum, & ipsius Christi: penitentiam a-* Iac: 4. 9.  
*gite.* Mat: 3. 2.  
 Quid verò per penitentiam Christus in- Mat: 5. 17.  
 telligat, ipse interpretatur arguens Iudæos, Mat: 11. 25  
 quòd penitentiam non egerint, & Tyrios ac  
 Sidonios; illis obiciens & dicens, quod hi



*olim in cilicio & cinere penitentiam egissent.* Cinis ergò, cilicium, luctus, ieiunium, ad penitentiam spectant, sed quia hæc & alia, quæ recensuimus carni displicent, ideò non solum inter præcepta non censentur, sed etiam carnicinæ Papisticæ nuncupantur. Quam rectè verò id faciant hæretici videbunt tunc si nolunt videre nunc (vtinam velint oculos non claudere suos.) Nos alias huius sanctæ viduæ laudes audiamus.

QVAE NON DISCEDEBAT DE TEM-  
PLO, inquit Euangelista. Spectat igitur ad pietatem erga Deum declarandam, esse continuum in templo: Sed quia bene, & bono fine id agere oportet, ideò subiungit.

XVI.  
Quod ieiunia, vigiliae & his similia, ad cultū diuinum pertineant.

IEIUNIIS ET ORATIONIBUS SER-  
VIENS. Cui seruiuit? Deo procul dubio. Cui enim supplicaret nisi Deo? Neque verò gratis id fecerit, præsertim cum tanta diligentia, & fere, quæ describuntur, cum dicitur:

1. Cor. 14.  
38.

DIE AC NOCTE illam hisce intentam fuisse. Corpore & anima constare hominem, nemo ignorat, at multi ignorant, vel ignorare se simulant (de quibus scriptura *qui ignorat ignorabitur*) quomodo nos in utroque gerere oporteat. Doceat igitur nos hæc sancta anus, quæ corpus ieiuniis & vigiliis affligebat; animam verò suam confelsionibus ac orationibus nocturnis, & diurnis ad Deum leuabat. Pulchrum spectaculum datum religiosiis hominibus; at irreligiis hæreticis nihil mi-

hil minus: omnia enim carpunt, prolixæ orationes displicent, & exploduntur ab eis, *Calui: lib: 4<sup>o</sup>*  
 ieiunia verò, templi frequentatio, & vigiliæ *Insti: cap: 12. n<sup>o</sup>: 19.*  
 vel veteris testamenti esse dicuntur, vel nihil *& aliq.*  
 ad cultum diuinum pertinere asseruntur: Ne *Stapletonus & Mal-*  
 longi in his confutandis simus, liberarunt nos *donatus.*  
 hoc onere alii etiam hoc loco id pertractantes: iccirco paucissimis istis quæ textus nobis  
 porrigit contenti erimus. Primum sit iam in- *1. Probatur ex Euāgelio*  
 sinuatum. Nam quomodo quæso ieiuniis &  
 vigiliis Deus coli negatur, cum hic expressis  
 dicatur verbis, Annam sic seruiuisse Deo?  
 quid est aliud seruire Deo, quam colere De-  
 um? At inquit referenda sunt hæc in Deū: *Occupatio,*  
 quis negat? quis dubitat? Nos equidem as-  
 serimus non solum hæc, sed & orationes, &  
 prædicationes, & cantilationes, & quicquid  
 imaginari poteris, si in Deum non referan-  
 tur, ad cultum ipsius non pertinere. Pertinēt  
 autem & hæc, & illa, quando à Catholicis fi-  
 unt eo ipso, quòd ex obedientia suscipiun-  
 tur; quanto magis si particulari intentione  
 ad id diriguntur? Deinde qua fronte censen- *2. Ex D. Pa:*  
 tur hæc ad nouum testamentum non perti-  
 nere, cum iisdē penè verbis quæ hic legimus  
 instruat D. Paulus viduam noui testamenti? *1. Tim: 5. 8*  
 Sic enim habet. *Quæ verè vidua est, & desolata,*  
*speret in Deum, & inslet obsecrationibus & oratio-*  
*nibus nocte & die. Et hoc præcipe vt irreprehensi-*  
*biles sint.* Repræhensibiles igitur essent secun-  
 dum Apostolum, si hæc non præstarent: im-



Ratione.

mò aliquid amplius ab iis requirit, quàm hic de Anna legimus. Addit. ñ. multa, & concludit: *Si omne opus bonum subsequuta est.* Vel ergò negent, ieiunium & similia, opera bona esse; vel si quid frontis habent, pudeat illos peruiçatiæ & pertinacię suæ. Postremò ratio ipsa docet, si anus sancta & pia octogita quatuor annorũ ita carnẽ suã domabat, quid iuuenes oporteat facere. Si Anna à scriptura hoc nomine laudatur, clarum est placuisse ea Deo: ideoque etiam nunc in aliis placere. At nostri hæretici cùm à religiosis ad preces matutinas pulsari media nocte campanas audiunt, plenis buccis eos rident: ebriosos verò sibi assidentes & venerantur, & laudant, & Euangelicos se esse inçlamant. Quis vel ex hoc solo factò non colligat legem istam non Euangelicam, sed verè diabolicam esse? sed reliqua Euangelii explicemus.

ET HAEC IPSA HORA, qua videlicet Maria purificabatur, IESVS in templo offerebatur, parentes eius à Simeone benedicebantur.

SUPERVENIENS CONFITEBATUR DOMINO. Eodem quo Simeon ad id faciendum incitata diuino spiritu, verum quomodo hæc cõtraria non sunt dictis paulo ante? Si enim Anna NON DISCEDEBAT DE TEMPLÒ fuit ergò ibi: qua ratione igitur eo SUPERVENISSE dicitur, vbi iam morabatur? Difficilis igitur est scriptura (quod ne-

gant

gant hæretici) & aliquando hyperbolice intelligenda, sicut hoc quoque in loco. Non solum autem confitebatur & orabat dominum Anna, sed

ET LOQUEBATVR DE ILLO. id est de XVII.  
Quod dispositi  
faciliter  
Euangelium  
inscipiant  
Christo narrabat, & prophetabat aliis. Voluit. n. Christus Dominus non tantum ab Angelis, sed etiam ab omni statu & sexu hominum habere suæ natiuitatis testimonium, iccirco pastores transeunt, Magi à longè veniunt, Simeon benedicit, Anna prophetat. Omnes verò idem loquuntur, & natum Mesiã annuntiāt, quibus autem annuntiēt videamus.

OMNIBVS QVI EXPECTABANT REDEMPTIONEM ISRAEL. Cur istis? quia ipsi dispositionem habebant ad recipiendum Euangelium. Ideò Christus Dominus mittens discipulos suos ad prædicandum ait. *In quacunque autem ciuitatem aut castellum intraueritis interrogate, quis in ea dignus sit, supple laude, vir videlicet probus & bonæ famæ, & ibi manete.* Quod obseruandum est semper, & etiam nunc obseruatur in Catholica Ecclesia: declinant. n. tam nostræ societatis homines, quàm alii aut ad hospitalia, vbi vt plurimum homines sunt & humiles, & non improbi, aut ad alios moraliter bonos. At apud hæreticos vsu venit contrarium. Hi. n. plerumq; inuadunt, suisque implent dogmatibus, homines elatos, superbos, de suisque rebus multum præsumentes, veletiam ebrietati, rapinis.



rapinis, vsuris, & aliis vitiis deditos; nec mirum, tali. ñ. agro tale semen debetur.

Obiecti: solutio.

Fruſtus  
pſeudo Euā  
gelii.

NOTA.

Sed inquit, & Chriſtum, & Apoſtolos ingreſſos eſſe ad impios. Non recordor me legiſſe ſiue Chriſtum, ſiue Apoſtolos vnquā ad hoſpitandum (aliud eſt enim ire ad prandium, vel obiter) ingreſſos eſſe ad tales, ſed eſto, fuerit ita: ſi id aliquando fecit aut Chriſtus, aut Apoſtoli, aut alii viri Apoſtolici, fecerunt id, vt ex impiis hoſpitibus probos efficerent. Verūm noſtri hæretici non probos, ſed ſcleratiores eos reddunt, quos inſtrunt, quā antea fuerunt: demonſtrat id experientia, probat ipſa eorum doctrina. Anabaptiſtæ ſuis vsuras concedunt, magiſtratus autem tollunt; reliqui permittunt cum virginibus Deo dicatis nuptias ſacrilegas, inceſtus varia genera, rapinarum verò multò plura, præſertim bonorum Eccleſiaſticorum. Vidimus ipſa etiam templa non ſolum vaſtata, ſed quædam in domos priuatas conuerſa, quo iure? Verūm hæc copioſius aliquādo erunt pertractanda: nunc tetigiſſe ſufficiat; vt omnes videant hoc nouum, inauditum, & peruerſum Euangelium nec bonos auditores quærere, nec bonos, ſed peſſimos homines facere. Sequitur.

XVIII. ET VT PERFECERVNT OMNIA. Per-  
Quod omni ficiamus & nos vel perſtringamus potius re-  
a præcepta liqua. Quæ verò omnia perfecervnt?  
ſint implē-  
da.

SECUNDVM LEGEM DOMINI. Duo  
hic no-

hic notanda, aliàs verò tractanda contra aduersarios veritatis. Alterum, omnia perficienda esse, non quæ placent tñ. Alterum, *LUC: 2:22.* quòd quæ antea vocata est lex Moyfi; nunc eam vocari **LEGEM DOMINI**. Quicquid, ñ. à legitimo magistratu præsertim Ecclesiastico præcipitur, à Deo præcipitur: ideò est illi obediendum. Perfectis autem omnibus.

**REVERSI SUNT IN GALILÆAM IN CIVITATEM SVAM NAZARETH.** Neq; hoc caret difficultate aliis adnumeranda, an statim eò fuerint reuersi, an demum post reuersionem ex Ægypto. Primum tñ videtur probabilius. Herodes verò mactauit infantes in Bethleem, quia ibi natũ fuisse **IESVM** sciebat, de Nazareth verò ignorabat. Dices cur ergò ibi se non occultarunt toto tempore? quia & iussi fuerunt in Ægyptum fugere, & sciebant longas esse Regibus & manus, & aures. Quid verò **IESVS**?

**PVER AVTEM CRESCEBAT ET CONFORTABATUR** ait Euangelista: tu intellige creuisse, & confortatum esse, secundum humanitatem, qui secundum diuinitatem alios confortabat, & crescere faciebat. Porro idem ipse, qui sic crescebat, fuit nihilominus.

**PLENVS SAPIENTIA** ab instanti conceptionis suæ, etiam secundum humanitatem. Quare reagemus sequenti dominica, quando idem repetitur immò plura etiam adduntur & difficiliora.

**ET GRA-**



XIX.  
Quod gratia  
diuina pijs  
inhæreat.

1. Cor: 12.

27.

Ro: 5:5.

CONCLV-  
SIO.  
Summam  
concionis  
continens  
& ubi sit Ec-  
clesia de-  
monstrans  
12. argumen-  
tis.

1

2

ET GRATIA DEI ERAT IN ILLO. Con-  
siderate inhærentem IN CHRISTO gratiã:  
talem in iustis nos esse credimus, non impu-  
tatiuam, qualem hæretici fingunt. Sed dicent  
aliud esse in Christo, aliud in nobis. Minimè  
verò quoad ista. quia ille caput nostrum, nos  
verò *membra de membro*; ideò idem de nobis  
alibi asseritur. Nam ait Apostolus: *Charitas  
Dei* (quæ idem est cum gratia) *diffusa est in  
cordibus nostris.* Inhæret igitur nobis. Verum  
de hoc alias ex professo plura.

Nunc finem concioni imponamus, & tam  
ea, quæ sparsim dicta sunt in summam con-  
feramus, quàm id, quod in principio polli-  
citi sumus, præstemus, & ex dictis ubi vera  
Christi Ecclesia reperiatur, demonstremus.  
Quam ibi esse, ubi quæ in Euangelio haben-  
tur, & fideliter creduntur, & obedienter ser-  
uantur, negauerit vt arbitror nemo, qui non  
solum sit; sed etiam qui Christianus haberi  
velit. At in hac congregatione, in qua nos  
Catholici per gratiam diuinam sumus, esse  
ista, quæ aut expressè in hoc Euangelio ha-  
bentur, aut inde bona consequentia dedu-  
cuntur; apud hæreticos verò contrariū pla-  
nè reperiri ostensum est viginti penè argumē-  
tis. Hic. n. creditur Mariam non ex Ioseph,  
sed in virginitate Christum genuisse: cuius  
contrarium non pauci ex hæreticis tenent.  
Hic creditur sicut Deiparā, ita alios sanctos,  
& ipsam Christi sponsam Ecclesiam in cogni-  
tione

tione rerum diuinarum in dies proficere: ali-  
 bi id impudenter negatur. Hic magni æstima-  
 tur status eremitarum, & aliorum religioso-  
 rum, vitam contemplatiuam sequentium;  
 alibi miris scomatibus proscinditur. Hic asse-  
 ritur, & Deum nunquam quenquam bene-  
 dicere, nisi ei, cui benedicit, aliquid doni tri-  
 buat; & sacerdotis benedictionem multum  
 ad hoc ipsum valere: alibi neutrum concedi-  
 tur. Hic præter fidem cum alia, tum verò tri-  
 bulationes patienter toleratas, multum ad  
 iustificationem nostram conducere creditur;  
 alibi sola fides sufficere perhibetur. Hic diffi-  
 cultas scripturæ ex ipsa scriptura demonstra-  
 tur; alibi id perfricta fronte negatur. Hic Ie-  
 s u s Christus in se in Ecclesia in donis suis in-  
 teger suscipitur & adoratur; ab hæreticis ve-  
 rò in minutas partes discerpitur, & blasphe-  
 matur. Hic & imagines, & crux eiusdem Chri-  
 sti Domini, vt par est, honoratur. ab hære-  
 ticis non solum despicitur, sed & discerpitur,  
 & nefariè ferro violatur. Hic edocemur vt  
 Christo pro nobis patienti cum matre eius  
 compatiatur: hæretici contra propter com-  
 moda sua de dira parentis morte lætantur.  
 Hic communi Ecclesiæ & sanctorum; ab hæ-  
 reticis proprio iudicio fiditur. Hic antiquo-  
 rum & sanctissimorum hominum; alibi recē-  
 tium & impiorum dictis creditur. Hic status  
 varii in Ecclesia statuuntur: ab hæreticis o-  
 mnia confunduntur. Hic virginitas, & alia  
 casti-

3

4

5

6

8

9

10

11

12

13

14



castitatis genera commendantur; quæ ab hæ-  
 reticis impossibilia esse impudenter asserun-  
 tur. Hîc vera & spiritalia præcepta diuina  
 proponuntur; ab hæreticis carni amica falsò  
 finguntur. Hîc ieiunia vigiliæ, & alia religio-  
 sa exercitia laudantur, quæ omnia ab hære-  
 ticis tanquam ad cultum diuinum nihil per-  
 tinentia parui vel nihili æstimantur. Hîc ad  
 fidem promulgandam ac promouendam bo-  
 na; ab hæreticis verò pessima dispositio &  
 quæritur & requiritur. Hîc omnia etiam per  
 homines facta mandata seruantur, ab hære-  
 ticis quæ non placent vniuersa repudiantur.  
 Hîc denique secundum scripturam inhærens  
 cordibus nostris; ab hæreticis verò contra  
 scripturâ imputatiua iustitia defenditur. Hîc  
 igitur, & non alibi, vera in terris Christi Ec-  
 clesia reperietur: quam & qui complexi sunt  
 teneant; & qui ab illa aberrarunt, amplectân-  
 tur; vt à sponso ipsius, IESV Christo Domi-  
 no nostro & gratiam in hac vita, & gloriam  
 in alia obtineant æternam. AMEN.

CONTEM-  
 PLATIO  
 BONA ET  
 MALA.

## CONCIO TERTIA

### Spes.

*Erant Ioseph & Maria mater IESV,  
 mirantes super his quæ dicebantur  
 de illo,*

Duo esse

EXORD.  
A natura  
spei desum-  
ptum.

**D**uo esse fundamēta sanctę spei, ac ba-  
ses, iā aliās à me audiuiſtis, & ſepè audi-  
re debetis: primū, idēq; præcipuū fir-  
mamentum eſt, miſericordia Dei qui non ſo-  
lum vult nos ſaluare, nobiſque benè facere;  
ſed etiam hoc ipſum fideliffimis promiſſis, &  
nonnunquam iuramentis ſuis firmavit, cor-  
roborauitque: *vt ſortiſſimum ſolatiū habeamus*, *Heb: 6.18.*  
*qui conſugimus ad tenendam propoſitam ſpem*, ait  
Apoſtolus. Alterum ſpei fulcrum debilius  
quidem, ſed tamen neceſſarium, ſunt opera  
noſtra bona ex fide recta prouenientia: ſiue  
*vt idem inquit; Fides quę per charitatem opera-* *Gal: 5.6.*  
*tur.* Vnde conſequitur, ad ſpem perueniri  
tum per cognitionem, tum per operationē.  
Cognitio, quænam ad id ſint neceſſaria, no-  
bis ob oculos ponit; operatio verò quæ co-  
gnitio monſtrauit, fideliter exequitur. Co-  
gnitio autem ad bonam ſpem benè firman-  
dam duplex requiritur; prior; vt ſimus no-  
bis conſcii imbecillitatis noſtrę: poſterior,  
vt nouerimus ad quem hac in parte oporteat  
nos pro auxilio recurrere. Nam quicumque  
ſiue imbecillitatis ſuę immemor, nuniūm vi-  
ribus ſuis confidit, (vt olim Pelagiani) ſiue  
in quouis alio præter Deum ſpem ſuam col-  
locat (vt Magi, & alii impii faciunt) is non  
ſpem diuinam, ſed præſumptionem habet  
humanam, vel etiam diabolicam. Quod vt  
effugiamus, cum IOSEPH, ET MARIA  
MATRE IESU MIRANTES eſſe debemus.



Magna virtus, magna sanè, nec ab omnibus  
vt par est cognita.

**TROPO:** Quocirca in hac concione **MIRANTES**  
Quadrupartita. erimus, & ipsam admirationem demirabi-  
mur, considerabimusque primò, quàm ne-  
cessaria sit admiratio sancta; deinde, quid sit  
illud virtutis. Præterea quænam sint admi-  
randa, quæ verò non. Postremo quidnam  
nos inde fructus ac emolumentum maneat. Fac  
Christe Iesv ita nos hæc considerare, vt quæ  
hic in ænigmate per fidem miramur, illic re-  
uelata facie clare intueamur.

**MEM-**

**BRVM**

Defectus ad

mirationis

omne ma-

lum parit.

Testibus

ss. Anacho-

retis.

Patres illi sancti, qui in eremo corpori a-  
speram, spiritui verò dulcem vitam ducebāt,  
intuentes infinita eorum millia, qui per to-  
tum terrarum orbem quotidie pereunt, di-  
cuntur in vnum aliquando conuenisse ad co-  
gnoscendam tanti mali causam & originem;  
vt ea cognita, medicinam morbo pro virili  
quisque suo adhibere, ac pereuntibus fratri-  
bus opem ferre possent. Itaque facta, quam  
vocant collatione spirituali, dum (vt fit) va-  
rii varias adferrent in medium huius rei rati-  
ones, tandem in id consenserunt omnes, pri-  
mam ac præcipuam omnis huius mali ac in-  
teritus causam & originem eam dari, quòd  
non essent **MIRANTES SUPER HIS QUÆ**  
**DICEBANTVR DE CHRISTO**, id est,  
quòd non considerarent ea, quæ illis ad spem  
viam vtilia, & ad salutem necessaria essent.  
Magnum equidem & verissimum tantorum,  
tamq̃

tamque Deo carorum virorum testimoniū:  
 verum habemus (vt cum Principe Apostolorū <sup>Imò ipso Deo.</sup>  
 loquar) *firmiorem propheticum sermonem, cui be-* <sup>2. Pet. x. 19</sup>  
*nefacitis attendentes.*

Attendite itaque. Idem. n. spiritus sanctus,  
 qui in eremo viros illos sanctos regebat,  
 multò ante per Ieremiam prophetam expres-  
 sis verbis hoc ipsum testatum esse voluit. In-  
 quit. n. *Desolatione desolata est omnis terra.* Ad *Ier. 12. ff.*  
 mirabile principium, & consideratione di- <sup>Nam terrā</sup>  
 gnissimum, antequam vlteriùs procedamus. <sup>desolatam</sup>  
 Quid. n. sibi vult, quòd propheta non solum <sup>reddidit.</sup>  
 desolatam, sed etiam desolatione desolatam,  
 idest, sumoperè asserat esse desertam omnem  
 omninò terram, mundumque vniuersum?  
 cùm totus terrarum orbis plenus esset homi-  
 nibus. Nunquid Monarchia Chaldeorum  
 tunc non vigeat, infinitam hominum mul-  
 tudinem complectens? Sed & Ægypti, Me-  
 dorum, Lydorum, Macedonum, Romano-  
 rum, nec non Iudæorum Reges illis tempo-  
 ribus regnabant, qui multas myriades homi-  
 num sub imperio suo continebant. Cur ergò  
 propheta clamat: *Desolatione desolata est omnis*  
*terra?* Sapiētissimè id quidem per prophetā <sup>Similitudo.</sup>  
 spiritus sanctus. Vnde enim quæso vos agno-  
 scitis terram aliquam esse desertam & desola-  
 tam? nonne inde, quando aut videtis, aut <sup>Nam homi-</sup>  
 auditis infinitam in illa esse agrestium anima- <sup>nibus terrā</sup>  
 lium multitudinem, exigua verò vel nul- <sup>pruat.</sup>  
 lam hominum? Ita ergò seferes eò tempore  
 F 2 habet.



Diogenes.

habebat. Iterumque postea quando ille Philosophus clarissimo die accēsa lucerna in foro hominibus referto hominem quærebat. Non ineptè id quidem, nisi quod ille homines inter homines quæreret, qui omnium penè hominum minimè homo erat. Fuit. n̄. Cy-nicus spurcissimus.

Nam homi-  
nes in bruta  
conuerit,  
nempè.

Quid verò iam? nonne hoc ipsum in hoc no-  
strum optimè congruit sæculum? Verè. n̄.  
nunc quoque *desolatione desolata est omnis terra.*

Nam vt Iudæos, Turcas, Tartaros, & alios  
Machometanos, immò ipsos etiam Ethni-  
cos (in quorum tamen medio, si non plures,  
certè feruentiores nunc homines reperiu-  
tur, quàm in media Europa) missos faciamus,  
ipsi qui Christi gaudent nomine, quot sunt  
quælo qui non dico ad Christianæ legis, sed  
ad rectæ rationis regulam vt homines decet,  
se, suaque omnia componunt? Videre est

In leones.

ibi quidem feros leones, qui nunquam fan-  
guine innoxio expleri queant, alibi truces

In vrsos.

vrsos, qui dum protectionem siue incolarū,  
siue subditorum tanquam complexum ali-  
quem simulant, sanguinem illorum exsugūt;  
multos ad extremam paupertatem redigunt,  
viduas pupillosque deglutiunt; omnia deni-  
que etiam secundum literam vastant. Alibi

*Ps. 79:14.*  
In Apros.

*aper desilua vineam Dei Sabaoth exterminare  
conatur, & singularis ferus depastus est eam, ait  
Dauid: verè fordidus aper est hæreticus legi  
carnis deditus, verè & singularis, & ferus est,  
quia*

quia & singularem quilibet illorum habet  
sectam, & ferè ac crudeliter Ecclesiam Dei  
depascitur. Quid dicam de lupis, qui ouile <sup>In lupos.</sup>  
Christi dissipant? Dissipatas oues (vel hedos  
potius) per iuga montium superbiæ, per præ-  
rupta vallium carnalitatis inlectantur, rapi-  
unt, deuorant? Quid de astuta vulpecula? <sup>In vulpecu-  
las.</sup>  
quæ dum principibus adulatur impotentio-  
res fidè lacerat? dum sese in omnem partem  
versat, vbique fætorem post se relinquit? dum  
pulchra politia se ornat, in tyrannidè con-  
uertitur.

Ad priuatos & ipsos etiam Catholicos ser- <sup>In equos.</sup>  
monem meum conuerto. *Equi amatores* (in-  
quit idè Ieremias) & *emissarii facti sunt, unus-* <sup>Ier: s. 8.</sup>  
*quisque ad uxorem proximi sui hinniebat.* Ipse <sup>In cornicu-</sup>  
quoque siue vxores, siue aliæ ad instar corni-  
culæ *Æsopicæ* alienis se plumis ornant, argē-  
to, auro, gemmis, veste, & pellibus præci-  
osissimis onerant: & faciunt stultis admirati-  
onem, sapientibus fletum, aliis mouet cor-  
nicularisum, in aliis turpem inflammat con-  
cupiscentiam. Quales ex fætido fonte riui?  
quot ad peccandum illecebræ? At nostra hæc  
sunt inquit omnia. Si vestra sunt, cur ea  
vobiscum ad sepulchrum, & inde aliò non  
transportatis? Cæterum non est quod sepul-  
chrum expectetur, breui hæc apud Iudæos,  
aliosue latitabunt, vsuris grauabuntur, &  
tandem malè parta, peius collocata, pessimè  
dilabentur. Non ignota loquimur. Relinquo



In canes &  
fues.

2. Pet: 2.

22.

Cice: lib:

8. de offi:

Rf: 48. 17.

Quid sit re-  
cogitare cor-  
de.

Jer: 12. 11.

infinita eiusmodi. Concludo cum Aposto-  
lorum principe. *Canis reuersus ad suum vomitum, & sus lota in vorlutabro luti.* Quibus ver-  
bis cum alii omnes lethaler peccantes, tum  
verò peccata iterantes notantur. Hos tu er-  
gò homines dixeris? Minimè verò. Si. n. li-  
cuit gentili dicere [ Quid interest vtrum ex  
homine se conuertat quis in belluam, an in  
hominis figura immanitatem gerat belluæ? ]  
quantò magis nos id dicere possumus, qui-  
bus illud à Spiritu sancto occinitur. *Homo  
cum in honore esset non intellexit, comparatus est  
iumentis insipientibus, & similis factus est illis?*  
Bene ergò & sapienter nimis & propheta o-  
lim, & nos hoc tempore conqueri possumus,  
quod *desolatione desolata est omnis terra.* Non  
n. homines sed vel feræ agrestes, & indomi-  
tæ; vel truces immundæque belluæ, orbem  
terrarum magna ex parte inhabitant.

Verumenimverò percontemur à prophe-  
ta, quænam sit origo tantæ metamorphose-  
os, quæue causæ propter quas homines in  
tot, tamque immanes bestias conuersi fue-  
rint? Respondet, & illam ipsam causam assi-  
gnat quam Eremitæ dederant; nempe *quia  
nullus est qui recogitet corde:* ac si dicat, quia non  
sunt vel non ERANT MIRANTES. Et no-  
tate quæso illud vltimum verbum, *corde.* In-  
uenies enim aliquos, qui recogitant ore. Nam  
pulchra tum de virtutibus disserunt, defini-  
unt, diuidunt, ratiocinantur, ipsi tñ vitiosi  
perma-

permanent; tum de vita Christi, deque **HIS**  
**QVÆ DICEBANTVR DE ILLO** loquun-  
 tur, exaggerant, ornant, laudant; cum tñ nō  
 ipsius **IESV** purè, ac sincere; sed suas impu-  
 rè & nefariè laudes quærant: tum denique de  
 Deo ipso, deque rebus cœlestibus alta & spe-  
 culantur, & docent alios: ipsi interim mori-  
 bus, & vita peruersa humi repentes. Isti o-  
 mnes non ita recogitant corde, vti cor hîc à  
 Propheta sumitur: propheta. n̄. monet, vt  
 non solum credant, cogitent, vel etiam lo-  
 quantur de malis, quæ eis obuentura erant:  
 sed etiam (quod maximè vrgebat) vt illis per  
 pœnitentiam, & vitæ emendationem obui-  
 am eant. Hoc quia nec illi præstiterunt, nec  
 isti nostri præstant, ideò non inter homines,  
 sed inter bestias censendi erunt. Et hi quidem  
 postremi tantò turpius, quantò pluribus e-  
 tiam sunt similiore, nempe & per hypocri-  
 sim vulpibus dum pulchris verbis turpia fa-  
 cta sua contegunt, & per cœtera vitia brutis  
 animalibus variis pro criminum varietate.

Arbitror non solum Eremitarum, sed ipsi-  
 us omninò Dei testimonio vos iam peripi-  
 cuè intellexisse, quàm sit necessaria sancta  
 consideratio, & quomodo eius defectus om-  
 nne malum inuehat in orbem terrarum; ac  
 proinde videre quàm sit vtile imitari paren-  
 tes Christi, qui **ERANT MIRANTES SV-**  
**PER HIS QVÆ DICEBANTVR DE ILLO.**  
 Verùm scire percipere, quidnam hoc sit vir-  
 tutis,

**II. MEM-**  
**BRVM**  
 Admiratio  
 nem virtu-  
 tem esse  
 probatur



tutis, cū admiratio inter passionēs corporis, vel animi potius, quā inter habitus bonos (quod virtuti est proprium) sit referēda. Vnde igitur, inquis, hæc virtus, de qua antea non audiui-  
**Exemplo:** mus? Certē admirationem posse esse virtutem, vel ex hoc solo Mariæ  
**B. Virginis.** matris Dei factō liquet. Quis. n̄. Catho-  
 licorum dubitauerit, quæ ex illa purissima & sanctissima mente deliberatē procedebant, ea omnia alicuius virtutis actus exstitisse? At  
**Luc: 2. 19.** non solum hīc, sed & antea M A T E R I E S V & seriō, & diligenter mirabatur ea, quæ dicebātur de I E S V. Quod si nō sufficit testimo-  
**Mat: 8. 18.** niū matris addatur testimoniū filii & Mariæ & Dei ipsius inquā Christi I E S V, de quo sic D. Matthæus: *Audiens autē Iesus, miratus est.* Non  
**Ipsius Chri-** quod admiratione indigeret, qui omnia no-  
**sti.** uerat; sed vt nobis hanc virtutē cōmendaret, qui nouerat, summoperē nobis illā esse necessariā. Neque verō interest, quod admira-  
**Obiectio** tio sit motus animi nostri, nam & amor, &  
**solvitur.** spes & desiderium, & timor, aliaque gene-  
 ris eiusdem, affectiones sunt; & tñ si rectē fi-  
 ant, virtutibus annumerātur, iisque præci-  
 puis, idem itaque de admiratione cogites  
 velim.  
**Admiratio** Admiratio igitur (vt omnes intelligant)  
**alia natura-** si in suo esse naturali consideretur, bona erit  
**lis.** naturaliter, à Deo. n̄. creata est, à quo omne  
 bonum. Cū. n̄. humana natura eò, quod  
 ex nihilo sit condita, nec sit, nec esse possit  
 omni-

omnibus numeris absoluta (vt diuina natura est perfectissima) prouenit inde, vt nec omnium rerum cognitionem simul habeat, habere ué possit, nec eorum quæ nouit, continuò causas intelligat; ac proinde à Deo data est illi admiratio, qua adiutrice vnum ex alio colligens ad notitiam rei alicuius, quam scire desiderat, peruenire queat. Hinc illud non tam latinum, quàm verum est quorundam dictum: [Ex admirari ceperunt philosophari]. Admiratio etenim totius Philosophiæ est fons & origo, quam qui in rebus naturalibus adhibere nolunt, neque philosophi profectò esse volunt. Hæc in humanis: *Alia supernaturalis.* at in diuinis alia est admirationis ratio. Cum. ñ. res, & mysteria, & multò magis ipsa natura diuina, omnem nostrum intellectum longè excedat; non sufficit ea solius ingenii acumine (quod etiam si sit acerrimum, tñ parum admodum hac in parte poterit) admirando inuestigare; sed requiritur necessariò aliunde per auditum cognoscere, & cognita demirari, quod fecisse hic parentes Christi audis. ERANT ENIM MIRANTES SUPER HIS QVÆ DICEBANTVR DE ILLO; de Christo IESV uidelicet filio Dei, Deo; Parentes igitur Christi, nos qui Christiani sumus imitari conuenit, immò necessarium est. Verum non solum hæc, sed & alia mirari nos oportet, de quibus paulò post; nunc cepta prosequamur, & quid quamue sit varià admira-



Admiratio  
hic latissi-  
me à nobis  
sumitur.

*Damas:*  
*lib: 2:*  
*de fide or-*  
*ted: Cap: 15*  
*D. Th: 1. 2.*  
*qua: 41.*  
*Art: 4.*

Definitur  
verbis scri-  
pturæ.

*Luc: 2.*  
*49.*

tio inuestigamus. Vbi inprimis illud notan-  
dum erit, nos hoc loco admirationem non  
stricto modo sumere, vt illam Doctores ac-  
cipiunt, ac inter species timoris reponunt:  
sed latè eam intelligimus pro qualibet con-  
sideratione, non solum malorum, sed etiam  
bonorum, immò optimorum sicut hîc in E-  
uangelio sumitur.

Admiratio itaque latissimè intellecta, vi-  
detur mihi ab eodem Euangelista paulò ante  
ita notata & descripta; vt vix aliquid hac in  
parte desiderari possit. Sic. n. ille. *Maria autè  
conseruabat omnia verba hæc conserens in corde suo.*  
Vnde admirationis vniuersalem descriptio-  
nem sic formare poterimus. Admiratio est  
dicti, facti, causæue rei alicuius nouæ, vel  
nobis incognitæ, attenta consideratio: siue  
(vt scripturæ nos conformemus) diligens in  
corde conseruatio & collatio: quæ quidem  
consideratio si vehemens fuerit, rei præfer-  
tim alicuius, quæ intellectum superat no-  
strum, in stuporem vel extasim conuertitur.

Quàm verò sint varia admirationis genera,  
non est nostrum per omnia disserere: illa quæ  
ex fine sumitur diuisio, vt nostro instituto

Diuiditur.  
1. Indifferēs  
dicitur.

conformis, nobis sufficiat. Nempe admira-  
tionem aliã quidem esse indifferentē (quam  
naturalem vocare possumus) quæ indifferen-  
ter de rebus quibusuis licitis, cognoscendi  
causa suscipitur: aliam malam, quæ in malum  
finem dirigitur: aliam bonam; quæ sit bono  
& san-

2. Mala.  
3. Bona.  
in qua virt

& sancto proposito; qualis fuit hæc parentum Christi. Et in hac postrema virtus consistit, quæ tantò est excellentior, quantò & finis, & obiectum circa quod verlatur, & animi contentio erunt præstantiora: ita, ut D. Thomas eam, quæ in hac vita (immò etiam in illa) haberi potest beatitudo, in qua-dam admirationis actione constituat. Quanta igitur virtus illa censenda erit, quæ finem quodammodò virtutis in se continet?

Omnium autem quæ recensuimus admirationis generum plena est exemplorum sacra scriptura. Nos ex utroque testamento singula proferamus in medium. In veteri, naturalis admiratio fuit illa Isaaci, de qua scriptura. *Expauit Isaac stupore vehementi, & ultra quàm credi potest admirans ait &c.* Repentina enim illa & insperata cognitio, quod Iacob benedictionem præripuerit Esau, in stuporem illum verterat. Malam verò sic describit sapiens: *Speciem mulieris alienæ multi admirati, reprobis facti sunt.* Fugite obsecro delectissimi hoc baratrum, prout vos ipse etiam saluator admonuit, ne pereatis in æternum. Bonam autem admirationē idem sapiens notat, cum describens illos, qui afflictī à Domino, ad eum conuersi fuerunt, inquit. *Cum. n. audirēt per sua tormenta benè secum agi, commemorati sunt dominum, admirantes in finem exitus.* Optima admiratio, & imitanda valdè. Utinam exercetur frequenter à nobis. Ita enim plagæ quas

4. Optima,  
D. Th. 1. r.

parte 9.

1. d. 4. &

1. 2. quæ 3.

Reliquis

Probantur  
hæc exempla  
sacris scriptu-  
ris.

1. Ex veteri  
testamento.

Ge: 27. 33.

Ecclesiæ  
sic: 9. 11.

Mat: 5. 29.

Sap: 11. 14.



quas à Domino patimur, fierent nobis maximi beneficii loco.

2. Ex nouo: In nouo verò testamento plura etiam reperiuntur exempla. Naturali admiratione

*Mat: 27.* Pilatus mirabatur uehementer, quòd Christus non respondit ei ad vllum verbum. Mala verò fuit

*14.* pharisæorum, quando admirantes dixerūt de Christo. Quomodo hic literas scit cum non didicerit? Detrahendi enim & calumniandi e-

*10: 7. 15.* um animo id faciebant, vt patet ex sequentibus verbis & factis. Bona autem (quamuis minus perfecta) fuit illa Nicodemi, qua de-

*10: 3. 2.* mirans miracula Christi venit ad Iesum nocte aliquid ab illo discendi gratia. Concludo miraculo eiusdem saluatoris, qui vnico actu pro diuersitate dispositionis omnibus istis admirationum generibus occasionem dedit. Nam

*104: 7. 21.* curato quodam ægro in die sabbathi sic ipse Iudæos alloquitur: Vnum opus feci & omnes

*Augusti: tract: 29.* miramini. Quod explicans. D. Augustinus inquit [Omnes quidem quantum arbitror mirabantur, sed non omnes conuertebantur]

*In 104:* Erant itaque qui viso hoc miraculo naturæ instinctu tanquam rem insuetam mirabantur? erant alii qui præter admirationem etiam Christum hoc nomine persequebantur.

erant denique qui ad illum conuertebantur, ex quibus hi bonam & virtuosam; illi verò

pestimam admirationem habebant (primi verò naturalem) istos imitari, illos detestari

vos oportet; prout facitis; atque vtinam in

omni-

omnibus operibus vestris faciatis: magnum. n. inde vobis proueniet emolumentum. Nā vt hīc admirationem latissimo modo sumimus pro qualibet consideratione rei alicuius nobis vel ignotæ, vel non plenè cognitæ, ita virtus hæc inde emanans latissimè patet, & in vsu potest esse frequentissimo.

Quare vt meliùs & penitiùs hæc virtus à nobis exerceri, & cōtrariū vitiū vitari queat; præter finem bonum, in quem ferendæ sunt omnes admirationes nostræ (si virtuosas & per consequens fructuosas illas habere volumus) videndum est nobis quidnam mirari nos oporteat, & quomodo contrarium à nobis, vt plurimum fiat. Nam quod quidam magis verbis, quàm re ipsa simplices conquerruntur, doctis quidem id competere, vt cogitent & mirentur diuina, se verò minimè ad id aptos esse; id gratis omninò, immò minus verè dici, ipsa nos experientia rerum omnium magistra, quin etiam ipsa naturæ nostræ constitutio docet. Sicut. n. igni sursum, lapidi deorsum ferri naturale est, ita animo nostro ingenitum est aliquid semper cogitare, & cogitando mirari: quinimmo multò etiam magis id illi est connaturale. Lapis. n. detineri potest, ne tendat, quo à natura impellitur: at agitatio mentis nostræ ita nunquam conuiuiscit, vt nulla vi cohiberi queat, quin aliquid semper cogitet. Itaq; què admodum is, qui pistrinum optimè instruitur

III. MEM-  
BRVM  
Quid mira-  
ri debeam?

Quam id na-  
turale sit.

Similitudi-  
ne declara-  
tur.

NOTA:  
Obiectio-  
nis occupa-  
tionem.



Declaratur  
id alia simi-  
litudine.

Vigetur.

If: ss. r.

trum & molā habet quæ continuò circum-  
gitatur, si paleas vel quisquiliās duntaxat  
molendas iniiciat, non tritici grana; inique  
conqueritur bonam sibi farinam deesse: ita  
nos frustra lamentamur, deesse nobis pias  
sanctasque meditationes, & admirationes;  
si vitio nostro nihil vnquam boni menti no-  
stræ considerandum obicimus. Et ille qui-  
dem excusari potest, si ex defectu tritici fari-  
nā careat, nobis defectum earum rerum quas  
vtiliter considerare possumus prætere  
non licet, cum tot sint, vt nusquam non oc-  
currant. Quòd si aliquid hac in parte deesset,  
adeſt liberalissimus vniuersorum largitor  
Deus, à quo non tantum emamus, verum  
etiam gratis accipiamus omnia nobis vtilia,  
dummodo ipsi velimus. Quid. n. non dabit,  
qui ad accipiendum vltro etiam nos inuitat?  
Ita namque ille per prophetam inquit. *Veni-  
te, emite absque argento, & absque vlla commuta-  
tione vinum, & lac id est, quicquid est vobis  
necessarium. O vtinam fratres mei nos no-  
bis deesse nolimus, Dei profectò auxilium  
& gratia nunquam deesset. Non nos igitur  
hac in parte excusemus, sed accusemus dile-  
ctissimi: nostra enim culpa est, si meditati-  
ones nostræ non sunt tales, quales esse debe-  
rent; quia nos minus rectas, immò sæpe ini-  
quas considerationes admittimus; nos eas  
vltro accersimus, nos menti nostræ ingeri-  
mus, nos voluntariè iis occupamur: & quod*  
omni-

omnium est pessimum, noctu atque inter-  
diu eas reuoluentes in illis delectamur. Hæc  
est nostræ molæ, nostrique fundi calamitas,  
hæc omnis nostri mali fons & origo. Nihil.ñ.  
est in opere, quod non fuerit ante in mente.  
Itaque si nos minùs honesta & impura ani-  
mo nostro reuoluimus; si & corpore, & af-  
fectu ea continuò miramur, qui fieri potest  
vt purus panis efficiamur Christo?

Prophetia  
explicatur.

Neque verò existimandum est illis pro-  
phetæ verbis, *desolatione desolata est omnis terra, Jer. 12. 11.*  
*quia nullus est qui recogitet corde,* Deum signifi-  
care voluisse, eò tempore nihil omnino ho-  
mines considerasse, nihil admiratos fuisse,  
cùm id naturæ humanæ planè repugnet: sed  
hoc docuit, de hoc conquestus est, quòd nō  
recogitauerint, quæ illis essent vtilia & ne-  
cessaria, quæ honesta: dum interim infinita a-  
lia mirarentur, quæ illis erant inutilia, immò  
perniciosa admodum: quod si aliquādo me-  
ditati fuerunt vtilia, id quia non ita vt par-  
fuit præstiterunt, ideò non fructum, sed de-  
trimentum inde retulerunt, propterea pau-  
lò post subiungit. *Seminauerunt inquit triticum, Ibid. vsq.*  
*& spinas messuerunt.* O propheta si ex tritico Quale detri-  
malè seminato prodeunt spinæ, quid fiet cùm mentum ex  
spinis ipsas, sentes, tribulos, vrticas semi- mala adma-  
namus? si inquam consideratio diuinorum ratione.  
iudiciorum (de qua ibi agitur) dum non fit  
rite recteque nil nobis adfert vtilitatis, quid  
efficiet admiratio & recogitatio eorum, quæ  
odio



Quid homi-  
nes vt pluri-  
mum ac  
peruerse  
mirentur.

Mat: 5. 29

Pro: 23. 31

1. Ro: 2. 16.

odit Deus? Audite auribus ô Christiani (nam vos quoque hæc parabola tangit) si inquam admiratio diuinorum mysteriorum & iudiciorum, quæ vobis in concionibus proponitur, nullum in vobis fructum facit: quid efficient cogitationes vestræ malæ, & peruersæ? Quid. n. miraris ô homo? Alius miratur formam & pulchritudinem, siue masculi, siue fæminæ (quod prohibet Christus) & accenditur libidine ad concupiscendum. Alter miratur excellens vinum, quando flauescit, cum splenduerit in vitro color eius (quod vetat sapiens) & incitatur ad ebrietatem. Alter miratur fertilitatem, & commoditatem agri vicini sui, & captus concupiscentia oculorum affligit pauperem, viduam, pupillum, vt quod desiderat quoquo modo obtineat. Alii vel aliæ raptæ superbia vitæ intuentes & demirantes nouos, exquisitos, & preciosos ornandi sese modos, tanto inflammantur eorum desiderio vt nec noctu, nec interdiu cessent à deprecando marito, vt simile, vel etiam preciosius quid illis procuret, quamuis benè norint in istis totam eorum substantiam, omnemque victus rationem consumptum iri. O stulta prodigalitas, & vanitas. Sed quis filiorum Adæ, filiarumue Euxæ omnes inordinatas admirationes, non dico recenserebit, sed vel mente ipsa complectetur? Nemo equidem. Ideo hæc nunc pauca sufficiant; paulo post dicemus plura. Hæreat obsecro mentibus

tibus nostris hæc prophetæ comminatio. Si enim (vt dixi) spinas metent, qui triticum minus ordinatè seminarunt, quid quæro metent illi qui *spinæ* (ita enim eas ipse saluator *Mat: 13.* vocat) diuitiarum, tribulos superbiæ, Zizania hæresum, vrticas libidinis, scirpos ebrietatum seminant? Quid inquam isti fructus referent? nihil profectò aliud, quàm æternam confusionem, quàm ignes infernales, in quos Zizania in fasciculos collecta iussu Christi ab Angelis proicientur. Auertat inquis has pœnas à nobis Deus? Auertat procul dubio vt bonus, & misericors, si tu quoque à talibus admirationibus & cogitationibus pessimis auerteris, & ad bonas piasque animum conuerteris tuum. *Ibidè: 30.*

Notum itaque & insculptum sit obsecro mentibus, cordibusque vestris illud axioma: *Remedium contra malas admirationes.* malas admirationes non nisi bonis admirationibus pelli, nociuas sanctis profligari: hæc ergò amplectamur has procuremus dilectissimi, procuremus autem, vt non tantum mentis nostræ eas ingeramus, verumetiam opere ipso compleamus, sic enim bene agetur nobiscum. Tot autem sunt bonæ admirationes, quot equidem numerari non possunt; *Bonarum admirationum multa genera.* iccirco genera & capita tantum aliquot earum perstringamus. Si. n. quis serio & sincero corde recogitaret, & miraretur breuitatem huius, æternitatem verò illius vitæ; fæditatem ac turpitudinem istarum, pulchritudi-



nem verò & dulcedinem illarum, quas expectamus voluptatum: incertitudinem salutis, certitudinem mortis; ignorationem horæ mortis, certam autem notitiam grauissimarum pænarum, quæ post mortem manent impios: arbitror equidè quòd excuteret veternum suum, & mirari inciperet supremam insipientiam suam, qui his neglectis quæ sunt ad salutem ipsi proficua, alia quæ ad perditionem pertinent, continuo & incessanter, voluit lingua, reuoluit animo, opere exequitur. Verum hæc, & alia eiusdem generis, singula singulas requirunt conciones, (immò quædam etiam plures) quæ pro ratione temporis, & Euangelii suis locis tractabuntur.

Proprium  
huic concioni.

Hodie sufficiat proprium huic concioni, quod thema propositum nobis ob oculos ponit, quod maximi sane est momenti, vt & parentes Christi imitari, & præmium imitatoribus illorum assignatū recipere valeamus. Quid enim illi erant MIRANTES? Describit id D. Lucas dicēs quod SUPER HIS QUÆ DICEBANTVR DE ILLO, id est quæ dicebantur de Christo IESU ab Angelis, à pastoribus, à Magis, à Simeone, ab Anna, & ab aliis. Nam alios præter dictos non defuisse licet scriptura illorum non faciat mentionē, quis dubitauerit? Certe Zachariam, & Elisabetham vxorem eius nemo ab hoc numero exclusit. Quòd si tot, tantaque erant in reuera Christi ætate admiratione dignissima, quot,

quot, qualiaue erunt quæ (quando aperuit os suum) docuit, monuit, præcepit, fecit? Ista ergo demiremur.

Cuius rei videtur mihi in Salomone & Regina Saba pulchra figura præcessisse. Cum. n. *Regina Saba audita fama Salomonis ingressa esset Ierusalem, multo cum comitatu & diuitiis, & exposuisset Salomoni omnia quæ in corde suo habebat, & aspexisset vniuersa, quæ & à Rege ipso, & circa illum gerebantur, ita mirata est, vt scriptura teste non esset præ stupore ultra in ea Spiritus.* Si tantopere hæc fæmina admirata est Salomonem sapientem, quanto magis decuit Ioseph Et Mariam mirari puerum Iesum, conditorem Salomonis, & ipsam sapientiam patris æterni? Et si parentes mirati sunt, non quæ infans Iesus ageret, cum nihil operaretur, quod excederet infantilem ætatem eius (ideo liber de pueritia Christi & miraculis in ea ætate ab eò patris, ab Ecclesia reiicitur) sed quæ circa illum gerebantur, & de eò dicebantur; quãtopere conuenit nos mirari, dicta, facta, miracula, mortem ipsius pro nobis susceptam, resurrectionem quoque, & alia mysteria prope infinita? Quare ne nobis exprobet Christus Dominus, quòd olim obiecit Iudæis hoc ipsum exemplum Reginae Sabæ in medium proferens, & sic de seipso loquens. *Regina Austri surget in iudicio cum generatione ista & condemnabit eam, quia venit à sinibus terra audire sapien-*

Figura nota  
tanda.

3. Reg: 10.

2. Par: 9. 4

Mat. 12.

41.

Luc: 11. 31.



*riam Salomonis, & ecce plusquam Salomon hic.*  
 Neinquam Christus idem nobis obiciat videamus, quidnam illa in Salomone mirabatur, vt & nos in nostro plus quam Salomone eadem contemplari studeamus.

Tria miraba-  
 tur Regina  
 Sabæ.

Tria autem sunt quantum animaduerto ad quæ tota Reginæ Sabæ admiratio & stupor reducitur, nempe sapientia, ordo, & holocausta. Sapientia ipsius Salomonis, cum in aliis tum verò in dictis & responsis; ordo admirabilis in ædificiis, ministeriis, famulis, cibis, & vestitu: Holocausta demum & sacrificia varia, quæ in templo cum tot cæremoniis offerebantur elucebant. Hæc tria stuporè planè in ea excitabant. In nobis verò quid?

Nos vt plurimum tria  
 his contraria.

omninò contrarium. Tria etenim hisce prorsus opposita, video vt plurimum mirari homines etiam illos, qui Christiani vocari haberi que volunt. Sit conuiuium refertū conuiuiis, proferat aliquis sapiens quidpiam in medium, dicat quid, siue spirituale, siue ad bonos mores pertinens, dislerat de virtutibus, de vitiis, de beatitudine, de vita Christi, aut sanctorum, de periculis vitæ huius, hisque similibus sexcentis. Quid? auditurne? Minimè verò: quinimò sermo ipsius fastiditur, interrumpitur, exploditur. Profiliat interim in medium stultus aliquis, scurra, ganneo, & ecce omnes ad eum aures oculosque conuertunt suos, mirantur, laudant, delectantur, audiunt attentissimè, memoria re-

z Illa mirabatur sapientiam  
 nos stulticiam.

ria re-

riaretinent fideliter, referunt incunctanter.

O quam benè illud apud vos in prouerbii  
NOTA. Consuetudinem peccaminam.  
 consuetudinem abiit, vnus stultus multos

stultos efficit. Meritò etenim hoc in casu dubitauerit quispiam quis istorum sit insipientior, auditorne, an orator? vel blaterator potius? O quam verè & sapienter inquit sapiens: *Stultorum infinitus est numerus.* Quod in Eccl: 1. 16 hoc certè actu maximè apparet. Quid enim stultum magis, quàm nugas rebus vtilissimis, ipsum denique stultum sapienti antepondere?

At inquis, non omnes qui talia agunt in stultis censendi sunt immò plerique eorum sunt prudentes, & vasserrimi, qui multa fingere, acutè alium perstringere, mirabilia dicere, & facetiis iocisque suis risum excitare norunt. Hoc est plurimorum de talibus iudicium & sententia, qua ipsi suam produnt insipientiam. Qui enim verè sapiens est, ille huiusmodi homines quos tu talibus depictos exhibes coloribus, multò stultiores iudicabit, quàm sint ii, qui perturbatione capitis è statu mentis deiecti sunt, nec immeritò. Illi enim qui aut casu, morboque aliquo, aut naturæ vitio sunt tales, phantasiæ: hi verò intellectum & iudicium læsum habent. Si enim benè de rebus iudicarent, nunquam talia facerent, nunquam propter acclamations stultorum, sapientes contemnerent; nunquam stultis potius, quàm sapientibus placere eligerent.

Obiectionis solutio.

Duplices stulti.



Correctio  
de recreati-  
one.

Neque verò hic de illis ago, qui vt & se re-  
ficient, & alios à laboribus feriis & grauio-  
ribus cessantes recreent, faceta quædam abs-  
que Dei & proximi offensa in colloquiis suis  
miscent, hoc enim ad sapientem quoque per-  
tinet: sed de illis loquor, qui totos dies, mē-  
ses, annos in scurrilitatibus terunt, qui quod  
peius est, iocis suis proximis detrahunt, vi-  
tia eorum etiam occulta pandunt, eosq; gra-  
uiter offendunt, qui de ebrietatibus, de lu-  
xuriis, de vindictis quas exercuerant, deque  
aliis peccatis gloriantur, qui quod omnium  
pessimum, infauis facetiis suis & Deū blas-  
phemant. & scriptura sacra ad scurrilia abu-  
tuntur, & turpibus obscenisque verbis, tū  
virginum, tum innocentum aures implent,  
concupiscentiam incendunt, animas necant.  
Et tu vir, vel femina, pater vel mater, talia  
audiendo non solum non exturbas scurrā,  
habens in illum potestatem, sed etiam dicta  
eius miraris, cachinnaris, occasionem plura  
& turpiora effutiendi tribuis? O Regina Sa-  
ba quā iustè tu omnes istos in illa die (nisi  
interim resipiscant) condemnabis? Neque. n̄.  
mentitur veritas, neque fallit I E S V S, qui hoc  
futurum prædixit.

a. Saba mi-  
rabatur or-  
dinem.

Alterum quod Regina Saba mirabatur in  
Salomone fuit O R D O, qui in iis rebus ap-  
parebat, quæ circa illum ipso ordinante ge-  
rebantur; ordo sanè admirabilis. Tam. n̄ or-  
dinatè omnia fiebant, vt meritò stuporem  
prouo-

prouocare possent. Vnum ex multis acci-  
pite. In ædificatione templi illius amplissimi,  
ita omnia ligna, lapides, & alia requisita ad  
amussim præparata erant, vt dicat scriptura.

*Domus autem cum edificaretur de lapidibus do-* *3. Reg: 6.7*  
*latis atque perfectis edificata est, & malleus, & se-*  
*curis, & omne ferramentum non sunt audita in do-*  
*mo cum edificaretur.* Quis hæc credidisset, si

scriptura ea non dixisset? Itaque hæc, & alia  
infinita, omnia autem ordinatissima, Regina  
Saba demirabatur. Nos verò quid? Nostis

Nos vero  
miramur in  
ordinatio-  
nem.

vestra prouerbia Polonica, quæ toties itera-  
tis cum magna equidem gentis ignominia.  
Vtinam res ipsa tollatur, vt & ipsum corru-  
at dictærium: quod tñ falsissimum esse, immò  
inuoluere planè contradictionem, ego mihi  
certò persuadeo, & persuasi aliis. Verùm his  
omissis venio ad communia omnibus. Mira-  
tur Regina Saba ordinem, nos verò inordi-  
nationem. Nunquid non ita sese res habet?

Plena sunt profectò exemplorum omnia.

Quis status stat in ordine suo? Talia autem  
mirantur vt plurimum homines, nèpe quā-  
do vident Ecclesiasticū multas umbras post  
se trahentem, quas è beneficiorum pluralita-  
te alit; & colligit: quando militum arma, &  
equorum phaleræ micant auro, argēto, gem-  
mis, quæ ex spoliatione eorum, quos de-  
fendere debebant, iis obuenerunt: quando  
aspiciunt quadrigas & sexigas nobilium, quæ  
ex oppressione subditorum coemptæ sunt:

Exempla  
quædam.



quando ciuium domos sumptuosè ædificatas intuentur, quarum sumptus ex vñris, & fraudibus variis illis prouenerunt. Maximè verò omnium demirantur luxum in vestitu, præsertim in cultu muliebri, in quo nullus planè status suis terminis continetur, famulorum, famularumque multitudinem, conuiuiorum in omni genere hominum apparatus, copiam, continuationem: in quibus non solum illa consumuntur, quæ possidentur; sed etiam quæ non habentur, ære alieno emuntur, & empta miserè effunduntur. Nihilominus in talium consideratione, admiratio nostra magna ex parte versatur. Liberales huiusmodi vocantur, cum prodigi sint nimis, & turpe vitium præclaræ virtutis nomine insignitur.

§. Regina  
Sabæ mira-  
batur pietatem in Deum, nos  
contra.

Postremum admirationis caput in Regina Saba erat pietas illa erga Deum, & religio admirabilis, quæ consistebat in sacrificiis, holocaustis, & ceremoniis, quæ in templo à Salomone ædificato, miro ordine & varietate Deo offerebantur, & perficiebantur. Quibus omnibus in nouo testamento successit augustissimum illud & sacrosanctum corporis & sanguinis Christi I E S V, quod in missa cum tot ceremoniis peragitur sacrificium. Quod admirantur Christiani? Catholici frigidè nimis: finem celerem potius missæ quàm mysteria eius attendentes; eos qui illud celerrimè perficiunt mirantur & laudant.

Quid

Quid illi qui se Christianos vocant, licet non sint? hæretici inquam? Contrarium omnino. Sanctissimum Christi sacrificium blasphemant, ceremonias rident, ordinem detestantur, omnia denique quantum possunt è medio tollunt: mirantur autem nouas & inauditas quas ministri eorum quotidie fingunt ineptias immò impietates. Verùm cōtra hæreticos agendi, aliud tempus expectandum erit, nunc satis sit monuisse tam illos, quàm nostros gelidos Catholicos, vt tempestiuè sibi præparent, quid Reginae Sabæ in illa die eos hoc facto suo condemnanti respondere debeant.

Mat: 13.  
42:

Nos verò considerantes & illa verba quæ Christus de seipso protulit: *Ecce plus quam Salomon hic*; & quæ in Euangelio audiuius, sumus obsecro MIRANTES SVPER HIS, QVÆ DICEBANTVR DE ILLO, de Christo scilicet IESV; quæ quam multa sint quis verbis assequatur? Complectuntur namque omnia, quæcunque sancti Euangelistæ nobis scripta reliquerunt: quid enim illi aliud scripserunt, quàm quæ DICEBANTVR DE ILLO? Hæc igitur nos meditemur, hæc miremur, hæc identidem contemplemur: quæ tum ad illa Reginae Austri, tum ad alia meditationum capita faciliè reduci possunt; Vnde infinita propemodum nobis admirandi materia suppeditatur. Si enim tanta fuit sapientia Regis Salomonis, vt dicat scriptura: *Christi*

1. Sapientia  
Christi



3. Reg: 4. Dedit Deus sapientiam Salomoni &c. quasi arenā,  
 29. quæ est in littore maris? quanta necesse sit illius,  
 Col: 2. 3. qui est plus quàm Salomon? in quo (teste Apo-  
 stolo) sunt omnes thesauri sapientiæ, & scien-  
 2. Par: 2. 4. tia absconditi? ac proinde si tantopere mira-  
 ta est Regina Sabæ, vt non fuerit præstupore vl-  
 traminea Spiritus; quid nos facere conuenit,  
 qui longè copiosiorē mirandi habemus ma-  
 teriam in Christo I E S V Domino & Deo no-  
 stro? Fecerunt hoc multi sancti ii præsertim,  
 qui solitariam in eremo egerunt vitam, & ita  
 fecerunt, vt in altissimo quodam excessu ali-  
 enati à sensibus non rarò persisterent. Nos si  
 tam altum contemplandi gradum attingere  
 non possumus, conemur saltem eos quan-  
 tum possumus imitari, & cum eadem Regi-  
 8. Reg: 10. na admirabundi exclamemus: *Beati viri tui*  
 8. (*ô Christe I E S V*) & *beati serui tui, qui stant co-*  
*ram te semper, & audiunt sapientiam tuam:* verè  
 beati, & millies beati, & beati non illa adū-  
 brata, quam serui Salomonis habuerunt,  
 sed quæ in hac præsentī vita haberi potest  
 verissima beatitudine.

2. Ordinem  
 p endum Deinde, si Reginæ Sabæ admirabilis vi-  
 sus est ordo in regia Salomonis, in ædificiorū  
 amplitudine, in variis famulorum ministe-  
 riis, in diuerso vestium genere & cultu aliis-  
 que sexcentis, qui tamen vniuersus Salomo-  
 nis apparatus non vsque adeò consuetum a-  
 liorum regum splendorem & magnificen-  
 tiam excedebat: quàm stupendus debet vi-  
 deri

deri nobis nostri Regis Regū, & domini do-  
 minantum Christi I E S V ordo, & rerum ad-  
 mirāda dispositio & cōstitutio, quę licet con-  
 traria planē sit omnibus, qui à mundi exor-  
 dio fuerunt Regibus Imperatoribus, Monar-  
 chis; est tñ omnium excellentissima. Nun-  
 quid eam nobis ob oculos non ponit sacrum  
 hoc tempus octauę Natalis I E S V: quis n̄.  
 quæso elucet ordo in natiuitate eius, qui est  
*plus quam Salomon*? attendite, & obstupescite:  
 pro amplissimis ædificiis cedrinis exiguum  
 & ruinolum stabulum, pro suauī odore fæ-  
 tores, pro splendida veste abiecti panniculi,  
 pro cunis preciosis vile præsepium, pro cir-  
 cumstipātē famulorum caterua parētes pau-  
 perrimi: adstant etiam iuxta vaticinium bos *Is: 1. 3.*  
 & asinus aulicorum loco, qui, vt piē credo,  
 halitu suo tenerrima infantis calefaciebant  
 membra. Obstupescite cæli? En (vt paucis  
 perstringamus omnia) is qui omnes ditat  
 Reges, in summa nascitur pauperie; qui calo-  
 re fouet vniuersā, frigore contremiscit; *Sub Job: 9. 13.*  
*quo curuantur qui portant orbem*, manibus de-  
 fertur inopis artificis. Quanta admirationū  
 congeries? Quid in vita ipsius? quid in mor-  
 te? quid in iis, quę mortem consecuta sunt?  
 Est ergo quod miremur dilectissimi, & mi-  
 rando imitemur, & imitando ad amorem  
 ipsius inflammemur.

Denique si eandem Reginam consideratio: Sacrifici-  
 holocaustorum sacrificiorum, & caremoni-  
 arum,



arum, quæ fiebant in domo illa veteri ex figuris & umbris constante tãtopere rapiebat: quantò maiorem pariant necesse est in nobis admirationem ea omnia, quæ aguntur in hac nostra domo Dei, quæ est Ecclesia Dei viui, columna & firmamentum veritatis, in qua umbris lux, figuris veritas, oblationibus pecorum successit verum corporis & sanguinis Christi, sacrificiũ? Sed hæc satius est tacendo præterire, & vobis meditanda relinquere, quàm paucis loquendo, non satis tantam rerum maiestatem verbis explicare.

Tim: 3.  
85

4. In genere  
varia.

Venio ad alia distinctionum capita, ad quæ reduci possunt ea, quæ nos mirari oportet ex His QUÆ DICEBANTVR DE ILLO, & quæ huculque resonant in auribus nostris, ab Apostolis & Euangelistis nobis siue tradita, siue conscripta. Quæ tot talia, tantaque sunt, quot, qualia, quantaque vix animo comprehendi possunt, miranda tñ sunt: quicquid enim siue in cælo, siue in terra, siue sub terra, quicquid in nobis, circa nos, supra nos, quicquid cum Deo, cum proximo, cum Angelis agitur, nobisue agendum incumbit, hæc omnia DICEBANTVR DE ILLO, nobisque exemplo Christi ad cogitandum & imitandum proponuntur. Rem paucis illustremus. Docemur primùm admirari & cognoscere nosmetipsos: si enim is quem nihil latuit, interrogat discipulos, quæ dicunt homines esse filium hominis? Et iterum: Vos

9. In partem  
lari nosmet-  
ipsos.

Mat: 16. 13

*autem quem me esse dicitis? quid nos facere con-* *Ibidē 18*  
 uenit, immò oportet? qui tanta ignorantia  
 nostri propter amorem nostri proprium la-  
 boramus? Hoc igitur sit admirationis nostrę  
 caput: nemo. n. ad spiritualem (de qua hic  
 differimus) Dei, & aliarum rerum cogniti-  
 onem se peruenturum arbitretur, nisi qui pri-  
 us in sui cognitione benè exacteque fuerit ex-  
 exercitatus: quam tum ex seipso, sincere con-  
 scientiam suam examinando hauriet: tum  
 ab aliis, eos Christi exemplo interrogando  
 discet. O quantus vel hac vnica in re sanctę  
 admirationis campus aperitur?

Deinde mirari debemus proximos no- *6. Proximos*  
 stros, non vt defectus & imperfectiones eo- *& quomo-*  
 rum malitiosè carpamus: aut nos illis arro- *do.*  
 ganter anteferamus, sed vt eorum virtutes  
 imitemur sedulò, & vicissim eos exemplo  
 nostro ad bonũ incitemus. Hoc & ipse Chri-  
 stus, hoc & Apostoli eius docuere: Christus  
 quidem cum inquit. *Quid autem vides festucam* *Mat: 7. 3.*  
*in oculo fratris tui, & trabem in oculo tuo non vides?*  
 Et alibi grauiter admodum arguit pharisęũ, *Luc: 18. 10*  
 qui publicano sese præferens, suas quidem  
 virtutes, publicani verò nonnisi vitia consi-  
 derauit & admiratus est; cùm contrarium  
 fecisse debuisset: Apostolus verò cum mo-  
 net, vt humiliter de nobis sentiamus, ne  
 corruamus. *Considerans inquit seipsum ne & tu* *Gal: 6. 9.*  
*reuerberis.* Et alibi clamat. *Aedificate alterutrum.* *1. Tess: 5. 11*  
 Pulchra & necessaria admiratio: Vtinam in  
 praxim



7. Sanctos  
& pios-

*Joan: 8. 39.*

*Joan: 5. 45.*

*1 Cor: 4. 16*

*Phil: 3. 17.*

*Jo: 8. 39.*

8. Omnia  
creata.

*Mat: 6. 26*

*Luc: 21. 29*

*Rom: 1. 20*

9. Vita Chri  
sti.

praxim reducat. Præterea admirari debemus vitam piorum, & sanctorum virorum, ut eorum vestigiis insistamus. Ita Christus Dominus in exemplum proponit Abrahamum, Moysen, & alios: ita Apostolus frequenter inculcat. *Imitatores mei estote.* Et ad Philipp: scribens addit: *Et observate eos, qui ita ambulant sicut habetis formam nostram:* Ecce quomodo mirari & seipsum, & alios sibi similes præcipit Apostolus. nemo. n. alterius vitam imitari potest, nisi eam prius cognitâ perinspectamque habuerit. Christus verò ad Iudæos inquit: *Si filij Abraham estis, opera Abraham facite.* Demirari itaque facta Abraham iubet.

Neque verò vitam & mores hominum duntaxat, sed vniuersa etiam alia à Deo creata admirari, & inde ad cognitionem Dei, & mysteriorum eius deuenire docet nos idem Christus, & Apostolus eius. Christus quidem per tot tamque diuersi generis parabolas: Quid enim hæc aliud sibi volunt, quam ut per admirationem creaturarum ad cognitionem Dei, & operum eius deueniamus?

Ideo Christus: *Respicite ait volatilia cali. Considerate lilia agri.* Et alibi: *Videte ficulneam, & omnes arbores.* Apostolus autem apertè testatur, per cognitionem creaturarum ad Dei agnitionem perueniri: *Inuisibilia enim inquit, ipsius a creatura mundi per ea, quæ facta sunt intellecta conspiciuntur, sempiterna quoque eius virtus & diuinitas.* Eximia admirationis & contemplatio-

plationis ratio, sed magis propria Christianis illa, quæ directè in themate proposito nobis commendatur, vt imitando parentes seruatoris nostri, vitam Christi consideraremus. Hoc. n. est speculum perfectissimum, in quo pusilli & magni, indocti pariter ac docti, viri & fæminæ, Græci & Barbari, omnes denique à maximo vsque ad minimum & se ipsos clarè intueri, & alia omnia cognoscere, & ad imitandum & redamandum illum excitari possunt, & debent. Hoc monet nos ipse Christus dicens: *Discite à me quia mitis sum, & humilis corde.* Et iterum *Exemplum dedi vobis, vt quemadmodum ego feci vobis, ita & vos faciatis.* Hæc eadem principis Apostolorum doctrina est: *Christus ait ille, passus est pro nobis, vobis relinquens exemplum, vt sequamini vestigia eius.* Hoc commendat & D. Paulus inquiring: *Estate imitatores Dei sicut filij charissimi.* Et vt scias illum de Christo loqui, subiungit. *Et ambulate in dilectione, sicut & Christus dilexit nos.* Verum quoniã hac de re & in sequenti concione aliquid, & alias frequentius nobis disserendum erit, concludamus nobilissima illa & omnium & suprema admiratione, quæ in cõtemplatione ipsius diuinæ essentia consistit, quam docuit Christus, quando erat pernoctans in oratione Dei: quam exercuerunt principes terræ, & primi Apostolorum; quando alter ad tertium calum raptus fuit, & audiuit arcana verba, quæ non licet homini loqui: Alter vidit

Mat: 11.

29.

10: 13. 15

1. Pet: 2. 21.

Eph: 5. 1.

10. Deu ipsu

Luc: 6. 12.

2. Cor: 12. 2

Act: 10. 13.

lin-



*lintheum magnum* de cælo expansum, magnum illi mysterium de conuersione gentilium pādens: quam amplexati sunt sancti præsertim anachoretæ, & religionum fundatores, quā admirandi rationem doceant illi, quos ipse Spiritus sanctus in eis habitans docet: nos interim finem concioni nostræ imponamus.

III. MEM-  
BRVM  
Conclusio  
summam  
dictorum  
continens,  
& fructus.

Concludamus itaque iisdem quibus cæpi-  
mus verbis, ERANT IOSEPH ET MARIA  
MATER IESU MIRANTES SUPER HIS,  
QVÆ DICEBANTVR DE ILLO. Simus  
& nos dilectissimi hoc ipsum facientes. Id e-  
nim docet, suadetque necessitas ipsa, paren-  
tes Christi, ipse Deus, honesti ratio, & mā-  
xima quæ nos inde manet, vtilitas nostra.  
Qualia, & quot ad virtutem incitamenta? Ne-  
cessitatem tantam esse audiuitis, vt sine ad-  
miratione homo esse non possit. Cur ergo  
malam potius, quàm bonam admirationem  
eligimus. Non demiremur obsecro cum im-  
piis, & mundo huic deditis hominibus scur-  
rilitatem, & omnem insipientiam; sed cum  
Regina Saba sapientiam, cum Salomonis, tū  
verò eius, qui est Salomone maior: omnem  
denique a quocunque nobis offeratur piam  
doctrinam: non turpem miremur in rebus  
inordinationem, sed pulchrum ordinem:  
non detestandam impietatem, sed sanctam  
& antiquam pietatem, qua Deus sacrificiis, &  
cæremoniis colitur: denique non miremur  
mala, sed bona consideremus & meditemur.

Verum

Verum non sit nobis satis bona & licita contemplari, sed faciamus id quoque bene, id est, bono & sancto fine, sine quo nihil est laudabile. Ac proinde demiremur nosmetipsos; non ut nobis blandiamur, sed ut nos humiliemus: non ut peccata nostra excusemus, sed ut accusemus: miremur proximos non ut iis detrahamus vitia eorum considerantes: sed ut ex illis ædificemur, virtutes eorundem sectantes: miremur omnes alias creaturas, non ut eis abutamur, sed ut per eas ad cognitionem Dei, deueniamus. Miremur Christum Dominum, non ut propter eius immensam misericordiam, & infinita merita liberè peccemus, sed ut illum magno conatu studioque impensè imitemur, & omnem in eò fiduciam tanquam in fortissimo propugnaculo collocemus. Miremur denique & contemplemur ipsam diuinam naturam, non ut docti, sanctiue videamur: sed ut misericordiam ab eò obtineamus, & in eò delectemur: hic est enim supremus & dulcissimus omnis delectationis fons, & abyssus. Quocirca ut simus MIRANTES, ipsa nos excitet, inducat, cogat necessitas, eaque duplex: Altera quia necesse est omnino semper aliquid mirari: Cur ergo (quod prouerbio tritum est) non faciamus ex necessitate virtutem? Altera quia hinc omnis salus nostra, vel interitus pendet sempiternus. Si bona bene meditat-  
us fueris, erit tibi CHRISTVS IN RESVR-

Quid nos  
ad mirandū  
inducet,

Necessitas  
duplex.



Alia notan-  
da.

Vtilitates  
maximæ.

RECTIONEM: si malè, fiet, (quod absit)  
IN R VINAM. Hæc igitur noctu atque in-  
terdiu cogita? hæc meditare, & consci-  
entiam sæpius excutiendo, animum tuum ad  
sanctam incita & vrge admirationem. Ad  
quam præterea inuitant & incitant te paren-  
tes Christi, quos idem fecisse audis: incitat  
ipse Deus pater, & per prophetas, & per fi-  
lium suum hæc nobis commendando dilige-  
ter: incitat ipse Christus cum omnibus san-  
ctis, exemplum nobis tribuendo: incitat i-  
psa honestas: quid. n. honestum magis, quàm  
tales imitari? incitat iucunditas & delectatio,  
quæ præcipua inde hauritur: incitant deniq;  
summx, quæ inde habentur, vtilitates. Quid.  
n. est vel esse potest verè vtile, quod inde nō  
percipiatur? Hinc fides diuina in nobis firma-  
tur, Deo hac ratione intellectum nostrum  
mirificè illustrante. Hinc spes erigitur & cer-  
tificatur. Nam (excepta reuelatione) nullus  
est certior suæ salutis, quàm is, qui in hac  
sancta exercitatus est admiratione & contē-  
platione. Hinc charitas in nobis maiorem in  
modum radicatur. Hinc pax & quies omnis  
possidetur, cum Deo, cum Angelis eius, cum  
hominibus bonis & iustis, cum plerisque eti-  
am iniustis & impiis. Hi. n. diuina admiran-  
tes vel contemnunt vt stultos, vel veneran-  
tur vt sanctos, & ita patificè cum illis viuunt:  
eos verò qui mundana mirantur, suscipiunt,  
& sectantur, aut velut ineptos derident, aut  
facibus

facibus inuidiæ succensi persequuntur. Hinc ad extremum oritur quicquid siue in hac, siue in illa vita obuenire nobis boni potest. Nā vt diximus non ideo terram fuisse desolatam propheta conqueritur, quòd nihil omninò homines recogitauerint demiratiue fuerint (hoc enim non fuit possibile) sed quòd inordinatam habuerint admirationem, quam idè inconsiderationem vocat, quia considerationis, quæ virtus est, nomine indigna fuit. Quare si inconsideratio & defectus recogitationis corde, parit spirituales desolationem terræ huius, quæ terra est morientium; profectò consideratio sancta rerum diuinarum implebit terram viventium. Admirationem igitur sanctam, si habuerimus & illam terram possidebimus, vbi Pater, Filius, & Spiritus sanctus, Trinitas incomprehensibilis facie ad faciem à nobis videbitur, laudabitur & benedicetur per immensa sæculorum AMEN.

## CONCIO QVARTA.

### Charitas.

TRIUM-  
PHVS  
CHARI-  
TATIS.

Cum in omni piæ historiæ consideratio-  
ne & meditatione; tum verò in contem-  
platione vitæ Domini, & Saluatoris  
nostri Christi IESV, tria nos intueri & pon-  
derare

Tria in con-  
templatio-  
ne obserua-  
da.

H a

derare



Personæ in  
hac Conci-  
one confide-  
rabuntur.

derare docent viri spirituales; nempe perso-  
nas, dicta & facta, quæcunque in illa, quam  
meditandam suscepimus, historia describun-  
tur: vt mala quidem detestemur, bona verò  
imitari studeamus. Quætria quanquam ita  
inter se colligata & connexa sunt, vt vnius  
consideratio alteram vt plurimum inuoluat:  
cum & persona per dicta, factaque nobis in-  
notescat, & hæc dignitatem, vel indignita-  
tem illius prodant; habent nihilominus sin-  
gula suas particulares animaduersiones, quas  
ii, qui meditandi methodum & rationem no-  
bis tradiderunt, primum mente perscrutari,  
deinde animo degustare, tum opere etiam  
implere; ac demum aliis communicare nos  
docuerunt. Quoniam igitur in aliis, quas de  
hoc Euangelio habuimus concionibus, om-  
nia quæ in illo nobis describuntur, dicta,  
factaque, serio quantum Dominus concessit,  
semel, & iterum excussimus: visum est  
mihi conueniens in hac, mentes vestras in  
consideratione personarum, quæ hic nomi-  
nantur parumper occupare: quod tantò li-  
bentius faciam, quantò magis id meo qua-  
drat instituto. Statui etenim vobis hodie-  
na die describere, & ante oculos mentis po-  
nere triumphū reginæ & imperatricis omni-  
um virtutum, ac debellatricis omnium viti-  
orum charitatis: quam ad rem non medio-  
criter me iuuant hæ personæ, quarum in E-  
uangelio factam mentionem videmus. Sunt  
verò

verò præter IESVM Christum Regem Regñ, & Ap: 19.16.  
 Dominum Dominantium, qui deuicta morte ex  
 inferno triumphauit quatuor aliæ; MARIA  
 videlicet MATER IESV vera, & legitima:  
 IOSEPH pater eiusdem putatiuus, SIMEON  
 homo (vt ait scriptura) iustus & timoratus expe- Luc: 2.25  
 ctans consolationem Israel, & Spiritus sanctus e-  
 rat in eo, & ANNA PROPHETISSA anus  
 lectissima.

In hodierna itaque concione considerabi- PROPO;  
 mus in primis, quæ ad hunc, quem medita- tripartita.  
 mur triumphum requirantur. Deinde quid-  
 nam hæ, quas nominauimus personæ, ad id  
 nobis conferunt, postremo quonam modo  
 & ratione nos quoque triumphi huius parti-  
 cipes esse possimus. Tu summe triumphator  
 noster Christe IESV, tribue, vt & huius tē-  
 poranei ac imperfecti triumphi vsque in fi-  
 nem, & illius perfectissimi sine fine per meri-  
 ta sua consortes effici valeamus.

Quantum adhiberi solitum fuerit splen- I. PARS  
 doris, gloriæ, ac maiestatis cum aliarum nati- Triumph  
 onum, tum verò triumphis Romanorum, dignitas  
 qualemue eiusmodi spectacula in animis in-  
 tuetium excitare consueuissent admirationē,  
 lætitiā, ac delectationem; nec nostri offi-  
 cii est recensere, nec vestra multum interest  
 scire. Eximios sanè & excellentissimos eos  
 fuisse, nemo dubitare poterit. Verum nos  
 terrenis omissis ad spirituales & cælestes, ve-  
 rēq; amplissimos & augustissimos triūphos



Triumphus  
Spiritualis  
duplex.

contemplandos mentem animumque transferamus nostrum. Hic verò triumphus spiritualis duplex est: Prior qui in hac vita, posterior qui in illa habetur: ille imperfectior, hic perfectissimus temporaneus ille, iste æternus: Vterque tñ, nēgo fallor, in charitate consistit: præsentis quidem vitæ in charitate minus perfecta, & quæ amitti potest; is verò quem expectamus, in charitate absolutissima ac in æternum permanens, est constitutus.

Ex his duobus nos in hac concione, nostrum, id est illum, qui nobis dum in hac peregrinatione sumus conuenit, præcipuè explicabimus. Quam ad rem non ex prophætarum auctoribus, sed ex diuinis literarum monumentis triumphos descriptos eosque non

1. Reg. 15. 12

1. Reg. 17. 6

4. Reg. 2.

Ezech. 1.

10. cap.

Eius imago

duplex.

terrenos & corporales, quales fuerunt Saulis, & Dauidis: sed cælestes ac spirituales desumemus. Huiusmodi autem duo nobis occurrunt: alter Eliæ, Ezechielis alter: quorum ille re ipsa, hic non nisi in uisione fuit: vterque tamen præstantissimus, & quibuscum omnes mundani triumphi ne comparari quidem possunt; priori præter Eliam, qui triumphauit, interfuit quoque Eliseus propheta: posteriori præter Ezechielem, qui eū intuebatur, hominum aderat nemo, aderat tñ & maiestas diuina, & angelorum multitudo innumera. Ex utròque hæc ad nostrum propositum colligimus. Primū, curram ipsum

In triumpho  
spirituali  
consideranda

trium-

triumphalem admirabili opera artificioque compactum, deinde aurigam, clamante Elisæo ad Eliam: *Currus Israel, & auriga eius.* Currus; Auriga. Præterea rotas, quas fuisse quatuor in Ezechiele legimus: Sic.ñ. ille: *Et vidi & ecce quatuor rota iuxta Cherubin.* Sunt & equi ignei, *4 Reg: 2.12* Equi &c. ignea. (sicut & alia omnia ignita erant) verum numerus eorum: in locis citatis tacetur: aliunde igitur is colligendus erit. Quatuor autem fuisse suadet, non solum Zacharias, qui varia quadrigarum vidit genera; Sed magis Abacuc, maximè autem sponsa. Abacuc inquit. *Qui ascendes super equos tuos, & quadrigæ tue saluatio.* *Abac: 3.8.* Sermo est de Christo Domino, qui per Apostolos & quatuor Euangelistas salutem attulit mundo, per charitatem verò intrinsicè saluat mundum, quæ quidem charitas dū à quadriga trahitur virtutum, celerrimè currit, & ad destinatū sibi properat locumq; finemque. Sponsa autem: *Nescini,* ait anima *mea conturbauit me propter quadrigas Aminadab.* *Cant: 6.11.* Aminadab fuit princeps filiorum Iuda in trāsitu maris rubri, cuius filiam Elisabeth Aarō duxerat in vxorem (ita sacerdotalis & regalis tribus semper miscebantur) is alius trepidantibus primus dicitur sequutus Moysen per diuisiones maris: Interpretatur autem Aminadab populus meus spontaneus: Et significat tum ipsum Christum, tum populū ei per charitatem spontaneè adhærentem. Christus etenim I E S V S Rex & sacerdos summus pri-



mus olim per figuram in Moyſe, & Amina-  
 dab; poſtea verò re ipſa per ſemetipſum vl-  
 trò & voluntariè mare rubrum paſſionis ſuæ  
 ingreſſus, miſſis poſtea per quatuor orbis ter-  
 rarum partes quadrigis ſuis Apoſtolis, & E-  
 uangelis ſponſam ſuam & edocuit nouam  
 legem, quam antea nesciuerat; & conturba-  
 tiones eius ſedauit; Populus verò, qui ſpon-  
 taneè immò dulciter per fidem viam illi cõ-  
 iungitur, quem *gentem ſanctam, populum acqui-*  
*ſitionis* vocat princeps Apoſtolorũ hic inquã  
 populus: quadriga Charitatis in viis & ſemi-  
 tis ipſius currens, & arcana multa, quę ignora-  
 bat cognoscit, & poſt vtilem animæ contur-  
 bationem mirificam percipit mentis conſola-  
 tionem. Poſtremò in hac actione triumphali  
 id notatu eſt digniſſimum, quod tã Eliæ,  
 quàm alter curruſ non legantur vnquam re-  
 troceſſiſſe, imò de hoc dicitur quòd tam *rotæ*  
*Eze: 1. 20* in quibus *Spiritus vitæ erat*, quàm quatuor  
*Ibidẽ 9.* animalia quæ ibi reperiiebantur *non reuertebã-*  
*tur cum incederent, ſed vnumquodque ante faciem*  
*ſuam gradiebatur.* Magnum ſanè myſterium.  
 Hæc ſunt, quæ de vtroque illo curru tri-  
 umphali inter alia legimus; quæ iã, in Chri-  
 ſti nomine, charitati triumphanti, quem-  
 admodum polliciti ſumus, applicemus. Ha-  
 bet charitas inprimis curruſ triumphalem  
 fidei ſanctæ Catholicæ ex duodecim articu-  
 lis, quos Apoſtoli compoſuerunt, & nobis  
 reliquerunt, tanquam ex tabulis ligni Setim  
 incom-

Charitati  
 hæc omnia  
 applicantur

Curruſ, Fi-  
 des.

Ex: 25. 10.

incomputribilibus firmissimè compactum:  
 in qua fide tanquam in fundamento & basi  
 quadam suis consistit pedibus charitas. *Habet* Sedes, spes.  
 item in curru hoc sedem eminentem: ea  
 verò est, spes bonis & præclaris operibus tan-  
 quam lapillis preciosissimis eximiè ornata,  
 quæ & sursum eam tendere facit (sursum enim  
 ferri spei proprium est) & aliis conspicu-  
 am reddit. *Habet præterea in curru secum* Auriga timor Dei.  
 aurigam timorè Dei, qui satis scitè & sum-  
 ma ac mirabili arte, & quadrigam virtutù  
 propellit, & currum agitat. In perfectis ve-  
 rò quibus competit illud. D. Ioan: *Perfecta* 1 Ioan: 4.  
*charitas foras mittit timorem: ipsa charitas auri-* 18.  
*gam agit tantò potentius, quantò dulcius:*  
*ideoque Elisæus clamabat ad Eliam: curvus* 4 Reg 2. 12  
*Israel, & auriga eius.* Ad sunt & rotæ quatuor, Rotæ qua-  
 per quas quid aptius intelligemus, quam tuor vir-  
 quatuor illas virtutes, quas D. Ambrosius & Cardina-  
 les-  
 alii, Cardinales vocant? nempe iustitiam,  
 prudentiam, fortitudinem, & temperantiã:  
 quæ in decoro, & honesto, tanquam in axi- Axes deco-  
 bus & vertuntur perpetuò, & fidem spemq; rum & ho-  
 subleuant, & charitatem ad progrediendum nestum.  
 adiuvant.

Restat quadriga candida, tum sinceritate, Quadriga  
 tum innocentia sua; eam nos ex quatuor vir- quatuor vir-  
 tutibus solis quasi Christianis propriis confi- tutes Chri-  
 cimus. Philosophi. ñ. ita uti a nobis accipi- stianæ.  
 untur eas non cognouerunt, immò in vitio Omnia au-  
 quasdam posuerunt: hominibus verò legis tem sunt  
 candida.  
 H 5 veteris



veteris cognitæ quidem aliquibus erant, sed familiares, vt nunc sunt, non erant. Sunt autem hæ, obedientia humilis, admiratio seu contemplatio rerum diuinarum diligēs, patientia longanimis, & continua in rebus omnibus mortificatio. Quæ quatuor virtutes currum charitatis non currere tantum, sed volare omninò ad finem destinatum faciūt. Postremò in hoc curru charitatis triumphali duo sūt nobis notāda: Alterū, quòd tā currus, quàm equi, & reliqua omnia sint ignea, igne videlicet illo succensa, quem saluator noster venit mittere in terram, & voluit accendi. Ignis enim charitas est, quæ inflammatur omnia, & quicquid inflammauerit virtuosum studi-  
 osumque reddit: Alterum animaduersione est dignū, quòd progrediantur omnia: quicquid n. hic reperitur, *vnun quodque ante faciē suam graditur*, non reuertitur, imò nec respicit retro (Sic n. Christus docuit) Quia vt ille S. dicebat. In via Spirituali, [nolle proficere non nisi deficere est] Ac proinde vnus egregius triumphator, & currus istius agitator de seipso testatur, & clamat. *Fratres ego me non arbitror comprehendisse: Vnum autem quæ quidem retro sunt obliuiscens, ad ea verò quæ sunt priora extendens meipsum.* O doctrinam singularem. O factum principe Apostolorū dignum, & nobis summa animi contentione imitandum.

Ignea-

Luc: 12.  
49.Progredien-  
tia.Luc: 9.62.  
Bernard:  
Epa: 253.

Phil: 3.13.

I. PARS  
Triumphus  
iste in Euan-  
gelio deno-  
tantur.

Sed videamus iam quonam modo hæc singula, quæ de triumpho charitatis sunt notata, in E-

in Euangelio hodierno reluceant. Et de fi-  
 de quidem spe, ac ipso etiam timore non est  
 quod disseramus, cum ex hoc Euangelio in-  
 tegras his de rebus habueritis conciones. V-  
 num ad dicta de timore sacro addo: Velle  
 Deum dum hic sumus, nos in timore esse. Si  
 n. parentem vnigeniti sui ita teruit, vt lon-  
 gè ante prædici ei voluerit, quòd animam  
 ipsius gladius doloris esset penetraturus, quid  
 nos cogitare oportet? & quantò cum metu & tremore salutem nostram operari conuenit? Ve-  
 rum ad rotas, & equos, quæ concionis hu-  
 ius sunt propria veniamus. Et rotas quidem  
 leniter, quadrigam verò paulo copiosius ex-  
 plicabimus: nam de virtutibus Cardinalibus  
 copiosius agendi alia sese offeret occasio. Has  
 verò virtutes rotis (vel earum partibus) D. D. Gre: in  
 Gregorius quoque applicat, quem tanquã Ezechiel  
 ducem libenter sequimur, Possunt autẽ non In personis  
 ineptè, vt mihi quidem videtur, tam rotæ, hic descri-  
 ptis.  
 quàm equi personis, quæ in Euangelio re-  
 censentur accomodari: non quod omnes istæ  
 virtutes in singulis personis non reperiantur,  
 (cùm in ipsa Beatissima virgine Maria fuerint  
 vniuersæ, secundum Christum, in gradu per-  
 fectissimo) sed quòd certè certis magis ada-  
 ptentur: tum propter nominis agnominati-  
 onem, tum aliis de causis. Sicut. n. in diui-  
 nis, quamuis omnia diuina attributa æqua-  
 liter singulis competunt personis; quædam  
 tñ. particulari ratione quibusdam appropri-  
 antur.

Cur peculi-  
 ariter iis ap-  
 plicentur.

A simili.



antur; vt omnipotentia patri, sapientia filio, bonitas Spiritui sancto: ita hic quædam ex prædictis virtutibus peculiariter peculiaribus conueniunt personis.

Applicabimus autem eas quatuor hisce personis SIMEONI videlicet, IOSEPHO, MARIÆ, & ANNÆ non solum rotas; sed etiam quadrigam; id est non solum Cardinales illas virtutes, sed & eas, quas particulari ratione Christianas vocauimus. Neutrum. n. est insolens non solum apud SS. Patres, sed etiam in ipsa scriptura, nempe tum diuersa vni rei applicari propter diuersos respectus; tum rotas & simili personis adaptari. Nam primum quidem frequens est in parabolis à Christo prolatis, in quibus non semel res vna, eademque diuersis notatur paræmis, & similitudinibus: posterioris verò est *Eze: 10. 9* exemplum apud Ezechielem in hac ipsa, quã tractamus, materia. Quatuor enim illæ rotæ, quatuor animalibus (seu potius Cherubinibus) applicantur: per omnia autem ista quatuor Euangelistæ designantur secundum communem SS. Patrum interpretationem. Sed & illud obseruandum est (antequam ad singula singillatim deueniamus) quatuor illas virtutes, quæ in rotis figurantur, ab iis virtutibus, quæ equis accommodantur, ita perfici, vt Cardinales Christianis subalterari, & subseruire videantur. Vnde maxima nouæ legis præ aliis patet eminentia ac dignitas.

Quæ

Quæ enim iuxta lumen naturæ Philosophis videbantur suprema; ea secundum lumen Euangelii apud Christianos inferiorem locum obtinent. Verum iam ad singula veniamus.

SIMEON itaque primus prodeat in medium, cui ex Cardinalibus quidem virtutibus eam, quam primo loco collocare consueverunt Philosophi IUSTITIAM; ex aliis verò OBEDIENTIAM humilem, siue HUMILITATEM obedientem adaptabimus. Illam in Simeone eluxisse testatur scriptura, quæ paulò ante hodiernum Euangelium in hæc verba de illo loquitur. *Et ecce homo erat in Ierusalem, cui nomen Simeon, & homo iste iustus & timoratus.* Quamvis enim iustitia hîc univ ersaliter accipiatur, prout omnes completitur virtutes, per quas iustificamur, & iusti nominamur & sumus: tñ res ipsa loquitur, etiam iustitia, vt est peculiaris virtus illum minimè caruisse: tum quòd hæc quoque in illa comprehendatur uniuersitate; vnde & nomen accipit: tum quòd Simeon reddiderit unicuique quod suum est: quod est iustitiæ proprium. Reddidit autem Deo, omnem religionem, ideò subiungitur, quòd *Spiritus sanctus erat in eo*: proximo obsequium, propterea in Euangelio hodierno & benedicit, & docet: sibi ipsi denique dabat mortificationem, iccirco *timoratus* fuisse perhibetur. Iam in altera etiam eum excelluisse virtute & nomen

I. Simeon iustus & obediens.

I. Ioan: 3. 1



men ipsum, & res produnt: SIMEON etenim OBEDIENS siue audiens interpretatur: illi enim soli verè censentur esse audientes, qui sunt verè obedientes; maximè qui sunt obedientes ex humilitate; qualis hîc Simeon fuit. Res verò id ipsum luculenter testatur: Actus. ñ. qui in hac virtute dari potest excellentissimus in Simeone reperiēbatur, de quo paulò post.

Bis homo.

Interim duo in ipso, vel de ipso notatu digna aduertamus, & studiose imitemur: Alterum quòd bis dicatur fuisse homo. Nam *ecce homo erat.* ait Euāg: Et iterū, *& homo ille iustus.* Putatis id gratis esse repetitū? ego verò in eam sententia, vt ne iota quidem vnum in scriptura sacra gratis dici existimem. Notatur ñ. Simeon fuisse bis homo: nam sunt aliqui tantum semel homines, ii videlicet, qui siue *Luc. 8. 13.* in prosperis solummodo seruiunt Deo, & in tempore tentationis recedunt ab eò, vt ipse Christus de talibus testatur: siue è contra, in tribulationibus inuocant Deum, & coniunguntur illi per charitatem; in prosperis verò obliuiscuntur Dei, & voluptatibus totos sese dedunt: quorum non levis, nec exiguus est numerus, & longè numerosior, quam prioris generis multitudo: vtinam sint pauciores, vel melius dixerim nulli: Erant autem si imitabuntur Simeonem, qui & dicitur, & fuit bis homo, & in aduersis scilicet constans & in prosperis moderatus.

Alterum

Alterum animaduersione est præcipuum in Simeone obedientiam humilem, siue humilitatem obedientem enituisse: Subiecit n. sese in omnibus diuinæ voluntati, licet fortè contrarium ei videretur. Secus autem gessit se Saul primus Rex Iudæorum: huic enim cum iussisset per Samuelem Deus, vt dederet penitus Amalech, præcepissetque illi dicens: *Non parcas ei, & non concupiscas ex rebus ipsius aliquid, sed interfice à viro vsque ad mulierem, & paruulum, atque lactentem, bouem, & ouem &c:* durum visum est ei hoc Dei mādātum, ideò pepercit Saul Agag (Regi Amalechitarum) & optimis gregibus ouium & armentorum & vniuersis, quæ pulchra erant. Quo nomine cum reprehenderetur à Samuele, quòd videlicet non impleffet voluntatem & præceptum Domini, ait Saul ad Samuelem: Imò *audiui vocem Domini.* Hæc est enim naturalium, putare se esse obedientes, quando iuxta voluntatem, & iudicium suum proprium implent, quæ præcepit Deus: at quam id & peruerse, & cum suo detrimento faciant, pæna statim inflicta Sauli, abundè demonstrat: dictum est. n. illi: *Pro eo ergò, quòd abiecasti sermones domini* (quos tñ. se impleffe gloriabatur) *abiecit te Dominus.* Summa afflictio, & qua nulla maior excogitari potest (hanc enim omnes pænæ sequuntur) quando aliquem abiicit Dominus, quod fieri propter inobedientiam audis. Contrarium autem e-

E contr  
Saul.

I Reg: 15.8

Ibid: 8.29  
Naturaino-  
bedientium

uenis



uenit Simeoni: non solum. n. non abiecit e-  
um Dominus, sed etiam verbum diuinum  
Deus caro factus ipse ad illum in templum  
venit, palpandum se ei præbuit, prophetam  
eum fecit, & ingenti lætitia animi illum affe-  
cit, impleuitque; tanquam obedientem,  
tanquam humilem, tanquam submittentem  
iudicium suum voluntati ac iudicio diuino.  
Itaque rectè SIMEONI & rota iustitiæ, & e-  
quus obedientiæ assignatus est, quorum v-  
trumque in illo & candidum, & igneum fuit:  
Candidum propter sinceritatem, quæ tam  
in iustitia, quam in obedientia multum cō-  
suevit relucere: ignitum verò erat vtrumque  
propter charitatem, qua ita feruebat Simeō,  
vt verba ipsius ignem planè diuinum spirare  
videantur. Sed iam ad aliam personam  
transeamus.

2. Ioseph  
prudens &  
admirans.

IOSEPH secundum locum occupet, vir  
alter ex iis, qui in Euangelio nominantur.  
De quo pauca habemus, nec plura, quàm  
aliquot verba in principio; & nominis dedu-  
ctionem. IOSEPH enim augmentum Do-  
mini significat: Cui duas itidem virtutes ex-  
prædictis assignabimus: rotam quidem PRU-  
DENTIÆ. Equum verò admirationis, siue  
CONTEMPLATIONIS sanctę. Quàm pru-  
dens enim hîc Ioseph fuisse credendus est; cui  
Deus pater & sponsam suam purissimam vir-  
ginem Mariam ad custodiendum, & vnige-  
nitum filium suum, in quo multum sibi cō-  
placuerat,

placuerat, ad enutriendum tradidit? Prudentissimus sanè ad quem Deus nuntiū mittit; quem Angelus instruit semel, iterum & tertio; qui infantem Iesum prudenter, & in Ægyptum ducit, & inde reducit: qui dignus habitus est, vt ipsa sapientia sibi præcipienti obediret. Scriptum est enim de Christo: *Et Luc. 2. 51.*  
*erat subditus illis:* huic videlicet I O S E P H, & M A R I Æ virgini matri. Virtutem verò contemplationis habuisse Iosephum exprimitur in Euangelio hodierno, cum dicitur: E T E R A T P A T E R E I V S E T M A T E R M I R A N T E S. Per patrem enim Christi Ioseph intelligitur; qui pater putatiuus fuit I E S V, verus autem nutritius: ac proinde conscius omnium, quæ circa Christum agebantur in eius infantia, & quæ ab Angelis, à Magis, à pastoribus, à Simeone, ab Anna, & aliis dicebantur, quæue fiebant, stupenda sanè, quæ hîc Ioseph considerabat & contemplabatur. Idcirco benè Ioseph, id est, domini augmentum dictus fuit. Nam & ipse cum aliarum; tum verò istarum virtutum copiosum augmentum à domino in seipso accepit: & aliis augmentum diuinæ gratiæ attulit, quando Iesum & in Ægyptum Gentibus tulit, & Iudeis in terram promissionis iterum retulit. Quid verò vtilitatis iste actus contemplationis Iosephi nobis præstiterit, inferius dicemus: nunc satis sit & candorem. & ardorem harum virtutum in Iosepho notasse. Candidus. n̄.  
 I fuit



fuit tum in prudentia candidè omnia operādo, tum in contemplatione purè, & sincere gloriam Dei quærendo. Ardens verò & ignitus erat in vtroque: nam non solum prudenter, sed & feruenter magnis laboribus toleratis tulit, ac retulit Iesum ex Ægypto, & in admiratione seu meditatione diuino igne cum arfisse dubitandum non est.

3. MARIA  
fons omniū  
virtutum.

MARIA MATER IESV sequitur, prima & eius quæ in Euangelio nominatur, & omnium quæ ab orbe condito fuere, futuræue sint feminarum, fons & mare omnium virtutum: Quidni. n. fontem virtutum dixerimus Mariam, ex cuius vtero egressus est, à quò omnes fluunt virtutes, quæcunque verè virtutis nostræ censentur? *de plenitudine enim eius nos omnes accepimus: & gratiam pro gratia* clamat ille, qui bonam partem gratiæ donorum, & virtutum ex hoc fonte hauserat. Mare verò est virtutū Maria; tum in se; quia innumeris pollet virtutibus, sicut mare innumeris constat guttis: tum ratione aliorum: quia infinitis aliis pro sua in eos charitate impetrat virtutes: Utinam & nobis omnibus eas obtineat, quod ab illa tanquam à matre misericordiæ humiliter & omni cum animi demissione exposcamus.

Fontis & patiens.

Quamuis autem vt dictum est in omnibus præmineat virtutum generibus: MARIA duas tamen ex recensitis, illi peculiariter applicabimus: illas nimirum, quæ nobis in Euan-

in Evangelio iusnuantur: quarum prior sic  
 FORTITUDO, in rota tertia currus trium-  
 phalis designata; posterior verò longanimis,  
 & humilis PATIENTIA, inter quadrigas  
 computata: quarum vtraque quantoperè in  
 ea eluxerit, quis non verbis solum explica-  
 bit, sed vel mente ipsa aut cogitatione asse-  
 quatur? Benè MARIA, siue exaltata, siue  
 mare amaritudinis interpretatur: Verè. n.  
 quemadmodum in ceteris omnibus ita in  
 his etiam virtutibus excelsa & exaltata fuit  
 nimis; Verè mare amaritudinis dicitur cum  
 aliàs, tum in actu isto, quem hodie prædi-  
 cit illi Simeon, dicens: ET TVAM IPSIVS  
 ANIMAM PERTRANSIBIT GLADIUS.  
 Tantus enim dolor, tanta amaritudo animū  
 eius, quando vidit filium suum, eundemq;  
 filium Dei, pendentem in cruce, occupavit:  
 vt nisi singulare Dei succurrisset auxilium,  
 mari illo amaritudinis absorpta, & tanquam  
 gladio traiecta exanimis concidisset; Ideò  
 meritò canticum illud lamentabile occine-  
 re tunc potuit. *O vos omnes qui transitis per Tre: r. 12.*  
*viam, attendite, & videte, si est dolor sicut dolor*  
*meus.* Quare fuit & fortis, fuit & patiens vir-  
 gò Beatissima, fuit & longanimis in patien-  
 tia; quia vsque in finem, præsens morienti  
 filio aderat: fuit denique humilis, quia in o-  
 mnibus humillimè se gessit. Verum de vir-  
 tute humilitatis, quam illa peculiariter ada-  
 mauerat, copiosius disserendi aliud tempus



& occasio expectanda erit. Cæterum quanto cum candore, & charitatis feruore hæc, vt alia omnia, exequebatur, me tacente omnia loquuntur.

†. Anna cō-  
tinens &  
mortificata.

ANNA vidua virginis pedissequa implet præconceptum numerum, quæ ex nomine suo gratiola, vel misericors nuncupatur; Cui postrema & rota, & equus assignantur. Rota TEMPERANTIÆ vna ex Cardinalibus virtutibus; Equus verò MORTIFICATIONIS deuotæ, & assidue; haud postrema Christianarum virtutum, inò si ordinem earum vt in nobis crescunt, consideres, hanc primā dixeris: nam procedere volenti in via, vitæq; spirituali, ab hac inchoandum esse sancti censerunt patres. Qualis autem tum temperantia, tum mortificatio vitæque asperitas fuerit in hac. B. ANNA, Euangelium hodiernū clarè nimis loquitur: quanta verò cum animi deuotione, & assiduitate in illis sese exercuerit, satis indicant illa D. Lucæ verba: QVÆ NON DISCEDEBAT DE TEMPLO IEIUNIIS ET OBSECRATIONIBVS SERUIENS NOCTE, AC DIE. Itaque adeò assiduam in his erat, vt ea continuaret: adeò piæ deuotioni dedita, vt omnes totius diei horas in templo consumeret. Rectè autem gratiosa, & misericors vocatur: nam & Deo hæc grata sunt, & Anna ipsa gratissima illi fuit; & hominibus vix quicquam gratiosius, & admirabilius videtur, quàm homo deuotus, & morti-

mortificatus : talem facile omnes suspiciunt ,  
 talem admirantur. Misericors verò fuit ,  
 tum erga seipsam ; quia expleuit illud , quod  
 dicit sapiens : *Miserere animæ tuæ placens Deo :* *Ecclesiæ 30.*  
 tum erga proximum , quem impigrè docuit *24.*  
 omnia quæ ipsa à Spiritu sancto didicerat ;  
 quæ egregia sanè erant ; & eiusmodi quæ so-  
 lum ad depellendas omnes misérias sufficie-  
 bant. Nam ait Euangelista , quòd hæc AN-  
 NA LOQUEBATVR DE ILLO , de Chri-  
 sto videlicet saluatore , Iesus autem venerat  
 ad auferendas omnes misérias , quæ veræ mi-  
 seriae sunt : de hoc igitur iam præsenteloeque-  
 batur , illum digito OMNIBVS QVI EX-  
 PECTABANT REDEMPTIONEM ISRA-  
 EL : monstrabat. Magna proinde hæc Anna  
 fuit , magna profectò cum in aliis : tum in i-  
 stis virtutibus. Nec defuerunt illi candor , &  
 feruor : Candida enim fuit omnimoda casti-  
 tate , præcipuè autem viduali , quam sexagin-  
 ta circiter annis sanctè seruauit. Feruens ve-  
 rò erat feruenter Deum noctu atque interdiu  
 exorando , feruenter seipsam mortificando ,  
 feruenter proximum tota virtute sua adiu-  
 uando.

Hæc de hisce quatuor secundum instituti *Tria hic no-*  
 nostrirationem dicta sunt , paulò post plu- *randa.*  
 ra : nunc verò tria hæc aduertemus. Primum ,  
 virtutes istas , quas Christianas appellauimus  
 eo modo , quo illas hîc primò & princi-  
 paliter sumimus , tâta esse excellentiæ , ( prout  
 dixi-



1. Excellētia  
virtutum  
Christianarum.

diximus) vt à Philosophis omnes minimè agnitæ: quædā verò reiectæ etiā fuerint. Intelligimus.ñ. illas hîc præcipuè, quæ vti personis spiritualibus, inprimis verò religiosis cōueniunt (pro talibus enim maximè valent conciones, quæ sub titulo charitatis continentur) qui non solum eas modo quodam peculiari obseruant, verumetiam voto sese obstringunt ad meliorem earundem obseruationem; quod apud Ethnicos stultitiæ loco censeretur; cū etiam nunc non desint huius opinionis (vel impietatis potius) homines, quos tñ non pudet Christianos sese vocare; licet Christo, & Christianis virtutibus sint planè contrarii.

2. Perfectio  
illarum.

Præ Cardinali.

Deinde considerandum est, (vt insinuauimus) has quatuor virtutes adeò esse præclaras, vt illæ Cardinales, quibus nihil excellentius antiquitas nouerat, istis sint fundamenti loco. Vbi enim illæ desinunt, ibi iustæ inchoantur. Exemplis id vt res clarior fiat, demonstremus. Munus iustitiæ est, reddere vnicuique quod suum est; munus verò insuper humilis obedientiæ est, seipsum propter Christum alteri tradere, & tum voluntatem, tum intellectum suum abnegare: quo fit, vt amor proprius, qui est radix omnium vitiorum & inimicus omnium virtutum, maximè verò iustitiæ, funditus elertatur. Similiter prudentiæ est futura præuidere, ac iis præuisis, quæ in hoc mundo ad benè viuendum

dum necessaria sunt, sagaciter providere: at  
 ADMIRATIO seu CONTEMPLATIO san-  
 cta non solum hæc terrena, sed & cælestia; nō  
 caduca tñ, sed æterna speculatur, in illis sum-  
 mam reponit voluptatem, atque ea, quæ  
 perpetuo sunt duratura, providet diligenter.  
 Idem censendum est de fortitudine & tem-  
 perantia, quas Christianæ virtutes, nempe  
 patientia cum humilitate, & longanimitate  
 coniuncta, itemque mortificatio, mirum in  
 modum perficiunt, & longè clariores red-  
 dunt: ac proinde currum charitatis tanquam  
 equi generosissimi volare quasi faciunt: nam  
 fortitudinis quidem est fortiter malis resiste-  
 re: at perfectæ patientiæ Christianæ, est eti-  
 am pro Christo desiderare tormenta pati, ac  
 ultro sese illis obicere, prout multi sancto-  
 rum fecerunt. Temperantiam verò mortifi-  
 cationis esse fundamentum, non tantum ra-  
 tio, sed & ipsi sensus ostendunt: Temperan-  
 tiæ etenim est, rebus ad vitam necessariis mo-  
 deratè uti: mortificatio autem multò pauci-  
 oribus contenta, etiam à necessariis sæpè ab-  
 stinet. Postremo notandum est, vt hæ vir-  
 tutes tales sint, quales ad perfectum charita-  
 tis triumphum requiruntur, constantes illas  
 in finem vsque esse oportere. Propterea Si-  
 meon morti propinquus esse dicitur. Anna  
 ad octogesimum quartum annum hoc exer-  
 citium protraxisse perhibetur. De parenti-  
 bus verò Christi, qui id dubitaret, impiissi-

3. Constantia  
 necess.



mus meritò iudicaretur. Verum de his quatuor personis ista nunc sufficiant.

IESVS  
saluator cha-  
ritas ipsa.

IESVS ex personis omnibus, quæ in Euangelio recensentur, solus superest. Nihilne de eo? Nihil omninò hoc tempore aliud, præter illud vnicum huic loco accommodatissimum; quòd ipse sit, qui in hoc curru triumphator resideat. Nunquid Iesus non est Deus? Est dubio procul, & qui aliter docet, sit *Anathema*, *Maranatha*. At teste dilecto discipulo *Deus charitas est*. IESVS igitur charitas. Est autem IESVS charitas multis modis: primò in se, vt Deus est, perfectissimè & absolute, & modo incompræhensibili. Non. ñ. aliud Deus, aliud charitas; sed idem Deus charitas, & charitas Deus. Secundò vt homo, alia quidè ratione, sed nobis pene æquè ac prior fuit incognita. Tertio vt homo Deus, est auctor, conseruator consummator, omnis charitatis. Ipse enim omnem charitatem nobis passione sua commeruit, ipse eam creat in nobis, ipse cōseruat, ipse consummatam reddit. Quarto dicitur charitas, quia per charitatem nos saluat: Iesum enim saluatorem sonare nostis ex ipsius Angeli interpretatione, & saluatorem à peccatis, quod nullus aliquando saluator potuit, vel poterit vnquam. Denique IESVS Deus est charitas, quatenus per charitatem manet in nobis, & nos in illo. Sic. ñ. D. Ioan: *Qui manet in charitate in Deo manet, & Deus in eo*. Et de hac

8. Cor: 16.

22.

8. Ioan: 4. 9.

1

2

3

4

Mat: 1. 21.

5

8. Io: 4. 16.

hac charitate *diffusa in cordibus nostris* hucusq; *Ro: 5. 5.*  
locuti sumus principaliter, eiusque trium-  
phum expediimus, & de eadem usque ad fi-  
nem concionis agemus.

Quærimus proinde quonam modo nos  
quoque huius eximii triumphi participes es-  
se possimus. Ad quod breuiter, & vno qua-  
si verbo respondeo: *SI IMITABIMVR, TRI-  
UMPHABIMVS.* Sint in nobis cum recta fi-  
de, (quam omnes & soli veri Catholici ha-  
bent) & spe congrua, hæ, quas recensuimus  
& quæ in istis quatuor personis notatæ sunt  
virtutes, & erit, triumphabitque charitas in  
nobis: Et quantò illæ erunt excellentiores,  
tanto magis magisque triumphum aget cha-  
ritas. Quare de virtutibus istis agemus iam  
vt nobis seruiunt, & agemus de illis paucis  
quidē, vt sunt omnibus ad salutē necessariæ;  
paulò verò vberius, quatenus sunt iis, qui in  
vita spirituali progrediuntur, vel progredi  
debent, familiares. Itaque *SIMEONIS* O-  
bedientia ita omnibus est necessaria, vt quæ-  
cunque à Deo siue per se, siue per superiores  
ab illo datos & relictos nobiscū obligatio-  
ne præcipiuntur, ea & credamus firmiter, in ca-  
ptiuitatem redigentes omnem intellectum in obse-  
quium Christi, vt nos monet Apostolus; & e-  
xequamur fideliter. Hæc virtus tanta est, vt  
quotquot sunt fueruntue hæretici, omnes à  
minimo ad maximum eius defectu interie-  
rint, & nunc pereant. *I O S E P H* verò admi-

III. PARS  
Triumphus  
iste quo-  
modo ac-  
quirendus.

Quatuor i-  
stæ virtutes  
quomodo  
ad salutem  
necessariæ.

2. Cor: 10. 5



ratio catenus ad salutem requiritur, quatenus sunt nobis scitu necessaria & ea, quæ credere, & illa quæ exequi tenemur. **MARIÆ** autem **MATRIS IESV** patientia tanta in omnibus esse debet, quanta requiritur ad explendum illud quod saluator præcepit dicens. *Si quis vult post me venire, abneget semetipsum, & tollat crucem suam, & sequatur me*, tanta, ut & dum aliquid aduersi accidit, nil siue contra Deum, siue contra proximum faciamus, loquamur, murmuremus; & in animo nostro parati simus quæuis tormenta, inò & mortē ipsam potius perferre, quam Deum offendere. **ANNÆ** denique mortificatio ea sit in singulis necesse est, quam tum obedientia, tum necessitas exigunt: Obedientia quidem, ut omnia ieiunia & alia quæ hac in parte nobis à Deo per Ecclesiam aliove modo præcipiuntur, exequamur: necessitas verò, ut cum aliter tentationes vinci non possunt mortificationē siue corporis, siue animi omninò adhibeamus. Ad isthæc itaque qui Christiano censentur nomine, obligatos se esse norint omnes. Quæ verò ad ea præstanda à nobis adhibenda sint media, docebunt nos hæ, quas imitandas proposuimus personæ, & actiones earum, reliqua verò aliàs copiosius pertractanda erunt.

Quomodo  
atendenti-  
bus ad per-  
fectum pro-  
cedendū.

At verò illis, qui viam, vitamque spiritua-  
lem sibi elegerunt, dicta sufficere non debent,  
procedere enim oportet vltcrius præsertim

his, qui ita eas adamarunt, ut ad harum virtutum observationem voto Deo nuncupato, obligare sese voluerint: tales sunt religiosi, tales ex parte sacerdotes, tales, & multi alii, qui castitatem, vel etiam virginitatem, qui paupertatem (hæc n. duo ad mortificationem pertinent) qui obedientiam Deo promiserunt, qui statum contemplationis sibi elegerunt. Quibus omnibus quatuor iste personæ eximium exemplum præbuerunt, ideò singulas iterum resumamus.

SIMEON OBEDIENS talem obedientie actum exercuit, quo, ut ego quidem aucto-  
I. Obedientia Simeonis.  
 mo, maior esse non possit: priuari enim voluit Christo propter Christum, Deo propter Deum. Nam quid quæso sibi volunt verba illa ipsius immediate ante Evangelium hodiernum prolata? *Nunc dimittis servum tuum Domine secundum verbum tuum in pace.* Cur n. obsecro homo iste sapientissimus, vitam in manibus tenens, mortem desiderat? Messiam gestans, limbum meditatur? Neque n. illud satisfacere videtur, quòd (ut Paulus) *Desiderium haberet dissolui, & esse cum Christo.* Luc: 2. 29. Actus obedientie perfectissimus. Contra siquidem est hic penitus ratio: Si enim superuixisset, cum Christo in mundo conversatus fuisset: at mortuus dum in sinum fertur Abrahamæ, Christo se, quem in sinu suo gestabat priuavit. Cur ergò id desiderat? Aliam causam nescio an quis excogitarit, præter sanctam virtutem obedientiæ. Sciuerat etenim  
 edoctus



edoctus à Spiritu sancto Simeon, hanc esse diuinam voluntatem, vt viso Christo Messia, statim moreretur: iccirco quamuis libentissimè cum I E S V in hoc mundo mansisset, tamen quia nouerat Deum aliud velle, tanquàm verè & perfectè obediens, non solum desiderat, sed etiam orat, vt diuina voluntas quam primum in eo impleatur. O virum admirabilem, ô exemplum obedientiæ & perfectû, & rarum & nescio an præter hoc aliud sit a deò clarum in scriptura.

Quomodo  
imitandus.

NOTA.

Præsertim à  
spiritualib<sup>9</sup>.

Quid ergò nos facere conuenit dilectissimi? nos inquam, qui propter Christum voto nos constrinximus obedientiæ, nempe submittere nos superiori, quotiescunque superior contraria non præcipit Christo? Nam si tale quid ille (quod absit) præciperet non daret mandatum, quia ad hoc potestatem desuper non accepit, sed proferret blasphemiam, quia se ipsum Deo præferret: si verò subditus exequeretur non esset virtus obedientiæ, sed velamen impietatis & nequitiae. Cæterum hoc casu excepto, quibus rebus nos non priuabimus propter Iesum, quando vir iste sanctissimus priuari voluit Iesu propter Iesum? Faceat igitur omnis voluntas, imò & iudicium proprium, faceat quæuis commoditas, cibi, potus, somni, quietis, faceat & ipsum quod ingens esse consuevit, desiderium tum honoris, tum sanitatis, quin hæc omnia, imò & vitam ipsam libenter relinqua-

linquamus propter Christum, contrarium  
 aliquid hisce omnibus nobis per superiorem  
 siue præcipientem, siue vetantem. Quini-  
 mò Simeonem imitando priuarinos quoque  
 ad tempus Christo, & consolationibus eius  
 propter Christum non inique feramus. Fe- *Vide Blo-*  
 cerunt hoc pii non pauci, neque gratis fece- *sium pro*  
 runt, virgo quædam Christum infantem in *Taulero.*  
 visione & oratione ante se positum conspici- *Exemplum*  
 ens, vocata à sua superiore, Christo relicto  
 exiliuit, & quod iubebatur perfecit, cumq;  
 rediisset, infantem multum creuisse reperit,  
 quem cum interrogasset, quî tam celerrimè  
 creuerit? respōdit se in cordibus suorū per o-  
 bedientiam crescere, ad quam etiam conti-  
 nuandam, virginem hortatur Christus: Idem *Fructus*  
 igitur nos quoque faciamus: iubente o-  
 bedientia ipsam etiam orationem, & contē-  
 plationem propter actionem deferamus, &  
 vtriusque fructū vberem recipiemus. Quod *Remedium*  
 si iugum obedientiæ durum nobis esse vide-  
 tur; mollescet tum exemplo huius senis, tum  
 recordatione, quomodo placidum olim,  
 nobis fuit. Nam nos ipsi, non aliud quic-  
 quam, duram nobis facimus obedientiam.  
 Si. n. illud quod Simeon habuit desiderium  
 videndi Christum, & eius voluntatem ex-  
 plendi, in nobis erit, obediemus non solum  
 iponte, sed etiam alacriter.

IOSEPH AUGMENTVM tribuet nobis  
 meriti, gratiæ, & charitatis, si MIRANTES *2. Contpla*  
 cum ipso *tio Ioseph.*



Fructus con-  
tēplationis

Dominica  
sequēti  
concione &

cum ipso erimus. Cuius quidem virtutis sacrae, videlicet contemplationis, si non dedit nobis S. Ioseph exemplum perfectissimum, dedit profectò tale in Euangelio hodierno, quale ad totum cursum vitæ piæ & salubriter moderandum omnibus omninò hominibus abundè sufficiat. Nam si (præter dicta integra quasi concione) erimus cum IOSEPHO MIRANTES SUPER HIS QVÆ DICEBANTVR DE CHRISTO; statum vitæ nostræ ritè eligemus; in quo plurimum situm est & negotii, & necessitatis, electum dirigemus, directum continuabimus, continuatum ad desideratum finem perducemus. Quantus in paucis verbis thesaurus? Quemcunque etenim vitæ statum Christus dicitur approbasse, securè amplectere, multò autem magis quem ipse complexus est, nempe virginitatis seu castitatis, voluntariæ paupertatis, continuæ mortificationis, gratuitæ prædicationis; & alios generis eiusdem. In aliis verò sequere sponsæ ipsius Ecclesiæ sanctæ determinationem: hæc enim est fidissima voluntatis eius interpret (sed de electione statum plura aliàs) Similiter in moderamine vitæ tuæ, imò singularum, quæ occurrunt; sine faciendæ siue fugiendæ actiones, quere in corde tuo, sintne hæc dicta de Christo? Et si dicta reperiēs sequere & exequere: sin minus, fuge.

Demus aliquot ex infinitis exempla, vt  
omnes

omnes percipiant: Vocaberis hoc *bachana-*  
 liorum tempore ad honestas nuptias, ire po-  
 teris; quia id IESVM fecisse audies sequenti  
 die dominico: verum incitabit te quispiam  
 in iisdē nuptiis ad ebrietatem ad detractiōē  
 ad turpiloquiū, ad saltus, & iocos minūs ho-  
 nestos, ne acquiescas Hæc. n̄. nō sunt dicta de  
 Christo, quinimò dictū est prohibuisse talia  
 Christū. Pari ratione offert sese occasio plo-  
 rādi, eleemosynā largiendi, alia opera mileri-  
 cordiæ exercendi, iustitiā administrandi, orā-  
 di, imò victum etiam ac vestitum honestum  
 & moderatum sibi, maioribus, subditis pro-  
 curandi; hæc, & his similia facienda sunt;  
 quia ea approbasse, alia quoque fecisse, in  
 quibusdam etiam beatitudinem collocasse  
 legimus Christum. *Erat n̄. subditus* parenti-  
 bus & cum illis fabrilem exercuit artem; ideo *Luc: 2. 34.*  
*faber* vocatur: incedebat etiam honestè ve-  
 stitus, Apostolis quoque de necessariis pro- *Mat: 6. 3.*  
 uidebat, ita vt eos interrogaret. Nunquid a- *Luc: 22. 35.*  
 liquid defuit vobis? illis respōdentibus, nihil.  
 Fecit tñ id ita moderatè, vt nonnunquam ad  
 famem propellendam spicas, vellere, iisque *Mat: 12. 1.*  
 confricatis crudum frumentum manducare  
 cogerentur, hæc ergò sunt facienda. At ve-  
 rò vrgeris siue ab aliis, siue à propria con-  
 cupiscentia quotidie epulari, ridere, conso-  
 lationes habere, luxui & luxuriæ operā dare,  
 quoquo modò siue iustè siue iniustè opes ac-  
 quirere, & acquisitis vti peruersè, vel detinēdo  
 pera-



per auaritiam, vel dilapidando per prodigal-  
litatem: moueris quoque ad orandum, ad  
tribuendas eleemosynas, ad facienda alia bo-  
na opera non sincere, sed propter vanam glo-  
riam, vt *videaris ab hominibus*: desine, ne ac-

*Mat: 6.18*

Quomodo  
imitandus à  
spiritual:

quiescas, fuge: quia hæc omnia non solum  
non fecisse; sed etiam toties vix, vix talibus  
minatum esse legimus Christum IESVM. Quod  
si hæc vniuersa omnibus esse necessaria, ne-  
mo non videt: quid facere debent, qui in  
sortem domini vocati sunt? qui perfectionem  
ipsam, vel eam quæ ad perfectionem tendit  
viam, complexi sunt? Certè cum alii, tum  
verò tales ad regulam istam MIRANDI QUÆ  
DICTA SVNT DE CHRISTO omnes acti-  
ones suas excutere & moderari deberent dili-  
genter. Id. n. si faciemus omnia inde bona  
prouenient nobis, fugiemus omne peccatum,  
quia dictum est de Christo, illum omni carni-  
*1Pet: 2.22* ille peccato: amplectemur omnem virtutem;  
quia ipse absolutissimus in omni virtute fuit:  
discemus quomodo vti rebus prosperis, & ne-  
cessariis debeamus, quia ipse moderatissimè  
illis est usus: aduersa quoque patienter tole-  
rabimus: quia ipse maxima tormenta pro  
salute nostra patientissimè sustinuit. Nullum  
denique opus nostrum erit, quod hæc sancta  
admiratio sanctum non reddat & perficiat.

5. Patien-  
tia B.V.MA  
RIÆ.

MARIA EXALTATA vel AMARITV-  
DINIS MARE sequitur. Verè in utroque  
perfectissima. Nā sicut exaltata est summo-  
perè

perè, propter summam, quæ in illa fuit humilitatem ac patientiam; ita amaritudinis mare fuit propter summum dolorem, quem sustinuit, quando istud impletum est, quod hîo prædicit Simeon, nempe quando Ies v in cruce pendente ipsius animam pertransiuit gladius. Dedit igitur nobis in hoc facto exemplum excellentissimum patientiæ. Tantus n. patiētiae hic actus fuit, vt maior (Christo excepto) in rerum natura non existerit vnquam. Notum est enim omnibus quod dolor sequitur amorem, patientia verò dolorem: quantò amor est tenerior, tantò dolor ex contrario est validior. Sed neque de hoc quisquam Catholicorū dubitauerit; nullam vnquam creaturam tam intense amasse Iesum, quàm illum amauit mater Iesu. Summus igitur in illa fuit dolor, summaque amaritudo, quando vidit cum summis doloribus pendentem in cruce Iesum, filium Dei, & filium suum. Vnde necessariò consequitur actum illum patientiæ, qua tantum dolorem virgo sustinuit, fuisse actum supremum huius virtutis: nam summus amor causauit in ea summum dolorem; summus autem dolor, nō nisi summa patientia potuit superari. Quare quando hæc Simeonis prophetia, quam audis in Euangelio expleta fuit, exercuit virgo supremum actum patientiæ, qui ex præsentia, & aliis circumstantiis magis magisque crescebat. O actum excellentissimum: Si n.

Actus huius  
virtutis ex-  
cellentiss:



*Iac: 1. 4*

verum est, prout verum esse debet, quòd Spiritus sanctus prolocutus est, quòd *patientia opus perfectum habeat*; quantæ perfectionis fuit opus Mariæ, quod in patientia existit perfectissimum?

Quomodo  
imitandus.

*Heb: 10. 36*

Præsertim à  
Spiritualib<sup>9</sup>

Quid ergò nos facere convenit dilectissimi? Adhucne conqueremur de doloribus, angoribus, tribulationibus nostris? nunquid non libenter ea tolerabimus, cùm matrem Dei tanta passam animaduertimus? Ita sanè oportet: & hoc debet esse perpetuum exercitium nostrum. Si. ñ. per preces virginis matris EXALTARI à Domino volumus. MAREAMARITVDINIS esse debemus. Vtrūque. ñ. nomen eidem MARIÆ convenit; nec illius, quod est iucundum, participes esse possumus, nisi prius quod est asperum patienter toleremus. *Patientia. ñ. vobis necessaria est, ut voluntatem Dei facientes, reportetis promissionem* ait Apostolus. Quod si omnibus hæc virtus est necessaria; quantò magis personis spiritualibus? quæ plus etiam pati debent? Non arbitrentur seculares deesse spiritualibus viris fæminisque occasionem patiendi. Errant qui ita sentiunt: scit Dominus Deus, etiam in claustro, etiam in specu abscondito dare materiam patiendi; quæ tantò maior est, quantò quis Christo IESU magis magisque coniunctus est. Exemplis opus non est in re euidenti. Sufficiat nobis virginis, eiusdemque sponsæ matrisque Dei viua imago.

ANNA

ANNA GRATIOSA ET MISERICORS <sup>4. Mortificatione Anna.</sup>  
 agmen claudit. Quæ MORTIFICATIONE <sup>na.</sup>  
 sua, & nominis sui interpretationi respondet,  
 vt superius ostendimus; & omnem nos mor-  
 tificationem docet, & actum eius excellen-  
 tem nobis ob oculos ponit. Quantum sit o-  
 mnibus necessaria mortificatio iam dictum  
 est, vnum addo, quod non tam rem ipsam,  
 quam tempus concernit. Adsunt Bacchana- <sup>Quam hoc</sup>  
 lia, quo tempore virtus ista vel maximè est <sup>tempore sit</sup>  
 necessaria, quando maximè carni, linguæ, <sup>necessaria.</sup>  
 sensibus omnibus, ac passionibus habentæ la-  
 xantur. Pulchrum equidem & graue quibus-  
 dam mortificationis exercitium est, quod sit <sup>Paradoxum</sup>  
 in quadragesima: at nescio an non pulchrius  
 & difficilius sit, quod à piis exercetur in Bac-  
 chanalibus, Paradoxum id forte aliquibus  
 videbitur, sed qui seriò (ex secularibus præ-  
 fertim) mortificationi operam dare voluerit,  
 approbabit rem ita se habere. Nam quam-  
 uis dispar sit mortificationis ratio, cum ibi ie-  
 iuniis, hîc conuiujs detur opera: tñ æquè, &  
 quibusdā etiam magis est difficile in epulis, &  
 aliis carnis irritamētis cū familiaribus mēsurā  
 nō excedere, quam cū ieiunantibus ieiunare.  
 Mortificationem itaque huiusmodi procurēt  
 omnes: spirituales verò addant etiam aliquid <sup>Quomodo</sup>  
 amplius tum legibus firmatum; tum vltro <sup>procuranda.</sup>  
 assumptum, cum corporis, tum animi mor- <sup>Præsertim à</sup>  
 tificationem procurando. Vtrumque autem <sup>Spirit.</sup>  
 docet nos hæc sancta Anna. Mortificatio et-  
 enim



Quid sit  
mortific:

Quis actus  
eius excel-  
lentissimu

enim (secundum viros spirituales) est contemptus mundanorum, viuificatio verò desideriorum æternorum. Vnde colligimus. Actum Mortificationis hunc esse præcipuū: ita carnem cum concupiscentiis suis mortificare, vt Spiritus liber ad dominum euolet suum; quem habuisse ANNAM nemo dubitauerit, qui diligenter scripta in Euangelio hodierno legerit. Corpus cum concupiscentiis, & prauis affectionibus illam habuisse edomitum, suadent tot & tanta exercitia, ieiuniorum, vigiliarum & his similibus; mentem verò gessisse, plenam desideriorum æternorum, testantur tum orationes continuæ; tum verò quod PROPHETISSA fuisse dicitur. Nemo. n. sine talibus desideriis, talē qualis ipsa fuit prophetam aget unquam. Itaque; imitari eā debemus tantò feruētius, quātò ad id præstandum maiores nunc dantur gratiæ post passionem Christi Domini, quàm olim; tantò diligentius, quantò magis ad id obstricti sumus promissis & votis nostris castitatis, paupertatis, & aliis; quibus Annam caruisse probabile facit legis veteris status, & natura: Denique quia in schola mortificationis sumus. Quid. n. est aliud vita religiosa, quàm mortificationis schola? Faciamus igitur officio nostro satis; & addamus condimenta & emblemmata gratiæ, tum libenter & alacriter operando, quod operamur: tum misericorditer proximum iuuando. Sic. n. & id quod

quod re ipsa præstitit, & quod ipso nomine  
 ANNA, significauit, exequemur.

Hæc sunt quæ circa triumphum charitatis largiente domino hodie dicenda occurrebāt, quæ si nos quoque habuerimus, non solum huius temporanei, sed etiā illius æterni charitatis triumphī participes efficiemur, si inquam intellectum nostrum firmissimis Catholicæ fidei articulis roborabimus. Si memoriam spe viuā, & sancta ad suprema erigemus; si quod voluntariè & spontaneè suscepimus, alacriter persoluemus: si has personas sanctas imitando, virtutes in rotis, & quadriga præsignatas habuerimus, easque pio timore propellemus. Si cum Simeone in iustitia & obedientia, cum Iosepho in prudentia, & rerum diuinarum contemplatione; cum Maria virgine matre in fortitudine, patientia, & humilitate: cum Anna in temperantia, & mortificatione corporis, & animæ nos sedulò exercuerimus, & eò diligentius ad illos actus perfectissimos properabimus, quò quidam nostrum ad id præstandum Deo se deuouerunt. Si denique in his omnibus, & cum candore castitatis, sinceritatis, bonæque intentionis, & cum seruire diuini amoris progressum fecerimus non retrocedendo, sed cum illis sanctis animalibus procedendo, ac in finem vsque perseverando. Si, inquam, hæc præstiterimus, emolumenta plurima inde referemus: quorum illud magnum est in

CONCLVSIO  
 summa  
 dictorum  
 continens.



Vtilitates  
quas inde  
consequemur

Christi gestatio.

In die pueri:  
B. M. V.

Charitatis  
triumphus.

Christi benedictio.

Pf: 109. 4.  
Heb: 7. 7.  
Heb: 5.

hisce quatuor personis mirabiliter notatum. Hæc. n. sunt, de quibus ex scriptura nobis constare videtur, eas omnes Christum IESVM infantem manibus suis gestasse. Vnde de vna ex illis canit Ecclesia [senex puerum portabat, puer autem senem regebat] Idem omnino agetur nobiscum. Feremus nos Christum tot virtutibus ornati, & portabimur à Christo, ne deficiamus: quod si in vlnis cordis nostri Christum gestauerimus, quid cum illo non habebimus? Habebimus equidem omnia quæ piè & honestè desiderari possunt: & inprimis hæc, de qua hucusque disseruimus charitas aget triumphū in nobis. Nam & ipsa portat & portatur, fertur & regit. Quæ admodum. n. ii, qui triumphant in terra, terreno modo & feruntur, ducunturq; ac conspicui redduntur à curru triūphali equisq;: ipsi tñ hæc omnia magis decorant & ornant: ita in hoc spiritali triumpho vsu venit. Regina. n. ac triumphatrix nostra charitas & fertur, decoraturque ab his virtutibus, & ipsa multò magis eas ornat, virtutes Christianas facit, regitque, ac gubernat illas. Sicut hodie puer IESVS. Senem Simeonem regebat: quinimò non solum eum regebat, sed etiam benedicebat, à quo tñ vnam cum parentibus benedicebatur. Ecce aliud mysterium quo finio, creditur Simeon fuisse sacerdos: Certò scitur Christum IESVM sacerdotē esse in æternum secundum ordinem Melchisedech. Benedi-

Benedicebat proinde ille, benedicebat multo magis iste, qui maior fuit dignitate, licet minor esset ætate; maiorum autem est benedictio teste Apostolo. Benedicebat igitur sacerdos Iesus, quia maior, quia diuturnior, quia excellentior. Est. n. secundum ordinē Melchisedech, qui Aarone cui Simeon succedebat longē excellentior fuit, teste eodem Apostolo. Denique vt vno verbo omnia complectar, quia Deus. Rogemus igitur eum dilectissimi, vt nobis quoque dignetur benedicere, tum per se, tum per suos. Quare & ego instrumentum eius licet indignissimum benedico te popule Dei, hīc in Christi nomine congregate, & benedico te benedictione, quam ipse Deus suos olim docuit, longē tñ excellentiori modo, quam tum temporis. Itaque benedico tibi & precor, vt *Benedicat tibi Dominus noster Iesus Christus sicut hodie benedixit Simeoni; & custodiat te ab omni malo, & ab omnibus tuis inimicis; vt possis in nomine eius triumphum agere ex illis, precor insuper, vt ostendat Dominus faciem suam tibi, sicut ostendit personis istis, quæ in Euangelio nominantur, ostendat inquam faciem suam tibi, faciem dulcem & suauem, Et misereatur tui, antiqua peccata dimittendo, & à futuris præcauendo. Conuertat Dominus vultum suum ad te ac illustret te gratia sua, & in ea conseruet. Et det tibi pacem, vt & hīc imperfectum, & illic perfectissimum triumphū*



agere valeas, raptus non iam ad cælum  
aereum cum Elia; sed ad cælum empireum;  
vbi Christus I E S V S viuit, & regnat cum Deo  
patre in vnitate Spiritus sancti Deus in sæcu-  
la sæculorum Amen.

# DOMINICA

## PRIMA POST E-

## PIPHANIAM.

### Euangelium Lucæ 2.

**C**um factus esset Iesus annorum duode-  
cim, ascendentibus illis Hierosolymam  
secundum consuetudinem diei festi, con-  
summatisque diebus, cum redirent re-  
mansit puer Iesus in Hierusalem, & non cognoue-  
runt parentes eius. Existimantes autem illum esse in  
comitatu, venerunt iter diei, & requirebant eum  
inter cognatos, & notos. Et non inuenientes, re-  
gressi sunt in Ierusalem, requirentes eum. Et fa-  
ctum est post triduum inuenerunt eum in templo se-  
dentem in medio doctorum, audientem illos, & in-  
terrogantem. Stupebant autem omnes, qui eum au-  
diebant, super prudentia, & responsis eius. Et vi-  
dentes admirati sunt. Et dixit mater eius ad illum:  
Fili, quid fecisti nobis sic? Ecce pater tuus, & ego  
dolentes quarebamus te. Et ait ad illos: Quid est  
quod me quarebatis? nesciebatis quia in his, quæ pa-  
tris mei

tris mei sunt oportet me esse? Et ipsi non intellexerunt verbum, quod locutus est ad eos. Et descendit cum eis, & venit Nazareth: & erat subditus illis. Et mater eius conseruabat omnia verba hæc in corde suo. Et Iesus proficiebat sapientia, & ætate, & gratia apud Deum, & homines.

## PARTITIO.

**Q**uicquid Christum Iesum in pueritia sua gessisse in scriptura legimus, id totum hodierno Euangelio continetur. Duodennis enim cùm esset, vadit Hierosolymam ad Pascha cum MARIA matre, & Iosepho patre putatio, ibique in scis illis, & redeuntibus remanet in templo: quæritur inter cognatos, nec inuentur; quæritur in templo, & reperitur inter Doctores stupentes prudentiam ipsius; respondet parentibus nonnihil quasi duriusculè, cùm quibus tamen redit Nazareth, & fit subditus eis, proficitque sapientia, ætate, & gratia apud Deum, & homines. Hæc summa Euangelii, & pueritiæ IESU. Ex quibus occasionem timoris præbebunt nobis verba illa Christi. *Quid est quod me quærebatis? nesciebatis quia in his quæ patris mei sunt oportet me esse?* Fidem verò firmabunt cùm alia; tum verò nefaria hæreticorum, qui in hoc Euangelio scandalizantur, impudentia, & impietas. Spem eriget totum (quod per partes explicabitur) Euangelium. Charitatē denique omnem, docebit nos ipsa charitas Christus Iesus exemplo suo.

---

## CONCIO PRIMA

### Timor.

K S.

*Quid est*

QVI BENE  
QVI MALE  
QV ERIT  
CHRI-  
STVM.



*Quid est quod me quarebatis? Nesciebatis quia in his quæ patris mei sunt oportet me esse.*

**Q** Vamuis hoc, quod præ manibus habemus Euangelium, sicut teneram Christi Iesus describit ætatem, ita vix quicquam in se continere animadvertatur, quod sanctum in nobis excitet timorem: tamen si ea, quæ à puero Iesu prolata sunt, diligentius ponderemus, reperiemus, ut arbitrator, aliquid à nostro instituto non alienum; præsertim si addiderimus verba illa, à quibus Ecclesia mater nostra hodiernæ diei sacrum missæ officium orditur: mirabilia sanè cum in se, tum verò quonam modo cætera illis respondeant. Cùm. n. notum sit omnibus, solere Ecclesiam ita epistolam Euangelio; his verò reliqua accommodare, ut idem vniuersa spirare videantur, quæ sit, quòd ab hoc suo instituto hodie quodammodò deflexisse videatur? Itaque ne dicatur mihi, quod alteri dictum esse refert S. Bernardus (quis scit an non illi ipsi? phrasi enim utitur haud absimili ei, qua usus est Apostolus) sic inquit: [Et ecce vox ad eum, donec istud tenebis, aliud non accipies] quod Deus suggessit fideliter vobiscum communicare institui. Itaque in hodierna concione.

*Ber: in ead.*

*ho: 82.*

*2. Cor: 12.2*

**PROPO.**  
quadripar-  
ta.

Primum quidem proponemus verba Ecclesiæ, & quonam modò Euangelio & repugnent,

gnent, & congruant, aperiemus. Deinde ver-  
ba in themate posita explicabimus: tū quæ-  
nam ad terrorem faciant, ostendemus: tandē  
remedia, fructumque, qui inde hauriri pos-  
sit indicabimus. Tu puer sanctissimè, qui in-  
fantium linguas facis disertas, da, vt ita hæc  
& consideremus, & eloquamur; vt ea, quæ  
patris tui sunt, & cognoscamus veraciter, &  
exequutioni mandemus fideliter ac diligēter.

Mirabar equidem haud leuiter verba illa I. MEMB:  
Ecclesiæ (neque enim ea in diuinis scripta le- Inter intro-  
go literis) in ipso introitu, quem vocant Missæ itum Missæ  
fæ posita; illa inquam; [In excelsō throno & Euange-  
vidi sedere virum, quem adorat multitudo lium discre-  
Angelorum, psallentes in vnum; ecce cuius pantia.  
imperii nomen est in æternum] capique co-  
gitare, quid hæc cum eò, quod legitur, Euā-  
gelio, quo cum pugnare omninō videntur?  
Nam quid quæso habet excelsus thronus cum Bedæ  
humili scabello, in quo inter doctores sedisse  
Christum Dominum potius credendum  
est bonis scriptoribus, quàm imperitis picto-  
ribus; qui illum in excelsa sede collocant? Id  
enim & humilitati Christi, & grauitati scriba- i. Quomo-  
rum ac pharisæorum, quibuscum saluator do Christo  
agebat, multum repugnat: illud verò & cō- sedit inter  
uenit vtrique, & scripturæ ipsi est conforme. Doctores.  
Vt enim illud, quod Ioan: Baptista de eò ad  
pharisæos ait: *Medius autem vestrum stetit*; ita Io. 1. 26.  
hoc, quod dicitur in Euangelio inuentum esse  
Iesum SEDENTEM IN MEDIO DOCTO-



1 RVM, humilitatem potius, quàm magnifi-  
 2 centiam denotat. Deinde quem Ecclesia vi-  
 3 rum vocat, hunc Euangelista PVERVM NO-  
 4 minat. Præterea non Angelos hîc psallentes  
 in vnum, sed parentes dolentes plurimum,  
 & cum dolore quærentes illum, conspiciamus.  
 Nisi fortè quis dicat Doctores parentibus de  
 tam admirabili puero esse congratulatos, sed  
 neque id in scriptura legimus; neque Docto-  
 res isti Angeli fuerunt, sed homines. Deni-  
 que inquit Ecclesia [ecce cuius imperii nomē  
 est in æternum] Imò verò potius, ecce cuius  
 vilitatis, paupertatis, miseriæ non est finis,  
 remanet solus orbatus parentibus, cognatis  
 & notis, quid puero magis miserum? viuit  
 mendicato. Vnde enim illi pecunia? humi  
 procul dubio cubat; hoc cine est imperium?  
 quid igitur sibi vult ordinatissima sponsa Chri-  
 sti hæc adeò disparata in vnum coniungendo?  
 Non absque causa credite mihi. Non solum  
 enim in magnis, verumetiam in minimis ha-  
 bet rectorem Spiritum sanctum ideò magni  
 facienda, ideò honoranda, ideò auscultan-  
 da. In hoc sanè factō multa subesse mysteria  
 non dubito: vos vnum aut alterum à me ac-  
 cipite: plura aut per deuotas preces vestras  
 à Domino impetrate, aut aliis de fontibus  
 haurite.

Cur id Ec-  
 lesia fecerit.  
 NOTA.

Sicut in aliis omnibus suis ordinationibus,  
 ita in hoc quoque fecit Ecclesia, quod decuit  
 & sponsam tanti viri, quantus est Deus; &

matrem

matrem tot filiorum, quot fuerunt, futuriue sunt fideles; nam & suppleuit quodammodo quod Euangelistis deesse videbatur, & prouidit filiis suis de remedio contra morbum opportuno. Qui enim in scripturis sacris, & probatis historiis sunt versati, his duo sunt nota: Alterum, omnes, vel penè omnes hæretes inde prognatas esse, quod diuideret Christum, alii quidè solam tatum humanitatem, alii verò solam diuinitatem in illo agnoscen-tes; alii à sponsa sua dilecta eum separantes, alii alias diuisiones fingentes. Quam hæreticorum proprietatem considerans dilectus Christi discipulus Ioannes, præcipuam Antichristi notam hanc ponit, dum inquit: *Omnis Spiritus, qui soluit Iesum, ex Deo non est, & hic est Antichristus.* Quam quidem notam tum in antiquis, tum in modernis hæreticis vigere nemo est qui non videat. Alterum, constat sacros Euangelistas in descriptione, conceptionis natiuitatis, apparitionis, conuersationis, omniumque actionum Christi Domini id maximè conatos esse, vt vtriusque ipsius nostræ luculenta ederent testimonia: ac proinde quando in conceptione Iesu dicitur matri ipsius ab Angelo. *Ecce concipies in utero, & paries filium;* humanitas eius describitur. Dum verò paulò post subiungitur; *Spiritus sanctus supernueniet in te, & virtus altissimi obumbrabit tibi;* ideoque *quod nascetur ex te sanctum vocabitur filius Dei.* Trinitatis mysterium,

Proprium omnium hæretum diuidere Christum.

1 Io. 4. 8

Proprium Euangelistarum vnire Christum.

Lue. 1. 35



rium, & Christi diuinitas denotatur. Similiter in utero matris constitutus it suo modo ad visitandam Elisabetham, ut homo: at verò exultare facit in Spiritu, & matrem, & Ioannem, & Elisabetham ut Deus. Deinde nascitur in stabulo ut homo, expedit legationem Angelicam ad pastores, & Magos ut Deus. Circumciditur ut homo: & accipit nomen Iesus quod interpretans Angelus inquit. *Ipse enim saluum faciet populum suum à peccatis eorum*, quod soli Deo proprium est. *Mat: 1.21.* Magi postea inuenerunt puerum Iesum cum Maria matre eius ut hominem: at verò pròcidentes adorauerunt eum, ut Deum. Quo etiam tempore turbat, & terret Herodem Regem, & omnem Ierosolymam cum illo, ut omnipotentem agnoscas Deum. Quod considerans D. August: exclamat dicens: [Quid erit tribunal iudicantis, quando superbos Reges cuna terrebant infantis?] præsenteretur postmodum in templo ut homo; sed ut Deus prophetico Spiritu implet Simeonem, & Annam. Denique (ne infantiam eius excedamus) fugit in Ægyptum ut homo: at ut Deus corruiere facit idola Ægypti ad suum eò ingressum, ut I. saias predixerat: quemadmodum sancti Hieronymus, Cyrillus; & alii interpretantur.

*Idem facit  
Ecclesia.*

Sequitur hodiernum Euangelium, in quo quoniam adeò clara diuinitatis ipsius non exstabant indicia, humanitatis verò erant & aperta, & multa, (decem ut minimum) ic-

circo

circo Ecclesia sancta supplet, quod suo modo scripturæ deesse videbatur. Quamuis. n. dum Christus Dominus patris sui mentionem facit, de Deo patre suo cælesti loquatur: tamen tam obscure id fecit, ut præter parentes nemo intelligeret. Ea verò quæ mirabatur Doctores eiusmodi erant, quæ non solum diuinitatem non declarabant apertè: sed etiam ætatem illam plenè non excedebant.

Quapropter Ecclesia, quæ eodem quo Apostoli & Euangelistæ regitur Spiritu, tam luculentum, tamque aptum diuinitati Iesu

Conuenientia inter Introitum & Euangelium.

dat testimonium in ipso Missæ exordio, ut nescio an aliquid amplius hac in parte desiderari possit. Fecit enim ac si diceret: Ex hoc, quem in humili scabello, vel etiam humi sedentem conspiciatis, ô filii mei, non scandalizemini, is enim est cui sessio in excelsio debetur throno. Is inquam est, quem olim videbat Isaias, *sedentem super solium excelsum, & elevatum*:

Is: 6. r.

postea verò Ioannes vidit, *turbam magnam, quam dinumerare nemo poterat, stantem ante thronum, & in conspectu agni* huius videlicet IESU Christi: quæ si nunc ut agnum mansuetissimum humiliter interrogantem, & audientem Doctores animaduertitis: postmodum venientem *cum potestate magna & maiestate* ad iudicandum omnes gentes conspicietis.

Apoc: 7. 9.

Deinde hunc, quem vocari puerum audistis, scitote virum esse, & non solum tum temporis, cum esset duodecim annorum, sed

Luc: 21. 37

etiam



etiam in vtero matris virum fuisse. Nā quod  
*Ier. 31.22* propheta dixerat: *Femina circumdabit virum*,  
 in hoc impletum fuit, quando adhuc in v-  
 tero virginis S. Mariæ omnium virorum sa-  
 pientissimus delituit; quantò igitur magis id  
 3 de duodenni credendum est? Præterea quem  
 hic intuemini per triduum humi cubantem,  
 ieiuniis, ac vigiliis sese conficientem, fortè e-  
 tiam aquam bibentem, ac mendicato viuen-  
 tem, nosse debetis, quod eum adorat mul-  
 tudo Angelorum psallentium in vnum;  
 quinimò etiam tum temporis id illi faciebāt.  
*Mat. 4.11.* Quidni enim id officii puero præstarèt, quod  
 4 postea viro quadraginta diebus ieiunanti in  
 deserto exhibuerunt? Denique (ait Eccle-  
 sia) quem nunc subiectum parentibus secū-  
 dum humanitatem esse videtis, huius ecce  
 imperii nomen est in æternum. Breuiter; duo  
 præcipuè in istis verbis, hocque cantu suo  
 facit Ecclesia sancta: primùm diuinitatem e-  
 ius demonstrat, cuius humanitatis multa hîc  
 argumenta apparebant; deinde augustum &  
 terribile illius iudicium ante oculos ponit,  
 cuius & mortificatio abiecta, & submissio  
 humilis in Euangelio describebatur. Atque  
 tum ad intelligendum thema propositum:  
 tum ad nostrum institutum multum hæc  
 quoque conducunt.

II. MEM:  
 Thema ex-  
 plicatur.

Quamobrem vt ad id, quod secundo lo-  
 co proposuimus, deueniamus; oratio hæc  
 Christi Domini ad parentes suos, non fuit  
 olim

olim tam difficilis, vt nunc illam hæretici suis commentis, obscuram reddiderunt. Eorum enim natura est difficillima scripturæ loca tanquam facillima populo proponere: clara verò (qualia sunt illa: *Hoc est corpus meum*; & sexcenta similia) obscurare, vt hac ratione incautos decipiant, & miseram miserè deludant plebeculam. Itaque vt alibi ita hinc notandum (quod dicitur) in scripto quærunt: & tam in hisce Christi Domini verbis, quàm in aliis, quæ ea præcedunt peccata Sanctissimæ Matris Dei inquirunt, & colligunt; vt in omnibus extremam suam & vniuersalem prodant impietatem. Quàm verò absurdè id hoc loco faciant, vel ex eò colligere licet; quòd nō tam Beatissimæ virgini, quàm ipsi Christo Domino hinc calumnias struere, & peccata impingere conentur. Quamuis autem longè tanta blasphemia ab animis fidelium abesse debeat, tamen vt absurda hæreticorum argumentatio magis magisque in lucem prodeat omnibus; Sinite me quæso cū filio pro matre agere; (vt ipsa vicissim patrociniū nostri apud filium suscipiat, quod obnixè rogamus): Tu verò pater sanctissime ignosce, si quid imprudentius loquar, cū sim puluis & cinis: facio enim id, vt innocentia matris tuæ etiam perfidis innotescat. Quid est ergò oro, & obsecro Christe I E S V, quòd parentem tuam tantoperè affligis? Nonne tu es, qui vêturus eras ad consolandum tuos, quē-

NOTA hæreticorum consuetudinem.

Mat: 26.  
26.

Impietatem

Absurditatem

Patrociniū virginis matris suscipitur.

NOTA

If: 51. 5.



admodum magna cum lætitia prophetae prædixerant? & quis magis tuus, quam mater tua? Audiui etiam non ita pridem angelos  
*Ier: 31. 13.* canentes. *Et in terra pax hominibus bonæ voluntatis.*  
*Luc: 2. 14.* Et ecce siue tuum beneplacitum ac voluntatem spectes, hæc digna est maximo tuo favore; siue illam consideres, plena est gratia, plena bona voluntate; recordare quomodo suam voluntatem tuæ submisit, dicens ad Angelum: *Ecce ancilla Domini, fiat mihi secundum verbum tuum.* Cur igitur non est illi pax sed tribulatio? remanente te, illa infcia, & afflictā nimis, in Ierusalem? Nam quod dicis.

3 QUID EST QVOD ME QVÆREBATHIS? non tollit, sed auget potius difficultatem. Nunquid enim non est hæc mater tua, quæ te in utero nouem mensibus gestauit, tibi que infanti lac dedit; tu verò abscondisti te ab ea, & quæris QUID EST QVOD ME QVÆRE-

4 BATHIS? Nonne illa est, quæ diligenter conseruabat, & conferebat in corde suo, quæcūque de te audiuerat? & quæ supra omnem, quæ sub sole & supra solem est creatura intēfissimè te amabat, ac proinde quando te perdidit, cor suū amisit, & tu quæris QUID EST

5 QVOD ME QVÆREBATHIS? sed & illud nō ignorabat virgo sapientissima quod propheta monuerat dicens: *Quærite Dominum dum inueniri potest.* Quæsiuit igitur te & dominum, & filium suum, & tamen exte audit, QUID EST

EST QVOD ME QVÆREBATHIS? Denique  
 nonne tu ipse deseruisti nonaginta nouem o-  
 ues, id est, multa Angelorum millia in cælo, *Mat: 18.*  
 vt queres vnā perditā, morbidā, spur-  
 cam, ouem, & inuentā tolleres, humeris  
 tuis imponeres, & ad caulas æternas reduce-  
 res? nunc verò miraris quod mater tuā a-  
 gnum Dei tollentē peccata mundi, præstā-  
 tiorem omnibus & Angelis, & hominibus,  
 cū tanta diligentia, & animi sui dolore &  
 angore quæsiuit? Ad extremum ad id quod  
 addis Christe Domine.

NESCIEBATHIS QVIA IN HIS QVÆ  
 PATRIS MEI SVNT OPORTET ME ES-  
 SE? equidem quid dicam ignoro. Sciuisse e-  
 nim virginem matrem te patris æterni esse  
 filium nihil penitus dubito, imò certa fide  
 credo: quomodo enim ignoraret, quod &  
 Spiritu sancto Deo, & Gabriele Archange-  
 lo, & vtero denique suo attestante didicerat?  
 arbitror autem quod si tu illi voluntatem tu-  
 am (diutius in templo manendi) manifestas-  
 ses, illam id non solum non impedituram,  
 sed etiam pro virili adiuturam, fuisse hoc sanè  
 ego mihi persuadeo; quid igitur hæc in tem-  
 plu matre inscia remansio, verbaque ista sibi  
 volunt?

Fateor, ac coram Deo, & Angelis, san-  
 ctisque ipsius, & coram vobis omnibus con-  
 tra omnem hæreticā præsumptionem pro-  
 fiteor, me non solum incomprehensibile pe-  
 lagus

protestatio  
 contra hære-  
 ticorum su-  
 perbiam.



Parentes  
Christi non  
peccasse pro-  
batur ex te-  
xtu.

Orige: ho:  
19.

Luc: 4. 29.

Ioa: 8. 59.

lagus naturæ diuinæ lenticula ingenii mei  
mensurare nolle (quod hæretici non minùs  
stultè, quam impiè faciunt) verumetiam nec  
opera omnia, actionesque Christi Domini  
penetrare posse; dicam tamen quod sentio,  
& quod dominus suggerere dignabitur, cum  
ea qua par est Deo, & Ecclesiæ ipsius, animi  
mei submissione. Quorum primum & caput  
cæterorum sit. Neque Christum Iesum, neq;  
parentes ipsius hoc in facto vel minimum  
quid peccasse. Absit à piorum animis vel co-  
gitasse talia. Non peccauerunt parentes. In  
quo enim peccassent? In eò inquiunt hæreti-  
ci quod supina negligentia sua Christum per-  
diderunt. At contrarium testatur Euangeli-  
um Pseudocuangelici? Dicit.ñ. REMANSIT  
PVER IESVS IN IERUSALEM. Ipse ergò  
remansit, & voluntariè remansit, qui nihil  
faciebat, quod non esset voluntarium. Quòd  
si antiquissimo Origeni (qui id per traditionē  
cognoscere potuit) credimus, ita remansit,  
ita se abscondit parentibus, vt inuisibilem  
sefe redderet, prout postea fecit & in patria  
sua, & in templo; quando præcipitare, & la-  
pidare eum volebant Iudæi. Verùm si Ori-  
genis hæc non placet opinio, placeat quod  
placet piis omnibus, & quod hîc scriptura  
non obscurè docet, quòd subduxerit se à pa-  
rentibus ipsis (absque omni culpa) penitus  
ignorantibus. Hoc est enim quod dicitur re-  
mansisse in Ierusalem, quia iam è templo cum  
paren-

parentibus egressus fuerat, & postea in ciuitate remansit. Quæ est igitur hic vel minima parentum negligentia? Quod verò hæretici existis verbis Christi Domini, duo alia peccata parentum Christi colligunt, alterum fæde ignorantia; alterum grauis reprehensionis, ita vt Christus penè illos abnegare voluerit; id more suo insipienter æquè ac blasphemè faciunt. Quæ. n. insipientia maior, quàm fateri ignorasse parentes, & tñ culpam in eos conicere, qui ignorabant quod scire non poterant? Sed inquirunt, est quoque ignorantia culpabilis. Est sanè (de qua paulò post differemus) sed talis ista non fuit: quod vt elucescat, verba Christi iterum resumamus, & scripturam hanc per aliam scripturam explicemus in gratiam hæreticorum, qui id desiderant, si fortè resipiscant, & viuant, quod Faxit Deus. Dicimus igitur quando inquit Christus.

QVID EST QVOD ME QVÆREBATIS? Neque enim Christo esse reprehensos  
 Verba hæc non esse arguentis, sed esse mysteriorum explanantis. Quomodo enim reprehenderet, quod & ritè & tantò cum ipsius amore fiebat? Neq; verò tales phrasæ desunt in scriptura; sed omissis aliis, duas eiusdem ipsius Christi in medium proferamus. Altera sit illa, quando conuersus ad discipulos Ioannis se sequentes inquit: *Quid queritis?* Num- Probatursimili modo loquendi in scriptura. *Ioan: 1.38.*  
 quid reprehendit illos quod eum quærerèt?  
 Minimè verò: imò tam gratum id habuit, vt



eos ad hospitium suum inuitarit. Idem penitus hic accidisse effectus ipse demonstrat. Nā sicut ibi discipulos Ioannis amanter suscipit: ita hic non minori cum amoris declaratione cū iis, quos reprehendere dicitur, DESCENDIT NAZARETH ET FIT SVB DITVS IL-  
 LIS. Quid clarius? Sed addamus aliud exemplum: nam & illa verba eiusdem Iesu ad Magdalenam; *mulier quid ploras? quem quæris?* idem probare videntur: Amoris enim potius & beneuolentiæ, quàm repræhensionis signa sunt. O quam facile Spiritus hæreticus calumniis inhians hinc non vnam, sed & alteram Christum calumniandi reperiet occasionem? Cur. n. interrogat, quod optimè nouerat? Nouerat. n., quod mulier ista & se quæreret, & propter absentiam ipsius ploraret. Cur factum repræhendit? quod ipse tam celebri apparitione præ omnibus etiā Apostolis soli Magdalenæ exhibita approbat? Stat igitur Catholica veritas, nihil in istis verbis repræhensionis esse. Videamus sequentia.

Apostrophe  
ad Lutheranos,

NESCIEBATIS, inquit Iesus ad parentes suos, QVIA IN HIS QVÆ PATRIS MEI SVNT OPORTET ME ESSE? Alloquar hinc Lutheranos, qui harum calumniarum contra parentes Christi, in primis verò contra sanctissimam genitricem ipsius autores fuerunt: alloquar, inquam, eos verbis, quibus Christus murmurantes discipulos est alloquutus, & dicam ô Lutherani, *Hoc vos scandalizat?*  
 quod

Jo. 6. 68.

quod Christus Dominus interrogat parentes suos de iis, quæ ignorabant? quæ nec scire quidem fortè poterant? *Si ergò videritis filium hominis* vel audieritis potiùs asserentem de seipso quòd *de die illo* vel *hora* extremi videlicet iudicii *nemo scit neque Angeli in celo, neque filius, nisi pater*, quid dicetis? quomodo non scandalizabimini in verbis istis. quemadmodum proles vestra Anabaptistica, & suæ fœdica est scandalizata? Quo auctore? nisi Luthero cum talibus suis coniecturis, vel calumniis potiùs? Quod si excusatis hac in parte Christum Dominum, prout facitis (cum Lutheranis. n. nunc ago acturus Deo dante aliàs contra alios) cum tñ Christus affirmanter asserat se ignorare, quod sciebat: qua frõte accusatis parentes Christi, qui tantùmmodò interrogantur, an nesciuerint, quæ scire illos oportuisse vos asseritis, nos negamus? Utinam vobis aliquando tandem effodiantur oculi clara scripturæ per scripturam interpretatione, vt effossis malis, qui vos cæcos reddunt, bonos & videntes acquiratis. Concludimus itaque, nequè parentes Christi in hoc factò quicquam peccasse, neq; à Christo repræhensos esse. Sciuisse etiam illos ea, quæ illos scire oportuit, nempè Christum IESVM fuisse verum, & vnicum patris æterni filium (quod paulò ante ostendimus) debuisse quoque illum exequi ea, ad quæ à patre suo missus in mundum fuerat: & id genus alia



benè nouerant: Quid verò ignorabant? Hæc, & his similia, an eò; videlicet tempore id fieri debuerit, an hac ratione, sedendo inter Doctores, an insciis parentibus; & alia generis eiusdem, quæ ignorare sine peccato optimè poterant.

Christus  
quoque à  
calumniis  
viadicatur.

Quid verò de ipso Christo dicemus, vt & illum à calumniis liberemus? (libera tu quoque nos Deus noster in hac, & in illa die à calumniis impiorum) Dicemus primum siue nos mysteria quæ Christus in istis verbis abscondita intelligamus; siue non; asserimus tñ & confitemur non esse vllam iniustitiam apud Deum, nec esse vllum peccatum in eo, qui ausus est inimicis suis capitalibus dicere:

Jo: 8. 46.

*Quis ex vobis arguet me de peccato?* Dicimus secundo ne vestigium quidem vllum hic esse allicuius minimi peccati, sed esse multa & præclara vestigia grandis mysterii: quæ si nos plenè non capimus, quid inde? Quærunt hîc patres, & Doctores; cur Christus Dominus in templo manserit, cur in ista ætate, cur id parentes celare voluerit, cur inter Doctores inuentus, cur obstupescere eos fecerit, cur vique ad trigesimum ætatis suæ annum nunquā ampliùs id fecisse legatur, cur paulò quasi asperius, parentes alloquatur? Ad quæ omnia, & alia his similia varii varia respondent: nobis vna responsio sit instar omnium, neque verò nostra, sed eiusdem Christi Domini in hoc Euangelio, imò in hoc ipso themate expressa.

Septem que  
sita ex Euan  
gelio.

pressa, nempe, quia hæc omnia erant in quibus secundum ordinationem patris æterni oportuit illum esse. Quid amplius desideramus? Si hæc non sufficit ratio, quæ est ipsius Christi Dei, quæ nobis sufficiet? Veruntamen dicemus aliqua hac de re in sequentibus concionibus. Nam præter opinionem, ac intentionem nostram, & concionis huius institutum; huc dilapsi sumus, arbitantes nostrum themarectè explicari non posse (quod promiseramus) nisi difficultates enodarentur. Itaque finem facio hoc verbo, & parentes benè fecisse quærentes Iesum, quia id illis incubebat; quod ipse Iesus approbat, dum audit eos, dum redit cum illis Nazareth, dum ibi fit subditus illis: Et ipsum Iesum omnia optimè peregissem; quia hæc voluntas fuit patris æterni, ut doceret diuina humanis anteponenda esse, nec quicquam curandos esse parentes terrenos, cum parens cælestis aliud præcipit.

Cæterum hæc in sequentibus, ut dixi, explicabuntur copiosius, nunc vnam facti huius rationem considerabimus, quæ occasionem præbebit illius, quod tertio loco nos tractaturos recepimus. Si. n. iudex viuorum & mortuorum Christus I E S V S parentes suos, imprimis verò matrem suam purissimam, innocentissimam, sanctissimam ita tractat, ut nesciam an in scriptura reperiatur verbum à Christo ad illam, vel etiam de illa prolatum, quod

III. MEM  
Quid hæc  
verba ad ter-  
rorem faci-  
ant.



Iudicii for-  
ma tria in-  
cludit

1. Scientiam

2. Operatio-  
nem.

3. Rigorem.

Ps. 74. 3.

quod simili aliqua cum dicendi asperitate cō-  
iunctum non sit: quid nobis peccatoribus,  
qui iniquitatem vt aquam bibimus, expectā-  
dum erit? Ipsa vt ita dicam innocentia duri-  
usculè tractatur à Christo, & nos nocentissi-  
mi pati nolumus, vt etiam pro concione di-  
catur quidpiam asperum contra illa vitia, in  
quibus sepulti iacemus? Qua fronte? quo a-  
nimo? quam inique id faciamus; Vtinam nō  
nimis tardè agnoscamus. In his autem Chri-  
sti Domini verbis videtur mihi totius iudicii  
ipsius nouissimi forma esse expressa: vnde de-  
mirari ac laudare diuinam prouidentiam ma-  
gis magisque non cesso, quò apertius video  
illa, quæ Ecclesia in ipso sacri hodierni exor-  
dio posuit, Euangelio hodierno pulchrè &  
aptè (quamuis subobscurè) quadrare nimis.  
Nam quæ in illa die & examinabuntur, & iu-  
dicabuntur, ad duo, triaue reducentur. Pri-  
mum erit: An quæsiuerimus & sciuerimus,  
quæ sunt patris æterni, & quæ nos scire oportuit.  
Secundum: An postquam cognouimus  
in quibus oportuit nos esse, ea executioni  
mandauerimus? Postremū addi potest, quòd  
tam stricte ista omnia excutrentur, vt multa,  
quæ hic sancta esse videbantur, illic talia non  
fuisse inuenienda sint. Hoc est, quod Dauid  
insinuat loquens in persona Dei: *Cum accepe-  
ro tempus ego iustitias indicabo*, id est, ego Deus  
per filium meum IESVM in illo die destina-  
to, & iusto iudicio ipsius, etiam *iustitias* i-  
pfas,

plas, quæ hîc iustitiæ esse videbantur *indicabo*  
 & ponderabo; an ita se habuerint. Hoc est  
 quod ipse princeps Apostolorum perhorre- *1 Pet. 4. 18.*  
 scit dicens: *Et si iustus vix saluabitur, impius &*  
*peccator ubi parebunt?* Huius etiam rei hîc ty-  
 pum habes, quamuis ex alio fonte & causa  
 emanantem.

Verumenimvero cùm ista, quæ hîc à Chri- *Quomodo*  
 sto velexpressè dicuntur, vel non obscurè iu- *Christus*  
 sinuantur, & difficultates habeant varias; & *querendus,*  
 doctrinas nec viles, nec paucas, ea omniâ *& non qua-*  
 ad certa capita reducamus, indeq; quem præ- *rendus.*  
 tendimus timorem sanctum in nobis excite-  
 mus. Itaque primùm quærimus, quid est  
 quòd Christus Deus videtur quodammodo  
 ægre ferre, quòd quærebatur, dicens: *Q V I D* *Luc. 2. 48*  
*EST Q V O D M E Q V Æ R E B A T I S?* cùm a-  
 libi non solum quærentes se suscipit, vt vidi-  
 mus de Andrea, & vt in Zachæo apparet: sed *Io. 1. 38.*  
 etiam ad quærendum se hortetur omnes: *Luc. 21. 3.*  
 imò etiam conqueratur de negligentia hac in  
 parte commissa? Clamat enim Propheta, &  
 Ecclesia sæpè incultat. *Querite Dominum dum*  
*inueniri potest, inuocate eum dùm prope est:* per *Is. 55. 6.*  
 Dauidem verò (vt viri spirituales contem-  
 plantur) lamentatur dicens: *Periit fuga à me,*  
 & *non est qui requirat animam meam:* hoc est *Pf. 141. 3.*  
 (phrasi Hebræa) meipsum. Quin etiam tum  
 per se, tum per Euangelistam suum grauiter  
 deplorat, quòd non solum quæsitus, verum-  
 etiam receptus non fuerit: *In propria venit, &* *Io. 1. 11.*  
*sui e-*



*sui eum non receperunt*, inquit voce flebili D.  
*Io: 15. 22.* Ioannes. Ipse verò Iesus. *Si non venissem*, in-  
 quit, & *loquutus fuissẽm eis*, peccatũ non haberẽt.  
*Mat: 11.* Quid verò est eis locutus? Audi; ait enim:  
 28 *Venite ad me omnes qui laboratis & onerati estis*  
 & ego reficiam vos.

PRIMA dif-  
 ficultas de  
 non queren-  
 tibus Chri-  
 stum.

Tria genera  
 vitiose Chri-  
 stum quære-  
 tium.

*Io: 6. 26.*

1. Malum  
 dupliciter  
 tum ob va-  
 nam gloriã  
 tum ob tem-  
 poralia.

2. Peius in  
 hypocrisi.

Petimus igitur quidnam sibi velit, Chri-  
 stum Dominum hãc quidem molestius quasi  
 ferre, quòd quæreretur; & tamen alibi con-  
 queri quòd non quæreretur, nec reciperetur?  
 Sed ratio huius differentię in promptu est:  
 Est enim nonnunquam in vitio quærere Ie-  
 sum; & est in vitio non quærere illum: Imò  
 verò sunt in utroq; vitiorum gradus. Malum  
 est quærere Iesum siue cum aliqua vana glo-  
 ria, siue pure propter temporalia. Tales n.  
 arguit ipse Christus dicens. *Queritis me non*  
*quia vidistis signa, sed quia manducastis ex panibus*  
*& saturati estis.* Datq; huic malo remedium  
 omnium efficacissimum doctor omnium sa-  
 pientissimus Iesus, subiungit enim: *Operami-*  
*ni non cibum qui perit, sed qui permanet in vitam*  
*æternam; quem filius hominis dabit vobis.* Qui-  
 bus verbis docet, propter temporalia non  
 esse quærendum Iesum, nisi quatenus nos  
 hæc ducunt ad vitam æternam Pulchra & di-  
 gna & consideratione & diligenti recordati-  
 one Christi sentetia. Hoc igitur duplici modò  
 quærere Christum non est bonum. At mul-  
 tò peius est quærere in hypocrisi: De talibus  
 enim conqueritur Deus apud Prophetam  
 dicens:

dicens : *Me etenim de die indiem querunt , & scire Is: 58. 2.*  
*vias meas volunt quasi gens quæ iustitiam fecerit, &*  
*iudicium Dei sui non derelinquerit.*

Quid putas inter Christianos talium sodal- Exempla  
quotidiana.  
les, inuentum iri? Inueniuntur equidem pro  
dolor. Taceo de hæreticis, & qui ab illis infe-  
cti sunt, hi enim inter Christianos non sunt  
censendi. Ex Catholicis quot sunt quæso, qui  
*de die in diem Dominum querere* videtur, pul-  
chre de fide Catholica loquuntur, sacris ad-  
sunt quotidie, deuotionem foris ostentant:  
nihilominus tamen iniustitias, in quibus he-  
rent, deferere volunt, vsuras, vel vsurarios  
contractus, quibus sunt constrincti, retinēt:  
vindictæ cupiditate & vlciscēdi desiderio ex-  
æstuant, aliena, quæ iniuste acquisierunt,  
restituere negligūt, & multa huiusmodi perpe-  
trāt. Similiter domini *vias scire volūt*, at post-  
quam eas cognouerint, tanquam asperas a-  
uerfantur; denique ita se gerunt, *quasi Iudici-*  
*um Dei sui non dereliquerint*, licet viduas, pu-  
pillos & debiles opprimant; vt opes, & redi-  
tus suos augeant: licet si iudices sunt, munera  
diligant; si aduocati, propter pecuniam ve-  
rum iudicium non deserunt modò, sed etiam  
peruertunt; licet communibus vitiis (& vt  
illis quidem videtur minimis, veletiam nul-  
lis) vt ebrietatibus, commestationibus, de-  
tractionibus, scurrilitatibus, turpiloquiis,  
& plurimis eiusdem generis adstricti tenean-  
tur, imò & delectentur. Quot sunt tales in-  
ter Chri-



ter Christianos imò inter illos etiam, qui in sortem domini vocati sunt, qui tamen a ple-  
risque magni fiunt, qui iustos se esse reputant,  
qui quærere dominum & iudicia eius facere,  
& vias inuestigare creduntur ab hominibus.

Dei iudiciū  
ustum.

At iudicium domini aliud est, prout hic au-  
dis per prophetam illum testantem: iccirco  
pertimeiscendum, iccirco cauendum, iccirco  
non fictè cum Deo agendum, iccirco suis non  
applaudendum vitiiis, iccirco sincerè Deus  
est quærendus, qui sicut decipi non potest.

*Pf: 7. 10.* (Est. n. scrutans corda & renes Deus) ita ma-

*Jer: 17. 10.* uult potius, vt non quæatur, quàm vt hac

Ex se ipso  
collige.

ratione duplicato videlicet peccato quæra-  
tur. Nunquid tū ipse idem non eligis? sit ti-  
bi fictus amicus, quem scis amicè & sincerè  
tecum non agere; quid facis? Non solum nō  
fidis illi, verum etiam apertè testaris te malle,  
ne vnquam in ædes tuas veniat, ideò ad eius  
aduentum vel negas te domi esse, licet sis; vel  
fugis ipsius conspectum. Quid ita? Quia eli-  
gis potius nō quæri, quàm ab hypocrita quæ-  
ri. Idem de Deo tibi persuadeas velim, &

*Luc: 19. 22* recorderis dicti illius. *De ore tuo te iudico.*

3. Pessimum  
occidatur

Vt Christus.

*Jo: 7. 20.*

Postremum & omnium pessimum quæren-  
tium Deū & Christū eius genus est, de quo  
sæpius legimus apud D. Ioannē dicentē: *Que-  
rebant eum Iudæi interficere.* Et ipse Christus ad  
illos. *Quid me queritis interficere?* Et iterum:

*Ver: 34.*

*Queritis me & non inuenietis.* Sed, inquis, hoc  
genus inter Christianos locum habere non  
potest.

potest. Sanè ad cædem vt quondam quære-  
batur á Iudæis, hoc iam tempore saluator no-  
ster quæri non potest. Dicit enim Aposto-  
lus, *Christus resurgens ex mortuis iam non mori-* *Ro. 6:9.*  
*tur, mors illi ultra non dominabitur.* Verùm tum  
spirituali modò: tum illa ratione, qua cla-  
mat ad Saulum dicens. *Saule Saule quid me* *Act. 9:4.*  
*persequeris?* tam id est frequens, vt deploran-  
dum sit vel maximè.

Nam comprehenduntur hic inprimis om-  
nes hæretici duplici nomine. Primum quan-  
do quærunt pèruertere fideles, vt in eis Chri-  
stum per infidelitatem interimant: deinde  
quando non solum sanctorum scripta inue-  
stigant, verumetiam scripturam ipsam di-  
ligentissimè legunt, non vt veram Christi do-  
ctrinam inde hauriant, & conuertantur, ac  
viuant: sed vt eam imposturis, & prepos-  
tis interpretationibus suis peruertant. Hac n.  
ratione Christum Dominum perimunt &  
in scriptura nobis loquentem, & in animis  
fidelium per veram fidem residentem: Si-  
cut enim qui alium occidit, facit vt is non  
sit amplius superstes in terra, ita hæretici  
( & alii de quibus paulo post ) suis tum per-  
uersis opinionibus, tum malis moribus effi-  
ciunt, vt Christus non sit in cordibus fide-  
lium; in quibus antea residebat.

Tales sunt  
hæretici.

1

2

Simili id de-  
claratur.

Hæreticos sequuntur pseudopolitici, qui  
tanto etiam videntur illis esse deteriores;  
quantò id simulate magis faciunt, & hanc i-  
psam

Tales pseu-  
dopolitici



psam simulationem non dissimulant, sed docent: Docent n. tum vel maximè fictè agere oportere, cum aliquod grande facinus, vult princeps committere. Quem instruunt cum in aliis: tum vero in rebus, quæ ad religionem ac deuotionem spectant, simulatione vti. Hac n. inquit ratione, & scelus patrandum non animaduertetur, & populus ad benè sentiendum de principe inducetur: Cùm nihil sit quòd magis in officio contineat plebem, quam religio. Hinc non solum iuramentum datum violare concedunt, sed etiam sacramentis ( atq; adeò Christo ) vti, vel abuti potius suadent. Qui Historias legunt, norunt, non doctrinam tantum, sed etiam exempla ipsa. Prò Deum immortalem? quis vnquam credidisset ad tantam cecitatem ac impietatem deuenturos Christianos, eosque Catholicos, vt siue ad vindictam propriam perficiendam, siue ad principatû hunc, & miserum dominium temporale stabiliendum (perdendum potius, quòd & experientia ipsa docuit) siue alia quauis de causa velint sacramentis diuinis abuti: imò ipsum Christum in Eucharistia præsentem quærere, & ad illum accedere, eo animo, vt illû cum in aliis, tum in semetipsis perdant & iterum crucifigant? Nonne hoc expressis verbis testatur Apostolus dicens: *Rursum crucifigentes sibi metipsis filium Dei, & ostentui habentes?* Quod si hæc verba de quouis post baptismum lethali-  
ter pec-

ter peccante intelliguntur: quantò magis de istis? qui simillimi sunt Iudæis, ad quos dicta sunt verba illa à Christo. *Quid me queritis in- Io: 7. 20.* terficere? Illi enim in persona sua; hi in semetipfis quærunt crucifigere Iesum. *Ostentui vero filium Dei*, quis magis habere potest, quàm qui & sinceritatem ipsius dissimulatione sua irridet, & Christum foris ostentans, intus dæmonium alit? O deploranda dominandi libido, ad quantam impietatem mortalia pectora cogis? Hoc equidem vnicum tanti momenti est, vt ab omnibus, qui Christi nomine, & sanguine sunt insigniti tota pseudopoliticorum doctrina meritò sit explodenda, abiicienda, conculcanda: faxit Deus.

Denique omnes, qui aut in confessione peccatum aliquod graue scienter subticuerunt, aut conscii sibi peccati alicuius mortalis ad Eucharistiam accedunt aut deuotione ad pertrahendum aliquem in peccatum abutuntur hi omnes, inquam quærunt Christum ad interficiendum illum siue in seipsis, siue in aliis, siue in vtrisque. Omnes itaque isti, & his similes quærentes Iesum, & arguuntur, & cōdemnantur ab illo.

At verò è contrario arguuntur, & cōdemnantur etiam alii qui non quærunt Christum: quorum itidem variæ sunt species. Prima eorum, qui in operibus bonis, si quæ faciunt, non Dei Christiue, sed suum honorem, aut vtilitatem quærunt: tales & ipse Christus

Tales quidam etiam Catholici.

Tria itidem genera vitiosa non quærentium Christum.

1. Qui sua quærunt non Christi.

*Io: 8. 44.*

M

per-



*Jo: 7.18.**Phil: 2.21.*

2. Qui differe-  
runt quæ-  
rere Chri-  
stum.

*Luc: 15.8.*

3. Qui cum  
sponte per-  
dunt.

In semeti-  
pſis.

perstringit ſæpius, & Apoſtolus deteſtatur  
dicens: *Omnes quæ ſua ſunt quærun-  
t, non quæ ſunt  
Jeſu Chriſti.* Executiat quilibet conſcientiam  
ſuam, & perquirat, an quidpiam tale in ea  
reperiatur, emendetque ſerio: Altera illorū  
ſpecies eſt, qui & ſcienter, & voluntariè per-  
diderunt in ſe Chriſtum, & tñ quæ-  
rere illum  
aut negligunt, aut differunt. Calamitoſum  
fanè genus hominum, qui vno denario, imò  
multo etiam minoris æſtimāt Chriſtum. Pe-  
rit denarius, *perit* (vt Chriſti exemplo vta-  
mur) *drachma una*, conſeſtim candela, aut lu-  
cerna accenditur, domus tuta euerritur & e-  
uertitur, neque à quærendo ceſſatur, donec  
quod perditum fuit reperiatur: at verò per-  
ditur Chriſtus per peccatum mortale, & de  
quærendo ac inueniendo illo, penſi nihil. Nā  
aut penitus negligitur, aut inuentio eius ad  
annum differtur. Hæccine ô gens Chriſtiana  
reddis Chriſto tuo pro tot in te collatis be-  
neficiis, vt eum minoris, quàm obulum æ-  
ſtimes? Quis hæc audiendo non perhorre-  
ſcat, & ad cor non redeat? Poſtremo ſunt a-  
liqui qui non ſolum quæ-  
rere Chriſtum vel  
negligunt, vel differunt; ſed etiam perdere  
illum ſiue in ſemetiſſis, ſiue in aliis parui, vel  
nihil æſtimant; imò, quod peius eſt, non-  
nunquam procurant. Tales ſunt recidiui,  
quos vocamus, qui ſicut leuiter & oſcitanter  
per ſacramenta Chriſto Domino reconciliati  
fuerunt; ita minima occasione data, vel acce-

pta, imo sæpe etiam quæ sita ad vomitum redeunt, & maioribus etiam se inuoluunt peccatis. Tales etiam, imò peiores sunt illi, qui In aliis  
bus non satis est perdere Christum in semetip-  
sis, sed quærunt insuper socios sibi gehennæ adiungere, dum ad peccandum alios alligere student. Tales denique sunt parentes, Intendenti-  
bus ad per-  
fectionem.  
cognati, socii, qui siue à religione, siue à perfectiori vitæ genere suis modis variis abstrahere conantur; propter quos præcipuè hæc verba QUID EST QVOD ME QVÆREBATIS à Christo esse prolata volunt Doctores: vt dum innocentes arguuntur, nocentes quid cum illis illis agatur considerent, & perhorrescant; ac concepto timore sancto pœnitentiam parent, & pariant. Verùm iam sequentia Christi verba audiamus. Pergit itaque & ad parentes loquens;

NESCIEBATIS inquit. Figamus paulisper in hoc vno verbo, pedem, antequam ad alia progrediamur: dignum est n. consideratione. Nam sicut priora, ita hoc difficultatem habet, iudiciūq; Dei nobis ante oculos ponit. Videtur enim ex vna parte & ipse Christus hic, ac alibi, & multò magis scriptura alia ita arguere incitiam, vt ignoratio aggrauare peccatum dicatur; ex altera verò parte incitia non aggrauare, sed minuere videtur peccatum, ita vt Apostolus ignorantie conuersionem suam quodammodo adscribat, cum inquit: *Sed misericordiam Dei conse-*

2. Difficultas de ignorantia.

1. Tim: 1.

18.

M 2

quantus



Prima est  
quæ minuit  
peccatum,  
vt Pauli.

2. Quæ tollit  
ônino pec-  
catum vt  
hæc paren-  
tum Chri-  
sti.

Exemplum  
Iob.  
Iob. 40. r.

*quintus sum, quia ignorans feci in incredulitate.*  
 Iccirco sciendum est sicut quæredî Christum:  
 ita ignorantia varia esse genera; quorum a-  
 lia minuunt, alia nullum faciunt peccatum,  
 alia verò contra aliquantulū, alia summope-  
 re illud aggrauant. Primi generis est, cum  
 hoc ipsum D. Pauli, tum verò quod præ ma-  
 nibus habemus exemplum parentum Chri-  
 sti. Pauli etenim ignorantia minuebat qui-  
 dem aliquantulum peccatum incredulitatis  
 ipsius, quia nesciebat Christum esse Messiam  
 propter Rabbiorum, quos audiebat, per-  
 uerſitatem: qui omnia loca scripturæ, quæ  
 erant pro Christo, sinistris suis interpretatio-  
 nibus euertebant: ( vt nunc hæretici faciūt )  
 plene tamen non excusabat illum, quia si vo-  
 luisseſſet adhibere media necessaria, facile deue-  
 niſſet ad agnitionem veritatis. Ideò ibidem  
 vocat se primum, id est, maximum pecca-  
 torum. At verò inſcitia parentum Christi,  
 plenè illos ab omni peccato excusabat: nullo  
 enim modo illi ſcire poterant quid cogitaret  
 Ieſus, quando quidem id illis non fuerit reue-  
 latum. Arguuntur autem quodammodo  
 ab illo ( licet innocentes ) propter dictam  
 cauſam. Quod haud inſolens est in ſcriptu-  
 ra. Legatur liber Iob, & videbitur quomo-  
 do Dominus Deus acriter arguit Iobum *de*  
*turbine ei reſpondens*: & tñ innocentiam ipſius  
 ibidem demonſtrat, imò & dicta eius appro-  
 bat, ſic alloquens Eliphaz amicum eius: *Ira-*  
*tus eſt*

*tus est furor meus in te, & in duos amicos tuos, Job: 42.7.*  
*quoniam non estis loquuti coram me rectum, sicut*  
*seruus meus Iob.* Quanto magis itaque hoc de  
 parentibus Christi sentiendum est? Hæ igitur  
 sunt ignorantia, & his similes, quæ aut  
 planè excusant peccatum, ut hoc parentum  
 Iesu; aut diminuant, ut illud Pauli.

Verum sunt aliæ ignorantia, quæ non so-  
 lum non excusant, sed etiam accusant, non tã-  
 tũ nõ minuunt, sed etiam aggrauant peccatũ,  
 suntque in illis gradus nõ ad ascẽdẽdũ sed de-  
 scendum in infernum, ni resipiscant. Primus  
 est eorum, qui quæ ad salutem sunt necessa-  
 ria ex negligentia, & socordia sua scire negli-  
 gunt. Secundus peior illorũ, qui hoc ipsum  
 ex habitu pessimo, & obstinatione in pecca-  
 tis faciunt. De vtrisque illud Apostoli intel-  
 ligitur. *Si quis autem ignorat, ignorabitur.* Ma-  
 gna equidem pœna. Eueniet n̄. illi quod ac-  
 cidit quinque fatuis virginibus, quibus ex-  
 clusis á porta curiæ cœlestis dictum est. *Ne-*  
*scio vos.* Ac meritò sane is non agnoscetur qui  
 agnoscere legem Dei noluit. Postremus de-  
 niq; gradus pessimus est eorum, qui non so-  
 lum negligunt scire, sed etiam affectant ne-  
 scire quod sunt nosse obligati. Huiusmodi  
 describit Iob his verbis. *Qui dixerunt Deo: Re-*  
*cede a nobis, & scientiam viarum tuarum nolumus.*  
 Propterea tales fugiunt conciones, fugiunt  
 confessiones, fugiunt & ipsas Cathecheses,  
 ne cogantur nosse, quod ignorare exoptant.

3. Mala quæ  
 fit ex negli-  
 gentia.

4. Peior quæ  
 ex habitu.

1. Cor: 14.  
 38.

Mat: 25. 13.

5. Pessima  
 scilicet affe-  
 ctata qua la-  
 borant qui-  
 dam.

Iob: 21. 14.



*Pf: 33.4.* Sed & David talem perstringit dum inquit  
*Jo. 8.34.* *Noluit intelligere ut bene ageret.* Quare? Quia  
*1. Tim: 4.2* voluit ignorare, ut male ageret; utq; liberi-  
 us sine remorsu conscientiae peccare posset.  
*Jo. 8.34.* Nam *omnis qui facit peccatum servus est peccati,*  
*1. Tim: 4.2* ait veritas Iesus. *O Canteriata Conscientia?* quā  
 detestatur, & deplorat Apostolus.

*Etiam Ec-  
 clesiastici.*

Quid? Habetne hoc malum locum apud  
 Christianos? utinam saltem præcipuum non  
 habeat, sed obuerfatur sæpe inter præcipuos.  
 Nolunt Ecclesiastici scire quid iuris sit de plu-  
 ralitate beneficiorum, de residentia, de si-  
 monia, de secularibus negotiis non tractan-  
 dis, deque his similibus. Quare? ut peccent  
 liberius, & ipsam suffocent synderesim. Qui  
 considerent quæso verba illa Dei apud Pro-  
*pheta: 4.6.* phetam: *Quia tu scientiam repulisti, repellam te,*  
*ne sacerdotio fungaris mihi.* Et certè etiā in hac  
 vita sæpe id usu venit, ut plurimum enim ra-  
 rō tales celebrant, rarō sacramenta admini-  
 strant, rarō alia sacerdotum munia obeunt,  
 idque culpa, & negligentia sua: quid fiet in  
 illa vita in pœna quæ eis infligetur?

*Reges &  
 Principes.*

Nolunt prætererea Reges & Principes in-  
 telligere, quæ sit vera, quæ verò falsa Politi-  
 a, & gubernandi populum sibi concreditum  
 ratio, quæ subordinatio inter statum Eccle-  
 siasticum, ac sæcularem (non alia sanè quam  
 illa, quæ est inter animam & corpus) quouè  
 sese ipsorum extendit iurisdictio, quo pro-  
 gredi ultra non licet. Quare? ut liberè tyran-  
 nidem

nidē exerceant, vt suam dominandi libidinē,  
 quoquomodo expleant, vt vno verbo, il-  
 lud verbum apud illos locum habeat [ sic vo-  
 lo, siciubeo, sit pro ratione voluntas ] Hęc- NOTA.  
(Exemplum  
Christi)  
 cine nos Christus docuit, qui nos sanguine  
 suo redemit? cui in Baptismo fidem dedimus:  
 is inquam, qui & a famulo iniuste sibi alapam  
 dante, & a iudice id permittente non volun-  
 tatem, sed rationem requirit, dicens: *Si malē* 10: 18. 23.  
*locutus sum testimonium perhibe de malo, si autem*  
*bene, quid me cadis?* O quā id in nostros po-  
 liticos conuenit? Dum iudicium suum diui-  
 no præferunt, dum leges Christi nihili faci-  
 unt, dum religione ipsius abutuntur, dum,  
 quod dicitur, omnia sursum & deorsum e-  
 uertentes, politicos se esse asserunt, dum  
 pauperem, pro quo Christus mortuus est,  
 cane minoris faciunt. Vtinam aliquando tan-  
 dem resipiscant, ne experiantur, quod per  
 Moysen De in nomine dicitur. *Si acvero vt fulgur* Deu: 32.  
*gladium meum, & arripuerit iudicium manus mea,* 42.  
*reddam ultionem hostibus meis, & his, qui oderunt*  
*me retribuam. Inebriabo sagittas meas sanguine, &*  
*gladius meus deuorabit carnes: tantò acerbius,*  
*quantò tardius; tantò infelicius, quantò di-*  
*uturnius: quia in æternum & in sæculum sæ-*  
*culi. Deuorabit autem ultio diuina non solū*  
*carnes, sed etiam animam & in hac, & in illa*  
*vita: nam etiam in hac vita rarò in talibus a-* Qui gladiis  
accipiunt.  
Mat: 26.  
sa.  
*nima carnem deserit morte naturali. Omnes*  
*enim qui acceperint gladium, gladio peribunt ait*



veritas Iesus: Omnis autem accipere gladium dicitur, qui aut non datum sibi dominum, tyrannicè occupat; aut dato contra datam Christo & Ecclesiæ fidem, abutitur.

Hæretici.

Quid dicam de hæreticis? ex quorum ore aliquando audiuiimus. Ne loquaris mihi, ne turbes conscientiam meam, ne dubiam reddas, ne cogar dictis tuis acquiescere. Si hæc non est affectata ignorantia, nulla profectò procurata in mundo erit. Sed adhuc multò detestabilior est alia, ministrorum inquam, qui scientiam diuinam blasphemant. Hos duo Apostoli sic describunt Alter. *Hi autem quæcunque quidem ignorant, blasphemant.* Alter verò inquit, & pænam addit. *Hi verò velut irrationalia pecora, naturaliter in captionem & in perniciem in his, quæ ignorant blasphemantes in corruptione sua peribunt.* Quod ideò dictum est, quia rarò tales conuertuntur, qui in captionem & in perniciem malitia sua quodammodò nati, docent quæ non didicerunt; & blasphemant, blasphemareque faciunt, quæ malitia sua ignorant.

Ministri e-  
orum.

*Iudas &  
10. 2. pet:  
2. 12.*

Catholici  
quidam.

Denique etiam in plebe Catholica haud rari sunt, qui contractibus illicitis irretiti, qui vitiis aliis inuoluti, nec consilium à peritis petere, nec conciones ipsas (vt diximus & experti sumus) audire volunt. Quare? ne inquirunt, scrupulum nobis pariant. O ingens scrupulus; qui dum quietam (si modo ita dici potest) reddit conscientiam, mactat animam

nimam. Videtis dilectissimi quantum mali ignorantia faciat? imò, si benè ponderetur, fons, & origo est omnium malorum. Non absque causa igitur dicit Christus parentibus, **NE SCIEBATIS**; vt innocentes admonendo, nocentes & arguat & terreat, & ad frugem bonam adducat. Quod si quæris quæ scire te sit necesse: ecce disertis verbis docet te Christus dicens.

**QVIA IN HIS QVÆ PATRIS MEI** Quid scire  
tenemur.  
**SUNT OPORTET ME ESSE** NOTA. Scire igitur tenemur, quæ sunt patris nostri cælestis, id est, (vno verbo) quod Deus vult nos & scire ad credendum, & intelligere ad operandum; ac proinde & vera credere, & bene operari obligati sumus. Et circa hæc discernenda, atque diiudicanda totum extremi iudicii tempus à Christo **I E S V** consumetur. Quæ enim sunt patris æterni eadem sunt & filii, eadem & Spiritus sancti. Quorum. n. est eadem essentia, est & eadem voluntas, est etiam idem imperium. Itaque intueri, & audi, quid Iudicii diuini materia.  
Christus Dominus velit in suo vltimo decreto, (quod tibi manifestare voluit) & certò tibi persuadeas, hæc eadem esse **PATRIS** cælestis, in quibus **OPORTET TE ESSE**. Atque iuxta hæc examina conscientiam tuam, & præpara tempestiue, quid tunc respondeas. Mat: 25: 41.  
Testatum reliquit filius Dei se condemnaturum non facientes opera bona; multò magis testatum esse voluit, se condemnaturum



**Similitudo.** eos, qui faciunt opera mala. Nam ex teipso experimentum, & iudicium cape: Molestum est tibi cum seruus mandata tua non exequitur; sed multò adhuc fers grauius, cum cognoscis illum contraria planè iussis patrassè tuis, tum temporis enim arguis maximè, increpas, castigas, punis. Idem à Deo tuo expecta, & aliquid amplius. Audisti enim quomodo cum acceperit tempus, iustitias iudicabit: quod fecisse illum etiam in hac vita nonnunquam testantur historiæ. Sufficiat illa quæ Carthusianorum ordini occasionem dedit. Doctor ille mortuus pius putabatur ab hominibus: verum à Deo talis inuentus non est, ita vt condemnatum se esse fateretur.

**Rigor iudicii.**

**Pf: 47.3.**

**Ab exemplo.**

**A simili.**

**Heb. 4.13.**

Nec mirum solum Deum id nosse: si enim solius & periti trapezitæ est, quales & quanti precii sint gemmæ quæuis, aut lapilli preciosi diiudicare; vnde frequenter contingit imperitos ita in hoc errare, vt vitrum lapilli preciosi loco magno sæpe persoluant precio: quantò magis de Deo & sentire, & loqui debemus, illum solum esse, qui precium conscientiarum nostrarum optimè nouit? Nouit an aurum, an verò aurichalcum ibi splendeat, nouit num virtus, num species tantum virtutis in cordibus nostris lateat. *Omnia enim nuda, & aperta sunt oculis eius* ait Apostolus. Non solū abditæ cogitationes nostræ, sed & intètiones & ipsa medulla intètionis, vt meus D. inquit Aug: Estigitur quod pertimescimus,

mus, est quod nobis iudicioque nostro non fidamus, præsertim in nostra causa, in qua amor proprius, ita oculos mentis excæcat nostræ, vt sæpe vitium turpissimum, virtutis actus nobis esse videatur. Ideo remedium est adhibendum.

Quid remedii? Excellentius vix reperi-<sup>III. MEM: Remedia duo.</sup>  
 emus, quam, tum quod iam tractare cæpi-  
 mus: tum quod hac sententia saluator noster  
 Iesus nos docet. Si n. continuò ante oculos  
 mentis meæ mihi obuersaretur **QVIA IN**<sup>i. Thematis cōsideratio.</sup>  
**HIS QVÆ PATRIS MEI SVNT OPORTET**  
**ME ESSE,** quid non mali fugerem? quid non operarer boni? sunt quædam dicta  
 sacræ scripturæ, in primis verò quæ ex ore fi-  
 lii Dei altissimi prodierunt, quæ ad totam  
 vitam nostram sanctè transigendam abundè  
 sufficerent; si & in memoria nostra semper  
 voluerentur, & executioni mandarentur.  
 Talis est hæc, de qua tractamus Christi Ma-  
 xima. Ea enim & tentationes omnes a nobis  
 profligare, & veternum ac negligentiam no-  
 stram in tractandis rebus diuinis excutere, &  
 (vt dixi) vniuersa mala vitare, bona verò  
 exequi facile possemus. Exemplis aliquot<sup>Praxim</sup>  
 datis res lucidior fiat. Tentaris a Sathana, &<sup>NOTA.</sup>  
 suadent tibi cogitationes tuæ fornicationem,  
 ebrietatem, fraudem, vindictam propriam,  
 & sexcenta alia his similia, vel etiam deterio-  
 ra: Responde in corde tuo: **QVIA IN HIS**  
**QVÆ PATRIS MEI SVNT OPORTET**  
**ME**



**M E E S S E:** Ista verò tantum abest, quòd  
 sint patris mei cælestis, vt etiam sint ei lum-  
 moperè contraria: ideo non audio, non ac-  
 quiesco, non faciam. Absit. Similiter rident  
 te socii, quòd frequēter cōfitearis & commu-  
 nices, quòd deuotioni insistas, abstrahunt te  
 alii, vel iidem, vel etiam cognati, à sanctis  
 quæ concepisti desideriis, mutandi vitam in  
 melius, ingrediendi religionem, Deo te de-  
 uouendi: Responde non corde tm̃, sed etiam  
 ore: **N E S C I T I S Q V I A I N H I S Q V Æ**  
**P A T R I S M E I** ( imò & vestri, si illum præ-  
 oculis habere velletis ) **O P O R T E T M E E S-**  
**S E?** ne igitur impediatis meum propositum,  
 ne retrahatis, ego enim non obedio vobis,  
 sed Deo: non legi carnis, sed Regi sæculorū:  
 discedite à me, non audio. Eadem verba va-  
 lebunt, ad propulsandam in nobis omnem  
 pigritiam, & in diuinis rebus tractandis pu-  
 sillanimitatem. Eadem ad omne opus bo-  
 num benè, & alacriter perficiendum. Eadem  
 denique sunt, quibus omnia opera nostra,  
 ac vniuersa, quæ nobis occurrunt siue facien-  
 da, siue relinquenda examinare, ac versare,  
 ac secundum ista gerere nos debemus. Quic-  
 quid enim obuenerit tibi, his verbis excute,  
 & expende, dicasque in corde tuo: est ne hoc  
 opus **P A T R I S M E I** cælestis, nec ne? Et si  
 quidem eius esse cognoueris, perfice: sin mi-  
 nus, relinque. Nonne iam apertè vides hoc  
 Christi axioma quanti sit momenti, quantæ  
 excel-

excellentiæ? Inde igitur collige quantæ etiam vtilitatis. Tantus equidem fructus inde nobis prouenire potest, vt maior esse nequeat. Inde enim & gratiam diuinam obtinebimus, & eam conseruare studebimus, & si in illa perseuerauerimus, quod omnium maximum est, vita perfruemur æterna.

Quam ad rem iuuabit etiam plurimum timor sanctus, de quo tota hac concione egimus, & ad quem nostros discursus direximus. Timorem verò sanctum & apprimè salutarem incutere nobis possunt, quæ vel directa, vel insinuata fuerunt, tum à Christo, tum ab Ecclesia. Et sunt profectò hæc admiratione dignissima. Nam consueuistis vos parentes, cum timorem incutere, & in officio continere vultis liberos vestros; arguere, atque etiam percutere famulos, aut ancillas vestras, licet innocuas, & culpa carentes, vt filii vestri petulantes id videntes metuant, ac ad frugem se recipiant. Verùm hic videmus planè contrarium. Duriusculè etenim tractantur, & quodammodo arguuntur parentes à Christo domino, innocentissimi, vt tu seruus & mancipium vilissimum, id considerando timeas, & exhorrescas. Neque verò id tantum facit filius Iesus Matri suæ sanctissimæ Mariæ, sed & pater filio, Deus Deo idem præstat: quod obstupescens Apostolus inquit: *Qui etiam proprio filio suo non pepercit, sed pro nobis omnibus tradidit illum.* Quis hæc vnquam

Fructus inde.

2. Remediū

Timor sanctus cuius argumenta.

1. Innocentū punitio.  
NOTA.

A dissimili.

Ro: 8. 32.



2. Iudicis  
terror.

*Ps: 96. 3.*

. Exprobra-  
tio ac sentē-  
tia.

quam audiuit? puniuntur iusti vt timeant peccatores; vapulant innocentes, vt emendentur rei, patiuntur liberi filius & mater, vt perhorrescant serui, & mancipia? O admirabilis diuina ordinatio! O incompræhensibilis dispositio! Cuius si grati erimus, benè nobiscum agetur: sin minùs væ, & iterum iterumque, væ væ nobis. Nam quem nunc puerulum humi sedentem aut etiã iacentē conspiciamus, eum certò certius aliquando (vt monet Ecclesia) in excelsò throno residentem intuebiimur. Quando *ignis ante ipsum præcedet & inflammabit in circuitu inimicos eius*, quando cæli mouendi sunt & terra: quando *veniet in nubibus cæli cum virtute multa, & maiestate*; quando aderit, & adorabit eum multitudo Angelorum, illi quidem pfallentium, nobis verò ingratis indignantium unanimiter in vnum: quando hæc, vel his similia verba proferet Christus I E S U S; nunquid non te monui, & exemplo, & verbo; **QVIA IN HIS QVÆ PATRIS MEI SVNT OPORTET te ESSE?** Tu verò quomodo hæc perfecisti? imò quid non contrarium fecisti? quando non meam, vel patris mei, sed inimici mei dæmonis voluntatem expleuisti; quando cum illis contra me conspirasti, quādo nec scire voluisti, quæ te scire oportuit, nec facere, quæ non ignorasti? quando socius dæmonum potius, quàm bonorum Angelorum esse elegisti; ito igitur in tenebras  
exteri-

exteriores, & sis socius illorum in æternum.

Quid cogitas ò homo, in peccatis sepulte? quid meditaris? si hisce non credis, quomodo Christianus nuncuparis? Si credis, quomodo ad cor non redis? Conuertere obsecro, conuertere ad pænitentiam. Ecce humilis tibi monstrat, quomodo sublimem timere debeas. Reuertamur igitur dilectissimi, reuertamur, & ingredienti in penetralia cordis nostri quæramus. Quid cogitas ò anima mea? quid contemplaris? Vidisti in puerulum Iesum vel humi, vel in scabello demissè sedentem? & tñ tum temporis Doctores in stuporem vertentem, ideòque terrentem, cum stupori timor sit coniunctus? si talem vides, dum vsque ad terram sese humiliat, qualem videbis, quando de altissimo cælorum habitaculo veniens, etiam iustitias strictè iudicabit? Audistine eundem puerum Iesum, paulò quasi acerbius parentes alloquentem suos, quid tu tibi de te ipsa hac in parte persuades ò anima mea? si taliter tractat parentes, quibuscum statim reuersus est NAZARETH, ET ERAT SVBDITVS ILLIS, illis inquam Mariæ, & Ioseph sanctissimis, & purissimis: quid agetur tecum ò turpissima & præuaricatrix anima, quæ toties Deo tuo restitisti, toties inobediens fuisti, toties iugum creatoris tui excussisti? Creator subditus est, creaturæ suæ, & tu creatori tuo neque in superioribus tuis, quos loco sui tibi reliquit; neque in perso-

CONCLV-  
SI Oper A-  
postrophen  
summā di-  
ctorum cō-  
tinens.



persona ipsius, quæ tibi salutaria mandat, vis obtemperare? Intellexistine etiam quomodo idē Iesus arguit, quodāmodo & quærentes se, licet id cum amore fecerint, & ignorantes, quæ nescire poterant? Quid ergo fiet tecum, quæ scienter, & voluntariē à te perditum, aut pænitiū quærere neglexisti, aut ad multum temporis id distulisti, & denario vno minoris Christum æstimasti? Quod si quæsiuisti eum, fecisti id vel propter temporalia, vel modis illicitis. Quid præterea tecum agetur, quæ ea in quibus OPORTUIT te ESSE ignorasti; quia non solum scire, ea neglexisti, sed etiam ne illa scires ideo procurasti, vt liberiū peccare posses? Hæc mente reuoluamus dilectissimi, & timore sancto sanctam in nobis excitemus pænitentiam, ac fusis lacrymis dominum deprecemur vt dimissis peccatis nostris, faciat nos IN HIS QUÆ PATRIS ipsius sunt semper esse, vt deperditum quæramus, quæsitum innueniamus, inuentum custodiamus, & ad finem vsque vitæ nostræ retineamus, præstante eodem Domino nostro IESU Christo, qui cum patre in vnitæte Spiritus sancti viuit, & regnat Deus in sæcula sæculorum Amen.

SPONSAM  
CHRISTVS  
DITAT,  
SPONSVM  
IPSA HONORAT.

CONCIO SECVNDA  
Fides.

Ex præ-

**E**X præstantissimis & clarissimis Ecclesiæ Christi figuris atque notis, ex haud inter postremas, ne inter primas dixerim numerandæ sunt; quæ ex natura sponsi, sponsæque desumuntur. Quemadmodum enim ad cognoscendam illustrem aliquam familiam, nihil est efficacius, quàm nosse coinugii nobilitatem, naturam, gentilesque domus illius consuetudines pariratione ad cognoscendam domum Dei (quæ est Ecclesia teste Apostolo) & familiam Christi hæc nosse cōfert plurimum. Iam verò Christum esse sponsum, sponsamque habere, si quis contentiosè negauerit, nescio an solo etiam nomine tenus inter Christianos esset censendus; ad eò tum veteris, tum noui testamenti, hac de re sunt clara testimonia. Quid enim aliud sapiens agit integro illo libello, quem canticum canticorum vocamus, quàm hoc ipsum demonstrat. Vt præcursorem ipsius Iesu interim taceam, disertis id affirmantem verbis, cum de illo loquens inquit: *Qui habet sponsam* 10: 3. 29. *sponsus est, amicus autem sponsi* (seipsum notat Ioannes Baptista) *qui stat, & audit eum, gaudio gaudet propter vocem sponsi*. Quid Christus nonne ipse sponsum se esse fatetur loquens de seipso & discipulis suis ac dicens: *Nunquid possunt filij sponsi lugere, quamdiu cum illis est sponsus?* Mat: 9. 15. Sponsus igitur est Christus, sponsa verò Ecclesia, teste Apostolo, cum de matrimonio disserens subinfert. *Sacramentum hoc magnum est, ego* Eph: 5. 32.

Coniugii  
spirituale si  
gnum Ec-  
clesiæ

A simili.

1 Tim: 3. 15

Christus  
sponsus

Ecclesia  
sponsa.

N

est, ego



Natura vtri-  
usque.

*est, ego autem dico in Christo, & in Ecclesia. Iam verò quis non solum qui Christianum, sed etiā qui hominem tantum se esse nouit, negauerit, quod naturæ ipsi insculptum esse videt, nempe solere sponsum quidem sponsæ dona tribuere; sponsam verò honestam ac legitimam non solum sponsum, sed amicos etiam sponsi venerari, obsequentem sponso esse, illumque quantum potest in vita & moribus imitari consueuisse. In quacunque igitur congregatione hæc reperientur, eam veram ac legitimam Christi Iesv familiam, quæ verò contrario progreditur modo, illā adulteram esse; cuiuslibet, luce meridiana clarius enitebit. Hoc verò nos, Euangelio hodierno insistentes, hac concione demonstrare instituiamus.*

PROPO.  
quadripar-  
tita.

Primum itaq; considerabimus donum quoddam hoc Euangelio adūbratum, quod inter alia multa Christus dominus sponsæ suæ Ecclesiæ in terris reliquit. Deinde quam vicissim gratitudinem illi sponsa declarauit cum in aliis, tum verò in eo, quod & spōsum suum summo honore prosequatur, & amicos ipsius veneretur. Præterea docebimus quonammodo sponsa sponsum suum sapientissimum, & castissimum non obseruare tantum, sed & quātum in ipsa est imitari consueuerit. Postremò qua ratione vera in terris Christi Ecclesia fictaq; inde cognosci possit ostendemus. Tu Christe Iesu da, vt ita hæc perpendamus,

damus, quò viua membra sponsæ tuæ esse, & in finem perseuerare, valeamus.

Ditissimus ac liberalissimus Christus Iesus dominus noster, *ascendens in altum* innumera & eximia valde *dedit dona hominibus*, sponsæ videlicet suæ, quæ ex hominibus constat, ac omnes fideles complectitur. Ex quibus quidem donis haud exiguum est facultas constituendi & dispensandi multa in iis, quæ ad ordinem, necessitatem, ac vtilitatem Ecclesiæ pertinent. Si enim quædam ex iis concessa fuerunt à Deo ancillæ id est synagogæ veterem legem complexæ, quanto magis decuit ut Christus dominus Deus multò plura huius etiam generis largiretur sponsæ suæ Ecclesiæ? Decuit equidem ideoque fecit. Qua de re pulchre, & profundè (ut assolet) disserit Apostolus, ac ex figura *Abramæ duos filios unum de ancilla, & unum de libera habente*, conuincit Galatas (ad legis cæremonias redire volentes) Synagogam ex ancilla, Ecclesiam verò ex libera procreatam esse. Quod experientia etiam ipsa nos docet.

Quemadmodum enim paterfamilias qui caret vxore, ipse per se famulis, & ancillis suis ordinat omnia siue quæ ad victum, siue quæ ad vestitum, siue quæ ad ordinem domesticum pertinent: postmodum autem sponsa habita, hæc & alia generis eiusdem vxori tractanda, & constituenda concedit, ac committit. Ita Deus sapientissimus & ben-

I. PARS

Christiana

dona reli-

quissæ Ec-

clesiæ pro-

batur.

Ps: 67. 19.

Eph: 4. 8.

1. Ex script.

2. Ex discursu D. Pauli.

Gal: 4. 22.

Gē: 16. 15.

Gē: 22. 2.

3. A simili

NOTA



gnissimus in veteri quidem testamēto singula etiam minima per se præscripsit; nempe quid ex carnibus & piscibus manducare, à quibus abstinere, quomodo vestiri, cum alii;

*Nū: 15.38.* tum verò Leuitæ & sacerdotes deberent, nec nō quibus vti cæremoniis, quas coinquinatio- nes fugere, quæ & quomodo festa celebrare ac quomodo sexcēta alia obire tenererentur, ipse illos edocuit, ipse dictādo Moyfi famulo suo omnia præscripsit: quorū tamē nil in nouo testamēto fecit, sed omnia sponsæ suæ Ecclesiæ ordināda reliquit. Cur quæso? ideo vide licet, vt & differētiā ab Apostolo notatā animaduertas, & pro tanto beneficio, quas potes, gratiarum actiones illi agas, habeasque perpetuò. Nihilominus quamuis in illa lege tam exactus fuerit Deus, vt & constitucere omnia per semetipsum & in omnibus dubiis peti à se consilium vel mandatum voluerit: (cuius rei exstant exempla in illa lege; quale fuit de eo, qui ligna in sabbatho colligebat, de iis qui pascha suo tempore celebrare non poterant, & his similia; minuta sanè) nonnunquam tamen aut concessit, aut ratū, gratumque habuit, quæ à Synagoga, siue superioribus eius circa obseruationem quarundam rerum, quæ lex illa præscribebat immutata, & dispensata fuerunt. Quare si hoc in lege illa rigida & iugo quod *neque patres nostri* (ait princeps Apostolorum D. Petrus) *neque nos portare potuimus* obseruabatur, & per-

*4. A minori*

*Nū: 15.38.*

*Nū: 9.6.*

*Act: 15.10*

mitte-

mittebatut, quantò magis id concedi debet legi, & iugo gratiæ dulci? de quo ipse saluator ait. *Iugum meum suauis est, & onus meum* *Mat. 11. 29* *leue.*

Itaque sit ratum firmumque hoc axioma, Axioma. Signum Ecclesiæ facultas dispensandi, quod probatur notam verè Christi in terris Ecclesiæ continens. Ibi est sponsa Christi, vbi est potestas tum constiètudi ordinandi; omnia, quæ ad festa, ieiunia, cultum, cæremonias, & his similia pertinent: tum dispèlandi circa multa etiam ad ipsum vsum sacramentorum (salua illorum substantia) spectantia pro rerum, temporum, & locorum varietate. Huius notæ primam partem probabimus Deo dante, quando de ieiuniis, vel aliis, quæ in ea includuntur, agemus: altera verò eius pars, totidem fere verbis in Conc. Trid: expressa in hac *Sess. 22: cap. 2.* concione tum ex Euāgelio quod præ manibus habemus: tum ex aliis sacre scripturæ locis nobis comprobanda erit. Sit igitur hoc ex fundamento iacto, & deducto argumentum. Fuit potestas in antiqua lege dispensandi, circa aliqua, quæ lex illa præcipiebat, aut vetabat: Multò igitur magis id in noua lege reperietur. Valere id argumentandi genus ex Apostolis Petro, & Paulo, imò ipso Christo ostendimus. Iam propositionem ipsam demonstremus. Primum ex Euangelio, 2. Exempla ex Euāgelio deinde aliunde exemplis petitis. In Euangelio habemus (immediatè ante ea quæ recitauimus) hæc verba. *Et ibant parentes eius per* *Luc. 3. 41.*



sed etiam pueris eius permittit sacerdos manducare hos panes. Qua auctoritate? contra apertum mandatū Dei teste etiam ipso Christo, qui dicit *solis sacerdotibus* licuisse eos edere? Non alia profectò, nisi auctoritate summi pontificatus, quo tunc Achimelechungebatur. Inde enim potestatem habuit in talibus & similibus necessitatibus dispensandi etiam in lege diuina. Quod ita ipse Christus dominus approbat, vt contra impios murmuratores hoc exemplo sese tueatur. Vnde multa habemus. Primum quidem fuisse talem potestatem etiam in illa lege. Secundum Iudæos id ex traditione habuisse. In tota n. scriptura non ostendent nobis hæretici, vbi hæc potestas expressè data fuerit à Deo sacerdotibus. Postremum multò magis id competere legi gratiæ: nam præterdicta, & dicenda, ipse Christus dominus eo, quo nos argumentandi modo (quod à minori ad maius nuncupatur) hic vtitur.

9. Ex facto  
Ezechiz Re  
ges. 55.

2 Par: 30.1

Num: 9.6.

Est & aliud exemplum Regis Ezechiz, qui totam solennitatem paschalem transtulit in alterum mensem contra apertum Dei mandatū qui stricte præcipiebat, vt primo mense pascha celebraretur. Ideò ipse etiam Moyses, cum quibusdam personis particularibus qui ex tactu mortui, immundi erant, noluit dispensare, sed consuluit dominū, quid hac in parte facto esset opus: accepitq; respōsum in duobus tantum casibus dispensari posse,  
alias

alias non: Ait n̄. Deus: *Si quis autem & mun-* *Ibidem* ¶  
*us est, & in itinere non fuit, & tamen non fecit*  
*Phasē, exterminabitur anima illa de populis suis.* 13

Videtis quàm rigidè id Deus præcipiat? & quanta cum pœna? & quomodo nonnisi duo genera hominum nempe immundos, & absentes excipit, & de personis tantum particularibus loquitur? At verò Rex Ezechias penè omnia his contraria fecit. Primùm totam solennitatem Paschæ in alium mensem transfert, quod nunquam nec antea, nec post factum legimus, Secundò, quia non sigillatim cū aliquibus personis; sed in vniuersum & secum, & cum toto populo dispensat. Tertiò, quia fecit hoc, etiamsi nullam ex illis causis habuerit, propter quas Deus id olim concesserat, sed aliam longe diuersam. Denique non scribitur, quia id auctoritate effecerit: (Quamuis apud nos certum sit non Regem cum cōsiliariis suis, sed summum Pontificem, qui tunc erat, in eo dispensasse) illud cōstat, rem istam adeò parui momenti non fuisse, cum propter legis illius austeritatem, quæ minimarum etiam rerum strictam requirebat obseruationem: tum propter figuram. Pascha. n̄. Iudæorū Christi passionē denotabat teste Apostolo, cum inquit: *Pascha nostrum* *1. Cor: 5.7.*  
*immolatus est Christus:* Christus autem dominus non secundo, sed primo mense immolari in cruce pro salute humani generis debuit; quod & fecit. Dicant igitur nobis hæretici,



tici, & directè respōdeant velim, rectè ne hæc facta fuerint in illa lege, necne? Siritè facta esse negabunt, non solum sanctos viros, & fæminas, nempè parentes Christi, Annam prophetissam matrem Samuelis, Dauidem, *Ecclesiasticus 49.5.* & Ezechiam, qui ex tribus illis Regibus Iudæorum fuerunt, quos scriptura asserit non peccasse; sed ipsum etiam filium Dei (quædã ex his approbantem) condemnabunt. Sin id verebuntur, vereantur etiam & erubescant suam inscitiam, & temeritatem, qui id concedunt ancillæ Agar, absque vlllo scripturæ testimonio, quod Saræ liberæ concedere nolunt; licet ea & scripturam pro se adducat, & exempla plura ac excellentiora habeat.

*Gal. 4.22.*  
4. Ex D. Paulo.

NOTA.

*1. Cor. 4.1.*

1. Responsio  
hæreticorū  
regeritur.

2. Responsio  
retorquetur.

Scripturam pro se & pro hac veritate adfert Ecclesia legitimè in sancto concilio congregata, ex D. Paulo, qui inquit: *Sic nos existimet homo, ut ministros Christi, & dispensatores mysteriorum Dei.* Ecce verbum etiã ipsum dispensationis. At inquiunt de prædicatione hoc intelligitur, vt ex aliis locis patet. Quis negat? verum non de hac solum (hoc verò vocabulum, sola, quæ mala in eorum fidem non inueit?) Quo teste? Ipsismet hæreticis: qui officium ministrorum Christi duplex ponunt, prædicationem verbi, & administrationem sacramentorum. Nonne apertè videtis ex illorum sententia quid sit esse dispensatores mysteriorum Dei? Aiunt; sed vos Papistæ aliter dispensatoris & dispensationis

onis nomen sumitis, videlicet pro immutatione rerum quarundam quæ sunt in scriptura, præsertim circa administrationem sacramentorum; ideoque communionem sub vtraque specie in vnam commutatis, & alia facitis his similia. Ita sanè sumimus: quia hoc quoque ad dispensatoris munus pertinet, vobismet ipsis iterum testibus. Quot enim sunt in sola Eucharistiæ administratione clara in scriptura, quæ vos non obseruatis? vt est tempus vespertinum, vt fiat post cænam, vt præcedat comestio agni paschalis, vt adsit lotio pedum, & alia. Quo iure? vbi de hac dispensatione vel immutatione quicquam in scriptura? Dicite vos qui Euangelici vocari vultis, & nihil præter scripturam vos facere apud imperitam plebem gloriamini: ostédite hac de re in Euangelio, aut etiã toto nouo testamento vel vnicum iota, vbi in his dispensandi facultas detur. Respondent hæc non esse de substantia sacramentorum, ideò relinqui, vel immutari posse. Contra. Primum quidẽ. Fatemini igitur esse potestatem dispensandi in Ecclesia etiam circa ipsa sacramenta (quãtò magis circa alia) Hoc verò quid est aliud, nisi ex vno ore (quod dicitur) simul calidum & frigidum? Asseritis coram plebe non esse in terris potestatem dispensandi, siue immutandi, siue addendi, siue minuendi aliquid ex iis, quæ sunt clara in scriptura: priuatim tãen contrariũ conceditis & ipsi factitatis? Vbi est

3. Responsio  
regeritur.



*Mat: 5.37.* *bi est illud sit sermo vester, est, est, non, non? O*  
*quam seuerum vos Dei iudicium manet ni*  
*resipiscatis!*

4. Respō: re  
torquetur.

Peto præterea, quis vobis dixit illa, quæ  
 recensuimus non esse de essentia sacramenti,  
 alia verò esse? proferte scripturam, qui asse-  
 ritis & pro concionibus, nec vobis creden-  
 dum esse, nisi claram adferatis scripturam.  
 stupēda sanè cæcitas, ne dicā infania. Vni, vel  
 altero Ministro dicēti absq; vlla scriptura, hæc  
 esse de essentia, illud verò nō credere, vniuersę  
 verò Ecclesię hoc ipsum discernēti atq; decer-  
 nēti credere nolle, quę potest esse maior in re-  
 rū natura stultitia, ne dicā dementia? At inqui-  
 unt, hac ratione posset nobis Ecclesia aufer-  
 re etiam totum sacramentum, prout nobis  
 aufert partem illius. Posset equidem si esset  
 synagoga Sathanæ, vt est vestra; in qua hoc  
 ipsum nō videmus tantum, sed & palpamus:  
 abstulerunt Anabaptistæ sacramentum, Ba-  
 ptismi infantibus, abstulerunt sacramentarii  
 præsentiam corporis Christi in Eucharistia,  
 abstulerunt Lutheriani, & omnes alii tot sa-  
 cramenta, quot illis collibitum est; & adhuc  
 cæci sumus? Cæterum sponsa Christi Eccle-  
 sia hoc non potest, alias n. redundaret error  
 in magistrum Deum. Ipsa n. regitur á spiritu  
 sancto, ideò securi sumus, & diuinam proui-  
 dentiam, Christique gratiam laudare non  
 cessamus.

In quibus  
fieri possit

Petes, quæ ergo sunt in quibus potest Ec-  
 clesia

eleſia diſpensare , vt hac in parte ſecuri eſſe diſpenſatio  
poſſimus ? Quamuis hæc quæſtio ad ſcholas  
pertineat , nobis verò ſatis eſſe debeat euiciſſe  
ſe contra hæreticos , eſſe talem poteſtatem  
in Eccleſia Chriſti , ad conſolationem tamen  
Catholicorum , & conuerſionem aberranti-  
um , omiſſis diſputationibus dico ex effectu  
optimè & faciliſſimè id cognosci poſſe. Qua-  
cunque enim in re Eccleſia aliquando diſpen-  
ſauit , illud non fuiſſe de ſubſtantia ſiue ſacra-  
menti , ſiue ſtriçti iuris diuini , ego quidem  
certò mihi perſuadeo. Memini enim quid  
Chriſtus dominus Petro tale quid ſciſcitanti  
reſponderit dicens : *Quis putas eſt fidelis diſpen-  
ſator & prudens : quem conſtituit dominus ſuper ſa-  
miliam ſuam ?* Quæ verba , non ſolum Petro ,  
ſed etiam de Petro , & de ſucceſſoribus eius  
dicta eſſe non ambigo. Docet n̄. I E S V S ſe  
Petrum talem diſpenſatorem Eccleſiæ ſuæ  
conſtituturum ; quod & fecit. Nam ita ſe rē  
habere experientia per mille quingentos &  
ampliùs annos nos docuit. Credo itaque &  
firma fide teneo , ſapientiſſimum & pruden-  
tiſſimum I E S V M , talem dediſſe & conſtitu-  
iſſe Eccleſiæ ſuæ ſiue vnum *diſpenſatorem* ( vt  
illum hīc ipſe vocat ) ſiue plures , quibus nō  
ſolum regimen commiſit domus & Eccleſiæ  
ſuæ ; ſed etiam illos edocuit , & edocet , in  
quibus diſpensare poſſint , vel non poſſint.  
Si enim inter homines prudentes , patreſa-  
milias id facere conſueuerunt œconomis , &  
diſpen-  
A ſimill.

Luc. 12. 42  
Oſtenditur  
ex ſcriptura



dispensatoribus suis, quibus & curam familiæ committunt & facultatem res dispensandi tradunt, quanto magis sapientia patris id præstitit. Dispensatorem verò quem fidelem & prudentem futurum Christus prædixit, & prophetavit nihil contra fidelitatem suam facturum unquam, quis dubitabit, qui Christum ipsam esse veritatem nouit?

Denique exemplis  
no-  
ui testamen-  
ti axioma  
probatur-

Verum doctrinæ Apostolicæ addamus exempla, in quibus usus huius potestatis in nouo testamento apparet euidenter. Et omisso illo, quod aliquoties repetitur in actis

*Act: 2.38.* Apostolorum: *Baptizati tantum erant in nomine*

*Act: 2.16.* Domini Iesu. unde quidam colligunt Aposto-

*Act: 10.48* los etiam formam ipsam Baptismi à Christo

*Mat: 28.* traditam immutasse: id enim non constat apud omnes. Illud certum est, ab ipsis Apo-

stolis dispensatum fuisse, vt versio in aqua in Baptismo fieri solita, ad id non requirere-

*Act: 2.41.* tur. Quomodo n. tam pauci Apostoli circi-

*ter tria millia* hominū aliquot horis baptizare

potuissent, si omnes in aquam non solum

descendere, sed etiam immergi debuissent?

Similiter in dispensatione sacramenti Eucha-

ristiæ nō pauca à D. Paulo vel addita vel mu-

tata fuisse constat. Is n. inquit: *Si quis esurit*

*domi manducet*, quod tamen non legimus vel

requisuisse, vel fecisse Christum in instituti-

one huius Sacramenti Insuper plura adhuc

se mutaturum promittit dicens: *Cetera au-*

*tem cum venero, disponam.* Ex quibus illud fu-

isse

ille creditur, ut ieiuno stomacho Eucharistia  
sumatur, quod etiam ab Hæreticis obseruari  
video; licet nihil hac de re in scriptura habe-  
ant, & sciant Christum in institutione huius Sa-  
cramenti contrarium fecisse. Qua auctoritate igi-  
tur id immutarunt, cum & talē potestatem esse  
in Ecclesia negent, & traditiones reiiciant?  
Sed & in matrimonio tale quid videmus.  
Nam Christus dominus disertis verbis asserit  
non esse dimittendam uxorem *nisi ob fornicati-* *Mat. 19. 9*  
*onem.* At verò Apostolus eius Paulus id con-  
cedit etiam propter infidelitatem, non ob-  
stante illa Christi particula exclusiua, *nisi.* Im-  
mò permittit etiam transire ad alias nuptias,  
ut omnes & sancti, & doctores colligunt ex  
illis verbis, *Non enim seruituti subiectus est fra-* *I. Cor. 7. 19*  
*ter, aut soror in huiusmodi:* ac proinde id ab i-  
nitio Ecclesiæ seruatum fuit semper, & nunc  
obseruatur, sicut & alia, quæ recensuimus.

Quare concludamus & argumentum & Hinc ostenditur hæreticos non esse  
punctum istud totum hoc dilemmate. Quæ- in Ecclesia.  
ro ab aduersariis. Estne in Ecclesia potestas,  
immutandi & dispensandi in quibusdam, quæ  
sunt expressa in scriptura, siue in institutione  
Sacramentorum, siue in aliis, nec ne? & quam-  
cunque partem elegerint, conuincuntur ipsi  
non esse in Christi Ecclesia. Nam si concess-  
erint esse talem potestatem in Ecclesia, ipsi pro-  
fectò in illa non erunt qui nō solum se segre-  
garunt ab ea congregatione, quæ id asserit;  
sed etiam hoc nomine eam & insectantur, &  
Anti-



- Antichristi congregationem esse asserunt, vel blasphemant potius. Quod si negabunt talem potestatem esse in Ecclesia, duplici ratione demonstrabunt se non esse in Christi congregatione. Altera, quia hæc potestas sæper fuit in Ecclesia, minus quidẽ in veteri, multò plus autem in nouo testamento, vt probatum est. Altera, quia dùm quod negant ipsi in synagogis suis publicè faciunt, opere ipso fatentur, se non in Christi, sed in Antichristi esse congregatione. Notam n. quam Antichristi esse aiunt ipsi in se gerunt.

Sed esse datos in reprobum sensũ.

NOTA.  
Modum & exempla.

Ro. 1. 28.

2 Tess. 2. 11.

Et videte obsecro (quod paulo ante tetigimus) quomodo vt in aliis ita hac in parte dati sint *in reprobum sensum*, vt credant mendacio qui veritati credere noluerunt, & quomodo à patre mendacii deludantur & turpiter, & euidenter. Hæc est n. Hæreticorum consuetudo accipere quidpiam, quòd est in sacramentis minus principale, & ita huic rei mordicus & temerariè in hære, vt etiã quod præcipuum & substantiale est sacramenti, omnino tollatur. Quia in re impletur in illis quod Saluator noster dixit Patribus eorum Phariseis. *Excolantes culicem, camelum autem glutientes.* Verè enim ita se rem habere nimis est euidens in omnibus. Nam Anabaptistæ dum insistant trinæ in flumine mersioni, in qua totam Baptismi vim & deuotionem posuerunt, auferunt interim totum Baptismum non solum infantibus, sed etiam adultis prout non raro

Mat. 23. 24

In Anabaptistis.

rarò vidimus, & videmus. Similiter sacramē-  
 rum, dum & vtramque speciem cum Luthē-  
 ranis, & sessionem ad mensam in præsentia  
 multorum (ideò ægrotis Eucharistiam dare  
 recusant) & alia his similia mordicus & perti-  
 naciter defendunt, præsentiam interim cor-  
 poris & sanguinis Christi Domini ex sacra-  
 mento tollunt, Christumque indetoto abes-  
 se cælo asserunt. Egregia sanè pietas, de acci-  
 dentibus contendere, substantiam verò ipsā  
 è medio tollere. Quid dicam de Lutheranis  
 & aliis? Idem omninò. Hi enim dum perti-  
 naciter calicem exigunt, seipsos corpore Chri-  
 sti priuant. Quot. n. iam habent sacerdotes  
 qui sacramentum illis conficere possunt? Vix  
 aliquem, minor. n. est iam per diuinam gra-  
 tiam Apostatarum numerus, quàm antea  
 fuit. Dum verò illis laicus panem & calicem  
 porrigit, tantundem est ac si Iudæus, vel Ma-  
 chometanus aliquis id faceret. O iusta diui-  
 na iudicia: species desiderarunt, species ipsa  
 re vacuas, tam Lutherani, quàm Calviniani  
 & omnes alii habent: potestatem datam à  
 Christo Ecclesiæ, dispensandi in quibusdam  
 minutioribus hæretici oppugnarunt, ipsi ve-  
 rò nulla habita potestate, maxima & essen-  
 tialia quæque immutarunt, abiecerunt, con-  
 culcarunt. Quis hæc non demiretur? quis di-  
 uinam non laudet sapientiam? quis non vi-  
 det quomodo hominès isti, dum excolant  
 calicem camelum glutunt fædè à dæmone  
 delusi?

In Caluini-  
nians.In Luthera-  
nis & exco-  
ris.



delusi? Orate pro illis dilectissimi diligenter, vt aliquando tandem à tanta cæcitate liberati lumen veritatis recipiant, ac in eo secundum diuinam voluntatem sanctè ambulare studeant. Nos verè ad alia ranseamus.

II. PARS  
Ex sponsæ  
gratitudine  
deducitur.

Apud hæreticos non esse Ecclesiā.

Sed apud  
nos.

Vidimus quomodo sponsus Christus potestatem dispensandi in quibusdam sponsæ suæ Ecclesiæ liberaliter concesserit: videamus iam quam sit illa grata, & huius & aliorum ab eo beneficiorum acceptorum. Inter alia, autem gratitudinis signa, illud est non leue, primum de benefactore ipso, deinde de amicis eius benè sentire, eosque colere venerari, aduersus obrectatores. Hoc verò præstare Ecclesiam Catholicam Romanam, secus autem sese gerere eos, qui ab ea segregati sunt, tum aliunde, tum hinc quoque patet. Isti enim accepto scandalo ex hodierno Euangelio, & Christum IESUM filium Dei minùs aliquando fuisse sapientem, & tum amicos eius Apostolos, tum ipsam etiam matrem ipsius sanctissimam peccatricem extitisse non minùs impiè, quam pertinaciter asserunt. Romana è contra Ecclesia Christum Dominum non solum in hodierno Euangelio, sed etiam adhuc in vtero matris, imò in ipso instanti suæ conceptionis, sapientissimum semper fuisse; matrem verò illius Mariam virginem neque in eo actu, quem hodiernum describit Euangelium, neque aliàs vnquam peccasse, non solum asserit; verum etiam cōtra o-

tra omnes omnium calumnias protegit, tuteturque. Quis igitur hinc quoque non animaduertit, quænam ex his congregatio sit Christi in terris Ecclesia? an hæc, quæ optimè & de ipso, & de matre eius sentit, an verò illa, quæ vtrique aut ignorantiam, aut peccata appingit?

At nos inquit veritatē docemus. Quid si mendacium, quod propinavit vobis pater omnis mendacii Sathan? Certè de peccatis Benedictæ virginis non vnum, sed & multa, & crassa nimis protulistis mendacia. Ostendimus iam id ex parte in prima, quam de hoc Evangelio habuimus concione, ostendemus sequenti die Dominico pluribus, quādo vos quoque plura accumulabitis non Sanctissimæ matris Dei, sed vestra propria peccata. Nunc de Christo agamus, quem fuisse aliquādo ignorantem non solum antiqui Arriani, Samosatani, Photiniani, & noui Seruetiani, Gentilistæ, Anabaptistæ, sed etiā Calvinus, ac Lutherus cum suis sentiunt. Nec mirum id quidem de prioribus, qui hoc tantum de Christo quod de aliis hominibus credunt: ac de cæteris qui Deum illum fuisse fatētur, mirum illos eo dementiæ deuenisse. Nunquid non possumus occinere eis illud Dauidicum?

*Et stulti aliquando sapite: qui plantauit aurem non audiet, aut qui sinxit oculum non considerat? Dicā n. eis similiter, qui omnem efformauit intellectum sine intellectu erit, & fons omnis sa-*

Mendaces  
esse hæreticos.

Monstratur  
quomodo omnes hæretici Christū ignorantem faciunt.

*Ps: 92.8.*



Cuius probatur contrarium.

1. Ex Ioan:  
Io: 1. 14. v.  
16.

2. Ex natura incarnationis.

pientie, sine sapientia reperietur? Neque verò mihi respondeant se diuinitati quidem id concedere, de humanitate verò negare. Nam D. Ioannes postquam dixisset, *Et verbum caro factum est?* testatur illum fuisse *plenum gratia, & veritatis*: & subiungit: *& de plenitudine eius nos omnes accepimus.* Et ita nos credimus de hominè Deo Christo IESU, nempe quòd quam primum *verbum caro factum est plenum gratia & veritate*, ideoque sapientia illum fuisse & de plenitudine eius nos omnes accipere, & gratiam pro gratia, & sapientiam pro sapientia, ac proinde vt hæc omnibus dare posset animam illam sanctissimam ab instanti suæ conceptionis plenam fuisse & gratia & sapientia confitemur: Et non ita plenum vt alii sancti pleni esse dicuntur sed superabundanter plenum vt inquit Ioannes ita vt non solum plenitudini huic nihil addi potuerit, sed etiam in alios qui gratia & sapientia digni inuenti sunt inde superflueret. Hæc nos de anima illa sanctissima sentimus & credimus. Et certe qui illam admirabilem & incompræhensibilem verbi cum anima & carne humana cōiunctionem humiliter contemplabitur, tantum abest, vt de eo dubitet vt contrariū pro impossibili sit habiturus, Animaduertet enim mens pia, ac Deo deuota illam Christi animam, quæ (vt omnes aliæ humanæ animæ) spiritalis est, verbo diuino, quod ipse quoque Spiritus est, hypostaticæ vnitam  
tam

tam turpem defectum, quanta est inscitia & ignorantia, sustinere minimè potuisse. Itaque stupendam illam vnionem consequebatur statim & gratia & sapientia tanta, quantum anima illa sanctissima capere potuit, potuit autem capere suo modo infinitam.

Quòd verò hæretici illis verbis hodierni Euangelii, ET IESVS PROFICIEBAT SAPIENTIA, ET ÆTATE, ET GRATIA APUD DEVM, ET HOMINES scandalizati, & ad hanc impiam de ignorantia Christi sententiam adducti fuerint, mirum non est. Quot enim sunt in scriptura ipsa etiam luce meridiana clariora verba, ex quibus tamen ipsi scandalum acceperunt? Propterea non mirari, sed recordari vos oportet, quid Christus Dominus responderit Apostolis ad hanc quæstionem. Cum. n. illi dixissent. *Scis quia Pharisei audito verbo hoc, scandalizati sunt?* Respondit Iesus inter alia: *Sinite eos, cæci sunt, & ducēs cæcorum.* Tales omninò isti. Ducatum præbent cæcis, quasi ipsi sint videntes, cum nihil videant, sed tantum palpent vt talpa: & contingit illis, quod cæcis mutuò sese ducentibus. Fit enim nonnunquam, vt is, qui præcedit palpat o vno qui in itinere est lapide li. moneat alios vt sibi caueant, quod dum faciunt & cauent vnum, vna cum duce impingunt in alium, quem non viderant vicinum lapidem; ita istis euenit, qui videntes vnum scripturæ locum paulò obscuriorem, nec pōderant.

Cur hæretici facile scandalizentur.

Mat. 15. 12. Ostenditur ex scriptura

Item à simili.



Regula in-  
terpretandi  
scripturam.

derantes aut videntes quid alibi dicat scri-  
ptura, impingunt & conquassantur & ipsi, &  
quibus ducatum præbent. Fatemur verba  
hæc Euangelii aliquid habere difficultatis, i-  
deò per faciliora interpretanda sunt. Et quia  
& illa, quæ iam ex D. Ioanne attulimus, &  
alia quæ nos docent caruisse Christum omni  
ignorantia multò sunt clariora, quàm quæ  
in Euangelio hodierno leguntur, ideò per il-  
la, hæc interpretari debemus.

Quid diffi-  
cultatis sit  
in Euange-  
lio.

Dicimus itaq; , verba Euangelii hodierni,  
& alia his similia. non esse adeò abstrusa.  
Nā illam tantum habent difficultatem, quo-  
modo puer Iesus profecisse dicatur in sapien-  
tia, & gratia coram Deo, cū alibi plenus es-  
se dicatur, & plenus supereflueret? Neq;  
solus Ioannes id asserit, sed & Paulus de Chri-  
sto inquit: *In quo sunt omnes thesauri sapientie &*  
*scientie absconditi.* Et verò cū Apostolus nō  
assignet tempus in quo hæc in Christo cape-  
rint, quis nisi impius & præsumptuosus dicere  
audeat, fuisse tempus quando hæc non com-  
petebant Christo & fuisse quando de illo ve-  
rificabantur? Nos verò intelligentes vt verba  
sonant dicimus & omnes thesauros nullo ex-  
cepto, & semper ex quo tempore Deus ho-  
mo esse cepit, in Christo non solum quate-  
nus Deus fuit, sed etiam vt homo erat, om-  
nes thesauros scientiæ absconditos fuisse: quia  
Apostolus de Christo Ies v loquitur, quæ  
nomina vtramq; naturam complectuntur.

Sed ad

Cok. 2. 3.

Probat. 3.

ex Apostolo

Christi pue

ti sapientia.

Sed ad Euangeliū redeamus, in quo hæc sola est difficultas, quomodo Christus dominus & plenus gratia, sciētia & sapiētia fuisse dicatur; & tamen in his creuisse asseratur idq; corā Deo. Nam de hominibus nullum est penitus dubium: ita enim sensim hæc manifestabat, vt sicut ætate, ac gratia, ita etiam sapientia proficere ab omnibus iudicaretur, verum quonā modo hæc etiam apud Deum locum habebāt considerandum est.

Enodemus igitur hæc verba, & enodemus ea vt ipsi volunt per aliam scripturam. Quamuis autem ea, quæ allata sunt, sufficerent ad id, vt cogantur Hæretici dare iudicem, qui inter me, & illos sine errore decernat, quis nostrū verum dicat, cum vterq; pro sua sentētia scripturam adducat: tamen addamus alia, vt conuertantur, & viuant, & respondeamus ad hoc non vno, sed duobus modis. Quæris itaque quomodo Christus dicatur profecisse in sapientia apud Deum, cum secundum nos plenus illa fuerit, ab ipsa conceptione? Respondeo primo, eo modo, imò multò etiam faciliori id dici, sicut dicitur Deus cognouisse quod ab æterno iam ante bene nouerat. Nunquid non aperte id quod dicitur in Euāgelio, intellectu est facilius quam illud? Facilius n̄. potest quilibet intelligere quomodo quis dicatur profecisse in sciētia, qua antè præditus fuit, quam quomodo dicatur sciētiā acquisiuisse, quam multò ante perfectē habuit.

Explicatur  
Euangeliū  
per aliam  
scripturam  
dupliciter

L. Per instantiam.



habuit. Id verò de Deo dici, testatur ipse Deus sic loquens ad Abrahamum, de excidio Sodomæ. *Descendam & videbo utrum clamorem qui venit ad me opere compleuerint, an non est ita ut sciam.* Quid? Tuné id ignorasti qui omnia scis ab æterno? tuné dubitas an sit ita, quod ita esse etiam homines, & vicini omnes nouerāt? Similiter eidem Abrahamo. filium immolare voléti ait Deus. *Nūc cognoui quod times Deū.* Tuné ò Deus id nescisti, quod ipse in animo eius formasti? Ad hæc igitur ( multis aliis omissis, aliàs contra alios adferēdis ) velum mihi aduersarii respondeant, & quicquid responderint pro se capiant, & à me idem responsum habeant. Insuper parent etiā responsum ad illud argumentum à maiori seu difficiliori.

2. Directè.

*Heb. 5. 2.*

In Christo  
quadruplex  
scientia.

Secundo respondeo ad interrogationem per aliā scripturā, per illam videlicet D. Pauli. *Et quidem cum esset filius Dei didicit ex iis quæ passus est obedientiam.* Audis in Christo fuisse varia genera cognitionis! Num asseuerabis filium Dei antequam pateretur ignorasse quid esset obedientia? Itaq; habuit Christus dominus scientiam & sapientiam diuinam, habuit & infusam, habuit & beatam, & in istis tribus non proficiebat, habuit & quartam, quā ex D. Paulo siue experimentalem siue obedientialem vocare possumus: & in hac sola proficiebat. Vis exemplum ex scriptura? Cape, vt tandem deponas cæcitatem. Sicut n. primus Adam per infusam sibi in creatione scientiam

entiam, per quam *cunctis animantibus & volatilibus quæ Deus adduxit ad eum*, indidit nomina, *Ge: 2.19. Ge: 3.17.* sciuerat etiam, quid esset labor, quid sudor, quid terræ spinas & tribulos producentis durities, quæ tamen post maledictionem alia scientia, praxi videlicet & experientia didicit: ita secundus Adam in ipso momento conceptionis suæ nouerat omnia scientiâ infusâ, longè etiam excellentiori, quàm primus Adam habuit, quædam tamè ex his didicit postea experientiâ vt testatur Apostolus, & de hac scientia optimè intelligitur, quod dicitur in Euangelio illum profecisse in sapientia sicut coram hominibus ita coram Deo: quia quod verum fuit coram hominibus, verum etiam erat apud Deum, nihil enim veritas I E S V S fictè vel simulatè agebat. De gratia verò nulla est difficultas, proficiebat n̄ in illa quatenus & sibi resurrectionem, quædamq; alia, & nobis omnem gratiam, ac bona merebatur vniuersa à Deo.

Neque verò defunt aliæ scripturæ sanctæ *Probat 4. pueri I E S V sapientia ex prophetia.* testimonia, quæ hanc Catholicorum confirmant sententiam. Perstringamus aliquot ad laudem Iesu & ad consolationem Catholicorum, conuersionem verò aberrantium. Primum sit ex veteri testamento, celebre illud, quod D. Hieronymus: maximi, vt par est, fecit, & inde hoc ipsum quod nos deduxit. Illud inquam Ieremiæ, qui admirabile hoc mysterium considerans inquit: *Creauit Dominus: no-* *Ier: 31.22.*



*Hier: in  
hunc locū.*

*uum super terram, semina circumdabit virum.* Hoc  
ñ. tum temporis impletum est, quando virgo  
sanctissima Maria, vtero suo circumdedit  
Iesum, qui vir erat non ætate, sed scientia, &  
omni sapientia. Nouum quid sanè, nec an-  
tea, nec post auditum super terram, sed hæc  
Deo dante aliquando vberius pertracta-  
bimus.

*Item 5. ex fa-  
cto Ioannis  
Baptista.  
Luc. 1. 44.*

Ad nouum testamentum veniamus vbi il-  
lud, quod de Ioan: Baptist: mater ipsius E-  
lisabeth testatur dicens: *Exultauit in gaudio in-  
fans in vtero meo,* plurimum apud me momen-  
ti habet. Talisñ. qualis hæc fuit exultatio in  
gaudio, sine intellectualem amore esse non po-  
tuit: amor verò intellectualis cognitionem  
requirit, cognitio vsum rationis præsuppo-  
nit sciens igitur & sapiens fuit Ioannes clau-  
sus adhuc in vtero matris: & Iesus ignorans  
erit? Quod concedimus saltem in parte præ-  
cursori, seruo, puro homini; non concede-  
mus in toto Messia, Domino, Deo in carna-  
to? quæ maior esse potest cæcitas & pertina-

*Chrisost:  
apud Me-  
taph: mēse  
Iulio.*

cia? O si audiretis quid SS. Patres Græci, &  
Latini hac de re scriptum reliquerunt, puto  
quod & vos quoque exultaretis in gaudio:  
Verum scitis nostri instituti non esse longas  
Sanctorum Patrum sententias in medium  
proferre: qui vult legat S. Chrisost: copiosè  
& pulchre (vt assolet) introducētem S. Ioan-  
nem, adorantem de vtero in vtero infantem

*Amb: lib. 1.*

Iesum miraque dicentem, & Ambrosium e-  
adem

adem consideratione sese oblectantem cum *in Lucā.*  
Bernardo & aliis; nos nostra agamus. *Berho: 2.*

Postremum sit haud postremi & valoris & *sup missus*  
consolationis, si diligenter quis meditetur, *est.*  
quod facite quæso, ego enim leui tantum il- *6. Ex D. Pau*  
lo & Dauid

lud manu attingam, gustum eius vobis re-  
linquendo. Est verò illud & Apostoli, & Da-  
uidis. Idè *ingrediens mundum* (ait Paulus) di- *Heb: 10. 5.*  
cit: *Hostiam & oblationem noluiſti, corpus autem* *Pſ: 39. 7*

*aptaſti mihi. holocaustomata & pro peccato non ti-*  
*bi placuerunt. Tunc dixi. Ecce venio* Relinquo

concordem differentiam inter Apostolum &  
vatem, & quomodo vnus explicat alterum,

hoc solum accipio, quod nostro subseruit  
instituto. De Christo sermonem esse nemo

dubitatur, qui *ingrediens in mundum* non antea

vtique, quam primo conceptionis suæ die,

tunc enim primum in mūdo esse cæpit, quan-

do vitam humanam in vtero virginis matris

inchoauit. Et *tunc dixit. Ecce venio* quod te-

statur vterque. Nos verò increduli erimus

Spiritui sancto, & in vet: & in nouo testa-

mento idem testanti? Absit. Credimus igi-

tur illum tum temporis in illo instanti conce-

ptionis suæ dixisse hæc, quæ audis verba sa-

pientie plenissima, quibus loco omnium ve-

teris testamenti sacrificiorum obtulit seipsum

patri æterno, in odorem suauitatis, in vtero

adhuc matris constitutus. Abeat nunc ergo

antiquus serpens, & per ministros suos susur-

ret, Christum ignarum & insipientem fuisse,

ac vt



acut alios homines secundum ætatem, in scientia profecisse: tu verò Catholice mi confortare, & esto robustus, mendacia ipsius reiiciendo, & quos potes veritatē instruēdo.

Sensus verborum Euāgelii.

Io:1.14.

Luc:2.40.

Sensus itaque verborum istorum (vt tandem concludamus) hic erit Christus I E S V S, filius Dei, & filius virginis, Deus incarnatus quamuis à prima die conceptionis suæ fuerit *plenus gratiæ & veritatis* siue sapientiæ vt de illo testatur D. Ioannes, vel vt paulò ante noster dixit Euangelista. *Et gratia Dei erat in illo*, etiam si inquam fuerint hæc, & ita fuerint in illo, vt de plenitudine eius nos omnes acciperemus; tamen PROFICIEBAT SAPIENTIA, quotidie maiorem omnibus sapientiam suam demonstrando. ET ÆTATE, secundum illam crescendo; ET GRATIA, eam in singula momenta magis magisque demerendo, APVD DEVM ET HOMINES, id est, Deo, & hominibus omnia approbantibus, & probantibus. Omnia n. dicta, factaque Christi Domini placebant vniuersis vsque ad diem illam, qua Pharisei inuidiā exagitati, ei resistere cæperunt. At inquit hæreticus in verbo illo APVD DEVM est Hebraismus. Nihil. n. aliud id significat quam verè: verè ergò proficiebat Christus in sapientia. Respondeo, quamuis falsum sit in scriptura nihil aliud hanc phrasim significare: tamen ne contentiosi esse videamur sit ita. Quis verò Catholicorum dubitat, verè ita se hæc habuisse

Obiectio soluitur.

buille prout exposuimus? sicut ergo verè dixit Deus Abrahamo. *Nūc cognoui quod times dominū*, licet id nosset ab æterno, tū quia feci ut id alii quoque cognoscerent; tum quia factū Abrahæ approbavit. Ita iisdem de causis hic dicitur Christus profecisse *SAPIENTIA CORAM DEO*, id est, verè, quia verè sapientia ipsius; & manifestabatur omnibus hominibus & approbatur à Deo, imò & ab ipsis quoque, quibuscum versabatur hominibus. Constat itaque & vera scripturæ per scripturam in Ecclesia interpretatio, & eius erga Christum observantia, & hæreticorum tum impietas; tum vanitas, qui vocant se Evangelicos, cum non sint.

Ultimum quod in hac concione tractandū suscepi-  
mus, est, demonstrare, quo nā modo sponsa Ecclesia sponsum suum Christum non solum reuereri, sed etiam imitari consueuerit, memor quid & ab ipso, & ab Apostolis eius audiuerit. Ipse enim Christus per lotionem pedum, discipulis actu eximio humilitatis exhibito, inquit: *Exemplum enim dedi vobis, ut 10: 13. 15. quemadmodum ego feci vobis, ita & vos faciatis.* Ecce exemplar imitationis. Princeps verò Apostolorum testatur Iesum nobis exemplū dedisse, *ut sequamur vestigia eius.* Paulus verò *1 Pet. 2. 21. Eph. 5. 1.* clamat: *Estote ergò imitatores Dei, sicut filij charissimi.* Hæc igitur & his similia sciens & ponderas Catholica Ecclesia quantū potest (potest autem eo adiuuante plurimum) Christū imitari

## III. PARS

Quomodo  
sponsa Ec-  
clesia spon-  
sum Chri-  
stum imita-  
tur.



tari studet, secus verò faciunt, qui se ab illa segregarunt. Exempla multa sunt nimis, verum nos in hac concione illis tantum, quæ nobis hodiernum porrigit Euangelium contenti erimus.

1. Faciendo ea quæ non obligatur.

Ex: 23. 14.  
Deu: 16. 16

Sit primum, sicut Christus & mater sua, iuerunt hodie ad solennitatem, licet id facere obligati non essent; Christus quidem, quia erat supra omnem legem: Maria verò quia lex non nisi Masculos obligabat: ita Ecclesia docet (& per membra sua facit) posse, & optimè fieri à quouis aliquas deuotiones, ad quas lege constricti non sumus; hæretici verò omnia eiusmodi reiciunt, imò superstitiones vel maledictiones uocant & maledictis insectantur.

2. Peregrinãdo ad loca sacra-

Secundo, Christus dominus peregrinatur ad templum Ierosolomitano, deuotionis causa, idem fieri ad loca sancta & docet & facit Ecclesia Catholica; ii verò qui ab ea aberrarunt, quibus id conuiciis non lacerant? quomodo nos Deum quasi non ubiq; præsentem quærere in clamitant? Scilicet Christus ignorauit Deum esse ubique, & tamen Deum Hyerosolymis quærebat. Idè sibi Hæretici de Catholicis persuadeant velim, quod si facere nolunt, iudicium suum ipsi portabunt, nos Christum nostrum imitari nunquã desistemus.

3. Parentes propter Christum relinquẽdo.

Tertio Christus insciis, imò afflictis parentibus manet in templo, vt esset in iis quæ ad patrem

patrem ipsius spectabant, idem fieri suadetur  
in Rom: Ecclesia illis, qui ad hoc munus vo-  
cantur à Domino, neque quicquam curare  
parentes aut cognatos ægrè id ferentes, dis-  
suadentes, eiulantes. [Per calcatum perge pa-  
trem siccis oculis ad vexillum crucis euola]

*Epist: ad  
Heliodemum*

dicunt Hier. faciunt multi. At verò Hæretici in-  
sultant, stultitiam vocant, impossibile deni-  
que esse autumant. Proh pudor, pro vesa-  
nia, tum suam prodere effrenatam concupi-  
scentiam: tum alienam scelestè rodere famā:  
tum verò impiè diuinam blasphemare grati-  
am, & adiutorium. Hocine est impossibile,  
quod non solum à viris, sed & à fæminis, nō  
tantum ab adultis, verum etiam pene à pue-  
ris non ad aliquot tantum annos, sed ad de-  
crepitam planè ætatem factitatum, & factita-  
ri videmus? cuius exemplum ad huc in tene-  
ræ ætate Christus hodie dedit, quod postmo-  
dum etiam consuluit, qui sicut præcipere, i-  
ta consulere impossibilia nō potest vnquam?  
Quotiescunq; enim aliquid siue præcipit, si-  
ue consulit, siue monet, siue commendat; to-  
ties ad id perficiendum auxilium & vires sup-  
peditat sufficientes. Quod quidem auxilium  
& gratiam quia auctor omnium harum no-  
stri temporis tragediarum & blasphemiarum  
Lutherus aut accipere noluit. aut accepta  
per apostasiam repudiavit, in illud impieta-  
tis & spurcitiei baratrum delapsus est, ut non  
solum virginem Deo dicatam ipse eodem, vel  
simili

**NOTA.**  
Triplicè hæ-  
reticorum  
vesaniarum



simili voto adstrictus violaret, sed etiam factum suum turpissimum per scripturâ impudenter defendere conatus est, hacq; ratione tum exemplo tum doctrina sua infinitos Monachos & moniales ad simile scelus pellexit & pertraxit. Conferte obsecro istud Lutheri factum cum hoc Christi Domini, de quo habemus in Euangelio & obstupescite. supra cæcitatem hominum istorum, qui & Doctorem talem sequuntur, & videre nolunt, an ibi Ecclesia esse possit, ubi talia non solum impunè, sed etiâ cum laude aguntur. Sed de his aliâs plura; nunc reliqua pueri Christi facta, in quibus hæreticorum vesania magis etiam apparebit, recenseamus.

4. Carnis  
mortificati-  
onem.

Quartū igitur habemus, quòd sicut Christus dominus corpus suum tenerrimum ieiuniis, vigiliis, instanti oratione, chameuniis id est super panimentum dormitionibus, & his similibus hoc triduo mirum in modum afflixit & mortificauit; ita maiorem in modum Ecclesia Catholica per totum terrarum orbem diffusa, hoc ipsum commendat, cum omnibus; tum verò monachis, religiosiis, sacerdotibus, & vniuersis qui castitatem complexi sunt, siue clericis, siue aliis, imò etiam secularibus. Nouit namque sponsa mentem sponsi, neque n. Iesus id sui causa fecit, qui corpusculum spiritui habuit obsequentiissimum, sed nostri ergo; qui talibus plurimum indigemus: quæ si Lutherus cum suis sincere & de-

& deuotè adhibuisset nunquam ad tantam peccatorum voraginem deuolutus fuisset: at verò contrarium factum est, sitque etiam nunc. Nam non solum iis non vtuntur remediis, verumetiam vtentes irrident, & remedia ipsa carnificinas vocant. O deplorandum genus hominum, phreneticisque persimile, Phrenesia quicum sint ægerrimi, & sanos se esse reputant, & omnem medicinam non refugiunt modò & auersantur, sed etiam conuitiis & execrationibus lacerant. Mortificasse autem Christum Dominum isto triduo carnem suam quis dubitare audebit? Vnde enim lectū mollemque culcitram cum puluinari habuit, in quibus recumberet? otiosusne aut dormiens in templo mansit, qui ab Anna femina optima ex templo non discedente, sed ieiuniis, vigiliis, & orationibus vacante adorari & laudari voluit? quis verò illi cibum tulit? imò mendicato victitalle piè creditur.

Postremum itaque sit, quia sicut Christus §. Confilia Christi sequende Iesus Dominus noster puer Sanctissimus: tria illa, quæ postea in consiliis posuit, multū sibi placere declarauit in hoc Euangelio exercere voluit: castitatem inquam, paupertatem, & obedientiam. Exercuit enim castitatem, cum amica & conseruatrice ipsius mortificatione vt vidimus; exercuit paupertatem, nihil possidendo, & medicatò viuèdo, vt piè credimus: exercuit obedientiam parentibus sese subiiciendo, vt in Euangelio audimus. Ita Ecclesia

P

sponsa



*Impietas he-  
reticorum.*

sponsa eius hæc tria vehementer filiis suis cō-  
mendat, votis etiam illa firmare consulit; ac  
quædam in præcipuis membris suis (nam vo-  
tum castitatis omnes Prælati habent), omnia  
verò in religiosis valdè approbat, & obseruat.  
E contra verò gens peruariatrix quas non  
Philippicas contra hunc statum edit? quæ scō-  
mata non euomit? quomodo contrarium  
non operatur? quis pius legendo scripta, vi-  
dendo facta eorum non obstupescit? Verte-  
runt, Deo promissam castitatem in Sacrilegas  
nuptias, paupertatem in bonorū Ecclesiasti-  
corum direptionem, obedientiam in ipsis etiā  
Ethnicis exosam licentiam; nihilominus &  
Christi imitatores & vera Ecclesiæ eius mem-  
bra dici haberiq; voluit. Diu dicet hæc quili-  
bet cordatus, qui vel micam rationis habet,  
nos verò dicta in fasciculum colligamus & ve-  
ram Ecclesiam inde demostremus, ac finem  
huic concioni imponamus.

*III. PARS  
Ex dictis ve-  
ra Christi  
Ecclesia de-  
monstratur*

*Et summa  
dictorum.*

Quare cum & ex scriptura, & ex ipso quod  
signatum est super nos in ipsa creatione lumi-  
ne naturali constet, spōsi naturā & cōsuetu-  
dinem esse, sponsæ suæ dona vberissima largiri,  
muneris verò sponsæ est cum amicos sponsi,  
tum verò sponsū ipsum & venerari, & quā-  
tum fieri post imitari: Constat etiam profe-  
ctò apud nos, qui per gratiam diuinam huius  
sponsæ membra sumus, veram Christi quam  
in terris habet Ecclesiam reperiri. Hic etenim  
dona à Christo suis relictæ vberissima cernun-  
tur;

tur; tum alia; tum facultas dispensandi in iis, quæ non sunt aut de substantia Sacramento-  
rum aut stricti iuris diuini; quæ potestas ut  
erat etiã in veteri testamento signũ veræ Dei  
Ecclesiæ, ita nunc tantò est excellentior, quã-  
tò excellentiorẽ præ aliis facultatem à Christo  
hæreditauit. Hic præterea honorantur amici  
Dei, in primis verò mater Dei & ipse filius Dei,  
quem ab ipso puncto conceptionis suæ, Sapi-  
entissimum fuisse & docetur, & creditur. Hic  
imitatores reperiuntur Christi tũ in aliis, tum  
in his quæ egit in pueritia sua, & quæ nobis  
describit hodiernum Euangelium. Hic nam-  
que sunt ad laudem Dei etiam illa ad quæ  
constricti lege diuina non sumus, hic pere-  
grinationes ad loca sancta suscipiuntur, hic  
in scitis imò inuitis etiã parentibus ac cogna-  
tis Dei vocationem multi sequuntur: hic affli-  
ctio & mortificatio carnis pro Christo & bo-  
no animæ suscepta valde laudatur: hic deni-  
que plurimi consilia Christi sequuntur, ac ad  
ea præstanda Deo sese deuouent.

E contrario verò cum hæretici non solum  
Christo & operibus eius, sed etiam sub ipsis re-  
pugnēt, quando potestatem talem esse in Ec-  
clesia negant, & tamen ipsi ea impudenter e-  
tiã in iis quæ sunt de substantia sacramentorũ  
abutuntur, cum præterea matrem Dei pec-  
catricem, ipsum verò filium Dei aliquñ. igno-  
rantem fuisse asserant, & tamen ipsi mulier-  
culis etiã suis omnẽ adscribunt scientiã quam

E contrario  
Sinagoga o-  
stenditur



- primum ad fidem eorum conuertuntur, quod Christo in puritia negant ( videte quæso vesaniam ) cum denique non solum imitari Iesum nō studeant, sed etiā Iesu contrarium faciant, non solum n. nihil operari volunt, ad quod præcepto diuino adstricti non sunt, verum etiam ipsa præcepta Dei prauis suis interpretationibus euertunt: non solum non peregrinantur ad loca sancta, sed etiam tales peregrinationes conuiitiis lacerant: non solum corpus suum non affligunt, vt spiritui sit subiectum, sed etiam mortificationem carnificinam vocant non solum cōsilia Christi non sequuntur, sed etiam vota Deo facta violant tum in seipsis, tum in aliis: Cū inquam hæc omnia faciant, euidentissimè non vno sed multis nominibus demonstrant, se neque fideles, sed infideles esse, neque in Christi, sed in Antichristi congregatione manere.

Conclusio  
per exhorta  
tionem ad  
gratitudinē

Quæ cū ita sint, vt vnde cæpit hæc nostra terminetur concio, per ego vos amorem huius sponsi Ecclesiæ inclitissimi Christi Iesus v, perque merita eius oro, obsecro, obtestor, vt & ii qui ex vobis ab hac sponsa Christi ( quæ alia non est quam Catholica Ecclesia ) animis & sancta conuersatione aberrarunt, eo iterum reuertantur, vnde exciderunt; & vos qui per veram fidem membra ipsius estis fidei vestræ gratitudinem sanctæque operationem adiungatis. Grati sumus dilectis-

lectissimi tum eorum quæ audiuiimus : tum aliorum infinitorum, tum verò illius benefici, quod nobis & David, & Paulus exprefit verbo illo, *Ecce venio*, quo verbo Christus Dominus patri suo se obtulit in ipso suo in mundū ingreſſu, ac proinde in vtero matris virginis. His quaſi patrem æternum alloquens verbis : ſcio pater mi tibi holocauſtomata, & omnia veteris legis ſacrificia non placitura amplius, ſcio adelle tempus, quo *qui immolat bouem quaſi qui interficiat virum, qui mactat pecus, quaſi qui excerebret canem*, ſcio aliud te ſacrificiū deſiderare, & non aliud quàm meipſum, ideò & corpus aptaſti mihi. (Sic ait Paulus) & tanquā perpetuo ſeruo aures perfo-diſti (ſic eſt in Hebræo apud Dauidem) ſeu perſeciſti mihi, propterea pater æterne ecce adſum, ecce in carne aſſumpta confeſtim me offero tibi, paratus pro humano genere tibi ſatisfacere. Accipe igitur hoc ſacrificium, & remitte delictum. Hoc eſt chariſſimi quod in verbis iſtis conſiderare debemus, & conſiderando gratias agemus pro tanto beneficio, quod tantum fuit, vt hic ſolus actus & oblatio Chriſti in vtero facta ſufficeret ad redimendum genus humanum, ſed non ſufficiebat bonitati & liberalitati Chriſti, qui multò plura adiecit, vt eſſet *copioſa apud Deum redemptio*. Reddamus igitur illi quas poſſumus gratias pro tantis gratiis, & quilibet pro ſtatu ſuo & viribus ſuis ſanctis operibus eum

If: 66. A

Heb. x.

Pf: 129.



imitando studeat, vt viuum eius membrum efficiatur & permaneat hic & in æternum & in sæcula sæculorum Amen.

EVAN-  
GELIUM  
CUM DO-  
CTRINIS.

## CONCIO TERTIA

### Spes.

*Pf. 11. 10.*  
Christus o-  
liua fructi-  
fera:

*Mat. 21.,*  
*83.*

**E**Go autem sicut oliua fructifera, in domo Dei, speravi in misericordia Dei, in æternum & in seculum seculi. Confitebor tibi in seculum quia fecisti & expectabo nomē tuum quoniam bonum est, in conspectu Sanctorum tuorum. Liceat mihi: tum de pueritia Christi tum de spe in nobis excitanda acturo, verbis istis loco exordii hodie apud vos vti, scopū enim vtrumque pulchrē mihi ob oculos ponere videntur. Hodie nāque puer Sanctissimus Christus Iesus in domo Dei & orationis (vt ipse templum illud vocabat) solus insciis omnibus mansit. Hodie sicut oliua fructifera edere fructum cepit, dum & legisperitos in admirationē rapit, & tristes parentes lætitia implet, & omnes suo exemplo instruit. Hodie qui nil habuit quod speraret cum ab instanti conceptionis suæ sicut sapientissimus, ita beatissimus esset, ac proinde omnia quæ nos speramus re ipsa iam possideret, docuit tamen quomodo in misericordia Dei sperare nos oporteat. Hodie denique is, cui olim David cantabat; *Confitebor tibi in seculum*

*culum quia fecisti, factus pro nobis homo confitebatur in templo patri suo æterno in conspectu Sanctorum Angelorum eius, ut nos idem facere & in spe cantare in cordibus nostris domino expectabo nomen tuum, quoniam bonum est, doceret. Cuius quidem spei naturam, bases, auctorem, media, & fructus varios, in his duobus versiculis mirabiliter David expressisse videtur, quæ nos circa finem concionis considerabimus. Sed prius viam ad id nobis sternemus, historiã hanc sanctam, quæ Christi Domini pueritiam describit diligenter intuendo & contemplando.*

In hodierna igitur concione Euangelium lectum explicabimus, ac inde tum ad iuuentutem educandã, tum ad mores nostros corrigendos; tum ad spem Sanctam in nodis excitandam, doctrinas vtilis hauriemus. Tu *olina si uctifera*, imo ipse fons olei Christe Iesu da, ut ita & hæc perpendamus, & te imitemur, ut de misericordia Dei in æternum & in seculum seculi lætari mereamur.

PROPO  
Euangelii  
explicabitur  
& inde  
doctrina

CVM FACTVS ESSET IESVS: Benefactus esse dicitur, quia illa hîc precipuè natura eius describitur, quæ facta est, humana videlicet, iuxta quam fuit tunc.

Christi natura duplex

ANNORVM DVODECIM. Nam secundum diuinam naturam & factus non est, sed genitus; & annorum eius non est numerus.

Ille enim est de quo Daniel. *Aspiciebam donec Dan. 7. 9*  
*throni positi sunt & antiquus dierum sedit: ille in-*



Christus v-  
troque mo-  
do spes no-  
stra.

quam, de quo dicitur quòd nec principiū an-  
norū nec finem habeat. Et secundum vtrāq;  
naturam auctor spei nostræ est; vt Deus in  
nobis illam creando, vt homo nobis eam  
merendo. Recurramus igitur ad eum dile-  
ctissimi, quia & potest, & vult eam nobis  
donare. Iuxta istam igitur naturam.

Spei mate-  
ria.

ASCENDENTIBVS ILLIS, id est parē-  
tibus, Iosepho videlicet, patre putatiuo, Ma-  
ria verò matre vera & legitima ascēdentibus,  
ascendit & ipse Iesus eum eis, licet lege ad id  
minimè is constringeretur, qui erat supra  
omnem legem; sed docere nos voluit supe-  
rerrrogare Deo etiam illa, ad quæ obligati non-  
sumus. Hoc enim facere magnam in piis fidu-  
ciam generare solet.

Pax quomo-  
do acquira-  
tur.

HIEROSOLIMAM autem ascendisse di-  
cuntur, secundum litteram quidem; quia hæc  
vrbs in editiori loco erat, quàm Nazareth, vn-  
de illi veniebant: secundum mysterium verò  
datur intelligi, vt is qui Hierosolymam vult  
ascendere, ex Nazareth id faciat. Nam Ieroso-  
lymam visionem pacis significare, Nazareth  
verò siue Sanctificatam & separatam, siue cu-  
stoditam & floridam denotare scitis. Qui er-  
gò ad visionem pacis cū temporalis quæ in  
spe viuæ: tum verò æternæ, quæ in visione  
beata consistit, vult ascendere, separare se pri-  
us à peccatis per contritionem, ac sanctifica-  
ri per Sacramenta, deinde super custodiam  
sui stare, & bonis operibus florere debet: tūc

enim

enim demum pacem videbit, quia non est pax *Is: 48. 22*  
*impiis dicit Domonus* apud Isaïam Prophetam.  
 Complaceant sibiipfis impii, & polliceantur  
 pacem quantum velint, tu ne æmuleris illos,  
 sed crede Deo, & fac quod doceris, ne vtrq;  
 priueris pace. Ascendentibus igitur illis: tum  
 parentibus: tum Christo Ierosolymam.

Bona puero  
 rum educa-  
 tio.

SECUNDVM CONSVETVDINEM DIEI  
 FESTI, Paschalis videlicet, id enim paulò  
 antè dixerat, Cur autem ad hanc solam festi-  
 uitatem itauerint in alia concione declaravi-  
 mus: nunc morale quid notandum est & exi-  
 mium sanè; tum pro parentibus, tum pro li-  
 beris: hi vt obediant, sicut Christus, illi verò  
 vt doceant liberos suos deuotionem, cate-  
 chismum, vt in templo frequentes sint, vt  
 omnem pietatem colât, quemadmodum fe-  
 cerunt parentes Christi accipientes eum secū  
 ad solennitatam. Fitne idem à vobis? Fit non  
 dubito; sed neq; ab omnibus, neque tam fre-  
 quenter vt oporteret, neque cum ea qua par-  
 est preparatione. Quot enim sunt qui liberos  
 suos docent rudimenta fidei Christianæ? uti-  
 nam faciatis omnes: sed vereor ne aliqui, vel  
 etiam aliquæ doceant Filios, & filias suas pri-  
 us seculares gesticulationes, & aulicissimos;  
 quàm diuinas cæremonias, & genuflexiones:  
 ante cantillare sæcularia, ne dicam obscæna,  
 & turpia, quàm diuina: citiùs maledicere,  
 quàm Pater, Ave, Credo, & alia necessaria re-  
 citare. O quam seuerū Dei iudicium eiusmo-

Pessima &  
 cauenda.



di parentes manet! ô quam satius fuisset liber-  
*Mat: 23. 15* ros non genuisse, quam fecisse *filium gehennæ*  
*duplo quam vos ipsi estis* peiorem, tum deliciis,  
 tû ex emplo pessimo corruptum! Propterea  
 exciditis spe etiam Politica quam de illis ha-  
 buistis quia desperatè non Christo sed Satha-  
 næ eos educatis. Videant qui tales sunt, &  
 emendent tum in se, tum in suis hæc tempesti-  
 uè: quæ nisi hic emendentur sine fine, & spe  
 veniæ emendanda erunt in inferno. Et non  
 solû necessaria eos doceant, sed audiant quod  
 adiungitur in Euangelio.

Continuan-  
 da deuotio.

Quis inde  
 fructus.

CONSUMMATISQVÆ DIEBUS ait, &  
 dies intelligit octo, vt arbitror: tot ñ. in lege  
 illa solennitatibus assignabantur, siue à Deo  
 siue ex consuetudine. Vnde aliam haurietis  
 doctrinam & pro vobis, & pro liberis vestris,  
 nempè vt vos perseverantiæ in deuotione  
 assuesfaciatis. Fuit hæc laus olim gentis no-  
 stræ, o Poloni, & Lituani mei ( prout ipsi ad  
 huc meminimus ) orationes in templo ad  
 multas etiam horas protrahere. Nec uerò  
 parentes id tantum factitabant, sed & liberos  
 sibi adesse volebant, quos ad duas, tresue ho-  
 ras in templo detinebant. Quo fiebat vt &  
 multa euitarentur mala, & plurima orirentur  
 bona. Assuescebant ñ. puellæ aut piæ lectio-  
 ni, aut continuæ orationi, filii cantui Eccle-  
 siastico; omnes verò perseveranti deuotioni.  
 Quæ si propter malos lubricæ ætatis mores  
 ac sodalitates ad tempus cessabant, efferue-  
 scente

sciente tamen ætate, quæ in pueritia ex consuetudine in habitum transiuerant, facile iterum recuperabantur. Hinc frequens in templis hominum concursus, non matutino tantum, sed & vespertino tempore visebatur. Fit etiam nunc quidem in solennitatibus precipuis, sed fiat frequentius obsecro, resumptis antiquis & sanctis consuetudinibus. Ita enim & parentibus, & liberis spes erit in nouissimo. Consumatis igitur diebus deuotioni assignatis.

CVM REDIRENT PARENTES Iesu Nasarethum in Galilæam in domum suam.

REMANSIT PVER IESVS. Non n. illi sufficiebat parentum deuotio, aliquid apius addere voluit, vt doceret eos, qui in sorte ipsius sunt vocati, communi deuotione contentos esse non debere, sed tantò plus hisce vacare, quantò in altiori candelabro Ecclesiæ positi sunt, vt luceat omnibus qui in domo sunt Ecclesiæ. Optandù vt fiat. Turpe n. est hominem Deo dicatum ab vxoratis sæcularibus imò ipsis etiam mulierculis, in iis, quæ ipsius sunt propria, superari Remansit autem Iesus.

Magis id faciunt spirituales.

Mat. 5. 19.

IN HIERUSALEM. Dicitur id vt arbitror, quia iam egressi erant e templo in Ciuitatem, vbi se Christus à parentibus subduxit, & ibi mansit, ac postea in templū rediit: quomodo, quæ ratione, quo consilio, ipsi soli est cognitum penitus, qui nihil vnquam inconsideratè, sed omnia sapienter fecit. Sed de his differuimus iam contra hæreticos: Nunc sub-



Solenitates  
& peregrina-  
tiones.

iungamus aliquid morale cōtra eos, qui non-  
nunquam in solennitatibus relinquunt, &  
perdunt Christum dum epulis, scurrilitatibꝫ  
detractionibus, turpiloquiis, ebrietatibus,  
& quæ hæc confectantur, luxuriis, contenti-  
onibus, rixis, pugnis, ipsis deniq; homicidiis  
vacant. Nostis exempla, nouimus & nos ac  
deploramus. Tantò autem infelicius tales va-  
cui Christo domum remeant, quantò mi-  
nus illis competit, quod sequitur.

Cur suscipi-  
endæ.

ET NON COGNOVERUNT PAREN-  
TES EIVS. Vos enim sæpè cognoscitis, scitis,  
videtis, quod perdidistis Christū. O deplorā-  
da infelicitas ibi perdere Christum vbi inue-  
niri debuit! Cur n̄. itis ad solennitates? cur ad  
loca sancta peregrinationes suscipitis? Non-  
ne vt deuotioni insistatis? vt per Sacramen-  
ta Christo reconciliemini? vt per intercessio-  
nem illius sancti, qui ibi honoratur veniam  
peccatorum obtineatis? vno verbo, vt aut  
Christū inueniatis, si gratiam eius perdidistis,  
aut per augmētum gratiæ, quod in Sacramē-  
tis datur, crescere in vobis illum faciat? Si  
alio fine id facitis, minus dextrè operamini,  
mansisset potius domi. Quod si hæc quam  
retulimus est intentio vestra, videte quanta  
calamitas sponte perdidisse, quod inueniri  
vel augeri debuit. Reuertimini obsecro ad  
corne in solennitatibus vestris inueniatur vo-  
luntas, vel etiam malitia vestra, ne Deum  
offendatis, ne animas vestras perdati, ne iu-  
niores

Quāta ma-  
la in abusu.

niores scandalizetis, ne deniq; nomē Catho-  
licum blasphemari ab inimicis faciatis. Au-  
ditis enim quid hac de re loquātur Hæretici,  
quā grauius insultent, quomodo inde fu-  
os in perfidia confirment, pusillos terreat,  
omnes subsanent. Scio factam aliquam emē-  
dationem post illa tempora, quando Luthe-  
rus cepit venenum spargere suum, eo n̄ tem-  
pore, maximē hoc malum serpebat in illis  
presertim partibus, & maximē in encæniorū  
iosennitate. Deferuisse iam aliquantulū hu-  
ius mali flammā videmus, & diuinam sapi-  
pientiam laudamus, quæ in Ecclesia sua bo-  
num per malos, & emendationem per ini-  
micos suos efficere dignata est Non n̄. putan-  
dum est gratis esse Hæreticos in mundo, per-  
mittūtur namq; à Deo, vt vel ipsi conuertan-  
tur & viuunt, vel per illos Catholici proben-  
tūtur, qui verē fideles sunt, vel abusus emen-  
dētur, quorum iste vnus est. Qui abusus tol-  
lantur obsecro è medio tum à magistratibus,  
qui prohibeant, imò euertēdas curent taber-  
nas, quæ eriguntur circa Ecclesias; & alia hu-  
iusmodi: tum ab omnibus qui caueant non  
tantum peccata, sed etiam speciem peccato-  
rum: tum verò in primis, à parochis & sacer-  
dotibus, qui totis viribus prohibeant & in-  
pediant mala, excitent verò fideles ad opera  
bona, ad deuotionem, ad conciones audien-  
das, ad frequentanda Sacramenta; idq; cum  
verbo, tum verò exemplo sancto faciant, ro-  
go. Si

Tres causa  
Curà DEO  
permittan-  
tur hæretici

Remedia



go Si n̄. nos seriò vitam moresque nostros emendabimus, Deus quoque auferet flagellum Hærticorū, eosque cessare faciet, quod optare & ab illo precibus efflagitare debemus obnixissimè.

Sed ad parentes Christi reuertamur; si prius illud adnotauerimus magnam esse differentiam inter illam Christi mansionem, & hanc de qua iam differuimus; nec non inter nos, & parentes Christi. Illi. n̄. inscii & inuiti Christum reliquerunt, nos scientes & voluntariè id facimus: illi absque vlla sua culpa, nos cum ingentibus sæpè peccatis. Ibi Christus sponte remansit, hic inuitus dimittitur, vel potiùs perditur & exploditur; proinde illos præmium, nos pænæ, ni conuertamur, manent. Sed, inquis, parentes Iesu etiam peccasse, quia debebant cognouisse an remanserit Christus Hierosolymis, nec ne. Hæc vox impiorum est hæreticorum, quibus responderetur; illos nec potuisse quidem id cognoscere, quomodo ergò obligabantur ad id, quod scitu illis erat impossibile? Nam vnde quæso nosse poterant? A Christo ne? At is consilium suum eis manifestare noluit. Ab aliis? At omnes ignorarunt. Ex seipsis? sed quis scirent quod in corde filii latuit? Latuit autem quia celare id eos voluit Christus, celare autem voluit non ideò, ne fortè mansionem ipsius impedirent (id n̄. persuadere mihi non possum) sed quia ita expedire no-

Parentum  
Christi i-  
gnorantia  
vnde.

uerat

ueratis, qui omnia nouit ; sed non omnia  
quæ nouit, manifestat. Sufficiat nobis ra-  
tio data, nēpē vt doceret iuuenes, quomodo  
se gerere debeant cū parētibus, si à Deo ad o-  
pus ipsius vocātur. Deniq; subiungitur causa  
cur id ignorauerint cum dicitur.

EXISTIMANTES AVTEM ILLUM ES-  
SE IN COMITATV. Mos enim erat apud Iu-  
dæos, vt seorsim viri, seorsim fœminæ in-  
cederent. Id testantur & Doctores qui gentis  
illius fuerūt, & textus ipse. Quomodo enim  
poterāt existimare illum esse in comitatu, si  
vnus tantū fuit comitatus, in quo simul om-  
nes incedebant? Duplex igitur erat, fœmina-  
rum alter, virorū alter, pueris verò licitū fuit  
alterutri parti sese adiungere. Qua in re uti-  
nam eos vos quoque imitemini. Nam pro-  
miscua ista vtriusque sexus peregrinatio, mul-  
ta post se trahit peccata sæpe actualia, sæpius  
verbalia, sæpissime mentalia, de quibus Sal-  
uator *omnis qui viderit mulierem (& muli-  
er virum) ad concupiscendam eam, iam machatus*  
*est eam in corde suo.* Quod quoties fiat, Deus  
scit, ideoq; ne fiat auferendæ sunt occasiones,  
Itaque propter hunc distractum comitatum,  
dum & virgo existimat Christum esse cum Io-  
sepho, & Ioseph putat comitari illū matrem  
suam.

Mos Iudæo-  
rum imitan-  
dus.

Mat. 5. 28.

VENERVNT ITER DIEI. Illius vide-  
licet diei, quo Hierosolymis erant egressi con-  
ficientes tot, quot sibi condixerant milliaria.

Cum.



Cumq; ad locum destinatum p̄uenissent, & vidissent Iesum neque cum matre, neque cum patre esse.

Bene quæ-  
runt paren-  
tes Christi  
inter cognato-  
s.

REQUIREBANT EVM INTER COGNATOS ET NOTOS Id enim facere ius ipsum naturæ coge-  
bat eos. Nam cum Christi-  
stum visibilem perdidissent, inter visibiles co-  
gnatos & notos quærere illum oportuit. At  
nobiscum secus se res habet, quibus dictū est:  
*Mat. 10. 36. Inimici hominis domestici eius.* Magnum para-  
doxum, sed verissimum; quia à veritate pro-  
latum. Nec verò mirum. Inuisibiliter enim in  
anima & in Spiritu (nam anima nostra Spiritus est) Christum perdidimus, frustra igitur  
eum in carne quæremus. Eueniet enim nobis  
quod sequitur.

Quia potius  
perditur.

ET NON INVENIENTES. Parentes  
quidem Christi non eum inuenerunt,  
quia inueniri ibi noluit, sed in templo, nos  
verò quia tantum abest quod ibi inueniatur,  
ut etiam sæpè iam habitus perdatur, cum in-  
ter COGNATOS tum inter NOTOS. Inter  
cognatos quidem: quia cognati sunt nobis  
secundum carnem & sanguinem, non secun-  
dum Spiritum cognati, quid ergò isti suade-  
ant nisi quæ carnis & sanguinis sunt? At verò  
cognatio Spiritualis contrario planè procedit  
modo. Nam scriptum est quod non ex sangui-  
nibus neque ex voluntate carnis, neque ex volunta-  
te viri, sed ex Deo Christus in nobis nascitur, &  
nos in illo. Quare quid mirum si inter cognato-  
s non

Tum inter  
cognatos.

*Jo. 1. 13.*

tos non solū non inuenitur, sed etiā perditur Christus? O quam frequēter accidere id non modo videmus, sed & dolemus. Nostis exempla & antiqua externa, & domestica recentia.

Hunc Pater à religione auocat, illum mater, voluptatibus perdit, alium sorores blanditiis corrumpunt, alium cognati tum minis, tum pollicitationibus à recto itinere deflectere faciunt Magnum periculum: sed maius adhuc

Tum inter  
notos.

inter N O T O S unde enim maior pars peccatorum, & quod peius est consuetudinū in vitiis, indeque obstinationis prouenit, quā ex malorum consortio? In scriptura & historiis infinita sunt exempla & premonitiones; multò etiam plura, in vsu quotidiano.

Exempla.

Adferamus pauca ex multis. Si videbas su-

Pf: 49. 18.

rem currebas cum eo, & cum adulteris portionem tuam ponebas ait Dauid. Et Apostolus ex pò-

1 Cor: 15. 33

ta: Corrumpunt mores bonos colloquia mala, quā-  
tò magis consortia praua? quibus tamen plenus est mundus. Quamdiu vixit Ioiadas sacerdos, Ioas Rex Iuda benè se gessit, quia eius familiaritate utebatur: Postquam autē obiit

2 Par: 24.

17.  
NOTA

Ioiada ingressi sunt principes Iuda, & adorauerunt Regem qui delinitus obsequiis eorum factus est pessimus, & idololatra, & homicida imò prophetica: Occidit. n. Zachariam prophetam filium Ioiadæ à quo homo ingratiſſimus regnum obtinuerat. Tantum valet adulatio (quæ hic graphicè describitur) & amicitia ac societas malorum.

Q

Sedin.



Quales  
cui adhiben-  
di.

Præsertim  
pueris.

Cur Chri-  
stus non in-  
uenitur.

*Iob. 28. 13.*

Vbi quæren-  
dus.

Sedinquis Nos & familiares oportet nos habere. Sanè absque illis esse non possumus: ideò videndum & diligenter perpendendum quales ii esse debeant. Et hæc maxima parentum erga liberos cura esse debet, vt bonos eis adiungant socios, ne ætas tenera & lubrica in notitiam eorum, vel earum veniat, à quibus à teneris vt dicitur vnguiculis corrumpatur. O quam id est frequens domi & foris. O quam minima parentum hac de re cura, cum maximo suo malo. Videbunt aliquando miseri, qui nunc videre velexequi potius nolunt. Corrigamus nos & liberos nostros obsecro, ne sine remedio corrigamur. Denique tam parentes, quam nos Christum non inuenimus, quia non ibi eum querimus vbi est, sed ibi vbi non est. Non est. n. vt plurimum inter cognatos & notos, vt vidimus *nec inuenitur in terra suauiter viuentium* ait Iob; nec in consortio auarè colligentium, nec in numero superbiam exercentium, nec denique ibi, vbi illum plerumque mundus quærit, reperitur. Vbi ergò? Audi quid fecerunt parentes Christi.

REGRESSI SUNT IN HIERSALEM inquit Euangelista. Idem nos quoque spiritualiter facere debemus. Ierusalem scitis visionem pacis denotare: Reuertere igitur vnde excidisti, nempè ad visionem pacis in anima tua. Examina conscientiam tuam, & reduce tibi in memoriam vbinam relinquis Christum; quando.

quando, in quo actu, in vno, an in pluribus? Regredere ad visionem pacis, pæniteat te facti. Regredere non procedas ulterius de vitio in vitium, de peccato in peccatum, de malo in peius. Reuertere si hæreticus es, ex Babylonica confusione ad Hierusalem. Si Catholicus ab impietate ad pænitentiam. Imitare parentes Christi, qui licet sine culpa sua perdidissent Iesum, tamen cum summa diligentia eò regressi sunt, vbi illum reliquerant.

REQUIRENTES EVM. Ita tu quære & require diligenter: tantò maiori cum dolore, quātò magis voluntariè, & iniquè & scienter illum reliquisti, & post carnem tuam, mundum, & diabolum Christo exploso, iuisti. Si. n. id cum ea qua par est, animi contentione feceris, euemet quod sequitur.

ET FACTVM EST POST TRIDVVM IMVENERVNT ILLVM. Magnum tridui mysterium. Sed prius literam videamus; arbitròr tertia die parentes Iesum inuenisse. Nā prima die confecerant iter vnius diei, secunda verò reuersi sunt tantundem itineris emittentes, & Ierosolymam redeuntés, vbi postridiè inuenerunt illum. Neque deest talis phrasis in scriptura. Nam quod dicunt Mat-

Triduum si  
teraliter.

Mat. 17. 8.

Mar: 9. 2.

Luc: 9. 28.

Q 2

autem



*Mat: 27.* autem est illud *post tres dies resurgam.* Myſteriũ  
*63.* verò tridui norunt Catholici: Sciunt. ñ. tres  
*Mar: 8. 31.* partes eſſe pænitentiaẽ, per quas Chriſtus in-  
 uenitur: nec alius eſt modus illum recupe-  
 randi, quàm intenſiſſimus dolor de peccato  
 commiſſo, ſeu contritio valida, confeſſio in-  
 tegralis, & ſatiſfactio à confeſſore iniuncta.  
 Ad hæc igitur tria recurrite quicumque Chri-  
 ſtum perdidisti, abieciſti, conculcaſti, &  
 inuenietis eum per gratiam ipſius.

Fructus pæ-  
 nitentia.

*2 Cor: 6. 16*

*Leu: 26. 12*

IN TEMPLO SEDENTEM. In illo in-  
 quam templo, de quo Apoſtolus: *Vos eſtis*  
*templum Dei uiui. Sicut dicit Deus quoniam inha-*  
*bitabo in illis & inambulabo inter eos, & ero illo-*  
*rum Deus, & ipſi erunt mihi populus.* Tantum  
 valet pænitentia. Feſtinate igitur ad illam.  
 Cæterum eſt hic & alia doctrina ſcopo Euan-  
 gelii inprimis ſeruienti, nempe educationi  
 puerorum, de quo paulò poſt. Inueniunt ita-  
 que parentes Ieſum in templo.

Officium  
 diſcipulorũ

IN MEDIO DOCTORVM. O quam pul-  
 chra ſunt iſta tum pro parentibus qualem li-  
 beris educationem dare: tum pro Doctori-  
 bus, quomodo eos inſtruere: tum pro  
 pueris ipſis quomodo ſe exemplo Chriſti ge-  
 rere debeant. Sequitur inſuper.

AUDIENTEM ILLOSET INTERRO-  
 GANTEM EOS Doctores videlicet audie-  
 bat, Doctores interrogabat. Hoc ñ. duplex  
 eſt diſcipulorũ erga præceptores officiũ. Ve-  
 rùm quia iſ, qui vt puer interrogabat, erat  
 etiam

etiam vir sapientissimus, & Doctorum ipse Doctor, ideo subiungitur.

STUPEBANT AUTEM OMNES QUI EVM AUDIEBANT. Stupentes facit illos, quorum respectu alii homines stupidi erant: Doctoris enim est stultos instruere. Quantaigitur hæc potentia, quanta sapientia, illius quem Hæretici insipientem fingunt? Ab sit hoc à Catholicis, quorū propriū est quā optimè, & de filio & de matre sentire. Quid verò hi Doctores stupent?

Stupiditas  
hæreticorū

SVPER PRVDENTIA ET RESPONSIS EIVS. Græci pro prudentia intelligentiam seu acumen habent. Quæ tamen omnia talia declarabantur à Christo, qualia ætatē quidem illam non excedebant, sed tamen ætatis illius supremam perfectionem attingebant. Responderebat enim, ut duodennis quidem, sed tamen ut perfectissimum duodēnem decuit, qualis nec fuit nec erit vnquam, ita ut canos etiam in stuporem verteret. Et hæc erat Christi Domini in toto vitæ suæ decursu consuetudo. Omnia enim opera sua omnibus circumstantiis ornata: tam perfectè perficiebat, ut (exempli gratia) multò perfectior esset actio Christi quando manducabat carnes, & bibebat vinum, quā comestio locustarum, vel laticis haustus, imò ipsum etiam ieiunium Ioannis Baptistæ. Quod obseruatu est dignissimū, ne imitemur imperitam plebem, quæ non modum operandi, sed opus ipsum maxi-

Sapientia &  
operū Chri-  
sti perfectio  
notanda.



NOTA.

In quo perfectio consistat,

mè considerare solet: ac proinde ex Christo non solum plebs, & Pharisei, sed etiam discipuli Ioannis iniquè scandalizabantur. Idem ne nobis contingat perperam in diiudicando minus strictiorem vitam prælatorum, ac aliorum in victu, vestitu, & similibus, cauendū est. Scimus enim etiam ipsos Philosophos solo naturali lumine intellexisse, & iudicasse non tam rem ipsam, quàm modum bona benè operandi considerari oportere: ac proinde illi non tam opus, siue iustum, siue prudens, siue temperatū, quàm iustè, prudenter, continenter & secundum virtutem factum laudibus extollebant. Quantò magis nos id facere decet? quibus præcipitur non tam vt sobria, iusta, pia opera, faciamus; quàm *vt sobriè, & iustè & piè viuamus in hoc sæculo expectantes beatā sp̃s, & aduentū gloriæ magni Dei;* quo tēpore hæc omnia & exactè, & excellenter diiudicabuntur. Hæc paulo cōpiosius, sed, vt puto, vtiliter dicta sunt: tum propter Hæreticos, tum propter eos, qui ab illis infecti sunt, & multa hac in parte iudicia temeraria committere solent.

Stupendum quod non obstupescamus.

Iam ad nostra redeamus, & aliam doctrinam ex dictis verbis hauriamus. Audiuius obstupisse Doctores ad responsa pueri Iesu. mirū; at mirandū magis cur non recipiebāt, cuius prudentiā acumēque & videbāt & laudabant. Maximè verò omnium nosmetipsos mirari debemus, qui licet receperimus Christum

stum licet fidem in Baptismo illi dederimus, tamen quotusquisque est nostrum, qui stupet ad opera Christi? tum ea, quæ olim fecit, tum illa quæ quotidie in nobis operatur? Quæ stupenda sanè sunt, sed vñ apud nos viluerunt. Peiores igitur Doctoribus istis stupentibus sumus, ideoq; videamus, ne ab illis condemnemur. Multò verò magis illo nomine id pertimescamus, quod instinctus Christi tum per se ad cor nostrum: tum per concionatores ad aures nostras loquentis, & salutaria documenta proponentis non solum non recipimus: sed etiam conciones quidem fugimus, internas verò admonitiones repudiamus, fidem denique operibus negamus, colligamus nos obsecro & obtestor, vt nomini nostro respondeamus. Christiani sumus Christianè viuamus. Sequitur in Euangelio.

ET VIDENTES ADMIRATI SVNT: quod de parentibus Christi intelligi arbitratur, tum quòd iam de aliis dixisset, tum quòd iam pridem parentes id facere consueuerant vt ante oètiduum audiuimus. Si enim mirabantur quæ de illo dicebantur, quantò magis quæ ex ore ipsius procedebant eos mirari decuit? Ideò.

ET DIXIT MATER EIVS AD ILLVM. *Luci. 3. 48*  
Cur non pater? Quia hæc fidentior, quia maiori erga filium amore æstuans, quia assueta magis admirationi vt de illa testatur scriptura. Ac proinde admirans inquit.



NOTA  
Multa my-  
steria in pau-  
cis verbis  
B. V.

FILI QUID FECISTI NOBIS SIC!  
Paruum in literis, at magnū est in affectu hoc  
vocabulum SIC. Videtur enim tribus literis  
tres vel quatuor affectus expresse, nēpe ad-  
mirationis, amoris, doloris & lētitiae. Miratur  
plus quam Doctores: amat magis quā Ioseph,  
ideō ipso tacente illa in verba prorumpit:  
dolet perditum, latatur inuentum. Hæc  
inter alia significat vocula SIC: Sed & reliqua  
verba eximia sunt valdē. Sunt enim in ruinā  
Hæreticis, in consolationem Catholicis, in in-  
teritum synagogæ, in ædificationem Ecclesiæ,  
in declarationem solliciti amoris matris erga  
filium [ Res est solliciti plenā timoris amor ]  
ait ille licet impius, tamen verē. Omnia enim  
istā in Maria vides, imō etiam plura. Nam quia  
amabat, ideō relictum dolebat, dolendo (ne  
absens mali quid pateretur) timebat, timen-  
do sollicitē quærebat, quærendo tandem in-  
uenit Iesum, inuentum alloquitur. Quā cum  
lētitiā? quis vel animo cōcipiat? nemo equi-  
dem. Meditentur hæc pii & spirituales viri  
imitarique studeant, quoties sese illis Chri-  
stus dominus occultat: blasphemias autem  
impiorum Hæreticorum plus cane & angue  
detestentur, contra quos & egimus iam, & a-  
gemus postea: nunc interim reliqua virginis  
dicta consideremus. Addit enim.

Ioseph pa-  
ter Christi  
dupliciter.

ECCE PATER TVVS putatiuus videlicet, i-  
mō & alio strictiori modo pater Christi dici  
potuit Ioseph; quia inter Beatissimā virginē  
& i-

& ipsum, verum intercesserat matrimonium: non n. carnis, sed fidei coniugalitatis coniunctio matrimonium efficit: hæc verò fuit inter virginem & Iosephum, ac proinde cum coniux legitimus matris Iesu esset Ioseph, benè pater etiam Iesu dicebatur. Addit virgo.

Humilitas

B. V. imi-

tanda.

ET EGO DOLENTES QVÆREBAMVS TE. Posteriori loco seipsam posuit, quamvis & vera Christi mater esset, & Iosepho longè excellentior, vt doceret modestiam, ac sibi amicam humilitatē, cū omnes tum verò vxores: vt norint quomodo maritos honorare debeant suos. Dolebat autem & quærebat vterque: virgo, quia mater: Ioseph, quia talis nutritius, v amore erga Iesum omnes patres anteiret. Iam quid animi haberint quærentes talem filium, domi vobis meditandum relinquo. Volunt quidam, illos quod olim, etiam nunc timuisse, ne ab Archelao interciperetur, verum quicquid sit *Mat. 2. 22.* hac in parte, quod à sollicito amore proficisceretur, non peccati, sed meriti; non vituperii, sed laudis plenissimū opus fuit. Itaque quod sequitur.

ET AIT AD ILLOS, Christus videlicet, respondens vtrique ad id, quod mater vtriusque nomine proposuerat.

QVID EST QVOD ME QVÆREBATIS; Non est reprehendentis peccatum, vt copiose in alia explicuimus concione: nec est quod ibi dicta iterentur ne fastidium pari-

Q 5

ant.



De ignoran-  
tia obiectio  
soluitur.

LUC. 12. 47

In affectata  
ignorantia  
duplex con-  
temptus.

Quomodo  
Christi ver-

ant. Adamus quæ illo loco omissa sunt.

NESCIEBATIS inquit Iesus. Quæ scientia excuset, quæ verò accuset augeatq; crimen, disseruimus multa. Restat dictum Christi soluendum de duobus servis, quorum alter sciuit voluntatem Domini sui, & non fecit, ideoq; *vapulabit multis*; alter verò non fecit, quia nesciuit, ideo *vapulabit paucis*. Posset enim quispiam eo abuti, ad excusandam affectatā (quā vocant) ignorantiam, siue in se, siue in alio. Verū nihil est hīc illis subsidii: nihil enim minùs quàm pro talibus isthæc dicuntur: quod ex teipso colligere potes: Tu enim servum quidem qui aliqua sua negligentia ignoravit mandatum tuum, ideoque illud non perfecit castigas paucis; magis verò eum qui sciuit & neglexit; sed omnium maximè punis illum, quilibet esset admonitus, contempsit tamen ad te venire, ne cogeretur & cognoscere, & exequi voluntatem tuam: idem de Deo tuo tibi persuadeas: nam duplicis contemptus reus est, qui affectatam habet ignorantiam: Contemnit namq; & nosse quæ scire iubetur, & facere quæ præcipitur; ideoquè duplici pœna puniendus erit, nisi resipiscat. Cæterum quod ad parentes Christi attinet, hī neq; huius, neq; alterius etiā minimæ, quæ ex ignorantia procedit, culpæ, rei erant (vt ostendimus) Dicitur autem à Christo hoc verbum & sequentiā.

QVIA IN HIS QVÆ PATRIS MEI  
SVNT

SUNT OPORTET ME ESSE. Sicut nos <sup>ba intelli-</sup>  
 pueris sapè non reprehendendi, sed instru- <sup>genda.</sup>  
 di causa dicere conueuimus; nescis id ita fieri  
 oportere! idem omninò Christus dominus  
 parentibus facit, quod & ex modò loquendi,  
 & ex affectu clarum est homini, qui pertina-  
 tia & impietate oculos non excæcauit su-  
 os. Itaq; proferens hæc verba Christus Do-  
 minus, instruit parentes suos de iis, quæ vel  
 ignorabant, vel propter maximi amoris soli-  
 citudinem non considerabant. Et verò licet  
 id faciat ipse Christus nihilominus dicitur.

ET IPSI NON INTELEXERVNT  
 VERBUM QVOD LOCVTVS EST AD  
 ILLOS. Quòd verbum quæso te non intelle-  
 xerunt parentes Iesù? Num quòd alium pa- <sup>Quidnam</sup>  
 trem haberet preter Ioseph? certè non. Scie- <sup>parentes</sup>  
 bat n. Ioseph se patrem ipsius non fuisse, & <sup>Christi non</sup>  
 multò magis id nouerat virgo. <sup>intellegerit.</sup> Quid ergò?  
 Num ignorabāt quòd alium patrem non ha-  
 beret quàm ipsum Deum? neq; hoc; quomo-  
 do enim ignorarent quod & ab Angelo, & ex-  
 perientia ipsa didicerant? Vel fortè nesciebāt,  
 quia in his quæ patris ipsius erant oportuit e-  
 um esse? neq; istud arbitror eos ignorasse.  
 Nouerant enim illum esse verum Messiam,  
 nouerant ex Angelo, quod ipse saluum faciet po- <sup>Mat: 1.22</sup>  
 pulum suum à peccatis eorum, & nouerant quòd  
 ad hoc requirebantur aliqua opera, verum  
 tum propter eandem sollicitudinem ex intē-  
 so amore procedētem, non plenè hæc fortas-  
 se con-



sè considerabant: tum vero alias ignorabant circumstantias, nempè quòd hac ætate, opus suum aggredi deberet, quòd hac ratione, quòd cum doctoribus agere, quòd ipsis non premonitis eos deferere, quòd in tēplo solus manere, & his similia nesciebant. Hoc verò quod dicimus valdè confirmant verba Evangelistæ, quæ subiunguntur. Nam dicitur.

ET DESCENDIT CVM EIS Ex effectu n. causam, ex descensione cum eis cognoscimus verba illa non obiurgantis, sed mysterium pandentis fuisse. Si enim in iis quæ patris eius erant oportuit Christum esse, CVR DESCENDIT CVM EIS quos obiurgare dicitur? cur.

Difficultates  
varie  
proponuntur

ET VENIT NAZARETH, relicta Ierosolima, & templo, & Doctoribus illis. Itane exiguo tempore solo triduo ea in quibus iussu patris oportuit eum esse expediuit? Et quod mirandum magis, nullam hic conversionem, sed tantum stuporem Doctorum videmus; propter solum autē stuporem Christum à patre in mundum missum fuisse quis credat? Denique non solum descendit cum eis ET VENIT NAZARETH, sed

ET ERAT SVBDITVS ILLIS vt testatur Lucas, credunt fideles. Quid est hoc obsecro? si peccant parentes illum quærendo, cur & descendit, & fit SVBDITVS ILLIS? Si non peccant, cur duriusculè tractantur? Rursum, si oportet eum in templo manere, cur non

cur non manet diutius, quàm triduo? Si non, cur quærentes se arguere dicitur? Denique cur usque ad trigessimum ætatis suæ annum nihil tale de eo legitur? Dicant quæso nobis Hæreti ad hæc singula, qui omnia mysteria se nosse gloriantur, licet non mysteria diuina, sed peruersa norunt iudicia humana, imò diabolica, qui eis suggessit tum peccata matris Dei, tum ignorantias filii Dei colligere. Nos verò cum Apostolo exclamabimus: *O altitudo di-* *Ro: xi. 33.*  
*uitiarum sapientiæ & scientiæ Dei quàm incompre-*  
*hensibilia sunt iudicia eius? & inuestigabiles viæ e-*  
*ius? Quis n. cognouit sensum Domini?*

Dicamus tamen nos quoque non nihil nō ex nostro, sed ex Ecclesiæ & sanctorum sensu, & simul satisfaciamus quod in principio proposuimus, nos de educatione liberorum dicturos aliquid. Itaque manet Christus in templo, in domo Dei, in domo orationis; *1. Cur Christus manet in templo.*  
quia à Deo initium est omnis boni, à quo gratia est impetranda: vt rectè procedāt omnia. *2. Cur duodennis.*  
Manet dum esset duodecim annorum: hæc enim ætas pubertatis quando iam ad vsum rationis plænè omnes ferè perueniunt aptissima est & ad opus humanum, quod ex deliberatione procedit inchoandum, & ad vitæ nostræ statum eligendum. Quod non ignorarunt etiam ipsi Philosophi gentiles: ac proinde hac circiter ætate fingebant Herculem in biuio constitutum de constitutione vitæ suæ deliberantem. Deinde inuenitur Iesus in templo *3. Cur in templo Docto-*  
*rum.*



4. Cur in sci  
is parentib?

5. Cur subdi  
tus illis.

6. Cur obstu  
pescit Do  
ctores

7. Cur tri  
duo.

8. Cur tacet  
postea.

9. Cur duri  
usculè respō  
det.

QVÆ I N  
EDVCATI  
ONE libero  
rum seruau  
da.

dio Doctorem templi, qui in lege diuina e-  
rant versati, vt scias à piis & doctis viris con-  
siliū hac in parte petendum esse. Istis tamē  
Christus dat consiliū, non accipit ab illis,  
quia fuit illis sapientior, quia sanctior, quia  
Deus caro factus, tu accipe ita tamen vt Chri-  
stum intus loquentem audias, si fortē illi à  
recto tramite deuiarent. Præterea cælat hæc  
parentes Iesus, vt te idem facere doceat pro-  
pter dictas causas superius. Caro n̄. & sanguis  
non capiunt ea, quæ sunt spiritus. Nihilomi-  
nus postmodum vadit cum eis & fit subditus  
illis, vt doceat liberos obedire parentibus,  
quoties parentes contraria non præcipiunt  
Deo. Stupere facit Doctores, vt futuræ præ-  
dicationis suæ semina iaciat. Triduo id perfici-  
t, propter mysteriū datum de sacramēto Pe-  
nitentiæ, & alia quæ ipse nouit, & vos ab illo  
impetrate. Tacet triginta annis, quia illa æ-  
tas ad prædicandum requirebatur apud Iude-  
os, & nunc ab Ecclesia in Episcopis requiri-  
tur. Paulò quasi duriusculè respondet paren-  
tibus. Ita enim ille consuevit tractare in mū-  
do quos amat. Ideò si tale quid in nobis non  
sentimus, , pertimescamus: Si sentimus, pa-  
tienter feramus, & gratias agamus. Hæc de  
Christo & pro Christo pro tenuitate nostra.  
Iam ad liberorum educationem veniamus  
& ad vos o parentes nostrum conuertamus  
sermonem. Vobis itaq; prima incumbit cura  
vt quam primum filium filiamuē mundo se-  
cundum

cū dū carnē genueritis secundū spiritū Christo  
 quoque liberos edatis, & per Baptisma regenerare eos, faciatis. Duo hic interim fugientes,  
 quorū alterū timor extorquet, alterū mundus  
 suadet. Timor impellit, vt nutrices vel obster-  
 trices natū puerū statim sine vlla necessitate ba-  
 ptizent, quod non nisi in periculo fieri debet  
 vt Sacramento maiestas sua relinquatur. Mū-  
 dus verò vult vt propter quosdam eius (quos  
 vocant) respectus, diutius differatur bapti-  
 sma cum periculo sæpè, cum morte nonnun-  
 quam infantum. Extrema igitur hæc sunt ca-  
 uenda: Cur n. differs? Vt patrilos (inquis)  
 illustriores puer habeat, vt conuiuium bapti-  
 smale præparetur, vt alia ad id necessaria (su-  
 perflua melius dixisses) conficiantur. Nun-  
 quid non vides quam id absurdè agas? Infans  
 & patrini nomine illius, imò tu quoque suo  
 modo antequam puer baptizetur debetis ab-  
 renunciare carni, & pompis huius mundi, tu  
 contra hæc ad ipsum actum adornas: Quid  
 ineptius, ne dicam stolidius? Quamprimum  
 igitur & cū debitis Ecclesiæ cæremoniis à pec-  
 cato originali abluendus est puer, vt hac ratio-  
 ne efficiatur filius Dei. Quo factō scias te iā in-  
 fantem suscepisse educandum, non solum vt  
 filium tuum, coniungisq; tuæ, id est, filium  
 hominum: sed etiam vt filium Dei: Cogites  
 ergo & diligenter perpendas velim, quomo-  
 do illum tractare te oporteat, quomodo nō  
 solum tibi, imò minus tibi, quam Deo aptū  
 cum

1. Vt efficiatur filii DEI  
 Caue hic.

Tum nimis  
 celeritatem

Tum pro-  
 craftinatio-  
 .e. n.

Tum epu-  
 las.

2. Vt educa-  
 tur vt tales  
 deceat.



eum reddere debeas. O quam utilis est hæc cogitatio, & cardo totius bonæ educationis. Si n. toties quoties filium filiamque intueris diceres in mente tua, ecce filius, ecce filia Dei curæ meæ commissa, quàm bene & tecum, & cum illis ageretur? Facias igitur quæso tanto diligentius, quantò magis pueri crescunt ætate.

¶. Vt lacten-  
tur à matre.

Et verò vt sunt liberi vestri non est quod vobis illos commendem caro enim vestra docet, quomodo carnē vestrā tractare debeat: ideoque facitis maiori etiam quàm oportet cum diligentia. Eo excepto ( quod arguunt sancti ac proinde neque nos tacere debemus ) quod matres tam facile liberos suos tradunt enutriendos lacte alieno, aut nulla aut modica de causa, imo ob causam non causam, sed puta propter excusationem, ob aliquod fastidiū. Non fecit hoc mater Moyse non Anna mater Samuelis, non illa fortissima fæmina ( octies martyr ) septem filiis suis ex quibus vnum sic contra tyrannum animat. *Fili mi miserere mei quæ te in vtero nouem mensibus portavi & lac triennio dedi &c.* Has igitur Sanctas potius sequimini o matres quam alias prophanas & pomposè delicatas ( ne quid grauius dicā ) fæminas. In primis verò matrē Iesu, quā idē fecisse & creditur & prædicatur: tū à muliere quadam in Euangelio exclamante ad *Lc: 11. 27.* Christum Dominum *Beatus venter qui te portauit & vberaqua suxisti:* tum ab Ecclesia cantante

Exempla  
sanctarum.

NOTA

Ex: 2. 8.

1 Reg: 1. 28

2 Math: 7.

27.

tante [Sola virgo lactabat vberē de cœlo pleno], Nunquid Christianas fœminas verba hæc ad idem præstandum non permouebūt? *Ma- Vtilitates*  
 gna equidem auctoritas, sed neque vtilitas parua. Prodest corporibus infantum, qui sæpè ex lacte nutricum pessimos contrahunt morbos, vt exempla nostis. Prodest & animabus eorum, quæ haud rarò inficiuntur, cum eadem de causa: tum verò quia ab impuris fœminis discunt, verba impura, quæ illos postmodum impuros efficiunt. Prodest & matribus & propter continentiam, & ne tam multiplici prole eneruentur. Tempus non præscribo (triennium audiuiſtis in scriptura) ad alia tranſeo.

Venio igitur ad id, quod caput est, & quod iterum iterumque inculco, & clamo, Memineris te filium Dei suscepisse educandū Deo, non diabolo. *4. Vt tria ea neant nēpè.*  
 Cauete ne sitis causa planè radicalis, interitus eius spiritualis, quod fit quando educatis liberos vestros vt gentes, quæ Deum non norunt, secundum mundum, in carne, sine Deo. Hæc tria perdunt animas filiorum vestrorum, sæpe etiam & corpora & facultates omnes. *Ne eduent mundo vel diabolo.*  
 Hæc igitur obuerſentur vobis semper ante oculos, vt officio vestro satisfaciatis, vt veri parentes Sanctorum sitis. Instruitis etenim illos mundo imò ipsi etiam diabolo *1o: 12. 3r.*  
*Et 14. 20.*  
 (vt illum Saluator vocat) quando vna cum lacte instillatis illis superbiam in vestitu, in pompa, in mundanis  
 R. cere-



Ne in carne ceremoniis, in verbis maledicis, in superstitionis obseruationibus, & his similibus. In carne verò enutritis eos, quoties nimis delicatè tractatis, cibis exquisitis, vinoque asluefacitis, quoties obscena aut ipsi loquimini, aut loqui alios ipsis audientibus permittitis, quoties inter diuersos sexus, aut petulantias, aut cubilia non impeditis. O quot ita perierunt?

NOTA

At ais pueri adhuc sunt ideo impotes rationis. Sed sunt compotes carnis, iccirco actus carnis sunt prohibendi. Non intelligunt isthæc inquis: sed postea intelligent, & eritis & illis, & vobis in ruinam. Intelligite quid dico, & videte an non ita se res habeat. Sine Deo verò educantur, quando fidei rudimenta, deuotiones, pietatem caeremonias sanctas non edocentur. Hinc fit quod vbi ad vsum rationis perueniunt, vel peruenire incipiunt, quæ didicerunt ea consuectantur. Diuina ignorât, imò & contemnūt, quæ mundi sunt complectūtur, imò quæ Sathanæ ipsius, carnis verò opera ita exercent, vt perpetuò continuent. Inde habitus contrahuntur, ac quasi in naturam transeunt. Inde euenit vt tales animam semper, corpus frequenter, substantiâ plerumque perdant. Denique inde fit, vt quod tu multis annis magno cum labore conquisiisti illi magna facilitate minimo temporis spacio omnia abliguriant. Quis tãtî mali autor? quis præter te ipsum, qui talem eis educationem dedisti? Nonne hæc frequenter adhuc

Quæ inde incōmoda.

adhuc superstites & videtis, & lugetis? Cauete igitur ne sine remedio & sine fine vlllo in æternum, non solum lugeatis, sed & pœnas luatis, & pro illis, & pro vobismetipsis.

Remedium autem contra hæc omnia nullum præstantius honorificentius, efficacius, quàm exemplū & doctrina Christi, quorum hæc est summa (audite auribus, & perficite manibus) vt detis omnem operam oparentes, ne liberi vestri malos, sed bonos contrahant habitus, ne pessimas, sed pias induant consuetudines; ne fædis assuescant moribus sed optimis (ab ipso lacte & teneris annis) imbuantur, & moribus & disciplinis. Ecce exemplar Christus I E S V S duodennis. Qui vbi nam quæso reperitur, num vbi saltitatur, & aliæ mundi exercentur vanitates? Non, sed in templo, vbi pietas erga Deum viget. Quid facit? ludine cum pueris? Non, sed sedet. Vbi verò sedet? num in turba petulantium adolescentulorum? Minimè. Sed inter Doctores is, qui doceri non indiguit: vt te doceat cuius filii doctrina indigent, quid tibi factu sit opus. Quomodo autem vestitur? nū aut purpura & bysso, aut serico vel etiam holoserico, vt non solum iam nobilium, sed etiam ciuium pueri assolent? Non equidem in eam eo sententiā: sed neq; quenquam vestrum id opinari arbitror. Quid autē manducat? num cibos exquisitos? Quid bibit? vinane præstantissima? Quomodo cubat? nū

5. Vt exemplo Christi bonos contrahant habitus,

Deuotionis.

Grauitatis.

Asperitatis.

Abstinentis.



in mollibus plumis, acutque præciosè pictis  
 linteaminibus? vt mundus & docet, & facit?  
 Nihil horum; sed totum planè contrarium,  
 vestitus honestus quidem, sed vilis; lectus  
 humus, puluinar fortè lapis capiti supposi-  
 tus: cibus vel fames, vel tantillum panis cum  
 obsonio, potus aqua.

NOTA.

Stupendū sanè ( vt de hoc ultimo aliquid  
 dicam ) quī fiat, quòd in Italia Hispania & lo-  
 cis aliis vbi natiui vini summa est copia non  
 gustetur vinum ante decimum quintum, imò  
 & vigesimum ætatis annum ( inde tot in illis  
 partibus abstemii ) hīc verò quò vinum, vt  
 aromata aliunde defertur, ideoque carissi-  
 mo venit, nihilominus à quibusdam vix non  
 vicesimo post partum die instillatur infanti.  
 O peruerſitatem magnā, ò abusum nō feren-  
 dum ! Propterea non miremini si tales dispo-  
 sitiones, huiusmodi effectus sequuntur,  
 quales videtis. Quid enim lubricus adolescēs  
 purpuris, bysso, sericis, vinis ( vt alia taceam )  
 hisq; similibus deliciis à puero assuetus tandē  
 custode remoto aliud faciet, quàm quod quæ-  
 ret in dies singulos hisce præstantiora quæq; &  
 hac ratione omnia sua, seque penitus perdet  
 & pessundabit? Quare ne id fiat, tempestiuè  
 à parentibus & tutoribus eatur obuiam, vt  
 non talibus, sed contrariis potius assuescant  
 pueri, nempè vestitus asperitati, victus fru-  
 galitati, cubilis duricie, templi quoque fre-  
 quentationi ( quod certè non inuiti faciunt  
 pueri

pueri quamdiu sanguis Christi, quo in Baptismo abluti sunt in illis bullit) doctrinæ Christianæ, piis precationibus, sanctisque operationibus, & vno verbo humilitati, & omnimodis virtutibus. Ita. n. fiet, vt & eorum quæ in Baptismo promiserunt consuetudinem exercitationemque capiant, & totam vitam suam benè postea transigant. Sed iam quod reliquum est Euangelii perficiamus, & finem concioni imponamus. Sequitur itaque.

ET MATER EIVS CONSERVABAT OMNIA VERBA HÆC. Per verba hic facta quoque intelliguntur, phrasi consueta scripturæ sacræ. Cur autem Mariæ non Iosephi fiat mentio, dictum est aliàs, quia videlicet ipsa sapientior, quia propinquior, quia charitate feruentior. Ideò conseruabat omnia.

IN CORDE SVO imò & conferebat, vt superius dixerat. Iam enim eximie huius contemplationis B. virginis Lucas in hoc solo capite, tertio facit mentionem. Nec immeritò sanè, neque gratis. Tria enim inter alia meruit Maria hoc suo excellentissimo actu, primum esse dicique magistra Euangelistarum. (Sic. n. eam sancti vocant) in primis verò huius S. Lucæ quem explicamus, qui & hanc ipsam, quam tractamus historiam, & quæ eam præcedunt ab hac virgine creditur didicisse. Deinde meruit confusionem hæreticorum. Postremò consolationem & instru-

B. V. contemplatio, tria meretur.  
Luc. 2. 19.



Duo docet  
nos virgo.

ctionem Catholicorum. Solatur.ñ. nos contra impias blasphemorum linguas: instruit autē nos & delectari in rerū diuinarū contemplatione, & nihil præcipitanter agere; sed omnia diligēter in corde cōferre. Denique cōcluditur Euangeliū sententia iam aliās trutinata:

Duo Christus.

ET IESVS PROFICIEBAT VT HOMO. Notatur autē neque hīc neque vnqua amplius Iesum vocari puerum; vt scias cum ad vsum rationis veneris, & statū vitæ bonum tibi elegeris, te quoque puerū esse, & ad pueritiam redire non debere. Sed proficere de virtute in virtutem; sicut proficiebat IESVS.

Duo præposita fugienda.

SAPIENTIA ET ÆTATE ET GRATIA. Quæ verba iam declarauimus. Tu quoque si sapis idem facito, non peruertendo, sed sequendo diuinum ordinē. Nobis enim plerumque prima cura est ætatis, nempe vt liberi nostri crescant, vtque compti ac polituli appareant; reliquorum minor vel nulla. At secundum Christum ætas sollicitudinem habet minimam, vel nullam, vltro enim veniunt anni, & currit irrefragabile tempus: sapientiæ verò & gratiæ suprema cura esse deberet, tam nostri causa, quàm liberorum nostrorum ratione. Fiat itaque & fiat sincerè & verè atque vt hic dicitur.

2<sup>a</sup> Cor. 13. 27.

2

APVD DEVM, ET HOMINES. Provide-  
mus.ñ. bona non solum coram Deo, sed etiam coram  
hominibus ait Apostolus. Sed hic quoque præ-  
posterus ordo est fugiendus, & valde, nempe  
ne præ-

ne præcedere velint homines Deum. O quàm id peruersum, quàm turpe: & tamen frequēs! Quoties. n̄. diuinam gratiam perdimus, vt humanum fauorem demereamur? Quoties vt sapientes coram hominibus videamur, diuinam sapientiam (quæ nos docet nil adulatoriè agere) postponimus? Peruersus sanè ordo, & dicto huic contrarius. In quo priùs vt auditis ponitur *APVD DEVM*, postmodum *APVD HOMINES*. Exercendi itaque & pueri, & nosmetipsi sumus diligentissimè hac in parte, vt omnes actiones nostræ primum sint coram Deo, & si quidem sunt tales quæ illi displicent relinquantur: sin verò sunt quæ placent Deo, deriuentur etiam ad homines, illo modo, quem nos docuit ipse Christus dicens. *Sic luceat lux vestra coram hominibus: vt videant opera vestra bona, & glorificent patrem vestrum, qui in calis est.* Hæc de Euangelio dicta sufficiant.

*Mat. 5. 16.*

Concludamus iam concionem iuxta promissa, iisdem quibus cæpimus versiculis psal-  
mi, vt tum ex illis, tum ex Euangelio spem in nobis erigamus. Dicit itaque Dauid. *Ego autē sicut oliua fructifera in domo Dei speraui in misericordia Dei in æternum & in seculum sæculi. Confitebor tibi in seculum, quia fecisti & expectabo nomen tuum quoniam bonum est in conspectu sanctorum tuorum.* Quibus in verbis mira breuitate, & artificio omnia quæ ad spem sunt requisita, notantur. Notatur etenim hîc natura spei,

CONCLVSIO continens.

*Pf. 51. 10.*

Tum spei hæc naturam.



Fundamen-  
ta duo.

Auctorem  
DEVM.

Fontes duos

Media qua-  
tuor.

Mat. 25. 4.

Mat. 11. 21

Fructus toti  
dem.

hæc verò non est alia, quàm expectati-  
o futurorū quæ hîc recēsentur. Notatur  
duæ bales eiisdē spei; videlicet *misericordia Dei*,  
& fructificatio nostra. Notatur autor spei il-  
lis verbis: *Quia fecisti*. Nemo n̄. alius nisi so-  
lus Deus illam in nobis creare, firmareque po-  
test. Notatur & misericordia & bonitas, qui  
sunt duo fontes, vnde spes à Deo in nos effū-  
ditur. Notantur & media, quibus spes viua  
acquiritur, multa sanè & necessaria. Primū est,  
vt per fidem simus in *domo Dei*: extra Ecclesi-  
am. n̄. non habetur. Secundum, vt simus  
*oliva, oleum*, habentes *cum lampadibus* alias n̄.  
à nuptiis sponsi excludemur. Tertiò, vt  
simus *oliva fructifera*, fructus bonorum o-  
perum edentes; sine quibus spes nulla est,  
quia viua non est. Ideo ficus fructum non fe-  
rens à domino Iesu maledicitur, & statim are-  
scit: idem nobis cauendum valde. Notatur  
& oratio ac imploratio diuini auxilii, & san-  
ctorum eius, quæ multum ad spem firmandā  
conferunt. Notantur denique commoda,  
ac vtilitates, quæ inde proueniunt singulares  
& excellentissimæ. Confessio videlicet, ac lau-  
datio continua, diuinæ bonitatis ac munifi-  
centiæ: confessio etiam vilitatis, & miseriæ  
propriæ, quæ magna indiget misericordia.  
Coniunctio item ac consortium sanctorum o-  
mnium, quod fit per charitatem, qua om-  
nia membra, & quæ in cælo, & quæ in terra,  
& quæ subtus terram sunt, admirabili modò  
copu-

copulantur, & in vnum corpus, cuius caput Christus est, coalescunt. Ad extremum summa vtilitas est conspectus cum sanctorum omnium, tū verò ipsius Dei in vnitae trini in æternum & in *seculum seculi*.

Hæc sunt quæ breuissimis verbis Psalter cō-  
 plexus est, & hæc ipla in Euangelio explicata, si non omnia, certè præcipua videre licebit. Sit ab infantia bona puerorum educatio. Bona verò erit, si nō nobis, sed Dei Deo filios enutrire studuerimus: Deo autem (qui Spiritus est) illos formabimus, si quæ spiritus sunt vna cum lacte illis instillauerimus, deuotè non pomposè; spiritualiter non carnaliter, asperè potius quam delicatè eos tractando bonis Doctōribus bene instruendos tradendo; bonam statum vitæ electionem nō solum non impediendo, sed etiam promouendo. Deniq; ad omnem virtutem & pietatem teneram ætatem assuesfaciendo. Sit & adultis potissima cura de salute propria, fugiendo quæ fugere, sectando verò quæ facere nos Euangelium docuit. Sit omnibus tam iuuenibus, quàm senibus sollicitudo summa & esse, & perseverare in iis, quæ patris nostri sunt cælestis, vt nos puer sanctissimus Iesus docuit: proficere quoque in gratia, & sapientia corā Deo prius, deinde secundum Deum coram hominibus. Hæc n. si fecerimus erit in extremis spes, & vobis, & liberis vestris; post ipse verò, res ipsa; adeptio videlicet ciuitatis Hierusalem.



rusalem, visionis pacis æternæ, vbi videbitur, & laudabitur, & gustabitur Deus Deorum in Sion in æternum, & in sæculum sæculi. AMEN.

DVODEN-  
NIS IESVS  
DOCET  
TRIPLI-  
CEM CHA-  
RITATEM.

Excusatio  
de imitatio-  
ne Christi  
& SS. repel-  
litur.

## CONCIO QVARTA.

### Charitas.

**E**ST plerisq; in more positum, quando eos ad vitam piæ, sanctæ, ac vt Christianos decet transigendam propositis sanctorum, & ipsius Christi Domini exemplis excitamus, illam pretextere excusationem, vt dicant sanctos quidem insigni sanctimonia homines fuisse, se verò peccatores esse: Christum autem Iesum, verum Deum & hominē quis (dicere soletis) imitari poterit? Verum neutra excusatio valet quicquam. Nam quod ad sanctos attinet, constat certè omnibus, illos eiuldem naturæ nobiscum fuisse: Erant n̄. homines sicut nos homines sumus: erant vt & nos in peccatis concepti, & nati: erant in mundo isto, qui teste scriptura *totus in maligno positus est* constituti, vbi nos quoque collocati sumus: quæ verò illi ad pietatem & sanctitatem siue incitamenta, siue auxilia habuerunt, eadem & nos vel habemus, vel habere poterimus, si facere voluerimus, quod illi fecerunt, quod utique in nostra (sicut in illorum

1165.19.

illorum fuit) si tum est potestate. Peccatores  
 verò quot fuerunt etiam ex iis, qui inter san-  
 ctissimos censentur? Quare si placuit nobis  
 eos imitari in vitiis, placeat æmulari in pæni-  
 tentia, & bonis operibus: ita enim nos quo-  
 que sicut & illi sancti erimus. Ratione autem  
 Christi IESU posset excusatio ista aliquem  
 locum habere, si siue nos, siue alii vos horta-  
 rentur, ad imitanda Christi opera diuina. Ve-  
 rum secus imò contrarium fit omninò. Quis  
 enim vestrum audiuit vnquam concionato-  
 rum suadentem vobis vt pedibus supra mare  
 ambuletis, vt mortuos suscitetis, vt alia his  
 similia faciatis, quæ fecisse Christum constat?  
 Arbitror equidem tam stolidum fuisse ne-  
 minem: id verò noui & me, & alios monu-  
 isse vos frequenter, imitari patientiam Chri-  
 sti, quia id ipsum multò ante docuit vos prin-  
 ceptis Apostolorum Petrus. Memini etiam sua-  
 disse nos vobis, sectari humilitatē Iesu, quia  
 ad hanc ipse ore nos suo hortatur Christus di-  
 cens: *Discite à me quia mitis sum & humilis corde.* *Mat. 11. 29*  
 Quod si potuit se humiliare tam altus, tam  
 magnus, tam omnipotens, ipse denique De-  
 us, cui humiliatio in propria repugnat natu-  
 ra, ideò nostram assumpsit, vt humiliare se,  
 & nos humilitatem docere posset: quato  
 magis poterit, imò debet humiliare se ho-  
 mo, cinis, puluis, putredo, & vermis? Pati-  
 entiam igitur, humilitatem, & his similia do-  
 cemus, suademus, inculcamus vobis, quæ si  
 exequi

Christus  
 quomodo  
 imitandus.

1 Pet. 2. 21.

Humilitatis  
 stimulus.



exequi recusatis, nulla profectò erit vestra excusatio. Cæterum ne vos terreant exempla virtutum Christi in virili facta ætate: ecce adsunt in ipsa pueritia exhibita, in qua nihil eum fecisse quòd esset supra vires ætatis illius affirmare videtur ipsa Ecclesia, quæ libellos de miraculis infantia Christi conscriptos repudiat. Imitari itaque duodennem saltem non pigeat: tum iuuenibus iuuenem, tum adultis, vel etiam senibus puerum. (vt illum hodiernum Euangelium vocat) Verù ne vel minima excusandi nobis remaneat occasio, in eo vobis hodie Christum imitandum proponemus, quod est rerum omnium, quæ sunt in mundo suauissimum ac dulcissimum, ideoque factu facillimum. In amore inquam, quo nihil delectabilius in nobis auctor naturæ creauit. Neque verò amoris alicuius particularis, sed omnis omninò charitatis exemplum nobis dedit hodie puer amantissimus Christus IESVS: Audistis etenim in charitate imaginem Trinitatis relucere, ac proinde charitatem trinam & vnã reperiri in nobis. Totius igitur rei huius typum habemus in Euangelio & exemplum admirabile.

*Dñ: 3 Adu.  
conci: 4.*

PROPO.  
tripartita.

Quare iuxta datam diuisionem, tria nunc nobis considerata obueniunt: Primum, quæ in amando Deo, deinde, quæ in dilectione nostri, postremo, quæ in charitate proximi nobis sint Christo instruente seruanda. Tu  
amor

amor Iesu doce nos amare, non solum exemplum dando, sed etiam Charitatem in nobis creando, ac in æternū nos in ea conseruando.

Non sine causa, nec absque grandi mysterio is, quem præmanibus habemus Euangelista Lucas sacer, alterum, quem Ecclesiæ reliquit, & Acta Apostolorum intitulauit, librū suum sic exorsus est: *Primum quidem sermonem feci de omnibus o Theopile, quæ capit Iesus facere, & docere.* Duo etenim inter alia nobis his verbis insinuare videtur de Christo domino: Alterum, illū prius *facere*, quàm *docere* incepisse: alterum, eum longo tempore fecisse, paruo docuisse. Magnum mysterium, quod merito ipse Lucas solus attigit, quia ipse tantum nobis descripsit, quæ Christus Iesus in sua pueritia, & adolescentia gessit. Hæc verò hodierno continentur Euangelio, in quo paulo quidem copiosius tractat, quæ duodennis in templo fecit Christus, reliqua verò quæ vsq; ad trigessimū ætatis suę annum operatus est, tribus perstringit verbis dicens ERAT SUBDITVS ILLIS: parentibus videlicet. Iccirco cum Ioseph fuisset faber, etiam ipse Christus creditur cum illo artem fabrilem exercuisse: *Mat. 13. 55* ac proinde etiam ipse à Iudæis faber nuncupatur. Tringinta itaq; annis multa fecit, pauca docuit; tribus autem annis & aliquot mensibus verbo etiam docuit, & sermonem suum signis ac miraculis confirmauit. Vnde euidenter apparet, decimam tantum quasi partem

I. PARS.  
Christus prius opere quam verbis docuit.

*Mar. 6. 3.*  
Et multo diutius opere.  
*Ioan. 15. 24*



Idem nobis  
faciendum.

Docuit au-  
tem charita-  
tem vnam  
& triplicem

Imo etiam  
præcepit  
Dei & pro-  
ximi clarif-  
icari.

Mat: 22.

40.

Sui ipsius  
subobscur.

partem ætatis suæ Christum predicationi dedisse. Quod verò hic sit mysterium nouit ipse, & is, cui voluerit reuelare. Nobis sufficit at duas inde haurire doctrinas. Vnam, ut studeamus nos quoque ad Christi imitationem prius facere, quàm docere; & multo tempore in operibus bonis nosmetipsos exercere, postmodum ad munus prædicationis vel Doctoris accedere. Alteram, ut sciamus longè maioris esse momenti, opere, ac bonæ vitæ ædificatione, quàm verbis docere: hæc enim sine illa nihil vel parum admodum valent; illa sine sermone multum; factis enim ipsis loquimur: si tamen vtrumque coniungatur, magnæ efficaciz opus erit. Hoc fecit Saluator noster hodie, paucis verbis, multis factis nos docendo, cum alias virtutes, tum verò charitatem & charitatē vnam & trinam. Nam etiam si in se vna tantum sit charitas, vnus secundum Deum amor: attamen tres habet respectus. Ferimur enim charitate & in Deum, & in nosmetipsos, & in proximum nostrum: & Deum quidē in se & propter se, nosmetipsos verò in Deo, proximū autem nostrum propter Deum diligimus.

Hinc oritur vnum illud, & tamen triplex dilectionis præceptum, in quo teste Christo *vniversa lex pendet ex Propheta*. Nam etiam si duorum tantum (Dei videlicet & proximi) clara fiat ibi mentio, amor verò nostri subtilecetur, tamen mirum id videri non debet. Si-  
cut e-

cut enim impulsus nullus requiritur, vt aut lapis deorsum, aut ignis sursum feratur cum id natura duce impigrè præstet, vterq; : vt autem lapis quidem sursum ascendat, vi propellendus est; ignis vero vt in inferioribus detineatur; nutriendus (vt scripturæ verbo vtar) *Leu: 6. 12.* congruo sibi alimento erit: ita amor, non est, quod ad nostri dilectionem præcepto adigatur, cum id plus etiam æquo libenter faciat. Incitandus est autem, vt in Deum, & proximum feratur, quia in natura per peccatum deprauata ægre id facit. Hæc igitur licet ita se habeant, tamen si diligentius rem intueamini, in præcepto dilectionis proximi, mandatum quoque implicitum de amore nostri inueniemus. Dum enim mihi præcipitur vt diligam proximum sicut memetipsum, profecto & mei mihi mandatur dilectio: teneor igitur meipsum amare, verum quia cauendum est summopere, ne inordinata hæc sit nostri ipsorum dilectio, iccirco vide quàm, sapientissime sit diuina bonitas hoc præceptum moderata. Nam cum præcipit nobis diligere proximum sicut nosmetipsos amamus, duo triaue nos docet. Primum, modum diligendi proximum præscribit. Secundo, cum amor proximi propter Deum (de hoc enim loquor nam alter qui siue ex cognatione, siue ex illicita causa procedit, nimis feruens est plerumque) sit in nobis frigidus valde, feruenti amore nostri calefacere, illum Deus voluit, è con-

Et causas  
NOTA



Quomodo  
amor nostri  
& proximi  
temperatur.

è contra verò accensum nostri amore tem-  
perare gelido, qui in nobis est vt plurimum  
proximi amore diuinan nos docuit prouiden-  
tia: vt hac ratione vterque ad æquilibrium  
perueniat suum. Quare cum vides ex vna  
parte indigentem tua opera proximum, ex  
altera sentis frigiditas in te oriri excusationes,  
quæ te a benefaciendo auocant, recorderis te  
esse obligatum amare proximum sicut tei-  
plum, & quod tibi in simili casu fieri ab alio  
velles: tu alteri exhibe. E contra verò cum  
sentis te tui amore æstuantem appetere su-  
perflua siue in victu, vestitu, somno, & ali-  
is corporis necessitatibus veletiam volupta-  
tibus; siue in honore, gloria, vindicta, & re-  
liquis generis eiusdem; siue etiam in bonis  
externis ac diuitiis, recogita quid faceres pro-  
ximo talia appetenti ac desideranti, & tan-  
tundem tibi tribue; sic. n. crede mihi men-  
suram non excedes æquitatis. Videtis quàm  
sint ista & vtilia, & iucunda? Sed quia ea de  
re antea quoque disseruimus, ideò hæc id lo-  
ci sufficiant ad declarandum quomodo Chri-  
stus Dominus triplicis huius amoris nobis  
adhuc puer exemplum præbuit.

VNIRE est  
amoris pro-  
prium.

Quam ad rem penitiùs intelligendam illa  
amoris conditio est nobis consideranda, qua  
amans ita amato coniungi desiderat & sata-  
git, vt quantum fieri potest vnum cum ama-  
to efficiatur. Cognouerunt hanc dilectionis  
proprietaem Philosophi lumine solo natu-  
rali.

rali, imò ipsa experientia edocti. Sed & in  
 scriptura eius habemus exempla; sufficiat il-  
 lud de amicitia quæ inter Ionatham filium  
 Saul & Dauidem intercesserat: de qua sic ait  
 scriptura. *Et factum est cum compleisset loqui ad*  
*Saul (Dauid) anima Ionathæ conglutinata est ani-*  
*ma Dauid, & dilexit eum Ionathas, quasi animam*  
*suam.* Ac proinde anima Ionathæ ibi fuit v-  
 bi erat Dauid, hæc enim natura est amoris. Fit  
 autem hoc nonnunquam tam validè, vt etiã  
 dum homo dormit, anima amantis vigilet,  
 & ibi sit vbi est amans. Testatur id sponsa in  
 canticis dicens; *Ego dormio, & cor meum vigilat,*  
 iccirco quamuis dormiuerit, tamen resona-  
 bat in auribus eius *vox dilecti pulsantis* & dicen-  
 tis. *Aperi mihi soror mea.* Itaque hæc amoris  
 proprietates est nobis notanda, quæ in charita-  
 tetantò est & excellētior, & feruentior, quã-  
 tò magis (incompræhensibili quasi modo)  
 charitas omnes alios superat amores. Audi-  
 sti. n. quid dixerit sponsa, indeque collige  
 quomodo nec somnus, nec locorum distan-  
 tia, nec diuersitas conditionis seu status, nec  
 quicquam aliud hanc vnionem possit impe-  
 dire. Quid. n. magis distat siue natura & pro-  
 prietate, quàm somnus & vigilia, siue loco,  
 quàm cælum & terra? siue conditione, quàm  
 creator & creatura? & tamen ita hæc coniun-  
 guntur amore, vt omninò sint simul. Ideò  
 clamat discipulus quem diligebat Iesus: *Deus*  
*charitas est, & qui manet in charitate, in Deo ma-*  
*net &*

Exemplum  
 Dauidis &  
 Ionathæ.

1 Reg: 18. 1

Aliud spon-  
 si & sponsæ.  
 Cāt: 5. 2.

Quam vali-  
 de id fiat.  
 NOT A.

1. Io: 4. 16.



Cum Deo  
fit modis in  
numerabili  
bus.

TR ES pro-  
ponuntur.

PRIMVS sit  
peroratio-  
nem.

Mat: 21. 12

If: 56. 7.

Exemplum  
Christi du-  
plex.

*net, & Deus in eo.* Quamuis autem hæc coniunctio Charitatis fiat variis & planè innumerabilibus modis, quæ omnipotens & potest & consuevit excogitare; ac in animis suorum suorum formare: tamen ex parte nostri, tres sunt inter alios haud postremi. Nam in charitate constituti coniungimur Deo, tū per feruentem orationem, meditationem, contemplationem: tum per veram, simplicem, sinceramque nostri, diuinæ ipsius bonitati, oblationem: tum per fidelem, iugem, continuamque propter eum operationem. Quorum omnium Christus Dominus, in pueritia sua, quæ in hodierno describitur Euangelio luculentum exhibuit nobis ad imitandum exemplum.

ASCENDENTIBVS etenim parentibus suis IEROSOLIMAM ad templum illud Dei viuentis & videntis toto terrarum orbe celeberrimum, ascendit & ipse Iesus cum illis SECUNDVM CONSVEVDINEM DIEI FESTI. Quare porrò ascendit? Ad illa procul dubio tria præstanda. De primo exstat ipsiusmet Christi clarum testimonium, qui cum ex eodem templo eiecisset ementes & vendentes, subiungit dicens. *Scriptum est Domus mea Domus orationis vocabitur.* Quod ergò alios docuit, ipse non perfecit? propter quod templum factum esse asserit, id ipse in templo existens facere neglexit? Non omisit e- quidem, imò tam feruenter est exequutus, vt non

vt non ei sufficeret deuotio parentum lege, & consuetudine firmata; sed addere triduum aliud voluit; vt & in primo doceret omnes, reddere *quæ sunt Dei Deo*, id est, ad quod præcepto obligantur; & in secundo instrueret cū alios, tum verò qui in sortem domini vocati sunt addere & alias, ad quas non tenentur orationes. Nam fecisse Christum hodie, quod postea scriptura de illo testatur dicens. *Exijt in montem orare, & erat pernoctans in oratione Dei*, nemo pius dubitauerit. Si. n. tū orauit in monte, quantò magis id præstitit in templo, quod ipse domum orationis vocauit?

Mat. 22. 21

Luc. 6. 12

Hic iam videat quilibet vestrum, & examine-  
minet suam cōscientiam, an imitetur Christū  
& parentes eius, tum in iis, quæ ex præcepto  
Dei dato nobis per Ecclesiam, facere tenentur:  
tum in his, quæ exemplo Christi par est  
nos obseruare. Tenemini omnes, vt scitis,  
integro sacro Missæ officio, diebus festis deuotè  
interesse, semel verò saltem in anno confiteri,  
& Eucharistiam sanctam in paschate sumere:  
Vos verò parentes, vos Domini, vos patresfamilias  
tenemini efficere vt hoc ipsum liberi, famuli,  
familiaque vestra præstet. Facitisne? Si non  
facitis nullam profectò excusationem in illa die  
habaturi estis, tum ob neglectum Christi exemplum:  
tum quòd nesciam an ad aliquid leuius mater vestra  
Ecclesia obligare vos potuerit: quanta ergò

Quomodo imitandum

Tum ex obligatione quæ est leuissima.



erit ingratitude, neque rem tam modicam amore Christi præstare velle? Idem dico Ecclesiasticis & beneficiatis (quos vocant) qui præter dicta, obligati sunt & officium diuinum quotidie attentè persolvere, & alia præstare, quæ ipsi norunt, vel nosse debent.

Tum ex charitate erga  
DEVM.

1<sup>a</sup> Tess: 5. 22

x. Obiectio  
soluitur.

Quod si redditis quæ debetis, addite quæso & alia: primum quidem ea, de quibus dubitatur à Doctoribus, an ad illa non sitis cōstricti, quale est audire conciones: neque dubito certis personis in quibusdam casibus id pernecessarium esse. Vniuersos verò monet Apostolus *ab omni specie mala abstinere*, mali autem species est, bonum necessarium ac consuetum negligere: vel etiam contemnere. Deinde quæ siue consuetudine firmata, siue à maioribus nobis tradita sunt continuanda erunt; huius generis est adesse pluribus etiam sacris, adesse cantatis tum missis, tum vesperis; adesse matutinis quoque precibus, prout maiores nostri fecerunt tribus, quatuor, imò & pluribus nonnunquam horis continuis in templo manentes. Sed est quod domi agam, inquis. Quid? maiores nostri nonne & ipsi rem familiarem curabant, & tamen illa Deo, amore ipsius exhibebant? Videte itaque ne ipsi iudices vestri sint, vt interim taceam habere vos sex dies ad laborandum, & similia, quæ alia oblata occasione dicuntur. Postremo addenda sunt etiam plura Christi amore prout ipse plura addidit patris sui dilectione.

Cete-

Cæterum si hæc omnibus cōpetunt Chri-  
 stianis, quantò magis illis conuenient, qui  
 aut perfectiorem statum sunt complexi, aut  
 ad perfectionem tendunt? Quis enim non  
 videt quid tales agere: quales cum in aliis vir-  
 tutibus: tum verò in oratione profectus fa-  
 cere eos oporteat? Nam vt puerum Iesum  
 iterum inspiciamus, quis nobis enarrabit quàm  
 feruentes orationes ille hodie fuderit? quàm  
 patri suo caelesti continuò supplicauerit? quas  
 pernoctando in oratione ecstases habuerit?  
 Imitemur illum itaq; obsecro quantum pos-  
 sumus saltem puerum adulti: quod si aut nō  
 possumus, aut nolumus cum Christo totas  
 noctes peruigiles in oratione consumere: sal-  
 tem cum Dauide media nocte mētes nostras  
 ad Deum eleuemus. Quid enim ille? *media  
 nocte*, inquit, *surgebam ad confitendum tibi*. Et  
 iterum: *Septies in die laudem dixi tibi super iudi-  
 cia iustitiæ tuæ*. Si septies in die contemplaba-  
 tur, & laudabat David iudicia iustitiæ diui-  
 næ, quoties meditabatur & exaltabat opera  
 misericordiæ Dei? cum ipse testetur, quòd  
*miserationes eius super omnia opera eius?* Præte-  
 rea si David & Rex, & tot tribulationibus  
 ac bellis districtus, hæc faciebat; quam hic  
 excusationem alii etiam sæculares habebunt?  
 Et si istorum nulla quicquam valebit purga-  
 tio, quantò minoris erit ponderis clericorū,  
 sacerdotum, religiosorum, virginum voto  
 constrictarum & aliorum his similium excu-  
 satio?

Spirituales  
 quid hic  
 præstabunt

Exemplo  
 Christi.

Exemplo  
 Dauidis.  
*Psi: 118. 62.*

*Ibidē 164.*

*Psi: 144. 9.*



Duplex ma-  
teria contem-  
plationis  
NOTAN-  
DA.

satio? Hæc igitur consideremus diligenter & videamus, vt saltem Ecclesiastici secularem imitemur. Et hic est primus modus, quo in charitate Deo nostro coniungimur, nempe per orationem, meditationem, contemplationem: quarum duæ illæ contemplationes ex Dauide prolatae excellentissime sunt; profunda & admiratione plena est illa prior consideratio, videlicet iustitiæ Dei, & iudiciorum eius occultorum: Sed posterior, quæ in meditatione misericordiarum & beneficiorum eius consistit, & suauior, & securior.

SECUN-  
DVS vnio-  
nis modus  
cum Chri-  
sto est per o-  
bationem.

Exemplum  
Christi.

Alter modus quo in igne Charitatis coniungitur creatura creatori, homo Deo, est vera sinceraque sui ipsius Deo facta oblatio: quæ coniunctio tantò est prior excellentior, quantò vberior. Nam in oratione mente tantum, at in oblatione toti cum omnibus quæ possidemus & sumus, creatori nostro & Christo Iesu in charitate copulamur. Huius typum præbuit nobis hodie Christus dominus, quando remansit in templo insciis parentibus. Mansit autem non ideò vt arbitror, quòd illi factum hoc ipsius impediuisent, sed ne alii alios, id est parentes & cognati nos impediant: quod fit vt plurimum. Voluit ergò exemplum nobis dare in innocentibus, vt sciamus quomodo nos regere debeamus cum nocentibus, & diuinam vocationem in nobis impedire conantibus; nempe, vt si aliter fieri nequit, etiam inuitis, etiam insciis illis, ad offeren-

ferendum Deo nos accingamus.

Duplici autem ratione auocare solent parentes, cognati, & amici aliquos à Dei seruitio, vel inducendo illos ad id quod præceptis diuinis est contrarium; vel auocando eos à sectandis consiliis Christi domini, ad quæ ab ipso accersuntur. Primum genus frequens est inter Hæreticos, qui liberos ad fidem Catholicam conuersos, modis omnibus ab ea retrahere conantur, rarius verò inter Catholicos. Reperiuntur nihilominus nonnunquam inter eos aliqui tam impii, vt ad peccandum filios, cognatos, & amicos suos impellere non vereantur, cum propter commodum aliquod temporale vt diuitias, honoresue obtinendos: tum ad impediendum secundum illud genus: prout in D. Thoma Aquinate & aliis factum legimus. O deplorandum genus hominum. Postremum verò genus tam frequens est etiam inter Catholicos, vt raros inuenias, qui liberos cognatosue suos Deo sese deuouere volentes, à proposito non auocent, imò arceant; rariores, qui suadeant: nisi forte nonnunquam, aut ob defectum aliquem corporalem, aut ad familiæ dignitatem conseruandam, quod aliud in alio extremo positum vitii est pessimum genus.

Parentum vitia hac in parte.

1. Impedire præcepta à Deo.

2. Impedire vocationem ad consilia.

3. Extrudere inuitos.

Nostris exempla: suggeramus aliquot. Est aliquibus filius, filiaue manca vel deformis corpore: sunt aliis plures liberi; ad Ecclesiasticum, vel monasticum statum inuitos etiam

NOTA peruersum iudicium.



Et scripturæ  
contra.

Mal: 1. 8.

1. Cor: 9. 9.

Obiectio  
soluitur.

am & reluctantes impellunt, non Dei amore, sed carnis, mundi; temeritate. Nunquid non videtis quàm Deo contraria faciat semper caro, mundusq;? quem vult Deus, nolunt dare isti, quem vel quam non vocat Christus ad consilia sua amplectenda, cogūt illi. O peruersum iudicium! o impia pietas! Nam quasi sub pietatis specie fiunt nonnunquam talia. Pulchre tales Deus per Prophetam perstringit dicens. *Si offeratis cecum ad immolandum nonne malum est, & si offeratis claudum & languidum nonne malum est? offer illud Duci tuo, si placuerit ei aut si susceperit faciem tuam dicit Dominus exercituum.* Applicemus nos nobis, nouoq; testamento, & dicamus cum Paulo.

Nunquid de bobus cura est Deo? an integer vel

ac vt

ac ut Christianos decet amore Christi maiorem ipsius honorem promouendum curent.

Quod si parentes, & cognati facere noluerint, tu qui vocaris, fac, memor dicti illius, quod alias retulimus: [licet & in limine pater iaceat, percalcatū perge patrē: siccis oculis ad vexillū crucis euola] memor & ei quē laudat Dominus per Moysē: *Qui dixit patri suo & matri*

Qui vocatur instruuntur ut faciant.

Hieronymus in Epistola ad Nepot:

*sua: Nescio vos: & fratribus suis Ignoro vos: In-* Deut: 33.9

primis autem memor cōminantis Christi & dicentis: *Qui amat patrem, aut matrem plus quam me, non est me dignus.* Horum omnium, & simi-

Mat: 10. 77.

lium, & exempli quod habes in Euangelio memor, si à Deo vocaris, Christum sequere, Christo te consecra, Christo te totum in odorem suauitatis & fragrantiae (quæ in charitate maxima est) offer, trade, mancipa. Si inquā

à Deo vocaris: nam etiā hīc aliud extremum cauendum est, ne preproperè, ne indeliberatè.

tè, ne leuiter fiat, quod grauius toto vitæ tempore seruandum est. Hinc enim inquietudo cōscientiæ, hinc malæ penitūdines, hinc Apostasiæ sæpè sequuntur. Ideò etiam addi-

Sed sincere

dimus verè, & sincere hæc facienda esse, non aliqua sinistra intentione, non propter defectum rerum temporalium, non ad otium aspirando, sed purè propter amorem Dei, & seruiendi ei desiderium, non denique ab homine persuasus, sed à Domino vocatus sequaris. Nā humana trāsēūt, diuina firma sunt omnia.

Verū dicent hīc parentes, & alii talia impedien-

Obiectio soluitur.



Quam va-  
x è Christus  
trahat.

Joan: 12:32.

dientes; hoc ipsum est, quod nos infectamur, hoc quod asserimus, videlicet, indeliberatum id fecisse iuuenem, persuasum ab aliis. Noui vos hæc affirmare vnà cū Hæreticis, id vobis suggerentibus, qui sicut nihil tale sentire in corde suo à Deo vocante possunt: ita idem de aliis sibi persuadent: ideoque omnia in malā partē interpretantur. Inuitus inquit fecit, desperatione adaectus fecit, persuasus fecit, licet contrarium nonnunquam, non modo oculis cernant suis, sed & manibus palpare possent, si vellent. Expertus equidem ad laudem Iesu loquor. Si omnes omnium orbis oratorum linguæ conuenissent in vnum, nunquam id persuasissent prius, quam diuina accessisset vocatio, imo persuasio, imo tractio. Trahit enim Christus vt ipse testatur dicens: *Omnia traham ad me ipsum*, & trahit miris & infinitis modis; trahitque fortiter, & tamen suauiter: trahit diuersos diuersimodè, nullum tamen inuoluntariè, quosdam autem trahit (vt ita dicam) etiam voluptuariè, id est, non solum volētes, sed & gaudētes, & præ gaudio exultantes. Qui expertus est scit quid loquor, qui nescit roget Deum, vt gustet: ita enim sciet. Nam non solum ad statum religiosum (licet peculiariratione hæc talibus conueniant) sed etiam ad quoduis opus bonum trahit Deus homines, trahit Christus Christianos, imò & alios, hunc videlicet ad fidem Catholicam, alium ad pœnitentiam de peccatis;

alios

alios ad opera misericordiæ exercenda, alios ad alia. O si instinctus diuinos, & tractiones eius dulcissimas omnes & audire, & sequi vel-  
lent, quàm plena essent bonis Christianis omnia, quàm referta Sanctis personis monasteria, & collegia! verùm iam ad nostra red-  
amus & hunc alterum Deo se coniungendi, modum exemplo Christi in Euangelio de-  
scripto concludamus.

Christo itaque (vt dicta in pauca cōstringa-  
mus, & aliqua addamus) Saluator & Doctōr  
noster, inter alia hæc documenta dedit hodie.  
Primum parentibus, ne impediāt liberorū  
vocationem, ne fortè interitus filiorum rei  
existentes grauissimè puniantur. Nam esse a-  
liquos in mundo, qui saluari non possunt, ni-  
si fiant monachi, vel religiosi testatur eiusdem  
Christi vicarius D. Greg. Magnus: Ideoque  
Mauritium Imperatorem ingressum religio-  
nis militibus prohibentem grauiter reprehē-  
dit. videant parentes, & alii Catholici, quan-  
tum hoc sit periculum. Docet præterea idem  
Dominus Iesus, & eodem parentes, & alios  
omnes, ne temerè iudicent, quo quis sine sta-  
tum perfectiorem complexus fuerit. Sicut  
enim hic poterat quis errare, perperam inter-  
pretando mansionem Christi in templo, in-  
sciis parentibus, ita nunc sæpè temerariè iudi-  
cando peccatur. Frequenter enim diuinam  
vocationem (imò tractionem.) aut homini-  
bus, aut ipsi etiam dæmoni per magnum ne-

Documenta  
hinc Christi  
1. Parentib⁹  
ne impediās

D. Gre: lib: 2.  
2. Regist: E.  
pist: 61.

2. Eisdem &  
aliis ne iudi-  
cent,

fas



3. Ne in uiti  
extrudantur.

4. Ut fiat bo  
no fine,

5. Ut ætate  
firma.

3es: 25.  
cap. 15.  
de Regul:

6. Ut in sciis  
etiam parēt.

Act. 5. 29-

Parentum  
inde honor.

fas adscribimus. Docet item non esse extrudendos, aut cogendos, filios, filiasue ad religionem vel statum spirituales amplectendum: hoc enim opus voluntarium esse debet, sicut fuit in Christo. Docet etiam illos, qui volunt se dedicare Deo, ut id purè & sincere faciant, non humano fine vel persuasione, sed ex charitate, illo solo desiderio, ut sint IN HIS QUÆ PATRIS SUNT: id est, ut exequantur, ad quæ cos pater cælestis vocat. Docet insuper in his non leuiter, sed deliberatè procedendum esse, ideò & in templo manet, & anno ætatis suæ duodecimo id facit: hoc enim tempore ad perfectum usum rationis peruenire solemus. Quod vero Conc. Triden: anni decimi sexti expleti meminit, non hoc ideo sancit, ut prohiberet, ne quis ante id tempus Deo se suo offerre possit, sed vult ne professio ante illud tempus facta valeat. Docuit deniq; hanc oblationem in sciis etiam parentibus posse fieri, imo fuco aliquo hac in parte uti, non esse crimen doli, vel irreuerentiæ; sed esse virtutem prudentiæ, & Sanctæ obedientiæ: quia *obedire oportet Deo magis quàm hominibus* inquit D. Petrus. Quare & illos, qui ad talem oblationem à Deo vocantur, ut alacriter id faciant moneo; & parentes, ut læti hoc ipsum suscipiant, hortor. Nam quod cognati, vel parentes nunquam ignominia sibi ducunt, ut filii eorum siue in religione, siue alio modo Deo se offerant,

offerant, id profectò non minus Christiano  
 nomini, quàm ipsi veritati repugnat. Quid n̄.  
 magis pugnat cum professione Christiana,  
 quàm id probri loco ducere, quod Christus <sup>Exemplum</sup>  
 Dominus probat, laudat, consulit? Sed & cū <sup>Christi Do-</sup>  
 veritate pugnat: nam vt septa Euangelii ho- <sup>mini.</sup>

dierni non egrediamur; Peto, hæc Christi in  
 templo insciis parentibus remansio, fuitne il-  
 lis dedecori, ac honori? Dedecori, fuisse ne-  
 scio vnde quis non dico probare, sed vel suspi-  
 cari poterit: Honori autem fuisse, nimis eui-  
 dense est. Nam à Doctoribus illis Ierosolimi-  
 tanis viris præcipuis qui STUPEBANT S V-

PER PRVDENTIA ET RESPONSIS

CHRISTI Domini parentes ipsius honori-

ficè habitos, doctoresq; de tali filio congra-

tulatos eis fuisse nemo dubitauerit. Quod

etiam nunc sæpè vsu venit. Nam vt aliquot

afferam exempla, ex infinitis, sint tria (& v-

num illorum domesticum) ex sola S. Domi-

nici familia. In hac n̄. ipse D. Dominicus D.

Thomas D. quoque noster Hyacinthus, plus

equidem familiis Gusinanorum in Hispania,

Aquinatum in Italia, Odrouasorum in Polo-

nia dignitatis, gloriæ, & honoris attulerunt

vili sua & abiecta secundum mundum pau-

peratis professione, quàm omnes maiores

illorum ex omnibus suis diuitiis, dignitati-

bus, imaginibus, olim retulerant. Ex his n̄.

dictæ familiæ in suis tantum prouinciis, &

paucis vicinis cognitæ erant: at propter vitæ

sancti-

Tria alia e-  
 xempla.



sanctimoniam Dominici, Thomæ, Hyacinthi, quam illis professio paupertatis attulit toti terrarum orbi innotuerunt & illustres factæ, futuræque sunt vsq; ad consummationem sæculi. Impossibile est enim vt lex Christiana, lex honoris & dignitatis, veram gloriam non pariat. Sed Dæmonum conatus sunt, perficere, vt virtus decori; vitium honori ducatur, quod sicut olim de religione Christiana persuasit Sathan gentilibus, ac Iudæis; ita nunc de religiosis ordinibus suadet, & persuadet Hæreticis, Pseudopoliticis, & quibusdam etiam frigidis Catholicis. Videant quid faciant, quos fabula tangit.

TERTIVS  
vñionis cū  
Deo modus  
est opus.

Postrema ratio ex propositis, qua creatura per charitatem suo coniungitur creatori est eorum, quæ placent Deo, fidelis & continuata exequutio. Qui modus tantò prioribus est excellentior, quantò opus verbis, facta dictis præstant: & quia hac ratione magis quàm in cæteris modis diuinæ assimilamur naturæ. Dei etenim est nunquam esse otiosum, semper autem nobis benefacere. In his igitur qui *Adiutores sunt Dei*, ( vt seipsum, & sibi similes vocat Apostolus ) vñum quodammodo fiunt cum Deo operando videlicet, quod ipse operatur. Hanc vñionem puer Iesus hodie nos & opere, & verbis docuit: Opere quidem, quando discedentibus parentibus solus mansit in Ierusalem, iuit ad templum, disseruit cum Doctoribus, obstupescere illos fecit, &

1 Cor. 3. 9.

Quomodo  
id Christus  
docuit.

et, & alia operatus est, in quibus secundum ordinationem patris æterni oportuit illum esse: verbis autem id ipsum respondens parentibus suadet; utroque modo nos instruens, quid à nobis requirat, quid ut nos facere oporteat; si hoc modo & ratione Deo coniungi exoptamus.

Et sane si diligenter hodierna facta Christi perpenderit, inueniemus illum & præcepta Dei decalogo comprehensa perfectissime executioni mandasse, & nos, quomodo sit ordinanda charitas, docuisse. Expleuit primæ tabulæ quæ Deum concernunt mandata: quia vnum Deum coluit, quia eum inuocauit, quia festa ipsius celebrauit. Expleuit & secundæ, quia parentes honorauit, ET ERAT SUBDITVS ILLIS: quia neminem læsit, nulli iniuriam intulit, nullius rem vllam concupuit, quia ita omnia illa negatiua præcepta obseruauit, ut non solum nihil tale, quod illa vetant, attentarit, sed etiam quomodo ea sint cauenda, suo exemplo docuerit. Ordinem quoque charitatis nos docet, dum & seipsum parentibus subdit, & tamen propter Deum etiam parentes deserit. Christum igitur dilectissimi imitemur, Iesu vestigiis instamus, hoc dicto Iesu sapientissimo & potentissimo omnia, quæ sese nobis offerunt facienda, diligenter examinemus: & si quidē reperiemus ea voluntati patris cælestis repugnare, omittamus, & reiciamus: sin verò talia

Quomodo  
decalogum  
impleuit.

Quomodo  
charitatem  
ordinauit.

Quomodo  
imitandu.



talia fuerint, in quibus iuxta voluntatem patris æterni oportet non esse, impigrè, alacriter, & incessanter exequamur. Hac enim ratione ad hunc præstantissimum gradum, quo Deo in charitate coniungimur, ascendemus.

I. P A R S.  
Amor nostri  
duplex.

Bonus pro-  
curandus.

Christi ex-  
plo mirado.

Sed iam alterum, quod proposuimus, videamus, quonam videlicet modo exemplo pueri Christi I E S V nosmetipsos amare, amandoque secundum Deum tractare debeamus. Nam secundum mundum, & carnem, alia, imò contraria amandi & tractandi nos est ratio. Hinc duplex amor sui sibi planè contrarius exoritur, alter à Deo, alter à dæmone, & natura nostra deprauata procedens, alter bonus, alter nequam, ideoque ille procurandus, hic mortificandus. Cuius rei exemplum dedit nobis eximium puer Iesus, non quòd mortificatione indigeret, qui quod mortificaret non habuit, quia peruerso illo sui amore omninò caruit; sed vt quod nobis est in nostra carne necessarium, ipse nos in sua innocentissima & tenerrima edoceret. O magnum charitatis opus; ô amor Iesu erga nos admirabilis. Ipse medicus, cui integerrima sanitas fuit, in puerili adhuc ætate constitutus, amaram gustat potionem, ne nos in peccatis nati, & enutriti, ægri nimis, ac medicina valdè egentes, illam fastidiamus, reiiciamusque, quod fit à plerisque plerumque. Aspicite quælo duodennem adolescentulum quomodo se gerit, quomodo ex purissimo

rissimo virginis Mariæ sanguine confectum, ideoq; tenerrimum corpusculum suum tractat, quomodo pedes peregrinatur, qui ad usum hominum vniuersa condidit iumenta, *Ubi cubat non iam in calido meridie, qualem Cant: 1.7.* sponsa quæsiuit, sed in frigida vna & altera nocte; quibus utitur stragulis, quibus puluillis? quando vigiliis fessa voluit reficere membra, lectus illi procul dubio terra fuit: *Ge: 28.11.* puluinar lapis capiti suppositus, quod etiam *Figura.* de Patriarcha Iacob olim in figura Christi legimus. Neque verò Angelos ascendentes & descendentes, imò tantam eius humilitatē admirantes defuisse Christo credimus, quos Iacobo adfuisse legimus. De cibo verò & *Cibus Christi.* potu, de vestitu, & aliis commoditatibus, quid dicam? Dixi in alia concione quædam, pauca ex multis quæ pii piè meditari consueuerunt: Sed & me tacente res ipsa loquitur, capones, perdices, carnes ferinas, pisces delicatos, vina quoque & varia & præcipua, aliaue fercula exquisita, & gulæ irritamenta, ibi omninò defuisse. Aderat autem ieiunium vltro susceptum, aderat fames vltro accersita (secus fit in nobis) aderat panis fortè & obsonii aliquid vel vltro oblatum, vel mendicato acquisitum, aderat & aquæ frigidæ haustus. Vestis verò fuisse illa creditur, quæ *Potus. Vestis.* matrem virginem fecisse spirituales meditatur, traditio clamat, illa inquam quæ in passione sic describitur: *Erat autem tunica in-* *Io: 19.23.*

T

sutilis



*futilis desuper contexta per totum: non sericea profecto preciosa, sed vilis lanea. Breuiter omnia aspera, vilia, abiecta, humilia.*

Amor nostri bonus, duo complectitur.

NOTA

Malus ex hominibus belluas facit.

Patet id, in Adam.

Notum est exemplum primorum parentum, qui gula sitate & superbia sua effecerunt, vt Dauid dicere de illis cogeretur: *Homo cum in honore esset non intellexit, comparatus est iumentis insipientibus, & similis factus est illis.* Notum & aliud de Rege Nabuchodonosore, quem superbia ex homine, imò potentissimo mundi Monarcha bestiam effecit: dum verò in forma quam gerebat belluæ, humiliari cepit, iterum per humiliationem bestia in Regem trans-

transformata fuit. Idem nobiscum quotidie  
 spiritualiter fieri certò nobis persuadeamus:  
 ideoque non Regem, primosue parentes su-  
 perbos, & sensui deditos, sed puerum Iesum  
 in anima humilem, in corpore verò mortifi-  
 catum, imitari studeamus. Vix enim dici po-  
 test quantum ad profectum spiritualem va-  
 leat desideriorum carnis nostræ repressio, si-  
 cut è contra proxima ad interitum via est cor-  
 pori habenas laxare. Videmus id ad oculū in  
 Luthero, & aliis nostræ ætatis Hæreticis. Cu-  
 ius etiam rei dedimus aliquando similitudi-  
 nē in libra, nunc aliā accipite: sunt etenim  
 anima & corpus nostrū, sicut duæ situle siue  
 urnæ colligatæ cathena, quā Philosophi com-  
 positum vocant: quemadmodū ergo in rota  
 putci, quantò magis vna ex urnis deprimitur  
 tantò altera altius erigitur: ita in *rota nativita-*  
*ris nostræ* (vt D. Iacobus vitam nostrā vocat) *Iacob: 3.6.*  
 quantò plus sensualitas & animæ inordinati  
 appetitus cōprimuntur: tantò magis mēs &  
 spiritus noster cælum versus eleuatur. Id igitur  
 procurandum.

Cæterum qui carnis commoditatibus ni-  
 mium sunt addicti, adferre in contrarium so-  
 lent aliquando illud Apostoli: *Nam corpora-*  
*lis exercitatio ad modicum utilis est, pietas autem*  
*ad omnia utilis est;* indeque concludere conan-  
 tur, carnis mortificationem aut nihil, aut pa-  
 rum admodum utilitatis nobis adferre: sed  
 iniquè id illos facere vel ex hoc ipso Christi fa-

NOTA.  
 Obiectionē  
 & Regulas  
 de mortifi-  
 catione.  
*1 Tim: 4.8*



cto liquet. Neque n̄. Apostolus contrarius erit factis Christi, imò sui ipsius. Quæ n̄. mortificationum genera ipse de se non recenset?

1. Cor. 9. 27

*Castigo corpus meum & in servitutem redigo* ait in vno loco; quod utiq; sine corporali exercitatione & mortificatione carnis esse non po-

2. Cor. 11.

27.

tuit. In alio verò inquit. *In vigiliis multis, in fame & siti, in ieiuniis multis, in frigore, & nuditate.*

2. Cor. 6. 5.

1. Quæ exercitatio corporis prohibetur.

Et ad hoc ipsum omnes fideles alibi exhortantur. Quid ergo? est ne nunc sibi D. Paulus contrarius? Absit. Ideò sancti varie id inter-

Christi: hō:

12. in cap. 4

prima ad

Timot:

pretantur D. Chrysostomus sic in illum locū scribit [quidam hoc Apostolum de ieiunio aiunt dixisse, sed profecto errant] iccirco de

alia quadam exercitatione loqui Apostolum asserit. Alii putant illum agere de exercitatione corporali, quæ fit sanitatis causa: vnde contrarium potius euincitur. Sed fac de ieiuniis, & aliis generis eiusdem loquatur: certè si diligenter considerentur, quæ antecedunt & sequuntur apud Paulum, nihil subsidii in verbis istis, amatores carnis habebunt: Precessit n̄. Prophetia de Hæreticis, qui & conubia, & cibos varios prohibere debebant (quales postea fuerunt Encratitæ, Tatiani, Manichæi, & aliæ fidei Christianæ pestes) quorum corporalis exercitatio non solum ad modicum, sed ad nihil penitus utilis erat. Sequitur verò immediatè illud, quod iam citauimus: *Pietas autem ad omnia utilis est.* Vnde euidenter constat Apostolum comparatione  
viti.

vti: neque verò negare, quinimo affirmare  
 vtilem esse corporis exercitationem, sed ta-  
 men vtiliorem esse pietatis & operum miseri-  
 cordiæ exhibitionem. Quod ideò dictum *Glossa or-  
 dinaria.*  
 autumant quidam, quia Timotheus, cui  
 hæc scribuntur, nimium mortificationi carnis  
 deditus fuit; ita vt etiam á necessariis abstine-  
 ret, qua de re statim in sequenti capite monet  
 illum Apostolus dicens: *Noli adhuc aquam bi- 1 Tim: 5. 29  
 bere, sed modico vino utere propter stomachum tu-  
 um, & frequentes tuas infirmitates.* Duo itaque  
 docet Apostolus: vnum, ne quis in mortifi-  
 catione ita sit nimius, vt læsa sanitate maio-  
 ra bona impediat, quæ per illum fieri possēt:  
 alterum, vt propter pietatis exercitia non  
 nunquam remittatur aliquid de rigore exer-  
 citii corporalis: quod omnes viri spirituales  
 etiam mortificatissimi & concedunt, & docēt.

Ac proinde nos quoq; cum illis, dictis hæc *3. Discretio  
 adhibenda.*  
 adiicimus. Primū quidē dicimus, ad mortifi-  
 cationem præsertim carnis, discretione opus  
 esse: hoc n̄. est sal illud, sine quo nulla placet  
 victima Deo: ideo ad Moysen ait. *Quicquid Leu: 2. 13.  
 obtuleris sacrificiū, sale condies.* Discretio. n̄. est *4. Vbi.*  
 virtutum omnium moralium cōdimentum.

Deinde, sal istud discretionis in compescen-  
 da quidem superbia, ira, & aliis motibus a-  
 nimi, ipsiusq; linguæ, minus requiritur. Vt  
 plurimum n̄. quanto magis eorum impetus  
 cohibueris, tāt o plus in amore tui bono pro-  
 ficiēs: at in exercitatione corporali necessaria



y. A quo.

Quomodo  
nempè.  
extrema  
fugiendo.

est discretio: iccirco quando non sunt personæ multum in hoc exercitatæ, quos ipsa vñctio diuina discretionem docet, non suo sensu, sed patris spiritualis arbitrio vti hac in parte debent. Pater verò spiritualis tã sui, quàm aliorum ratione, duo extrema fugiet, alterũ, ne nimium; alterum, ne parum inueniatur discretus: Indiscretus erit, si illa duo, quæ Paulus Timotheo suo præscribit, non obseruauerit: nimis verò erit discretus, ( si ita loqui fas est ) si ex corporalibus exercitationibus, quæ fiunt per ieiunia, vigiliæ, cilicia, flagellationes, & his similia, aut nihil, aut parum admodum concedere voluerit iis præsertim personis, quæ vel indigent talibus, vel voto castitatis Deo suo sunt constrictæ.

7. Causæ cõsiderandæ.

Consuevit enim nonnunquam siue timor, ne in talibus fiat excessus, siue commiseratio, ne quis grauetur, siue etiam amor sensualis persuadere nobis ne hæc exercitia permittantur, ex quorum defectu multa mala, imò & interitus ipse nonnunquã sequitur. Hæc propter confessarios nimis misericordes dixerim. Vtinam desint exempla eorum, à quibus dum sub specie infirmitatis vel debilitatis, corpori laxantur habenæ, ita hæc crescunt, vt spiritus, primũ quidem debilitetur, postmodum etiam extinguatur. Ideò monet Apostolus

1 Tess. 5.

*Spiritum nolite extinguere, quod inter alios isto quoque fit modo.*

8. Opinio  
sensualis ca-  
uenda.

Sed & illã opinionem plurimum fugien-  
dam

dam esse existimarem, arbitrari quemquam sine corporis afflictione ad mortificationem animæ & passionum eius posse peruenire. Hic enim error est eorum, qui sunt sensuū mancipia: Contrarius planè & factis & dictis Christi & Apostolorum. Imprimis verò figuræ illi celeberrimæ, (quam magni facit Apostolus) de duobus filis Abrahæ: Crescente enim Ismaele, Isaac affligitur, id est, crescente sensualitate, spiritus deprimitur. Idcirco Ismael una cum ancilla eiiciendus est, Sara libera id volente, Deo verò approbante, & ut ita fiat Abrahamo præcipiente. Postremum est, quod primum esse debuit, & quod summam reliquorum continet, ut memores tum hodie dati nobis exempli, tum postmodum à Christo traditæ doctrinæ, id cogitemus, quod quantò magis corpus, imò vitam ipsam odio sancto prosequemur, tantò magis animam nostram diligemus, & vtrumq; saluabimus. Idcirco omnes quidem tenentur eas carnis mortificationes per ieiunia & alia suscipere, quas Ecclesia præcipit & præscribit dandaque est opera, ne facile & sæpe mendaciter in illis dispensatio queratur. Illi verò qui in perfectiori statu positi sunt, vel ad eum tendunt, instituti sui rationem strictè in his quoque obseruent, nempe carni non applaudentes, particularia vitantes, aliquid etiam mortificationis addentes. Sic. n. fiet quod corpore mortificato anima etiam humiliabitur, hac ve-

Gal. 4. 22.

Gē. 21. 12.

NOTA.

Figuram.

2. Obligatio præstanda.

Io: 12. 25.

10. Addenda in vniuersali.



rò humiliata crescet Spiritus in charitate. Quantum.ñ. proficimus in humilitate quæ est pedissequa charitatis, tantum & ipsa charitas in nobis augebitur, amorque inde bonus crescet, malus verò & peruersus debilitabitur.

III. P A R S.  
De amore  
proximi.

Proximus  
triplex.

1. Est superi-  
or cui obe-  
diendum.  
Ordo tamē  
obseruādus.

Denique de amore proximi quem nos docuit hodie puer Iesus nobis tātò breuius tractandum erit, quantò longiores in aliis fuimus. Cuiusquidem tractationis caput erit, quod nostis omnes, videlicet triplicem esse proximū nostrum. Omnis.ñ. proximus quem iubente Deo, vt nos diligere debemus, aut est superior noster, aut par & æqualis nobis, aut inferior. Quomodo singuli horum sunt diligendi exemplum eximium dedit nobis hodie puer Iesus. Superiori obediendum est: verū vt inter superiores sunt gradus: ita tamdiu superiori obedire debes, quamdiu tibi non constat aliud velle illum, qui & tibi & superiori tuo præest. Vtriusque specimen edidit, hic Christus Dominus, quando & cum parentibus iuit ad templum, tanquam filius obediens, & ipsis inlciis mansit in Ierusalē, quia id voluit P A T E R cælestis dominus, & superior parentum ipsius. Pulchra regula notatu & obseruatu dignissima, ac necessaria cum omnibus, tum verò illis, qui voto adstricti, sub obedientia viuunt.

Ab omnib.  
NOTA

Omnibus est necessaria, vt discant tum obedire, tum non obedire: in vtroque enim,  
sæpè

sapè grauitèr peccatur. Nam sapè non obedi-  
 tur, in quibus est obediendum; & obedi-  
 tur, in quibus non est obediendum. Hinc il-  
 læ caluæ excusationes, debeo inebriari quan-  
 do dominus tractat hospites, cogor detra-  
 here, maledicere, imò & percutere inimicos  
 Domini mei, quia hoc fidelitas mea erga he-  
 rum requirit: teneor denique subditos op-  
 primere, vsuras exercere, maioris quàm par  
 est vendere, ad oculum seruire, & alia quæ  
 Dominus, cui fidem astrinxi meam, iubet ac  
 præcipit. Nihil horum teneris, imò contra-  
 ria perficere es obligatus: quia prius fidem  
 tuam astrinxisti & Deo creatori, & Christo  
 in Baptismo, qui hæc te facere prohibent;  
 quia in talibus obedire non est erga herum  
 reuerentia, sed est contra Deum impietas;  
 quia dum hæc facis non es Deo obediens, sed  
 es inobediens. *Non est. n̄. potestas nisi à Deo* ait *Ro: 13.1.*  
 Apostolus. Omnis autem potestas homi-  
 nū limitata est: Nam *gloriā meam alteri non dabo* *Is: 42.8.*  
 ait Dominus. Quantum ergò potestatis Deus  
 dedit Domino tuo, in iis obediendo benè  
 facias, quæ verò Deus & tibi, & hero tuo pro-  
 hibuit, hæc exequendo vterque vestrum pec-  
 cat. Hæc igitur cogitate, & caute diligenter,  
 neque multiplicare quæso præuaricationes,  
 rationes quærendo *ad excusandas excusationes* *Pf: 140.4.*  
*in peccatis.* Iccirco. n̄. Christus parentes licet  
 innocentes durius tractat, vt tu scias quid te  
 erga nocentes dominos facere oporteat.



A religiosis  
præcipue.

Tum vt nō  
intueantur  
personam.

Tum vt sub  
misse obe-  
diant.

Etiam in du-  
biis.

Illis verò qui propter Deum homini se submiserunt, præstantissimum sanè documētum hoc factō suo dedit puer Iesus; imò duo. Alterum, non intueri quis est cui obeditur, sed propter quem obeditur. Quis. n̄. Ioseph respectu Christi? & tamen Christus obedit Iosepho. Quomodo. n̄. dici posset ET ERAT SVBDITVS ILLIS, si Ioseph nihil ei præcipiebat? Iubebat igitur Ioseph, obediebat Iesus, & obediebat alacriter. Quod si non erubuit obedire sapientissimus minus sapienti, conditor cæli & terræ, fabricatori mensarum & arcularum; filius denique Dei, Deus; patri putatio homini: eriget se cinis, pulvis homo mendax contra alium hominem, & per superbiam negliget, vel erubescet obedire illi, quem Deus ei præfecit, eò quòd videtur ei minus esse prudens, sapiens, sanctus? Alterum est, quod non solum obediens, verum etiam dicitur fuisse SVBDITVS ILLIS, sicut seruus, sicut mancipium. Quantò magis subdere debemus nos, omnia nostra prælatis nostris, non solum facta & opera, sed etiam voluntatem ac intellectum, qui obedientiæ excellentissimi sunt gradus. Sed inquis, potest superior errare, imò etiam præcipere quæ contraria sunt Deo. Ad hoc iam datum est responsum, non debere nos tunc obedire, cū ea tamen cautione, quæ data non est; vt nobis certò constet illud, quod præcipitur, esse contrarium mandato diuino.

Vbi. n̄.

Vbi. ñ. evidens non est, debemus obedire. Nam obedire securum, non obedire periculosum est: securè enim obedio vni superiori quamdiu mihi non constat contrarium mandasse maiorem prælatus: at minus securè refragor nullam habiturus excusationem, quando propter meam opinionem, reiicio mandatum. Quod verò ad prudentiam superiorum attinet, si nos amor nostri inordinatus non excæcauerit; videbimus sanè illam & secundum iudicium mundi sæpissimè, & secundum Deum semper nostra esse anteponendum prudentia. Supplet. ñ. Deus propter quem obedio, si quid superiori deest, & ita supplet, vt ego dum obedio, etiam errando non errem. Obediendum igitur est & submisè vt Christus, & alacriter vt Christus, & perseveranter vt Christus. Nam ab hoc anno duodecimo vsque ad trigésimum nihil aliud de eo legitur, nisi quod ERAT SVB DITVS parentibus, annis vt apparet decem & octo. Magna confusio impatientium, consolatio verò perseveranter obedientium.

Etiam minus prudentibus.

Et perseveranter.

Patribus. verò proximis qualem doctrinā dabit Christus dominus? cum illi par nullus inuenietur. Nullus equidem, præter patrem, & Spiritum S. in diuinis; in humanis verò nullus hominum. In ætate tamen, quam hodiernum describit Euangelium, sunt ei æquales adolescentuli quando totidem annos habent, quando ad vsum rationis veniunt, quando in

2. Proximus est æqualis.

Adolescentibus 3. doctrina.



do in biuio positi sunt. Itaque Christus dominus hodie dat; & doctrinam triplicem: & exemplum quomodo eà ætate gerere se debeant. Nam primo manendo in templo docet eos, vt Deum non Diabolum; virtutem non voluptatem sequi eligant. Deinde asperius alloquendo parentes instruit, quomodo si à Deo ad seruitium suum vocantur angores & tristitias parētum nihili faciant. Tertiò, cum inuenitur inter Doctores; erudit nos, quomodo etatem illam studiis informare, & quomodo in eis se gerere debeant, quatuor videlicet seruando, quæ hîc Christus obseruat. Nam sedisse, audiuisse, interrogasse, & respondisse legitur. Ita pueri præsertim studiosi, (magis vero adulti, qui pueris exemplo præire debent) quietè sedent, attentè audiant, quæ ignorant diligenter interrogent, & cùm interrogantur modestè ac humiliter respondeant. Ita n̄. & Christum imitabuntur & in studiis benè proficient. Denique nos omnes; proximos nobis æquales in charitate diligere debemus; quod fiet si exemplo Christi bonum exemplum & debitum honorem illis præbere connittemur.

NOTA.

Pares quomodo amandi.

§. Proximus est subditus.

Qui instruendus.

Cum subditis autem quomodo se gessit Iesus? cùm nullos habuerit & puer, & pauper? Habuit sanè, imò etiam illos quibus suberat; etiam eos, qui instruere illum videbantur. Proinde vtrosq; docet, docet parentes dum illis voluntatem patris manifestat, docet Doctores

doctores ita, vt obſtupescere eos fecerit : docet omnes agere amanter cum omnibus vt ipse fecit : nam & illa verba ad parentes amoris & beneuolentiæ erant plena. Sed & Ioseph cum Maria , pulchram & necessariam dant doctrinam superioribus, quomodo cum subditis sit procedendum, nempe, vt eos , quibus aliquid exterius pro muneris & dignitatis suæ ratione præcipiunt interius in corde suo, non solum non contemnant, sed etiam sibiipsis præferant , & anteponant. Quis n. pius vel dubitare audebit id parentes Christo Iesu fecisse?

Qui humili  
ter tractandus  
est.

Hæc sunt quæ hodie tam iuuenibus, quam senibus, doctis pariter ac indoctis puer Iesus, haud puerilia dedit ad imitandum se exēpla, docens nos, non mundum fabricare, sed charitatem & pedisse quam ipsis humilitatem exercere : non in mundo mirabilia operari, sed excellentissimam illam Dei imaginem, quæ in amore trino & vno consistit, in nobis reformare. Ingrediamur igitur in interiora cordis nostri dilectissimi, ac intimos animæ nostræ scrutemur recessus, vt & quid nobis desit diligenter aduertamus & quicquid deest tam conatu animi quàm precibus supplere studeamus. Videamus quæso an in nobis vigeat orationis studium, sincerum Deo nos offerendi desiderium, iugisque mandatorum ipsius & cōsiliorum ( qui ad hæc uocati sunt ) exequutio : his n. modis inter alios creatura creatori

Conclusio  
summam  
doctorū & ex  
hortationē  
continens.



atori suo in charitate iungitur. Videamus num amor nostri bonus sit in nobis: qui tum in humilitate, mansuetudine, patientia, longanimitate, ac aliis virtutibus: tum in mortificatione, afflictione, odio carnis & desideriorum eius, sita est. Videamus deniq; num amor proximi, quem & ratio suadet, & Deus præcipit in nobis reperiatur: an exhibeamus superioribus nostris integram obedientiam, paribus debitam reuerentiam, subditis humilem præminentiam: omnibus obsequium, opera misericordiæ exercendo, & quosuis quantum possumus iuuando. Cæterum quis est hîc, qui isthæc sibi de se polliceri audeat? certè qui talis esset, cauendum illi foret, ne eo ipso vitio contrario laboret. Nā vt grauiora taceam; quis non videt quàm frigidi simus in orando & meditando! in diuinæ voluntati nos perfectè resignando? in exequendo & operando quæ sunt Dei? quis non animaduertit quàm ad oblectationes carnis, ad sectandos honores, ad explendas cupiditates, ad superbiam, ad iram, & alios affectus minus ordinatos simus proclives ac pro ni? quæ certè non boni sed puerfi amoris nostri proprii sunt signa euidentia: quis denique non cernit, quàm in operibus misericordiæ In opitulando illi, qui ope indiget nostra, in reddendo vnicuiq; siue superiori, siue pari, siue subdito quod eius est, oscitantes & negligentes sumus? est igitur quod Christi

Iesu

Iesu affiduè imploremus auxilium & misericordiam, vt qui exemplum dedit, vires quoque & auxilium non solum sufficiens, sed & efficax largiri dignetur; quo inimicos potentes debellare, quo amorem nostri peruersum in nobis mortificare, quo proximum strenuè iuuare, quo Zelo animarum ardere, quo diuinam voluntatem in omnibus sequi & explere, quo Deum in se, nos in Deo, proximum verò propter Deum, purè & sincerè amare, & hac ratione Trinitatem, quæ in nobis est tam naturalem, quàm quæ ex charitate procedit reformare, tueri & conseruare in finem vitæ; post hanc verò vitam Trinitatem illam increatam & in comprehensibilem patrem filium & spiritum S. vnum & trinum Deum videre, laudare, ac magnificare valeamus in sæcula sæculorum. Amen.

# DOMINICA

## SECUNDA POST

### EPIPHANIAM.

Euangelium Ioan: 2.

**I**N illo tempore: Nuptie factæ sunt in Cana Galilææ: & erat mater IESU ibi. Vocatus est autem & Iesus, & discipuli eius ad nuptias. Et deficiente vino  
dicie



*dicat mater Iesu ad eum: Vinum non habent. Et dicit ei Iesus: Quid mihi & tibi mulier? nondum venit hora mea. Dicit mater eius ministris: Quodcumque dixerit vobis, facite. Erant autem ibi lapideae hydrae sex posita secundum Purificationem Iudeorum, capientes singula metretas binas vel ternas. Dicit eis Iesus: Implete hydras aqua. Et impleuerunt eas usque ad summum. Et dicit eis Iesus: Haurite nunc, & ferte architriclino. Et tulerunt. Ut autem gustauit architriclinus aquam vinum factam, & non sciebat unde esset? ministri autem sciebant, qui hauserant aquam: vocat sponsum architriclinus, & dicit ei: Omnis homo primum bonum vinum ponit: & cum inebriati fuerint, tunc id, quod deterius est: Tu autem seruasti bonum vinum vsq; adhuc. hoc fecit initium signorum Iesus in Cana Galilae: & manifestauit gloriam suam, & crediderunt in eum discipuli eius.*

## PARTITIO.

**E**Vangelium hoc varijs posset diuidi modis, verum prætermisiss omnibus alijs partitionum generibus, pro numero personarum, quæ in illo loquuntur diuisionem nostram faciemus. Sunt autem quatuor. Primus est sacer Euangelista Ioannes, qui historiam conscripsit & facta narrauit. Altera est beatissima virgo Maria, quæ bis loquitur: semel ad filium, & semel ad ministros. Tertius ipse Christus Dominus filius Dei, cuius tria hic dicta habemus: vnum ad matrem, duo ad ministros. Postremus Architriclinus est, cuius sunt illa verba ad sponsum. *Omnis homo primum bonum vinum ponit &c.* Itaque quot sunt hic personæ loquentes: tot erunt Euangelij partes, quatuor omnino. Quem quidem numerum tantò libentius amplectimur, quanto & qua-

& quaternarius nostro instituto est accommodatior, & singulae ex istis personis singulis concionibus singularem & appositam poterunt nobis dicendi præbere materiam. Quare verbis Architriclini timorem in nobis excitare conabimur; Euangelistæ narratio fidem firmabit Catholicam; Spem autem eriget in nobis mater spei & Dei virgo Maria: Denique Christus Iesus Dominus noster, ipsa charitas Deus, dictis suis docebit nos veram charitatem. Hæc est istarum concionum partitio, hæc materia. Hoc adnotato, non velle nos diuisione ista ita constringi, ut, si quid aliud in Euangelio occurrat, aptum alicui ex dictis quatuor locis communibus: non sit nobis liberum, ea dictis applicare, (id enim faciemus) sed quod ita ordinatis concionibus præcipuam materiam administrabunt, verbo in capite seu themate propofita.

## CONCIO PRIMA

### Timor.

VINA VA-  
RIA.  
EBRIETAS.

*Omnis homo primum bonum vinum ponit, & cum inebriati fuerint. Tunc id quod deterius est. Tu autem seruasti bonum vinum vsque adhuc. Hoc fecit initium signorum IESVS, in Cana Galilee, & manifestauit gloriam suam, & crediderunt in eum discipuli eius.*

**Q**uamuis prima ac præcipua sit intentio nostra, verba Architriclini pro hac concione & explicare, & trutinare: adicimus tamen & reliqua, quæ vsque ad finem

Reddita ratio thematis

V Euan-



Euangelii protenduntur, duplici de causa: tū quòd instituto conueniant; tum vt difficultates quasdam, tam ex cantu Ecclesiæ, traditioneque SS. Patrum, quàm ex themate exortas, dissoluamus, Euangelium etenim hodiernum & facile & difficile est: Facile bonitate diuina, difficile malitia humana: facile, quia historiam quandam in se continet, difficile, quia peruerfitate hominum peruerforum eò trahitur, quo vellet minimè. Verè enim de hoc quoque Euangelio & factis Christi quæ in eo describuntur, illud dici potest, quod non ita pridem ex ore Simeonis Prophetæ audi-

*Luc: 2.34.*

uistis, positum esse Iesum *in ruinam multorum*, illorū videlicet, qui tam in ipso Christo quàm in dictis, factisque eius scandalizantur, quorū hic nō est paruus numerus. Verū nos aliis ad alias cōciones reiectis, ea hic pertractabimus, quæ huic loco maximè seruiunt.

PROPO:  
quadripar-  
tita.

Itaque in hac concione primū quæ propositum verba explicabimus, & quæ circa illa occurrent difficultates, dissoluemus. Deinde, quàm verū sit hoc Architriclini dictū, vniuersim loquendo ostendemus. Postea quomodo in his verbis quidam etiam Catholicorum scandalizati fuerint, videbimus. Postremo remedia istis malis adhibebimus. Tu Christe Iesu effice, vt non mundum decipientem, sed te sincerè & benignè nobiscum agentem, sequi studeamus.

I. PARS.

Quandoquidem priora illa thematis propositi

positi verba, quæ Architriclinus protulit, plus tum doctrinæ moralis, tum scandalī accepti, quàm difficultatis in se contineant, ideo paulò post copiosius, hîc breuiter tantum nobis perstringenda erunt. Architriclinus igitur, qui mensis & conuiuio præerat, & ad cuius arbitrium omnia circa potum, cibum, discumbētium ordinem & alia generis eiusdem gerebantur, degustato vino optimo & excellentissimo, quod Christus ex aqua fecerat, ac transformauiet, ignoransque vnde esset, indignabundus quod à principio vinum hoc ad gustandum illi datū non fuerit, vocat SERUM (cuius munus fuisse conuiuīis vinū procurare, vel hinc apparet) Et DICIT EI verba, quæ excutienda proposuimus.

Thema explicatur.

Omnis inquit HOMO, non spiritalis, sed carnalis, non ex aqua & Spiritu sancto renatus, sed ex sanguinibus, ex voluntate carnis, & ex voluntate viri natus. Homo inquam animalis de quo Apostolus: *Nonne carnales estis, & secundum hominem ambulatis?* Homo mūdānus, qui prudentiam carnis habet, qui mundum immundum & deceptorem sequitur. Hic talis homo.

Homo qui hic intelligatur.

Io: 3.5.

Io: 1. 13.

1 Cor: 2. 14.

1. Cor: 3. 3.

PRIMUM BONUM VINUM PONIT. Id enim illum princeps mundi huius edocet, hēpē sub specie boni decipere, iccirco nullum peccatum aliter quàm larvatum boni specie primum irrumpit.

Fraus demonis

Io: 14. 30.

ET CUM INEBRIATI FUERINT. HOMINES Qui inebriantur.



mines videlicet eiusdem farinae cuius sunt priores, quorum illi decipere, hi decipi volunt. Talis iste fuit Architriclinus: tales nunc multi, de quibus inferius dicemus.

Quibus vinum mundi datur.

TUNC ID QVOD DETERIVS EST. VINUM propinatum iam vel ebriis, vel semiebriis: quando depravato gustu per nimium potum iudicare bene de sapore nequeunt. Quod non solum in ebrietate, verum etiam in quouis peccato usu venit, ita ut nonnunquam ipsos etiam amatores mundi non lateat, & tamen apertis oculis cadunt, insuper cum Architriclino dicunt.

TV AVTEM SERVASTI BONVM VINVM VSQVE ADHVC. Expostulant etenim, lamentantur, & insurgunt in eos, qui illis contrarium suadent, qui docent vinum mundi, & voluptates eius, primum dulces, postmodum amaras, esse relinquendas, virtutem verò amplectendam: cuius radix amara, sed fructus suavis; & expectandum esse BONVM VINVM, de quo hic audis, servatum in finem, imò sine fine permanfurum. Hæc inquam, & his similia dicas quæso carnalibus istis, & animalibus hominibus (ut eos Apostolus vocavit) & videbis quomodo te alii cachinnis, alii conuitiis, alii etiam propè pugnis excipient. Verum de his plura in decursu concionis, hæc pauca pro textus expositione sufficiant. Maiorem. n. habent difficultatem quæ sequuntur, ideò diutius etiam

tius etiam in illis explicandis nobis immorā-  
 dum erit. Addit. n. D. Ioannes; **HOC FE-  
 CIT INITIVM SIGNORVM IESVS IN  
 CANA GALILÆÆ.** Est namque hic quæ-  
 stio, num hoc miraculum transmutationis a-  
 quæ in vinum, fuerit simpliciter **INITIVM**  
**omnium SIGNORVM**, ac miraculorum, quæ  
 fecit Iesus; an verò illorum tantum, quæ pe-  
 regit in **CANA GALILÆÆ.** Difficultatem  
 parit antiquissima traditio, cantu Ecclesiæ  
 confirmata, quæ asserit tria miracula eximia,  
 vna eademque mensis die (licet diuersis an-  
 nis) peracta fuisse. Primum erat aduentus  
 Magorum duce stella ad adorandum Iesum,  
 alterum Baptismus eiusdem Iesu in Iordane,  
 quo peracto apertum est cælum, vox patris  
 audita, & Spiritus S. in colubæ speciei appa-  
 ruit. Tertium hoc, quod præ manibus ha-  
 bemus. Neque verò quæstio est vlla, quo-  
 nam modo duo priora eadem mensis die fa-  
 cta fuerint, cum multi inter hæc intercesse-  
 rint anni: verum quam ratione hoc in a-  
 qua miraculū cum Baptismo Christi in Ior-  
 dane, in eandem inciderit diem non parum  
 sanè habet difficultatis propter alios Euan-  
 gelistas, qui videntur asserere Christum Do-  
 minum quasi statim post Baptismum prædi-  
 cationi, & miraculorum patratiōis se dedisse:  
 quod nec ipse Ioannes diffitetur, qui præce-  
 denti capite exponit Christum Dominum  
 Nathanaeli quædam prophetico Spiritu re-  
 tulisse.

Quæritur  
 quorum si-  
 gnorum sit  
 hoc initium

Tria miracu-  
 la vna die  
 facta.

Mat. 3. 16.

Difficultas  
 proponitur.

Ioan. 1. 47.



tulisse, propter quæ Nathanael eum esse filium Dei confessus est, quod utique magni miraculi loco haberi potest. A qua difficultate facile se expediunt illi, qui posteriorem sequentes sententiam, asserunt eorum tantum miraculorum, quæ in Cana facta sunt, hoc initium fuisse. Verum cum non constet ex scriptura Christum plura in Cana miracula fecisse, quibus hoc initium dedisset; constet autem antiquitatem simpliciter id de omnibus intellexisse miraculis, declarandum est nobis, quonam modo id fieri potuerit, ut & Catholici mysterium videant, (de quo in alia concione agemus) & hæretici intelligant, etiam minuta quæque in Ecclesia firmitate sua non carere. Non. n. noua hæc, & inaudita est opinio (ut illorum sunt omnes) sed planè antiquissima, de qua apud. SS. PP. tam Græcos quam Latinos legimus, quorum etiam quidam ipsos Apostolos viderunt.

*Ignatius  
in Epist. ad  
Trall.  
Hier: in  
prim: cap:  
Ezechiel.*

*Dissoluitur*

Omissis itaq; opinionibus, cum de anno Christi quo hoc miraculum factum sit (quod ex illa pendet quæstione, An videlicet inchoato, vel exacto anno ætatis suæ trigésimo Christus Dominus à Ioanne baptizatus fuerit) tum de modo explicandi tantum Ecclesiæ, quorum nullus, quem legerim, plenè satisfecisse videtur, dicere salua Ecclesiæ (quæ defendimus) auctoritate, & meliori iudicio, anno quidè primo ætatis Christi Domini, die verò decima tertia adorasse Magos. Christum

Domi-

Dominum in cunis positum. Postea anno ipsius trigesimo per tredecim dies inchoato, (vt aliqui) siue iam expleto (vt alii volunt) baptizatum fuisse in Iordane eadem, qua à Magis adoratus fuit die. Baptismo peracto *ductus est in desertum à spiritu, vt tentaretur à diabolo, vbi solus mansit, duobus penè mensibus, imò fortè pluribus.* Nullus n. Euangelistarū dicit statim post quadraginta dies illum reuersum fuisse ex deserto, quinimò priores duo subito post expositam tentationem Christi in solitudine, subnectunt tempus, quo Ioannes coniectus est in carcerem: Lucas verò prædicationem factam in Nazareth, quæ omnia multò post contigisse constat ex D. Ioanne, qui supplens quod alii omiserant, asserit Christum Dominum solitum fuisse ventitare ad Ioannem, à quo toties testimonium accipiebat, quod ipse esset *agnus Dei, qui tollit peccata mundi.* Itaque Christus dominus reuersus ex deserto die & mense, quem ipse nouit, habitabat in oppidis prope Iordanem, & identidem inuisebat Ioannem præcursores suum, cuius prædicatione cæpit & populo innotescere, & discipulos colligere, ac paulatim prædicationem suam inchoare, tum priuatim tum forsitan etiam publicè. Nam priuatim illum instruxisse Andream, & alterum discipulum Ioannis, qui illi adhæserant, testatur alter Ioannes, qui satis copiosè describit & hæc, quæ dicta sunt omnia, & alia non pau-

*Mat. 4. 1.**Mar. 1. 13.**Luc. 4. 1.**Ioan. 29.**et 35.*



ca. Imprimis verò refert quomodo Andreas fratrem suum Petrum quæsiuerit, & ad Iesum adduxerit: quæ omnia non vno, aut altero die, aut hebdomada; sed aliquot etiam mensibus acta fuisse satis videtur euident, & ex re ipsa, & ex narratione Ioannis. Qui quidem Ioannes cum inquit: *Altera die, & rursus altera die iterum* nec non *In crastinum* cumque his similibus phrasibus utitur, nil aliud vult dicere, quàm quadam die, imò fortè multo post istud euenisse quod narratur? hoc enim & ex ipsa seriè historiæ satis colligi posse videtur, & ex illo quod immediatè sequitur hodiernum Euangelium dicit enim.

*Joan: 1. 29.*  
*35. Deu: 43*  
*Joan: 2. 12.* *Post hoc descendit Capharnaum &c. & ibi mansit nō multis diebus. Et prope erat pascha Iudæorum &c.* cum tamen ab hoc miraculo ad pascha Iudæorum intercessissent tres circiter menses. Itaque ut hîc per non multos dies tres menses accepit, ita in aliis intelligendus est breuibis verbis non breue tempus denotasse. Sic omninò ut colloquium illud Christi cum Nathanaèle, quod in fine præcedentis capitis refert Ioannes, inciderit in annum tricesimum primum ætatis Christi siue inchoatum, siue finitum, per decem dies. Hac ratione ut arbitrator & omnes difficultates tollentur è medio, & tum principium, tum finis hodierni Euangelii bene intelligetur. Incipit enim D. Ioannes hystoriam hodiernā ab illis verbis. *Et die tertia* ab eo videlicet tempore quo cum Nathana-

Nathanàele sermonem habuit Iesus: NUPTIÆ  
FACTÆ SUNT, quæ quidem nuptiæ inci-  
derunt in sextam Ianuarii diem, qua & ante  
triginta & vnum annum Christus à magis a-  
doratus, & ante annum à Ioanne baptisatus  
fuit. Qua etiam die FECIT INITIVM SI-  
GNORVM IESVS, id est, signorum publico-  
rum, & eorum quæ demonstrabant illum esse  
Deum: id enim euidenter monstrabat hodi-  
ernum miraculū: nam naturarum transmuta-  
tio, quæ hîc facta est, solius Dei est opus pro-  
prium. Quod enim Nathanàeli occulta ma-  
nifestauerat, id & priuatim fecit, & id egit,  
quod sæpe alias Prophetæ factitare solebant.  
Hæc de verbis in themate propositis, reliqua  
quæ restant vt declarentur, inferiùs aptiorem  
inuenient locum.

Videamus iam & differamus de veritate  
horum verborum OMNIS HOMO PRIMVM  
BONVM VINVM PONIT, ET CVM IN-  
EBRIATI FVERINT, TVNC ID QVOD  
DETERIVS EST TV VERO SERVASTI  
BONVM VINVM VSQVE ADHV. Quæ  
quidem verba licet neque sint Christi neque  
B. Virginis, neque Ioannis Euāgelistæ sed Ar-  
chitriclini; sunt tamen verissima siue in parti-  
culari de ebrietate intelligantur, siue in vni-  
uersali de quouis vitio sumantur. Faciunt au-  
tem mentionem, vt audiuiſtis duplicis vini,  
boni videlicet & deterioris: addemus nos  
tertium, quod nec bonum nec malum est (in  
V 5 genere

II. PARS

Veritas ho-  
rū verborūOMNIS  
HOMO etāam iuueſti-  
gatur.Triplex vi-  
num.



genere moris, ita enim nunc de vino loquimur ) hoc verò est vinum naturale, quod bibitur, quod, ei qui moderate eo vtitur est bonum, ei verò qui ad ebrietatem eo abutitur, est malū. De hoc igitur duplici postremo genere, agemus in hac concione, bonū verò seruabimus ( cū Christo in finē ) ad aliam cōcionem. Est autem hæc vini metaphora & pulcherrima ad explicandū propositū, & in scriptura satis vsitata. Omnia enim hæc tria vini genera in diuinis literis reperiēs. De naturali non est quod testimonia adferamus, cū ipsū Euangelium hodiernum sufficientem eius mentionem faciat: dicamus de metaphorico vino malo, quod nihil aliud est quàm peccatum. Hoc igitur vinum pessimum, & variis in scriptura nuncupatur nominibus, & ita describitur, vt nescio an plus aliquid hac in parte desiderari à quoquam possit. Habemus n. in illa auctorem eius, naturam, originem, personam à qua propinatur, locum, tempus, effectus varios, pœnam etiam, & alia eiusmodi expresse descripta. Origo eius est iniquitas, ideò dicitur vinum iniquitatis. *Comedunt panem impietatis, & vinum iniquitatis bibunt*, ait sapiens. Ex iniquitate enim omne scelus tanquam à radice pessima enascitur quæ primum in corde Sathana pullulauit; auctor itaq; eius est diabolus: ipse inquam damnatus Lucifer. Is enim iniquitate armatus primum in se ipso illud adinuenit, postea aliis propinauit tum

Ange-

Vinum malū est peccatum.

Origo eius iniquitas.

*Pro: 4.17.*

Author diabolus.

Angelis, tum hominibus : ac proinde hoc nomine vocatur vinum damnatorum. Ait enim Deus per Prophetam : *Et vinum damnatorum Amos 2. 8* bibebant. Peccantibus enim & resipiscere nolentibus certissima est & æterna damnatio cū apostaticis spiribus in inferno.

Natura autem vini huius pessimi, peccati Natura explicatur ei-  
inquam mortiferi, describitur partim ab Arthitriclino in hoc dicto, partim à Moyse, partim ab aliis. Pauca ex multis proferamus in medium, quæ huc propriè spectant. Tria etenim Tria in vino cōsiderātus soletis vos potatores in vino considerare, nempe colorem, odorem & saporem, quæ si eximia fuerint laudatis, & notatis tribus primis literis dicitis valet, est. C o s, quantum COS  
Quantum negligitur. interim, quod præcipuum esse deberet negligentes, num videlicet sit vtile, & sanitati conducatur. Sed hæc est mundi & amatorum eius consuetudo, vera bona negligere, apparentia sectari. O miseria, o cæcitas. verum videamus quæso in gratiam vestram, & videamus ex ipsa scriptura; qualianam sint hæc tria in vino hoc, quo de agimus, vt saltem regula vestra conuicti, ab eo abstineatis. Paxit omni- Color vini mali.  
potens. Quod ergo ad colorem attinet, vinū hoc atrofluum, spurcum, turbidumque est, odor eius sordidus, fætidus, graue olens; gustus verò amarissimus, teterrimus, nauseam vel ipso auditu prouocans. Hæc omnia duobus versiculis, mira & breuitate, & dexteritate mihi complexus esse videtur Moyse, cū inquit:



*Deu: 32. 32* quit: *De vinea Sodomorum vinea eorum, & de suburbanis Gomorrhæ: uua eorum uua fellis, & botri amarissimi. Fel draconum vinum eorum, & venenum aspidum insanabile.* Imò, vt videtis, addidit & illud quartum, quod ebriosi considerare negligunt, fructum videlicet, & effectus pessimos, sed priora inspiciamus. Omne fel turbidum, ac spurcè flauum esse, neminem vestrum latet, quantò magis fel draconis impurum, sordidū & insuper atrum erit? Quid ceteras commemorem qualitates. vos ipsi animis vestris expendite: amarissimum certè esse, & res, & verbum ipsum testatur: teterimum autem & perniciosum totus Moysis discursus, ac similitudo luculèter demonstrat. Sed de effectibus disseremus, cū primum obiectionē, quæ hoc loco opponi posset, dissoluerimus.

**Obiectio  
soluitur.**

Dicat enim quispiam hæc quæ ex Moysè attulimus, repugnare dictis: nam tum ex nostra, tum ex Architriclini sentētia, asseruimus vinum, quod propinat mundus, in principio quidem bonum & suaue, postmodum verò deterius esse: quomodo ergò nunc totum pessimum esse confirmatur? sed facilis est ad hæc responsio: Si enim tum personæ, tum vini boni natura diligenter perpendatur; omnia bene sibi constare, facile apparebit. Bonum equidem hoc vinum nunquam erit, apparenter tamen bonum aliquādo esse poterit, quia in principio suaue esse consuevit.

**Gustus triplex.**

**Quod**

Quod si quæras, vnde hæc suauitas rei, tam <sup>(A simili.)</sup> insipidæ proueniat? Non aliunde certè quàm ex corruptione naturæ nostræ: Sicut. n. ægris dulcia & optima quæque, insipida, ac amara esse videntur; noxia verò sæpè placet: ita in infirmitatibus animæ, quas per peccatum originale contraximus, vsu venit; Multo magis autem id accidit iis, qui ad originale propria etiam & actualia addunt peccata. Quid verò sentiemus de illis, qui mala consuetudine pessimos vitiorum habitus contrahere? Talibus equidem non solum in principio, sed etiam in progressu, amara dulcia, fel draconum nectar esse videtur. O deplorandum genus hominum, & remedii vsque adeò incapax. Quapropter non solum naturam <sup>1. Gustus pessimus.</sup> boni, sed etiam personas, quæ de bonitate, vel malitia vini huius diiudicant, oportet nos diligenter considerare. Si. n. erunt sobrii, qualis fuit Moyfes, idem, quod ipse de vino hoc pessimo, dabunt iudicium. Si verò <sup>(Pana pessimi.)</sup> vino hoc epoto inuenientur temulenti, semper illis placebit, semper pessima quæque laudabunt, semper propter iudicium, & appetitum mentis deprauatum, *ponent amarum in dulce, & dulce in amarum*, vt de iis propheta iam olim prædixit: semper illa impia non modò Christiano, sed ne homine quidem digna iterabunt vota: O si possem hîc in æternum viuere: ô si concederetur nunquam mori, & semper præsentibus perfrui voluptati-



ptatibus, nunquam profectò quicquam curarem eas voluptates, & bona illa, quæ in cælo esse dicuntur. Nostis qui sint tales: utinam nullus è numero vestrum reperiatur, qui id aut sermone, aut cogitatione, aut opere testetur ipso. Nam audite quæso, quomodo Deus per prophetam vix talibus ingeminat, dicens: *Vae qui dicitis malum bonum, & bonum malum.* Et iterum. *Vae qui sapientes estis in oculis vestris.* Et rursus. *Vae qui potentes estis ad bibendum vinum.* Audistisne? Addam & ego & clamabo, cum Christo meo. *Qui habet aures audiendi audiat.* Quid verò audiet? Audiat Deum per Apostolum loquentem & comminantem: *horrendum est incidere in manus Dei viventis.* Quanta comminatio, quantum dictorum pondus. Ipsum sanè verbum *horrendum*; si pro dignitate pensetur, satis esse posset ad reprimendas in nobis omnes inordinatas, & contra Deum factas siue cogitationes, siue affectiones. Cur. n. o miser homo sectaris voluptates, nisi quia horres afflictiones carnis? quid ergò fiet, quando & omni carebis voluptate, imò refrigerio, & omnem habebis carnis afflictionem, imò crudelissima tormenta in æternum sine fine? Nunc igitur perhorrescas, ne tunc incidas in horrendas manus Dei viventis, & impios seuerè punientis.

Tertium genus hominum est eorum, qui neque sunt tam perspicaces, ut videant tantam amaritudinem, & abominationem peccato-

*Matt. 13.*  
43.

*Heb. 10. 31*

3. Gustus  
malus.

catorum, quantam vidit Moyſes, neq; ſunt  
ita obſtinati in malo, vt bonum malum, a-  
marum dulce eſſe omninò arbitrentur: ſe-  
ctantur nihilominus vitia, tum ſpecie boni  
ſiue vtilis, ſiue iucundi decepti: tum ſuaui-  
tate (quã peccatum & flagitium initio ſaltem  
præſert) illecti. Horum perſonam Archi-  
trichus hic gerere vel prodere potiùs mihi  
videtur. Ipſe. ñ. fatetur eam mundi artem,  
vel fraudem potiùs eſſe, vt PRIMVM BO-  
NVNVM VINVM, poſtmodum ID, QVOD DE-  
TERIVS EſT apponat: quod etiã ſi iſte  
tacuiſſet, res proſectò loquitur ipſa. Percur-  
ramus breuiter tria illa capita, ad quæ omnia  
vitiõrum genera reducit dilectus Chriſto di-  
ſcipulus Ioannes cum inquit: *Omne quod eſt in* *1. Io: 2. 15.*  
*mundo, concupiſcentia carnis eſt, & concupiſcen-*  
*tia oculorum, & ſuperbia vitæ.* Concupiſcentia  
carnis ducatum præbet: tum quòd in ea pec-  
catum originis maximè vigeat: tum quòd  
delectationem habeat cæteris potentio-  
rem: quamuis delectationis vix eſt digna nomine.  
Sicut. ñ. prurigo, quæ ex vlceribus, vel vul-  
neribus naſcitur, pæna potiùs quàm delecta-  
tio nuncupanda eſt: ita hæc multò etiã ma-  
gis: quæ cum expletur (Deum immortalẽ)  
quæ tormenta eam non ſequuntur aſſidui.  
Conſcientiæ remorſus, animæ inquietudo  
perpetua, corporis ingens ardor, vanæ ſuſpi-  
ciones, ſuperfluæ ſollicitudines, anxii timo-  
res ne offendat, ne deſpiciatur, & alia prope  
infi-

Concupi-  
ſcentiæ car-  
nis.  
Prurigo.  
Panz tem-  
porales.



infinita. Quid dicam de morbis qui tanquam  
 riuuli hos fontes malorum conſectantur? Vn-  
 de enim illæ corporum fædæ ægri-  
 tudines illa  
 vlcera turpiſſima, illi dolores intenſiſſimi in  
 ipsis oſſium medullis hærentes oriuntur? vn-  
 de exefæ facies, imò planè defluentes, vt plu-  
 rimum conſpiciuntur; quàm ex fædo ciuili-  
 modi delectationum lenocinio? Neque tamen  
 ſufficiunt iſthæc ad compellendas turpiſſimas  
 hominum concupiſcentias. Pro dolor prohi-  
 infania. Veniet tempus quando tandem co-  
 hibebuntur, ſed ſuo magno malo ni reſi-  
 piſcant.

Concupi-  
 ſcentiæ ocu-  
 lorum.

Col. 3. 5.

Stultitia.

Pſ. 61. 11.

Pœne tem-  
 porales.

Iuuenalis.

Concupiſcentia oculorum ſequitur, vnde  
*auaritia* oritur, quam *ſimulachrorum ſeruitutem*  
 vocat Apoſtolus! Quæ tantò eſt priore ſtul-  
 tior, quantò minus imò nihil planè habet in  
 ſe, quod mulceat. Extrinſecùs omnia proue-  
 niunt, & res & deſiderium, & ipſa ſcabies, ideo  
 hic ne ſpecies quidem eſt boni delectabilis,  
 quamdiu, propter vtile cor non appoſueris,  
 quod licet ſummoperè Pſaltes prohibeat quã  
 multi tñ. cōtrariũ faciũt? Cũ verò cor appo-  
 ſueris quæ nō ſequũtur mala? quod non V-  
 NUM DETERIVS? Sequitur enim ſitis hæ-  
 bendi inexplibilis: namq; [creſcit amor nu-  
 mmi quantum ipſa peccunia creſcit] dixit  
 quidam Pœtarum, & verè dixit. Sequuntur  
 diurnæ ſollicitudines, crudeles lanè: ſequun-  
 tur & noctes inſomnes, dum cogitat tum vt  
 acquirat, quæ necdum habet, tum ne perdat  
 quæ iam

quæ iam possidet. Sequuntur tristitiæ intolerabiles, cum res pro animi non succedunt sententia, Succedunt denique tales angores & anxietates, ut sæpè ad desperationem & resistere veniat. In nullo etenim vitiorum genere plures aut manus scelestas sibi inferunt, aut laqueo collum proprium inferunt, quàm in avaritia. Quid dicam de posteris? nota sunt hac de re & proverbia. & exempla. Bene inquit sapiens: *In fructibus impij conturbatio.* *Pro. 15. 6.* Turbant enim non solum colligentem, sed etiam hæreditantem: Fructusque avarè collecti non patiuntur, ut ab hæredibus diu retineantur.

Superbia vitæ hic agmen concludit vitiorum, alibi dux est illorum. Sic enim idem sapiens. *Initium omnis peccati est superbia.* In hoc genere honoris desiderium PRIMVM BONVM VINVM PONIT: at verò contemptus, dedecus & ignominia ponit ID QVOD DETERIVS EST, imò pessimum & amarissimum apponit vinum. Verè *fel draconum vinum eorum*, quo noctu atq; interdium excruciantur. Suspicionibus n. ambitionibus, iracundiis, vindictæ cupiditatibus, invidiis tanquam perpetuis furiarum tædis exagitantur. Quæ quàm sint crudelia tormenta ex minimo ferè quod est illorum, cætera collige, idq; ex Idololatra, ut magis exhorrescas, ne Christi anus ab Ethnico condemneris. Ait enim quidam antiquorum Poëtarum [ *Invidia siculi* *Horatius.*

Superbiæ  
vitæ.  
Natura.

*Ecc. 10. 15.*

Pœnæ temporales.



non inuenere tyranni. Maius tormentum ]

*Tit. 1. 13. Testimonium hoc* ( dicam cum Apostolo ) *verum est*, tangit autem superbos vel maximè. Hi n. cum aliquem sibi prelatum vident, quibus non inuidiæ facibus succeduntur? quas pœnas non sustinent? Quid dicam de inimicitiis,

*Exemplum*

*2. Reg.*

*18. 14.*

odii, mortis periculis? Dum n. alienæ insidiantur vitæ, suam periculis exponunt: Euenitq; frequenter illis quod Absaloni, qui dum patri vult vitam eripere, suam turpiter amittit, tantòq; infelicius, quantò non solum in corpore, sed etiam in anima periit, ideò à Dauide amarè defletur. Idem talibus vt plurimum contingit, vt experientia quotidiana docet.

*Primum remedium.*

Omnes verò predicti, ultra ea, quæ retulimus, & alia infinita incommoda, hoc quoque cogitent velim. Si Sathan tali eos vino potat, dum sunt amici eius in hac vita, dumq; illis applaudere conatur, quid faciet in illa vita, quâdo vtrinq; inimiciæ excādescēt? quâdo nihil aderit dulcedinis, nil refrigerii: quâdo quęcunq; excogitare poterit tormenta, omnia in illos expromet? Quale tunc propinabitur vinum? Sed de hoc alias, & sub finem aliquid amplius: nunc tandem discursus nostros de tertio illo hominum genere, quod exprimit Architrclinus, concludamus. Conclusionis verò hæc summa esto, vt moneamus omnes, ne in eam quæ in principio conspicitur in vitiis apparētem bonitatem ( quæ

*aliud.*

tamen

tamen in veritate nihil aliud quàm fœda voluptas est) intueantur; sed illas, quæ postmodum, quando vino hoc inebriati fuerint sequuntur, turpitudines, incommoda, actormenta, præ oculis semper habeant. Ita enim stulti esse desinent, quorum consuetudo est, non quæ intus latent mala; sed quæ exterius lucent pulchra considerare ac intueri. Neq; verò hoc à data per Moysen similitudine abhorret, imò quadrat ei plurimum, videturq; Moyles eam notasse. Dixit enim vt audiistis inter alia vvas, vnde illud vinum exprimitur, esse *de vinea Sodomorum & de suburbanis Gomorrhæ*: Iosephus verò, historicus Iudæorum celeberrimus asserit, ad litus loci illius fœtidī, vbi olim Sodoma & Gomorrhæ fuit, ex-  
*Deut. 32.*  
*Ios: lib. 5.*  
*de bello Ier: cap: 9.*  
 crescere poma, aliosq; fructus aspectu quidē cæteris similes: sed intus non nisi cinere fauillaque plenos: tale est omne peccatum, cuius finis in corpore cinis, in anima vermis, in vtroque postmodum fuligo & ignis. Vide ergò quid agas, & quo tendas, qui talibus delectaris.

Quòd si scire cupitis, vbinam, & à quo tempore hæc vina veneant. Nosse debetis. Bonum quidem, non nisi in sola Christi vinea, quæ est Ecclesia; malum verò tum extra Ecclesiam ubiq; terrarum: tum in ipsa Ecclesia multis in locis reperiri. Qui verò bonū propinat vinum, Deus est. Facit autem hoc primum quidem per ipsum Christum Iesum do-  
*Vbinam vna varia present.*  
*A quibus propinētus.*  
 X 2                      minum



minum nostrum, deinde verò per Apostolos, pastores, doctores & alios seruos suos. Malum verò propinatur á Diabolo, per meretricem quandam, quàm mirificè describit

*Apo: 17.2.* D. Ioan: in Apoc: dicens inter alia, quod *inebriati sunt qui habitant terram, de vino prostitutionis eius*: Ministros autem habet & inter Hæreticos, omnes; & inter Catholicos, multos, qui innumeram adducunt hominum multitudinem. Fugite illos dilectissimi hoc præfer-

Quo tñc. tim bachanaliorum tempore. Denique bono vino tēpus diurnum, malo verò nocturnum assignatum est. *Omnis enim qui malè agit odit lucem, qui autem facit veritatem venit ad lucē,* ait Saluator noster Iesus. Quòd tum in aliis tum in ebrietate apparet euidenter.

III. PARS.  
De ebrietate cur agendum.

De quo quidem ebrietatis vitio vt in particulari agamus, tūm propositum thema monet quòd quidem expressam eius mentionē facit: tūm necessitas harum regionum postulat, vt opem illis feramus; tum verò nequitia hominum impiorum cogit, vt blasphemias eorum respondeamus. Verè enim *mundus in maligno positus est*, verè quò magis ad interitū

Mundus in dies deterior.

*1. Io: 5. 19.*

*46. 60. 2.*

vergīt, eò plus in impietate crescit, verè & multò etiam iustius quàm propheta, & in presenti, occinere illud possumus: *Ecce tenebra operiunt terram & caligo populos*, quando nō solum Gentiles, Iudæi, Hæretici tum infidelitate, tum impietate sua plusquam Cimæriis tenebris inuoluuntur: Sed etiam Catho-

lici pro

lici pro ratione regionum tum variis vitio-  
rum generibus, tum excusationibus eorūdem  
( quod valde abominatur Deus ) magis ma-  
gisq; in dies singulos obfuscantur, & obtene-  
brantur. Nec est id adeò mirandum, sed est A simili.  
valdè cauendum: nam quemadmodum quò  
magis sol ad occasum vergit, eò vmbra sunt  
protenfiores: ita mundo ad finem propēden-  
te, tenebrae peccatorum excrescunt, donec  
expleatur, quod Saluator prēdixit dicens:  
*Verumtamen filius hominis veniens, putas inueniet* Lu: 18. 8.  
*fidem in terra? Et illud: abundabit iniquitas, &* Matt: 24.  
*refrigescet charitas multorum: quod non iam in* 12.  
*futuro timemus, sed in presenti videmus. Ex* Gradus im-  
*horum sunt numero quibus non est satis pa-* pietatis qua-  
*trare peccata, sed & letantur cū malefecerint,* tuor.  
*& exultant in rebus pessimis; Nō solum hoc, sed* Pro: 2. 14.  
*& declinant in verba malitiæ ad excusandas excu-* Ps: 140. 6  
*sationes in peccatis: Neque hīc impietatis sistūt*  
*pedem, sed eo insuper progrediuntur, vt siue*  
*autorem, siue promotorem peccatorum su-*  
*orum faciant Deum. Tales sunt inter alios* Graue scan-  
*non paucos nostri quoq; ebriosi qui in Euan-* dalum acco-  
*gelio hodierno grauiter scandalizantur, non* ptum ex E-  
*solum in dicto Architriclini, qui ebrietatis* uangelio.  
*in nuptiis facit mentionem (id enim esset mi-*  
*nimum) sed multò etiam magis in facto*  
*Christi domini, qui vt illi aiunt, ebriis vini*  
*magnam vim procurauit vt magis inebriarē-*  
*tur. O impietatem execrandam, o linguā*  
*blasphemam. Quid est quod non verearis, ne*  
dicat



*Matt. 20.* dicat tibi Christus quod olim dixit alteri? *An*  
*15.* *oculus tuus nequam est quia ego bonus sum?* Certè  
 si in vlllo alio: in te hoc Christi dictum locum  
 habet, qui bonum quod facit Christus in ma-  
 lam partem interpretaris: Et ille quidem cui  
 hæc dicta fuerunt qualem cunq; etiamsi non  
 veram, apparentem tamen murmurationis  
 suæ habuit ansam, quia laborauerat, toto die,  
 & portauerat pondus diei & æstus: tu verò  
 præter malitiam, & inordinatum inebriandi  
 appetitum, quàm aliam dicendi isthæc habes  
 occasionem?

Cæterum ne & illi sibi sapere, & nos elu-  
 dere potius, quàm dissoluere, videamur ar-  
 gumentationem; reducamus eam in ordinẽ,  
 vixque vt arbitror aliud quicquam præter  
 Enthymema hic formari, poterit hac ratione.  
 Christus dominus ebriis in CANA GALILÆÆ  
 magnam vim vini ex aqua fecit: Licet igitur  
 inebriari. Et quia argumentum hoc ex hære-  
 ticorum schola aut fluxisse, aut refluxisse  
 creditur; fortius etiam contra illos ex eorum  
 principiis agemus. Itaq; eorum vestigiis in-  
 stitentes & non respondentes *stulto iuxta stultitiam*  
*suam*; sed vera asserentes dicimus, Antecedens  
 quidem illius Enthymematis corrumpere (vt  
 illorum phrasi vtar) scripturam; consequen-  
 tiam verò esse absurdissimam. Non dicitur n̄.  
 in Euangelio illos, quibus vinum ex aqua fe-  
 cit Christus fuisse ebrios: sed Architrictinus  
 vniuersalem tantum profert propositionem,  
 ideoq;

Argumentū  
 pro ebrieta-  
 te.

*Pro. 26. A.*  
 Falsum An-  
 tecedens.

ideòq; addit notam vniuersalem dicens: OMNIS Homo &c. illos verò in CANA ebrios fuisse nō dicitur. Cur ergò vos vel corrumpitis, vel additis ad scripturam, quod & á Moyse, & á Ioanne sub maledictione esse prohibutum toties Catholicis obiicitis, toties inculcatis: Neque responderitis mihi id consecutione haberi: quot enim sunt non solum consecutiones, sed etiam verba euidentissima (qualia sunt. *Hoc est corpus meum. Tu es petra*: ita enim est in lingua, qua utebatur Christus & *super hanc petram ædificabo Ecclesiam meam*, & sexcenta alia) quæ vos repudiatis? Falsum itaque est antecedens: Consequentia autem longè est absurdissima: alioqui enim omnium peccatorum quæ fiunt in orbe terrarum autorem vel promotorem Deum faceremus. Quod enim est peccatum quod sine instrumento aliquo perficitur? At his omnia Deus creauit. Ipsam denique mentem & cogitationem vnde vniuersa peccata trahūt suam originem (teste Christo) ipse condidit. Quare si ideò Christus aut concessit, aut promouit ebrietatem, quia vinum ex aqua transformauit, quo inebriari poterant homines; Concessit etiam & promouit Deus ipsam blasphemiam; quia linguam condidit, qua blasphematur Deus, & sancti eius. Concessit & promouit, furta & latocinia, homicidia, parricidia, quia manns dedit homini, quibus hæc perficiuntur. Autor est deniq; Deus om-

Den 4. 2.

Apo: 22.

18.

Matt: 26.

26. Matt.

16. 18.

Consequen  
tia absurdis  
sima.

NOTA

Matt: 12.

12.



mnium peccatorum, quia liberum dedit homini arbitriū, per quod omnia scelera & iniquitates fiunt. Videtis ad quanta absurda & blasphemias vestre vos ineptiæ, & impiæ deducunt ratiocinationes? Quid verò aliud facit Christus in hydriis in Cana Galileæ, quā quod fecit ab initio creaturæ in vite? Desistite igitur saltem vos Catholici mei, à tam impia contra Christum blasphemia: nec solum desistite, verumetiam alios quotquot potestis & quibuscunq; valetis modis retrahite, ne in extremi iudicii die graues & pro scandalo, & pro blasphemia pœnas exoluatis.

Obiectio  
cur tantum  
vini factum  
à Christo.

2. Responſio.  
Quale.

Dices: Cur ergo Christus in illis nuptiis, tantam vini fecit copiam, quanta suffecisse putatur ad sexcētas, imò etia plures personas inebriandas? Respondeo multis modis: Primum, quæro vicissim: vnde tu scis vinum illud non caruisse virrute inebriandi homines? Certè posse tale Deum creare, nemo sapiens dubitauerit. Sed inquis, bonum fuisse testatur Architriclinus. Imò fateor fuisse optimū, quale ab origine mundi non fuit. At quid bonitati vini cum ebrietate? Nunquid vos ipsi non magis delectamini vinis Vngaricis, quàm Hispanicis, cum tamen hæc magis, quàm illa inebrient? Deinde quòd ad copiam attinet, hinc contrarium potius probatur: Euidens enim est in illis pauperibus nuptiis tot personas non fuisse, quod ad vinum illud exhaustiendū suffecissent. Postremò si adhuc in-

2. Contrariū  
inde proba-  
ri.

3. Causas

stas.

stas, cur illud Christus vinum fecerit? dicam; <sup>signatur ex</sup> multis de causis id præstitit; sed tu eas dunta- <sup>Euāgelio.</sup>

xat accipe, quas Euangelium aut insinuat, a- <sup>1. Subleua-</sup> ut expresse refert. Prima sit, vt subleuaret <sup>tio paupe-</sup> paupertatem sponsi & sponsæ. Propterea e- <sup>rum.</sup>

nim tantam eius copiam fecit, vt de reliquo <sup>4. Reg. 4.</sup> viuere possent. An quod fecisse olim Deum <sup>ad preces Elizei multiplicando oleum pauperi</sup> viduæ, vt haberet tūm vnde debitum solue- <sup>ret, tūm vnde cum filiis viueret.</sup> scripturæ as- <sup>serunt;</sup> id nos Christum facere potuisse nega-

bimus? Altera est, vt clarificetur Pater æ- <sup>2. Clarifica-</sup> ternus. <sup>tio Dei.</sup> Quam causam insinuat, quando ma-

tri suæ duriusculè loqui videtur, vt ostendat <sup>in his solius Dei gloriam quærendam esse, ne-</sup> que propter cognationem, tale quid esse faci- <sup>endum.</sup> Tertia iam clarè exprimitur, cum <sup>3. Diuinitas</sup> dicitur: ET MANIFESTAVIT GLO- <sup>Christi.</sup>

RIAM SVAM. Non solum enim patris sui, <sup>sed etiam suam gloriam manifestauit, non so-</sup> lum patrem, sed se itidem esse Deum ostēdit.

Dei enim proprium est naturas rerum trans- <sup>mutare, quod hic fecit Christus.</sup> Neq; enim <sup>vnquam de vilo Propheta tali phrasi vtitur</sup> scriptura, quia ipsi non suam, sed Dei gloriam <sup>quærebant, & manifestabant.</sup> Erant em̃ tan- <sup>tummodo serui & puri homines:</sup> Iesus autem <sup>& fuit, & est, eritq; in æternum filius consub-</sup> stantialis patri, homo & Deus, Deus incar- <sup>natus.</sup> Ideò dicitur, quòd MANIFESTA- <sup>VIT GLORIAM SVAM;</sup> diuinam videli-



cet, quod notatu dignum est contra Anabaptistas: sed & Messiam se esse hoc facto manifestavit, quod ex effectu clarum est. Ideo enim sequitur.

ET CREDIDERUNT IN EVM DISCIPULI EIVS. Quod dupliciter potest intelligi, vel quòd auèta fuerit in illis fides: hoc enim etiam multò post petunt à Christo dicentes: *Adauge nobis fidem*: vel quòd crediderint illum esse Deum: Et quem antea pro Messia susceperant, nunc ex hoc tanto miraculo verum Deum esse agnoscunt. Ideoque dicuntur credidisse IN EVM. in neminem autem nisi in solum Deum credere nos oportet. Et hæc est quarta causa tanti miraculi ex ipso contextu decèrpta. Quid ergo repudiabimusne ô Catholici mei, hæc miraculi istius euidentes rationes à veraci Scriptura nobis traditas, & amplectemur illas ab impiis & mendacibus hominibus confictas? Absit. Nam & insani planè essemus si id faceremus, & ingratiissimi, si inde blasphemandi occasionem nos sumeremus; unde illi, qui presentes aderant, in gratiarum actiones eruperunt. Sed respondent tandem forte se ea, quæ dicuntur iocandi gratia proloqui. Verum neque hæc responsio locum habet, tum quòd verè & serio ad excusandam nostram ebrietatem, id vt plurimum faciamus: tum quòd iocari blasphemando nil sit aliud, quàm irridere Deum, à quo vide ne tu vicissim irridearis, prout Divinus

Fides Discipulorum.

Mat. 17. 5.

Responsio diluitur.

uinus Psaltes tibi prædicit cum tuo magno malo. Blasphemare autem te Christum cuius dens est: facis enim illum promotorem peccati, quod nullo modo ei competere potest.

Ebrietatem autem peccatum esse, non probatur in scriptura tantum sacra, sed & ipsum lumen rationis humanæ naturæ intus abundè attestatur. Ideò ipsi etiam gentiles tum Philo-

sophi, tum Oratores, quibus non rationibus & inuectiuis hoc vitii genus sunt infectati?

Certè sola exempla, quæ in scriptura habemus, Et mala horrorem nobis incutere deberent. Quid n. multa inducat.

mali hoc vitium in orbem terrarum non inuexit? Ebrietas Noë Patriarchæ, licet igno-

ranter, ideòque sine peccato commissâ fuerit: Gen. 9. 21.

causâ tamen siue occasionē præbuit ut tertia pars orbis terrarum malediceretur; quæ maledictio an hucusque in posteris Cham, &

Chanaam non duret is, cui nihil est occultum, nouit conditor Deus. Similiter Loth dolo

& astutia filiarum inebriatus, bis turpissimum incestum commisit; unde gentes Deo & Isra-

eli iniuræ & scandalosæ exortæ fuerunt. Hæc ipsa ebrietas fratricidii causa fuit, quando Ab-

salon fratrem suum Amnon, filium primo-

genitum David, temulentum trucidare præcepit, qui si ebrius non fuisset, non cecidisset.

Pari ratione Simon Dux ex Machabæis stre-

nuissimus, & filii ipsius ebrii, fraude filii Abobi à Ptolomæo occisi sunt. Quod si dixeris: cauere nunc ista, & his similia, ac proinde ebrietatem

Probatur in  
quæ Ebrietas.  
Et sit peccatum.

Cic: Phil. 2. secunda.

Et mala multa inducat.

1. Exemplum  
Noë.

Gen. 9. 21.

2. Loth.  
Gen. 19. 37.

Num. 25. 1.

3. Reg. 13. 21.

3. Amnon.

4. Simonis  
Machab.

1. Mach. 16. 16.

Responsio  
soluitur.



ebrietatem sine peccato committi posse. Si hoc inquam dicis, tria falsa asseris. Primum, nō procedere nunc talia ex ebrietate scelera, cū contrarium in singulos, vt ita dicam dicis, vel audiamus, vel etiam oculis conspiciamus nostris homicidia n. inprimis quæ inde consequuntur quis certō complectatur numero? Imò hæc ipsa, de qua iam egimus, & verbi Dei corruptela, & blasphemia, nunquid id euidenter non demonstrat? Deinde, ita falsum est talia ex ebrietate flagitia non emanare, vt non emanare non possint. Nō enim mentitur Spiritus Sanctus, qui & in veteri te-  
*Pron: 20. 1.* stamento inquit: *Luxuriosa res vinum, & tumultuosa ebrietas,* & in nouo ait: *Nolite inebriari vino, in quo est luxuria.* Cui ergo vis potius credam, tibi an Deo? Et certē in Loth adeo id est clarum, vt præ ebrietate, quid commiserit ignorarit. In Luthero verò, & aliis nostri temporis Hæreticis, quis tam cæcus vt id non videat? Postremò, etiam si hæc omnia vera essent, falsum tamen est, ebrietatem per se peccatum non esse. Quomodo enim peccatum non erit, quod nos regno cælorum priuat? Apostolus expresse inquit. *Nolite errare* (Sciuit enim quod aliqui vitiis excecari contrarium dicturi erant: ) *Neq; fornicarii, neque idolis seruientes, neque adulteri & c. neq; fures, neque auari, neque ebriosi regnum Dei possidebunt.* Et alibi enumerans opera carnis, inter alia di-  
*Gal: 5. 20.* cit; *inuidia, homicidia, ebrietas, commessationes,*  
*& hic*

*Et his similia; quæ prædico vobis sicut prædixi, quoniam qui talia agunt regnum Dei non consequentur.* O stulta ac insana planè permutatio, pro amphora vini, regnum cælorum perdere. Verùm quia hac de re sæpius nobis disserendum erit, hæc nūc dicta sufficiant.

Veniamus ad remedia, de quibus nos ultimo loco acturos recepimus, agamusq; de illis non solum vt corporali. sed etiam quatenus spirituali, ideoque omni ebrietati seruiunt: Et ex dictis quidem in hac concione nec pauca, nec leuia colligi possunt: quibus addeamus & alia. Vt autem melius & memoria retineri & in praxim reduci possint, considerabimus omnes circumstantias, quæ in actu morali attenduntur; vt inde remedia & opportuna, & necessaria hauriamus: hocq; vinum pessimum iniquitatis, prostitutionis, damnationis ( vt illud scriptura vocat ) fastidiamus, respuamus, fugiamus; Christi verò optimo vino satiemur, delectemur, inebriemur. Meditemur igitur obsecro primum quidem hoc, quod iam insinuauimus, nempe; vnde hæc vina proueniant? Prouenit enim alterum ex penu inimici nostri diaboli: alterum ex vinea Christi omnipotentia eius confectum. Verùm vt promisimus, hinc tantum de vino pessimo diaboli, quod est peccatum, agemus. Itaq; secundò quærimus, quid sit istud vini, & qualenam sit? Nec scio an magis graphice describi à quoquam potest, quàm illud Moyse depinxit.

III. PARS.

Remedia continent &amp; summam dictorum.

Circumstantiæ consideranda.

1. Quis amator.

2. Quid &amp; quale vinum malum.



pinxit, & nos pro modulo vestro interpretati sumus per illud C o s. Adamus effectus pessimus præterdictos. Hi verò notantur tribus illis verbis? *Venenum aspidum insanabile*. Si enim venenum est; nociuum igitur vitæ humanæ, quam è medio tollit erit. Tollit autem vitam animæ, quæ sola vita est. Nam hæc vita, qua hic viuimus, vmbra potius mortis, quàm vita vocanda esset. Deinde, si est *venenum aspidum*, perniciosum igitur erit, vino enim hic ebrii sicut aspis obturant aures suas, per quas medicina solet instillari, & infundi; ne eam recipiant, & sanentur. Ideò additur *insanabile*. A nullo enim sanari potest, nisi à solo omnipotenti Deo; quod in hac quidem vita fit aliquando, verum non sine labore, dolore, & periculo, ne obdureris vt Pharaon: in illa verò vita nunquam fit. Est enim omninò ibi insanabile. Hæc itaq; tu consideres velim diligenter: nos enim insinuamus tantum capita meditationum. Tertiò quærimus, vbi nã hoc vinum propinetur? Et dicimus quòd vbiq; terrarum. Neque enim est vllus mundi angulus, in quo non proftet, imò vbi non obtrudatur omnibus. Nemo ergò sit securus, nemo ad vinum, sed omnes cautè agamus, ne eo inficiamur, & iugulemur. Quòd si de mediis, quibus hoc vinum pessimum nobis Sathan ingerit interrogaueris. Scias ea multa, & varia esse: præcipua sunt, tum coniuncta nobis, mundus, & caro, tum extrinseca Hæreticorum.

3. Vbi propinetur.

4. Quibus auxiliis.

(Quadranga diaboli.)

ticorum ministrorum suauiloquentia, & ma-  
 lorum consortium. Hac quadriga infinitas  
 hominum incautorum myriades diabolus in  
 infernum vehit & intrudit. Causa verò non  
 alia, nisi inuidia & malitia diaboli; quæ nun-  
 quam potest tormentis miserorū satiari. Ideò  
 quod diximus considera: Si em̃ ita uti in con-  
 cione audiuiti, tractat hic illos, quibus adu-  
 latur & condescendit: quid eisdem faciet, quā-  
 do inimicitiam publicè eis declarabit, & totū  
 virus suum in eos euomet? Quomodo autē  
 & quibus artibus diabolus per mundum, &  
 alios suos affeclas hoc fel draconum instillet  
 mortalibus, quis nouit? quis omnes artes  
 eius, & decipiendi modos enumerabit? Ne-  
 mo equidem, sed nec pauca ex multis profer-  
 re in medium tempus patitur: sufficiat quod  
 ex ore Architriclini audis, illum quicquid facit  
 fraudulenter facere. Denique tempus ipsum  
 quod in vino hoc propinando plerumq; ob-  
 seruatur; nox est, obscurum est, tenebræ sunt.  
 Attestatur hoc Apostolus de illo, quod huic  
 loco maximè est proprium vitium de ebie-  
 tate inquam cum ait: *Qui ebrii sunt, noctu ebrii*  
*sunt,* (quamuis hæc Pauli regula fallat hic nō-  
 nunquam. Eo enim impudentiæ deuenimus;  
 ut peccata in laudem ducamus.) Et certè ple-  
 raq; peccata in tenebris corporalibus, omnia  
 autem in densissima animæ caligine fiunt. Deo  
 te pramonente ut cogites; quid erit in poste-  
 rum, quando proiiceris in tenebras exteriores.

ubi erit

5. Cui.

6. Quomodo.

7. Quando

1. Thesi.  
7.

Mat. 8. 12.



*Prov: 14.* ubi erit fletus & stridor dentium, quando extrema

13.

gaudii luctus, non temporalis tantum, (quod in omni vitio euenit teste sapiente sed æternus planè occupabit. Hæc igitur animo reuoluite ô Christiani, hæc ante oculos mentis notu atque interdiu versate dilectissimi, vt vinum hoc pessimum & venenosissimū bibere respuatis. Recordamini quæ & de felle draconis Moyſes, & Iosephus de pomis Sodomorum dixerit. Magis verò meminisse nos oportet pomi illius, quod primi parentes nostri in Paradiso degustarunt: quod aspectu pulchrum, & gustu suaue, quanta in orbem inuexerit mala audistis, nostis, sentitis. Atq; vtinam bene sentiat, id est ad poenitentiam, non ad obstinationem. Sed & illud mente reuoluite quæſo, quàm aut cæci simus; qui has fraudes non videmus: aut stulti, imò penitus insani, si videntes & audientes quomodo seipsum vocet mundus, & Sathan deceptorem, nihilominus illum potius, quàm Christum optimum & sincerissimū sequimur. Excla-

8. Quod sit  
tantum ap-  
parens bo-  
num.

9. Confide-  
ra stultitiã  
&

*Psal: 91. 8.*

10. Panas x-  
ternas.

mabo ergo cum Dauide. *Et stulti aliquando sapite.* Postremò, si asperum tibi videtur vinum Christi, quod hic propinat tibi, considera & quam sit magis asperum diabolicum, & illud quod dicit Dauid de duplici vino, quorum alterum hic, alterum in illo sæculo bibitur. Ait enim *Calix in manu Domini, vini meri plenus mixto. Et inclinauit ex hoc in hoc. Istud sit in hac vita, vbi miscentur dulcia ama-*

ria, leta

ris, læta tristibus. Quid verò erit in altera? Respondet. *Verumtamen sex eius non est exinanita, bibēt omnes peccatores terra. Bibēt fæcē, bibēt puras tribulationes, dolores, tormenta, & bibent sine fine, & absque villo termino. Hæc recogita. & conuertere ad Dominum Deum tuum, vt in hac die misericordiam obtineas à misericordissimo Domino nostro Iesu Christo, qui est benedictus in sæcula sæculorum. Amen.*

## CONCIO SECVNDA

## Fides.

EVANG.

HÆRETI-  
CI PER EX  
TREMAM  
CVRRVNT

**C**eleberrima illa inter virtutes differentia, qua cæ quidem, quæ morales dicuntur, in mediocritate consistere; illæ verò, quas Theologicas nuncupamus, medio carere asseruntur, sicut à Doctõribus recepta ita omnino (dum modo rectè intelligatur) verissima est. Id enim & ratio in scriptura fundata, & ipsum nos docet verbum Dei. Etenim vt norunt omnes, moralium virtutum proprium est, circa hæc terrena versari: Theologiarum verò munus est, Deum ipsum attingere. Cùm ergò omnia, quæ à Deo creata sunt, in mensura, & numero, & pondere disposita fuerint: Si quando hæc pondus, & mensurâ, aut non attigerint, aut exceßerint suam, vitiosa erunt: at verò Deus Optimus, Maximus,

Differentia  
inter virtutes  
Theologicas  
& morales.  
*D. Th. 1. 2.  
q. 64. Art.  
1. 3. 4.*

Sap. 11. 21.

Y

in quem



in quem credimus, cui fidimus, quem amamus; cum omni omnino mensura, numero, & pondere determinato careat, quanto fortius, & potentius per virtutes istas à nobis attingetur, tanto ipsę etiã virtutes excellentiores in nobis erunt. Sed & ipsa scriptura per *Ecclesi. 7. 17.* Salomonem monet nos dicens: *Noli esse insus multum: neq; plus sapias, quam necesse est;* nunquam autem hortatur nos, ne Deo multum credamus, aut ne plus speremus, amemusq; illum, quam necesse est: quinimò suadet, ut hæc maiori, qua possimus cum diligentia & intensione perficiamus: Ac proinde suadet etiam, ut illas quidem virtutes certis terminis coarctemus, has verò liberè sine freno villo in Deum ferri permittamus. Verum etiam si hæc ita se habeant, tamen cum eadem scriptura, imò Deus per Moysen, sæpè populum illum suum moneat, ut non *declinet nec ad dexteram, nec ad sinistram*, monere etiam videtur, ut in illis, quæ credenda sunt, mediocritatem obseruet: Quomodo ergò nos in fide medium dari negauimus, ad quod Deus populum suum etiã præceptis adigit? Difficultatem istam in hac concione excutere intendimus.

**PROPO:** Quare ostendemus in primis, quomodo & *Tripartita.* hæc non contradicant sibi, & tamen medium aliquod semper in rebus fidei necessarium fuerit. Deinde id ipsum tribus, vel quatuor exemplis ex hodierno Euangelio demonstrabimus.

bimus. Postremò, quonam modo hoc quoq; sit euident signum Ecclesiæ Christi declarabimus. Et quia in hac concione præcipuè verba D. Ioannis explicare instituimus: idcirco Euangelium per partes explicabimus: ea quidem quæ proposuimus copiosius tractando; alias verò leuius; quædam etiã quo spectant remitemus: Tu Christe Iesu perface, vt hæc considerantes, & neq; ad dextram, neq; ad sinistram declinantes, ita ambulemus, vt ad te qui es beatitudo nostra, feliciter peruenire valeamus.

Quemadmodum in omnibus aliis, quæ ad I. PARS  
vitam nostram piè, & sanctè transigendam Scopus dia-  
pertinent: ita in iis, quæ ad res fidei spectant, bolis.  
omnem nauat, datq; operam inimicus animarum nostrarum Sathan, vt nunquam nos recto itinere ambulare permittat, ideoq; iam ad dextram (per quam excessum) iam ad sinistram (per quam defectum intelligimus) eicit exturbatq; incautos; vt via virtutis media relictà, per extrema vitiorum de via curramus. Qua in re omnes virtutes tam Morales, quàm Theologicæ conueniunt; in eo videlicet, quòd omnis virtus debeat habere certos, & determinatos rerū terminos; quos si aut non attigerit, aut excesserit, virtutis nomen amittat. Itaq; sicut in temperantia sunt certa quædam & determinata, quæ appetere licitè possumus: ita in credendo sunt certi & determinati articuli, circa quos fides nostra  
Y 2 versatur;

Virtutū con-  
cordia.



Differentia  
inter Moral.  
& Theol:  
virt-

Ecl. 7. 17

Exempla per  
extrema in-  
credulitatis  
Ex vet. Test.  
1. De cultu  
diuino.

1. Reg. 15.  
15.

versatur; à quibus siuè ad dextram; siuè ad  
sinistram deflexeris, ex fidei infidelis efficiaris.  
In actu tñ. ipso, eiusq; intensione dispar est ra-  
tio. Morales n. virtutes hinc quoq; mediocrita-  
te seruare debent ad quam Theologica non obli-  
gatur. Nam ut in exemplo dato scriptura persi-  
stamus, qui multum, id est, nimium, est zelans iusti-  
tiae, potest tantum in illo suo desiderio habere  
feruoris, ut in crudelitatem conuertatur:  
idem opinare de liberalitate, quae saepe in viti-  
um prodigalitatis deflectit: at verò in acti-  
bus fidei, spei & charitatis, quibus in Deum  
ipsum ferimur, nihil tale est verendum: quin  
imò ( ut diximus ) quò ii feruentiores fue-  
rint, eò etià erunt excellentiores.

Hæc est inter has virtutes conuenientia, &  
discrepantia: qua posita, videamus iam, quo  
nam modo etià in credendis per extrema ca-  
tur. Huius rei ex veteri testamento duo suffi-  
cient exempla: alterum sit de cultu diuino:  
hinc enim quando Iudæi omnino abiiciebant,  
in sinistram euntes in Idolatriam incidebant;  
quod saepe contigisse norunt omnes: E con-  
tra Saul, & populus qui cum illo erat, ad dex-  
tram deflectens, ac nimis sacrificiis, & cultui  
externo addictus, *pepercit melioribus ouibus, &  
armentis ut immolarentur domino Deo* contra ex-  
pressum mandatum Dei, qui præceperat om-  
nia Amalech occidere, & demoliri: quod quia  
non fecerunt, & Saul à Deo reprobatus fuit,  
& omnes audire à Samuele debuerunt, quod  
*melior*

*melior est obedientia quàm victima; & auscultare  
magis, quàm offero adipem arietum.* Alterum exē-  
plum est de ipsa scriptura; Samaritani enim  
in nimio peccabant quia non solum scriptu-  
ram sacram in veteri testamento contentam,  
sed etiā aliam pro sacra recipiebant, plures  
Deos cum vero Deo colentes, ideoq; scriptis  
quæ hîc docebant necessariò credentes. Con-  
tra Saducæi, non plures quàm quinq; libros  
Moyfi recipiētes (propterea Christus domi-  
nus ex Moyse, confutat eos) in aliud incur-  
rebant extremum. Illos hæretici antiqui imi-  
tabantur, qui scripturæ sacræ multos adde-  
bant libros apocriphos: hos nostri, qui pro  
cuiusvis capite quicquid in scriptura placet,  
vel recipiunt, vel reprobant.

2. De ipsa  
scriptura.

4. Reg. 17.  
33.

Mat. 23.  
31.

Iam in nouo testamento, tam hoc est fre-  
quens, vt vix fidei Catholicæ reperiās articu-  
lum, quem & à dextris, & à sinistris non im-  
pugnarint hæretici. Nam in eo, quod supre-  
mum est fidei nostræ mysterium, nempè in  
Trinitate; olim quidem Arriani sicut tres per-  
sonas, ita & naturas totidem comminisce-  
bantur: è contrà verò Sabellius cum suis,  
nonnisi vnā tū naturā, tū personā  
in diuinis asserbat. Neq; verò pars vtrāq;  
nunc etiam suis caret asseclis: quamuis, vt hæ-  
reticorū fert natura, & cōsuetudo, aliquid sē-  
per ātiquis erroribus vel addūt vel demunt;  
vt sectarios esse agnoscas. Fides autem Catho-  
lica in medio consistens, & contra Sabellium

Ex nouo

1. De Trini-  
tate.



2. De Christo.  
Ro.

3. De Maria  
Virgine.

tres personas in diuinis; & contra Arrium, vnam tantum naturam credit, docet, profite-  
tur. Verum de Christo diuerso, modo sen-  
tit Ecclesia asserit enim in Christo Iesu, duas  
quidem naturas, diuinam & humanam, vnā  
verò tantum personam, diuinam videlicet  
fuisse, & esse. Cuius contrarium, ex vna par-  
te quidem Dioscorus, & Eutiches docent, v-  
nam tantum naturam in Christo ponentes:  
ex altera verò Nestorius non naturas solū,  
sed & personas duas in eodem reponit, idcōq;  
virginem Mariam vocare Deiparam dedigna-  
tur. Ex cuius quidem virginis Beatissimæ v-  
tero, Manichæi Christum verè natum esse  
negant, cū phantasticum corpus illum ha-  
buisse asserant: è contra verò non pauci ex  
antiquis Hæreticis, & pleriq; ex nostris Ana-  
baptistis, asserunt Christum dominum non  
secus naturaliter, ac nostrum aliquem ex ma-  
tris vtero processisse. Veritas & fides Catho-  
lica stat in medio: Christum videlicet Iesum  
verum quidem corpus ex purissimo Mariæ  
sanguine confectum habuisse; verèq; ex ea  
natum esse, non tamen eo, quo nos nasci-  
mur, modo, sed vtero virginis, sicut ante par-  
tum, ita post, integro permanente. Tempus  
me deficeret, si nō dico omnia, (sunt n. propè  
infinita) sed præcipua tantum hæreticorum  
dogmatum capita, in quibus per extrema cu-  
currerunt, recensere vellem. Itaq; omnibus  
aliis prætermiſſis; ea solummodo videamus,  
quæ

quæ Euangelium hodiernum nobis porrigit;  
quod ita incipit.

NUPTIÆ FACTÆ SVNT IN CANA II. PARS.  
GALILÆÆ. Quod quidem oppidum vici- Cana ubi  
num erat Nazaretho, ubi & Christi parentes fuerit.  
habitabant, & ipse educatus fuit. Additur  
autem GALILÆÆ tum ad differentiam al- Mysteria  
terius eiusdem nominis oppidi, quod Cana inde.  
Sidoniorum vocabatur: tum propter myste- Hier: de lo-  
rium. Nuptiæ enim corporales nonnisi in Ca- cis Habr.  
na Galilææ fiunt: Cana enim interpretatur  
zelus seu æmulatio. Galilæa verò rota siue  
volubilitas: Est igitur mysterium idq; du-  
plex: quorum alterum ipse Christus, alterū  
Apostolus nobis edisserit. Nam & zelus seu  
æmulatio, & volubilitas nonnisi in hoc mun-  
do reperiuntur; in alio enim sæculo, & cessa-  
bunt hæc omnia, & teste Christo erimus sicut Mat: 22:  
*Angeli Dei*, qui neque nubunt, neque nubun- 30.  
tur. In matrimonio autē corporali hæc ma-  
ximè vigere, Apostolus testatur dicens: *Tri-* 1. Cor: 7.  
*bulationes tamen carnis habent huiusmodi*, propter  
quas carnis tribulationes ita Deo illis seruire  
non posse, sicut soluti matrimonio seruiunt,  
disertis verbis affirmat. Verūm hæreticis id Hæretici cō-  
non placet, qui asserunt contrarium haberi trarii D. Pau-  
experientia. Videmus enim inquit, illos lo.  
qui statum castitatis complexi sunt, & vri ve-  
hementer, & minus castè quàm alios viuere.  
Ad quod respōdeo. Hæreticos, & videre mul-  
ta, quæ non sunt; & mentiri se esse Euangeli-



Exempla  
spurcitiæ  
Ministros.

cos cū contrariū Euāgelio, quod D. Paulus  
predicauit, sētiāt. Nōne Apostolus toto quasi  
illo capite cōparat statū coniugatorū cū statu  
cōtinētū? & de cōiugatis concludit, tribulati-  
onē carnis habere eiusmodi? vtiq; respectu al-  
terius status quorū cōparatur. Deferam ergō  
veracem Apostolū, & sequar eos quorū men-  
dacia tot sum expertus, quot capillos capitis  
non habeo? Absit. Ad experientiam quid al-  
liud dicam non habeo, quam me neutros nu-  
merasse: certō autem scire hæreticos in alie-  
nis( præsertim continentium ) viciis lynces,  
in suis talpas esse. Quid mirum, quòd inter  
tot millia eorum, qui castitatem vouent, in-  
ueniantur nonnunquam aliqui minus castè  
viuentes, cū inter tam paucos hæreticorum  
Ministros licet coniugatos, & adulteri, & in-  
cestuosi reperiantur? Nonne recordamini,  
quando in hac area vicina tēplo huic Vilneſi  
Minister propter turpissimum adulterium ca-  
pite plexus fuit? Nostis nunc quoque non  
procul abhinc alterum, quid cum filia fecerit,  
quo nomine ab illorum Synodo ad ius voca-  
tus, venire recusauit. Nec immeritō sanè: si  
enim verum est, quod asserunt, solam fidem  
iustificare: Iste autem eandem fidem, quam  
& alii Ministri habebat; iustus igitur fuerat?  
Præterea fuit etiam spiritualis, nam erat Mini-  
ster. Cur ergō iudicaretur, cū Apostolus  
s. Cor. 2. 15 dicat, quod *Spiritualis à nomine indicatur*? Hæc  
propter simpliciores, vt videant, & qualibus  
isti

isti fundamentis innitantur, & quomodo nō defint trabes in oculis illorum, qui festucas in alienis vident. Nos ad nostra, id est, ad Euangeliū redeamus. Sequitur itaq;

ET ERAT MATER IESV IBI: id est, in nuptiis illis in Cana. Creditur autem adfuisse tanquam cognata, non ad conuiuandum, sed ad inseruiendum; quod ex ipso etiam textu satis apertè colligitur. Propterea enim neq; inuitata esse dicitur, neq; sedet, sed discurrēs, iam filio necessitates proponit; iam Ministris quid factū opus sit imperat. Secus actum est cum filio, & discipulis eius, qui erant inuitati; Ideò subiungitur. VOCATVS EST AV-

Maria ser-  
uit.

TEM ET IESVS. Alii dicunt vocatum fuisse propter famam sanctitatis ipsius, quæ iam incipiebat increbrescere: alii propter cognationem; existimarem propter vtrumq; , sed magis propter secundum. Est autem hīc do-

Christus cū  
Apostolis  
cōuiuz.

ctrina contra illos, qui non vocati ipsi se ingerunt ad nuptias, imò aliquando irruunt, qui aut sunt sordidi parasiti, aut impudentes helluones, aut lasciui iuuenes; omnes autē tales primū admonitione, deinde verò etiam digni sunt vt exturbentur. E contra duo-

Mali conui-  
uaz triplices

tria uē genera hominum honestè ad nuptias, & alia eiusdem generis conuiuia veniunt; vnum eorum, qui inuitantur. talis hīc fuit Iesus cum aliis conuiuis: alterum illorum, qui ministrant, talis erat Beata Virgo, Architriclinus, & his similes: tertium genus est eorum,

Honesti to-  
tidem.

NOTA  
De pauperi-  
bus.



Paradoxum  
verissimū.

Matth: 23.  
40.

Luc: 16. 22

qui sedent ad portam mendicantes. At, inquis, tales nec sunt inuitati, nec ministrant, & solent esse fastidiosissimi. Cur quæso? Quia lūc importuni. Imò verò quia tu, qui id dicis, es & immisericors, & imprudens multis nominibus. Primū quidem, quia non consideras, quinam sint isti: Sunt enim & inuitati magis quàm alii, & ministrabunt sibi, si vobis, plus quàm alii. Paradoxum est istud inquis: sit licet, sed est paradoxum verissimum. Audi, & pondera rationes, Esse inuitatos magis quàm alios inde constat, quia vocati sunt ab eo, qui omnibus præest, & qui omnia in illis nuptiis administrat, à Christo inquam Domino. Negabis? At ipse Iesus fatetur; non solum se illos inuitasse: sed seipsum in illis esse. At non audisti quod promiserit Christus se dicturum in iudicio, *Quam diu fecistis uni ex his fratribus meis minimis, mihi fecistis?* An non recordaris, quomodo diues, ille epulo condemnatus fuit, non alia certè de causa, nisi quia Lazarum, quem Deus ad eius prandium inuitauerat, ipse conuiuio excipere noluit? Deinde, si pauperibus benefeceris in nuptiis, siq; vel ipsi non poterunt tibi seruire, vel tu ipse tales ministros in conuiuio habere dedignaberis, ipse qui in illis est, & ministrabit fideliter, & administrabit abundanter omnia: cū temporalia, vt hīc fecit in vino: tum verò spiritualia. Postremò, quæ est ista prudentia quæso, helluonem, qui & cibo, & potu

potu plenus est vsq; ad summum, ad epulandum cogere: ieiunum autem & sitibundum, propter Christum obsecrantem negligere, & fastidire? Hæc recogitate quæso, hæc reuoluite, & non fastidio, sed cordi erunt vobis pauperes, vt illis beneficiatis in nuptiis. Sed ad Christum redeamus.

Christus itaq; dominus noster non solum vocari ad nuptias, sed etiam adesse iis voluit.

Cur Chr̃s  
venerit ad  
nuptias.

Causam omnes Patres & Doctores assignant, vt & approbaret, & honoraret, matrimonium: nouerat n̄. futuras Sathanæ fraudes, quas nos partim iam præterisse, partim adesse videmus. Sunt em̄, sicut in aliis, ita hic quoq; duo (inter alia) extremorum diabolicorum genera, quæ vt melius intelligantur, sciendū est: quamuis ab initio mundi coniugium ab ipso etiam Deo in honore habitum semper fuerit; nunquā tamen tot, & tam eximiis donis, & priuilegiis ornatum fuit; sicut à filio Dei Christo Iesu: ita tamen, vt idem Christus statum continentiae, præsertim virginalis illi longè prætulerit. Dotauit autē Christus Dominus matrimonium, duobus maximè priuilegiis, Sacramento videlicet, & vt ita dicā, indissolubilitate; Sacramentum animam confortat per gratiam, quæ in illo datur: indissolubilitas verò carnem compescit, ne diffluat, quandoquidem nouit inter coniuges talem esse coniunctionem, quæ non nisi morte dissolui potest. Vtrūq; priuilegium Sathan eripere

Duo matri-  
monii priu-  
legia in no-  
ua lege.



PRIMUM  
par extrema  
rum hæresū  
circa pri-  
mum priui-  
legium.

SECUN-  
DUM par  
circa alterū.

Quanta sit  
firmitas ma-  
trimonii.

pere fidelibus conatur: Facitque id more suo, per Ministros suos, utrumque; tū à dextris tū à sinistris impugnando. Nam matrimonium oppugnabat Sathan à sinistris, minus illi dando, quam par est, imò funditus illud è medio tollendo, per Ticianistas, Eucratitas, Manichæos, Marcionistas, Catharos, Apostolicos, Gnosticos, Priscillianistas & his similes antiquas pestes. A dextris verò plus illi largiendo, quam oportet, turbabat illud & olim per Iovinianum, & nunc per Lutherum, ac alias nostrorum temporum colluuias, qui matrimonium castimonie, & ipsi virginitati æquant. Omnes autē tam hi. quam illi, matrimonium sacramentū esse negant. Secundum verò coniugii priuilegium: à dextris quidem oppugnabat olim Sathā per Montanistas (ex quorum numero fuit etiam Tertulianus) & Nouatianos, qui tam indissolubile vinculum matrimonii ponebāt, ut ne morte quidē discindi posse assererent; id eoque; secundas nuptias reiiciebāt. A sinistris verò impugnant illud valde Russi nostri, & Græci Schismatici, & Hæretici moderni, qui diuortia varia & permittunt, & faciunt etiam in matrimoniis consummatis.

Catholica verò Ecclesia media virtutis graditur via, asserens indissolubilitatem matrimonii in noua lege, neque, tam strictam esse, quin morte corporali dissoluatur; neque, tam laxam ut matrimonium ratum & consummatum à quoquam alio præter ipsum Deum quòd

(quod facit ordinariè per mortem alterutri-  
us coniugum) discindi queat. Pro prima ve-  
ritate, aduersus primum errorem, habet A-  
postolum expresse contra dicentem. *Mulier Rom: 7. 2,*  
*viuente viro alligata est legi, si autem mortuus fue-*  
*rit vir eius soluta est à lege viri.* Et alibi sic inquit.  
*Mulier alligata est legi, quantò tempore vir eius vi-*  
*uit, quòd si dormierit vir eius, libera est, cui vult*  
*nubat; tantum in Domino.* Nescio quid clarius  
dici potuit: & tamen tam euident scriptura  
pertinaciæ antiquorum hæreticorum satisfacere non potuit: sicut neq; sequens nostròs  
quietos reddit (vt alterum deserant errorem) *Contra di-*  
licet nec sit minus euident quàm illa; nec so- *uortia Græ-*  
lùm Pauli sed ipsius etiam Christi ore fuerit *corum.*  
promulgata. Sic enim ille apud tres Euange- *1. Cor. 7. 13*  
listas: *Dico autem vobis, quia quicumq; dimiserit* *Mat: 19. 9.*  
*uxorem suam, & aliam duxerit, adulterium com-*  
*mittit.* Et concludit dicens: *Quod ergo Deus con-* *Luc: 16. 18*  
*iunxit, homo non separet.* Quod tamen & Lu-  
therus cèrtis in casibus permittit, & Russi no-  
stri à Græcis edocti, leuissima de causa faciūt.  
Græci verò Schismatici contra edictum Chri-  
sti sequuntur edictum impij Imperatoris Iu-  
stini, qui lege data permisit & mutuo consen-  
su dissolui matrimonia, quod carnales homi-  
nes libenter complexi sunt, obliti decreti  
Dei sui Christi Iesu. Verùm dicent fortasse  
tam hæretici, quàm schismatici, se id à Ro-  
mana Ecclesia didicisse, in qua sumus Ponti-  
fex sæpè in matrimoniis dispensat. Quibus  
respon-

Vnde ea ha-  
buerint.

Vide Bar:  
tom: 7. An-  
nal: In Am  
D. 566.

Obiectio de  
dispensatio-  
ne.

NOTA  
Quid Ponti-  
fex possit in  
matrimo-  
niis.



respondeo, aut errare illos, si nesciunt; aut calumniari, si sciunt, nullum Summum Pontificem in verò & consummato matrimonio dispensasse vnquam. Dispensat certis de causis à cohabitatione, secundum illud dictum Apostoli; *quod si discesserit, maneat innupta*. Dispensat, vel declarat potius, nonnunquam, inter personas certas verum matrimoniū non fuisse, siue propter defectum consensus, siue propter impedimenta Ecclesiæ, ideòq, tales posse transire ad alias nuptias. Dispensat etiam in gradibus prohibitis, pro potestate sibi à Christo tradita. At quod vnquam sciens & volens in matrimonio rato & consummato dispensauerit, tam id est falsum, quàm cætera quæ hæretici excogitant mendacia. Memini cum primū in urbē venissem Pium V. cui-dam Regi per legatos, tale quid petenti, respondisse: non esse in Ecclesia potestatem concedendi alicui duas vxores viuas. Et quamuis periculum esset, ne ideò totum Regnum exemplo Regis in hæresim delaberetur: tamē hæc nil veritus Pontifex, liberè quæ retulimus dixisse fertur, vt vel inde vicarium Christi, cuius *cor in manum Domini est* (multò magis quàm regum) agnoscere valeas.

Primū par  
confutatur  
de dignitate  
matrimonij

Cæterū ad primū par extremarum hæresum quæ sunt circa matrimoniū redeamus. Et quidem de eo, in quo omnes conueniunt, negantes videlicet matrimonium esse Sacramentum, non attinet nos quicquam dicere,  
cum

cum id aliud temdus requirat. Proprium loci huius est discutere, in quo discrepant, imò in quo ita sunt sibi contrarii, vt coniugium alii quidem ita deprimant, vt Diaboli inuentum esse dicant; alii verò sic extollant, vt omnibus statibus, etiam ipsi virginitati illud adæquent.

Medium fides Catholica tenet; nempe matrimonium licitum quidem esse; quia Christus Dominus illud hodie & præsentia sua & miraculo approbavit: minus tamen & dignitatis, & meriti habere, quàm habet castimonia & virginitas; quia hunc statum ipse Christus est complexus. Absque omni autem controversia apud Christianos esse debet, Christum Iesum, non viliorem, sed honestiorem statum in se recepisse. Hoc argumentum tanti est, vt qui amat Christum, in eo solo libenter conquiescat. Sed Hæreticis scripturam in clamatibus, scripturam in medium proferamus. Itē Apostoli

Nec multis opus est; Apostolus enim litem dirimit, qui vno in loco, vna periodo, vtrūq; iugulat errorem. Nam cum inquit: *Igitur & qui matrimonio iungit virginem suam bene fecit:* Confodit primos, qui matrimonium malum esse asserunt: cum verò subdit; *& qui non iungit, melius facit,* confundit secundos, qui coniugium castitati præferunt. Quid pseudo-Euangelici contra apertum textum Euangelii? Nunquid melius, non est boni comparatiuus? Interrogentur pueri in scholis, vel Calepini consulantur, vt tandem

Catholica  
sententia.  
probat  
Christi auctoritate.

Itē Apostoli

1. Cor. 7.  
38.

aut



aut veritatem agnoscant, aut mentiri se esse  
Euangelicos desinant. Sed obiiciunt eundem

1. Tim. 4. 1

Obiectio he-  
reticorum  
de matrimo-  
nio & cibis.

Apostolum prophetare; quod nouissimis tem-  
poribus discedunt quidam à fide attendentes spiri-  
tibus erroris, & doctrinis demoniorum in hypocrisi

loquentium mendacium, & cauteriatam habentium  
suam conscientiam, prohibentium nubere, abstinere  
à cibis, quod Dominus creauit. Quales vos,  
inquiunt, estis Papistæ, qui & matrimonia  
vestris sacerdotibus, & quosdam cibos omni-  
bus Christianis prohibetis. Hæc istorum est  
oratio; sed videte quæso, quanta sit Ministro-  
rum hæc dicentium & perversitas, & impu-

NOTA.

Quam sint  
peruersi  
hæretici.

Quam im-  
pudentes.

dentia. Perversi sunt; quia id maximè curant,  
vt garriendo plebem decipiant, licet nihil ad  
rem loquantur. Quid enim hoc ad argumen-  
tum propositum? Impudentes verò sunt, quia  
norunt benè de quibus id prædixerit Paulus,  
quòd non de nobis, sed de illis, quorum tot  
phalangas enumerauimus, quos diabolus ad  
aliud extremum pepulit, quos Apostolus hîc  
mirè depingit. Isti enim nuptias prohibebât  
omnibus christianis tanquam rem illicitam,  
& à dæmone inuentam, quorum etiâ aliqui  
iubebât omnibus christianis sèper abstinere  
à cibis quibusdâ, maximè à carnibus, quia à  
diabolo eas creatas esse asseriebant. Quapro-  
pter Apostolus vocat has doctrinas demoniorû,  
quia verè à diabolo profectæ erant, ideò quæ  
expressis verbis docet contrarium dicens: quos  
dominus (non diabolus) creauit. Quæ quidè  
ultima

ultima verba malitiosè omittunt hæretici, Quam fraudulenti.  
 quando suos contra nos armant : quia norunt  
 non ideò ( sed alio sancto fine ) in Ecclesia Quam sibi contrarij.  
 prohiberi cibos aliquos, nec semper eos ve-  
 tari, sed certis tantum temporibus.

Verumenimverò nunquid ipsi hæretici, Retorque-  
tur s. obic-  
tio.  
 & maximè eorum medici idem non faciunt? 1. de cibis.  
 nunquid cibos quosdam non vetât infirmis?  
 Cur ergò eâdem prophetiam sibi non appli-  
 cant? quia inquit, nos propter corporis  
 salutem id facimus. Quarta nequitia est isto-  
 rum hominum; quasi verò non sit excellen-  
 tior finis, quem in hoc facto habet Ecclesia,  
 mortificare videlicet, & domare carnem, vt  
 spiritus saluus fiat, & vt mens in oratione li-  
 berius in Deum suum feratur, quàm sit,  
 què habent tam medici, quàm hæretici, nem-  
 pe corpus vel conservare, vel liberare ab in-  
 firmitate? Si ergò hoc licet, multo magis li-  
 cebit illud. Idemq; omninò in matrimonio 2. De matrimo-  
nio.  
 videre licet. Pleriq; enim hæreticorum no-  
 lunt habere famulos vxoratos, vel ancillas  
 maritatas. Quod ergò illis licet, propter rem  
 familiarem hominis priuati melius transigē-  
 dam, non licebit Ecclesiæ, propter bonum  
 publicum, & tam sancta munia, quæ sacer-  
 dos obire debet? Iudicet Deus, sancti ipsius,  
 & quicunq; vel vnam micam rationis habet,  
 quid horum sit æquius. Sed inquit nos nō  
 prohibemus, famulis, vel ancillis nostris nu-  
 ptias. Neque Ecclesia prohibet vlli eas, quam-  
 diu 3. Contra re-  
plicam à  
minori.



diu est liber, quamdiu fidem Deo non dedit, quam datam violare; imò *velle* tantum *nubere* damnabile esse asserit Apostolus. Non vult autem alium habere sacerdotem; nisi castum, tum quòd sit Minister rerum sanctissimarum; tum quia scit posse id fieri; imò ipso facto infinitos esse, qui castè viuere ( & inter hæreticos ) & insuper probat illos multum, nec permittit ordinari, donec feruor iuuentutis deferuescat. O si aperirentur oculi mentis vestræ quos pertinacia & præsumptio excæcavit; quàm clarè videretis & miraremini, quomodo in Ecclesia Dei minutissima etià quæq; pulcherimo procedunt ordine: indeq; agnosceretis spiritum sanctum hîc esse Nam vt ait Apostolus, *quæ sunt à Deo, ordinata sunt*; Ac inter alia videritis, etiam quomodo hæc scriptura, quàm contra nos adfertis, Lutheranos, Calvinianos, & omnes alios hæreticos depingat egregiè. Primò, quia magis *novissimis temporibus* exorti sunt, quam vlli alii; præterea, quia *discesserunt à fide* vera quàm maiores illorum coluerunt: Tertio, quia attendunt *spiritibus erroris*, qui quotidie novas illis suggerunt phantasias. Quarto, quia attendunt *doctrinis demoniorum*, cum quo modium talis se deuorasse gloriatur princeps, omnium nostri temporis hæresum Lutherus, qui etiam asserit se in disputatione & à Sathana conuictum sententiam de Missa mutasse. Quinto quia *in hypocrisi loquuntur*, aliud coram plebe asseren-

Ro: 13. 1.

4. Quia hæc scriptura hæreticos petit septem-pliciter.

Luth. de missa anglicani.

asserentes, aliud in corde versantes, & scriptis testantes. Sexto, quia loquuntur *mendacium*, imò infinita planè, prout toties ostendimus. Septimo, quia *conscientiam habent suam*: multis modis, quorum alios iam recensuimus, alios Deo dante postea notabimus. Certè calumnia, quam ex hoc loco impingunt Ecclesiæ Catholicæ teneræ conscientiae signum non est. Verùm & de his, & de tota hac quadriga diaboli satis. Alias eorum nœnias, & obiectiones data occasione excutiemus. Nam præter expectationem diu in tam paucis Euāgelii verbis immorati sumus, propterea reliqua breuiter perstringenda potius, quàm dilatanda erunt. Itaq; VOCATVS

IESVS venit.

ET DISCIPULI EIVS AD NUPTIAS. Qui discipuli aderant in hisce nuptiis.

Creduntur tantum quatuor fuisse cum eò videlicet Andreas, Petrus, Philippus & Nathanaël, quorum præcedenti capite fit mentio: Addunt aliqui quintum Ioannem, qui hanc descripsit historiam, quem etiam sponsum in istis nuptiis fuisse asserunt, quod tamen alii negant. Deniq; quia Iosephi mariti virginis Mariæ non fit mentio, ideò mortuus iam fuisse creditur ab Epiphanio. Nuptiæ autē istæ, ad quas Rex cæli & terræ venit, pauperes fuerunt. Ideò dicitur.

ET DEFICIENTE VINO. Id enim apud diuites nunquam accidit. Imò ne apud pauperes quidem, hisce nostris calamitosis

Nuptiæ pauperes.

Z 2 tempo.



temporibus. O quantus aperitur campus exclamandi hîc contra luxum, & sumptus superfluos, qui fiunt in cibum, potum, vestitum, ornatum, dona, & alia eiusmodi; sed tempus & intentio nostra non patitur. Vino ergo deficiente.

Cur B. V.  
intercedit.

DICIT MATER IESV AD EVM. Tanquam mater misericordiæ condolens afflictis de tanta illorum inopia, tanquam illa cui proprium est intercedere pro aliis, tanquam non ignara quæ fieri debebant, inquit.

VINVM NON HABENT. Non sunt tria verba hæc prægnantia breui constringenda sermone, ideò ad alium seruabuntur: præfertim cum sequentia huc propriè spectant. Habent enim difficultatem nō tā ex se; quàm propter impietatem & improbitatem hominum improborum. Itaq; sequitur.

ET DICIT EI IESVS. Matri videlicet suæ virgini, respondet filius Deus, & ait.

Natura hæ-  
reticorum  
vitiosa.

Gen. 8. 28.

Ro: 9. 33.

NOTA

Q T I D M I H I E T T I B I E S T M V L I E R ?  
Hîc est alius lapis offensionis, & petra scandali, hæreticis nostri temporis, quibus nihil est antiquius, nihil suauius, nihil magis consuetum, quàm sanctorum aut errores, aut peccata inuestigare, & summa cum diligentia perquirere; qua de re etiam ingentia ediderunt mendaciorum & calumniarum volumina, vt vel inde euidenter agnoscas, quàm venenata sint eorum corda. Sicut enim non aliunde melius cognoscis animalia venenata ( vt sunt serpentes.

A simili.

pentes, araneæ, muscæ, scorpiones, bufones, aspides, & id genus alia) quàm inde, quòd & exputredine, putore, sordibulq; ea nasci, & iisdem delectari conspicias: ita hominem toxico spiritali plenum facillè deprehendes, si aspexeris illum, peccata quidem aliena perquirere, eaq; cum gustu recēdere, exaggerare, mendaciis etiam ornare; sua verò propria vitia sæpè multò etiam grauiora alienis, aut negligere, aut excusare, aut de iis etiam gloriari. Nonne in nostris hæreticis luce meridiana clarius videmus? Nunquid ipsi non gloriantur se nihil pro concionibus dicturos, nisi quod est in sacra scriptura? & tamen nihil in illis frequentius reperies quàm recensere aut næuos (quos illi vocant) aut grauiissima peccata Pontificum, Monachorū, Sacerdotum, deniq; sanctorum omnium? Cui enim sanctorum parcent, qui sanctæ sanctorum, quæ nobis Deum & hominem genuit, non pepercerunt? Colligunt etenim ex hodierno, & quod ante oētidium habuimus Euangelio Beatissimæ virginis Mariæ decē circiter peccata (quæ recēdere piget putetq;) faciuntq; quod venenata solent infecta. Nam nunquid non videtis quomodo vermes relicto, toto corpore sano eam partē illius inuadunt quæ sanie plena est? Similiter nonne obseruatis quomodo muscæ pulcherrimum pomum circumcurritates eo conglobantur, vbi minimum quid putredinis inueniunt?

Et mendax,  
quod sint  
Euangelici.

Aliud simile.



niunt: relictis omnibus quæ sana, decora, odoriferaque sunt, in pomo illo? idem vermes & muscæ inter infernales agunt. Cum enim vitas sanctorum legunt; sexcenta quæ in illis sunt virtutum exempla relinquunt, si quem verò minimum næuum conspiciunt hunc amplectuntur, hunc pro loco Euangelii, Evangelici inculcant, & exaggerant. Sed quicquid sit, de aliis sanctis, in Deipara certè virgine, nihil non dico mortalis, sed nec venialis, nec originalis quidem quicquam vnquam putredinis seu noxæ reperient. Ideò liberè clamo, ac coram vobis, Deoque ipso protestor, ab eoq; peto, vt omnia Mariæ virginis peccata potius mihi imputentur, quàm omnium hæreticorum omnia, quæ vnquam fecerunt, vel faciunt opera, & merita: abrenuntio istis, amplector illa.

*Protestatio.*

**TERTIVM**  
par extre-  
morum cir-  
ca B. V.

*Fides Ca-  
tholica in  
medio.*

*Epi: hæres.  
78. & 76.*

Ceterum, vt proposito nostro respondeamus, videndum est, quomodo hîc quoque Sathan per extrema assecclas impellat suos. Fides Catholica hæc est, Deiparam virginem, neque peccasse vnquam actualiter, neque tamen vt Deum colendam esse. Est enim secunda à Deo, non Dea. Huic veritati à dextris quidem, restiterunt olim antiqui hæretici, quos recenset S. Epiphanius, qui Beatissimam virginem Mariam vt ipsum Deum inuocabant, plus illi quàm par est tribuentes. Nam Sacrificium soli tantum Deo debetur: hic enim est fortasse solus externus cultus, qui

quilatriæ dicitur, neq; vlli creaturæ applicari potest. At verò à sinistris multò sunt plures, validiores, impudentiores hæretici nostri temporis. Qui eò deuenerunt dementiæ, vt non solum peccata graua Deipare affingât: sed etiam audeant sua scorta sacrilega, quæ post professionem perpetuæ virginitatis ex monasteriis extraxerunt, & constuprarunt, huic sanctissimæ virgini æquare. O patientia Christi, quæ tantam matris suæ non vindicat ignominiam ( vindicaturus postea tantò acrius ) O impietas humana, quò dementiæ deuenisti? Sed cui vtique fundamento in tanta impietate innituntur hæretici? Scripturæ inquiunt. Nā & in illo, & in hoc Euāgelio Maria incōsiderate loquitur ideò vtrobique; à filio grauius arguitur. Ibi enim dicens: *Quid fecisti nobis sic*, reprehendit Christum: hinc vero ambitiosè se gerit ( ait Oecolampadius. ) appetit hōnorem Messæ ( inquit Brentius ) Idcirco [ Christus matrem reicit, vt æquet aliis hominibus ] ( ait Philippus ) Ideò per contemptum vocat illam mulierem ( inquit Lutherus ) Nonne videtis stupendum quid? quomodo scorpiones isti pungunt, non alium quempiam, sed matrem, imò ipsum filium Dei? quomodo mendaces isti scripturam iactant, & impiissima sua glossemata pro scriptura simplicibus vendunt? Nam vbi est vel iota vnicum istorum in scriptura? At colligitur id inquiunt ex ea. Verum nos non colle-

Impietas extrema hæreticorum.

Luth. serm. de Nativ.

Mariae Virginitis.

Cōtra Deiparam.

Luth. 2. 48.

Oecolampadius

in 2. cap.

Ioan. Brentius

hom. 21. in

Io: Phil in

2. cap: Io:

Luth: in

comm. ad

Gal. 4.

Cōtra ipsū

Christum.



ctiones vestras, sed scripturam, de qua falso gloriamini, requirimus. Colliguntur autem ista secundum cor vestrum, quod quoniam hisce & aliis gravissimis sceleribus plenum est, ideò talia de omnibus etiam sanctis iudicatis, qualia in corde vestro obuersantur. Imò verò neq; ipsi sancto sanctorum Christo Iesu parcit, quem magis etiam, quam matrem eius peccati arguitis. Nam si verum est, quod Lutherus impiè asserit; Christum per contemptum vocasse Mariam mulierem, profectò non matris hæc culpa fuit, quæ contemnebatur, sed filii, qui eam contemnebat. Sed absit verbo blasphemia.

B. V. non  
peccasse sed  
meruisse  
probat. 1.

NOTA.

2.

3.

4.

5.

Itaq; nō solum negamus Beatissimam virginem Mariam in his, vel illis verbis quicquā peccasse; sed etiam asserimus, eam utrobique multum meruisse. Meruit ibi, quia filio suo, quem afflictum putabat, compatiebatur: quia filium Dei curæ suæ commissum sollicitè querebat: quia tamdiu quærendo perseuerabat, donec inueniret eum, quod magni meriti opus est: quia conseruat verba eius in corde suo: quia inuentum benignè alloquitur, dolorem suum ex amore procedentem ei manifestando. Et certè qui verba illa matris ad filium, *Quid fecisti nobis sic?* cum verbis quæ protulerunt serui ad dominum, id est, prophætæ ad Deum, conferat; obstupescet supra cæcitate hæreticorum, qui illa virginis asperaesse dicūt. Contēdit acriter Ieremias cum

cum Deo, de illa quæstione. *Quare via impiorum prosperatur?* Lamentatur Elias dicens: *Domine Deus meus, etiamne viduam apud quam ego utcunq; sustentor afflixisti?* Irascitur Ionas, quia Deus exsiccauit hederam eius, & ita irascitur, ut dicat Deo, *Bene irascor ego, usq; ad mortem.* & nemo prophetas arguit; matrem verò Dei verba illa amoris plena: *Quid fecisti nobis sic*, ad filium quem perdiderat proferentem arguunt, & pro maximo peccato reputant ii, qui se Christianos vocant? Quanta impietas, imò insania. In hodierno verò dicto Deipara multis meruit nominibus; quia tam amanter & humiliter alloquitur filium, ut tribus verbis totum negotium expediat; quia exercet misericordiam & charitatem erga pauperes; quia spem: & fiduciam certam habet, se impetraturam, quod petiit. Spem autem, imò certitudinem habuit; tum ex revelatione (qua non caruisse illam sequens factum declarat) tum ex eo, quod subiungit Christus dicens.

Ier. 12. 1.

3. Reg. 17. 20.

Ione: 4. 10

6.

7.

8.

NONDUM VENIT HORA MEA. Quibus verbis non adeò obscurè insinuare mihi videtur Iesus, se facturum, quod mater petiit, quando hora ab æterno præfixa & præordinata aduenerit. Dictoque isto moderari videtur asperitatem dicti prioris, consolando illam, quam quodammodò contristauerat, quasi & speciem tenens tantum illam reprehendendo, propter causas & mysterium, quod

Christus facile promittit quod mater petit.



in alia concione fusiùs à nobis erit pertractandum & explicandum. Contentiones em̃ itē cum hæreticis (quas non nouerant Patres nostri) multum nobis temporis, vt videtis, eripiunt, vt breuiter quæ proposuimus expedire

*Sensus verborū Christi.*

*Concio*

*quarta.*

nequeamus. Quare totius responsi Christi Dñi hic sensus erit. QUID MIHI ET TIBI EST MULIER, id est, sine modò (sunt enim tales phrasēs in scriptura, de quibus aliās) ò mater, NONDVM ENIM VENIT HORA MEA, quæ cū aduenenerit faciam quod petis, sed nō modo: tū quia nondū planē vinū defecit, tūm nē ratione cognationis tale quid diuinū facere videar. Hic est sensus verborū Christi Dñi quē probē intelligens virgo, videte quid faciat. Inquit enim Euangelista:

DIXIT MATER EIUS, Christi videlicet MINISTRIS, qui in illis nuptiis vi-lia obibant munia.

*B. V. scilicet futura.*

QVODCVNQUE DIXERIT VOBIS, FACITE His verbis euidentur cōuincimur, vt credamus, Beatissimam Virginem sciuisse quid futurum esset. Cur enim non Iponsum aut Architriclinum, sed Ministros alloquitur? Non alia sanē de causa, nisi quia nouerat Christum Dominum ad tantum miraculum perficiendum, horum tantum Ministrorum opera esse vsurum. Est autem dictum hoc Deiparæ, prudentissimum, grauissimum, stupendum sanē: quòd maxima breuitate, innumeras continet doctrinas, quæ in alia concione

nobis

nobis explicandæ erunt. Nam hodierno nostro instituto id non est necessarium, cum nullam in iis hæretici faciant difficultatem. Nec mirum, pungunt enim illos plurimum. Ipsi verò talia callidè libenter prætereunt. Sequitur autem in Euangelio.

ERANT AUTEM IBI LAPIDÆ HYDRIÆ SEX. Neque hoc caret mysterio, sed mysteria ad alias conciones sunt reiicienda. Textus autem est clarus, qui insuper etiam explicatur, cum dicitur:

POSITÆ SECUNDVM PURIFICATIONEM IVDÆORVM. Quibus ex verbis Hydriæ qualia vasa.  
duo habemus: Alterum, ad aquam, non ad vinum capiendum positas fuisse; Nam purificatio aqua fit; ideoq; hydriæ, id est, vasa aquea vocantur: Alterum, magna hæc vasa fuisse: Iudæi enim ad suas lotiones superstitiosas, quas faciebant cubito tenus multum aque indigebant. Propterea ad describendam eorum magnitudinem additur.

VEL CAPIENTES SINGULÆ METRETAS BINAS TERNAS. Quantæ capacitatis fuerint, sciri ad amicum non potest, tum quòd autores; tum quòd mensuræ ubique ferè varient. Nā quod aliqui mensuræ genus ad ouum reducunt, neque inde certitudo colligi potest, cū oua etiam non ubique sint æqualia. Verum parum refert hæc scire, constat tamen ingentes fuisse. Quod autem Ioannes disunctivè loquitur BINAS vel TERNAS, facit hoc aut ob maiorem



iorem fidem, cum incerta dubie profert; aut quia aliquæ illarum binas, aliquæ ternas metretas continebant. Vnde magis constat magnitudinis incertitudo. itaque.

DICIT IESVS, IMplete HYDRIAS AQUA; Præcipit conuiua domesticis, Iesus Ministris. Ipsi verò obediētes.

ET IMpleverunt EAS. Fortè non facturi, si beata virgo illos non præmonuisset, ut solet nonnunquam hoc genus hominū esse minus officiosum, & maximè pigrum: præmoniti autē faciunt & alacriter, & abundāter.

VSQVE AD SUMMVM; eas implētes Ne quid adulterinum addi possit. Quo peracto.

ET DICIT EIS IESVS. Præcipit iam secundo Ministris obediētibz dicens.

HAVRITE NVNC Duo hæc verba, duo ex dictis confirmant. Posterius NVNC, docet iam venisse horam miraculi, quæ ab æterno fuit præordinata, quæ necdum venerat, quādo mater intercedebat. Illud verò HAVRITE, magna vasa fuisse demonstrat: Ex parvis enim non haurire sed infundere consuevimus. Addit autem Iesus.

Cur Archi-  
triclino fer-  
re iubet.

ET FERTE ARCHITRICLINO: ut ordinis constitutor & amator Deus Christus Iesus ordinem ipse obseruet, Architriclinus enim magister ordinis, (ut ita dicam) in nuptiis erat. Ipse cibos, & sciphos ordinabat, & omnium rerum quæ ad bonum ordinem in nuptiis transigendum spectabāt ipse peragebat.

ET TV-

ET TVLERVNT. Ipsi ignari quidnam esset, nisi fortè ex odore vinum esse arbitramur illos depræhendisse. Magnum hic est obedientiæ, quam cæcam vocant, exemplum, de qua in alia concione. Sequitur.

VT AVTEM GVSTAVIT ARCHITRICLINVS. Causam iam diximus, quia id ex officio illi incumbebat. Quid verò gustavit?

AQVAM VINVM FACTAM, inquit Evangelista, phrasi sanè admirabili. Quomodo enim aquam gustavit, si iam aqua ibi non erat? Dixisset potius. Gustavit Architriclinus vinum ex aqua factum. Id enim intellexissent omnes. Verum multò melius ita scriptum est, Spiritu sancto sic volente, & ordinante; vt hac ratione & ii, qui sunt Christi, in fide confirmarentur: & illi, qui se ab eius fide segregarunt, confunderentur. Nouit enim diuina bonitas & misericordia lōge ante morbum, præparare medicinam: nouit ante vulnus de pharmaco providere, prout & antea ostendimus, & hic exemplum habemus, de quo paulò post. Quando verò hæc aqua in vinum transmutata fuerit, ipse nouit, qui id perfecit; probabile est quòd tum temporis, quando iam hydriæ vsque ad summum aqua plenæ erant. Gustavit igitur Architriclinus vinum illud.

Cur dicitur  
aquam gu-  
stasse.

ET NON SCIEBAT VNDE ESSET. Quis enim sciret vel per suspicionem ipsam? Nemo



Nemo equidem, cum ab orbe conditio nunquam tale quid factum fuerit. Architriclinus ergò nesciebat.

MINISTRI AUTEM SCIEBANT QUI HAVSERUNT AQUAM. Nempè quod vinum illud à Christo Iesu ex aqua, quam hauerant, confectum fuerit. Ministros enim istos conscios & testes huius miraculi habere voluit. Qui tamen ut videtis nihil tunc dixerunt Architriclino. Mirum in re tanta silentium. Ideò:

VOCAT SPONSUM ARCHITRICLINVS. Signum est, quòd & sponsus ipse etiam mensis ministrabat, Si enim inter cōuiuas assedisset, auocari inde nec debuisset, nec facile potuisset: Cumque sponsus venisset.

ET DICIT EI. Architriclinus stomachabundus, quod tamdiu bonum vinum seruasset.

OMNIS HOMO PRIMUM BONVM VINVM PONIT. Describit hominum mundi huius consuetudinem, qua de re, quia tota penè concione disseruimus, hinc verba architriclini perstringenda tantum erunt.

Non colligi  
fuisse ebrios

ET CVM INEBRIATI FVERINT. Cogites velim Architriclinum hominē mundanum ista loqui ideò nō est adeò mirandum. Nihilominus non asserit istos conuiuas fuisse ebrios, quod tamen quidam addunt. Vniuersalem enim tantum, & vsu, prouerbioq; receptam ponit propositionem, particulares non tangit. Sed colligitur, inquit, ex his, cōuiuas ebrios

ebrios fuisse. Malè profectò igitur. Nam aliàs hac collectione & discipuli Christi inuoluerentur, & ipse Saluator, quem ebrium fuisse, impudentissimum est mendacium. Sed de his plura in illa concione diximus, nunc reliqua prosequamur. Continuat enim sermonem Architriclinus, & inquit.

TUNC ID QVOD DETERIVS EST, supple, apponit vinum (Ita mundus, secus facit Christus.) Et ex postulans cù sponse addit.

TV AVTEM SERVASTI BONVM VINVM VSQVE ADHVC. Erras ô Architricline. Non ipse enim hoc fecit, sed Christus.

Cuius natura & consuetudo est. bonum, imò optimum vinum seruire, post ingratas nobis asperitates & tribulationes. Sed quæritur.

Cur Architriclinus sponsum & non aliū quenquam hoc nomine arguit? Ratio in promptu est. Quia tum temporis sponsi conuiuium nuptiale faciebant, in primis autem de vino providebant. Contrarium fit in hisce partibus, vbi parentes, vel cognati sponse tractant hospites. Deniq; ex toto hoc Architriclini sermone habemus, non aquam ibi fuisse, sed vinum, & vinum bonum. Quod quidem vinum ex natura sua bonum, imò optimum, factum est quibusdam malum propter gustum illorum spirituales deprauatum. Alii enim factum hoc scandalizati sunt, contra quos in prima concione egimus. Alii aut modum, quo hoc vinum factum est, aut mysterium, cur

Sponsus vinum procurabat.

Duplex scandalum ex vno Christo.

ita factum.



ita factum fuerit, intelligere nolunt; cum quibus nunc est nobis disceptandum.

Fundamen-  
tū contro-  
uerſe pater-  
na Chriſti  
prouidētia.

Fundamentum controuerſiæ huius ſit bonitas, & prouidentia paterna Ieſu Chriſti domini noſtri, qui non ſolum longè ante morbum medicinam parare conſueuit, verum etiam quotieſcunq; animo concepit ſuo magnū aliquid, & quod omnem humanum excedit intellectum inſtituere toties præmittit ordinariè aliquid aliud imperfectius quidem;

Exemplū de  
partu virgi-  
nis.

ſimile tamen illi quod molitur negotio. Ita quando ex virgine naſci voluit, præmiſit anuſ ſterilis recentem partum, vt virginis partuſ licet longè excellentior, & à ſæculo quid inauditum, ex factō tamen ſimili, non eſſe impoſſibilis iudicaretur; quo quidem argumen-

Lu. 1. 36.

to Archangelus Gabriel ad Mariam vtitur.

Aliud de  
transubſt.

Pari ratione conſtituturus & ordinaturus Chriſtus Dominus Euchariſtiæ Sacramentū pertransubſtantiationem panis & vini, in corpus & ſanguinem ſuum ſanctiſſimum; ad rem tantam, quæ omnem intellectum erat ſuperatura, ſuos qui in illum erant credituri ſi non

Mat. 14. 1

Io. 6. 10.

paucis panibus & piſcibus multiplicatis per tranſmutationem circumiacentis materiæ in illos; tot millia hominum ſaturauit. Memor quaſi illius dicti ſui ad Moylem: *Si non crediderint, inquit Deus tibi, neq; audierint ſermonem*

ſigni

*signi prioris, credent verbo signi sequentis.* Verum locum id non habuit apud hæreticos nostri temporis, qui siue credant signis istis, siue non; hoc certum est, non credere illos id, quod Christus dominus in istis signis intēdebat. Quare sicut Iudei nō fuisset excusati, etiā si signis illis credidisset; si Moyse, propter quē signa illa fecit Deus, credere noluisse: ita minus profectō erunt excusati hæretici, etiā si credāt Christum hæc signa in aqua, & pane fecisse; quādoquidem non credunt illi articulo fidei, propter quem hæc miracula facta sunt. Non credūt enim in Eucharistia esse transubstantiationē panis & vini, in verum corpus & sanguinem Christi, ita ut nihil omnino substantiæ panis, & vini ibi remaneat, quod credit, & credidit semper ab ipso Euāgelii initio sancta mater Ecclesia sponsa Christi; sicut credit in his nuptiis ita aquam in vinum potestate eiusdē Christi Iesu trāsmutatā fuisse, ut nihil penitus substantiæ aquę ibi fuerit relictum.

Ne autem hanc salutiferam doctrinam de **TRANSUBSTANTIATIONE** crederent hæretici, diuisit illos diabolus, more consuetō, in duas contrarias factiones, & sectas. Calviniani sunt à sinistris, nullibi esse Christum secundum humanitatem, imō neq; per omnipotentiam Dei posse esse alibi asserentes, nisi in cælo ad dexteram Patris; ideōq; transubstantiationem in Eucharistia nullam esse, cū neque præsentia Christi sit ibi. Lutherani ve-

**QVARTVM** par extremorum circa Eucharist. Calviniani

Et ubique ita,



*Fides Catho-  
lica in me-  
dio.*

*D. Athan.  
in simbolo  
Quicūq;*

*Quæ confir-  
matur ex  
Euāgelio.  
1. Panē hic  
non esse.*

*2. Vna spe-  
cies.*

*3. Nomem  
panis re va-  
cuum.*

rò (quos ubi quistas vocant) è contra asserūt. non solum in Eucharistia (vnâ cum pane. vel sub pane, vel in pane) esse corpus Christi: sed etiam ubique, & in cœlo, & in terra, & in inferno adesse Christum etiam secundum corpus. Non quidem per Transsubstantiationē, sed per omnipotentiam suam, & realem idiomatum communicationem. Fides Catholica in medio consistit, corde credens, & ore profitens, Christum Dominum secundū humanitatem suam, neque ad dexteram tantum Patris, neque ubiq; esse; sed adesse in cœlo quidem per visibilem præsentiam, in terra verò per Trāsubstantiationē ibi tantū, ubi ritè consecrata hostia incorrupta reperitur, alibi verò non. [Hęc est fides Catholica, quam nisi quisque fideliter firmiterq; crediderit, (dicam cū Sancto Athanasio) saluus esse non poterit.] Quæ mirificè hoc factō hodierno Christi Domini confirmatur. Habemus em̃ contra Lutheranos, primum quòd, sicut hic aqua non erat amplius; ita in Eucharistia nec panem nec vinum esse residuum, imò in sacramēto multò minùs. In isto enim miraculo saltem materia remanserat; in Eucharistia verò ne hæc quidem; sed sola tantum accidentia restant. Deinde sicut hic in præparatione solum vinū miraculosè factum datur conuiui; ita in Ecclesia in distributione Eucharistiæ populo vnus species & licitus, & hic quodāmodo præfiguratus est vsus. Tercio. Sicut hic Architriclinus

elinus dicitur gustasse A Q V A M, quamvis a-  
 qua ibi non fuerit: ita, licet Eucharistia *fractio*  
*panis* nūcupatur, panis tamen ibi non est. So- *Act. 20. 7.*  
 lent em̄ res præsertim per miraculum factæ, *1 Cor. 10. 16*  
 rerum illarum, vnde factæ sunt, nomen reti-  
 nere. Ita serpens Moyſi virga in eum trans- *Exo: 6. 12.*  
 mutata fuit, ita hic vinum aqua dicitur: ita cæ-  
 cus natus, etiam postquam à Christo illumi- *Ioan. 9. 17.*  
 natus fuit, cæcus tamen uuncupatur: ita Eu-  
 charistæ panis vocatur, quia in ea panis in  
 corpus Christi transubstantiatur. Quarto, *4. Transub-*  
 habemus ex hoc miraculo, non esse impossi- *stantatio.*  
 bilem transubstantiationem panis & vini in  
 corpus & sanguinem Christi, vt illam Caluini-  
 ani impossibilem esse arbitrantur: quādoqui-  
 dem hic simile quid videmus. Quinto. Quin *5. Idē forti⁹*  
 imò multò id etiam clarius habemus in Eu- *NOTA*  
 charistia. quam in hoc miraculo. Hic em̄ ne-  
 que prædicit Christus se vinum facturum, ne-  
 que postquam fecit, dixit Ministris, Hoc est  
 vinum, haurite, & ferte Architriclino: ibi au-  
 tem & multò, ante prædixit, se illis daturum *Ioan. 6. 51.*  
 carnem suam ad manducandum; & cum da- *Matt: 26.*  
 ret disertis verbis testatur, dicens: *Accipite & 16.*  
*comedite, Hoc est corpus meum.* Sed inquirunt:  
 Architriclinus postquam gustauit, dixit esse  
 vinum. Vinum igitur fuit. O infamis istorū  
 hominum, qui se solos fidem habere iactant  
 cæcitas, & infidelitas. Credunt homini men-  
 daci asserenti fuisse vinum utique ex aqua fa-  
 ctum: & non credunt Christo Deo veraci as-  
 firmanti



6. Diuinitas  
Christi.

Isa: 42: 8.

III PARS  
Ecclesia ibi  
est.

2. vbi ordi-  
nata omnia

2. vbi vera  
inter virtu-  
tes differētia

firmanti. *Hoc est corpus meum* utiq; ex pane trās-  
substantiatum? Credunt gustui Architrictini  
hominis, qui falli potest: Et non credunt ver-  
bo verbi, quod nec falli, nec fallere nouit? yti-  
nam tandem aliquando ô homines, homines,  
id est ducem rationes sequentes eē velitis. De-  
niq; contra illos, qui perfectissimi haberi vo-  
lunt ( & certē sunt tales sed in impietate ) A-  
nabaptistas, Gentilistas, & similes pestes, ha-  
bemus & ex hoc miraculo, & ex iis quæ illud  
consequuntur, Christū Iesum verum eē Deū;  
quia naturas rerum transmutauit; quia M A-  
NIFESTAVIT GLORIAM SVAM ( Erat  
igitur ille qui clamat per Prophetam, *gloriam*  
*meam alteri non dabo* ) quia in eum crediderūt  
discipuli eius; quæ omnia diuinitatis sunt ar-  
gumenta euidentissima. Verū quia & hæc  
& alia quæ in finem vsq; Euangelii hodierni  
sequuntur verba, iam in alia concione expli-  
cuimus; ideò non est quòd actum agamus.

Quarē, vt ad id, quod vltimo loco propo-  
suimus, deueniamus, & quæ copiosè diximus,  
paucis coarctemus. Ex his, quæ & discussa, &  
comprobata fuerunt, quilibet non modò fa-  
cilè sed etiā clarè, ac euidenter colligere, & vi-  
dere poterit, vbinam Christi Iesu Ecclesia re-  
periatur: nempe ibi eam esse, vbi omnia  
ordinate suo tramite procedunt: Ibi inquam  
vbi inter virtutes quarum aliæ morales, aliæ  
Theologicæ nuncupantur, & discrimen, & cō-  
uenientia ponuntur recta. Differunt enim  
in actus

in actu, in quo morales mediocritatem requi-  
runt; Theologicæ verò absq; termino in De-  
um suum feruntur. Conueniunt: quia tam  
hæ, quàm illæ materiam circa quam versan-  
tur, habent determinatam: ac proinde Deus *Pro: 22.28*  
diligenter monet, *ne transgrediamur terminos* 3. vbi via re-  
*antiquos, quos posuerunt patres nostri, & vt in illis* gia, qua  
quæ credenda nobis proponuntur, neque ad quatuor ex-  
dextram, neque ad sinistram deflectamus. *emplis ostē-*  
*ditur.*

Quod per gratiam diuinā nos soli qui in Ca-  
tholica sumus Ecclesia facimus: Omnes verò  
alii per extrema currūt, prout multis argumē-  
tis & exemplis comprobatum vidistis. Ex  
hoc vnico Euangelio quatuor habuimus, *Heb: 13. 4*  
Primum. quòd licet in Ecclesia; *sit honorabi-*  
*le connubium in omnibus & thorus immaculatus,*  
tantoperè, vt etiam sacramentum esse creda-  
tur: attamen honoratiorem esse, & maioris  
meriti statum castitatis, præcipuè verò virgi-  
nitatis. Quorum illud antiqui hæretici ma-  
trimonium reiicientes: hoc moderni virgini-  
tati illud adæquantes, vtrique verò sacramē-  
to coniugium priuantes, blasphemant, & op-  
pugnant. Secundum: Quòd vinculum ma-  
trimonii tale sit vt à nullo hominum dissolui  
possit discinditur tamen morte corporali vni-  
us cōiugū. Huius veritatis posteriorem partem  
antiqui, priorē recētes tū heretici tū Schi-  
smatici repudiarunt. Tertium. Deiparam  
virginem ab omni peccato actuali semper im-  
munem fuisse, Deam tamen cui sacrificium



4. vbi est tū  
sinceritas  
tum pietas.

2. vbi est  
scripturæ ex  
acta obser-  
uatio.

competeret, non fuisse, nec esse: Quā Catho-  
licam veritatem à dextris quidem inuadunt  
antiqui Collyristæ, à sinistris verò blasphemant noui pseudoeuangelici. Quartū. Christi-  
stū Iesum secundum suam humanitatē esse  
quidem, & in cœlo per visibilem præsentiam,  
& in terris per Transubstantiationem; non  
esse tamen ubiq; ubi est secundum diuinitatē.  
Vtramq; huius veritatis partem moderni op-  
pugnant hæretici; illam quidem Calumnistæ,  
hanc verò Lutherani ubiquistæ. Habemus  
præterea in nostra Ecclesia sinceritatem & pi-  
etatem, quibus aliæ carent congregationes.  
Illæ enim animalia venenosa imitantes libe-  
tissimè tum vitia hominum etiā sanctorū no-  
tant, imò etiā confingunt: tum in Christi re-  
publica arguunt, quod ipsi priuatim in cibo-  
rum delectu & famulorum coniugio obser-  
uant. Habemus insuper, apud nos solos esse  
diligentem earum rerum, quæ sunt in scriptu-  
ra obseruationē, ac proinde in hoc vini mira-  
culo, multa agnoscimus, quæ hæretici agno-  
scere nolunt. Agnoscimus enim figuram hanc  
esse, & præparationem ad Sacramentum Eu-  
charistiæ, de quo inter alia credimus, quod  
in eo post consecrationem nō reperiatur pa-  
nis vel vinum amplius, sicut hic post tran-  
smutationem nihil aquæ in vasis fuit: quod  
vnius speciei vsus sit licitus, in hoc vino præ-  
signatus: quod Eucharistia rectè vocatur pa-  
nis, licet ibi panis non sit; sicut hic aqua dici-  
tur,

tur, licet nil aquæ ibi fuerit: quòd transsubstantiatio non sit impossibilis, cuius hic vicinissimum habemus; exemplum quòd insuper in Eucharistia clariora sint hæc omnia, quam hic, quia & promissis Christi Domini & expressis verbis fuerunt firmata: quòd (ad extremum) idem ipse, qui hoc miraculum hodie fecit, conficit etiam per ora Sacerdotum Eucharistiæ Sacramentum verus Deus, consubstantialis Patri Deo. Deniq; habemus ex dictis, in Ecclesia esse certam, & infallibilem fidei regulam, non ab hominibus inuentam, sed illam ipsam, quam Deus per Moysem & dedit, & ipse interpretari voluit, præcipiens omnibus, vt regulam istam intelligamus non solum de iis, quæ ipse per Prophetas suos scripta reliquit; sed etiam quæ per superiores nostros ore nobis tradit Regulam autem istam hic verbis expressit Facies (inquit Deus per Moysem) *quodcunq; dixerint, qui præsumt loco, quem elegerit Dominus, & docuerint te iuxta legem eius, sequeris sententiam eorum.* (eorum inquit, non tuam, prout ille, non prout tu legem interpretatus fueris) *nec declinabis ad dextram neq; ad sinistram.* O bonitas diuina immensa. O canon, si vnquã, hoc nostro tempore pernecessarius, quem quia nos in Ecclesia Catholica seruamus, propterea nec erramus, nec saluo illo vnquam errare poterimus. Custodiamus igitur illum obsecro dilectissimi, & pro his, qui eo relicto caput & iudicium suum

6. Vbi certa  
dei regula  
quã.

NOTA

Deut. 17. 10



pro regula fidei habent, Deum diligenter exoramus, vt quanto, quamq; toti scripturæ contrario sint in errore, ipsi tandem animaduertant, agnitâq; veritate ad matrem suam, quæ illos in Christo per baptismum genuit; reuertatur; vt tum in pœnitentia, tum in bonis operibus perseverantes, cò vna nobiscum perueniant, vbî sanctissima Trinitas Pater, Filius, & Spiritus sanctus laudatur & exaltatur in sæcula sæculorum. Amen.

DICTA B.  
V. M. RA-  
RA. CARA,  
P. R. OFI-  
CVA, VI-  
NA SPI-  
RITVA-  
LIA, STA-  
TVS ELE-  
CTIO.

## CONCIO TERTIA

### Spes.

*Dicit Mater IESV ad eum: Vinum non habent.*

Vox turtu-  
gis sanctis-  
sima.

**D**ICIT MATER EIUS MINISTRIS:  
QVODCVNQUE DIXERIT VO-  
BIS FACITE. Quibus verbis spon-  
sus in in Canticis Canticorum, vernum descri-  
bens tempus, ad spem futuri fructus sponsam  
excitat suam: iisdem & ego hodie alloquar te  
ô anima fidelis, & Christo deuota, cômoue-  
bôq; ad spem certam non terrenorum, sed  
cœlestium; non corporalium, sed spiritualiû;  
non caducorum, sed in æternum permanen-  
tium fructuum percipiendorum. Nèque ve-  
rò omnibus sponsi ad te vtar verbis, sed illis  
Eum: 2. 10. tantum: Surge, propera amica mea, surge, inquâ  
ô anima

ô anima Christo fidelis ac deuota, surge amica Iesu, & surge velociter ac propera: quia *Flores apparuerunt in terra nostra, tempus putationis aduenit, vox turturis audita est in terra nostra.* Quæ auicula castior turture? quæ fœmina, imò creatura purior Dei matrè? quæ vox & submissior, & tamen amabilior, quàm vox turturis, verno præsertim tempore? quæ verba puræ creaturæ, & humiliora magis & suauiora, quàm verba Mariæ matris Iesu? nobis præsertim qui frigoribus hybernis obriguimus, & vernum à longè tempus aspicimus? Duo omninò verba habemus huius turturis sanctissimæ, in hodierno Euangelio, alterum ad filium, VINVM NON HABENT: alterum ad Ministros: QVODCVNQVE DIXERIT VOBIS, FACITE. In vtroq; matrem agnoscas: in priori quidem docet quomodo *flores apparuerunt in terra nostra*: in posttiori verò monet, quod *tempus putationis aduenit*: in altero matrem misericordiæ, in altero matrem sanctæ spei consideres velim, vtroq; enim hoc nomine insignitur tum à scriptura, tum verò ab Ecclesia Virgo Maria. Ponderemus igitur nos quoque verba ipsius, quod faciemus hoc ordine.

In primis perpendemus, qualia nam sint verba ista. Deinde, quot nam sint, & ad quos prolata. Postremò; quidnam in se continent. Ad quæ tria, si tribus verbis vultis re-

PROPO:  
Tripartita.



sponsum, dicam; Ad primum, verba hæc esse rara, & cara; imò rarissima & carissima. Ad secundum, duo esse aio. Alterum ad filium pro nobis: alterum ad nos pro filio. Stupendum quid, sed verissimum. Ad tertium respondeo, verba hæc omne bonum in se continere, præcipuè autem spem, & bonam statum electionem nos docere. Tu Christe Iesu da, vt turturis huius matris tuæ ita vocem audiamus, vt ad consortium eius, in quo te laudemus peruenire valeamus.

## I. PARS.

Quod rarū  
carum quo-  
modo intel-  
ligendum:

Receptum est ab omnibus dictum illud: Omne rarum carum; & ita receptum, vt etiā prouerbio locum dederit. Verumtamen vt alię eiusdem generis propositiones, licet vniuersaliter proferantur, habent tamen suas & exceptiones & interpretationes; ita & ista. Indiget em̃ grano salis & discretionis, ne postquam computruerit fateat, & alios inficiat. Etenim certissimum est, non pauca mala reperiri, quę rara quidem sunt; non sunt tamen, vel certè esse non debent cara: siuè hoc verbū de magno pretio, siue de feruenti amore, siue vtroque modo intelligas. Rarę sunt in hisce nostris partibus blasphemię (atque vtinam vbiq; in orbe terrarum ne nominetur quidē) rarę in quibusdam regionibus ebrietates; nihil tamen horum & similiū, aut magni precii, aut acceptum, imò vtrumq; detestandum & abominandum esse debet. Itaq; adagium istud non de malis, sed de bonis rebus est intelligendum.

telligendum, & de illis tantum bonis, quæ sola vera sunt bona. Quamuis enim ut nostis, & ut vulgo dicitis, tria sint bonorum genera, nempe honestum, utile, & iucundum; tamen non omnia hæc in verè bonis cēsentur. Nam quidquid iucundum & delectabile tantum erit id voluptuosum iudicabitur; & non ad Christi, sed ad Epicuri scholam pertinebit: quidquid verò utile solummodo, ad avaritiam spectabit: quidquid autem decorum & honestum, id etiam cæteris careat, verè & christianè (imò & philosophicè) bonum erit. Talia fuerunt, & sunt damna ignominiae, tormenta, cruces, & quævis crudelissima mortis genera, siue pro Christo, siue pro vera religione, siue pro iustitia suscepta, etiamsi nihil penitus iucunditatis & consolationis tēporalis in se cōtinerēt, quod in ipso capite tū nostro tum omnium martyrum Iesu Christo factum videmus. Soli igitur honesto ex his tribus bonis id prouerbii competit. Quod si verum est, prout est verissimum; quanto magis quadrabit illi bono, in quo omnia hæc tria bona simul concurrūt. Eiusmodi sunt hæc verba sanctissimæ Virginis Deiparæ tam priora, quam sequētia; sunt enim honestissima, quia fidem, spem, charitatem, prudentiam, & alias virtutes in se continent. Sunt utilia, quia omnia bona, & fructus spirituales complectuntur. sunt iucundissima, tū quia humilitate, charitate & misericordia sunt plena, quibus virtutibus nihil datur iuauus:

Bona tripla  
cia.

Soli honestum bonum.

Hæc Verba omnia bona continent.



tum quia impetrāt quod petunt, quo nihil est postulanti aliquid iucundius. Quare non solum bene, sed etiam optimè competit illis dictum prouerbiū: præsertim cū sint etiam rara. Rarissimè enim in scriptura verba huius virginis habemus; ac proinde carissima nobis esse debent, vt & in precio illa habeamus, & maximo amore prosequamur, occinamusq; de eis illud Dauidicum: *Desiderabilia super aurum & lapidem preciosum multum; & dulciora super mel, & fauum.*

NOTA  
Contra hæ-  
ret: de ppos:  
vniuers.

Hæc de dignitate verborū, quam tractanda suscepimus, dicta sufficiant, paulò post ipsa magis id etiā elucebit: Nūc verò breuiter subiungamus ex dictis corollarium quoddā non inutile his nostris temporibus, quibus quando hæretici inueniunt quippiam, quod errorem illorum confirmare videtur, aut prouerbialiter aut vniuersaliter dictū, præsertim verò particula vniuersali notatum ( vt est illud *Bibite ex hoc omnes.* ) Deus meus, quas illi Tragedias non exercent, quos ineptis triumphos non agunt: vt ergò & eorum cauillos dissoluere, & errores euitare valeamus, ea quæ dicta sunt diligenter trutinemus; Certòq; nobis persuadeamus; illa, quæ etiā in scriptura siue prouerbialiter, siue vniuersaliter dicuntur, sæpè non vniuersaliter, sed cum grano ( quod dicitur ) salis esse intelligenda. Idcirco ne in his erremus, non caput nostrū, sed quos Deus nobis interpretes dare voluit, sequi debemus.

bemus. Hæc & aliàs ostensa sunt sepe, & data occasione comprobare adhuc non negligemus: iam verò cæpta prosequamur. Eo ad- Alia horum verborum dignitas.  
dito, quod etiam ad horum verborum Beatissimæ matris Dei dignitatem explicandam valet plurimum; illa non solum honesta, vtilia, iucunda, raraq;: sed etiam prudentissima, ac mansuetissima esse. Sunt prudentissima, quia paucis multa complectuntur: sunt mansuetissima; non enim ait, vt mater filiorum Zebedæi, volo vt id facias, licet plus iuris, Matt. 20. 20.  
quàm illa in filium habuerit; neque vrget nimum; sed mansuetissimè necessitates pauperum proponendo, totum negotium filio relinquit, certò sperans, se exauditum iri, quæ spes illam minimè fefellit.

Sunt autem Dei paræ duo hic, quæ audistis dicta breuissima: nam primum tantum tria; posterius quatuor in se habet verba. II. PARS. Duo Deiparæ dicta breuissima.  
Disceant cum cæteri omnes: tum verò virgines à virgine longos non miscere sermones, sed quicquid est dictu necessarium breuissimis expedire verbis, Prolata autem fuerunt priora quidem ad filium, in causâ pauperum; posteriora, verò ad famulos. pro eorundem necessitatibus: illa misericordiam postulant, hæc obedientiam mandant. Neq; verò credendū est virginem sanctam illo tantum tempore verba hæc protulisse; vtitur enim illis etiam lisdem nunc vtitur.  
nunc, alia quidem, sed meliori, quia spiritaliori, ratione. Quoties namque illa ad filium  
pro



pro nobis intercedendo dicit, VINUM NON HABENT? quoties ad nos conuersa inquit: QVODCVNQVE DIXERIT VOBIS FACITE? Facit illud in cælo semper; facit hoc in terra, quoties vel Euangelium istud legitur, vel verba hæc in memoriam nobis reducuntur. Atq; vtinam ad illa & audienda, & exequenda non obliuiscamur; quàm felices essemus. Itaqué quod tunc fecit in nuptiis corporaliter pro vino corporali rogando, hoc nunc facit spiritualiter, vinum spirituale nobis impetrando. Sunt enim in scriptura varia vini genera bona, mala, indifferentia. De malo & indifferenti, id est naturali vino egimus in alia concione; de bono, bonoq; spiritualiter nunc est agendum. Hoc prius prænotato, quòd, quicquid in his omnibus verbis à virgine dicitur, ad nostram utilitatem dicitur. Nihil inde ipsi emolumenti, multoque minùs filio suo, qui nostrorū *bonorum non eget*, omnia nobis profunt. Priora sunt ad filium pro nobis, quod apertum est: sequentia licet sint pro filio ad nos. (quod infra explicabitur.) nobis tamen proderunt, si exequutioni mandabuntur. Priora non sunt in nostra potestate simpliciter; sunt tamen aliquatenus. Si enim posteriora quæ ad nos propriè pertinet exequemur, & priora habebimus, si inquam præstabimus QVÆCVNQVE DIXERIT nobis Iesus, ipse vicissim Iesus, exaudiet matrē pro nobis, & VINUM quo indigemus non denegabit

Et omnia  
nobis pro-  
sunt.

*Psal. 115. 2.*

Primum di-  
ctum est ad  
Christum pro nobis

Et

Etenim vt dixi in scriptura inueniuntur & varia & excellentissima sanè vini spiritualis genera; imò hoc ipsum naturale seu corporale, fiet nobis spirituale, si duas adhibuerimus conditiones. Prima est, vt nonnisi propter necessitatem sumatur moderatè; si verò necessitas non vrget, relinquatur, præsertim ab iis, qui sunt proni ad vitium, quod vinum promouet, secundum illud dictum sapientis. *Luxuriosares vinum*; quod etiam confirmat Apostolus. Secunda est conditio, vt vilius vini moderatus ad laudem Dei referatur: vtrumq; docet nos Apostolus; primū quando precipit suo Timotheo *modico vino vii propter frequentes stomachi infirmitates*; alterum quando inquit, *sive ergo manducatis sive bibitis sive aliud quid facitis, omnia in gloriam Dei facite*. Hac duo si aderunt, vinum hoc corporale in vinum spirituale, & meritorium nobis conuertetur. Cæterum præter hoc vinum in scriptura reperiuntur vina purè spiritualia diuersorum generum, ad quæ lumenda & bibenda nos sæpe prophætæ inuitant & incitant. Sit primus Isaias. qui sic inquit, *Venite, emite absq; argento, & absq; vlla commutatione, vinum & lac*. Vinum adultorum & robustorum potus est, lac infantum, de quibus Apostolus: *Tanquam paruulis in Christo lac vobis potum dedi*. Lac itaq; valet pro infantibus, vinum pro iis, *quorum est solidus cibus*; quàmuis inueniatur etiam quoddam vini genus pro incipientibus, de quo paulò

Vinū naturale quomodo fit spirituale.

*Prou: 20. 1. Eph: 5. 81.*

*1. Ti. 5. 23.*

*1. Cor: 10. 31*

Vinum spirituale cōmēdatur valde.

*Isa: 55. 1*

*1. Cor: 5. 8.*

*Heb: 5. 13.*



paulo post. Omnia autem hæc, tam lac videlicet quàm vinum per Mariam habebunt, qui deuotè eius implorabunt auxilium. Deinde sapiens, ipsam sapientiam nos ad hoc vinū inuitatē introducens, sic ait: *Venite comedite panem meum, & bibite vinum, quod miscui vobis.* Quæ quidē mixtio dupliciter potest intelligi. Sicut n̄. dupliciter vina misceri solēt, aliquādo cū aqua, nōnūquā verò cū alio vino, quādo videlicet miscetur acre cū dulci, forte cū debiliori, bonum cū meliori, vt fiat potus delicatus: (Hinc est prouerbium in Italia, qui vult bibere bonum vinum, faciat illud sibi) ita in vino spiritali vsu venit; habet enim sapientia vtrumq; Deniq; ipsa sponsa non solū ad bibendum, sed ad inebriandum inuitat nos, dicens. *Comedite amici, & bibite, & inebriamini charissimi.* Tali etenim vino inebriari, non solū vitiosum non est, sed est etiam laudabile. & meritorium valde.

Eius varia  
genera.

Inuitantur itaq; à Spiritu Sancto ad bibendum vinum spirituale; cuius variæ sunt species: nos triplici contenti erimus, secundum diuisionem hominum spiritualium, quàm ex Apostolo insinuauimus. Homines enim qui Deo placent, aut sunt qui seruire illi incipiunt, aut in eius ministerio progrediuntur, aut sunt perfecti. Singulis singula competūt vini genera; de quibus in scriptura pulchra habemus testimonia. Incipientibus igitur competit vinum COMPVNCTIONIS siue CONTRI-

CONTRITIONIS. De quo David, *potasti* 1. Contritio  
*nos vino compunctionis*, inquit. Et quamvis cō-  
 punctio duplex sit, doloris, & amoris: hīc  
 tamen de compunctione doloris & contriti-  
 onis loqui Psalmistam. clarum est ex antece-  
 dentibus. Ait enim, *Sana contritiones eius, quia*  
*commota est. Ostendisti populo tuo dura; potasti nos*  
*vino compunctionis*. Hoc est illud vinum, quod Typus in Sa-  
 pius Samaritanus infundit in vulnera eius, qui maritano.  
 inciderat inter latrones. Fecit enim quod pe- *Luc. 10. 34*  
 riti medici seu chirurgi faciunt, qui cū vidēt *Similitudo.*  
 vulnus, vel sacro quem vocant igne, vel carne  
 excreſcente infectum, aspera apponunt, &  
 rodentia medicamenta, vt putores illi con-  
 summantur: ita Christus. Differentertamen:  
 nam illi totum dant acre, & asperum: At Ie-  
 sus, miscet vino oleum, addit dolori conſo-  
 lationem, vt & vinum doloris consummat,  
 quod male nobis contra Deum placuit; & o-  
 leum spei ac consolationis non patiatur nos  
 desperare. Quod etiam facit Apostolus, qui  
 lætatur quidem de pœnitentia & dolore pec-  
 catoris, addit tamen oleum dicens. *Consola-*  
*mini*, id est, vos qui perfectiores estis, dolen-  
 tem illum & afflictum solamini, *ne forte abun-*  
*dantiori tristitia absorbeatur*. Hoc est igitur pri-  
 mum vinum spirituale, mixtum aqua lachry-  
 marum pro peccatis commissis. Quo quicū-  
 que peccator caruerit, alia vina spiritualia nō  
 degustabit: ac proinde est & à nobis procu-  
 randum quā diligentissimè, & oranda vir-



go, vt dicat filio VINVM NON HABENT.

2. Vinū mistum p. proficientibus.

*Pf: 83. 8.*

Similitudo.

*Pf: 106. 26.*

*Pf: 89. 7.*

*Cant 8. 2.*

Aliter status piorum Christianorum est status proficientium, de quibus diuinus Vates: *Ibunt de virtute in virtutem.* His competit vinum MISTVM seu POCVLVM CONDITVM. Mistionem audiisti ex ore ipsius sapientiae: & intellige mistionem illam perfectiorem: sicut enim vinum taliter mistum ex multis vinis constat; ita hoc vinum spirituale ex multis virtutibus componitur, habetq; aliquid, imò plurimum acrimoniae. De talibus enim viri spirituales spiritualiter intelligunt illud psalmi. *Ascendunt vsq; ad celos & descendunt vsq; ad abyssos, anima eorum in malis tabescebat.* Hi enim quando in meditatione abundant consolationibus spiritualibus & suauitatibus diuinis, videntur sibi esse in caelo, dicuntq; cum eodem Dauide. *Ego dixi in abundantia mea non mouebor in aeternum.* Et ecce paulo post; auertente domino faciem suam, conturbantur & descendunt vsq; ad abyssos, in inferno se positos arbitantes, vnde anima eorum in malis tabescit: tum ex recordatione peccatorum quae commiserunt: contra benefactorem suum Deum: tum propter multitudinem & atrocitatem tentationum, quae irruunt in illos. Ideoq; indigent vino illo, de qua sponsa. *Dabo tibi poculum ex vino condito, & mustum malorum granatorum meorum.* Quod licet sponsa pollicetur: tamen vnde quæso illud habet nisi à sponsa.

Sponſo, à quo *omne datum optimum, & omne do-* *lac: 1. 17.*  
*num perfectum* procedit? à Christo ergo peten-  
 dum, & obtinendum. Niſi per ſponſam ipſā  
 Deiparam, cuius verba declarare nitimur, in-  
 telligi velis, quæ vinum hoc impetratum à fi-  
 lio dat ſeruiſuis. Eximium equidem vinum  
 & ſaluberrimū; eius enim duas audis propri-  
 etates. Nam & eſt conditum, proptereaq; a-  
 romaticum ac calefaciens ſtomachum, & eſt  
 tamē etiam multum malorum granatorum;  
 quorum natura eſt refrigerare; ideò talia gra-  
 na febricitantibus dari conſpicimus. Vinum  
 ſanè huic ſtatui valdè accomodatū, in quo  
 alternantibus proſperis & aduerſis, id eſt con-  
 ſolationibus ac deſolationibus; indigemus  
 aliquando quidem refrigerio ab æſtu concu-  
 piſcentiarum & tentationum; aliquando ve-  
 rò calore, ne in diuini ſeruitii via tepelcamus.  
 Eſt etiam hoc vinum precioſius priore, quia  
 eſt conditum, habetq; illud primū vitium  
 quaſi pro fundamento & conſtat ex multis  
 virtutibus mirè ſibi adunatis, ſicut grana ma-  
 li granati denſè ſibi cohærere videamus. Opor-  
 tet enim illum, qui in hoc ſtatu verſatur, plu-  
 ribus, & ſolidioribus, quàm priorem abun-  
 dare virtutum generibus. Hoc eſt igitur alte-  
 rum vinum, de quo mater dicit ad filium pro  
 nobis **VINUM NON HABENT.**

Duz pprie-  
tates huius  
vini.

Similitudo  
explicatur.

Tertius bonorum ſtatus in Eccleſia Chri-  
 ſti, eſt ſtatus perfectorum. De quibus Apo-  
 ſtolus. *Sapientiam loquimur inter perfectos.* Ex  
 1. Cor. 3. 6

3. Vinſi ge-  
minans vir-  
gines, p. per-  
fectis.

Bb a

quorum



quorum numero erat ipse, qui de se testatur  
*Phil. 3. 20.* dicens: *Nostra autem conuersatio in cælis est.* His  
 competit vinum GERMINANS VIRGI-  
*Zach: 9. 17* NES. De quo apud Zachariam sic legimus:  
*Quidenim bonum eius est, & quid pulchrum eius,*  
*nisi frumentum electorum & vinum germinans vir-*  
*gines?* Dicitur autem id, non quod alii præter  
 Nominiſdu  
 plex ratio. virgines in perfectionis statu esse non possint:  
 sed duplici alia de causa. Primum, quia sta-  
 tus iste virginibus maximè conuenit; illæ e-  
 nim sunt perfectissima huius status membra,  
 si cætera æqualia cum aliis habuerint. Virgi-  
 nitatem namq; addere decorem & meritum  
 aliis virtutibus, quis nisi impius hæreticus ne-  
 gauerit? Propterea Apostolus inquit: *Et vir-*  
*go cogitat quæ Domini sunt, vt sit sancta & corpo-*  
*re, & spiritu.* Secundò quia ii qui in statu perfe-  
 ctorum censentur etiã si nō sint virgines cor-  
 pore, sunt tamē spiritu, & mente tales: quo-  
 rum enim conuerlatio in cælis est, mente vir-  
 gines esse nemo dubitauerit. Et vide quàm  
 aptè omnia quadrent: illi enim quibus Chri-  
 stus Iesus hoc vinū donare dignatur, quosq;  
*8. Cor. 7.* sponsus introduxit in cellam vinariam sunt, vt ait  
*34.* Zacharias: *Bonum eius*, id est, Christi Dñi: tū  
 quòd hæc omnia ab ipso habeant; tum quòd  
 sint in omnibus conformes voluntati eius  
 sunt etiam. *Pulchrum eius*: miram enim pul-  
 chritudinem gratiæ, & donorum suorum in-  
 fundit eis, sunt *electi*, quia & ad gloriam desti-  
 nati, & pauci ex multis. Habent etiã *frumen-*

tum quo pasti, & saturati, terrena hæc, & ca-  
 duca non esuriunt amplius, imò fastidiunt,  
*cupientes dissolui, & esse cum Christo.* Denique *Prov: 20. 1.*  
 habent *vinum germinans virgines,* contrarium *Phil: 1. 23.*  
 planè vino huic materiali, *in quo est luxuria,*  
 (vt sapientem & Paulum asserentem audiui-  
 stis) Hoc verò vinum castitatem ipsamque  
 germinat virginitatem: tum in illo, qui eo  
 est inebriatus: quod fit dum castitatem ipse  
 servat; dum pura & sancta opera generat, dū  
 conuersatio eius est in cælo cum angelis &  
 sanctis Dei: tum in aliis, quos virginitatem  
 docet, quos exèplo suo ædificat, quos Chri-  
 sto lucratur.

Hæc sunt igitur vina, & his similia, quæ vos *Omne vinu*  
 aut ex scriptura colligere, aut per sanctā me- *spirituale læ*  
 ditationem inuestigare poteritis, quæ mater *tificat.*  
 hæc misericordiæ, à filio suo *Patre Misericordi-*  
*arum, & Deo totius consolationis* rogare, & impe- *2. Cor: 1. 2.*  
 trare consuevit. Quæ omnia consolationem  
 & læticiam spiritualem in se continent; pri-  
 mum quidem non exiguam, secundum ma-  
 iorem, tertium verò omnium, quæ in mundo  
 haberi potest, maximam: ita vt qui illud ha-  
 bent, etiā in tribulationibus etiam in tormen-  
 tis pro Christo susceptis, summa lætitia & vo-  
 luptate perfruantur. Quod non tacuit, idem  
 propheta, cum paulò post subiungens inquit:  
*Et erunt quasi sortes Ephraim, & letabitur cor eorū* *Zach: 10. 6.*  
*quasi à vino.* Benè id dicitur: perfectus enim  
 & maximus fortitudinis actus & gradus est



latari, & exultare in afflictionibus pro veritate susceptis. Hoc est deniq; vinum nouum, quod in vtres nouos se infusurum veritas pollicita est. Quod vt præstet, matris ipsius sanctissimæ nobis auxilium implorandum erit, nempe vt illa diuino assistens conspectui, dicat, VINVM NON HABENT, impetretq; nobis & hæc, & alia nobis necessaria vini spiritalis genera. Nam vt pulchrè, & vt assolet deuotè de hac virgine dislerit D. Bernardus, neque filius matri petenti quicquam negare poterit (prout neq; negauit in Euangelio hominibus) neq; ex capite nostro, quod est Christus, in corpus eius, quod est Ecclesia (in qua sumus nos *membra de mèbris eius*) aliter dona & gratiæ ipsius deriuantur, quàm per collum, cui beatissima mater eius virgo Maria comparatur. Hæc igitur nobis inuocanda erit & humiliter, & diligenter.

Alterum dictum B. V. est ad nos per Christum.

Audiuius matrem filium pro nobis interpellantem, & dicentem. VINVM NON HABENT, Variâq; vini genera nobis impetrantem: audiamus iam nos alloquentem, nos pro nobis rogantem, nos monentem, apud nos pro filio intercedentem (mira sed vera) & tantò audius, & diligentius audiamus, quanto magis nos ipsos sermo eius tangit. Amor etenim nostri docet nos, ea, quæ nos concernunt, & attentè percipere, & exactè ponderare, & diu, multumque memoria retinere. Quod si in his Deiparæ verbis fecerimus, & exequi-

executionem mandatis eius addiderimus, beati nos & terq; quaterq; beati in perpetuas erimus æternitates. Quid verò inquit? QVODCUNQVE DIXERIT VOBIS FACITE. id est. Quodcunq; præceperit vobis Iesus filius meus, hoc perficite, hoc exequimini. Hæc illa olim ad ministros, hæc nunc ad nos quotidianæ. Obediebant illi, non obediemus nos? Faciunt serui nō facient filii? Scitis enim Apostolum inter homines noui & veteris testamenti eam differentiam ponere, quæ est inter seruum & filium: illi ergo serui, nos filii. Agamus igitur dilectissimi, & agamus diligenter & auctoritate tantæ personæ quanta est mater Dei, ad nos loquentis adacti, & necessitate vtilitateque nostra constricti. Quatuor Maximi momenti. etenim verba ista, tanti sunt momenti, vt & omnia omnium Philosophorum dicta, scriptaque longè superent, & totam Theologiam in se complectantur. Si enim QVODCUNQVE DIXERIT. dixitq; nobis Iesus, FACIEMVS, nihil erit, quod siue ex naturali, siue ex supernaturali & reuelato lumine habetur verum, pium, sanctum, quod executioni à nobis non mandetur, quod à nobis non perficiatur. Sunt namq; hæc verba beatissimæ virginis ex eorum numero, de quibus iam bis à me audiuiſtis, ex illis inquā, quæ ad prudenter moderandam, & sanctè transigendam totam vitam nostram abundè sufficiunt, si executioni mandentur. Duabus præteritis Dominicis



habuimus duo talia verba ipsius Christi Domini: nunc verò habemus tertiū matris eius; minoris quidem auctoritatis, si personam dicentem spectes; at æqualis commodi, si ipsa dicta consideres.

Cur pro  
Christo di-  
cantur.

Neq; verò mirari, & arguere quis debet, quòd asseruimus verba hæc dicta esse nobis à matre pro Christo intercedente. Fecit enim hoc quoq; Apostolus (secundum piorū

1 Cor. 5. 20.

interpretationem) illis verbis. *Obsecramus p Christo, reconciliamini Deo*: quæ triplicem pos- sunt habere sensum. Primum, vt loco Christi id faciat Paulus: Secundum vt per amo- rem Christi tum Corinthios, tum nos horte- tur Apostolus: tertium, vt obsecret nos, vt reconciliemur Deo, pro Christo, id est vt Christus mercedem suam recipiat in nobis.

Nos merces  
Christi.

NOTA.

Scitis enim Christum Dominum pro tot, tantisq; & quæ egit, & quæ passus est, non aliam quasi mercedem accepisse, aut accipere, quàm nos, quàm animas, quæ saluantur. Hoc testatur ipse pater æternus (in illo psalmo, quem fideles in actis de passionc Christi in- terpretantur) dicens: *Postula à me, & dabo tibi gentes, hæreditatem tuam & possessionem tuam ter-*

Act. 4. 25.

Psal. 2. 8.

Heb. 5. 7.

*minos terra.* Orasse autem Christum cum la- chrimis in diebus carnis suæ, asserit Paulus. Hoc

Ps. 126. 3.

etiam testatur ipse Dauid, cum inquit: *Ecce hæreditas Domini filij, merces fructus ventris*; id est: ecce à Deo electi. merces sūt Christi do- mini qui est fructus ventris virginalis. Hoc

testa-

testatur Apostolus, cùm Christum vocat, *hæ-* Rom: 4. 13  
*redem mundi, heredem vniuersorum*: cùm asserit, *Hebr: 1. 2.*  
*eum, qui multos filios in gloriâ adduxerat*, debuisse  
*per passionem consummari*, nempè vt passione sua *Heb: 2. 10.*  
 nobis mereretur gratiam, & gloriam. Itaque  
 quando Paulus ait: *Obsecramus pro Christo, re-* 2. Cor: 5. 20  
*conciliamini Deo*, rogat nos, vt pænitentiam a-  
 gamus, vt sanctè viuamus, ne Christus Domi-  
 nus mercede sua frustretur, quam ex salute  
 nostra recepturus erat. Pulchra est hæc, deuo-  
 ta, & utilis contemplatio, vt per eam socor-  
 diam nostram ad benè viuendum excitemus.  
 Hoc ipsū igitur beata mater verbis illis: *QVÆ-*  
*CUNQVE DIXERIT VOBIS, FACITE*  
 præstat nobis: Sicut enim ministros istos mo-  
 net pro Christo, vt illi obediant; ita etiam iis-  
 dem verbis nos hortatur & rogat, vt Christo  
 Domino in omnibus obedientes & morigeri  
 simus. Hac enim ratione & Christus gloriam  
 suam, ac mercedem obtinebit, & nobis pote-  
 rit benefacere, quemadmodum in hoc mira-  
 culo, per cooperationem ministrorum, ho-  
 spiti; & conuiuiis maximū contulit beneficiū.

Quod si quæras, quidnam verbis istis Dei- Quid à no-  
 para, à nobis requirat? Dicam paucis; in v- bis requirat  
 niuersali quidem requirere illud, quod genera- B. V.  
 tim itidem paucis verbis dixit Apostolus, *vt*  
*abnegantes impietatem & secularia desideria, sobriè,* Tit: 2. 12.  
*& iustè, & piè viuamus in hoc sæculo*; ad hæc enim  
 reducuntur omnia quæcunq; præcepit Iesus,  
 vt faciamus. In particulari tamen est animus



In particula  
ri bonā sta-  
tus electio-  
nem.

considerare circa hæc verba hodie paulò co-  
piofius, quod præterito die Dominico teti-  
gimus, rem sanè & necessariam valde, & quæ  
verbis istis gloriosissimæ Virginiis imprimis  
cōprehēditur. Diximus n̄. generaliter homini  
christiano pernecessariū esse, cū ad vsū rationis  
peruenerit, vt de statu vitæ suæ & deliberet dili-  
genter, & secundum Deum statuatur firmiter:  
nunc igitur tractandum est, tum quā id sit  
necessarium; tum quando fieri debeat, tum  
qui status sub deliberationem cadant, & qui  
non, tum quid hac in parte sit à nobis obser-  
uandum. Quæ omnia aut penè omnia, in his  
Deiparæ verbis: **QVÆCUNQUE DIXE-  
RIT VOBIS, FACITE** contineri animad-

Quam id sit  
necessariū  
deducitur.

Proverbio.

A simili.

uertemus: si ea diligenter meditabimur. Nā si  
aliqua in re, in statu certè vitæ eligendo, oportet  
nos & audire, & facere quod dicit nobis Ie-  
sus. Verissimum est namq; dictum illud, paru-  
um errorem commissum in principio, fieri  
maximum in fine. Quemadmodum enim e-  
orum, qui iter aggrediuntur, error vnius aut  
alterius palmi, quem commiserunt in princi-  
pio viam deuiam arripiendo, crescit in multa  
passuum millia; si iter continuetur: ita in hac  
nostra vitæ huius peregrinatione parvus er-  
ror (si modo in re grauissima paruum quid  
dici potest) qui in electione status comittitur  
multa & ingentia incommoda, damna, & pecca-  
ta post se trahit, estque multorum hominum  
interitus causa; dum quod malè ceperunt,  
aut

aut nolunt, aut emendare non curant. An-  
 imaduenterunt id solo lumine naturali duce  
 philosophi, propterea & Herculem in binio  
 positum, & alia fingeant, ut iuuentuti per-  
 suaderent, cum ad usum rationis peruenerint,  
 bonam status sui electionem facere, nonque  
 voluptatis, sed viriutis viam ingredi, ample-  
 cti, ac sequi eos oportere. Quod, si Ethnici  
 vitiorum, & Idolorum mancipia fecerunt,  
 quid agere decet Christianos, quibus lumen  
 fidei illuxit diuinitus? Tantoperè id conue-  
 nit, ut graues & sancti senserint Theologi,  
 Christianorum quemlibet, cum primum per-  
 fectè factus est compos rationis, teneri ad e-  
 lectionem boni status, quod si saltem in vni-  
 versali, virtutis amplectendo viam non fe-  
 cerit, grauiter illum peccare. Et inde conclu-  
 debant, primum opus & actum, quem homo  
 facit pleno arbitrio præditus, aut meritorium,  
 aut peccatum esse mortale: Nam si virtutis  
 aggreditur viam meretur, sin voluptatis, pec-  
 cat in re graui grauiter. Quod utinam adole-  
 scentuli nostri, & adolescentulæ diligenter cõ-  
 siderare velint, quâ ad rem à parentibus, præ-  
 ceptoribus & concionatoribus monendi sunt  
 serio, & frequenter. Vix enim in aliqua re &  
 viuatur negligentius, & erratur perniciosius.  
 Quot enim sunt ex Christianis quibus id acci-  
 dit, quod illa carpsit gentilis? dicens: [Itaq; ante  
 implicatur quis aliquo certo genere cur-  
 suq; viuendi, quam potuit, quod optimum  
 esset

Ex philoso-  
phis.

Ex Theolo-  
gis.  
D. Th: 1. 2.  
quest: 89.  
Art: 6.

Ex periculo.

Cic: lib: 1.  
de officiis.



esset iudicare. ] Neque verò adeò magna culpa esset, si implicaretur qñ. iudicare necdū potuit, sed culpa est, quia nec vult diudicare, cū optimè iā iudicare possit, nec vult emēdare, quod pessimè esse inchoatum animaduertit.

Duo cardines vitæ humanæ.

NOTA

Quemadmodum enim in cælo consideramus duos cardines, circa quos tota illa & immensa machina vertitur & gyratur: ita in cursu vitæ nostræ duas periodos, & quasi cardines oportet nos spectare: alter est, vt bonum vitæ genus ac salutare in ipso vitæ nostræ humanæ (nam antequam ad vsum rationis ventum est, more brutorum viuimus.) exordio eligamus: alter vero est cardo, vt si quid hac in parte in principio erratum fuit, quamprimū id animaduuerterimus, emendare studeamus.

De his vox impiorū vtilis.

Iob 22. 14.

Est vox impiorum, apud Iob de Deo asserentium. *Nubes latibulum eius, nec nostra considerat & circa cardines cæli perambulat.* Quæ vox quāuis sit impia, & blasphemā valde; cū certum sit, non solum cæli, non solum hominum; sed etiam animalium, piscium, volucrum, arborum, & vt ipse Christus testatur, passerum, & capillorum capitis nostri, quos numeratos habet Deum curam gerere, & de omnibus pro-

Tum negligentibus.

Tum Bachāribus.

uidere: duo tamen nos inde colligere possumus, primū, illos licet blasphemos, assignasse tamen Deo officium: quod si illorum opinio esset vera, foret excellentissimum. Secundum vereri me, ne inter Christianos, plurimos habeant imitatores, si non verbo, certè facto, & opere

opere ipso. Quot enim sunt, proh dolor, qui christiano insigniti nomine, ita viuunt, ut isti impii; qui diuinam negant prouidentiam? quot, pro pudor, erunt, qui hoc bacchanaliorum tempore, ita comestationibus, ebrietatibus, cubilibus, impudiciis, detractationibus, scurrilitatibus, obscenitatibus, & omnis generis luxuriis operam dabunt, ut gentiles etiam ipsos, & impuros Machometanos superent? ut opere ipso mostrent se credere, quod Deus *in nube lateat*, quod facta eorum non consideret, quod *circa cardines celi perambulet*, ignorans, quid circa nos, vel a nobis agatur. Utinam sint pauciores: utinam vel inter Ecclesiasticos desint. Utinam qui Magistratum gerunt, publica saltem scandala prohibeant. Utinam qui tales sunt considerare velint, quibus cum locietatem gerant, & quæ illos pænæ maneat, quas quidē pēnas sic Propheta ibidē cōcludit *Iob 22. 20* dicēs: *Nōne succisa ē erectio eorū, & reliquias eorū deuorabit ignis?* Veniet dies, quādo ita succidetur hæc erectio, & superbia cordis & colli eorū, ut tota in extremā vertatur ignominia: veniet, quādo reliquias voluptatū eorū deuorabit ignis, sine fine permanens, & vrens.

Sed ad cardines nostros redeamus; Et primum quidem monemus christianos, ut sibi caueant, ne ab istis impiis in illa die condemnentur. Nam dum impii isti Deo assignant cardines celi, circa quos perambulat, ut bene omnia procedant in inferioribus, monēt

Hi duo cardines considerandi.

nos.



PRIMVS  
est, bona sta-  
tus electio,

nos, vt nos quoq; nostris attendamus cardi-  
nibus, & diligenter circa illos obambule-  
mus, ne si ipsi debilitentur, vel ærugine cõsu-  
mantur, nos quoq; corruamus, quod fit du-  
bio procul. Itaq; primus vitæ nostræ cardo  
est, bona boni status electio, cui summo pe-  
re attendant ii, in quorum potestate, & li-  
bertate est hoc adhuc positum. Nam qui fir-  
mum iam vitæ statum complexi sunt, siue  
sacerdotalem, religiosumue; siue coniugato-  
rum, ab eo resilire non debent ( nisi posteri-  
ores ex mutuo consensu complecti religio-  
nem approbatam velint ) sed si quid in ele-  
ctione erroris est commissum, vt id secundo  
resarciatur cardine, omnem mouere debent  
lapidem. De primo igitur cardine in primis  
est agendum nobis. Cuius primum est fun-  
damentum, vt memores dicti sanctæ virginis  
QVÆCUNQVE DIXERIT VOBIS FA-  
CITE, illum tantum statum eligant, quem  
Iesus dixit, id est, quem approbavit. Appro-  
bat autem status dupliciter: vel per seipsum,  
vel per sponsam suam & matrem nostram,  
Ecclesiam sanctam. Nam vniuersæ loquen-  
do, quadruplices sunt status in mundo, ma-  
li, periculosi, boni, & perfecti. Bonus verò  
status generaliter item dislerendo, aut est Ec-  
clesiasticus, aut sæcularis. Norunt id bene  
i. Cor. 14. veri Catholici, ignorant qui ignorabuntur, quia  
38. ignorare volunt, tum hæretici, tum pseudo-  
politici, vel vtrumq; miscendo, vel non eam  
quam

quam deberent, inter hæc differentiam statuendo. Sed de his aliâs Christo dantedifferemus. Nunc in proposito pergamus, videamusq; qui nam ex istis statibus sub electione cadant, & quomodo dignosci possint. Lydius lapis sit, quem iam poluimus, Christus, & Ecclesia: ut verò id melius intelligas, accipe regulam. Quemcunq; statum (Si modo status vocari potest, id, quod est potius status corruptela, quàm status: sed loquamur ut vulgus loquitur, ut omnes intelligant.) Quem ergo statum Christus dominus prohibuit, malus est; quos non legitur approbasse, imò videtur ab iis alios retraxisse, periculosi sunt, quos verò aut verbo, aut facto approbavit, boni; quos autem ipse in se suscipit & exercuit, optimi. Idem sit de Ecclesia suo modo iudicium. Cuius quidem Ecclesie vide quæso in ordinandis istis Dominicis pulchrum ordinem hac in parte (ideò & nos nunc de statibus agimus.) Etenim præterita die Dominica proposuit nobis ob oculos statum Ecclesiasticum, dum introduxit puerum Iesum in templo manentem, & deuotioni operam dantem. Hodie verò status sæcularis nobis exemplum dedit, qui, ut omnes norunt, coniugio ut plurimum occupatur.

Sed loquamur adhuc pressius, & magis in particulari de istis statibus. Malus igitur status est, qui statuit hominem in peccato mortali: Eiusmodi est omnium hæreticorum, Schisma.

Regula duplex eos dignoscendi.  
NOTA.

In particulari.  
1. Mali status qui.



2. Periculo  
si qui.

Schismaticorum, & si sint in arte perfecti, dicerem etiam pseudopoliticorum. Item eorum, qui aut in gradibus prohibitis constituti, aut votis, sacrisq; ordinibus constricti, contraxerunt matrimonium, si modo matrimonium dici potest, quod matrimonium esse non potest. Deniq; huius sunt generis vsurarii, concubinarij, meretrices, lenones, aleatores, & his similes, Status verò periculosi generatim loquendo, sunt imprimis eorū, qui pecunia pecuniam aucupantur: Nam tales à mendacijs, à periurijs, à palliatis, vluris, à mercibus adulterinis, ab eo, ne monetam falsam expendant, & alijs his similibus mille fraudibus abstinere, & iusto lucro contenti esse difficulter, & rarò consueuere, cuiusmodi sunt publicani seu telonearii, & mercatores, qui empta statim ibidem vendunt: sed & militaris status magnū secum circumfert periculum; rarò enim sibi à rapinis, & concussionibus temperant: nec non aduocatorum seu causidicorum, qui lucro illecti, haud rarò partes iniquas scienter defendunt, veritatemque cauillis aut opprimunt, aut euertunt: Non carerent etiam periculo cauponarii seu tabernarii, qui ebrietates, & alia promouere solent. Itaq; à talibus periculosissimis statibus abstrahere potius homines voluit Christus Dñs, quàm eos promouere, prout in Matthæo & Zachæo patet; Zachæum enim peccatis nō caruisse & ipsa restitutio, quā pollicetur, & verba Christi Do-

sti Domini, quibus salutem domui illi factam esse asserit, satis demonstrant. Ideoque non permisit Christus illis, ut ad ad hæc officia redirent, sicut piscatoribus, etiam post resurrectionem suam, exercere piscaturam permisit. Est tamen inter hos, & illos priores status magnus discrimen, quod ex solo patet nomine: Illi enim nullo modo sine peccato exerceri possunt, isti possunt; ideoque milites à D. Ioanne Baptista, non damnantur, sed de periculo moriuntur. *Luc: 9. 14*

Boni verò status sunt, quos aut ipse Christus quoquo modo, aut Apostoli eius, aut Ecclesia approbavit. Talis est status matrimonialis, quem in Euangelio hodierno Christus Dominus & præsentia sua, & miraculo decoravit: talis status secularis, ex quo nasci voluit: sub quibus generibus infinitè continentur species, quas recensere nec tempus patitur, nec vlla postulat necessitas. Principes & omni potestatem à Deo esse testatur Apostolus: *Iudicibus Rom: 13. 1. Ioan: 19. 15* dari potestatem desuper, asserit ipse Christus: *Mar: 6. 3.* Laboribus manuum per artificium, vel alio modo victum querere, tam carum habuit Iesus, ut artē fabrilem credatur exercuisse; quem Paulus egregiè imitatus, etiam dum prædicaret, arte sceno-factoria uti voluit. *Act: 18. 3.*

Optimi denique status sunt, quos ipse Christus Dominus aut in se recepit, aut exercere voluit: Eiusmodi est status Ecclesiasticus. Fuit enim *Sacerdos*, non quidem iuxta sacerdotium *Ce* *um Aa-*

3. Boni status qui.

*Rom: 13. 1. Ioan: 19. 15*

*Mar: 6. 3.*

*Act: 18. 3.*

4. Optimi qui.



*Pf: 109. 4.* um Aaron, sed secundum ordinem Melchisedech;  
*Heb: 5. 6.* sicut David & Apostolus attestantur. Suscepit etiam in se statum cælibem, & illum, qui in cælibatu est excellentissimus, nempe virginalem. Suscepit statum Doctorem, & Pastorem Spiritualium: quia & Pastorem se esse asserbat, & omnes docebat; & quod magister ab Apostolis vocaretur, approbat. Suscepit statum pauperum, relictis diuitiis, ita ut non haberet ubi caput reclinaret suum. Exercuit statum Anachoretarum, cum in templo solus mansit: & in deserto quadraginta, adeoque pluribus diebus est commoratus. Exercuit statum illorum, qui sub obedientia viuunt, quando erat  
*Joan: 7. 14.* subditus parentibus non paucis annis. Exercuit statum studiosorum, licet esset omnium doctissimus, quando inter Doctores sedens humiliter & audiebat, & interrogabat eos. Exercuisse denique creditur (ut dictum est) artem fabrillem, ut doceret laborem manuum etiam spiritualibus viris, etiam anachoretis licitum, imò honestum esse; præciterat enim ociosos quosdam venturos, qui eum improbarent, quos viri sancti, Christi & Apostoli exemplo exploserunt, sed & mendicorum statum exercuisse putatur, tum in templo per triduum illud, tum quando prædicabat, ex Eleemosynis sane eum vixisse certissimum est.

Observanda  
 in electione.  
 I. ut bonus  
 sit status.

Quare qui bonam status electionem vult facere, imprimis curare debet, ut aut vnum ex optimis, si ad id à Domino, & creatore suo vocatur;

vocatur; aut bonum saltem statum sibi eligat. Nam malum nefas: periculosum verò eligere, est discrimini sese committere: ceteroquin qui iam illū est cōplexus, nec facilis retrocedendi est ratio, vt non cautē solum, verū etiam cautissimē se in eo gerat, curandum ei est. Deinde adhibenda est bona intentio, nempē, vt memores cū diuini praecepti, *non declinemus ad dextram, vel sinistram*; tum *Deut. 17. 11* admonitionis Dei parē dicentis: *QVÆCUNQUE DIXERIT VOBIS, FACITE*: quicquid hac in parte agimus, voluntatē Christi explere studeamus, laudem & honorem ipsius, & salutē animæ nostræ purē ac syn- cerē quæretes, vt locum habeat apud nos ad- monitio Christi Domini dicentis: *Quærite* *Mat. 6. 33* *prīmū regnū Dei, & iustitiā eius, & hæc omnia adicientur vobis.* Nam si in omnibus actio- nibus nostris, requiritur pura intentio, vt quic- quid facimus, omnia in gloriam Dei faciamus, quē *1. Cor. 10.* admodū nos monuit Apostolus: quantō ma- *31.* gis id locum habet in electione status, quæ *Cardo vnde dictus.* est cardo quidam, in quo tota vertitur vita nostra. Ideoque Sathan huic periodo vitæ nostræ maxime insidiatur, sciens quot mala sequantur malam electionem. O quot erunt *Abusus hæc in parte.* istis bacchanalis; qui amore carnali succensi statum amplectentur? alii ebrii promittunt, quod postridie factum dolent, nec tamen re- trocedere aut possunt, aut volunt, propter aliquos humanos, quos vocant respectus: alii postquam constituerint sibi finem honores,



vel diuitias, huic suo instituto statum conformem quærunt. Qui præposterè sanè agunt: cum non media ad finem sed finem ad media dirigunt. Nam finis hominis est, seruire Deo, ad quem finem querenda sunt media, quæ cuius sunt conuenientia. Isti verò è contra diuitiis, vel honoribus pro fine constitutis, diuinum quærere volunt honorem, aut potius velle se fingunt. Denique non desunt, quorum alii ad acquirendum beneficium simonias, & his similia fæda ac illicita stratagemata adhibent: alii etiam veneficia & incantationes addunt, vt statum, aut matrimoniũ quod desiderant, adipiscantur. Næ deplorandum genus hominum: euenit enim illis vt plurimum, vt quod auctore diabolo inchoatum est, eodem consummatore perficiatur. Hinc rixæ, maledictiones, odia, cædes, Venena, aliq; nefanda proueniunt flagitia. Hæc omnia fugienda sunt summopere, tam illis, qui aggredi statum necdum inchoatũ volunt, quàm iis, qui malè cæptum reparare cogitant. Neque verò attendendum est illorum sermonibus, qui dum hac de re arguuntur, respondere solent, diuinam hanc vocationem fuisse. Erras, & erras turpiter quicumque id asseris: Diuina enim vocatio sancta est, pura est, clara est; hæc verò omnia in tenebris peccatorum sunt. Non diuina igitur vocatio, sed Sathannæ illusio isthæc sunt vocanda.

Excusatio  
inepta.

NOT.

3. Adhibenda  
deliberatio  
in quiete.

Quapropter posito ante mentis oculos &  
statu

statu bono, & fine optimo, nempe glorię Dei, & salutis proprię desiderio, faciendum est, quod etiam ipsi Philosophi faciendum iudicarunt (ne ab illis condemnemur) in typo sui Herculis, quem tradunt exisse in solitudinem, ut melius & quietius de re tanta deliberare posset. Idem tibi multo iustius est faciendum o Christiane, qui obligationem habes in baptismo virtutis, non voluptatis iter ingrediendi & addenda diligens, continua, & diuturna oratio, ut in re omnium gravissima Deus & intellectum tuum illuminare ad cognoscendum, & voluntatem corroborare dignetur ad exequendū ea, quę saluti tuę magis sunt proficua. Adhibendi sunt etiam in consilium illi, qui & regulas tibi bonę electionis præscribere possint; & tales sunt, qui nec volunt, nec facile possunt te in errorem inducere: Nolunt, quia pii & sancti sunt; non facile queunt, quia docti sunt. Tales igitur require, nempe eruditos, pios, & spirituales viros. Neque tamen aut in gratia alicuius, aut persuasione humanam rem tantam concludas, sed memor consilii quod olim Gamaliel legis Doctor honorabilis dedit, videlicet quod ex humano pendet consilio, id dissolutioni obnoxium esse: quod verò à Deo est, stabile permanere, conclusionem huius tanti negotii tibi cum Christo Iesu tuo relinquant: quod tandem facias, & constanter exequaris. Sed & illa quę ex dicto Architrilini, & facto Christi colligitur

4. Meditatioq; & oratio.

5. Instructores quoque.

6. Conclusio tui tua sit.

Act. 5. 34

7. Regula ex Evangelio



gitur regula, haud parū hanc ad rem prodesse poterit. Quicumq; eū status in principio dat bonū vinū, postmodū verò id, quod est deterius, fucatus est: qui verò cōtrario procedit modo, Christi est: Christus enim in finē bonum vinum seruat, quod in pænitentia, & aliis, quæ à Christo nobis commendantur, facile liquet.

SECUN-  
DVS vitæ  
cardo ē, pri-  
mi repara-  
tio.

Quam quidem pænitentiam, & pleraque etiam ex iis, quæ dicta sunt, commendamus plurimū illis, qui secundo indigent cardine: iis inquam, qui certum firmumq; elegerunt iam sibi statum, licet non absque errore, aut mala intentione. Tales enim primū agant pænitentiam. Deinde, si statum mutare possunt, mutant illum in meliorē. Exempli gratia: Vides tu nobilis te in militia sine rapinis viuere non posse, relinque illam, cura rem familiarem: vides tu ciuis, cauidici munus tibi multorum peccatorum causam esse, proice illud, & aliud vitæ genus minus periculosum sectare. Vides tu artifex, mercaturam quam aggressus es, ad multa illicita, & iniustitias te pertrahere; redi ad priorem statum: Et idem esto iudicium de aliis. Quod si status est immobilis, ne mutaueris eum, quia non licet; sed da operam, vt & pænentiā, & vitæ sanctimonia repares, quod erratum est: quam ad rem multo plus quam in priori valere debent apud te consilia spiritualium & doctorum virorum, vt ea sequaris, sicut milites Ioannis

annis Baptistæ consilium, & instructionem *Luc. 3. 149*  
 amplecti tenebantur. Denique ante mentis  
 oculos omnes semper habeamus hoc beatif-  
 simæ virginis dictum QVODCVNQVE DI-  
 XERIT VOBIS Iesus, FACITE, & omnia  
 bene nobis cedent.

Etenim (vt ad id quod vltimo loco pro-  
 posuimus deueniamus) verba ista De paræ  
 virginis continent in se omne bonum. Nam  
 vt diximus, & vt res ipsa loquitur, talia sunt,  
 quæ ad instituendam, continuandam, & per-  
 ficiendam piæ, & sanctè totam vitam nostram  
 abundè nobis sufficient; Si & perpendentur  
 diligenter, & exequutioni mandabuntur fide-  
 liter. Quod vt fiat, & vt ego quoq; vnde cæ-  
 pi finiam; audiamus obsecro auribus cordis  
 nostri turturem hanc castissimam & sapientif-  
 simam, rara & cara, honesta, vtilia, iucunda,  
 duo inquam verba proferentem; alterum ad  
 filium pro nobis: alterum ad nos pro filio. In  
 altero testatur virgo flores apparuisse in terra no-  
 stra in altero monet nos, *tempus putationis no-*  
*stræ aduenisse.* Apparuit enim benignitas Dei  
 & Saluatoris nostri Iesu Christi, qui *flos campi*  
 & *lilium conualium* ibidem nuncupatur. *Vineæ*  
 quoq; *florentes dederunt odorè:* quinimò (quod  
 maius est) ipse vineæ huius (quæ est Ecclesia)  
 maximus Procurator vel hæres potius Chri-  
 stus Iesus non solum odorem vineæ emisit;  
 sed etiam ipsam aquam hodie in vinum opti-  
 mum transformauit, ad intercessionem ma-

III. PARS.  
 Quòdo ver-  
 ba B.V. om-  
 nia bona cõ-  
 tineant.

Summa di-  
 ctorũ & spẽs  
 erigitur.

Exordiũ ap-  
 plicatur.

*Cam. 2. 136*

*Cam. 1. 26*



Quò B. V. P  
nobis inter-  
ced.

Quò nos al-  
loquitur.

Putationis  
tempus ex-  
plebimus.

1. In electio-  
ne status.

2. In repara-  
tione.

trīs suæ dicentis VINVM NON HABENT.  
Hæc verò verba profert eadem piissima & mi-  
sericordissima mater etiam nunc pro nobis in  
cælo; & impetrat incipientibus quidem vinū  
compunctionis, proficientibus verò vinum  
mixtum & poculum conditū: perfectis verò  
vinum germinans virgines: omnibus autem  
varia vini spiritualis genera, pro cuiusvis ne-  
cessitate & capacitate: neq; enim filius ap-  
lius asperius illam alloquitur, sed libenter quod  
petit concedit. Audiamus igitur illam, & vt  
pro nobis intercedat, obnixè rogemus: mul-  
tò magis autem audiamus nos alloquentem  
QVÆCVNQVE DIXERIT VOBIS filius  
meus Iesus, hoc FACITE; & recordemur,  
quod *tempus putationis aduenit*: Verè tempus  
putationis nostræ aduenit, qui tot superflua  
ad amputandum habemus; quot difficilè ne  
impossibile dixerim, aut videre, aut nume-  
rare: Hæc verò omnia quatuor illis virginis  
sanctissimæ verbis refecabuntur. Si enim fece-  
rimus quæ præcepit nobis Iesus, primū  
amputabimus omnia, quæ nos à bona status  
nostri electione (si adhuc liberi sumus) im-  
pediunt, vt purè ac sincerè gloriā Dei; & salu-  
tem animæ nostræ quærentes, post quietam  
& diligentem deliberationem ac iugem ora-  
tionem, illum statum, qui salutis nostræ est  
maximè accomodatus eligamus. Deinde, si  
iam in electione status error est commissus,  
~~memores~~ dicti huius, dabimus operam, vt  
per

per pœnitentiæ lachrymas, & emendationē  
 vitæ ea quæ indigent emendatione resece-  
 mus: Hoc verò videte quàm pulchrè Meta-  
 phoræ huic conueniat. Sicut enim vites cum  
 putantur vbertim flere, ac postmodum fru-  
 ctum reddere solent: ita illi qui in electione  
 errorem commiserunt, copiosas lachrymas  
 emittere debent, vt fructus dignos referant  
 pœnitentiæ. Sin autem bonum quidem sta-  
 tum complexi sumus, verum non benè quin  
 imò ita in eo viuimus ac si Deus non esset no-  
 bis præsens, sed circa cardines cæli obambu-  
 laret tum temporis, tantò magis his verbis  
 virginis moniti, & lachrymas fundere, & per  
 Sacramenta Deo reconciliari debemus, ne  
 Christus in nobis mercede frustretur sua.  
 Merces enim passionum Christi Domini, est  
 salus animarum nostrarum. Præterea verbis  
 istis Deiparæ, si benè & frequenter iis vtemur  
 profligabimus omnes tentationes. quæ nos  
 ad peccandum conantur. Memores enim cri-  
 mus nihil horum dixisse, & præcepisse Iesum,  
 quæ illæ suggerunt; sed vetuisse potius. Exa-  
 minabimus insuper hisce verbis omnes acti-  
 ones, locutiones, & cogitationes nostras, &  
 siquidem inuenerimus ea dicta esse à Iesu, li-  
 benter & alacriter exequemur; sin minus, fu-  
 giemus. Deniq; si obediētes matri, ( vt isti  
 Ministri obediebant ) obediēmus etiam filio  
 ipsius Christo Iesu ( prout & illi fecerunt )  
 siquē matrem spei in fide, spe, charitate, mise-  
 ricordia

3. In vita  
mala.

4. In tenta-  
tionibus.

5. In omni-  
bus operib<sup>us</sup>.

6. In obedi-  
entia spe  
perseuerantia.



Oratio ad  
B. V.

ricordia, modestia, humilitate, quæ omnia in dictis istis relucet, in primis verò in perseverantia, imitati fuerimus, & spem certam salutis cōcipiemus, & mercedem vberriam obtinebimus. Nā sicut parvus error in principio maximus fit in fine: ita é contra, bona electio licet frigidè in principio facta; magnos & ingentes fructus referet in fine, dummodo studeamus non flaccescere, sed procedere in via cepta diuini seruitii, quilibet iuxta statum ac vocationem suam. Quam ad rem inuocanda erit nobis hæc misericors miserorum patrona, his vel similibus verbis: Te sanctissima Deipara virgo rogamus, tuum auxilium imploramus mater misericordiæ & sanctæ spei, vt sicut hodie in nuptiis pro pauperibus vino carentibus; ita etiam pro nobis vino spiritali valdè indiguis, apud filium tuum intercedere digneris, vt & quæ tu nos docuisti exequutioni mandemus, filioq; tuo in omnibus obediētes simus, & per te ab eo vinum obtineamus, quod in hac quidem vita nos corroboret, ne in peregrinatione deficiamus: in illa verò vita, ita nos latificet, vt absque vllō metu & timore, vnā tecum incessanter Deum trinum & vnum Patrem, & Filium & Spiritum sanctum laudare, exaltare, & magnificare valeamus per inmensa & infinita sæculorum sæcula.

AMEN.

CON-

## CONCIO QVARTA.

## Charitas.

CHRISTI  
 DICTA  
 MATRIM:  
 CVM COR  
 POR: TVM  
 SPIRITVE  
 ALE

*Quid mihi & tibi est mulier? nondum  
 venit hora mea. Item Implete hydrias  
 aqua. Rursus: Haurite nunc, & serue  
 Architriclino.*

**Q**uamuis sicut in præcedenti concione Duplex sco-  
 Deiparæ, ita in hac, ipsius Dei Christi pus Christi  
 Iesu verba, quæ in hoc Euangelio re- Domini.  
 periuntur, considerata, & explicanda susce-  
 pimus: tamen ita id faciemus, vt & aliorum,  
 quæ hodierno nostro seruire possunt institu-  
 to, non obliuiscamur, & scopum Christi Do-  
 mini præ oculis habeamus semper; Scopus  
 autem Saluatoris nostri in facto hoc, & mira-  
 culo duplex imprimis mihi esse videtur; nem-  
 pe tū corporales nuptias approbare, tū spi-  
 rituales nobis cōmendare. De vtroq; ageamus  
 Christi instituto, sed magis de secundo. Pri-  
 mum enim id est corporale matrimoniū fun-  
 damentum sermonis nostri erit, secundū verò  
 copiosius explicabimus. Et in concione spi-  
 rituali (sicut nos monet Apostolus) *Spiritua-* I. Cor. 2. 10  
*libus spiritualia comparantes*, charitatem & amo-  
 rem (quod vtriusq; matrimoniū summum  
 est vinculum) excitare in nobis conabimur.

In hac itaque concione; primum quidem Propositio  
 Euangelium per modum historię breuiter, Quinq; p<sup>te</sup>  
 etia habet.

thematē



themata verò proposita, paulò vberius & cō-  
 piosius explicabimus, Deinde, de primo fine  
 & scopo Christi domini agemus, ostenden-  
 tes, tum in quo matrimoniū corporale con-  
 sistat: tum quæ cōmoda & incōmoda habeat.  
 Postea, quibus & quot modis fiat spirituale  
 matrimonium demonstrabimus. Præterea  
 quomodo carnale à spiritualibus connubiis  
 superetur disceremus. Ac deniq; tum fructus  
 matrimonii spiritualis colligemus; tum quo-  
 modo illorum participes esse possimus inue-  
 stigabimus. Da sponse Ecclesiæ Christe Iesū,  
 ita hæc & considerare, & exequi, vt vinculi  
 illius perfectissimi, quod est in gloria tua in  
 cælis, per gratiam, & gloriam tuam efficiamur  
 participes in æternum.

I. PVNCTA  
 Historiam  
 Euangelij.  
 continet.

Postquam venit plenitudo temporis ab æ-  
 terno præordinata, vt tum per prædicationē  
 publicam; tum per signa ac prodigia magna  
 & copiosa, Euangelium, id est, lætum nunti-  
 um, primum in Iudæa, postea verò per totum  
 terrarum orbē manifestaretur per filium Dei  
 Christum Iesum; Cūq; is, cuius secundum  
 diuinitatem annorum non est principium, in  
 forma serui expleisset iam triginta annos; cū  
 deniq; iam & palam fieri, & discipulos colli-  
 gere cepisset Christus Dominus, inuitatus fuit  
 vnā cum discipulis suis, quotquot eo tēpore  
 habuit ad nuptias, & epulum matrimoniale,  
 ad oppidum quoddā, situm in Galilæa, Cana  
 dictum, vicinum Nazaretho, vbi fuit educa-  
 tus

tus idem Christus. Neque vcrò venire recusavit, quamvis nuptiæ illæ pauperes essent, quod ex defectu vini (apud diuites enim nunquam id accidit) satis clarè colligitur. Itaque cum ibi esset, ceperunt hospites, qui illum inuitarant, inopia vini laborare: Quod animaduertens mater Iesu Maria, quæ (vt est probabile) in nuptiis illis, tanquam cognata ministrans, & vt ita dicam, semixconoma erat: accessit ad filium suum Iesum, & mansuetissimè humillimèq; tribus verbis nunciat illi, vinum deesse, spem certam, imò vt cum multis sentio, noticiam per reuelationem habens, Christum Dominum necessitati illi minimè defuturum; sed etiam si vinum emendi facultates non suppetere, aliunde tamen de vino prouisurum. Nec spes fefellit illam. Nam Christus Dominus licet facti non ignarus, gnarus tamen etiam mysterii, nec refragans matri, sed monstrans quomodo se quisque in talibus gerere debeat, deniq; non propter matrè, sed propter circumstantes respondet illi dicens.

QVID MIHI ET TIBI EST MULIER? PRIMVM  
 NONDVM VENIT HORA MEA. Quæ dictū Christi  
 verba, si quis pio, & Christiano corde medietur.  
 si explicat  
 tatus fuerit, inueniet in illis, asperitatis quidē  
 parum, aut nihil; artificii verò, mysterii, &  
 consolationis valde multum esse. Ita enim  
 priora sequentibus temperantur, vt si omnia  
 simul sumas, mirari summopere Christi Do-  
 mini



mini in iis sapientiā debeas. Nam priora aspe-  
 riora videntur quia propter circūstātes pro-  
 lata fuerunt; sequentia verò benigna sunt;  
 quia illis spes matri data, quod esset factururus,  
 quæ petuit. Cū enim inquit, **NONDUM**  
**VENIT HORA MEA**, satis clarè denotat,  
 venturā horam, qua id faciet. Illa verò, **QVID**  
**MIHI ET TIBI EST MULIER?** Quomo-  
 do quæso in eo rigore quem hæretici fingunt  
 intelligi possunt? Nam si ita se res habuit, vt  
 illi volunt, posset quispiam dicere: Quid in-  
 quis, ô bone Iesu nihil tibi esse cum virgine  
 matre? quomodo nihil tibi est cum illa, quæ  
 tibi hoc corpus quod geris dedit, cū ad illud  
 efformandum purissimum sanguinem suum  
 pro materia subministravit; quæ te in vtero  
 nouem mensium spacio gestauit? quæ in hac  
 lucē edidit! quæ lacte suo pauit! quæ in Ægy-  
 ptum duxit & reduxit, quæ nutriuit, aluit,  
 tibiq; fideliter, & amanter seruiuit. Quod si  
 spiritualia spectes, hæc est quæ Archangelo  
 Gabrieli inaudita narranti propter te credi-  
 dit, hæc quæ, vt in vtero ipsius carnē assume-  
 res, consensum præbuit, hæc quæ ea omnia,  
 quæ de te dicebantur, à pastoribus, Magis,  
 Angelis, Simeone, Anna, & quibusuis aliis  
 non solum audiebat diligenter, sed etiā con-  
 seruabat in corde suo. Et tu nunc dicis, **QVID**  
**MIHI ET TIBI EST MULIER?** id est, nō  
 noui te, nihil mihi tecum (vt impii interpre-  
 tantur). Quid? recordor te ô Christe olim  
 defen-

Officia B. V.  
 Christo ex-  
 hibita.

defendisse Magdalenam ad pedes tuos sedentem, & verba tua audientem; nunc verò reprehendis matrem, quæ non solum audiebat & conseruabat, sed etiam conferebat in corde suo quæ de te dicebantur, quod si id tum temporis fecit, quantò magis id præstitit quando audiebat, quæ à te, de te, & de patre æterno dicebantur?

Sed inquit: tum temporis benè se gessit Maria: modò verò secus se res habet. Nam & importuna est filio, & quicquid facit, propter vanam gloriam facit, inquit Caluinus. (& probat ex Chrysostomo) additq; interpretationem, nempe Mariam non expectasse miraculum à filio, sed voluisse, vt exhortatione sua capaces redderet conuiuas, de vini defectu. O insipientia, hominis in oculis suis, suorumq; sapientissimi. O malitia venenata. Siquis nostrum talem daret interpretationem literæ; quas non Tragedias isti excitarent? Et tamen nihil aliud nisi Euangelium se crepare aiunt, quorum vtinam aliquando tandem oculi mentis aperiantur. Nam vbi quæso est ista interpretatio in scriptura? imò nonne apertè est contra ipsum Euangelii huius textum? Quid enim sibi vult quod Maria virgo iubet Ministris vt Christo obediant, si nihil aliud quam exhortationem ab illo expectabat? Nunquid voluit, vt illi Ministri viles in exhortatione facienda iuuant? Malitia verò venenata Caluini, & suorum

Luc: 2. 3.  
19.

Caluini interpretatio  
absurda.

Cal: in Io.  
47.

NOTA

Hareticorū  
malitiam.



Qui corda  
malè iudi-  
cant.

Qui venena  
quarunt.

Qui regulas  
suas non ob-  
seruant.

In verbis  
Christi.

Rephensio  
nulla.

rum dupliciter hîc apparet : tum quòd mali-  
tiosè cor virginis iudicant, ( quod hæreticis  
facere in vfu est semper ) ac opus bonum in  
malam partem interpretantur : tum quòd ea  
tantum in patribus & historiis quærunt, quæ  
vitium aliquod spirant. Sunt enim venena-  
ta animalia , vt in alia concione ostendimus ,  
cur enim omnibus aliis & Græcis , & Latinis  
doctoribus omiffis, Chrysostomum solum se-  
quuntur ? Ratio in promptu est , quia scor-  
piones veneno nutriri solent: quamuis Chry-  
sostomus nec asseueranter id dicat , nec alio-  
rum sententiæ præiudicat. Et vbi est ô hære-  
tici illa alia vestra regula. Patres non esse au-  
diendos, nisi quando cum aperta scriptura  
conueniunt? vbi est quælo clara scriptura cū  
qua hæc interpretatio Chrysostomi conue-  
nit? Cum nulla sanè, imò illi repugnat, Dei-  
param enim hæc ex compassione, misericor-  
dia, charitate & officii sui ratione fecisse non  
est obscurum: & fecit hoc cum tanta mode-  
stia, vt tria tantum verba protulerit; & ta-  
men neq; in istis venenatas linguas hæreti-  
corum effugere potuit, quin importunitatis  
ab iis argueretur.

Sed de his fatis tum ad supplementum eo-  
rum, quæ aliàs excussimus, tum ad meliorem  
verborum Christi intelligentiam. In quibus  
( vt dixi ) nihil est reprehensionis, mysterii  
verò plurimum. Reprehensio nulla est. Phra-  
sis enim hæc aliud sonat nihil, quàm ac si di-  
ceret.

eeret, sine modo; relinque nunc, nondum  
 enim tempus aduenit. Ita vxor Pilato nun-  
 cium mittens, inquit. *Nihil tibi, & iusto illi;* id Mat. 27. 19  
 est, relinque hunc iustum ne condemnes il-  
 lum. Sic dæmones clamant: *Quid nobis, & ti-* Mat. 8. 29  
*bi Iesu Fili Dei?* ac si dicerent; sine nos. Qua- Myſteria  
 lis modus loquendi etiam in nostra lingua multa  
 frequens est. Quod si aliquid asperitatis re-  
 dolere videntur verba ista, facit hoc Chri-  
 stus Dominus propter mysteria. Primum est,  
 vt instruerentur circumstantes. Tale quid 1. Doctrina  
 legimus in resurrectione Lazari, vbi orans Ie- data circum-  
 sus inter alia ad patrem inquit, *Sed propter po-* stantibus.  
*pulum qui circumſtat dixi:* Sicut ergo hiſce ver- Io: 11. 42.  
 bis: ita istis ad matrem, testatur se omnia mi-  
 racula purè ad laudem Dei retuliſſe, & feciſſe,  
 ne quis putaret illum carnis affectu quic-  
 quam tale patraſſe. Vbi & illud notatu est  
 digniſſimum. Quod etiam si dominus Laza-  
 rum reſuſcitauerit purè ad promouendam glo-  
 riam Dei, fecit tamen hoc per motus lachry-  
 mis ſororum eius, vt testatur Eccleſia: ita i-  
 ſtud in vino miraculum quamuis egerit, vt  
 manifeſtaretur gloria eius diuina, & vt crede-  
 rent in eū diſcipuli eius (quod & ſubſecutum  
 eſt) tamen fecit etiam hoc per motus preci-  
 bus matris ſuæ. Nam & alia frequenter fecit  
 miracula ad interceſſionem hominum, vt cē-  
 turionis, vt Archiſinagogi, vt Reguli, vt di-  
 ſcipulorum, vt aliorum. Hoc igitur eſt pri-  
 mum in aſperitate (ſi quæ eſt) horum ver-  
 borum



2. Vt Deum  
agnoscas.

3. Vt B. V.  
merita mul-  
tiplicentur.  
Simile.

4. Vt nos in-  
struamur.

Historia E-  
uangelij cō-  
tinuatur:

borum Christi secretum, nempe ne quis circumstantium suspicaretur, illum non Dei, sed matris causa edere miracula. Alterum est vt Deum agnoscas, qui & matri imperat, & prouidentia sua omnes horas ab æterno dinumeratas habet, & nouit quid quouis momento fieri debeat. Tertium vt matrem plus mereri faciat; dum patientiam, fiduciam, modestiam, & alias virtutes exercet. Sicut enim vos patres sano & vegeto filio, onera imponitis; ægrum & debilem ipsi portatis: ita Christus Dominus, quantò quis est sanctiòr, quantò robustior in spiritu, tantò asperius illum tractat, vt maiorem coronam recipiat. Videmus id in D. Paulo, videmus in alijs Apostolis, videmus in Beata Virgine; tam in isto Euangelio quàm in illo quod præterita Dominica lectum fuit. Pulchrum tam pro illis qui in tribulationibus sunt; quàm contra impatientias nostras documētum. Ac proinde hoc ē quartum in dictis istis mysterium, videlicet vt nos instruat, quomodo & in aduersis nos gerere, & omnia cogitata, dicta, factaq; nostra spiritualia, purè & synccrè ad laudem Dei referre debeamus.

Hoc igitur nodo dissoluto, ad nostra redeamus & facilia quæ in historia restant breuiter expediamus. Itaq; mater Christi, virgo prudētissima & patiētissima absq; vlla animi: & corporis cōmotione, Monet Ministros vt Iesu dicto sint obediētes, non ignara tum ex responso

responſo filii, tum aliunde quid eſſet facturus. Nam aliàs, quid quaſo veniſſet Mariæ in mentem, miniſtros & non alios monere? vel etiam quippiam alicui dicere, ſi ignara fuiſſet myſterii? ſciuit igitur & vinum ad futurum, & modum quo illud fieri debuit, ideò illos inſtruit quorum opera Chriſtum uſurū nouerat. Qui cum præſto eſſent. Chriſtus Ieſus, quando venit hora illa ab æterno præordinata; ſecundum profert verbum, dicens Miniſtris.

IMPLETE HYDRIAS AQUA. Erant enim ibi ſex vaſa aquea, lapidea, magna & capacia, quæ iubet Chriſtus aqua implere; quod peragunt Miniſtri & alacriter, & fideliter, implentes ea uſq; ad ſummum. Ieſus autem inquit eis.

SECUNDUM dictum  
Chriſti.

HABRITE NUNC ET FERTE ARCHITRICLINO. Tertium hoc & vltimum Chriſti dictum in Euangelio hodierno difficultatis nihil, myſterii non parum in ſe continet: denotant autem ſingula penè verba (ut aliàs diximus) aliquid. Nam primum HABRITE, oſtendit magna vaſa fuiſſe: ſecundum NUNC, declarat, horam expectatam iam veniſſe. Reliqua ordinem docent. Iis enim profecto conuiuii debitum exhibere iubet honorem, amator omnis boni ordinis Deus. Iuſſis verò Chriſti obediunt Miniſtri, & hauſtam minori vaſe ex hydria aquam deferunt Architriclino. Is autem dum quod porrigebatur

TERTIUM  
dictum ex-  
plicatur.



batur gustasset, vinum & vinum præcipuum  
 esse reperit, & demirans tam excellentem po-  
 tum tamdiu seruatum fuisse, accersens spon-  
 sum, expostulat cum illo, quod præter homi-  
 num consuetudinem tam bonum vinū tam-  
 diu seruasset: Verūm sicut Architrclinus i-  
 gnorabat, quod iam defecisset vinum in nu-  
 ptiis; ita tam ipse, quam sponsus nesciebant  
 vnde esset illud vinum optimum. Ministri  
 autem sciebant, quod à Christo Domino vi-  
 num illud ex aqua confectum fuisset; qui e-  
 tiam factum prodiderunt. Quod & dome-  
 sticos, & cōuiuas omnes procul dubio in stu-  
 porem vertit; discipulos verò Christi etiam  
 conuertit, vt crederent Iesum, non solum  
 prophetam, non tantum Messiam desidera-  
 tum; sed etiam Deum esse, qui naturas rerū  
 posset transmutare, quod Dei solius est pro-  
 priū; ideo dicuntur credidisse *in eum discipuli  
 eius*: In neminem autem rectè creditur, nisi in  
 Deum. Hæc est facti hodierni, brevis in ver-  
 bis historia, at longa nimis in doctrinis, &  
 mysteriis; quorum quædam iam retulimus;  
 quædam ad aliud tempus seruabimus; plu-  
 ra autem ignoramus, quæ scient illi quibus  
 post diligentem meditationem Christus ma-  
 nifestare voluerit. Nos duos illos quos in  
 principio posuimus fines, paulò copiosius  
 considerabimus. Diximus enim Chr̃stum  
 Dominum facto isto voluisse, tum matrimo-  
 nium corporale confirmare; tum spirituale  
 docere.

Propositio  
 sequēdum.

docere. De priori dicta sunt iam non pauca, ideò hîc breuius; de altero verò agemus fusi-  
us, quia ad hanc propriè concionem pertinet.

Matrimonium igitur corporale, in noua lege licitum & honestū esse, constat inter alia multa, ex facto hodierno Christi Domini, qui non solum approbat illud præsentia sua, sed etiam ornat miraculo, quod primum (saltem publicè) fecit, postmodum verò ornauit etiam illud & dotaui sacramento: ita vt ab initio mundi nunquam fuerit magis honoratum connubiū, quàm est modò. Nam si rem benè considerauerimus inueniemus quò posterior est lex Dei, eò matrimonium inter virum & fæminam fuisse excellentius. Quadru-

II. PVN-  
CTVM De  
matrimoni  
o corporali.  
Eius Excel-  
lentia.

plex fuit lex in mundo, quintam verò expectamus in cælo. Prima erat lex innocentiae; in qua ita fuit matrimonium honoratum, vt amor qui in illo viget, fuerit prælatus amoris patris & matris, idque ab ipso Deo. Etenim verba illa Adæ, in ipsa Eux formatione edita.

In lege in-  
nocentia.

*Quamobrem relinquet homo patrē suum & matrem, Gen. 2. 24  
& adhaerebit uxori suæ, & erunt duo in carne vna: Mat. 19. 5*

Christus Dominus a Deo dicta esse asserit; quia Deo inspirante ab Adamo dicta fuerūt:

vnde etiam intellexerat Euam ex latere suo eformatam fuisse. Altera lex fuit statim post peccatum primorum parentum; in qua ma-  
trimoniū multò magis est nobilitatū, quan-  
do Deus promittit ex matrimonio nasciturā, que contritura esset caput serpentis infernalis.

Major in le-  
ge naturæ.  
Gen. 3. 15.



Aduc maior  
in scripta.

Maxima in  
noua lege.

Castitas tñ  
p̄eminet.  
Eph: 5. 32.

Mat: 22. 30

Quid sit ma-  
trim. corp.

Gen: 2. 24

Gen: 2. 7

Mat: 19. 6.

Tria eius  
commoda  
& bona.

I. Cor: 7. 1.

NOTA.

Tertia lex fuit circumcisionis, quæ cæpit ab Abrahamo, cui circumcisio primum præcepta erat. In qua tum ipsa Circumcisio, tum prohibitio ne matrimonia cum alienigenis contraherentur; tum verò destinatio vnus certe familiæ ( vt Abrahami, Iacobi Dauidis Salomonis ) ex qua nasci Messias debuit, plurimum honoris addidit connubio. Quarta lex est ipsius Christi, quæ quantopere matrimonium præ omnibus aliis honorificauerit, & indissolubilitate, & sacramêto, iam diximus. Neq; tamen ideò castitate & virginitate est excellentius, tum alias dictis de causis; rû quod hoc carnale matrimonium sit figura spirituales, vt testatur Apostolus: Spirituale autem in castitate maximè consistit, de quo paulò post. Deniq; quintam legem expectamus in cælo, vbi solum spirituale vigeat cōiugium, Christo dicente quod in resurrectione neque nubent, neque nubentur.

Est autem matrimonium corporale, vt ab ipso Deo descriptum audiuiſtis, coniunctio duorum in carne vna. In quibus verbis est Hebraimus ( sicut in illis paulò ante. *Factus est homo in animam viuentem*, id est, anima viuens. ) quem explicans ipse Christus Dñus inquit: *Itaq; iam non sunt duo, sed vna caro.* Hæc verò cōiunctio & vnitas in tribus præcipuè consistit, quæ etiam cohonestare dicuntur coniugium, nempe fides, proles, & Sacramentum. Duo priora explicat Apostolus Corintiis, tertium Ephe-

Ephesiis. Illa duo erant in omni lege; tertium *Eph: 5. 3. 4*  
 accessit in noua. Itaque in connubio viri &  
 feminae, est vna vtriusque fides, vna proles,  
 vnum Sacramentum. Fides inducit obligati-  
 onem moralem; tenentur enim vsq; ad mor-  
 tem vtrinq; seruare fidē. Proles inducit obli-  
 gationem naturalem; tenetur enim vterque  
 coniugum prolem educare, & alere: Sacra-  
 mentum inducit obligationem gratiae: tenē-  
 tur enim se inuicē charitate Christiana ama-  
 re, & vinculum hoc indissolubiliter conserua-  
 re. Fides comprehendit etiam intentionem  
 se obligandi ad vinculum matrimoniale, quæ  
 si non fuerit, matrimonium est nullum. Pro-  
 les, non est in potestate coniugū, quia à Deo  
 datur; debet tamen esse in intentione. Sacra-  
 mentum, in fidelibus statim consequitur. In  
 quo etiam gratia diuina datur ad hæc bene &  
 Christianè seruanda: modo quis gratiæ obi-  
 cem non ponat, quod ne fiat, præparatio est  
 præmittenda, quam Ecclesia in Concilio Tri- *Con: Trid.*  
 dentino præscribit. Hæc igitur sunt bona, & *Sess: 24. ca:*  
 cōmoda matrimonii: verū habet etiam *1. de Refor.*  
 sua in cōmoda, nec leuia, nec pauca. Nos ea  
 tantum tangemus, quæ Diuus Paulus ibi-  
 dem recenset: Primum est *debitum*, quod ve-  
 lint, nolint, reddere tenentur. Alterum, *tenta-*  
*tio Sathanae*; & adiungit causam, *propter incon-*  
*continentiam*, quò enim quis est incontinentior,  
 cō maioribus tentationibus est expositus. In  
 coniugio verò esse continens nemo potest,

*NOTA.*  
*1. Cor: 7. 3.*



nisi ex consensu ad tempus, vt ibidem habes. Tertium *Alligatio*, seu seruitus, quia abinuicē *discedere non possunt*. Quartum. *Tribulatio carnis*. De qua in alia concione disseruimus. Nec verò mirum id videri debet (quod hereticis mirum valde videtur.) matrimonio enim non mortificatur, sed irritatur potius caro. Idcirco coniugium medicina est, non sanitas, vt ibidem Apostolus pulchrè discurret. Quintū est incommodum, quod multa complectitur, *Sollicitudo* varii generis, Paulus ponit, vt *placeat mundo & viro*, sed est alia etiam acerbior, ne vir, vel vxor placeat alteri: hinc zelotypia vlcus pessimum mentis. Item: Sollicitudo de re familiari, de liberis, deq; aliis infinitis. Ideò istæ nuptiæ in Euangelio benè dicuntur factæ in *Cana Galilee*, id est in zelo volubilitatis. Nō rarò enim amarus zelus, & volubilitas ac alternatio amoris & odii ibi esse solet. Deniq; ponit Apostolus vltimum, quod *potestatem nō habent suæ voluntatis*, sed hoc ad priora reduci potest. Reliqua quæ aut apud Sanctos, aut in ipsa scriptura reperiuntur recensere nolo, quia ad principale nostrum institutū festino.

III. PVN-  
CTVM de  
matrimoni  
o spirituali.

Quod est  
triplex.

Spiritualis etenim matrimonii cōsideratio huic loco propria est; ideòq; id diligentius est à nobis pertractandum, tum quòad eius intrinseca; tum quòad numerum, tum quòad excellentiam, & alia generis eiusdem. Est autem matrimonium hoc duplex, vel triplex; primum in se continet coniunctionem & copulati-

pulationem duarum naturarum; naturæ vi-  
 delicet diuinæ & naturæ humanæ, in vna per-  
 sona; quod quidem matrimonium factum est  
 in vtero Mariæ virginis, admirabile sanè, stu-  
 pendum, incomprehensibile; de quo nobis  
 grandis sermo, sed non modò. Alterum fa-  
 ctum est in cruce, quando nouus Adam no-  
 uam sibi formauit Euam ex latere, id est Ec-  
 clesiam. Tertium fit per Sacramenta, in quo  
 spirituali matrimonio omnes animæ fideles,  
 & cum capite suo Christo Iesu, & secum inui-  
 cem copulantur, ac in vnum corpus spiritua-  
 le coalescunt. Sic em̃ inquit Apostolus: *Muli* Ro: 12. 5.  
*vnus corpus sumus in Christo, singuli autem alter al-* 1. Cor: 12. 8  
*terius membra.* Qua de re etiam alibi copiosi- Dignitas e-  
 us disserit. Ad Ephesios verò ita illud extol- ius.  
 lit, vt matrimonium corporale figuram esse Eph: 5. 31.  
 asserat coniugii spiritualis. Nam referens il-  
 lud: *erunt duo in carne vna*, in quo carnalis cō-  
 nubii vis consistit, adiungit; *Sacramentum hoc*  
*magnum est, ego autem dico in Christo & in Ecclesia.*  
 Quanta igitur est dignitas, cōiunctio, vnicq;  
 matrimonii spiritualis, cuius illud aliud vm-  
 bra tantum & typus est? Huius ergò dupli-  
 cis postremi matrimonii dic hodierna præci-  
 puam in Ecclesia memoriam agimus; & vide-  
 te quàm aptè, & quantis cum mysteriis. Au- Tria miracu-  
 diuistis ab Ecclesia, & SS. Patribus, tribus mi- la ei appli-  
 raculis nos diem istam ornatam habere; nem- cantur.  
 pe aduentu Magorum duce stella, ad adoran- In prima  
 dum Ietum; Baptismo Christi in Iordane, post concone.  
 quem



Auctor eius  
Christus  
Dominus.

16: 11 52.

Gal: 3. 27.

1. Cor: 12. 2

Chris: hō.

60. ad pop.

Antio ch.

Cyr. Alex.

11: 4. in 10:

17.

quem aperti sunt cœli, vox Patris audita, & Spiritus sanctus in specie columbæ visus fuit: & hoc tertium, quod præ manibus habemus, transelementationis aquæ in vinum. Omnia tria nobis hoc matrimonium depingūt. Quis enim autor huius matrimonii, imò & coniunctor alius, quàm ipse Christus? Nemo equidem. De Christo enim scribitur, illum ideò venisse, & mortuum esse, *ut filios Dei, qui erant dispersi, congregaret in vnum*; id est, ut vnum corpus efficeret omnes; prout ex Paulo audiuitis. Hoc verò miraculis istis mirificè est adumbratum, imò elucidatum potius hac ratione. Primò, per aduentum Magorum Ecclesiam sibi ex gentibus copulare incæpit Christus. Secundò: Baptismo suo aquam sanctificauit, qua quicunq; in nomine Sanctissimæ Trinitatis (quæ tunc apparebat, Pater in voce, Filius in carne, Spiritus sanctus in columba) baptisantur, Christum induunt: ita enim inquit Apostolus: *Quicumque in Christo baptisati estis, Christum induistis*; & ita fiunt membra de membris eius: tertio verò isto hodierno miraculo, denotatur excellentissimus huius matrimonii nexus, qui fit per Eucharistiam (cuius hic non typum modò, sed etiam præparationem habemus, in ista naturarum aquæ & vini transmutatione) per quam ita coniungimur, copulamur, cōmiscemur, (ut Sanctoꝝ phrasibus utar) Christo Dño, ut concorporei & cōsanguinei illius dicamur. Imò non solum cum

Christo,

Christo, sed etiam nobiscum in Christo vnum efficiamur. Id enim testatur idem Apostolus disertis verbis, cum inquit: *Quoniā vnus panis, vnum corpus multi sumus, omnes qui de vno pane participamus.* Quantis bonis se vltro citroq; priuarunt miseri hæretici, præsentiam corporis Christi in Eucharistia negantes? verū miseros illos faciamus.

*Cyr Hieros.  
Cath. Myst.  
4. 1. Cor.  
10. 17.*

Quare vt eò vnde egressa ē, referat se oratio, matrimonium spiratuale, quod est coniunctio singulorum cum Christo Iesu & tota Ecclesia; vt simus omnes *vnum corpus, & vnus spiritus*; extrinsecus quidem & efficienter fit per Sacramenta; imprimis verò per Sacramentum Baptismi, & Eucharistiæ: intrinsecè autem fit dupliciter, vel tripliciter; primò

*Tertiū matrimon. spirituale fit extrinsecè per sacramenta.*  
*1. Cor. 6. 17*

*Intrinsecè verò tripliciter.*

per fidem, Ita enim Deus per Prophetā: *Et spōsabo te mihi in fide*; secūdò per charitatem, Cuius idem Deus meminit per alium Prophetam dicens: *Recordatus sum tui, miserans adolescentiam tuam & charitatem desponsationis tuæ.*

*1. per fidem  
Of. 2. 20.  
2. per charit.  
Iere: 22.*

Tertiò per castitatem & virginitatem; de quo Apostolus. *Despondi enim vos, vni viro, virginē castam exhibere Christo.* Quæ desponsatio & si omnibus Christianis competat (omnes enim cum corporalem castitatem seruare tenentur, siue virginalem, siue cōiugalem, siue quamuis aliam quilibet secundum statum suum: tūc spirituales, de qua ibi propriè Paulus loquitur) tamen desponsationem istam magis propriè competere illis qui aut virginitatem, aut

*3. Per castitatem & per vota maxime.*  
*2. Cor. 11. 2.*

Casti-



Differentie  
inter ista.

castitatē suā Deo deuouerūt, nemo Catholico-  
rum dubitauerit. Itaq; prima despōlatio fa-  
cit nos Christianos, altera efficit bonos & pi-  
os Christianos; qui enim charitate caret cum  
infidelibus condemnabitur: Postrema verò,  
statum perfectum aut ad perfectionem ten-  
dentem in se continet. Prima potest esse sine  
aliis; aliæ verò sine illa nequaquam. Nam si-  
ne fide nec vera charitas esse potest, nec casti-  
tas etiam virginalis valet quicquam. Qui er-  
gò sola fide cōiunctus est Christo, habet qui-  
dem aliquod vinculum matrimoniale cum il-  
lo, (est enim in Ecclesia) sed debile nimis; qui  
addit charitatem, magnum vinculum habet  
spirituale: qui verò his duobus adiūxerit ca-  
stitatem, vel etiam virginitatem mentis & cor-  
poris, strictissimo coniugio specialiter deuin-  
citur Christo. Primum matrimonium bonū  
est, sed esse malum potest, si solum tantum e-  
rit: Secundum melius, quia bonum hominē  
facit: Tertium optimum, si est quale esse de-  
bet; debet enim duo priora præsupponere.  
Duo priora sunt à Deo præcepta, de tertio cō-  
siliū tantum est à Christo datum, ideo  
perfectissimum est.

1. Baptismo

2. Eucharis-  
tiæ.

Quamuis autem omnia tria coniugii spiri-  
tualis genera suo modo in baptismo reperi-  
antur; peculiaritamen ratione, primum bap-  
tismo competit; ideo baptismus Sacramentum  
fidei dicitur. Secundum magis proprium est  
Eucharistiæ, vnde Eucharistia Sacramenti cha-  
ritatis

ritatis nomen sortita est. Tertium per vota, <sup>3. Religiosa</sup>  
 & maximè per illa tria religiola perficitur, per <sup>vita maxi-</sup>  
 quæ aliis se Deo perfectè resignat & tradit, <sup>me cõpetit</sup>  
 quando bona quidem omnia externa per vo- <sup>Huic vlti-</sup>  
 tum paupertatis, corpus verò per votum ca- <sup>mo.</sup>  
 stitatis, animã autem per votum obedientiæ  
 Creatori & Sponso suo Christo Iesu, in odo- <sup>Thema ap-</sup>  
 rem suauitatis offert. Quæ tria in his tribus <sup>plicatur.</sup>  
 dictis Christi Domini notata habemus; duo  
 quidem manifestè, tertium verò subobscuri-  
 us. Nam cum inquit Christus Dñs. QUID  
 MIHI ET TIBI EST MULIER? docet  
 nos propter amorem ipsius cum ab illo ad re-  
 ligionem vocamur, abrenunciare externis bo-  
 nis omnibus, quæ possidemus, & ipsis etiam  
 (quod hac in parte est maximum) parenti-  
 bus. Hoc verò fit voto paupertatis. Deinde  
 quando inquit: IMplete HYDRIAS A-  
 QUA: docet nos mortificationem, qua tan-  
 quam aqua insipida (quam tamen Iesus in vi-  
 num conuertit) hydris corporis nostri im-  
 plentur; quod fit per votum castitatis: dum e-  
 nim hanc vouemus, etiam quæ ad rem conser-  
 uandam requiruntur, facturos nos recipimus.  
 Denique, quãdo inquit: HAVRITE NVNC  
 ET FERTE ARCHITRICLINO; docet  
 nos eximiè obediẽtiam illam perfectam, quã  
 cecam vocant. Quæ in ministris quibus hæc  
 verba dicta sunt valde elucet. Nunquid enim  
 illis in mentem venire non potuit, ne obedi-  
 rent Christo Domino? Dicentes inter se.  
 Quid



Quid iste Iesus vult nos aut ludibrio exponere, aut etiam plagis afficere, qui iubet nos aquam, quam ipsi ex flumine hausimus ferre Architriclino ad bibendum, vt sic deludatur? verum illi nihil tale: Quare? vt nos per illos doceat Christus Iesus, certo quodam obedire modò et iàsi id, quod præcipitur contrarium nostræ opinioni esse videatur, dummodò non præcipiatur peccatum, prout hic nullum fuit. Hic igitur est excellentissimus spiritualis matrimonii modus: qui licet non sit Sacramento coniunctus, (vt sunt duo priores modi) est tamen perfectissimus; tum quòd, (vt diximus) duos illos præsupponat; tum quòd ex pura libertate fiat, cum non sit in præcepto; tum quòd (vt Sancti asserunt) sit species quædã martyrii. (Martyrium autem saltem quantum ad meritum excellere sacramentis, omnes libenter concedunt.) Videntes etenim amatores Christi, non esse licitum seipsos occidere, vt martyr efficiaris; inuenerunt quoddam genus liciti diuturniq; martyrii: videlicet bellum indicere mundo; carni & diabolo, (quod fit per vota religiosa) à quibus cū affliguntur pati multum ac martyrium quodam modo subire debent. Nam vt ex vno capite de aliis iudicemus. Quis non videt maximam illam pugnam, & conflictum Pauli, qui extorsit ab eo verba illa: *Infelix ego homo, quis me liberabit de corpore mortis huius*; martyrio fuisse similem? Qualis verò hæc tentatio fuerit, &

Matrimonium hoc per vota excellentissimum esse  
NOTA

1

2

3

Martirij  
genus.

Rom. 7. 24

ibidem

ibidem satis demonstrat, & alibi adhuc clarus cum inquit: *Datus est mihi stimulus carni meæ* 2. Cor. 12. 7. *Angelus Sathana, qui me colaphizet.* Contra eandem tentationem mirè & miserabiliter lamentatur D. Gregorius Nazianzenus, quod ea quæ in iuuentute non sensit, in senectute crudelia sanè pati debuèrit. Hoc igitur est vnum martyrii genus contra castitatis votum. quid dicā de aliis? quæ sunt inquam contra votum paupertatis, & obedientiæ? Tempus me deficeret, si omnia recensere vellem. Non est tamē abiiciendus animus; sed excitandus potius; tum amore Christi tum præmiis maximis; tum quòd non desint etiam contra hæc remedia, & multa, & efficacia, quibus armatus idem Apostolus, paulò post inquit: *Sed in his omnibus superamus, propter eum qui dilexit nos.* Ro: 8. 37.

Cæterum declarata natura, & proprietatibus triplicis huius matrimonii spiritualis (vel adumbrata potius, cum singula singulas requirerēt conciones) videamus iam, quonam modo, carnale cōnubium, ab his omnibus spiritualibus matrimoniis modis superetur vniuersis, siuè naturam eorum siue bona, siue cōmoda, siue alia extrinsecè aduenientia, siue quiduis aliud spectes. Coniunctio maris & feminae in vnam carnem, facit matrimonium naturale seu corporale; at in spirituali fit coniunctio animæ fidelis & Dei immortalis in vnum spiritum. Hęc comparatio est ipsius Apostoli, quoad vtramq; partem, quam sic cōcludit:

Greg. Naz.  
in Satis  
carni: Side  
Bar. Anno  
Christi 389  
tom: 4.

III. PVN-  
C T V M  
Quo corpo-  
rale matri-  
monium à  
spirituali  
superetur.

L. Ratione  
cōiunctionis.



1. Cor: 6. 17 cludit: *Qui autem adhaeret Domino, vnus spiritus est.* Itaq; quantò excellentior est tum Deus homine, tum spiritus carne, tum anima corpore; tantò matrimonium spirituale corporali præstat. Quamuis in sanctissimo Eucharistiae Sacramêto, etiam corpus nostrum corpori Christi coniugatur, quo pascitur & potatur, admirabiliter sanè & ineffabiliter, de qua coniunctione alias copiosius agendum erit.

2. Rõne honestatis.

3. Rõne illorum trium bonorum 1. Fidei.

Prolis.

Quod verò ad illa tria bona, nempè fidem, prolem, & sacramentum, quibus carnale coniugium honestatur, attinet: ista in spirituali longè esse præstantiora nimis euidentis est. Primum quidem, quia spirituale connubium coonestatione non indiget, cum ex se, & ex natura sua sit honestissimum, castissimum, purissimum. Deinde, quia tria hæc, multò magis hic præcellunt. Nam ibi est fides homini data, quæ morte corporali dissoluitur: hic Deo sit promissio, quæ post mortem durat, imo morte ipsa perficitur. Scitis enim quod sicut in carnali connubio, vtrinq; aliquid promittitur; idè fieri in baptismo (vtinam etiam quotidie pacti illius meminisse velitis.) Ibi nos quidem, mundo, carni & diabolo abrenunciantes, Deo coniungimur; Deus verò nos ex filiis iræ, filios gloriæ efficit: & regnū celorum promittit. Nonne videtis quantū hæc illa & antecellunt, & morte perficiuntur? Deinde proles ibi est & carnea, & modica, & sæpe incerta, & certò terræ tradenda, in quam paulò

paulò post conuertetur, quicquid ex connubio hoc nascitur: nam ad animam nihil habet coniugium: à solo enim Deò hæc creatur) hic verò & certissima proles est, & spiritalis, & copiosissima; quot enim sunt bona opera, tot proles. Quid verò dicam de iis, qui Christo animas lucratur proximorum. Neq; verò fæ- Sacramenti  
tus iste terræ mandatur, sed cælo præparatur, In tertio, id est, in Sacramêto postremus matrimonii modus, qui fit per vota deficere videtur sed expletur id, vt vidimus aliunde. Nã vt dici à nostris Scholasticis solet, quod deest ratione operis operati, impletur, imò etiam superatur ratione operis operantis, sicut in martyrio fieri animaduertimus. Ab aliis verò matrimoniis spiritalibus etiam ratione sacramenti corporale matrimonium longè superatur. Nam Sacramentum baptismi, & Eucharistiæ, excellentius esse Sacramento matrimonii quis nesciat?

Quid verò dicemus de incommodis illis 4. Rationis  
commodorū.  
matrimonii corporalis, quæ ex D. Paulo attulimus? Nonne videmus in spiritali connubio aut nihil esse tale, aut esse longè alterius id est excellētioris generis. Ibi *debitum* turpe; hîc honestissimum. Ibi *tentatio*, ex natura sua propter rationem, quàm adfert Apostolus, quia continentes esse non possunt, etiã si velint hîc si quid tale euenerit, est ab extrinseco permittente Deo, propter pugnantium, & vincentium maius meritum. Ibi *al-*  
1. *Cor.* 7.  
1.  
2.  
3.  
ligatio

Ec



- ligatio & seruitutis homini facta, hîc Deo creatori. Ideò ibidem clamat Apostolus: *Nolite fieri serui hominum.* Ibi tribulatio carnis: hîc vt explicuimus, nihil tale. Ibi sollicitudo eorum quæ sunt mundi, quomodo placeat uxori & vxor viro: Hîc sollicitudo, quomodo placeat Deo. Quanta differentia? Ideò inquit Apostolus: *Volo autem vos sine sollicitudine esse;* quibus verbis ostendit hanc qua quis vult placere Deo verè sollicitudinem non esse, non enim cruciat, sed delectat: non distrahit, vt illa, sed colligit: non laborat zelotypia, sed ardet amore & Dei & proximi; velletq; , vt omnes ita Christum amarent, vt ipse amat; contrario planè modo illi priori. Ibi *non habet quis potestatem suæ voluntatis*: neq; hîc sed longè diuersa ratione: nam ibi voluntatem suam carni propter carnem tradidit: hic Deo illam resignauit (vel quod etiam maius est homini propter Deum) vt spiritus magis magisq; reuiuificat. Deniq; ibi is, cui te tradidisti nihil opis tibi ferre potest in spiritualibus: hîc omnia potest & præstat abundanter omnibus, qui se illi sincerè dedicarunt.

5. Ratione  
extrinsecorum  
quadru-  
plex differe-  
ntia.

Quod si extrinseca corporalium & Spiritualium nuptiarum considerare velimus, Deus meus quot, & quantæ hic erunt differentia? Prouidetur in nuptiis corporalibus de cibo, potu, recreatione, ornatu, vestitu, nepe vt sint cibi exquisiti, vina præcipua, musica suavis, ornatus preciosus, vestis sumptuosa & deli-

delicata. Prouidet etiā sponſus Chriſtus Dominus de his omnibus, illis, qui cum eo ſpirituale contrahunt matrimoniū, & multò excellentius. Tanguis generalia tantū, vt hinc particularia colligat, qui volet. Etenim primum quidem ibi quæ prouidentur omnia corporalia ſunt: hic verò ſponſus Chriſtus Ieſus de corporalibus dat quantum ſatis eſt, cuiſbet pro vocatione ſua, ſpiritualia autem abundanter tribuit, quorum ibi nihil eſt. Deinde quæ ibi preparatur in illis omnibus abuſus eſſe poteſt, imò in ipſis nuptiis, abutuntur eis plerūque homines, cibo ad gulā, vino ad ebrietatem, veſtitu ad ſuperbiam, ornatu ad concupiſcentiam, & ſimilibus ad ſimilia. In ſpiritualibus verò nuptiis talia ſunt omnia, quibus nemo abuti poteſt. Virtutes ſunt enim, quibus ſi malè vti velis, virtutes eſſe deſinunt. Hæc ſola diſſerentiā, quanta & quā eximia ſit, norunt qui ſpiritū, & rationem ducem ſequuntur. Preterea in illis corporalibus, deſectus eſſe poteſt, vt hic deſeciſſe vinum videmus: In ſpiritualibus nullo modo. Quid enim deerit ibi, vbi ipſe Deus prouiſor eſt & æconomus? Verū deſunt aliquando (inquis) conſolationes neceſſariæ. Conſolationes neceſſariæ, nunquā equidem deerunt; aliæ quas ſpōſus Chriſtus animæ amore ſui flagrante, nonnūquam ſuperabundanter dare ſolet, hæc de eſſe aliquando fatendum eſt, ſed hoc ipſum vt deſint, nobis multò eſt vtilius, multò ſe-



curius, quod si nos non agnoscimus, scit ille qui omnia nouit, quid nobis magis expediat: Ideò totos nos voluntati ipsius etiam hac in parte tradere debemus. Deniq; in illis, quæ ibi preparantur, non solum defectus accidere potest sed etiam possunt ex se esse mala: hic nihil tale est timendum. Nonne in Euangelio ex ore Architrilini audiuitis mentionem deterioris vini? Sed & in alia concione explicatum habuistis, quomodo id in omnibus mundi huius voluptatibus euenire soleat, & quàm fallax quàmq; malum sit vinum quod mundus propinat.

4. Ratione  
vini excel-  
lentiss.

Sed quia vini mentionē fecimus, videamus iā quæso si placet, quomodo in vino quod Christus suis tribuit, omnia mūdano vino cōtraria reperiantur, & videamus, tū ex illis, quas ebrioli considerant proprietatibus: tū ex Euangelio hodierno. Primum illud Diaboli vinum, coloris est spurci, turbidum, atroflauum vt fel draconis. Christi verò est perlucidū, candidum, & aliquantulum rubicundum, vt sunt ipsa malogranata vnde conficitur; & sicut aqua est lucida, vnde vinum hodiernum transformatum fuit: deinde odor illius est teterri-  
mus & abominabilis, qualis est ipse draco. Vini autē spiritualis odor est suauissimus: quia aromaticus, vt sponsa testatur, quo quidam inebriatus, vide quid de seipso dicat. Christi bonus odor sumus; Deo, in iis qui salui fiunt, & in iis qui pereunt. Preterea sapor illius mundani est

1.  
De: 32.31.

Cant. 8. 2.

3. Cor: 2. 15

3.

est amarissimus teste Moyse : huius Christi  
suauissimus teste Architriclino. Quamuis, vt  
aliàs diximus, vinum Christi incipientibus est  
subacerbum; at continuantibus dulcissimum,  
vinum verò Diaboli contrarias habet quali-  
tates. Deniq; si vilitatem spectes; diaboli vi-  
num dat mortem, & mortē aternam; Christi  
contra tribuit vitam animæ, tum vitam gra-  
tiæ, in hac peregrinatione, tantò vberiore  
quātò plus de vino hoc bibimus: tum vitam  
gloriæ in patria, & vitam sine fine mansuram.  
Hæc notasse vel perstrinxisse potius satis sit;  
tum quòd & in hac & in aliis concionibus di-  
cta sint hac de re non pauca: tum vt vobis  
etiam ad ruminandum aliquid relinquamus.  
Sicut enim qui apud principes cibos inciden-  
di munus gerunt, non adeò minute id faciūt;  
vt conuiuæ, & habeant quo ipsi etiā occupen-  
tur, & sapidius gustent, quod ipsi sibi ex par-  
te aliqua prepararunt: ita concionatoris est  
officium, non semper cibos spirituales minu-  
tissime dissecare, sed aliqua etiā ad meditandū  
& ruminandū auditoribus relinquere. Dul-  
ciora enim sunt semper propria quàm aliena  
inuenta.

Officiū con-  
cionatoris  
similitudi-  
ne declara-  
tur.

Accedamus itaq; iam ad fructus colligen-  
dos qui ex matrimonio spirituali proueniūt.  
Quorū multos iam notauimus. Omnes autē  
ad duo illa capita, reducūtur quæ Dauid vno,  
imò semi versiculo cōplexus est, cū inquit:  
*Gratiam, & gloriam dabit Dominus.* Quicquid

V. PVNCT.  
Fruct<sup>9</sup> matr.  
spirit. & me-  
dia ad acq-  
rendum.

Ps. 83. 12.



In particu-  
lari.

enim boni in hac vita habemus, gratiæ, & munificentia diuinæ acceptum referre debemus: quicquid verò in alia vita expectamus, totum id ex gloria, quam dabit Dominus electis suis, emanabit. Quorum omnium quis alius fons, auctor & consummator est, quam ipse Christus Iesus, quo cum per matrimonium spirituale vnus spiritus, & vna caro efficimur? Connubium igitur hoc, causa, & origo est omnium quæ habere possumus bonorum spiritualium. Hæc etsi vniuersè loquendo ita se habeant, in particulari tamen, & ex dictis, & ex Euangelio hodierno, possumus colligere fructus aliquos eximios, ex hoc sacro matrimonio prouenientes, vt magis magisque ad illud adamandum, & quantum in nobis est procurandum excitemur. Duo autem hic coniungemus: vtilitates videlicet, & media per opportuna ad illas acquirendas. Rectè enim vtrumque copulatur, cum vnum alterius sit causa. Nam sicut generoso animo & cordato, ipsi fructus & emolumenta ad opus perficiendum sunt summi medii & incitamenti loco: ita opus, quod pro Christo, & cum Christo agimus, donum ipsius est, & fructus huius connubii spiritualis. Reducemus autem hæc penè omnia ad dicta Christi Domini, quæ in hoc Euangelio reperiuntur, & quæ nos loco thematici in hac concione explicanda suscepimus.

prim<sup>o</sup> fructus  
sui perfecta  
abnegatio.

Itaque primum verbum Christi est ad matrem.  
QVID MIHI ET TIBI EST MULIER,  
NON-

NONDUM VENIT HORA MEA. Vnde duplicem fructum, & totidem ad eos percipiendos media corpore possumus. Prima utilitas notatur in priori membro, in quo habemus fructum eximiū huius sacri connubii, perfectam videlicet omnium rerum abnegationem, ita ut ipsi etiam patri & matri (inter quos & filios strictum amoris vinculum esse solet) dicat quis: QUID MIHI ET TIBI EST MULIER? Quis verò numeret, & antiquos martyres, & tam antiquos quàm hucusq; viuentes religiosos, qui hæc verba parentibus dixerunt? Nec immeritò sanè. Nam quilibet tenetur eisdem parentes propter uxorem relinquere; quantò iustius propter Christū sponsum animæ suæ? & hos & ipsam etiam uxorem & quicquid habet carissimum debet repudiare, si illum à matrimonio spirituali auocare nituntur? Hic est ergò primus fructus huius matrimonii. Cæterum hæc ipsa verba. QUID MIHI ET TIBI EST MULIER. sunt etiā efficax medium, siue ad acquirendum spirituale matrimonium, si illud per peccatum mortale perdidimus, siue ad continuandū, si in eo stamus. Quod vel inde apparet: Si enim Adam primus pater omnium, hæc verba dixisset Euæ pomum sibi porrigenti. QUID MIHI ET TIBI EST MULIER? quantò nunc nos feliciores fuissetemus. Verum non solum eo tempore sed etiam ad hanc ipsam horam omnis interitus spiritualis

Idē mediū  
ad matri:  
spirituale.



2 Pet. i. 10

Secundus  
fructus diui  
nae prouidē-  
tia.

idē mediū.

causa hæc est, quia verbis istis seriò vti nolu-  
mus. Quoties enim Eua, id est siue sensualita-  
tas, siue malus honoris appetitus noster, siue  
socius siue alius quispiam porrigit nobis po-  
mum vetitum delectationis, quod nos non  
solum verbis istis non repudiamus, sed etiam  
acceptamus & cum Adamo comedimus atq;  
ita in anima perimus? Frequentissimè equidē  
id nobis accidit. Itaq; euigilemus, & quoties-  
cunq; siue parentes, siue vxor, siue caro sen-  
susq; nostri, siue quiduis aliud, aut à fide Ca-  
tholica nos volunt auocare aut ad aliquid il-  
licitum pellicere, dicamus liberè magna cum  
cordis & vocis (si opus est) intensiore: Quid  
MIHI ET TIBI EST MULIER? Nolo,  
non acquiesco tuis consiliis, neq; facio quod  
vis. Si enim id præstiterimus, fiet in nobis  
quod Princeps Apostolorum desiderat, quod  
*non peccabimus aliquando.* Hic est matrimoniū  
spiritualis primus & fructus, & vsus, ex verbis  
istis. Alter verò est in altero membro: Cum  
enim inquit Christus: NON DVM VENIT  
HORA MEA, apertè docet se omnia ab æ-  
terno & præuisa, & præordinata habere: nè-  
pè quid, à quo qua hora, & quibus modis fieri  
debet. Cuius rei consideratio & fructus est,  
ac consolatio spiritualium virorum maxima,  
& medium efficacissimum ad omnia aduersa  
patienter toleranda. O quàm sanctis illis pa-  
tri bus in Eremito habitantibus (imò omnibus  
aliis) meditatio prouidentia diuinæ, sine qua

capillus

*capillus capitis nostri non peribit & vſitata fuit, &* *Luc: 21. 18.*  
 efficax; tum ad omnia aduerſa patienter ſuſ-  
 tinenda: tum ad vniuerſas tentationes pro-  
 ſtigandas? Id verò nos hæc Chriſti ſententia  
 docet, vt ſciamus, ſiue deſint conſolationes,  
 quod NONDUM VENIT HORA earum  
 ſiue adſint tentationes, & deſolationes,  
 iſtam eſſe horam illarum, vt *in patientia noſtra* *Ibidem.*  
*poſſideamus animas noſtras*: quemadmodū nos  
 ipſe ſpōſus noſter Chriſtus Ieſus docetq; mo-  
 netq;, Cuius alterū verbum iam audiamus.

Tertius fru-  
 ctus & vſus  
 ſex hydræ  
 ſpirituales.

IMPLETE HYDRIAS AQUA inquit: idq; hiſtoricè quidem ad Miniſtros, ſpiritu-  
 ter verò nobis quoq; & omnibus, qui illi ſpi-  
 rituali connubio ſunt iuncti loquitur; ha-  
 bentq; id in ſe grande myſterium. etenim  
 ſunt quoq; nobis hydræ, & hydræ ſex, & la-  
 pideæ; quas Chriſtus Ieſus iubet implere a-  
 qua. Meditentur hæc ſpirituales & applicent  
 ſibi prout Deus cuiq; dederit. Nos per ſex  
 vaſa iſta ſex præcipua quæ in nobis reperiūtur  
 intelligimus nempe. Tres potentias animæ,  
 memoriā intellectum & voluntatē; du-  
 as verò partes appetitus ſenſitui, irascibilem  
 & concupiſcibilem, ac poſtremo ſextum cor-  
 pus ipſum cum ſuis ſenſibus. Hæc enim om-  
 nia propter naturam noſtram corruptam,  
 lapidea ſunt in nobis ad opus bonum, & du-  
 ra nimis ad diuina percipienda. Idcirco im-  
 plenda ſunt, nouo vino preſoſo, non deliciis,  
 quas deſiderant; ſed aqua inſipida quidem,  
 ſed vtili, quia ſponſus noſter Ieſus conuertet



1. Hydria  
memorie.  
*If. 38. 15.*

2. Intellect<sup>9</sup>.

3. *Cor. 10. 5*

4. Irascibilis

*Pf. 50. 19.*

5. Concupi-  
scibilis.

eam in vinum suauissimum, prout hic in nuptiis fecit. Itaq; impleamus memoriam nostram aqua amaritudinis, aqua inquam illa, quam Ezechias Rex habuit quādo dixit: *Recogitabo omnes annos meos in amaritudine animæ meæ.* Eximia sanè & Deo placens aqua, quamuis amara. Intellectum verò nostrum impleamus aqua submissionis. Submissio enim insipida quidem est, intellectui nostro qui adhærescere iudicio proprio multum consuevit; attamen salubris est valde & necessaria hæc aqua. De qua aqua Apostolus. *In captiuitatem redigentes omnem intellectum in obsequium Christi* Quam quia hæretici habere nolunt; idcō matrimonii spiritualis participes esse nequeunt. Voluntas verò impleatur aqua contritionis, pro peccatis nostris; nam *Cor contritum & humiliatum Deus non despiciet*, ait Dauid, qui fuit benè in hoc negotio versatus. Iam quod ad irascibilem attinet, hydria ista implenda est, aqua patientiæ; quæ ingrata quidem est ira æstuantī; sed tam utilis, ut dicat Apostolus. *Patientia vobis necessaria est ut voluntatem Dei facientes, reportetis promissionem.* Promissio autem hæc nec est alia, nisi quam sponsus Christus animæ sibi matrimonio coniunctæ dare consuevit, id est seipsum. Idcirco subiungit: *Adbuc autem modicum aliquantulumq; , qui venturus est veniet, & non tardabit.* Porro concupiscibilis nostra implenda est iis quæ illi sunt contraria nempe timore, tristitia, vindicta, & aliis fructibus pœnitentiæ,

rentiæ, quæ Apostolus enumerat. Deniq; corpus ipsum cum omnibus ad illud pertinentibus, si inuisa sibi impleatur mortificatione, & ipsi oculi fontibus lachrymarum, quos tantopere & sancti desiderarunt, & scriptura commendat, explebitur, quod hic Christus Dominus sponsus animarum nostrarum spiritualiter præcipit dicens, **IMPLETE HYDRIAS AQUA.** Sequeturq; tertius huius matrimonii spiritualis & fructus, & suo modo causa. Fructus quidem, quia hæc vniuersa, ex ista sacra coniunctione originem ducunt: causa verò; quia quantò quis se magis istis exercuerit, tantò vberiore gratiam & horum omnium incrementum recipiet. Postremum Christi verbum est ad eosdem Ministros.

**HABETE NUNC ET FERTE ARCHITRICLINO.** Quid verò ferant? Num aquam, quam ex flumine, aut puteo hauserant? At hoc periculi plenum est, ne castigentur vel à sponso, vel ab ipso Architriclino. Periculum nullum est, quando iubet Christus; maius foret si non obediretur. Est igitur hic quartus spiritualis huius cōubii fructus excellentissimus sanè. **OBIEDIENTIA** videlicet sancta, & obedientia cæca, sicut eam superius explicauimus. Qua tantò quis plus abundat, quantò strictius hoc matrimonio constringitur: Et vicissim, quantò quis magis magisque sese in tali obedientia exercuerit, tantò arctiori cum

Quartus fructus & usus est obedientia cæca.



ori cum Christo ligabitur vinculo spiritualis  
connubii Procuranda est itaq; cum ab omni-  
bus; tum verò à religiosis, qui in tertio eoq;  
strictissimo matrimonii huius gradu repe-  
riuntur. Verùm vrgebit aliquis, & petet ite-  
rum; quidnam utiq; isti ferant Ministri? Ad  
quod respondemus tulisse eos.

Quintus fru-  
ctus & vñs  
vinū Euan-  
gelicum.

Quod habet  
7. proprietates  
Fit enim.

Ex aqua.

3. Deficien-  
te altero vi-  
no.

AQVAM VINVM FACTAM. Id enim  
gustasse Architrichinum testatur Euangelista.  
Quibus in verbis quintam preparationem, &  
quintum huius matrimonii effectum consi-  
derare possumus, imò plures in vno, sed nos  
in solo vino omnes cōprehendamus. Quod  
quidem vinum, preter illas qualitates, quas  
paulò ante recensuimus, habet & alias, quas  
hoc vinum Euangelicum nobis insinuat. Est  
enim ex aqua factum, in sex hydriis, quas iam  
exposuimus: nunc verò addimus, quia qui-  
cunq; hydrias suas illis aquis quas recensuimus  
impleuit, conuertet piissimus Christus Iesus,  
omnia illa in vinum excellentissimum. Hoc n.  
facit quotidie. Sciunt qui gustauerunt, atque  
utinam omnes gustent, quàm sint dulces etiã  
ipsæ contritionis (alias amarissimæ) lachry-  
mæ, propter consolationem quam tribuit  
Christus, quando aquam in vinum cōuertit.  
Et idē dicendū est de aliis, quæ ibi habuimus  
Deinde vinum hoc non fit, nisi desinente alio  
vino: Ita si vis de vino isto spirituali gustare,  
vinum terrenarum consolationum effundas  
ex corde tuo necesse est. quod quātò exacti-  
us se-

us feceris, tantò in vino Christi maiorem gustum senties. Prætera vinū hoc fit post intercessionem Deiparæ virginis: implorandum igitur nobis erit eius auxiliū. Qua de re quia satis multa diximus in alia concione, hic satis est insinualle. Insuper. Non solum post intercessionem, sed etiam post perseuerantem patientiam virginis gloriosæ fit hoc vinum. Audistis enim illam nihil comotam fuisse verbis filii paulò quasi asperioribus: sed monendo ministro fecisse quod in se erat: Ita & nos etiam si desint consolationes, etiam si tentati, & afflicti simus; nil tamen comoueamur, neque animo cōcidamus: verū & sustineamus patienter, & quod nostri est officii præstamus diligenter; aderitq; sponsus noster Christus Iesus, quādo ei comodum videbitur. Item vinum istud fit in Cana; id est, in zelo. Est enim etiam zelus sanctorum, est zelus qui se effundit in vtilitatem proximorum. Quo vino zeloso ebrii erant Apostoli in Actis Apostolorum, quando Iudæi putabant illos alio vino maduisse. Præterea vinum hoc fit apud pauperes. Tales enim respicit Deus, vt ipse testatur dicens: *Ad quem autem respiciam, nisi ad pauperem, &c.* Deniq; vinū hoc datur ad gustandum primum Architriclino. Pulchra & in via spiritali necessaria conditio: Docemur etenim vt orationes nostras, deuotiones, consolationes, mortificationes, & id genus alia, demus prius ad degustandum superiori eiusq; sequa-

3. Ad intercessionem  
B. V.

Concio. 3.

4. Post perseuerantiam.

5. In zelo  
sancto.

6. Apud pauperes.

Act. 2. 13.

Is. 66. 2.

7. Datur gustandum superiori.



sequamur iudicium, ne errèmus. Isti sunt matrimonii spiritualis fructus & media excellentissima. Plura tu inuenies, si diligenter ista

CONCLV- meditatatus fueris.

SIO.

habens originem matrimonii spiritualis.

NOTA.

Verum in calce concionis libet contemplari, quod supra insinuatum tantum fuit, nempe vndenam hoc matrimonium spirituale originem suam duxerit, & quanti Christo Domino constiterit. Res equidè magni est momenti, & consideratione dignissima; sed breuitas temporis abbreviare cogit sermonem. Dico igitur vno verbo, procedere hoc ex illo alio connubio, quod in utero virginis confectum fuit. Constat autem tanti, quanti magis constare non potuit. Sanguine etenim suo diuino, passione dura & dira, morteq; infami Christus Iesus sponsus vnicus illud comparauit. Nam duos Adamos fuisse, veterem videlicet legis diuinæ præuaricatorem, & nouissimū salutis nostrę recuperatorem nouimus ex scriptura, Et ex eadem scimus, sponsam sibi formasse vtrumq; quamuis dispari ratione. Vetus enim Adam non ipse eam sibi parauit, sed tantum costam tanquam materiam administravit, vnde Eua à Deo ædificata fuit teste scriptura. At verò nouus Adam, ipse cum Patre, & Spiritu sancto spōsam sibi fecit, & perfecit. Quibus autem modis id actum fuerit, contēplare obsecro o anima fidelis, vide quomodo vetus Adam antequam spōla eius formaretur, placidè in viridi requieuit herba: at  
nouus

nouus Adam Christus Iesus, cum fumis doloribus in arido pendet ligno. Ille inscius quid fieri debeat, suauiter dormit: hic sciens & volens, tantis in angustiis positus fuit, vt exclamaret: *Deus meus, Deus meus, vt quid dereliquisti me;* vt te inquam ô anima Christiana matrimonio sibi copulare posset. Ac proinde ex illius latere, sed dormientis; ex huius verò itidem latere, sed mortui, sponsa Ecclesia ( cuius tu membrum es ) formatur. Formatur autem sic, vt quod residuum habuerit Christus Dominus circa cor sanguinis, illud crudelilancea aperto laterè extrahi sibi pateretur, cui & aquam miraculosam addidit, vt te aqua à peccatis ablueret, & sanguine suo potaret, atque ita sponsam sibi formaret *non habentem maculam aut rugam.* O quantus meditationis cāpus, ô quàm admirabile exemplum? O quam validum ad gratiarum actionem & amorē in nobis excitandum incitamentum. Hæcigitur diu noctuq; cogita, & recogita, volue, reuolue, in mente tua ô anima fidelis, vt grata pro tanto beneficio esse possis, vt memor dispensationis tuę per fidem omnem perfidiam & blasphemiam, quam impii tam contra sponsum tuum Iesum, quàm contra matrem eius Mariam euomunt, detesteris: vt quæ tum in baptismo: tum spontaneè, & liberè, ( si votis te propter sponsi amorem constrinxisti ) sponpondisti; ei fideliter reddas: vt siue te mulcet consolationibus, non extollaris, siue arguit

Mat. 27.

46.

Eph. 5. 27.  
Exhortationem.Et summā  
cōcionis.



guit tribulationibus, non turberis, sed cum Virgine matre, patienter & alacriter tuū munus obeas: vt perfectum tui, tuorumq; etiam parentum, etiam vxoris, etiā cuiusvis alterius abnegationem propter illū facias; vt hydrias tuas aqua lachrymarum & amaritudinis implere studeas: quam Christus Iesus in optimum vinum conuertet; vt hoc ipsum vinum, cum dictis conditionibus pro mundi vino eligas, eoq; delecteris: vt iudicium tuum captiues in obsequium Christi, & illorum quos Christus loco sui tibi in mundo reliquit. Denique hæc meditare, hæc contemplare, vt desponsationem illam factam in charitate, non solum retineas, sed etiam & in te augeas, & in aliis quantum potes procures: vt inquam vinculo illo sanctissimo dilectionis, quod omnia alia sanctificat, quam strictissimè illi coniungaris constringarisq; & illis quos recensuimus & aliis modis. Quod si verò via Domini aspera tibi ab initio esse videtur, mundi autè, & carnis dulcis: considera, tum consolationes, quæ in illa in ipsa etiam amaritudine dantur, tum pænas & tormenta, quæ in hac circa finem sentiuntur, & alia sine fine duratura expectantur; & ne sis stultus ac insipiens. Quis enim stultum non reputaret illum, qui relicto hospitio, quod habuit apud amicum suū optimum, qui in principio quidem illum errorum arguebat, & paulò asperius tractabat, postea verò in dies singulos meliora illi apponebat

Simile.

nebat & fercula, & verba; hoc inquam relicto.  
 illius amplecteretur consortiō, ui prima qui-  
 dem die lautē eum tractaret; at postmodum  
 & peiora quotidie apponeret, & flagra mul-  
 tiplicaret, & tormenta incredibilia appararet?  
 Nemo sanē est qui talem ( si quis reperietur )  
 insanum planē non reputaret. Nemo igitur  
 sit qui eum imitari velit; sed potius quilibet  
 nostrum memor quod in baptismo promisit,  
 abdicatis mundi, carnis, & Sathanæ illecebris,  
 ardentissima charitate adhæreat sponso suo  
 Christo Iesu, vt illius omnium perfectissimi  
 connubii, quod expectamus in cælis, vbi nec  
 vinum deficere poterit vnquam, nec charitas  
 cessare, fiat particeps, per eundem Dominum  
 nostrum Iesum Christum, qui cum Patre,  
 & Spiritu sancto viuit, & regnat Deus  
 in sæcula sæculorum.

AMEN.

# DOMINICA

## TERTIA POST

### EPIPHANIAM.

Euangelium Matth 8.

**I**n illo tempore. Cum descendisset  
 IESVS de monte, secutæ sunt eum turbæ  
 multæ: & ecce leprosus veniens, ado-  
 rabat eum, dicens: Domine, si vis, potes  
 me muni-

ff

me mun-



me mundare. Et extendens IESVS manum, tetigit eum, dicens: *Volo mundare.* Et confestim mundata est lepra eius. Et ait illi Iesus, *Vide nemini dixeris: sed vade, ostende te Sacerdoti, & offer munus, quod precepit Moyses, in testimonium illis.* Cùm autem introisset Capharnaum, accessit ad eum Centurio, rogans eum, & dicens: *Domine, puer meus iacet in domo paralyticus, & male torquetur.* Et ait illi Iesus: *Ego veniam, & curabo eum.* Et respondens Centurio, ait: *Domine non sum dignus, vt intres sub tectum meum: sed tantùm dic verbo, & sanabitur puer meus.* Nam & ego sum homo sub potestate constitutus, habens sub me milites, & dico huic: *Vade, & vadit: & alii, Veni, & venit: & seruo meo, Fac hoc, & facit.* Audiens autem Iesus, miratus est, & sequentibus se dixit: *Amen dico vobis, non inueni tantam fidem in Israel.* Dico autem vobis, quòd multi ab Oriente, & Occidente venient, & recumbent cum Abraham, & Isaac, & Iacob in regno celorum: filii autem regni eiciuntur in tenebras exteriores: Ibi erit fletus, & stridor dentium. Et dixit Iesus Centurioni: *Vade, & sicut credidisti, fiat tibi.* Et sanatus est puer in illa hora.

## PARTITIO.

**D**VO miracula, quæ in hoc Euangelio describuntur, totidem dant nobis illius partes. In prima leprosus mundatur à Christo Domino, & mundatus mittitur ad Sacerdotem illis verbis: *Vade, ostende te Sacerdoti.* In secunda curatur paralyticus ad intercessionem Centurionis heri sui gentilis. Cuius fides ita Christo Domino placuit; vt comminando Iudæis dixerit. *Dico autem*

*autem vobis, quod multi ab oriente & occidente venient, & recumbent cum Abraham, & Isaac, & Iacob in regno calorum: filii autem regni eiiciuntur in tenebras exteriores: ibi erit fletus, & stridor dentium.* Hæc Euangelista: nos verò circa illa nostras conciones hac ratione ordinabimus. Timorem incutient hæc verba vltima Christi Domini, satis, vt apparet, terribilia. Fidem confirmabunt Catholicam, illa alia: *Vade, ostende te Sacerdoti.* Spem eriget leprosi mundatio: Charitatem denique excitabit, tum paralytici sanatio, tum pedissequa charitatis humilitas, cuius in toto Euangelio eximia sane exempla & documenta conspiciuntur.

## CONCIO PRIMA.

## Timor.

REPRO-  
BATIO  
IVDEO-  
RVM, ET  
ALIO-  
RVM.

*Dico autem vobis, quod multi ab oriente & occidente venient, & recumbent cum Abraham, & Isaac, & Iacob in regno calorum: filii autem regni eiicientur in tenebras exteriores: ibi erit fletus & stridor gentium.*

**Q**uicquid Deus optimus maximus, naturæ indidit humanæ, id ipse quoque obseruare consuevit; ablata tamen omni quæ hac in parte reperitur imperfectione. Inter alia autem infinita. id quoque naturæ nostræ insculptum est, vt si aliquem in libertate constitutum in nostram sententiam pertrahere conamur, duplici id modo, & via faciamus; aut amore videlicet, aut timore. Ad amorem

Dei & hominum natura in duplici suadendi modo.



promissa, pollicitationes variæ, sermo affabilis, animi iucunda declaratio, obsequia, instructiones etiam, & cohortationes; maximè verò omnium beneficiorum exhibitio pertinent: in quibus ita instructi esse solent, qui hac via procedunt; vt non rarò in assentationes, adulationes, vitiorum approbationes, imò & patrations in gratiam illius, quem suum esse volunt, erumpant. Ad timorem veò spectât, periculorum demonstrationes, minitationes, increpationes, correctiones quoque & afflictationes, in quibus tamē sæpe ita exceditur: vt non solum hæc contra ius & æquitatem fiant: verum etiam mille inueniantur artes ad affligendum pauperem; vt quod volens recusat, inuitus faciat. Eâdem omninò duplici ratione se gerit creator cum sua creatura, detractis (vt dixi) omnibus quæ vitiosa sunt. Quod quis scripturam legit facile per omnes eius libros, imò nonnunquam paginas animaduertet. Nam voluit Deus primos nostros parentes sibi vt par est esse obedientes. Quid facit? Dotat, ditatq; eos donis infinitis cum naturalibus; tū verò gratuitis: collocat in optimo loco, in ipso *paradiso voluptatis*: tradit omnia in manus eorum, vt ipsius amorem suum erga se agnoscant: addit tamen præceptū & minas intentat, vt si ex tentatione ab amore deflectere inciperent, timore in officio continerentur. Idem obseruat Deus cum Cain<sup>o</sup> filio eorum, quem vt frugi faceret, iam benigne

Exempla.

Gen: 2: 8.

Ibidē v. 16

Gen: 4. 6.

gnè alloquitur, hortatur, libertatem arbitrii ob oculos eius ponit: mox verò pænis etiam terret. Hoc ipsum Christū Iesum verum Deum & hominem facere in Euangelio hodierno nimis in propatulo est. Duplici namq; & miraculo, & beneficio, duplicem gentem, in quam tum temporis totus diuidebatur orbis, per summum amorem suæ adoptare conatur voluntati. Addit nihilominus contra ingratos minas in dicto illo, quod in principio à nobis propositum audiistis: quod quam sit terribile non omnes fortè, vt oportet, considerant.

Quare vt nos nostro satis faciamus officio: **PROPOS:**  
In hac concione; primum quidem hanc quadrupartita.  
Christi Domini comminationem explicabimus. Deinde, quonam modo in Iudæis expleta fuerit ostendemus, causasque huius rei inuestigabimus: postea, quam ratione etiā nunc locum habeat, demonstrabimus. Ad extremum, remedia adferemus. Concede benignissime Iesu, vt ita hæc & consideremus, & cordi habeamus, vt in regno tuo cum Abrahamo, Isaaco, & Iacobo recumbere, teq; cum illis in æternum laudare valeamus.

Inter multa aduentus Messiae signa, quæ **I. P A R S.**  
Deus misericors per Prophetas suos primum Signum aduentus Messie  
populo Iudaico; postmodum etiam omnibus nobis dedit, reliquitq; illud haud in potestremis censerī debet, quod iam oculis confenditur.  
conspicimus nostris; nempe per aduentum veri



- Messia gentem quidem Iudæorum, quæ illū repudiavit, à Deo quoq; repudiandam, Gentiles verò in eorum locum sufficiendos esse. Quod quidem tam frequens est apud prophetas sacros, quàm quod frequentissimum. Prædicit hoc manifestè in suo cantico magnus illorum Moyses Dei nomine terrens & ministrans Indæis ac dicens. *Et ego provocabo eos, in eos, qui non est populus, & in gente stulta irritabo illos.*
1. Ex Moysse. *Deut: 32. 21.* Quem locum citans Apostolus copiose hoc argumentū prosequitur, & hoc ipsum, quod proposuimus, ex scriptura probat: ideo non est, quod nos multis hac in parte occupemus sed est cur id ipsum in Christo Domino videamus. Is enim si vlllo alio, hoc certè argumento & signo ad convincendos Iudæos, vius est, sæpissime. Hoc docet verbis, hoc testimonis, scripturæ comprobat, hoc variis adumbrat
2. Ex Apostolo. *Rom: 10. 19*  
*11. cap.* parabolis, de patrefamilias locante vineam suam agricolis: de rege faciente nuptias filio suo, & reiiciente illos, qui se excusabant; deq; aliis, quæ nostis; hoc deniq; ipsis demonstrat exemplis, & miraculis, in quibus quoties beneficium contulit alicui gentili personæ; toties in ea excellentior pro Iudæis fides enituit, sicut apparet tum in illa Cananæa, seu Syrophoenis muliere: tum in hoc nostro, quæ præ manibus habemus, Centurione. Nam tam illam, quàm istum non ex Iudæis, sed ex gentibus fuisse, & vtrumq; admirabilè fidem, ac humilitatem habuisse, constat ex Evangelistis.

listis. In hodierno verò Euangelio præcessit  
 curatio leprosi, qui Iudæus erat; vt scias v-  
 tramq; quidem gentem, id est, & Iudæorum,  
 & gentiliū per Christum sanitatem obtine-  
 re: Sed tamen præcessisse Iudæos, vt implea-  
 tur, quod Christus Samaritanæ dixit; quia  
*Salus ex Iudæis est.* Iudæi enim primò credide- *Ioan: 4. 22.*  
 runt, vt Maria mater Iesu, vt Ioanēs Baptista  
 cum parentibus, vt Simeon cū Anna, vt Apo-  
 stoli, vt alii, non omnes tamen. Ex parte enim  
 tantum Israel saluatus fuit; vt & res ipsa, & *Rom: II. 25*  
 Apostolus testantur.

Succedit, sanato siue mundato Iudæo, pu- *Inter Iudæos*  
 er Centurionis, qui sicut ipsius herus, gentilis *& gentiles dif-*  
 quoque erat: Ideoq; hic paralyticus, ille ve- *ferentia qua*  
 rò leprosus fuisse perhibetur, & leprosus non *druplex.*  
 per totum corpus; sed ex parte (qua de re in  
 sequentē concione disseremus) vt mysterium  
 agnoscas, & mysterium triplex, aut quadru-  
 plex. Primum notatur in diuersitate horum  
 morborum; Puer enim centurionis toto cor-  
 pore algebat, leprosus in parte tantum, æger  
 erat: ille moriturus decumbebat, hic tamen  
 obambulabat. Mysteriū hoc est, Iudæi enim  
 veram Dei agnitionē habebant; gentiles ve-  
 rò toti in Idololatria sua obriguerant: illi ob-  
 ambulabāt, (leprosi tamen & à Christo si illū  
 recipere voluissent mundādi erant) isti pro-  
 strati planē, non morituri, sed mortui omni-  
 nò iacebant. Hinc alterum consequitur, quod  
 leprosus ipse pro se, vt sanetur, rogat: at pro  
 gentili



3.

gentili puero herus ipsius Centurio, & pro Centurione Iudæi deprecantur. Est & aliud: Iudæum enim Christus ipse præsens, imò tangens, à lepra munda: seruū verò Centurionis absens solo verbo transmissio, sanat. Christus enim Iesus ipse per se Iudæis Euangelisauit, verbum autem suum gentilibus per Apostolos transmisit; quo tam hi, quàm illi sanati saluatique fuerunt, quicumque illud recipere voluerunt. Denique fides centurionis fidei non solum leprosi, sed etiam aliorum Iudæos in credulos, grauem comminationem & prophetiam protulerit, qua prædicit illos quidem repudiandos, gentiles verò tum ecclesiæ adscribendos, tum cælo inferendos esse. Quam quidē cōminationem Christi iam audiamus. Inquit enim.

Thema explicatur.

DICO AVTEM VOBIS. Conuertitque sermonem suum ad sequentes se ( hoc enim paulò ante testatur Euangelista ) id est, tum ad discipulos suos, vt sciant, quomodo se hac in parte in posterū gerere debeant: tum ad alios Iudæos, vt videant quo sint in periculo ne eueniat illis quod sequitur, nempe.

Multi cōuertētur etiam nunc.

QVOD MULTI, Multi inquit, quia non omnes omni tempore gentiles conuersi sunt, sed multi singulis temporibus, & multi nimis; prout nunc etiam conuertuntur plurimi, neque tamen huc usque finis. Nouæ enim prouinciæ gentilium in singulos penè annos aperiuntur, quæ Euangelium recipiunt, quam diu autem

autem id durabit, ipse nouit, qui scit omnia. Hic tamen illud est animaduertendum, quòd & si in themate, proposito precipuè sit sermo tum de vita, tum de interitu æterno; quod textus ipse demonstrat: in quo Abrahami recumbentis in regno cælorum, & tenebrarum exteriorũ sit mentio, quæ omnia æterna sunt; notatur tamen nihilominus etiam conuersio gentium ad fidem Christi, sine qua nemo regnum illud obtinebit vnquam. Idcirco nos quoq; de vtroq; agemus. Ait itaq; Christus quod multi.

Duplex sal  
& interitus.

AB ORIENTE, ET OCCIDENTE VENIENT. Per quas duas præcipuas, & remotissimas plagas, totum intelligit orbem terrarum, vnde gentiles primùm ad Ecclesiam confluunt; postmodum verò ad regnum cæleste emigrabunt. Ita enim inter alios, de hoc prophetauit Isaias dicens: *Ab oriente adducam semen tuum, & ab occidente congregabo te. Dicam Aquiloni: Da: Austro: Noli prohibere: affer filios meos de longinquo, & filias meas ab extremis terræ.* Quod explicans ait. *Omnes gentes congregatae sunt simul, & collectæ sunt tribus.* Cur Dauid cōcinit *Populus quem non cognoui, seruiuit mihi: in auditu auris obediuit mihi.* Hæc de gentibus. De Iudæis verò (quos alienos vocat, quia se à vero Messia alienarunt) subiungit idem Dauid dicens: *Filij alieni mentiti sunt mihi, filij alieni inueterati sunt & claudicauerunt à semitis suis.* In quibus verbis tres infidelitatis eorum fontes

Gentilium  
cōuersio p-  
batur.

1. Ex Isaiâ.  
Isa: 43. 6.

2. Ex Dauide  
Ps. 17. 45.  
Rep. obatio  
Iudæorum.

Causa tri-  
plex.



aperit : videlicet mendacium , inueteratam malitiam, seu habitum in peccatis ; & claudicationem. De qua etiam olim ab Elia arguebantur, cum inquit : *Vsquequo claudicatis in duas partes ?* Et hæc est etiam nunc omnium malorum origo : de quo sub finem concionis aliquid dicemus : nunc reliqua Christi dicta consideremus , & ponderemus. Ait ergo , quod non solum venient, sed

Quies & epulum caeleste  
qualia.

Luc: 22:29.

Apo: 19:2.

ET RECUMBENT tum ad quietendum : tum ad epulandum. Ita enim ipse Christus ad discipulos. *Et ego dispono vobis, sicut disposuit mihi pater meus regnum : ut edatis, & bibatis super mensam meam in regno meo.* Et Ioannes Beati inquit , *qui ad cenam nuptiarum agni vocati sunt.* Quod tamen epulum non carnaliter intelligendum est, ut illud Turcæ, & Iudæi intelligunt ; sed spiritualiter pro omni , quæ excogitari potest, imò quam etiam cogitatione apprehendere nequimus, spirituali delectatione. Quamuis post resurrectionem corporum non defutura corporibus glorificatis hanc quoque ; aut huic similem, quam nunc ex cibo & potu haurimus delectationem, volunt quidam ex nostris scholasticis : ablata tamen omni quæ hic reperitur imperfectione, labore, & molestia, quam in comedendo , & bibendo habemus. Verum de hoc aliàs : nunc cæpta prosequamur, & videamus, quibus cum recumbent isti gentiles. Respondet Saluator, quod.

Abrahami &

CUM ABRAHAM, ET ISAAC ET IACOB

**COB:** Mirum Christi artificium, & sapientia. catorum  
Christus me  
minit.  
 Non alios, sed hos tres nominavit. Primò,  
 quia his tribus promissio ista facta fuit: prio- 1. Quia id il-  
lis pmissum  
fuit.  
 ribus quidē duobus illis verbis: *Et benedicetur*  
*in semine tuo, omnes gētes terræ.* Iacobo verò illis. Gen: 22. 18  
Gen: 26. 4.  
*Benedicetur in te, & in te, & in semine tuo cūcta tribus*  
*terræ.* Secūdo, vt contūderet superbiam Iudeo- Gen: 28. 14  
2. Vt Iude-  
orum supbi-  
am contun-  
deret.  
 rum; qui de tribus istis & maximè, & sapissi-  
 mē gloriabātur. Ideò hoc ipsum quòd Chri-  
 stus; exprobrabat etiam illis Ioannes Baptista  
 inquit: *Et ne ceperitis dicere, patrem habemus*  
*Abraham: Dico enim vobis, quia potens est Deus*  
*de lapidibus istis suscitare filios Abraham:* Per lapides  
 faxea, & indurata in Idololatria gentiliū cor- 3. Quia hi  
tres Patres  
sunt omniū  
 da intelligens. Tertiò, nominavit hos tres  
 Christus Dominus, vt demonstraret illos nō  
 solum Iudæorum, sed etiam gentilium patres  
 esse, imò excellentiori modo horum, quam il-  
 lorum. Gentilium enim erunt patres spiritu-  
 ales: Iudæorum verò carnales. Quatū ergò  
 corpori anima præminet; tantū ista pater-  
 nitas, illam superat; tantopere equidem, vt  
 D. Paulus iudicauerit illam carnalem, huius  
 respectu, ne nomine quidem paternitatis di- Gal: 3. 7.  
 gnā esse: sic enim ait: *Cognoscite ergò quia qui*  
*ex fide sunt, ii sunt filii Abraham:* ac si diceret hi,  
 non illi, qui de carne eius gloriātur sunt eius 4. Vt miseriam  
Iudæorū o-  
stendat.  
 filii. Postremò, hos tres nominat, vt summā mi-  
 seriam Iudæorum ipsismet ob oculos ponat, si  
 fortē resipiscere & conuerti vellent. Quæ enī  
 maior calamitas excogitari potest, quā de  
 quo gloriaris, eius consortio priuari in æter-



num. Hoc verò futurum verissimè ipsa veritas prædicit eis dicens: quòd

IN REGNO CÆLORVM vbi omnia sunt æterna, omnia sine mensura; ibi gentiles cum Abrahamo sedebunt.

Filij Regni  
Iudæi.

FILII AUTEM REGNI EIICIENTVR, Id est Iudæi: Nam per filios regni Iudæos intelligit: Ipsi enim ad regnum cælorum destinati erant. Est autem Hæbraismus sicut n̄.

1. Reg: 20.  
51.

David à Saule vocatur *filius mortis*; quia ad mortem fuit ab eo destinatus; ita hîc Iudei dicuntur *filii regni*, quia ad regnum cælorum

Rom: 9. 4

præordinati erant. Quod explicâs Apostolus inquit: *Israelitæ quorum adoptio est filiorum & gloria, & testamentum, & legislatio, & obsequium, & promissa.* Nihilominus his non obstantibus dicit Christus, quod eiicietur è regno. Quo verò eiicietur?

Cur tenebras eis minatur.

IN TENEBRAS EXTERIORES, respondet Saluator. Quare? quia interioribus pleni erant, per has enim, ad illas fit transitus; & internæ siue infidelitatis, siue impietatis tenebræ, externarum sunt causa. Quapropter cum Iudæi luce repudiata diuina tenebras adamarint infidelitatis impietatisq; iusto Dei iudicio de tenebris ad tenebras translati sunt: de tenebris inquam intimis ad tenebras EXTERIORES, vt hic testatur Christus. Per exteriores verò extimas, id est, summas, omnisq; generis intelligit: quales in inferno erunt, de quo hic est mentio. Non solum autem tenebræ, sed etiam.

IBI ERIT FLETUS. Pro risu, quem hic exercuerunt. Nam ut scitis tum aliàs: tum verò eo quo Christus Iesus in cruce pendebat tempore, suauiter ridebant Iudæi *mouentes capita sua & blasphemantes*; dignum igitur fuit, eritq; in æternum ut amarè in posterum flegant; omnesq; cum illis, qui imitantur illos. Neq; verò fletus tantum, verum etiam.

Cur fletum  
Ma: 27.39

ET STRIDOR DENTIVM, ibidem inuenietur. Meritò sanè: Nam si illud, quod in actis legimus: *Audientes autem hac dissecabantur cordibus suis & stridebant dentibus*, in eum in Stephanum videlicet, si inquam Iudæi fremebant in seruum, quid putatis fecisse illos Domino? Si stridebant dentibus contra Stephanum missum à Iesu, quantum arbitramini stridebant cōtra ipsum Iesum, propter quem Stephanum persequiebantur? In quo ergò hic delectationem suam collocabant, illud degustabunt in æternum. Degustabunt autē sine gustu & voluptate; sed non sine amaritudine & tormentis grauissimis. O iusta Dei iudicia. O miranda ac diu noctuq; reuoluenda consilia eius. Neque enim solis id eueniet Iudæis: tangit enim nos quoque hæc comminatio, & quidem multò magis quàm ipsos Iudæos, de quo paulò post, nunc porrò explicato themate, reliqua, quæ proposuimus, videamus.

Cur stridor.  
Act: 7. 54

Diximus verbis istis Christi Domini repudiationem Iudæorum denotari, reprobationemq; duplicem, tum temporaneam à vera fide: tum

II. PARS  
Duplex re-  
probatio Iu-  
dæorum.



de: tum æternam à conspectu veri Dei; illam tenebræ internæ cum plagis temporaneis; hæc exteriores cum tormentis consequentur æternis. Qua de re loqui copiosius offeret sese, vt arbitror, aliquando occasio. De temporanea quidem, cum alibi; tum verò quando excidium Hierosolymitanū deflebit misericors Iesus: De æterna vix exempla alia in nouo testamento habemus præter illa duo de diuite epulone, & de Iuda proditore. De epulone quidem quamuis ignoremus; an habuerit tenebras infidelitatis (probabile est autem illū habuisse; vix enim vnquam tales recipiunt Euangelium) non ignoramus tamen illum non caruisse tenebris impietatis, & immisericordiæ; quibus obrutus egeno & afflicto Lazaro opem ferre recusauit. Qua etiam de causa, vt Christus testatur, *Sepultus est in inferno*: vbi quanta sustinuerit tormenta, & adhuc sustineat, sustinebitq; in æternum, verba illa ipsius ad Abrahamum testantur, cum inquit: *Pater Abraham miserere mei, & mitte Lazarum, vt intingat extremum digiti sui in aquam, vt refrigeret linguam meam: quia crucior in hac flamma*. Neq; tamen id obtinuit, sed neq; aliud quicquam ex iis quæ petit aliud; vt scias nihil ibi impetratū iri vnquam. Hic ergo dum viuus ora, & vt orationes tuæ exaudiatur, per bona opera effice. De Iuda verò constat illum infidelem fuisse, & non solum Christum Messiam repudiasse; sed etiā illis ipsis, quibus hic cominatur Christus,

Luc. 19. 41  
Eterne duo exempla.

Luc. 16.  
1. Epulonis.

Luc. 16. 27.

2. Iudæ proditoris.

stus Iudæis eum vendidisse. De Iudæ verò,  
 pæna habemus in Actis Apostolorum, quod *Act. 1. 18*  
*abiit in locum suum.* Locum sanè terribilem, cru-  
 delem, miseris tormentisq; plenissimū: quod  
 considerans Saluator noster erumpit in illa  
 verba: *Væ homini illi: bonum erat ei, si natus non Ma: 26. 24*  
*fuiſſet homo ille.* Quantam putatis illam esse ca-  
 lamitatem, & miseriam, cuius respectu ipso  
 Christo teste bonum esse reputatur; nec esse,  
 nec fuisse vnquam? Cùm tamē ex natura sua  
 quod nō est, bonum esse nequeat. O vtinam *Idē euenies*  
 id omnes pro dignitate consideremus. Iudam *alijs Iudæis.*  
 autem traditorem in eundem, quo ipse præ-  
 cessit locū, sequuti sūt ōnes Iudæi, & qui tunc  
 blasphemarūt & qui nūc nō recipiunt Christū  
 Dñm. Nō n. iā amplius quisquā illorū defer-  
 tur in sinum Abraham, id est, ad infernum su-  
 perius, vbi limbus erat (iam verò cessauit)  
 quo Lazarus olim ab Angelis delatus fuit: sed *Act. 16.*  
 quilibet illorum præcipitatur cum Iuda in in- *Pf: 85. 13*  
 fernum inferius; vnde liberari se David petiit.  
 Et hoc est, quod illis ipsa veritas Christus Ie-  
 sus verbis istis prædicit, & re ipsa quotidie  
 præstat.

Quod si causa tantorū malorum, quæ Iudæ- *Causa horū*  
 os & iam ex parte inuaserūt, & peiora maioraq; *assignatur.*  
 ab iis expectantur, inuestigaueris; responde-  
 bit tibi Christus dicens: *Amen dico vobis, non Mat: 8. 10*  
*inueni tantam fidem in Israel;* quantam videli-  
 cet inuenerat in Centurione gentili. Et sta-  
 tim subiungit, quam audistis sententiam:

DICO.



DICO AUTEM VOBIS, &c. Quod explicans, & hoc ipsum tractans argumnetum  
*Ro. 11. 19.* Apostolus disserit pulchrè & clarè, cū inquit: *facti sunt rami*, id est, repudiati sunt Iudæi; & ut hic Christus allerit, destinati sunt ad tenebras exteriores, *ubi erit fletus, & stridor dentium*,  
*Mat. 8. 12.* Quid causæ? Respondet Apostolus, & ait. Incredulitas *Bene; propter incredulitatem fracti sunt*: Itaque incredulitas seu infidelitas Iudæorum causa fuit, & est reprobationis illorum. Incredulitatis verò quæ est causa & oratio? Hanc assignat ipse Saluator noster Christus Iesus, in illa, quam cum Nicodemo doctore Iudæorum doctam, & profundam habuit disputationē:  
*Ioā. 3. 18.* assignat autem eam his verbis: *Hoc est autem iudicium.* (id est hæc est causa condemnationis Iudæorum, iudicium enim pro condemnatione in scriptura sæpe sumitur) *quia lux venit in mundum et dilexerunt homines magis tenebras quàm lucem.* Lucem se ipsum, ac fidem, quæ est in illum vocat Christus: tenebras verò incredulitatem Iudæorum, qui illum non receperunt. Cuius quidem infidelitatis vide qualem, & quàm expressam adferat causam, dicens: *Erant enim eorum mala opera.* Ecce totius mali, & condemnationis origo, mala videlicet opera. Quibus quia Iudæi abundabant, ideò ad lucem venire recusarunt: ideò Christum non receperunt; ideò in incredulitate perseverarunt. Non omnes tamen: nam non omnium erant opera mala: propterea qui pii fuerunt,

fuerunt, fidem Christi receperunt, & saluati sunt.

Ceterum de gentilibus quid dicemus? Obiectio de gentilibus soluitur. Nunquid gentiliū mala opera nō fuerunt? Fuerunt sanē. Ideō D. Augustinus hæc considerans admirabundus inquit: [Fratres mei quorum opera bona inuenit Dominus? Nul-<sup>Aug: Tractat 12. in Ioan: sub finem. Ro: 11. 32.</sup>lorum: Omnia enim opera mala inuenit] sed & Apostolus testatur, quod *conclusit Deus omnia in incredulitate, ut omnium misereatur.* Cur ergo, Iudæi reprobati; gentiles contra in eorum locū suscepti fuerunt? Habes responsum apud eundem Apostolum, qui statim post ea, quæ retulimus verba, exclamat dicens: *O altitudo diuitiarum sapientiæ, & scientiæ Dei: quam incomprehensibilia sunt iudicia eius, & inuestigabiles viæ eius.* Habes & apud psalmistam, quem paulō ante citauimus. Habes & in Augustino; Cuius ratio eō reducitur, illos videlicet qui dilexerunt tenebras, cōfiteriq; peccata sua noluerunt, in cæcitate remansisse (quales magna ex parte fuerunt Iudæi) qui verò confessi sunt peccata sua. illi luci appropinquarūt, & ab ea illuminati sunt: quorum pleriq; erant gentiles. Habes & in hodierno Euāgelio ipsius Christi, qui post quam asseruit se non inuenisse tantam fidem in Israel, quantam reperit in hoc gentili Centurione, effectum quasi huius causæ assignat, eam, de qua disserimus vocationem gentiliū, & reprobationē Iudæorum. Fidem autem non nudam hic Chri-

1. Ex Apostolo.

Psal: 17. 46

2. Ex Dauide.

3. Ex Augustino.

4. Ex Euāgelio.



## DOM: III POST EPIPHA:

Iesus Dominus intelligit, sed cum spe, dilecti-  
 one, humilitate, & aliis virtutibus coniuncta;  
 quæ sicut in hoc Centurione præ Iudæis emi-  
 nebant, ita sunt eximiæ, ad lumen diuinum  
 recipiendum dispositiones. Credebat enim  
 Centurio hic, potuisse Christum etiam absente  
 sanare famulum suum; quod non credebat il-  
 le, qui dicebat *descende priusquam moriatur filius*  
*meus.* Quem Iudæum fuisse clarum est, ex illis  
 Christi ad ipsum prolatis verbis: *Nisi signa, &*  
*prodigia videritis, non creditis.* Nam & Aposto-  
 lus testatur, quod *Iudæi signa petunt;* & Christus  
 Dominus non semel Iudæos hoc nomine ar-  
 guit. Fiduciam propterea habebat Centurio,  
 se certò gratiam hanc obtenturum; ideoq; &  
 diligebat eum, à quo talia sperabat, & reue-  
 rebatur eum, & humiliabat se illi plurimum.  
 At in Iudæis contrariū planè accidit, qui non  
 solum non reuerebantur, nec amabant tantū  
 benefactorem suum qui totam Iudæam per-  
 transiit benefaciendo: verum etiam perseque-  
 bantur, & tandem pro tantis beneficiis inno-  
 centem occiderunt, & cruci affixerunt Iesum.  
 Meritò igitur ab eo reiecti, & repudiati fue-  
 runt; meritò hæc quæ tractamus verba audi-  
 re debuerunt.

III. PARS. In quibus quidem verbis, illud quoq; inter  
 Quod Chri-  
 stianis eadē  
 cōpetat cō-  
 minatio, alia notari velim; quod ii, qui reprobantur;  
 qui Abrahami, Isaac, Iacobi, piorum patrum  
 suorum consortio in æternū priuantur, qui-  
 bus tenebræ exteriores, cum aliis tormentis  
 permit-

permittuntur, ii inquam nihilominus FILII  
 REGNI nuncupabuntur; quia ad regnū cæ-  
 lorum capessendū vocati erant; idem omni-  
 nō tibi euenturū ō Christiane: si Iudæos po-  
 tius, siue in incredulitate, siue in impietate  
 quam maiores tuos in sanctitate, imitare vo-  
 lueris, certō persuadeas, & perhorrescas. At  
 inquis, id ego non timeo, cū certus sim gen-  
 tem Christianam nunquam à Deo reproba-  
 tum iri, sicut gens Iudæorum repudiata fuit.  
 Respondeo. Tantō peius, & deplorandū ma-  
 gis, quod non pertimescis, quod timere te, &  
 valde perhorrescere Apostolus monet: qui  
 eo, quo nos (contrario planē tuo) argumen-  
 tandi vtitur modo: Sic enim tibi similē; imō  
 te ipsum alloquitur Paulus: *Noli altum sapere, Rom: 11. 20*  
*sed time: si enim Deus naturabilibus ramis non pe-*  
*percit, ne forte nec tibi parcat.* Imō per compara-  
 tionem oliuæ, & oleastri lōge iustiori ratione  
 eadem tibi contingēt quæ Iudæis acciderunt.  
 Time ergō etiam atq; etiā te oro, & obsecro, *Causæ assi-*  
 ne in æternū perdas & vocationem, & animā *gnantur.*  
 tuā. Quod si scire cupis causā, tū salutis tum  
 interitus tui, audi Apostolum exactē eam de-  
 scribentem, suamq; ad te admonitionem cō-  
 tinuantem: ait enim: *Vide ergō bonitatem, &*  
*seueritatem Dei, in eos, quidem, qui ceciderunt se-*  
*ueritatem, in te autem bonitatem Dei.* Ne autem  
 in misericordia Dei inordinatē confidens se-  
 curus dormias, vide quam conditionē, quam  
 ve comminationem subiungat dicens: *Si per-*  
*manseris*



*manferis in bonitate, alioquin & tu excideris. Audisne Christiane, quòd tu quoque excideris? Cur autem, & quando excideris? Quando non permanferis in bonitate. Duæ igitur sunt causæ salutis nostræ: prima & præcipua bonitas, & misericordia Dei: altera perseverantia nostra in bonitate. Interitus verò & excidii à regno cælorum sola causa est, non perseverare in bonitate. O utinam hæc nobis semper ante oculos mentis obuersentur, & sanctum in nobis timorem ad pænitentiam excitent.*

*Obiectio soluitur.*

Nam quod ad illud argumentum de non reprobandis Christianis attinet: & ego certa fide credo, neq; legem, neq; gentem Christianam ad consumationem sæculi cessaturam unquam. Sed quid mihi fides hæc proderit, si ego condemnabor? Quid tibi hinc emolumentum quaeso, si omnes nationes frumento abundant, quando gens nostra indigens est? Dicam plus; quid prodest etiam si Polonia tota abundet, tua autem familia indigeat? Dicam adhuc plus, quid prodest quantumvis omnes tuæ familiæ homines superflua victus habeant, si tu fame enecaris? Nihil equidem: imò ex abundantia aliorum, maius tormentum non habenti crescere videtur. Idem ad spiritualia, & salutem animæ tuæ applica. Verissimum, & certissimum est non solum gentem Christianam verè Catholicam, sed etiam viros pios nunquam defuturos; at certum non est, nationem aliquam reprobaturam non iri: imo

*Per simile notandū.*

imo contrarium est euidens. Multas videlicet nationes, linguas, populos olim Catholicissimos & sanctissimos, nunc infidelitati & impietati deditos, & à Deo reprobatos esse. Illud enim priuilegium, quod olim vni genti, & nationi Iudæorū collatum à Deo fuit, nunc à Christo toti terrarum orbi concessum est. Time igitur ò gens, & natio quæcunq; tandem es, ne & tu repudieris. Deniq; etiam si omnes gentis tuæ homines saluaretur, quid tibi proderit, si tu condemnaberis? Condemnaberis autem certo certius, si in fide Catholica, & bonitate non perseueraueris. Euigilate ergò peccatores, & redite ad cor, & ad pænitentiam. Audite, & ponderate quid Christus Dominus dicat in prolata sententia. Quod enim dixit Iudæis, idem & vobis, nisi serio resipueritis, omninò eueniet. Eiiciemini etenim vos quoq; in tenebras exteriores, qui nunc abundatis tenebris interioribus, siue infidelitatis, siue impietatis, siue vtriusq;.

Exhortatio.

ET NOTATE rogo quomodo Christus dominus in dicta sententia varia, quæ in inferno erunt pænarum genera, ad certa reduxit capita: Genera inquam infernalium pænarum perstrinxit: Nam tormenta particularia, quæ damnati sustinebunt, quis non dico enumerare, sed vel mente & cogitatione consequi poterit? Nemo profectò: sunt enim oculi non vidit, nec auris audiuit, nec in cor hominis ascendit, quæ preparauit Deus iis, qui diligunt eum,

Thema resumitur &amp; pænæ ad capita reducuntur.

Isa: 64. 4.  
1. Cor. 2. 9.



a. Genus pæ-  
næ damni.

Quam gran-  
de sit hoc  
malum.

teste propheta, & Apostolo: ita nec oculus vidit, nec auris audiuit, nec in cor hominis ascendit, quæ præparauit Deus tormenta, & pænas iis, qui non diligunt eum, mandata eius transgrediuntur. Capita autem pænarum, quæ hic à Christo tanguntur, sunt ista. Primum, notatur in verbo **EIICIENTUR**. Magnum sanè malum, & multa in se completens. Eiicietur enim non solum de regno cælorum non solum à consortio Abrahami, & omnium sanctorum: sed etiam à visione omnipotentis Dei, à conspectu Trinitatis adorandæ, quæ est vera & perfecta beatitudo nostra. Eiicietur impius, ne videat faciem Dei, & priuabitur omnibus, quæ nec propheta nec Apostolus recensere nobis potuerunt voluptatibus, ac deliciis. O ingens calamitas, quam etiam si impii parui, vel nihili æstimet, est tamen omnium maxima, ut sancti determinant, & res ipsa loquitur. Quid enim æquè miserum, quàm priuari fine, ad quem conditus & redemptus fuisti? Fine autem suo priuabuntur omnes, qui à conspectu eiiciuntur Dei. Et hæ sunt pænæ, quas Theologi nostri vocant, pænas damni. Tantum equidem damnum ut cum illo omnia totius mundi damna, etiam simul collecta, ne comparari quidem possint. Utinam illa sano mentis oculo intueri velint, qui in peccatis immergi iacent, & ex iis resurgere satagant. Verum quia homines, qui sensui, carni, amoris & iudicio

dicio proprio in ordinato; indeq; luxurie, voluptatibus, superbæ, iracundiæ, aliisq; vitis dediti sunt, magis, mouentur illis, quæ hisce sunt contraria, & quæ sensus, æstimationem, honoresq; lædunt; idcirco Christus Dominus hæc copiosius multo; quam priora persecutus est, non vnum, sed aliquot eorum capita recensens.

Secundum itaq; sit, quod designatur per **TENEBRAS EXTERIORES**, ad quas per tenebras interiores (siue vt illas Augustinus vocat exteras) esse progressum iam diximus: Vnæ enim tenebræ, aliarum maiorum & grauiorum solent esse causæ. Hoc vt plurimū ordine Tenebræ peccatorum, & impietatum si diutius continuantur, generant tenebras incredulitatis, & perfidiæ. Testatur id sapiens, cum de parte illarum inquit: quod *vinu & mulieres apostatare faciunt sapientes.* An non manifestū est id in Luthero, & omnibus eius asseclis? Faxit Deus, vt & ipsi id videre, & emendare velint: vtræq; verò hæ tenebræ sunt causa malitiæ, & tenebrarum illarum, quas scriptura excacationem vocat: *Excacauit enim illos malitia eorum* ait sapiens. Omnes verò istæ tenebræ causant has, de quibus ex ore Christi audis *tenebras exteriores*, ac infernales; quæ duo complectuntur præcipuè priuationem nempe luminis: & consortium, imò crudele dominium & tyrannidem cacodæmonum, qui sunt principes, & potestates tenebrarum ha-

2. Genus Te  
nebræ varia.  
*In Psal. 6.*

Catena car.

*Ecclesi. 9. 2.*

*Sap. 2. 21.*

Quid in se  
contineat.  
*Eph. 6. 12.*



Ignis an lu-  
cebit in in-  
ferno.

*Basil. in Ps.*  
*28.*

*Greg. lib. 9.*

*Mor. in 10.*

*cap. Iob.*

*3. Genus pz-*  
*nz sensuū.*

rum. Quamuis enim ignis ibi sit futurus, is-  
que copiosius, & vrens nimis: tamen idem  
ille ignis, aut non lucebit, vt ait D. Basilius:  
aut lucebit quidem aliquantulum, sed non ni-  
si ad maiorem damnatorum pœnam, vt so-  
cios scelerum suorum agnoscât, & ab iis affli-  
gantur, vt vult D. Gregorius magnus. Dæ-  
mones verò quas non inferent illis & tortu-  
ras, & ignominias? Et meritò quidem; qui  
enim per superbiam suam subesse noluerunt  
Deo optimo maximo, digni sunt, vt tradan-  
tur in perpetuam seruitutem Diabolo, pes-  
simo, abiectissimo, qui illos infinitis in æter-  
num afficiet ignominias, supliciiq; , & aceri-  
mis onerabit tormentis.

Tertium afflictionum caput tangitur à  
Christo verbis illis: **IBI ERIT FLETUS:**  
Continetq; tormentorum genera, quæ cor-  
pus, sensusq; affligant, infinita sanè; & quæ  
nunc ne mens quidem humana cogitatione  
assequi potest. Iusto enim iudicio Dei, qui in  
hac vita; delitiis, voluptatibus, lætitiis, & ri-  
sibus abundabant: atq; in dies singulos, spur-  
ciora quæq; , noua, & inaudita, quibus se  
contra Deum oblectarent, inueniebant o-  
blectamenta in illa vita (vel morte potiùs)  
inaudita quoq; corporis & sensuum suorum  
tormenta sustinebunt. Quæ omnia hîc per  
fletum notantur: sicut enim omnium carna-  
lium voluptatum, finis est risus, ac lætitia:  
ita omnia his contraria per fletum, qui tri-  
sticiam

stittiam consequi solet, hic à Christo optime exprimuntur. Quamuis verò dum anima est sine corpore in inferno, fletum methaphoricè nos intelligere, ac pro tristitia angoreq; animi sumere oporteat; tamen postquam infelix anima infelicissimo coniungetur corpori nihil obest, quin verum fletum ibi ad futurum sentiamus, eumq; crudelissimum, & fortè igneum. Certum est enim maiora ibi ad futura tormèta, quàm nos capere possumus: nec est improbable corpora illa ex oculis quoq; ignem (quo plena sunt) ad instar aque fluidè cum summis doloribus emissuros.

4. Genus stridor dentium.

Hier: in Iob

Et in Mat:

cap: 10,

Iob 24. 19.

Quartum tormentorum caput notatur à Christo Domino in STRIDORE DENTIVM. Quem verum & non parabolicum post resurrectionem corporum futurum, credunt plerique; Doctòrū, propter verba Christi apud hunc solum Euangelistam, quinque repetita. Verum discrepant de causa, vnde hic stridor prouenturus sit. Nam alii putant euenturum id ex nimio frigore: frigus enim futurum in inferno colligunt ex illo Iob: *Ad* *Ex frigora* *nimium calorem transeat ab aquis niuium, & vsq; ad inferos peccatum illius.* Vnde duplicem ponunt gehennam, frigoris, & caloris; & vtramq; acerbissimam; quia in summo erit vtrumq;. Alii hunc stridorem dentium ex ira, indignatione, & rabie processurum arbitrantur: Puto vtrumq; verum esse, & plura etiam isthic futura quam nos cogitare possumus.

Exrabie.

Gg 5

Idq;



usa vtri.  
usque.

Idq; meritò. Sicut enim dum essent in hoc mundo, variis, & sæpè contrariis vitiis delectati sunt: ita dignum est, vt in illo, non modo: diuersis sed etiam contrariis pœnarum generibus affligantur, in æternum, propterea sicut dum hic viuerent, stridebant dentibus ex ira, & odio in seruos Christi, qui illos exhortationibus, concionibus, & aliis modis à peccatis abstrahere conati sunt: ita post resurrectionem stridebunt iisdem dentibus: tum contra eosdem, & ipsum Deum: tum contra seipsos, ac dæmones infernales, ex ira, & odio, in illa vita, vel morte potius æterna.

III. PARS.  
Remedia &  
cōsideratio-  
nes.

Quare hæc considera ô anima Christiana, dum tempus habes, & cogita seriò, & reuolue cum fide certa, quòd & hæc omnia, & multò plura tibi euenient, nisi pro peccatis pœnitentiam egeris. Nam si princeps Apostolorum inquit: *Habemus firmiorem propheti- cum sermonem cui benefacitis attendentes: Quan-* to magis nos dicere possumus: Habetis o sepulti in peccatis non iam prophetarum; sed ipsius Dei, qui mittebat prophetas, Christi Iesu, firmissimum, & verissimum ex ore ipsius prolatum sermonem; quod vos hæc omnia maneant tormenta, nisi à peccatis cessaueritis, & de patratís dolueriris? *Benefacietis* itaq; non Deo, sed vobis: non cuius alteri, sed vobismetipsis, qui ita, & tantopere vos diligitis, vt hoc nomine, Deum offendere non

2. Pet. 1. 19.

2. Diſtorū.

non

non vereamini: *benefacietis* inquam, *his attendentes*, eanoctu diuq; ruminantes, ac inde timorem sanctum in vobis excitantes, & ad Deum vestrum sincere per pœnitentiam & dignos fructus pœnitentiæ reuertentes. Et hoc sit primum remedium quo ea quæ recensimus, & multò plura, quæ recensere non possumus mala, ac tormenta effugere valebitis. Quam ad rem iuuabit vos multum; si diligenter ea, quæ hîc ex ore auditis altissimi, antitheta & contra positiones perpendatis. Testatur enim Christus, quòd illic, quo tu properas, erit summa inquietudo; in eo vero, quem per peccata tua perdis locum, erit diuersissima quies; quia RECUMBENT inquit Saluator: ibi erit consortium, imò tyrannis dæmonum pessimorum, vt alibi idem Saluator asserit: hîc erat societas Abrahami, Isaaci, Iacobi, & omnium sanctorum, vt hîc audis. Ibi erit infernus dæmonum; hîc regnum cælorum; ibi tenebræ exteriores densissimæ: hîc lux splendidissima ac continua. Nox enim non erit illic ait propheta noui testamenti Ioannes. Ibi erit fletus ait Saluator, & causa fletus tormēta innumerabilia: hîc omni modalætitia, & delitiæ innumerabiles, vt tota scriptura clamat. Ibi deniq; stridor dentium cum rabie, odio, blasphemis: hîc contraria omnia ex amore, & delectatione ineffabili procedentia. Hæc igitur considerate, ô peccatores, & si voluptates istæ carnales, modice,

2. Antiretho  
rî Christi.

Mat. 23. 14

Apoc. 21.

25.



dicæ, turpes, mixtæq; doloribus, si lux & pulchritudo, si quies & bonæ corporis constitutio, si chara societas, si lætitia, si alia eiusdem generis, vobis à Deo placent, vt propter hæc quæuis etiam cum labore præstetis: placeant obsecro illa, tam excellentia, placida, delectabilia; vt ea, quæ hîc habentur, cum illis ne comparari; quidem possint; displiceant verò omnia his contraria, quæ tantoperè versamini, quæ tamen vos nisi resipiscatis, certissimò manent.

3. Reprobati  
nationū.

Neq; verò vos ea seducat cogitatio, quæ seducit plurimos; quòd hæc Iudæis à Christo dicta, & prædicta fuerint; quòd vos Christiani sitis; quòd fidem, quæ sola iustificat habeatis; quòd lex Christi mansura sit vsq; ad consummationem sæculi; quòd vos repudium pati non possitis: hæc enim hiq; similia aut deliria hæreticorum, aut ineptiæ stultorum, aut sunt arundinea sustentacula impiorum: Considerate obsecro, quot non modo personæ priuatæ, verum etiam integre omninò gentes, nationes, populiq; dati sint, nō solū in reprobū sensū, vt credāt mēdatio, qui veritati credere noluerūt: Sed etiam in seruitutem temporalem Turcarum, Tartarorum, & aliorum crudelissimorū Tyrannorum; qui suauē iugum Christi Domini sustinere detrectarunt. Ex vobis met-

4. Semitutis  
tyrannicæ  
maulorū.

ipsis, vel ex Græcis, quos fratres vocatis vestros. o Rutheni, siue Russi mei exemplum  
capite,

capite, quomodo gens illa olim doctissima, sanctissima, liberrima, imò imperans aliis, iusto Dei iudicio percussa & inuoluta sit tenebris interioribus ignorantia: quomodo sit ab illis vera vitæ sanctimonia, quæ non nisi in Catholica Ecclesia esse potest: quomodo dati sūt denique in seruitutem durissimam, & dantur in annos penè singulos: prout in regno Cypri olim florentissimo nostra ætate vidimus. Quod verò his & aliis infinitis nationibus (vt Armenis, Persis, imò & Scythis, & Arabibus, quæ omnes olim erant fidei Catholicæ) euenit: idem & nobis licet nunc fideles simus, eueniet; nisi fontes impietatis in nobis obstruxerimus. Per gradus enim, ab impietate & mala Catholicorū vita, in hæreses & Schismata delabuntur incauti. Verum <sup>s. Percuss</sup> quicquid sit vniversim de qualibet gente. <sup>propria</sup> vnus quisq; seipsum consideret sigillatim; neque sibi de nomine Christiani, vel etiam Catholici multum applaudet, si impius est; neq; Iudæos pro consolatione, sibi in memoriam reducat, vr liberius peccet. Iniqua enim est, & impia (quia contra scripturam) & stulta hæc cogitatio: cum contrarium potius concludere, inde quæ te à fortiori (quod dicitur) ad maiorem timorem excitare deberes: hac videlicet ratione: Si non pepercit Christus Dominus suis, quos peculiariter elegerat, ex quorum sanguine corpus & sanguinem assumere, nasciq; voluit; quantò minus mihi parceret?



*Rom. 11.*  
 & Maioris  
 Christiano-  
 rum conde-  
 mnationis.

*Causa.*  
*Isa. 10. 22.*  
*Rom. 9. 27.*

parcet? Hæc est Spiritus S. vt paulo ante ex D. Paulo vidimus, argumentatio. Maior enim vos manet reprobatio, & cōdemnatio, si fideles non erimus; vel si fidei bona opera non adiunxerimus; quæ in valiteos, quibus hic Christus minatur, Iudæos, tum quòd oleaster, non oliua simus: (vt D. Pauli vtar verbis) tum quòd promissa talia non habemus, qualia olim habuerunt Iudæi & habent hucusq; , quòd reliquæ eorum salutæ futuræ sint: tum quòd non tam clarè vocemur filii regni, vt hîc vocantur Iudæi à Christo. Si ergo filiis id contigit, quid euenit alienigenis & seruis? tum verò quia maior in Christianis in gratitudo: quò verò hæc maior, eò & cōdemnatio, ac pæna grauior & vehementior certò subsequetur.

Deniq; fontes impietatis claudendi.

1. Superbia.  
*Ro. 11. 20.*  
*Eccl. 10. 15*  
*Io. 5. 44.*  
 2. Incredulitas.

Hæc igitur oblectro consideremus, nec falsam securitatem (propter illas, quas recensimus ineptas argutias) sed timorem sanctum in nobis excitantes, laudamus fontes, ex quibus reprobatio, & omnia mala scaturiunt & deriuantur. Iis enim occlusis, pænas quoq; quæ illos consecretantur effugiemus. Fontes autem sunt, tum iam ex Christo, Dauide, & Apostostolo recensiti: tum ab aliis notati. Perstringamus eos breuiter. Primus est Apostoli: *Altum sapere*, id est superbia. Nam vt inquit sapiens *Initium omnis peccati est superbia.* Ex qua illæ inanes & inutiles imò nociuæ nomine Christiano conceptæ proueniunt complac-

placentiæ, quem fontem intèritus Iudæorum  
 assignat Christus sic eos alloquens : *Quomodo*  
*vos potestis credere, qui gloriam ab invicem accipi-*  
*tis; & gloriam, qua à solo Deo est, non queritis?*  
 Quibus in verbis assignatum & illum fontem  
 videmus, quem in hoc Evangelio Christus  
 Iudæis exprobrat, nempe defectum fidei.  
 Tertius est, ex Davide : Mendacium ipsum, *Pf. 17. 49.*  
 vitium olim Iudæis, nunc & ipsis, iisdem & *3. Mendacium.*  
 hæreticis, & omnibus impiis valde familiare.  
 De Iudeis constat ex illo Christi dicto : *Ero*  
*voobis similis mendax* : Mendaces igitur erant Iu- *Ioan. 8. 55.*  
 dæi. De Hæreticis clarum est ex D. Petro, *2. Pet. 2. 1.*  
 qui eos non solum mendaces; sed etiam *Ma-*  
*gistros mendaces*, vocat: quod nos non oculis  
 & auribus tantum verum etiam ipsis ut ita  
 dicam, manibus, in hæreticis nostri tempo-  
 ris palparamus. De impiis non est quod probe-  
 tur, cum & ipsi, & res ipsa, id testentur. Quar- *4. Habitus*  
 tus fons est: Inueteratum. habituatum & *mali.*  
 sepultum esse in quovis mortali peccato; ut *Mat. 23. 28*  
 in rapinis, odiis, luxuriis, voluptatibus, ali-  
 iisque scelerum generibus. Quod obiiiciens pha-  
 risæis Saluator inquit: *Intus autem pleni estis*  
*hypocrisis, & iniquitate, vel quemadmodum*  
*alter Evangelista ait: Quod autem intus est ve-* *Luc. 11. 39*  
*strum, plenum est rapina, & iniquitate.* Neque  
 hoc siue in hæreticis, siue in malis Catholicis  
 indiget demonstracione, cum nimis sit in pro-  
 patulo, quam agrè ad Dominum conuertan-  
 tur qui eiusmodi vitiis sese implicarunt. *Quin-*  
*tus*



5. Claudica-  
tio spūalis-  
*Psa: 17. 45.*

tus est, *claudicatio* eodem Dauid teste: Fons equidem pessimus, & in Iudæis olim, & nūc tum in quibusdam Catholicis, tum in hæreticis, tum verò in pseudopoliticis, qui in hoc vitio planè fundati, & radicati esse videntur. Omnibus enim sese accomodare volunt, omnium mores. siue bonos, siue peruersos, in se induere conantur. Et cum Christus dicat: *Mat: 6. 24: Non potestis duobus dominis seruire: illi etiam pluribus placere satagunt; cum tamen propter suam hypocrisim vix ulli placeant. Ad-* damus sextum & vltimum fontem, ex propheta noui testamenti D. Ioanne, qui peculiarem causam assignat translationis vere religionis ad gentem aliam. Est autem fons iste defectus charitatis, de quo Ioannes (vel Christus potius per illum) ad Angelum; id est, Episcopum Ephesi, sic loquitur: *Habeo aduersum te, quòd charitatem tuam primam reliquisti. Memores esto itaq; vnde excideris, & age pœnitentiam, & prima opera fac: sin autem venio tibi, & mouebo candelabrum tuum de loco suo, nisi pœnitentiam egeris. Itaq;, relinquere primum charitatem, causa est vt moueatur candelabrum (cum lucerna fidei) de loco suo, ad locum, & gentem alienam. Isti igitur sunt inter alios, fontes horum, quæ duce Christo recensuimus, & aliorum, quæ assequi non possumus malorum, ac pœnarum, quos claudamus & obstruamus obsecro quâ diligentissimè. Ob-* turabimus autem illos, si hæc duo, triaue tū ab Apo-

6. Defectus  
charitatis.

*Apoc: 2. 4.*

Quòd clau-  
dendi fontes  
isti.

ab Apostolo, tum à Christo data remedia  
 obseruauerimus. Etenim cōtra illum prin-  
 cipalem fontem, dat D. Paulus statim reme-  
 dium dicens: *Noli altum sapere, sed time.* Et hoc Ro: 11. 20.  
 ipsum in istis, quæ explicamus verbis præstat  
 Christus dominus. Contra hoc ipsum verò,  
 & cætera omnia iam iam audistis duplex re-  
 medium, pœnitentiam (quàm bis inculcat)  
 videlicet, & prima, id est, bona, & sancta o-  
 pera facere. Habeamus ergò timorem Dei,  
 recurramus toto animo ad pœnitentiam, &  
 relictis impiis, & sceleratis, pia & sancta ope-  
 ra faciamus. Ita enim non solum pœnas &  
 tormenta omnia effugiemus; verùm etiam  
 visionem beatam, Patris & Filii & Spiritus S.  
 in æternum acquiremus; præstante eodem  
 Domino nostro Iesu Christo, qui est benedi-  
 ctus in sæcula sæculorum. AMEN.

## CONCIO SECVNDA

### Fides.

*Vade, ostende te Sacerdoti.*

**Q**uòd Christus Dominus noster verbis Quid miru-  
dum in cur-  
ratione le-  
præ.  
 istis leprosum à se mundatum, & cu-  
 ratum miserit ad Sacerdotem, non a-  
 deò mirum videri debet: cùm propter vetus  
 testamentum, in quo id strictè præcipieba-  
 tur:

Hh

tur:



tur: tum verò propter cōsuetudinem, & humilitatem ipsius Christi Domini, qui omnia illius legis ( quamuis obligatus ad id non esset ) diligentissimè obseruat; præsertim verò ea, quæ sacerdotes concernebant: ne illis vel minimam offensionis daret occasionem. Verum enim verò non absque causa demirabitur quispiam, qui factum sit Deū optimū maximum, morbi huius tantū in veteri testamento curam gessisse, quantum nullius alterius videtur habuisse. Etenim per Moysen præcepit Deus, vt vbinam esset lepra, summo studio inuestigaretur, vt leprosi de ciuitate expellerentur, vt aliis etiam pænis grauioribus afficerentur; deniq; vt sanati cum sacrificiis, purificationibus, & cæremoniis multis reciperentur. Quorsum hæc omnia? Nunquid ideò, quia morbus iste contagiosus erat? Sed sunt etiam alii æquè, imò multo magis exitiosi: multò enim periculosius inficit pestilentia, quam lepra. Legimus Davidis tempore non pleno triuo *septuaginta millia virorū* pestilentia consumpta esse; Angelus enim Domini, quem tum temporis vidit David non gladio ( vt pingitur ) sed pestilentia interficiebat populum, eadem scriptura teste, cum inquit: *Immisitq; Dominus pestilentiam in Israel.* Quid tale vnquā de lepra audiuius? Taceo alios morbos, qui & fætidiores sunt, quam lepra; & statim interimunt; quod non facit lepra. Nihilominus de nullo morbi genere fuit

*Leu. 13. & 14. cap.*

*2. Reg. 24. 15.*

fuit tantoperè Deus sollicitus, sicut de lepra. Qua de causa rogo? Dicant nobis hæretici, qui omnia nosse se iactitant; & ita dicunt, vt quæ de lepra in figura loquitur Moyses, rei significatæ omnia particulatim conueniunt. Quod si illi facere nolunt nec possunt, nos Christo Iesu iuuante faciamus.

Itaque in presenti concione: Primū quidē Prop. tripartita. breuiter, & summatim perstringemus, quæ de lepra per Moysen dicta, constitutaq; sunt à Deo. Deinde quidnam illi in nouo testamento respondeat inuestigabimus. Postremò, quomodo hinc quoque vera in terris Christi Ecclesia cognosci possit, euidenter, digito quasi extenso, demonstrabimus. Tu Christe Iesu effice, vt mysteria tua diuina & intellectu percipiamus, & firma viuāq; fide credamus.

Ea est non paucorum opinio, antiquos Iu- I. PARS.  
dæorum magistros, seu Rabbinos, de lepra Lepra ex veteri testamēto describitur.  
corporali dignoscenda, corrigenda, mundanda, multa & ingentia volumina conscribere fuisse solitos; sicut nunc à nostris doctoribus casus (quos vocāt) conscientia conscribuntur, & enodantur. Verum quicquid sit de Rabbinis, illud certò nobis constat, Moysen Leuit. 13. c. 14. cap.  
non proprio iudicio, sed iubente, & quasi dictante Deo, in descriptione morbi huius duo integra, & bene longa capita tertii libri sui cōsumpsisse. In quibus quidnam sit lepra, vbi reperiat, & alia quam plurima adeò minutatim prosequitur, vt mirum profectò sit le-



ctu, dictuq;. Nos vt breuitati studeamus, ad hæc capita omnia reducemus, videbimusq;,  
 1. Quid nã fuerit hoc morbi genus. 2. Quam varium, seu quottuplex. 3. Quibusnam in rebus reperiiebatur. 4. A quo cognoscebatur & diiudicabatur, tum lepra, tũ leprosus ipse. 5. Quanta cum diligentia id fieri debuit. 6. Quomodo inuenta lepra puniebatur ( vt ita dicam ) & castigabatur. 7. Quibus cum ceremoniis, & oblationibus à lepra mundatus recipiebatur, atq; ad aliorum consortium admittebatur.

1. Quid sit. Lepra itaq; breuiter verbis ipsius scripturæ sic describi potest. *Est pustula ( aut quasi lucens quidpiam ) in cute & carne orta, crescens, pilosq; in album mutans colorem, & ipsum locũ lepræ humiliorem cute, & carne altera, faciens. Est autẽ lepra duplex; immunda, & munda. Hanc autem ita describit per Moysen Deus: Sin autẽ effloruerit discurrens lepra in cute, & operuerit omnem carnem à capite vsque ad pedes: quicquid sub aspectum oculorum cadit, considerabit eum sacerdos, & teneri lepra mundissima iudicabit. Reperiiebatur autem lepra primum quidem in hominibus siue viris, siue mulieribus. deinde in veste lanea siue lineæ, in stamine, atque subtegmine, aut pelle; vel quicquid ex pelle confectum est. in omni supellectili: ac deniq; in aedibus domibusq;. Dignoscebatur autem tam lepra in domibus, & aliis; quàm leprosus; ab Aaron, vel quolibet filiorum eius, & à Sacerdote. Qui magnam debebat adhibere*
2. Quottuplex.  
*Ver. 12.*
3. Vbi reperiiebatur.  
*Ve. 29.*  
*Ver. 47.*  
*Ver. 59.*  
*Cap: 14. 33*
4. A quo dignoscebatur.  
*Cap: 13. 2.*
5. Quam diligenter-

hibere diligentiam in iudicio ferendo lepranc  
esset an secus: ideò in re dubia iubebatur dif-  
ferre iudiciũ ad septem dies, & iterum ad  
alios septem dies, clausa interim, siue domo,  
siue persona, de qua iudiciũ dari debuit.

Pœna verò lepræ mundæ nulla omnino erat.

*Ver. 9.*

Ita enim inquit Deus post illam, quam recen-  
suimus mundissimæ lepræ descriptionē: Con-

*6- Quomo-  
do castiga-  
batur.*

siderabit eum sacerdos, & teneri lepra mundissima

*Ver. 13.*

iudicabit, eò quòd omnis in candorem versa sit, &

idcirco homo mundus erit. De altera autem sta-

tim subiungens inquit: Quando verò caro viues

*Ver. 14.*

in eo apparuerit, tunc sacerdotis iudicio polluetur, &

inter immundos reputabitur. Pœnum autem, quã

leprosus incurrebat, sic describit: Quicumque

*Ver. 14.*

ergò maculatus fuerit lepra, & separatus est ad ar-

bitrium sacerdotis, habebit vestimenta dissuta, caput

nudum, os veste contactum, contaminatum ac sordi-

dum se clamabit. Omni tempore quo leprosus est &

*Ver. 15.*

immundus solus habitabit extra castra: His igitur

*Cap. 14. 45*

pœnis afficiebantur homines leprosi. Supel-

lex verò omnis, præsertim pellicea lepra infe-

cta, comburebatur flammis. Ædes autem & do-

*7. Quomo-  
do munda-  
batur.*

mus, quando post diligentem curam immũ-

dæ reperiiebantur, statim dissoluebantur, & lapi-

des earum, ac ligna, atq; vniuersus pulvis proicie-

batur extra oppidum, in locum immundum. Deni-

que quod ad receptionem illius, qui à lepra

curatus fuit, attinet, hæc quibusnam cum sa-

cificiis, aspersioibus, ac ceremoniis (miran-

dis sanè) fiebat copiosè à Moyse describitur,



quæ suo loco aliquando excutienda, & declaranda à nobis erunt.

II. PARS.

Leprâ p̄fig-  
nasse aliqd  
p̄batur.

Ex scriptu-  
ra.

1. Cor. 10.

12.

1.  
Heb. 10. 1.

2.

3.

Gal. 4. 22

Ex mirâdis  
& rationi  
quasi cōtra-  
rijs.

1

4. simili.

Videamus iam num tam exacta, & copiosa veteris Testamenti de lepra institutio & ordinatio, aliquid in noua lege faciendum præsignauerit, & quidnam sit illud, Nam nihil designasse impossibile est omninò, tum propter scripturam contrarium suadentem: tum propter admiranda valde, & quasi rationi contraria, quæ hic à Deo constituuntur. Scriptura est aperta. Expressis enim verbis, Apostolus de Patribus antiqui testamenti loquens ait: quòd  
*omnia in figura contingebant eis.* Et alibi inquit:  
*Umbram enim habens lex futurorum bonorum non ipsam imaginem rerum &c.* Ac proinde D. Paulus & in istis locis, & in omnibus suis epistolis minima etiam quæque, quæ in lege veteri reperiuntur, nouo testamento applicat; ita vt & duos filios, duasq; vxores Abrahæ, & montem Sinai, mysterio non caruisse asserat; illudq; explicat. Quatò magis hæc tanta, & talia, quæ de lepra conscripta, & præcepta fuerunt, quidpiam necessario gerendum in Ecclesia Christi præfigurabunt? Stupenda em̄ sunt profectò. Nam quod sibi vult quæso, quod duplicem lepram ponat, & eam, quæ totum corpus occupat, mundam, imò mundissimam vocat; ac idcirco talem consortio aliorum nō priuat: aliam verò eiicit, cum contrarium ratio ipsa docere videatur? Quis enim non rideret, aut ex Magistratu, aut ex medicis aliquē, qui

qui statueret, vt is quidē, qui vnum, aut alterum pestiferum apostema haberet, ab aliis hominibus separaretur. ne eos inficeret: qui verò à planta pedis ad verticem vsq; capitis carbunculis quos vocant, oblitus esset, vt talis pro mundo haberetur, liberq; dimitteretur? Quis inquam ordinationem eiusmodi rationi contrariam esse non clamaret? Nihilominus tale quid de lepra ordinatum hic à Deo videmus. Cur quæso? Deinde, lepram quæ fuit in vestibus, in supellectili, propter quam hæc omnia comburebantur, quis non miretur? Sed & illud, quod talia Sacerdos considerare, & diiudicare debebat, stupendum planè est. Ad medicos enim corporales, vel Chyrurgos id pertinere videbatur potius, quàm ad eos, qui altari seruiabant. Similiter tantam diligentiam, & cunctationem, quæ hac in parte fieri præcipiebatur, carere mysterio quis credat? sicut & illud, quod iuebatur vt quilibet leprosus seipsum accusaret, & ad diiudicandū sacerdoti deferret. Nam quod de domo dicitur: *Ibit cuius est domus nuncians sacerdoti, & dicet: Quasi plaga lepræ videtur mihi esse in domo mea:* id de aliis quoq; intelligendū venit. Preterea admirandum est valdè, quod ipse Deus, qui præcepit dicens: *Cor inopis ne affligeris*, hoc in facto, homini graui morbo afflicto, adiungat non vnā, sed plures etiam pænas; quæ non tantum cor, sed etiam corpus eius affligunt. Iubet enim capite nudato, & disitis vestibus

2.

3.

4.

5.

Leu: 14.35

Eccl: 4. 2.

6.



7.

ambulare, atq; ciuitatibus exulare, in super  
clamare se contaminatum & sordidum esse.  
Quæ omnia, & corpus, & cor, animumq; non  
poterant graui non afficere molestia. Ad ex-  
tremum mirandæ sunt valde tot, & tales ce-  
remoniæ quæ ad emundationem leprosi ad-  
hibebantur.

Caluini hac  
de re.

Cal: lib: 3.

instituta c. 4

ser: 41

1. Mendaciū

2. Mēdaciū

Et inepta re-  
sponso.

Dicant itaq; nobis aduersarii nostri, num  
ea, quæ recensuimus, quorum quædā, etiam  
ipsi sunt quodammodo rationi, & scripturæ  
contraria, aliquid significant gerendum in Ec-  
clesia Christi, vel non? Respondet Calvinus  
vnus ex antesignanis eorum, & dicit tria. Pri-  
mum, profert per interrogationem his verbis:  
[Quæro obiter si hic locus spiritualis lepræ  
eos iudices facit, cur naturalis & carnalis le-  
præ cognitionē ad se trahunt?] Ecce tibi pri-  
mum mendaciū, & crassum sanè. Quis enim  
in Canonibus, siue conciliorum, siue Sumo-  
rum Pontificum legit vnquam, vt carnalis le-  
pra à sacerdotibus diiudicetur? Sequitur al-  
terum mendacium, quod sic expressit: [Ad  
hæc importuna est ipsorum allegoria, quæ le-  
gem merè politicā inter ceremonias reponit.]  
Quanta hominis impudentia, & vesania, legē  
ceremonialem esse negare; quæ tot ceremo-  
niis (de quibus paulò post) expediebatur. Vt  
interim taceam, quod si lex ista merè politica  
fuit, cur similis in simili, imò longè maiori pe-  
riculo, pestis videlicet, & huic similibus mor-  
bis, lex lata non erat? Tertiò Calvinus ait:  
Nunc

[Nunc respondeo. Translato Sacerdotio, necesse est legis translationem fieri. Omnia sacerdotia ad Christum translata sunt, in eo impleta & finita, ad eum igitur vnum ius omne & honor sacerdotii translatus est.] Ita omninò, quis negauerit? neq; id nos quærimus, sed an aliquid lepra præsignauerit? Tu verò quid contra nos verbis istis? Imò verò multa pro nobis. Primum quidem quia nos quoq; asserimus, omnia veteris legis sacerdotia finita, & omnem eorum honorem in Christum translatum esse. Deinde [eum vnum, ius omne] à patre accepisse, & abrogandi antiqua, & constituendi noua. Ac proinde tertio dicimus illud Apostoli: *Translato Sacerdotio necesse est, ut legis translatio fiat*: valde esse pro nobis, contra vos: sicut enim *legis translatio* per Christum facta est, legis inquam antiquæ in legem nouam, veteris testamenti in nouum: ita per eundem Iesum translatio Sacerdotii perfecta est. Ipse enim summus Sacerdos secundum ordinem Melchisedec (de quo copiosè ibi Apostolus disserit) fecit, & ordinauit alios sacerdotes noui testamenti, prout illi melius placuit: per quos ipse explet suum Sacerdotium, secundum ordinem Melchisedec, & explebit vsq; in consummationem sæculi. Quod si hæretici non intelligunt, vel intelligere non lunt, quid ad nos? quinimo etiam hoc ipsum est pro nobis: quod enim idem Apostolus dixit suis Iudæis de eodem Melchisedeci mysterio:

Hebr. 7. 12.

Quæ nobis  
fauet poti⁹,

1.

2.

Heb. 7. 12.

3

Vbi scriptura  
à Caluino  
allata retor-  
quetur.

4.

Heb. 5. 11.



sterio: De quo nobis grandis sermo, & interpreta-  
 bilis ad dicendum, quoniam imbecilles facti estis ad  
 audiendum: idem nos quoq; dicimus nostris  
 hæreticis. Interpretari hoc mysterium gran-  
 de vobis non possumus, quia incredulitas &  
 perfidia vestra imbecilles vos reddidit & ad  
 audiendum, & ad intelligendum. Deniq; ex-  
 iisdem verbis concludimus, quod *translato Sa-*  
*cerdotio* veteris legis per Christum in Sacerdo-  
 tes nouæ legis, hæc quoq; inter alia translatio  
 facta est: & quemadmodum Sacerdotes an-  
 tiquæ legis ius habebant diiudicandi inter na-  
 turalem & carnalem lepram, vel non lepram:  
 Ita Sacerdotes nouæ legis habent ius à Chri-  
 sto datum, non solum iudicandi lepram, non  
 quidem corporalem (vt mentitur Calvinus)  
 sed spiritualement, id est peccata; sed etiam vel  
 soluendi, vel retinendi ea.

Figura lepre  
 applicatur  
 nouo testa-  
 mento.

Quare cum Hæretici corticem istum figu-  
 rarum veteris legis frangere non potuerint, vt  
 nucleum noui gustent Testamenti: nos qui in  
 Ecclesia Catholica sumus, id faciamus: quod  
 ita Christo iuuante præstabimus, vt & propo-  
 sitæ difficultates enucleentur omnes, & figu-  
 ratum figuræ ad amissum respondeat: ita ta-  
 men, vt excellentiora hic omnia appareant:  
 Id enim natura rei figuratæ requirit. Itaq; vt  
 vno verbo dicam, quod fuit lepra in veteri te-  
 stamēto, hoc est peccatum mortale in nouo.

Lepra pecca-  
 tum significat  
 hæreticis hæ-  
 reses.

Et omne quidem peccatum, etiam occultum  
 per lepram designatur; præcipue tamen pu-  
 blicum.

blicū, quodq; habet annexam excōmunica-  
tionem; maximè autem omnium hæresis, vt  
bene notat D. Augustinus, & alii Doctores, *Aug. li. 2.*  
(imò quæuis infidelitas) qui multas ad id *q̄stio: Enā:*  
comprobandum adferunt rationes: quibus *Et de Ser-*  
ad aliud tempus dilatis, eas tantū perstrin- *bis Domi-*  
gamus, quæ se nobis & in historia Euangelii *ni hom: 10*  
hodierni & in figura offerūt. Prima igitur sit, *Declaratur*  
quia vt inquit noster Euangelista, hoc miracu- *ex Euāgelio*  
lum factum est. *Cū descendisset Iesus de mon-*  
*te, secuta sunt eū turba multa, & ecce leprosus, &c.*  
Datq; rationem D. Ambrosius cū ait: quod  
turba [non sequitur ad excelsa, non ascendit  
ad sublimia] id est diuina mysteria altiora non  
capit, non penetrat; multò minus autem ascē-  
dit ad sublimia peccator; minimè verò om-  
nium hæreticus. Omnes enim humi repunt, li-  
cet ore suo mundati, alta resonent, & de spiri-  
tuali cognitione glorientur. Videmus id in  
Hæreticis nostri temporis ad oculum: Luth-  
erus enim quàm terrenus? quàm carnalis, quàm  
frigidus in diuinis, quàm effusus & spurcus in  
humanis? vident hoc etiam sui, & nonnulli  
erubescunt. Sacramentariū verò neque eò,  
quo Lutherus progredi voluerunt, vt crede-  
rent Christum posse esse in Eucharistia: cor-  
pus Iesu esse in pluribus locis. Quid dicam de  
Anabaptistis, Gentilistis, & aliis, qui maximè  
se se spirituales vocant? hi & in fide de Deo vl-  
tra Philosophos, qui solum lumen naturale  
sequeuti sunt, non pertingunt: quin imò mul-  
tis eti-



2. Quia se  
ingerunt.  
*Luc. 5. 12.*

9. Quia mū  
dantur.

Ex figura i-  
dem dedu-  
citur.

*Leu. 13. 2.*

1. Ex descri-  
ptione.

8. *Tim. 4. 3*

tis etiam Philosophis sunt longè inferiores; & in moribus sepe grauiā & enormia scelera perpetrant, & suis permittunt. Deinde à D. Luca dicitur hoc miraculum factum à Christo *cum esset in vna Ciuitatum.* Quomodo? nūquid leprosi è Ciuitatibus non excludebantur? Ita sanè fieri debuit, vt ex Scriptura vidimus, veruntamen nonnunquam illi sese ciuitatibus ingerebant: typus euidentis hæreticorum, qui etiam prohibiti irrepunt in oppida, in ciuitates, in quæuis loca, tantò infælicius, quantò & difficilius cognoscuntur, quia lepram non in facie, sed in lingua gerunt; & plura mala faciunt; quia animos inficiunt; & postquam cogniti fuerint, remissiùs excluduntur, imò, pro dolor à multis & fouetur, & defūduntur. Deniq; hoc ipsum suadet, tum quòd leprosus iste nō curari, sed mundari dicatur: tum alia, quæ dū figuram excutiemus, videbimus quòd iam in Christi nomine aggrediamur.

Descriptio itaq; lepræ à Deo data, primum locum meritò obtinere debet: quam omnī quidem peccato mortali, inprimis tamen publico, & hæresi competere, nimis est euidentis. Est namq; hæresis *pustula*, & scabies pruriens. Prurit enim, tum in lingua Ministrorum: tum in auribus audientium; teste Apostolo cū inquit: *Erit enim tempus* (quale est nunc) *cū sanam doctrinam non sustinebunt, sed ad sua desideria coaceruabunt sibi magistros prurientes auribus.* Et idcirco inquietam conscientiam hominis reddet;

reddit; & quò magis fricatur, eò ex turpi illa delectatione, magis magisq; crescit. Est autè *in cute & carne orta*: tum quia carnalia docet, *vt iam vidimus: tum quòd quando Ministri è latebris prodeunt, palam fit omnibus. Pilum* *2. Tim. 3. 8* quoque *in album mutat colorem*: sunt enim Ministri Hæreticorum, vt Apostolus loquitur, *habentes speciem quidem pietatis; virtutem autem eius abnegantes.* O quàm id nimis est clarum, præsertim in Anabaptistis. Est etiam *quasi lucens quidpiam*, dum scripturam allegat, cui tamè rectius dixeris, noctem quasi & tenebras offundit. Deniq; lepræ propriū est *crescere.* *2. Tim. 2. 17* Qua de re idem Apostolus: *sermo eorum vt cancer serpit: ex quibus est Hymeneus & Philetus:* nūc verò Lutherus, Caluinus, Gentilis, Suenfeldius, & alię pestes; eorumq; Ministri, & asseclæ ( quæ omnia cui uis etiam peccato mortali suo modo competunt, de quo aliàs. ) Hæc nos Catholici de lepra spirituali, ad instar lepræ corporalis scripturam veteris testamenti, per scripturam noui, ab Apostolo nobis traditam ( vtinam id Hæreticos iuuat ) interpretantes, sentimus, credimus, docemus.

Partitio item illa lepræ, in lepram mundam, & immundam, egregiè fidem Catholicam confirmat. Peto enim iterum ab hæreticis, cur is, *in quo caro viuens apparet*, immunus esse iudicatur, & idcirco & è ciuitatibus pellitur, & aliis pœnis afficitur; is verò, qui toto corpore est leprosus, mundissimus à Deo pronun-

Octo hæresis, propria-tes.

2. Ex diuisione difficultas notanda. *Leu. 13. 18*



Lepra imū-  
da in hære-  
ticis.

Lepra mū-  
da in Ethni-  
cis.

NOTA.  
Hæreticos  
pelli nō lau-  
tē Iudzos.

pronunciatur? si lex lepræ [merè est politi-  
ca] vt Calvinus asserit, ipse potiùs eiici debu-  
it, à quo maior fætor, & infectio procede-  
bat. Myſterium igitur Deus hîc quoq; inclu-  
ſit, quod expleri in religione Catholica, & vi-  
demus, & lætamur. Quid enim caro par-  
tim viuens, id eſt munda, partim lepra infe-  
cta, ſignificabit melius, quàm cùm peccato-  
rem publicum, tum verò hæreticum? In iis  
enim eſt mundi aliquid, tum quòd characte-  
re baptiſmali inſigniti ſint; tum quòd ille qui-  
dem fidem; hîc verò quorundam articulorū  
Catholicorum profeſſionem retineat; nihi-  
lominus lepram quoq; habent, quia Catho-  
licus quidem. Charitate; hæreticus verò &  
charitate, & fide priuatus eſt: Credit tamen  
fide humana aliquos fidei articulos, & ſym-  
bolum recipit Catholicum. At verò qui nec  
baptiſmum, nec articulos fidei Catholicæ re-  
cipiunt, iſti per omnia leproſi ſunt, nec quic-  
quam ſanum habent; tales ſunt Gentiles, E-  
thnici, Iudæi, Turcæ, Tartari, & alii his ſi-  
miles, qui cùm *mundiſſima lepra* ( vt eam ſcri-  
ptura vocat ) ſpirituali teneantur, idcirco per  
Canones Eccleſiaſticos nec ciuitatibus Ca-  
tholicis arcentur, nec excommunicationem  
aliaſq; pœnas incurrunt; quibus illi, qui le-  
pram maculoſam ( ſic enim eam vocare libet,  
quorum viua caro maculis lepræ aſperſa eſt )  
habent, obſtricti tenentur. Ecce & nodi il-  
lus difficilis enodatio; & myſterii pulcheri-  
mi ex-

mi explicatio, & solutio illius quàm hæretici sæpè in ore habent quærele; dicentes: Cur nos de ciuitatibus eiicitis, aliisq; pænis afficitis, quod Iudæis & gentilibus non facitis? Cùm utiq; nos plus, & melius quàm illi credamus; qui Christum Messiam profitemur? Vt figura impleatur. Responsio in promptu est: Ecclesiam id facere, tribus præcipuè de causis: Primum quidem, vt ostendat se esse veram sponsam Christi, in qua sicut aliæ, ita hæc quoq; impletur figura. Deinde, quia scit tum ex scriptura, Quia magis inficiunt. tum experientia, quantopere inficiatis fideles, quod non faciunt illi alii; presertim quâdo inter Catholicos versantur. Et fortè illi lepræ, quàm scriptura mundissimam vocat, id peculiare dederat Deus, vt alios non inficeret, præuidens hoc mysterium, quod iam nos oculis conspiciamus nostris. Notate autè quæso verba illa: *quicquid sub aspectum oculorū cadit.* De occultis enim non iudicat Ecclesia, Leu. 13. 10. Quia grani peccant. neque punit illos etiam hæreticos, qui in corpore tantum sunt tales. Denique, quia nouit & hoc ex Scriptura Ecclesia, perfidiam hæreticam alias omnes infidelitates longè superare. Ait enim Princeps Apostolorum: *Melius enimerat illis non cognoscere viam iustitiæ, quàm post agnitionem retrorsum conuertere ab eo, quod illis traditum est sanctum mandatum.* Vides quomodo D. Petrus verbis expressis asserit, quòd melius esset vel in Iudaismo, vel in gentilismo permanere, quàm post agnitam veritatem in hæreses dela-



bi? Ne mireris igitur, quòd ab Ecclesia grauius puniantur, qui grauius peccant; sed agnoscas Dei virtutem in ea, & Dei sapientiam, & conuertaris vt viuas. Neque te seducat illa cogitatio, quòd credas Christum, quem illi  
*Iac: 2. 19.* articulum non admittunt: Nam & *damones credunt, & contremiscunt*: neq; tamen sunt meliores Iudæis, & gentilibus: quia magis blasphemant Christum; ita Hæreticorum blasphemia execrabilior est, quàm gentilium & Turcarum.

*3. Ex reb<sup>9</sup> q̄ inficiebātur*  
*Leu: 18. 59* Sed videamus iam illud tertium admirandū sanè quod lepra etiam in domibus & aliis in rebus, *omniq; supellectili pellicea* reperiēbatur, quæ omnia præcipiente Deo comburebantur. Quid est hoc? & cur præ cæteris supellectilē pelliceam exaggerat? Magnum equidem mysterium, quod pandunt & expandunt nobis Actus Apostolorum his verbis:  
*Act. 19. 18* *Multiq; credentium veniebant confitentes, & annūciantes actus suos. Multi autem ex iis, qui fuerant curiosa sectati, contulerunt libros, & combusserunt coram omnibus, & computatis precii illorum, inuenerūt pecuniam denariorum quinquaginta millium: quam summam computant calcographi ad quinque millia aureorum, & plusquam septem millia nostrorum florenorum: per hāc ergò scripturam illam interpretando, dicimus primò. Benefacere Ecclesiam (quod malè habet Hæreticos) cū alia, tum verò libros eorum comburendo. Id enim & in figura olim pro-*

Doctore  
 Moyse &  
 Luca libri  
 hæreticorū  
 cōburendi  
 sunt.

pronotatum, & ab Apostolis in nouo Testamento factitatum fuit. Vnde etiam illud intelligitur, cur Moyses tam frequentem suppellectilis pellicæ comburendæ mentionem faciat: nemo enim ignorat, antea libros in pellibus purgatis, conscribi fuisse solitos, prout etiam nunc fit in diplomatibus Apostolicis, & quibusuis magni momenti priuilegiis. Vides ne vnum iota in scriptura vacuum mysterio esse? Dicimus secundo, combustionem istam optime & præcipi, & fieri post confessionem. Hoc ipsum enim in ipso Ecclesiæ Catholicæ exordio ab Apostolis factum esse videmus. Dicimus tertio, sanctissime hanc combustionem fieri publice: audis enim idem olim in præsentia omnium esse peractum. Postremo tantum librorum concrematorum precium, docet, ne ii; qui conuertuntur moleste ferant dispendium pecuniarum, quas pro libris illis exposuerunt; sed alacriter illos comburendos tradant, ne propter illos æternam sustinere cogantur combustionem, quâ Deus auertat.

Peracta confessione.

Publicè.

Etiam magis pcc.

Cæterum respondēt Ministri hæreticorum non tales hîc libros intelligi, sed libros tum supersticiosos, tum obscenos, Gentilium, magorum, Pœtarum, & his similium. Sic illi: ego verò contra aio. O pseudoeuangelici qui & scribitis, & prædicatis vos non nisi Euangelium docere; ostendite ex quo loco Euangelii habeatis, hos tantum libros hîc esse intelligendos: proferte vel vnum iota,

Hæreticorū  
respōsio re-  
torq̃tur.



qui præcipitis, ne vnquam etiam vobismet-  
 ipsis credatur, si quid præter Euangelium ad-  
 feratis? vbi ergo est hac de re Euangelium?

Qui libri cu-  
 riosi.

Nos certè & ex traditione, & ex hac ipsa, alia-  
 que scriptura habemus contrarium; nempe  
 & istos, quos recensuistis, & hæreticorum,  
 schismaticorumq; libros in istis verbis notari,  
 ac proinde sapientissimè ab Ecclesia omnes  
 tales prohiberi, & igni flammisq; dari. Pri-  
 mum quidem, quia verba illa, *quis fuerunt cu-  
 riosa* sectati, hoc nos docent. Quis enim du-  
 bitare poterit tam hæreticos, quàm qui eos

2 Tim. 4. 3

audiunt, *curiosa* sectari? Ideò enim Paulus  
 vocat tales *prurientes auribus*; quia hoc ipsam

Cur à Polo-  
 nis maximè  
 profligandi  
 hæretici.

curiosis est maximè proprium: Atq; vtinam  
 Catholici nunquam inuestigassent curiosè  
 quid Lutherus, quid Zuinglius: quid Calui-  
 nus, quid alii hæretici scripssent; non equi-  
 dem nunc tantam animarum iacturam luge-  
 remus, patriaq; nostra immunis ab hæresi  
 hucusq; permansisset. Non enim natum, sed  
 aliunde allatū hæresis vitium in nostras oras  
 fuit, ac proinde tantò iustius ac diligentius  
 eiiciendum est, quantò iniquius possidetur.

Hæretici tpe  
 Apostolorū.

Vtinam, o vtinam ita fiat. Deinde, nunquid  
 quando hæc acta sunt, non vivebant iam Hy-

2 Tim. 2. 17

*menæus, Philetus, Alexander ararius, Simon Ma-*

2 Ti. 4. 14

*gus, Nicolaitæ, quorum scriptura meminit:*

Act. 8. 20.

*Cherintus quoq; & alii, quos Sancti Patres,*

Apoc. 2. 6.

& historici recensent? Illorum verò scripta in

illa concrematione, defuisse, quis nostros

hæreti-

hæreticos certiores reddidit, postremò, hoc ipsum nos docet traditio Apostolica, hoc cōsuetudo Ecclesiæ, hoc iudicium ipsius: Iudicio autem Ecclesiæ refragari velle, est inter Ethnicos & publicanos computari, teste ipso filio Dei Christo Iesu.

Ad Sacerdotem venio, qui diiudicator lepræ à Deo constituitur. Cur non medicus potius? Quia voluit ostendere Deus, quid in Ecclesia Christi fieri & geri debuit; vbi non nisi solus Sacerdos de lepra spirituali iudicat. Estq; animaduersione dignum, omnes tres Euangelistas, qui hanc historiam conscripserunt, vnius tantum Sacerdotis mentionem facere: VADE, OSTENDE TE SACERDOTI ait noster Matthæus: & eadem verba habet Lucas: Marcus autem sic: *Vade, ostende te Principi Sacerdotum.* Vnde colligunt quidē Doctores, ad solum summum Sacerdotem pertinuisse de lepra, & non lepra decernere. Cui sententiæ præter Marcum, fauet etiam Moyses, qui Aaronis tantum, & filiorum eius facit mentionem. Verum cum in alia leproforum emundatione dicat Saluator in plurali: *Ite, ostendite vos Sacerdotibus;* pulchrè vtrūq; quod agi in Ecclesia videmus approbat: In qua tota potestas, & iurisdictio discernendæ lepræ spiritualis, ita in *principe Sacerdotum* (vt cum Christo, loquar) noui testamenti residet; vt tamen alius communicari, & delegari possit. Itaq; summus pontifex prout vel ordi-

4- Ex iudice quoq; præter lepram designare hæresim.

Iurisdictio tota in Papa. *Matth. 8. 4. Luc. 9. 12. Mar. 1. 44.*

*Leu. 13. 30.*

*Lu. 17. 18.*



do, vel status cuiusvis postulat, vel ad maiorem Dei gloriam, & Ecclesiæ vtilitatem fieri debere iudicauerit, ita iurisdictionis huius alios quoq; participes facit; grauiores spiritualis lepræ calus, sibi vt par est, reseruando.

¶ Ex diligē-  
tia.

Doctrina cō-  
fessarijs &  
cōfiteantib⁹  
necessaria.

Non solum autem solis Sacerdotibus leprę negotium cōmisit Deus, sed & præcepit, vt cum summa diligentia, cunctatione, dilationeq; (vbi opus esset) perurgerent: qua in re docet, instruitq; tum nos Sacerdotes, & cōfessarios; quomodo nos hac in pate gerere debeamus: tum vos pœnitentes, ac confitentes, vt æquo feratis animo, si quid tale à prudenti confessario circa vos, vestramq; absolutionem eueniat. Si enim ad lepram, quæ corpus tantum inficiebat discernendam, tanta, quantam audiuiſtis, adhibenda erat diligētia, idq; iubēte ac mandante Deo: quanta eodē auctore Deo, in peccatis in lepra inquā spirituali, quæ animam, non inficit modo, sed et interficit, diiudicanda, cura, & sollicitudine vti nos conuenit? Magna equidem. Æquum igitur etiam est vt tum Catholici nō fugiant, sed quærant talem confessarium: tum hæretici non carnificinam (vt solent) sed diuinam prouidentiam vocent tantam diligentiam, quantam in re omnium grauissima adhiberi vident. Quid enim excellentius esse potest, salute animæ? quæ in recte facta confessione, & absolutione accepta acquiritur?

Quòd

Quod verò ad pœnas seu pœnitentias attinet, quibus is, qui per lepram afflictus fuit, magis ad huc per diuinam legem affligebatur; quis oculos mentis apertos habens non animaduertit, quàm grande in se mysterium id contineat? *Date siceram mærentibus, & vinum his, qui amaro sunt animo:* ait Deus per sapientem, Hic verò contrarium planè videmus, mærent & amaro sunt animo propter grauè infirmitatem leprosi; & non solum non datur eis aut siceræ, aut vinum. aut quæuis alia consolatio; sed adduntur pœnæ ad pœnas, amaritudo mærentibus adiungitur & quod caput est, fit hoc & innoxiiis sæpè, & nolentibus semper, Quis enim lubens & volens tã fœdum, molestumq; morbum pateretur, qualis est lepra? Debet itaq; nobis id, quòd à iusto & misericorde Deo fit, aliud quid ob oculos ponere, quàm quod litera sonat. Non quòd ea, quæ describuntur in illa lege non agerentur, sed quia illa quæ agebantur quicquam aliud, cui ista magis propriè conueniunt, gerendum significabant. Hoc verò nihil est aliud, quàm quod fit in Ecclesia Catholica: In qua videmus. quod afflictæ morbo, imò morte spiritali animæ, aliæ adduntur afflictiones aliæ pœnæ, & pœnitentiæ. Priuatæ quidem in priuatis, publicæ verò in publicis peccatis: vt excommunicatio, per quâ conuersiones, orationes, salutationes, cōmercia, & vsus mensæ communis cum talibus pro,

Mysterium  
necessariū.  
Prov. 31. 6.

Quod nunc  
expletur.



bus prohibentur. Deniq; grauissimis, & quæ alios inficiunt sceleribus adiunguntur eiectiones è ciuitatibus, & aliæ quæ iuribus ciuilibus statutz sunt pænæ. Quæ omnia meritiſſimò fiunt: non enim in causa est horum omnium lepra corporalis inuoluntariè suscepta, sed peccatum tam voluntariè patratum, vt si voluntarium non esset, nec peccatum esset. Quæ tamen vniuersa ita infectantur hæretici, vt hic vel maximè exclament; supremam impietatem, carnificinam, legis diuinæ preuaricationem isthæc vocantes. Quod quæ verè, iusteq; faciant, alias videbimus.

Nunc quonã modo pænæ illæ veteris testamenti, quibus lepra naturalis castigabatur, nouo testamento, ac in primis hæreticis, aliisq; excommunicatis conueniant, cõsideremus

Pœnæ nunc  
multò gra-  
uiiores.  
NOTA.

Tantò sanè pænæ modernæ sunt illis grauior-  
res; quantò inagis non tantum corpus, sed  
etiam animam affligunt. Ibi enim ciuitatibus  
excldebantur: hîc verò intercessionibus &  
meritis Sanctorũ, & Ecclesiæ priuantur. Illic  
pileo ac tegumento materiali capitis spolia-

8 Tim: 1. 20

bantur: hic traduntur Sathanæ, vt discant non  
blasphemare, sicut talibus fecit Apostolus. Ibi  
vestis discinditur: hic omnes contractus ab  
excommunicatis facti, dissoluuntur; & com-  
ercia cum eis vetantur. Ibi os obturatur lepro-  
so, hic & illi, & omnibus fidelibus, vt ne Aue  
quidem ei dicatur, vt docuit D. Ioannes. Ibi  
leprosus clamat se esse immundum, & conta-

muna-

minatum : hic etiam si ipse nolit per omnes Ecclesias, & suggesta talis esse denunciatur; *r. Cor. 5. 11.* quemadmodum Paulus incestuosum, à se excommunicatū, & Sathanæ traditum Corinthiis denunciat ut ipsius conuersationē auerferentur. De pœna verò, quam hæreticis brachiū Dom. 5. quod vocant sæculare, infligere solet, dabitur *post Epiph. Coni. 2.* breui commodior Christo iuuantē disserēdi, ac disputandi occasio; quando ipsi ineptis suis argutiis nos in certamen euocabunt. Iam *Exhortatio contra cōfederationē.* verò nihil hac in parte amplius superest, quàm ut Polonos meos, Lithuanosq; moneam, ut maiorum suorū sanctissimis, & antiquissimis legibus potius insistant, quàm nouas alienigenarum perfidias consēdantur. Hoc à vobis parentes vestri, de quorum gloria, insignibus, magnanimitate, pietateq; gloriamini postulat. Hoc statuta cōmuni omniū cōsēsu atiquitus cōdita, ut hæretici pro hostibus patrię habeantur, & inter perduelles cēseantur, volunt. Hoc Christus ipse iure suo requirit, ut fœderis eius seruetis, neq; cōfœderationibus, fœderibus ipsius cōtrariis, subscribatis; sed potius eas à Repub. vestra, quàm longissimè arceatis.

Ad vltimum, quod in lepra corporali Deus obseruare præcepit, veniamus, nempe ad modum, oblationes, sacrificia, ceremoniasque *7. Ex modo recipiendi.* varias; cum quibus leprosus à Sacerdote in illa lege; suscipiebatur, quæ quidem habent, & continent in se magna sanè, & multa nimis, tum ad fidem Catholicam confirmandam,



Legē lepræ  
esse cærimo-  
nialem.

Festus Cic.  
lib. 1. de Di-  
uina.

tū ad myſteria diuina declarāda tū ad gratitu-  
dinē in nobis excitādā, tū documēta, tū argu-  
mēta: quę om̃ia tā breui, quod nobis reſtat; tē-  
poris ſpacio coanguſtāda nō ſūt. Itaq; aliis ad  
aliud tēpus reiectis, de iis tantū agamus, quæ  
cū ſcopo in hac concione ſuſcepto cōueniunt.  
Quorum primum illud eſt, quod ſuperius le-  
uiter tetigimus, contra impios, qui menda-  
citer aſſerunt, in veteri teſtamento de lepra,  
legem [merè politicam] non autem cærimo-  
nialem a Deo conſtitutam fuiſſe. Cæci profe-  
ctò nimis qui tot cærimonias in ſcriptura non  
vident: imò impudenter mendaces, qui vidēt,  
& tamen contrarium aſſerunt: nam claram  
adeo ſcripturam non videre illos quis credat?  
ſic enim incipit Leuitici caput decimū quartū  
*Locutus eſt Dominus ad Moysen dicens: hic eſt ritus*  
*leproſi, quando mundandus eſt.* Quid eſt ritus? ſi  
ſcripturæ credere nolunt, credant ſaltim pro-  
fanis. [Ritus mos eſt comprobatus in admi-  
niſtrandis ſacrificiis] ait vnus: Alter verò ri-  
tualium librorum meminit, in quibus aruſpi-  
cina, & id genus alia continebantur. Et hac  
ratione in ſcriptura ritus ſemper ſumitur pro  
conſuetudinibus, quæ in cærimoniis ſacrifici-  
orum adhibebantur. Sed quid opus eſt mul-  
tis, cū poſt iſtam vniuerſalem propoſitionē  
tot cærimoniæ recenſeantur à Deo per Moy-  
ſen, quot vix numerari poſſunt? Præcipitur  
enim Immolatio duorū paſſerum cum ſtupē-  
dis ſanè cærimoniis, oblationes præterea ligni  
cedri-

cedrini, vermiculi, hyssopi, & octauo die oblatio ouis, duorum agnorum, olei, vini, similæ, Purificationes quoq; aspersiones, vinctiões, & alia his similia: quæ omnia inter cærimonias reponenda non erunt, quia reponi ea non vult Calvinus. Prò pseudopropheta. Adhuc ne pro veraci homo fallax ab hominibus cordatis habebitur? Sed dicet ex asseclis ipsius quispiam. Etiam leges cærimoniales veteris testamenti abrogatas esse. Quis Catholicorum hac de re dubitat? aut quis in nouo testamento eas, quas recensuimus cærimonias obseruauit vnquã? Cessasse eas fatemur; sed ita cessasse, vt in meliores commutatæ sint, nempe corporales in spirituales, emundatio carnis in emundationem animæ, purificatio leprosi in purificationem peccatoris: illa per Sacerdotem veteris testamenti fiebat iubente Deo, hæc per Sacerdotem noui, institutore Christo.

Leges cærimoniales quomodo abrogatae.

Ceterum non est hic dissimulanda obiectio, quam hoc ex loco habent in ore semper hæretici, quando detrahunt absolutioni sacramentali Sacerdotum noui testamenti. Aiunt enim isti. Ecce in veteri lege non mundabant Sacerdotes leprosum, sed tantum mundatum esse declarabant: vos verò asseritis vestros Sacerdotes, verè à peccatis absolueret, eaque emundare. Asserimus omnino: quia hoc ante nos Christus Dominus asseruit qui & potuit, & voluit tale potestatem dare hominibus, quod & fecit.

NOTA.  
Quod hæretici cum sua obiectione.

Inepti sunt.



Et iniuriosi  
in nouum  
testament.

*Gal. 4. 22*

Differentia  
inter Sacer-  
dotes vete-  
ris & noui  
testamēti.

*Heb. 10. 1.*

*Leu. 13. 6.*

*Ler. 13. 17.*

Sacerdotes  
nostri verē  
absoluunt.

*Ro. 20. 22.*

*Mat. 1. 44*

Nolunt isti miseri vt Sara libera aliquid amplius priuilegii habeat, quàm Agar ancilla cōtra apertam D. Pauli determinationem. Nolunt vt Ecclesia Christi Iesu, in qua bullit sanguis ipsius in Sacramentis inclusus, plus valeat, & possit; quàm potuit Synagoga, quæ *umbram futurorum habebat honorum*. Itaq; concedimus illis, quòd etiam si non nunquam dicat Moyses, *mundabit eum*, tamen quia explicans inquit: *Considerabit eum Sacerdos, & mundum esse decernet*; concedimus inquam, quòd Sacerdotes veteris testamenti neminem mundabant, sed mundum esse decernebant, & purificatum ad consortium aliorum admittebant: Contra verò quia non legimus à Christo Dōino dictum Apostolis, *declarabitis, & decernetis*, quòd illis sint remissa peccata: sed audimus ex ore ipsius: *Accipite Spiritum Sanctum, quorum remiseritis peccata, remittuntur eis: & quorum retinueritis, retenta sunt*. Credimus, verissimè Christū Dominū Spiritū S. dedisse Apostolis, per quem dedit potestatem hominibus, vt Sacerdotes noui testamenti verē emundare homines à lepra spiritali, verē dimittere, vel etiā retinere peccata, possint. Pari ratione, quia in themate proposito audimus, Christū Dominū illi, quē à lepra mundauerat dicentē: **VADE, OSTENDE TE SACERDOTI,** vel vt Marcus habet *Vade, ostende te principi Sacerdotum*, ideo credimus leprosum istum non mundatum esse à lepra, sed mundum iam factum.

Etum, pro mundo declaratum fuisse à principi-  
pe Sacerdotum veteris testamenti. At verò  
quia ad principem Sacerdotū noui testamen-  
ti dicitur à Christo: *Tibi dabo clauēs regni calorū: Mat. 16. 19*  
& quodcūq; ligaueris super terram, erit ligatum &  
*in calis*; hoc nos audientes, credimus veram &  
supremam in terra ligandi, & soluendi pote-  
statem, residere in summo Pontifice: quia hoc  
habet expressè textus scripturæ: quia vtrum-  
que os Domini locutū est: quia veritas Iesus  
vtrumque veraciter protulit. Ideo hæc firma. *Rō. 10. 10*  
fide, & corde credimus ad iustitiam: ore autē con-  
fitemur ad salutem, sicut nos Paulus docuit, cō-  
tra omnes versutias & vesanias, quæ indocti &  
instabiles (hæretici) ad suam ipsorum perditionem. *2 Pet. 2. 16*  
adinuenerunt, & quotidie adinueniunt, pro-  
ut de illis princeps Apostolorum prædixit.

III. PARS.  
Signa Eccle-  
siae.

Quare vt ad vltimum, quod proposuimus, deueniamus: ex iam dictis haud difficile erit  
demonstrare, & cognoscere, vbinam sit in ter-  
ris vera Christi Ecclesia, vbi verò Sathanæ Sy-  
nagoga. Et vt ab hoc, quod vltimo diximus  
loco, atque ab Hæreticorum Principiis incipi-  
amus. Cum certum & proclamatum sit ab il-  
lis, ibi esse Ecclesiam Christi, vbi verbum Chri-  
sti, & Euangelium syncerè prædicatur, cumq;  
tum in tota concione, tum verò iam iam de-  
mōstratum sit, nos verba Christi Domini syn-  
cerè prædicare: illaq; ita vti sonant, intelligere;  
Hæreticos verò ea tot peruersionibus, quot  
vix iam numerari possint, obscurare: certum  
etiam



1. Veracem  
esse.

3. Reg. 22.

22 Ioã: 8.

4. Ioan:

15. 26.

3. Docere q̃  
facis.

Mat. 5. 37

etiam erit nos veròs Euangelicos, illos contra pseudoeuangelicos esse: ac proinde nos veram Ecclesiam, illos autem Synagogam Sathanæ habere. Deinde cùm non minùs sit euidens, tum ex scriptura, tum ex confessione aduersariorum, spiritum Sathanæ esse mendacem, Spiritum verò Christi veracem; euidens quoque erit, Caluimium qui inter primos Prophetas, & Hæreticorum antesignanos numeratur, spiritum Sathanæ habuisse; vtpote qui & contra Catholicos, & contra ipsam scripturam, euidentissima mendacia protulit. Duo hic notauimus, alia pro occasione recensebimus. E contra verò in prophetis Ecclesiæ Catholicæ, non nisi *est, est, non, non*, id est veritas reperiatur. Præterea signum Ecclesiæ est, id docere, quod vis fieri, Synagoge insigne est, id arguere (imò pro nota Antichristi habere) quod ipsa facit. Notum est autem omnibus, quòd hæretici inter alias notas Antichristi (qui utiq; spiritum Sathanæ habebit) hanc quoq; reponant, aut expellere, aut occidere quempiam, in negotio fidei, aut etiam libros hoc nomine flammis tradere. Nam vt illi aiunt, fides debet esse libera. Ceterum cùm non minùs clarum sit, illos hæc publica autoritate patrare omnia; clarissimum etiam erit, apud illos verè esse synagogam Sathanæ: apud nos verò Ecclesiam, vbi quicquid hac in parte legitimè sit, idem etiã docetur sed argumentũ, hoc post duas dāte deo hebdomadas tractabimus, & excutiemus diligentius.

Quod verò ad figuram lepræ, de qua in hac concione differuimus, & rem figuratam attinet, inde quoque, ex iis, quæ dicta sunt, nec pauciora, imò multò plura, nec minus illustria, signa, & argumenta habemus ad agnoscendâ veram in terris Christi Ecclesiâ. Quorum istud est fundamentum, quod hæretici aut nolunt intelligere, aut intellectum impudenter calumniantur, & apud suos traducunt.

Nos qui in Ecclesia Catholica sumus non id velle, ut quæ in cærimoniis veteris legis age-

4. Benè de figuris sentire.

bantur, eadem in noue permaneant, cum sciamus tales leges per Christum abrogatas esse: sed hoc volumus, quod vult scriptura: Ea, quæ in illa lege fiebant, figuram & prenotionem quandam fuisse illarum rerum, quæ & à Christo acta sunt, & in Ecclesia ipsius aguntur, & peragentur usque ad consumationem sæculi.

NOTA.  
Fudamētū.

Quemadmodum ergò Apostolus *Sacerdotiū Melchisedechi sanguinem hircorum, & taurorum, & cinerem vitule aspersum: nec non tabernaculū cum candelabris mensa, panibus propositionis, & aliis ad id pertinentibus, & multa alia, Christo Domino, & Ecclesiæ eius, nouoq; testamento applicat, cum in aliis Epistolis, tum verò ad Hebræos scribens, ubi copiosè per nō pauca capita, de hoc disserit: ita Ecclesia Christi & eius doctores, hoc ipsum facientes, adimplent grandem illum sermonem, quem se non potuisse dicere testatur idem Apostolus. Itaque sicut aliud fuit sacrificiū Christi Domini, quod corpus*

Heb. 5. &  
cer. Heb. 9.  
13. Heb. 9.  
& 9.

Heb. 8. et



corpus & sanguinem ipsius, sub speciebus panis & vini in se continet: aliud *sanguis hircorū & cinis vitula aspersus*; & aliud sanguis Christi, quo aspergemur, & quo in baptismo iustificamur in Christo Iesu in morte ipsius baptizati, ut ait *Heb. 9. 13.* Apostolus; & tamen illa hæc præfigurabant: Ita longè aliud erat leprosi emundatio, quæ fiebat per Sacerdotes veteris testamenti, & aliud emundatio à peccatis; quæ fit per sacerdotes noui: nihilominus illa hanc præsignabat, prout hucusq; copiosè demonstratū est: & ita demonstratum, ut ea quæ tunc agebantur in figura multò melius conueniāt ipsi rei figuratæ: lepræ videlicet spirituali potius quàm corporali; ac proinde, ut dixi, digito quasi extenso demonstrant non alibi, quàm apud Catholicos esse veram Christi Ecclesiā.

1. Ibi etenim natura, & signa illa lepræ corporalis à Deo data, & perfectius & clariùs elucet in lepra spirituali, præsertim verò in hæresi.
2. Ibi diuisio illa in lepram mundissimam; quæ totum corpus occupabat, & immundam, quæ sani aliquid relinquebat, pænaq; huic assignata, quorsum tendebat, & quidnam in cætu fidelium noui testamenti gerendum præsignabat, ad oculum videtur. Ibi non solum in hominibus, sed etiam in aliis rebus, in primis verò in supellectili pellicea, id est in libris, lepra spiritualis & agnoscitur, & comburitur. Ibi non lepræ corporalis, quæ propriè ad medicū corporalem pertinet, sed lepræ spiritualis, diuidi-

diudicatio ad Sacerdotem tanquam ad proprium iudicem remittitur. Ibi tota potestas lepræ spiritualis diiudicandæ in vno principe Sacerdotum residet, vnde ad alios pro necessitate, & officio, & charitate diffunditur. Ibi ad discernendam lepram spirituales & infinitas quasi ipsius species, multò maior diligentia præcepto canonum adhibetur, quàm in lepra corporali adhibita fuit vnquam. Ibi ipse met leprosus spiritualis, non solum rerum suarum, sed etiam sui ipsius, est delator & accusator egregius. Ibi non inuoluntaria (vt tunc fiebat) sed volutaria lepra infecto, merito pro qualitate criminis maiores vel minores pænæ, pænitiæ, & afflictiones imponuntur, & perficiuntur. Ibi deniq; non declaratio, vt tunc fiebat, leprosum esse mundatum; sed vera leprosi spiritualis mundatio & institutore Christo possidetur, & eodem rectore peragitur. Quare cum hæc omnia in Catholica Ecclesia reperiantur, prout oculis ipsis conspiciamus; è contra verò apud illos, qui se ab ea segregarunt, non solum nihil fiat tale; verum etiam adsit ibi mendax, impudens, & infana planè libido, hæc vniuersa carpendi, infectandi, blasphemandi; Conuincitur euidenter non alibi, quàm in ea, in qua nos per gratiam Christi Iesu sumus congregatione, veram Ecclesiam, eiusdem Christi sponsam, reperiri.

Quæ cum ita se habeant, vt iis quæ in the-  
mate

Conclusio  
& p. thema  
exhortatio.



mate proposuimus, & à quibus capimus verbis faciamus, te ego quicumq; à Ministris Sathanæ es seductus, eisdem quibus Christus Iesus leprosum istum, alloquor verbis: **V A D E** inquam, ne sed eas in *cathedra pestilentiae*, per quam David infidelitatem intelligit, ne sis pertinax; tum in iudicio mentis tuæ; tum in quavis impietate: ne stertas in vtramq; aurem delusus inani hæreticorum securitate: sed **V A D E, O S T E N D E**, Ne celaueris, sed prodas, ne dissimules, sed syncerè referas, ne excuses, sed accuses, **T E**, non alium; quod fit ut plurimum (prout primi parentes nostri, cum magno, & suo, & nostro malo fecerunt) tu verò reum te facias, te inquam, & tuam conscientiam accusa, quod tam diu negligens in procuranda salute tua fuisti; quod aures impietati & perfidiæ aperuisti, à veritate autem auertisti, & clausisti; quod iudicium tuum omnibus sanctis, & toti Ecclesiæ; superbè nimis prætulisti: propter hæc & his similia multa; **V A D E O S T E N D E T E S A C E R D O T I** vel summo, vel qui ab eo potestatem accepit; **S A C E R D O T I** inquam noui testamenti, quem Christus Iesus iudicem omnis lepræ spiritualis constituit, cui soluendi, & ligandi in terra potestatem tradidit; & ad quem vniuersos peccatis (maximè verò hæresi) constrictos, ire præcepit. Ad hunc, vade, huic caput tuum submitte, ad eius pedes te proice; illi quicquid in corde latet, veraciter edisserere; ab eo

ab eo instructionem, consilium, auxilium, ipsamq; absolutionem postula, & submissè roga. Ita enim fiet, vt non à carnali, sed à spirituali lepra curatus restituaris gremio Sæctæ matris Ecclesiæ, in qua *sobriè, & iustè, & piè vivens* ( vt te Apostolus monet ) vsq; in finem vitæ, post hunc finem, sine fine videas Deum trinum & vnum, viuentem, & regnantem, in sæcula sæculorum AMEN.

*Tit. 2. 12.*

## CONCIO TERTIA.

### Spes.

PARS EVANGELII  
DE LEPROSO,  
CVM DOCTRINIS.

*Cum descendisset Iesus de monte.*

**I**Nter eximia, quæ ad spem in nobis excitandam leguntur per annum Euangelia, meritò hoc, quod audiuitis computari & potest, & debet. Vtraq; enim eius pars, egregia huius rei in se continet, tum argumenta, tum incitamenta. Quis enim hominum nō sperabit à Christo salutem, cū videt omne hominum genus hodie ab illo obtinuisse salutem? Quicquid enim tum temporis erat hominum in mundo, in duas quasi classes diuidebatur, nempe in Iudæos, & Ethnicos. Vtriusq; hīc exemplum habes, vtrumq; genus curatur. Leprosus enim ex Iudæis, paralyticus verò ex gentilibus fuit. Omne igitur ge-

Euangelii hoc accommodum, ad spem excitandam.



*Mat: 1. 28*  
Qualis Sal-  
uator Iesus.

*Ioan: 4. 22*

**TROP.**  
Agendū de  
leproso.

nus in sua radice hodie accipit salutem à Saluatore; vt agnoscas, & Iesum solum esse qui saluat vniuersos, & sine Iesu nullam esse sperandam salutem. Itaq; in illo spes nostra tota est collocanda sicut isti in eo collocarant suam. Imò verò à nobis multò magis: tū quòd maiorem nos notitiam habeamus Christi Iesu, quàm illi habuerunt; tum quòd non corporalem, sed spirituales à Christo speramus salutem, quam tribuere vtiq; maximè est illi proprium. Quo teste? Angelo Domini, qui non ideò Iesum, id ē, Saluatorē nūcupādum prēdixit, quòd corpora, sed quòd animas curaturus & saluaturus esset. Sic n̄. ille ad Iosephum virginis sponsum ait. *Et vocabis nomen eius Iesum: ipse enim saluum faciet populum suum à peccatis eorum.* Ad ipsum igitur est nobis recurrendum istorum exemplo; confidendo fideliter, & orando humiliter: Oratio enim indiuidua est spei pedissequa. Incipit autem Iudæus: *quia salus ex Iudeis est* teste Christo; sequitur gentilis. Benè ille, sed melius iste: multò melius autē debet id prēstare Christianus. Quod vt fiat Euangeliū videamus. Sed quia totum explicare non est opus horæ vnius, sed plurium, idcirco primam eius partem hīc videbimus, alteram alteri concioni reseruantes.

Quare in hodierna concione leprosi historiam considerabimus, textum explicando, & doctrinas tum ad vitæ nostræ emendationē, tum ad viux spei corroborationem inde hau-  
riendo

riendo. Da Christe Iesu, vt ita id faciamus, quo cum à corporali tum verò à spiritali lepra, & liberemur, misericordia tua, & præseruemur.

CUM DESCENDISSET IESVS DE MONTE *Matt: 5. 1.*  
illo, in quem conscenderat cum solis discipulis, vbi longum illum, & pulchrum sermonē de beatitudinibus, & de perfectione legis Euāgelicæ ad eos habuit.

SECVTÆ SVNT EVM TVRBÆ MVLTÆ, *Christus cū letitia suscipiendus. Exo: 19. 18.*  
quæ ad radicem montis eum expectabant. Ascenderat enim Christus Dominus illis visis

in montem, vt nouus legislator, veterē imitatus in monte legem nouam Euangelii promulgaret illis, qui ad eam per totum orbem disseminandam destinati erant. Vtq; ipso situ loci doceret, predicatorem verbi diuini, mente in montem sanctum Domini ascendere & cor sursum eleuatum habere oportere. Quomodo enim is aliena corda sursum in cælum pertrahet, qui suum in terra terrenisq; desideriis sepeliuit? Cauendum est igitur maximo pòre nobis Ecclesiasticis hoc malū, si messem plurimā in horrea Domini, prout debemus, inferre volumus. Quanta verò cum lætitia & voluptate turba illa Dominū Iesum redeuntem susceperit, id vobis meditandum relinquo. Nemo enim ignorat quanta cum iucunditate accipiat, quod magno cum amore, & desiderio expectatur. Porrò turba hæc amoris diuini expers esse non potuit, quæ tū

*Christus cū letitia suscipiendus.*



negotiis, & commodis propriis; tum etiam ipsis domibus relictis, usque in deserta loca Christum Dominum sequuta fuerat. Demus igitur operam dilectissimi, ut nos quoque eam imitemur: nam & hoc diuinæ spei in nobis excitandæ pulchrum est incitamentum. Sed videamus iam, quid nā Christo Iesu de monte descendente acciderit. Describit id noster Euangelista cum inquit:

*Luc: 5. 12.*  
Concordā-  
tur Euange-  
listæ.

Leprosus  
quomodo  
in ciuitate  
inuētus est.

ET ECCE LEPROSVS VENIENS;  
Diuus Lucas verò asserit, quod hoc *factum est, cum esset in vna ciuitatum*. Id circò cogitandum est nobis, non statim post descensum Christi de monte, hæc accidisse; sed aliquanto post dum quandam transiret ciuitatem. Vnde etiā colligimus, quòd licet leprosi ciuitatibus excluderentur, licitū tamen fuisse, victus emendi, vel emendicandi causa, in ciuitatem ingredi; nisi dicere velimus hunc ultro citroque in ciuitatem irruisse. Quod si literaliter interpretari voluerimus sanitatis recuperandæ gratia id illum fecisse dicemus: sin mysteriū quærimus, hæreticos qui se contra statuta superiorum in ciuitates ingerunt, denotari iam aliās diximus. Non solum autem leprosus iste accessit ad Iesum; sed etiam.

Christ⁹ ad-  
ratur vt De⁹.

ADORABAT EVM DICENS. Hæretici, Calvinus, & Anabaptistæ, qui semper timēt, ne cui sanctorum, imò ipsi sancto sanctorum nimium honoris tribuant (cū tamen sibi metipsis tribuant plusquam nimium: O deploranda

ploranda amoris proprii conditio, à Catholicis plusquam aspis, vel Crocodilus, fugienda) asserunt, reuerentiam tantum quandam urbanitatis causa, leprosum Christo exhibuisse.

At nos cum Chryostomo, & aliis sanctis, diuinum honorem Christo exhibitum, arbitramur: cum propter D. Lucā, qui asserit, quòd hoc fecerit *procidens in faciem*; tum verò propter verba ipsius leprosi. Ait enim.

*Chryostom.  
hom: 26. 17  
Matt. Luc:  
s. 12.*

DOMINE SI VIS POTES ME MVNDARE. Vides quàm confidenter loquatur?

quàm de potentia ipsius nihil dubitet? Quis verò præter Deum id facere potest? Possunt

*3 Reg. 17. 19*

inquiunt, & fecerunt alii etiā Prophetæ, imò & maiora; quia & mortuos suscitauerunt, & alia

*4 Reg: 4. 32*

patrarunt miracula. Fecerint sanè, sed longè alia, quàm Christus ratione; quod aliquando

Occupatio

differentiā

inter Chri-

stum & alios

ponit.

à nobis copiosius pertractandum erit: nunc enim & festinamus ad alia, & cōtra hæreticos

ex professo non agimus. Certè qui Christi lesu responsum cum imperio prolatū V O L O,

M V N D A R E, sano mentis oculo in tuebitur, facile animaduertet, & Prophetas tali modo

nūquā locutos fuisse, & Christum se esse Deū demonstrasse. Sed, vt dixi, hisce ad aliud tem-

pus reservatis, consistamus parumper & consideremus diligentius quod huic concioni

proprium est: orationem inquam leprosi huius, qui cum nihil petere videatur, multa ta-

men, & valde efficaciter petit. Estq; hæc eius oratio tum mysteriis, tum spei plena.



Primū my-  
steriū in ora-  
tione leprosi.

Primū igitur perpendere licet, magnam  
leprosi huius sapientiam: qui benè sciuit,  
quæ ad quoduis opus humanum requirun-

Tria ad op<sup>o</sup>  
humanum  
requirūtur.

Scire.

Posse.

Velle.

tur, vt opus effectum sortiatur suum. Tria  
etenim ad id sunt necessaria, nempe, nosse,  
posse, velle; nosse quid sit factū opus, potē-  
tiam & vires ad id perficiendum habere, & fa-  
cere velle. Quicquid autem horum trium  
deerit, in casum recidet quoduis opus. Et de  
duobus quidem prioribus nihil dubitat le-  
prosus: nouerat enim sciuisse Christum ipsi-  
us infirmitatem, quæ patuit omnibus. Quod  
verò potuerit ab eo curari, en fatetur. De  
voluntate, quia illi non constabat, ideò vt  
velit, orat & sperat: nisi speraret, non oraret.

Qui orat  
sperat.

Nam qui orat, sperat: orat autem dicens:  
D O M I N E S I V I S, quasi dicat, velis o Do-  
mine, velis rogo. Neq; verò spes & fiducia in  
misericordia Christi collocata, fefellit eum;  
neq; nos fallat, si talem qualem ille spem ha-  
buerimus. Ceterū consideremus quæso,  
quonam modo hæc tria se habeant respectu  
boni, & mali, id enim ad vitæ nostræ dire-  
ctionem non parum proderit. Sciendum i-  
gitur est, respectu boni hæc tria, bona esse o-  
mnia: nam & scire bonum, & posse facere bo-

Quomodo  
hæc tria se  
habeant.  
Respectu  
boni.

Et Respectu  
mali.

NOTA.

num, & velle bonum, optimum est: respec-  
tu autem mali, secus se res habet. Etenim  
scire quidem malum, malum non est, quod  
ne ipsi philosophi ignorarunt, redduntq; rei  
huius rationem, sed paulò subtiliorem, ideò  
eam

eam relinquamus. Sufficiat nobis exemplum ipsius Dei, qui licet sit optimus, nouit tamen malū: quomodo enim puniret, quod ignoraret? Et Paulus clamat: *Omnia autem nuda & Heb: 4. 13. aperta sunt oculis eius*: Omnia omninò bona, & mala. Scire igitur malum, bonum est. At verò velle malum, bonum non est: imò tantum malum est, vt velle solummodo malum pro peccato computetur, etiam si opus non sublequatur. *Qui enim viderit mulierem ad concupiscendum eam, iam machatus est*, ait veritas Christus Iesus. Quid verò dicemus de potentia mali? Id videlicet, posse malum, non esse per se malum, est tamen signum imperfectionis, & naturæ ex nihilo conditæ. Ideò Deus facere non potest malum. Neq; verò id impotentiam eius arguit (vt simplex aliquis opinari posset) sed omnipotentiam potius; prout aliàs declarauimus. Omnis igitur homo potest facere malum, & peccatū. (Christū Iesum semper excipio: is enim non purus homo, sed & Deus fuit, ac proinde ne culpa in personam diuinam redundaret; malum, seu peccatum facere non potuit) neq; id est ei malum, quia est secundum naturam ipsius, quæ est ex se defectuosa, quia ex nihilo condita; neque vituperabile, quod possit facere malum, sed laudabile, si illud non faciat. Id enim expressè testatur sapiens, cum inquit: *Qui potuit transgredi & non est transgressus, facere malum & non fecit.* Eccl: 31. 10

Quare secundum hæc tria, scrutemur, nostra

Posse malū  
nec Deo,  
nec Christo  
competit.  
Dom: 2.  
Aduent:  
Conc. 1.



## DOM: III. POST EPIPHANIAM.

opera iisq; bene vtamur: sic enim & agnosce-  
mus, & effugiemus peccatum. Verum dicet  
fortè aliquis; præter hæc, requiri quartum,  
nempè opus ipsum, & executionē. Respon-  
deo. Istud in iam dictis comprehendi: nam  
si te aliquid impediat, ne perficias quod volu-  
isti; tunc si opus quod molitus eras, malum  
fuit, peccasti, vt ex ore ipsius Christi audiuiti:  
quòd si bonum fuit, meritum habuisti: quia  
non per te stetit ne illud perficeres. Si bonū,  
quod nemine impediēte facere potuisti, exe-  
cutioni non mandasti; omninò neq; facere  
illud in veritate voluisti. Quo teste? non solū  
scriptura, & philosophis; sed etiam vobismet  
ipsis testibus. Nunquid enim de homine pro-  
digo, qui omnia sua dilapidat, dicere non so-  
letis, iste homo non vult habere bene? quod  
quamuis ipse neget, vos tamen & constanter,  
& verè asseritis. Quicunq; enim ad opus,  
quod perficere potest, media necessaria adhi-  
bere non vult, neq; opus illud veraciter vult  
facere prout antea diximus, & sæpe dicendum  
erit: Velleitatem enim tantū (quam vocant)  
non autem veram voluntatem ad id præstan-  
dum habet. Hoc est ergò in leprosi istius ver-  
bis, breuibus quidem sono literarum, sed co-  
piosis in intelligentia mysterium primum.

Alterū my-  
steriū medi-  
tationē cō-  
tinet de Deo

Alterum est, concioni huic magis etiā pro-  
prium. Insinuat enim nobis iste leprosus hi-  
sce in verbis, meditationem quandam; altam  
quidem (ideò diligenter audienda est, & exer-  
cenda

cenda humiliter) verumtamen ad spem in nobis excitandam valde eximiam. Possumus etenim ex duobus illis verbis *VIS* & *POTES* Per Quatuor combinationes facere, easq; de diuina contemplari essentia. Nam sunt aliqua, quæ Deus & potest facere, & vult fieri: alia è contra, quæ nec vult, nec potest: alia quæ potest quidè, sed non vult: alia quæ modo quodam vult, sed non potest. Circa primum punctum, primamq; combinationem contemplari licet omnia, quæ fecit nobis Deus, facitq; & quæ in posterum præstabit beneficia creationis, redemptionis, vocationis, iustificationis, conuersionis, & alia infinita, ipsamq; deum glorificationem, & gaudia, quæ præparauit Deus iis, qui diligunt illum. De creatione sæpe David, vt cum inquit: *Ipsè dixit, & facta sunt*, quia facere ea potuit, *ipsè mandauit & creata sunt* quia fieri ea voluit. Quæ autem propter hominem creauit Deus, & quomodo illa in potestatem eius dedit, describitur cum alibi, tum verò toto Psalmo octauo. Quamuis si bene rem consideremus, non solum creationis, sed etiam Redemptionis, in eodem Psalmo nō desunt pulchra mysteria; teste & Christo, & Apostolo: Quare vtriusque contemplationis administrare nobis poterit materiam. Sed maiorem dabit materiam redemptionis, totum nouum testamentum, quod ad hæc duo si voles reduces verba. Cur em̃ Christus Iesus redemptionem nostram perfecit?

Per Quatuor combinationes. Deus enim.

1. Quædam vult & potest vt.

1. Cor. 2. 9.

Psal. 148. 5  
Creationē

Mat. 21. 16

Hebr. 2. 6.


Redemptionem.



nonnisi quia & potuit, & voluit id facere. V-  
*Joan: 10. 15.* trumq; ipse de se in eodem sermone testatur;  
*Ibid: 18.* Cum enim inquit: *Animam meam pono pro ouibus meis*, voluntatem suam declarat: Cum autem subdit: *Potestatem habeo ponendi eam, & potestatem habeo iterum sumendi eam*; potentiam suam demonstrat. Et hoc ipsum, tam in hisce, quæ nobis Enangeliû hodiernum describit omnibusq; aliis miraculis; tum verò in institutione Sacramentorum, obseruare debemus: quæ si nostri Heretici considerare vellêt. in tam turpes nō prolaberentur errores. Crederent enim & incarnationem Verbi Anabaptistæ; & Christi præsentiam in Eucharistia pertrāsubstantiationē Calvinistæ. Potuit siquidem Christus incarnari, quia *Deus erat Verbum*, ideoq; fuit. estq; omnipotens. Voluit autem, quia subditur: *Et Verbum caro factum est*; quod aliis dixeris verbis: Deus voluntariè incarnatus est. De Eucharistia verò ipse *Mat: 26. 26* Christus inquit: *Accipite, & comedite, hoc est corpus meum*: quibus expressè tum potestatem, tum voluntatem suam id faciendi declarauit. Verùm nimis lōgi esse deberemus; si quæ huc spectant recensere, vel saltem insinuare tantum vellemus. Quare delibasse hæc sufficiat: vos interim non absimiles his, si placet, formate vobis meditationes, tum de vocatione, iustificatione, conuersione; in quibus profectò D. Paulus est admirabilis, omnia hæc in seipso considerando, & ad diuinam referendo volun-

Et alia multa.

voluntatem, ac potestatem: tum de aliis my-  
 steriis fidei nostræ. Neque verò gratis, & spe- Quæ frustra-  
 osè sunt me-  
 ditanda.  
 culatiuè tantum faciendum id erit: sed erum-  
 pendum est sæpius in gratiarum actiones, ad-  
 mirationes, deprecationes, obsecrationes; nec  
 non in actus, & exercitia fidei, spei, charita-  
 tis, laudisq; diuinæ. Id enim pueri in camino  
 ignis cantantes, id Dauid frequenter & ipse  
 psallens, & alios ad laudandum Deum exci-  
 tans; id cæteri Prophetæ, id Apostoli fecere,  
 quos imitari vtilissimum, æquissimum, & sua-  
 uissimum est. Hoc est igitur primum huius  
 contemplationis punctum, primaq; combi-  
 natio, de iis, quæ & potest & vult, ac proinde  
 facit Deus.

Sunt autem alia, quæ nec vult, nec potest 2. Alia Deus  
 nec vult nec  
 potest vt.  
 Peccata.   
 Eccl. 10. 22  
 facere Deus: qualia sunt omnia peccata, cul-  
 pæ, iniquitates. Qua de re sic inquit Sapiens:  
*Non est creata hominibus superbia, neque iracundia  
 nationi mulierum.* Cum ergo hæc, hisq; similia  
 non fuerint creata, neque erunt à Deo, à quo  
 sunt omnia creata. Non sunt autem ista à Deo,  
 quia Deus nec voluit, nec potuit ea facere:  
 noluit, quia vitia sunt: vitium autem & pec-  
 catum Deo non placet: non potuit verò ea  
 facere, quia defectuosa sunt, & ex defectu pro-  
 cedunt: in Deum autem nullus defectus ca-  
 dere potest. Dices vnde ergò sunt peccata? Vi. Mortem.  
 Inde vnde & ipsa mors, quæ est pœna peccati. Rom. 5. 12  
*Per peccatum enim mors,* ait Apostolus: quod  
 & videre licet in casu primorum parentum.  
 Mors



*Gen: 3. 19.* Mors vero vnde? Respondet Sapiens: *Inui-*  
*Tū corporis dia autem diaboli mors introiuit in orbem terrarum:*  
*Sap: 2. 24.*

morsq; duplex: tum corporum, tum animo-  
 Tum anime rum, seu spiritus. Illa euenit per separationē  
 animæ à corpore; hæc per separationem gra-  
 Quod sint ista, tiæ diuinæ, siue ab anima, siue à spiritu. Mor-  
 tis corporalis autor fuit Diabolus tentando:  
 mortem verò spiritualem causauit in seipso  
 male operando, & contra Deum superbien-  
 do; in hominibus verò, mala eis suggerendo.

Vnde pro-  
 ueniunt,

Rectè igitur dicitur, quòd *inuidia diaboli mors*  
*introiuit in orbem terrarum:* vtramq; enim mor-  
 tem. in vtraq; creatura rationali, inuidia dia-  
 boli operata est. Primam ipse incurrit Luci-  
 fer cum suis apostaticis spiritibus, quando in-  
 uidia correptus dixit: *Ascendam super altitu-*  
*Isai: 14. 14* *dinem nubium, similis ero altissimo.* Alterius quo-  
 quē ipse author fuit, quando eadem constri-  
 ctus inuidia, Euam aggreditur, tentat, vincit,  
 eaq; ratione. tum in ea, tum per eam, toti ge-  
 neri humano causat mortem. Omnis autem  
 mortis, vt ex Apostolo audiuius, causa est  
 peccatum: *Per peccatum enim mors* ait ille. Pec-  
 cati verò quæ est causa? Nihilum; quod est in  
 creatura rationali. Hæc enim quia ex nihilo  
 condita est, ideò in nihilum tendere potest,  
 ideò defectuosa est; ideò peccare potest, quod  
 & fecit, quia peccare voluit: tum Angelus,  
 Quod reme- tum homo. Contemplatio hæc, cum aliis,  
 dium, tum verò D. Augustino familiaris, alta quoq;  
 est: qui potest eam capere capiat, qui non po-  
 test

test credat. Omnes autem dum hæc medita-  
mur, diligentem demus operam, vt Deum  
potius, qui semper facit bonum, quàm Dia-  
bolum qui facit peccatum, sequamur, & imi-  
temur. Quòd si imitati sumus Diabolū, ma-  
la patrātes, cessemus obsecro, ac de præteri-  
tis dolentes, contritionem habere studeamus;  
vt à Deo misericordiam obtineamus, qui &  
potest & vult nos & sanare, & saluare.

Quod verò Deus aliqua velit, sed facere  
non possit, valde sobriè, & non nisi modo  
scripturæ consueto est intelligendum. De  
Christo Deo sic inquit Euangelista: *Et non po-  
terat ibi virtutem ullam facere, nisi paucos infir-  
mos impositis manibus curauit.* Voluisse autem  
illum, ex admiratione satis liquet. De Deo  
autem, magna illa tuba sic canit. *Qui omnes  
homines vult saluos fieri, & ad agnitionem verita-  
tis venire.* Nihilominus non omnes saluan-  
tur, nec omnes ad agnitionem veritatis per-  
ueniunt, volente licet, sed non valente Deo.  
Quare? Quia ipsi veritatem respuunt; quia  
saluari nolunt. Deus autem non vult quen-  
quam inuitum habere in regno suo, *Deus e-  
nim ab initio constituit hominem, & reliquit illum  
in manu consilij sui. Adiecit mandata & præcepta,  
sua, si volueris mandata seruare, conseruabunt te:*  
ait sapiens. Dilectus verò discipulus Christi  
inquit: *Dedit eis potestatem filios Dei fieri.* O po-  
testas eximia, o beneficium summum, quod  
qui respuit; hunc saluare non potest Deus.

*¶ Quædam  
vult & non  
potest.*

*Mar: 6. 5.*

*Vt curatio-  
nem.*

*1 Tim: 2. 4  
Vt Salutem.*

*Vnde id pro-  
ueniat.*

*Eccl: 15. 14*

*Ioan: 1. 12*

Sicut



Exemp. de-  
claratur.

Mat. 23: 37

Quā id mi-  
serum.

NOTA  
Quomodo  
Dei volun-  
tas semper  
impletur.

Remediū.

Gal. 6. 10.

Sicut enim dicitur quod in patria sua Christi-  
stus non poterat virtutem facere, quia noluit si-  
ne fide quēquam curare: ita magis etiam pro-  
priè dicendum est, Deum qui omnes homines  
vult saluos fieri non posset tamen saluare illum,  
qui mediis ad salutem necessariis non vult v-  
ti, qui mandata & præcepta eius non custo-  
dit, qui vt vno verbo dicam, saluari non vult.  
Hoc ipse Christus expreis verbis testari vide-  
tur, cum exprobrans populo illi ingrato, in-  
quit Hierusalem quoties volui congregare filios tu-  
os, quemadmodum gallina congregat pullos suos sub  
alas, & noluisti. Vbi habemus & illum volu-  
isse, & tamen non potuisse; quia ipsi nolue-  
runt. O miserum & deplorandum hominē,  
qui facit ne possit, quod vult facere Deus.  
Sed inquis potentior ergò erit homo, quàm  
Deus? Absit, imò multò impotentior: tum  
quòd hoc ipsum ex impotentia procedat, vt  
dictum est: tum quòd semper lucratur De-  
us, nec vnquam suo frustratur fine. Qui enim  
non vult experiri ipsius misericordiam vt sal-  
uus fiat, quod voluit Deus; experietur ipsius  
iustitiam, & damnabitur, quod æquē vult  
Deus. Itaq; si noluerimus habere placatum,  
non effugiemus iratum, & sic semper exple-  
bitur voluntas ipsius. Ergò dum tempus habe-  
mus operemur bonum, vt nos monet Aposto-  
lus; ne illic, vbi tempus nullum erit, seue-  
ram iustitiam, sed benignam experiamur  
misericordiam diuinam; velimusq; quod ipse  
vult

vult nos velle, ut ipse possit facere, quæ cupit, quòdquæ fieri multum expedit nobis.

Postremum contemplationis huius punctum, in re tantam difficultatem non habet: <sup>Quidam</sup> facile enim quisque, intelligit, multa esse quæ <sup>potest sed</sup> potest quidem, sed tamen non vult facere <sup>non vult.</sup> Deus. Potuit enim multos creare mundos, potest creata omnia ad nihilum redigere, potest infinita alia præstare, quæ tamen neque fiunt, neque fient; quia illa fieri non vult Deus. Hoc scitu est facile: sed difficile valde, imò & periculosum, & impossibile, horum causas inuestigare: propterea supersedendum est huic negotio, & memores esse oportet dicti sapientis: *Altiora tene quasieris, & fortiora te ne scrutatus fueris. Sed quæ præcepit tibi Deus illa cogita semper, & in pluribus operibus eius ne fueris curiosus: non est enim tibi necessarium, ea quæ abscondita sunt videre oculis tuis.* Talia sunt, & hæc quæ diximus, & illa: Cur isti vocantur, alii relinquuntur? Cur pii affliguntur, impii prosperantur; (quæ contemplatio etiã prophetas torfit) Cur unus plura, alter pauciora habet media ad salutem, & alia generis eiusdem. Ista igitur fugienda sunt. Possumus tamen, cum admiratione & magna humilitate, hinc quoque cor nostrum ad gratitudinem & amorem ipsius excitare: nihil determinando, sed benignitatem ipsius erga nos admirando, videlicet, quòd nos inter Christianos & Catholicos nasci voluerit, quòd ad bapti-

smum

*Ecc. 3. 22.*  
Causæ horum  
non inuicti  
gande.

*Iob. 21. 7.*  
*Psal. 72. 2.*  
*Ier. 12. 1.*

Gratiz agen  
dz.



finum vocauerit, quòd ex multis periculis cum corporis, tum verò animæ eripuerit; quòd ad pænitentiam pertraxerit, &c. quæ omnia & his similia; infinitis hominibus aliis, non præstitit beneficia: non quia non potuit, sed quia noluit. O bonitas, ô misericordia, quas tibi dignas pro his gratiarum actiones agemus, qui immeritis hæc nobis præstitisti beneficia? Quomodo enim mereri potuimus, qui necdum fuimus? Verum hæc sufficiat & de pūcto isto, & de toto hoc altero quadripartito ex dictis leprosi collecto mysterio.

Tertium in verbis istis DOMINE SI VIS  
 Tertiū my- POT ES ME MVNDARE libet considera-  
 sterium Tē- re mysterium, vel doctrinam potiùs, & in-  
 poralia con- structionem; quomodo nos in petendis à  
 dicatione petenda esse. Deo rebus ac beneficiis temporalibus, siue  
 vt nobis concedat aliquid boni, siue vt nos  
 liberet ab aliqua pœna & malo, gerere debeamus.  
 Eximium namq; , & rarum huius rei, in ista leprosi oratione habemus exemplum.  
 Et primum quidem verbum: primum & præ-  
 cipuum dat nobis documentum, nempe vt  
 in talibus voluntatem nostram cum voluntate  
 diuina coniungamus, & non nisi cōdicionatè talia petamus. SI VIS inquit, voluntati id ego, & misericordiæ tuæ relinquo.  
 Non nimis vrgeo, non contendo, non lamentabor, etiam si negaueris quod peto. Ita facite dilectissimi: id enim & Deo placet, & expedit nobis. Idemq; & docet ratio, & suadet exem-

Hoc docet  
 hic leprosus.

exemplum. Ratio est: Cùm enim ignoremus, quidnam sit nobis vtile, & ita ignoremus, vt nō rarò petamus quæ noxia sunt nobis, nobis inquam, id est, animæ nostræ, quæ præstat omnibus, ( imò nonnunquam etiam ipsi corpori nociua petimus ) quid igitur aliud conuenit, quàm vt ab eo, qui nouit omnia, conditionatè isthæc petamus? Absit enim, vt si nouit non expedire, præstet ea nobis. Sed & exemplum quotidianum in promptu est. Nunquid enim vos patres filiis vestris conceditis, si quid aut veneno illitum, aut perniciosum sibi petierint? Minimè verò; quin imò si fletu, aut eiulatu nimium urgeant, castigatis eos, & castigando docetis, vt non nisi conditionatè, si dare vobis placuerit, in posterum, talia à vobis petant. Eodem igitur modo, tu quoq; cum parente tuo, Deo Optimo Maximo te geras; qui multò melius nouit, quid tibi expediat, quàm tu scias, quid infanti tuo vtile sit. Multò enim satius est tibi cum resignatione non impetrare, quod vis; quàm importunè extorquere, quod desideras. *Exemplo sint tibi D. Paulus, & diabolus. Quorum illæ ter dominum rogauit vt stimulus carnis discederet ab eo, & nō impetrauit, cum suo magno bono, dictum est enim illi à Deo: Sufficit tibi gratia mea, nam virtus in infirmitate perficitur. Diabolus verò impetrauit bis à Deo, vt tentaret Iob, sed cum suo magno malo, & condemnatione maiori.*

Hoc exemplum quotidianum.

Hoc scriptum.

2 Cor. 12. 7.

Iob. 1. 15.



Mat: 21. 22  
Obiectio de  
non hæsità-  
do.

Iac. 1. 6.

Quomodo  
miracula pe-  
tenda.

Mat: 21. 21

Mat: 7. 22  
Quomodo  
spiritualia.

Iac. 1. 5.

NOTA.

Petere igitur poteris etiam temporalia à Deo sed conditionatè, ideòq; hæsitàdo, num sis impetraturus. Sed dicet quispiam, quòd hæsitationem prohibeat & Christus, & D. Iacobus. Christus quidem Apostolos; Iacobus verò quemlibet Christianum monens, & dicens: *Postulet autem in fide nihil hæsitans*: Non ergò oportet hæsitare. Respondeo, Christum Dominum ibi loqui de miraculis, ad quæ patrandà, si quis à Deo incitatur, hæsitare non debet. Hoc verò non solum Apostoli, sed etiam, alii Sancti fecerunt: ita ut hoc ipsum (vel tale quid) de quo ibi Christus loquitur dicēs: *Si monti huic dixeritis Tolle, & iacta te in mare fiet*, effecerit S. ille Gregorius Thaumaturgus, qui oratione transtulit mōtem, templi structurā impediētem. Verum neque omnium est talis fides, neque ad salutem est necessaria: neq; adhibenda, nisi cum magna humilitate & necessitate. Posse enim, imò de facto quosdam tales cōdemnatum iri; ipse idem Christus testatur. D. Iacobus verò loquitur de bonis spiritualibus: sic enim inquit: *Si quis autem vestrum indiget sapientia postulet à Deo, & dabitur ei*. Dices hoc ipsum ego peto, videlicet, humilitatem, patientiam, castitatem, & his similia quæ ad sapientiam spectant diuinam: neque tamen impetro, quicquam eorum. Ad hoc tria dico. Aut te malè petere, ponendo gratiæ impedimentum, ideò mirum non est te non impetrare: aut si bene petis, differtur ad tem-

ad tempus, vt perseueres, tum in petendo, tū  
in bene operando: aut fortè iam impetrasti &  
habes, sed putaste non habere, propter vali-  
dam aliquam tentationem: Cū tamen ten-  
tatio non pellat virtutem; ideò cum illa stare  
bene potest. imò inde etiam propter humi-  
litem augetur, vt in Paulo factum esse, ex *2. Cor. 12. 9*  
Deo audisti. Qua de re eleganter admodum  
D. Augustinus ait: [Dum vitiorum impulsu *Aug. de a-*  
concuteris, melius in humilitate solidaris: sua- *mādo Deo*  
uius enim redolet Deo humilitas infirma, *cap. 8.*  
quàm virtus elata.] Et hæc est causa, cur sæ-  
pe Deus celat coram nobis nostras virtutes,  
nempene in iis elati corruamus, quod multis  
contingit. Quare humilitate, fiducia, cæterisq;  
quæ hic expressa habes, opus est nobis semper

Age verò quid iam de salute animæ dice- *Quomodo*  
mus? Id videlicet. Eam & simpliciter sine vl- *sal<sup>o</sup> anjux.*  
la conditione, & assiduè sine hæsitatione Ca-  
tholica petendam esse. In hoc enim vera &  
viua spēs consistit Verū vt id rectè intelli- *In hæsitatio*  
gatur: sciendum est, nos in spē triplicem cer- *in spē tri-*  
titudinem ( siue vt cum D. Iacobo loqua- *plex.*  
mur, non hæsitationem ) considerare posse;  
vnā hæreticā, alterā minus Catholicā  
tertiam ritè & verè Catholicā. Hæretica nō *Hæretica.*  
ad virtutem sanctæ spei, sed ad vitium scele-  
stæ præsumptionis pertinet. Hæreticus enim  
ita non hæsitat, vt dicat, se certa fide crede-  
re, se saluatū iri. Malus autem Catholicus *Minus Ca-*  
qui etiam si viuat impiè, dicit tamen se de sua *tholica.*

Lla

non



Verè Catho-  
lica.

Phil. 2. 12

NOTA.  
simile.

Magna cer-  
titudò & in-  
hæsitatio.

non hæsitare salute, minus Catholicam spem  
habet. At verò qui piè, & Christianè viuen-  
do, ita non hæsitat quod saluabitur, vt tamè  
( nequid huic contrarium contingat ) *cum me-  
tu & tremore salutem suam operetur*, hic viam  
spem habet Catholicam. Vtrumq; enim Apo-  
stoli cum docuerunt: Timere quidem D.  
Paulus; nō hæsitare verò D. Iacobus. Quam-  
uis ( vt hoc etiam tangamus ) D. Iacobus,  
non de salute, sed de sapientia loquitur, ( atq;  
ita frustra eum hæretici pro se trahunt ) tamè  
si sobriè intelligatur, potest etiam de sa-  
lute accipi. Non hæsitare enim sequitur cer-  
titudinem, quanta igitur est certitudo, tan-  
ta est non hæsitatio, Ac proinde sicut certitu-  
dinis, ita non hæsitationis sunt gradus varii.  
Rem difficilem & in qua non pauci hærent,  
exemplo demonstramus, vt sit illustrior. Est  
tibi amicus intimus, cuius fidem sæpius pro-  
basti, & approbasti: promittit is tibi quidpi-  
am, speras imò ( vt dicere soletis; sæpe enim  
hæc verba confunduntur, in communi cursu  
sermonis ) credis, nihil hæsitans præstiturum  
illum, quod fuit pollicitus. Magna equidem  
certitudo, ac proinde magna etiam quæ il-  
lam consequitur, non hæsitatio, quæ tamen  
cum non modica contrarii formidine, est cō-  
iuncta. Quis enim dubitat multa accidere  
posse, quæ impediant, ne illud quod nihil  
hæsitando sperabas; vel credebas, non eueni-  
at? Si enim inimiciæ, si tua erga illum im-  
pictas

pietas & ingratitudo, si casus aliquis, si mors  
 deniq; ipsa acciderit; nonne tua illa hæsitatio  
 hæreret te, inò spe excidere faciet? Est & alia Maior.  
 multò, quàm hæc maior, sicut certitudo ita  
 non hæsitatio; credere videlicet, cras tali ho-  
 ra solem oriturum; hodie post tot horas no-  
 ctem adfuturam; diebus istis Eclypsim mini-  
 mè futuram, cum eclypsi contraria sit omni-  
 nò solis & lunæ constitutio. Hæc licet certis-  
 sima & indubia esse dicantur, fallere tamen  
 aliquando possunt; prout istud quidem de Ma: 27. 48  
 Eclypsi fefellit in morte Christi; illud verò de  
 nocte post tot horas, falsum fuit tempore Io- Ios: 10 12.  
 suæ, qua de re sic inquit scriptura. *Impeditus*  
*est sol & una dies facta est quasi duo;* sed & (le- Eccl: 46. 5  
 cundum Augustinum) tempore Ezechiae Re- 4. Reg. 20  
 gis, longior solito fuit dies, contra cursum or- 10. 2. Par.  
 dinarium syderum. Hæc est ergò alia, priore 32. 24. An.  
 quidem multò firmior; nonnunquam tamē lib. 21. de  
 (licet rarissimè) fallax certitudo & inhæsitatio, Civit. Dei  
 & quæ illam consequitur fides, vel spes cap. 8.  
 potius. At verò est tertia longè his excellen- Maxima.  
 tior, & firmior, quæ omnem penitus aufert  
 hæsitationem, omnemq; contrarii formidi-  
 nem. Talis est, inhæsitante credere, Deum  
 esse, verbum carnem assumpsisse, futuram re-  
 surrectionem mortuorum, Iesum Christum  
 venturum, & iudicaturum vivos & mortu-  
 os, & his similia. Quæ quidem certitudo so- Certitudo  
 litantum diuinitus nobis infusæ fidei, conue- fidei.  
 nit; priores verò duas (& his similes) spes e-  
 tiam



Certitudo  
præsumpti-  
onis.

Certitudo  
spei infor-  
mis.

*Tim: 2. 12.*

Certitudo  
viuæ spei.

*Dom. 1. et  
2. Aduen.  
con. 3.*

Cur Christ<sup>o</sup>  
tangat.

1.

2.

etiam habere potest. Quare (vt finiamus) de salute animæ ordinariè crederè ac ita certum esse, vt omnem hæsitacionem ac metû excludas; nec fidei, nec spei, sed peccati præsumptionis actus est proprius: Sperare autè salutem, & tamen luxuriosè & impiè viuere, spes quidem esse poterit, sed erit spes informis, & quæ ad salutem non conducit. Conducit autem ad salutem, estq; spes vera & viuæ, *sobriè, & piè, & iustè viuendo in hoc seculo, expectare beatam spem, & aduentum gloriæ magni Dei, & saluatoris nostri Iesu Christi.* Id enim totidem verbis expressit Apostolus. Habetq; spes ista in aliquibus minorem, in aliis maiorem certitudinem, firmitatem, & inhæsitantiam, secundum datam similitudinem; nunquam tamen talem, qualem habet fides, nisi cui id particulariter reuelatum esset; tunc enim absq; vlla hæsitacione, metu, & timore id credere posset, sicut antea diximus, & exempla attulimus. Sed quia multum verbis leprosi occupati fuimus (vt spero non infructuose) in aliis breuiore nos esse oportebit. Dicit igitur Euangelista, quòd audita hac oratione.

EXTENDENS IESVS MANVM TETIGIT EVM. Cur tangit leprosum, quod fieri lege erat prohibitum? Varii varias adferunt rationes: hæ breuiter sufficiant. Tangit vt ostèdat se esse supra legem; vt insinuat quo modo expansis in cruce manibus genus humanum

manum perfectè sanaturus sit; vt carnem su-  
am viuam, veram, & viuificantem esse demō-  
stret; vt nos doceat, ad opera misericordiæ  
manus nostras & impigrè, & liberaliter, sicut  
ipse fecit, extendere. Vnde pulchræ elici pos-  
sunt doctrinæ. Ex postremis duabus habent

Catholici mei: tum consolationem, tum do-  
ctrinam. Consolationem quidem aduersus  
Hæreticos insultantes, & contra Participati-  
onem corporis & sanguinis Christi Domini  
illud blasphemè inculcantes: *Caro non prodest*

Consolatio  
contra here-  
ticos.

1o. 6. 63.

Pf. 26. 12.

*quidquam*. Dicam cum Dauide, quòd *mentita*  
*est iniquitas sibi*, dum hæc de carne Christi as-  
serit: Cuius contactus multum profuit huic  
leproso, & aliis. Cuius corporis vera & realis  
participatio in Sacramento, multò etiam plus  
prodest fidelibus, dignè se ad id præparanti-  
bus. Doctrinam verò habent, non solum qui-  
uis ex plebe; sed etiam Principes, Reges, & Re-  
ginæ, non erubescere, nec fastidire propriis e-  
tiam manibus ministrare pauperibus infirmis  
videlicet cibos ad os porrigere, tangere quo-  
que, imò & lauare leprosos, iisq; similes actus

Doctrina  
Catholica.

perficere. Ecce em̃ Rex Regum & Dominus Do-  
minantium qui vno verbo (vt fecit huic seruo  
Centurionis) imò cogitatu potuit sanare le-  
prosum, tangit tamen fatidum. Cur ergò nos  
idem præstare verebimur? Fecerūt hoc sanè nō  
pauci etiā Reges, Reginæq; & fecerūt magna cū  
vtilitate, cū infirmorū, pauperumq; quos  
iuuarunt, imò nonnunquam sanarunt: tum

Apo. 19. 16



Differentia  
veteris & no-  
uę legis.

ipforum propria: multum em̃ spiritualis gratiæ inde retulerunt. Imitari ergò illos debemus. Olim enim in veteri lege tangens leprosum immundus erat in corpore, nunc tangēs, lauans, imò oxosculans eum, fit mundissimus in anima. Quanta huius pro illa lege perfectio, quantum emolumentum. His ergò de causis tangit leprosum Christus Dominus.

Responsio  
Christi.

DICENS VOLO MVNDARE. Quàm humilis, quàm benigna, quàm in verbis tenax, in rebus liberissima, responsio. Quis nō mirabitur, quis non deosculabitur eam? Pro sex verbis leprosi, sua reddit Christus Dominus duo tantum, sed potentissima, sed mysteriis, sed virtutis plenissima. Primum em̃ hic videre licet illa duo, de quibus non paucis disseruimus. Nam cū inquit; VOLO, voluntatem declarat suā; cū verò subdit MVNDARE, potestatem demonstrat. Imperando enim loquitur MVNDARE, id est, mundus esto; atque ita hæc locutio ad primam combinationis speciem reducenda est. Deinde humilitatis amator & auctor, virtutem tantoperè sibi charam, in omnibus factis, dictisq; suis demonstrat. Verbis infirmi, verba sua accomodat, vt nos infirmitati pauperum condescendere doceat, non quærit sesquipedalía verba, vt hoc quoque vitii genus à nobis arceat. Denique cū inquit, VOLO, omnē dubitationem, & timorem leprosi è medio tollit, nosq; instruit velle, cū possis, omnibus bene-

Sapientissima.

Humillima.

Conso'atoria.

benefacere: Cū autem addit M V N D A R E, & fidem firmat Catholicam, & inefficacem in nobis iugulat voluntatem, ( seu velleitatem ) sequitur enim:

ET CONFESTIM M V N D A T A E S T L E P R A E I V S. Idcirco tu quoque, ne differas, Docens, & nec procrastines, sed quicquid beneficii proximo potes, & vis exhibere, C O N F E S T I M exemplo Christi facias. Et quia Christū Deum in eo imitari non vales, vt statim sequatur effectus; sicut hic eodem momento mundatio est subsequuta, imitare in eo, vt illicò labori te accingas, & manus pio applices operi. Sed & fides Catholica verbis istis valdè confirmatur. Nos enim Catholici, sicut firma fide credimus verbum illud, M V N D A R E, perfectam leproso dedisse sanitatem: ita eadē fide tenemus, verba illa: *Hoc est corpus meum*, præsentiam corporis & sanguinis Christi Domini, sub speciebus panis & vini indubiè causare. Vtrumq; enim Christus Iesus protulit, vtrumq; *os Domini* omnipotentis locutum est. Consolamini igitur Catholici mei, in verbo isto; qui verò aberrastis, obsecro cōuertimini. Omnes verò, in omnibus operibus misericordiæ quæcunque facimus, audiamus quod sequitur.

Fidem Catholicā firmans.

Ma: 26.26

Isa. 1. 20.

ET AIT ILLI IESVS, VIDE NEMINI DIXERIS: Propter nos enim, non propter seipsum, hæc verba protulit Christus; vt in bonis operibus, quæ operamur, fugere nos

Aliud dictū Christi.



Laudes pro-  
fligat pro-  
prias.

Imò & ali-  
enas.

Proq. 27. 2.

Promulgā-  
tur tamēn.

Hieron. in  
Vita D.

Hilario.

vanam gloriam doceat. Si enim is, in quem nihil tale cadere potuit, hæc est prolocutus, quid nos ad quamvis vanæ gloriæ auram pronissimi, facere debemus? Iugulat enim author & amator humilitatis Christus Iesus, affectū illum inordinatum in nobis, quo siue opera nostra bona (minuta licet, ac proinde modica laude digna) siue beneficia aliis præstita, non solum ab hominibus laudari volumus: sed quod multò est turpius, ipsi ea plenè buccis referimus, & prædicamus; Immemores eius, quod inquit Sapiens: *Laudet te alienus, & non os tuum: extraneus, & non labia tua*: multò magis autē immemores illius, quod dicit hîc Christus, qui neq; ab aliëo ore laudari voluit Hæc est perfectio Christiana, hæc charissima Deo virtus, quam multi secuti, pauci verò afsecuti fuêre. Idcirco non immeritò hanc præceteris omnibus in Hilarione Sancto, & ipse Sanctus admiratus est Hieronymus. Sed inquires, quòd nihilominus sciebatur, hunc leprosum fuisse à Christo Iesu sanatum seu mundatum. Sciebatur sanè, & ita sciebatur, vt etiā nunc post mille & penè sexcentos annos, sciatur. Nec sufficiebat, vt vnus Euangelista id notaret, tres omninò hanc historiam conscripserunt; ac proinde satis insinuarunt, magnū hic latere mysterium. Nos aliis ad aliud tempus reiectis (non soli enim leproso id Christus prohibuit) in ea quam capimus, & quæ sanctis est vîitata persistamus ratione. Prohibitum

bitum videlicet esse à Christo Dōino, ne hoc factum publicaretur, vt nos in humilitate instrueremur; promulgatum tamen nihilominus fuisse: Primum quidem ab ipso leproso, Cur. Mat: 1. 45 postea verò ab Euangelistis; *vt glorificetur Pater æternus, qui in calis est*, vtq; sit exemplum Mat: 5. 16 ædificandi alios. Optimè enim quidā inquit: Docuit, vt sui in magnis latere velint; sed vt Regula. Exēp. Hilari profint aliis, prodantur inuiti. Prout Hilari- nem illum gloriam fugientem per totum terrarum orbem, inuitum prodebant etiam ipsi dæmones, sic volente Deo. Quare si tu cum quid piam agis boni, teipsum prodis, vt honori consulas tuo, male facis: quòd si tu latere velles, sed proderis, optime fit; sic volente & exemplum dante Christo Deo. Hoc ergò est quod prohibet Christus Iesus. Sed est aliud quod fieri iubet. Ait enim.

SED VADE OSTENDE TE SACER- Testium di-  
DORI. Illo dicto vanam gloriam fugere; hoc ctum Chri-  
verò obedientiā etiam amplecti, & tam hoc, sti docet.  
quàm illo humilitatem nos edocet confecta-  
ri. Adhibet enim medicus sapientissimus ver- i. Deferre  
bis istis remedium illi vulnere, & affectui ma- ordinarijs,  
lè ordinato, ( quia ex eodem superbiæ fonte  
procedunt ) quo viri etiā spirituales laborare  
solent, qui nonnunquam in concionando, &  
allis quæ faciunt operibus piis, subdi ordina-  
riis, quos vocant, & cum eorum consensu id  
facere, vel contemnunt, vel negligunt. Verum  
non ita amator ordinis Christus Dōinus, qui  
non



non modò curatum à lepra remittit ad ordinarium sed etiam iubet, dicens:

2. Obedire  
superiori vt  
Deo.

ET OFFER MVNVS, QVOD PRÆCEPIT MOSES Cur autem Mosès, & non Dei potius facit mentionem cùm præceptum hoc Dei fuerit? Inter alia; vt continuet, quam cæpit doctrinā de humilitate, nòsq; doceat præcepta superiorum, præcepta esse diuina. Sicut enim certò nobis constat, præceptum istud Moyssis diuinum fuisse, quia id in scriptura exprimitur; ita constare debet idem nunc fieri, etiā si non exprimatur [dummodò Deo contraria non præcipiat homo] vt optimè D. Bernardus monet. Itaq; modis variis amator humilitatis docet nos omnes humilitatē, & eius pedissequam obedientiam. Sed & alia ratio datur, cur munus hoc præceperit offerre: Ait enim, vt sit.

*Bernar. in tract. de pcepto & dispensat.*

3. Testimonium triplex.

IN TESTIMONIUM ILLIS, Sacerdotibus videlicet. Quibus in duplex vel triplex hoc factum est testimonium. Primum, Christum Iesum legē Moyssis obseruasse, imò non solum obseruasse; sed etiam aliis, vt seruaretur præcepisse. Secundò, vt ipsi essent testes, hunc leprosum verè curatū fuisse, & hoc nomine munus ab eo accepisse. Tertiò, vt esset inter testimonium illis, in die extremi iudicii, vel fidei, vel perfidiæ eorum. Fidei quidem paucis, qui his miraculis permoti, in Christum crediderunt, vt Nicodemus, vt Gamaliel. Infidelitatis verò reliquis, qui quoniā obstinati per-

manse-

manferunt, iustas æternæ damnationis pœnas <sup>4. Meditari iudicium.</sup> incurrerunt. Quod & nos obsecro considerare mus, certoq; nobis persuadeâus, sicut Iudeos ita omnes impios, & in peccatis obstinatos, in illa die proprio testimonio condemnatum iri, ac proinde, ne ex eorum simus numero, efficacius remedium adhibere studeamus.

Quod quidem remediũ ad curanda omnia <sup>In curatio- ne huius leprosi est.</sup> vulnera nostra, & ad omnem lepram spiritualem emundandam indeq; spem in nobis erigendã, non est aliud aut prefectius, aut efficacius peccantibus nobis post baptismũ, quam Sacramentũ pœnitentiæ; cuius in hæc leprosi curatione, eximium sanè typum habemus.

Tres enim esse partes pœnitentiæ, norunt Catholici, quibus si Sacerdotis absolutio accesserit, Sacramentum perficitur. Horum omnium hîc effigiem habemus singularem: Etenim doluisse leprosum istum, abominatumq; esse hanc infirmitatem suam, quis dubitare poterit? accedit oris confessio, deprecationi coniuncta; quam sequitur emundatio, peracta verbis illis. Christi Domini, V O L O, M V N D A R E. Adiungitur deniq; satisfactio, dudum diuina lege sancita. Nonne videtis quomodo in curatione lepræ spiritualis in nouo testamento hæc spiritualiter implentur omnia? Vbi imprimis præcedit dolor, & abominatio, cordisque contritio de peccatis, quæ patrauimus, & per quæ lepram animæ incurrimus: deinde, accedit oris confessio facta coram Sacerdote



Quod frequē-  
tandū.

Media ad  
spem exci-  
tandam &  
summa dicto-  
rum.

1.

2.

3.

Sacerdote vicem Christi gerente, cum humili de-  
precatione, vt à peccatis soluamur; quàm  
emundatio consequitur verbis illis: Ego te  
absoluo: adiuncta tamen pœnitentia, siue sa-  
tisfactione, pro qualitate criminis, ab eodem,  
cui hoc Christus commisit Sacerdote deman-  
data. Quæ omnia procuranda à nobis & dili-  
genter, & frequenter erunt: frequenter enim  
diuinam bonitatem offendimus omnes, ac  
proinde frequenter etiam ad remediū recur-  
rere debemus omnes. Quam ad rem alacrius  
præstandam, & viuam spem in nobis excitan-  
dum, iuuabit multum si tam ea, quæ in hac  
concione diximus, quam dicta factaq; Chri-  
sti, ob oculos mentis nostræ, nobis proposu-  
erimus, iugique memoria meditati fuerimus.  
Quare danda est in primis opera, vt tribus  
illis, quæ in omni opere humanè requiruntur;  
nempe scire, velle, & posse vtamur benè.  
Quod fiet, si quæ vtilia quæ uesint nociua no-  
bis, nouerimus; si quæcunq; possumus ope-  
rabimur bona: si denique quæ recta sint secta-  
ri, quæ verò iniqua fugere diligenter, effica-  
citer voluerimus, & satagemus. Deinde in e-  
am incumbemus curam, vt fructuosè contem-  
plantes diuinas illas combinationes, non so-  
lum nō impediamus, sed etiam procuremus,  
vt ea quæ vult Deus, possit in nobis perfice-  
re: nempe, possit dare salutem animabus no-  
stris. Propterea operam dabimus, vt petamus  
à Christo Domino, temporalia quidem dona  
& bene-

& beneficia sub conditione; spiritualia vero absolute; cum ea certitudine & non hæsitatione, quæ non Hæreticis, vel impiis, sed piis competit Catholicis. Non prætermitemus insuper, quin & Christus Dominus nos vivifica carne sua in Sacramento tangat; & nos vicissim propter amorem ipsius, tangamus, & iuovemus pauperes, propriis etiam manibus, prout exemplo Christi multi Reges ac Principes fecerunt viri, fæminæq;. Antè omnia autem considerabimustria, quæ hîc protulit verba Christus Dominus omni admiratione, laude, ac imitatione (quantum in nobis est) dignissima. Primum enim illud **V O L O M V N D A R E**, plenû est misericordia; alterum **V I D E N E M I N I D I X E R I S**, plenum est mansuetudine: tertium **V A D E** &c. plenum est obedientia; omnia autem plenissima sunt humilitate, quæ in dictis singulis magis magisque declaratur & crescit. O utinam hæc ut par est & cogitemus, & imitemur omnes, quàm eximia spei essent in nobis argumenta! Spei inquam veræ, & viuæ, quæ non confundit. Impiorum enim cùm Catholicorum, tum verò Hæreticorum fiduciæ, plenæ confusionis sunt, quia non pia spe, sed impia præsumptione refertè reperiuntur. Denique tum hæc, quæ iam percurramus tum ceremoniam illam, qua leprosus iste sanatus fuit velim, ut sagaci perpendamus mente dilectissimi. Nam quod dicitur *extendisse Iesus manum suam, multa equidem* in se

4.

5.

6.



*Ma: 14.31* in se continet mysteria: quorum illud primū est, quòd postmodū in cruce peregit, vbi nō iam sine labore vt hīc, & alibi; sed cum sumīs doloribus, & angustiis extendit manus suas, non alia vt scitis de causa, nisi vt nos à peccatis, lepraq; spirituali emundaret, Patriq; suo æterno reconciliaret, ac contra omnes diabolicos tueretur incurfus. Ad hoc igitur vnicū salutis nostræ refugium, ad hanc spei nostræ anchoram, sub alas inquam, id est, manus illas sanctissimas recurramus obsecro, tantò alacrius, quantò & maiora ac meliora, quā leprosus iste de Christo sentimus, credimusq; & non iam corporis, quod corrumpitur, sed animæ, quæ semper manet, salutem, & emūdationem requirimus. Extendit, expanditque Christus Iesus manus suas in ara crucis, tum vt nos amplexetur; & complectendo, gratia sua; eos quidem qui ex gratia ipsius exciderunt iustificaret; illos verò qui in illa perseuerant, donis vberioribus oneret: tum vt nos æstibus concupiscentiarum ardentes refrigeret: tum vt sicut gallina pullos, contra omnes insultus inimici alis suis, ad se recurrentes, protegat. Quid ergò venire recusamus, vel tardamus? Ne per Deum immortalem procrastinemus: sed quemadmodum nemo est nostrum, qui hiscè non indigeat auxiliis, ita sit nemo, qui ea nō requirat, tū per sanctissimorū frequentē vsū Sacramētōrū, tū per alia pia exercitia, & sedulas orationes. Ac proinde imitantes le-  
profum

Conclusio  
per exhorta-  
tionem.

prosum istum longè etiam maior quàm ipse, cum fiducia, accedamus & dicamus. O Chri- Eteratione  
 ste Iesù piissime, & benignissime, qui, vt nos à lepra spirituali emundares, manus tuas in ara crucis, summis cum doloribus extendere voluisti: ecce ego fætidam, sordidamq; leprâ cordis mei, non solum apud te, qui nosti omnia; sed etiam coram Sacerdote tuo, iussu & instituto tuo, prodo, aperio, accuso. Peccaui Domine, & malum coram te feci, peccaui in te, & iniquitates meæ contaminarunt animam meam; peccaui, nec est alius vel in cælo sursum, vel in terra deorsum, qui emundare me ab his possit maculis præter te vnicum Saluatorem, & curatorem meum: ad te igitur venio, ad te recurro, quem credo non solum posse, sed etiam velle me mundare, nō solum per temetipsum, sed etiam per Sacerdotes tuos. Munda igitur, munda me obsecro ab omnibus flagitiorum, & peccatorum meorum sordibus: & mundatum mundum vsque in finem conserua, vt mundo corde te hîc, & in æternum laudare, & glorificare valeam: qui cum Patre in vnitæte Spiritus sancti viuis & regnas Deus in sæcula sæculorum. Am̃.

## CONCIO QVARTA

### Charitas.

EVANG.  
DE CEN-  
TVR: HV.  
MILITAS,  
EVCHA-  
RISTIA.



*Cum autem introisset Capharnaum &c.*

Humilitas  
ancilla Cha-  
ritatis.

Quinq; eius  
argumenta.

*Luc: 5. 12.*

**H**umilitatem indiuiduam esse Charitatis  
pedissequam, ita vt qui vnā habeat,  
eum alteram habere necesse sit; & ex  
me iam antea audiuitis, & ipsa ratione, expe-  
rientiaq; duce in vobis metipsis (prout opto,  
speroq; didicistis. De vtraq; igitur nobis, in  
concione ista agendum erit; quia vtriusque in  
Euangelio hodierno excellētissima sanē, tum  
documenta, tum exempla visuntur. Præ aliis  
autem in vtroq; miraculo elucet humilitas:  
In primo etenim videmus humilem leprosi  
adorationem, ita vt teste Luca prociderit in  
faciem suam ante Christum; humilem quoq;  
ipsius petitionem: sed & non minus humile  
Christi Iesu responsionem, duobus constantē  
verbis; humiliorem verò prohibitionem, ne  
miraculum euulgaret leprosus; humillimam  
autem animi submissionem, qua incitatus is  
qui supra omnem legem fuit, ac vniuersos su-  
perabat Sacerdotes, & legi Moysis, & sacer-  
dotibus eius defert plurimum. Neq; minor  
in altera Euangelii parte emicat humilitas, ita  
vt in illa creator cum creatura, Christus Iesus  
cum Centurione homine gentili, certare hu-  
militate mihi videatur.

PRŒP. De  
centurione  
agendum &  
Eucharistia.

Quare cum iam in altera concione leprosi à  
Christo Domino mundati historiam (quan-  
tum concessit Deus) expediuerimus, in hac  
aliud miraculum pertractandum, & excuti-  
endum

endum erit nobis. Quod dū facimus has duas in primis virtutes, charitatis videlicet, & humilitatis considerabimus, & per eas ad Sanctissimum Eucharistiæ Sacramentum, (cuius hic aliquem typum habemus) nos præparare studebimus. Fac Christe Iesu, vt hæc ita perpendamus, quo ad participandum preciosissimum & viuificum corpus & sanguinē tuum, ex indignis digni per te effici mereamur.

Non adeò obscurum esse videtur, per duo hæc miracula, quæ in hodierno Euangelio describuntur, duo illa Sacramēta denotari, quæ in frequenti sunt vſu apud pios Catholicos; pœnitentiæ videlicet, & Eucharistiæ: Illud enim leprosi emundatio; hoc pueri Centurionis à paralyſi curatio, nobis adumbrare videtur: quod & ipsa Ecclesia non diffitetur.

Nam leprosi, emundationem pœnitentiæ figuram gerere iam demonstrauiamus ex vſu, sancitiſq; ipsius. Verbis verò huius Centurionis (vt noſtis) vtitur Ecclesia quando fideles filii eius, ad hoc Sanctissimum Sacramentum iam iam sunt accessuri. Quapropter nos quoque matrem noſtrā imitantes, cum de leprosi tam corporalis, quam ſpiritualis emundatione bina iam concione, ſatis copioſe egerimus, nunc de altero diſceremus. Vbi illud impri-

Duo iſti, duo Sacramēta denotant.

Leproſus pœnitentiæ. In concione ſecunda Centurio Eucharistiæ

Leproſus cū pœnitentia præcedit



*Cōcil: Tri-  
des: 14.  
Cap: 7.*

(quod fit per Sacramentum pænitiendi) ad Sacram Eucharistiam accedendum non esse: Hoc enim Patres in concilio æcumenico Tridentini legitimè congregato, in Spiritu S. non minus salubriter quàm diligenter, & monuerunt, & fieri præceperunt. Sed iam ad historiam veniamus. Itaq; posteaquam in ciuitate vel oppido quodam Galileæ, (quod non nominatur) Christus Iesus à lepra emundasset hominẽ, iter quo pergebat, nempe Capharnaum versus, continuabat.

*Mora Christi in Capharnaum prædicatores instruit.*

CUM AUTEM INTROIISSET CAPHARNAVUM, quo frequenter ventitabat, & morabatur, tum propter alias causas & mysteria ipsi soli, vel iis quibus Iesus reuelare voluerit, cognita: tum etiam ideò, quia Capharnaum erat ciuitas maritima, ad mare Galileæ sita mercibus, ac mercatoribus, ideoq; frequentia hominum celebris, ac proinde valde ad prædicandum in ea Euangelium apta. Inde enim, vnâ cum terrenis mercibus merces spirituales, quas Christus Dominus gratis, & liberaliter illis offerebat, per totam Iudæam, Galileam, & Samariam deferrebantur; & Euangelium per eos, qui illud eo loci audiebant, disseminabatur. Pulchrũ prædicatoribus verbi diuini exemplum, sicut alias diximus. Cùm ergo Christus Iesus introire cõpisset Capharnaum, fama q; aduentus ipsius percrebuisset, & ad aures Centurionis cuiusdam gentilis, qui ciuitatem illã cum aliis militibus custodiebat, peruenisset;

*Historia de Centurione qui.*

uenisset; is verò haberet seruum, qui erat moriturus, quiq; illi erat preciosus; misit ad Iesum Seniores Iudeorum. D. Lucas enim testatur, Centurionem istum non vnam, sed duas legationes ad Christum Dominum expediuisse. Primam quidem hanc, quam diximus, Iudæorū, rogans Iesum vt veniret, & Saluaret seruum eius. In qua quidem legatione Iudæi egregiè se gesserunt. Nam cum venissent ad Iesum rogabant eū sollicitè dicētes ei: Quia dignus est, vt hoc illi præstes, diligit enim gentem nostram, & Synagogam ipse edificauit nobis. Iesus autem, tanquam misericors & pius pateribat cum illis. Quod cum intellexisset Centurio; & Christus Dominus iam non longè esset à domo ipsius, aliud illi in mentem venit, ne videlicet turbaretur dominus, idèò alteram ad Iesum expediuit legationem, & misit ad eum amicos suos. (quos probabile est gentiles quoq; fuisse) rogans & dicens: Domine noli vexari. Non enim sum dignus, vt sub tectum meum intres: propter quod & me ipsum non sum dignum arbitratus vt venirem ad te. Verùm animaduertēs fortè quod nihilominus pergeret Christus in ædes suas eadem humilitate, qua antea, ire recusabat, iam impulsus, mutata sententia, obuiam procedit Christo Domino. Itaque vt inquit noster Euangelista.

Primū mittit Iudæos.  
Luc: 7. 4.

Deinde amicos suos.

Tandē ipse venit.

ACCESSIT AD EVM CENTVRIO ipse per se: Id enim videtur probabilius, cum propter Matthæum; tum propter ea, quæ subsequuta sunt, de quibus paulò post. Accessit autem ad Iesum:

M m 3

Ro.



Paralyfis  
grauitatem  
explicat.

ROGANS EVM; ET DICENS: DOMINE PVER MEVS IACET IN DOMO PARALYTICVS. Illa videlicet paralyfi, & membrorum dissolutione correptus, quæ citò enecare solet homines. Ideò subiungit:

ET MALE TORQUETVR. Tam male autem habebat, vt vicinus esset morti, teste *Euc. 7. 2.* altero Euangelista. Duo enim hanc historiam conscripserunt. Nam quod Ioannes huc Centurionem Regulum vocet, nō habet probabilitatem vllam. Hæc igitur fuit Centurionis oratio, breuis, humilis, modesta: neq; enim petit, sed tātum necessitatem proponit; neque vrget rationibus, vt Iudæi fecerant, sed liberum. Christo relinquit, sanare vel non sanare puerum. Saluator verò quid?

Christus ire  
vult ad ser-  
uum.

ET AIT ILLI IESVS, EGO VENIAM ET CVRABO EVM. Mira diuinæ sapientiæ dispositio, mira Christi Domini opera. Ad seruum Centurionis iturum se, & curaturum illum promittit; licet non solum nō rogaretur, sed etiam prohiberetur; ad filium verò Reguli inuitatus, rogatus, instigatus à patrē, vt quàm primum veniret, ire tamen recusat. Quid est hoc rei obsecro? Ibi Regulus, hic Centurio? ibi filius, hic seruus: ibi vrgetur, vt veniat, hic prohibetur ne eat? Et tamen fit contrarium? Duabus (vt cæteras omitteram) de causis id facit. Primum enim vt medicus peritissimus; qui non ad curāda cor-

*Ioan. 4. 50*  
Ad Regulū  
recusat.

Tanquam  
medicus.

pura,

pora, sed ad sanandas, saluandasq; animas venerat, institutum prosequitur suum, ac proinde vt & Reguli, & filii, & omnium domesticorum eius incredulitatem è medio tollat ( quod & factum est ) ire ad eum noluit: ad feruum verò Centurionis vltro aduentum suū pollicetur, vt præcellentē illā confessionē fidei, quę in corde Centurionis latuit ( Christum verò Dominum minimè latuit ) ex ore ipsius eliceret; qua & Iudæos sibi aduersantes confunderet, & omnes quid sibi esset charū doceret. Deinde, cū alios omnes, tum verò homines spirituales facto isto instruere voluit, nihil ambitiosè agere, respectus humanos nō curare, maiore diuinū honorē in omnibus quærere, necessitatibus proximi, non pro personę dignitate, sed pro rei exigētia in charitate providere, atque per omnia, humilitati actibusq; ipsius diligenter studere: quæ omnia in hoc Christi facto valde excellenter expressa habemus. Sed iam videamus quidnam Centurio respondeat, ad hanc à Christo Domino liberaliter factam, aduentus sui obligationem.

Tanquā virtutū doctor.

ET RESPONDENS CENTURIO AIT: repetens verba quæ per amicos transmiserat, & plura addens, ac dicens:

DOMINE NON SUM DIGNUS VT INTRES SUB TECTVM MEVM, id est, vt venias in domū meam. Magnus humilitatis actus; sed non minor est fidei, & fiduciæ, qui sequitur, cū inquit:

Centurio  
vrget necat,  
plenus Humilitate.

SED



SED TANTVM DIC VERBO. Estq; phrasis Hebræa; quasi dicat; impera tantum vno verbo, iubel licet absens, quamuis longè ab ægro distans, tamen si iusseris credo quod:

ET SANABITVR PVER MEVS. Ad  
*Fide* imperium, & ad nutum tuum. Præclara fides, ore Christi paulò post laudata, præclara & spes ac fiducia. Fides quidem qua credidit, Christum absentem potuisse puerum curare.  
*spe* Fiducia verò, qua sperat id illum facturum.  
*Dilectione.* Neq; verò Centurioni huic dilectio & amor erga Christum Dominum, à quo tanta & talia sperabat, deesse poterat. Quæ quidem omnia dispositiones erant præclarissimè ad eam, quã à Christo adeptus creditur, non solum puero corporis sanitatem; sed etiam sibi animæ salutem. Centurionem enim istum in Iesum Christum credidisse; fuisseq; aut ex primis, aut simpliciter primum, qui ex Gentilibus Christo prædicante conuersi sunt, vix cuiquam in dubitationem venire potest.

*Difficultates solvuntur*

*¶ Eandē esse historiam.*

Cæterum antequam in explicatione textus Evangelii vterius progrediamur, duo quæ circa cōcordiam Evangelistarum occurrunt dubia, & quæ ita quosdam ex antiquis torserunt, vt crederent, aliam historiam Matthæum, aliam verò Lucam conscripsisse, nobis, dissolvenda erunt. Quod ex iam dictis non erit adeo factu difficile. Ordo em̃, quem descripsimus, & modus quo hæc acta sunt, vtriusq; difficultatis resolutionem nobis ante oculos ponūt.

Quarum

Quarum prima est. Quomodo Céturio per  
 Iudæos Christum rogasse dicitur, *ut veniret &*  
*saluaret seruum eius* cum idem Centurio, tum  
 per amicos, tum per seipsum roget, ne veniat;  
 indignum se presentia Christi in domo sua re-  
 putans? Neque aliud, meo iudicio, respon-  
 deri melius potest, quàm quod in recitatione  
 historiæ dictum est; Centurionem mutasse  
 (quod dicitur) sententiam; nam cum in prin-  
 cipio desiderasset, ut Christus in domum ipsi-  
 us veniret, ægrumq; sanaret; eoq; nomine mi-  
 sisset ad illum seniores Iudæorum; indignum  
 se reputans, ut ipse per se cum gentilis esset,  
 Christum talem tantumq; Iudæorum Prophe-  
 tam conueniret, & rogaret: postea tamen Iu-  
 dæis discedentibus, re melius considerata,  
 vel potius (ut reor) Deo inspirante, indignū  
 se esse arbitratus est, non solum ut ipse inter-  
 cessor pro seruo ad Christum iret, sed etiam  
 ut Christus ad ipsum veniret: atque idcō ite-  
 rum alios nuntios amicos suos ad Iesum mi-  
 sit; ac tandem magna illa humilitate, qua ab-  
 iectè de seipso sentiens, tanquam de homine  
 gentili, qualem Iudæi abominari solebant,  
 impulsus & coactus ipse perrexit; non tam  
 ut pro seruo intercederet, quàm ut aduentum  
 in ædes suas Christi Domini impediret. Ita  
 res ista omninò acta esse videtur: & hac rati-  
 one optimè difficultas illa, & contrarietas tol-  
 litur, qua non solum duo Euangelistæ, sed ip-  
 se Lucas secum pugnare videretur. Etenim

2. Centuri-  
 onem bis  
 sententiam  
 mutasse.

Luc: 7. 3.

3. Lucā sibi  
 non contra-  
 dixisse.



verba illa, *vt veniret & saluaret seruum eius*: non sunt verba Iudæorum, sed sunt ipsius Lucæ, qui asserit, cum hac legatione Centurionem Seniores Iudæorum ad Christum expediuisse.

4. Centuri-  
onē ipsum  
ad Christū  
venisse.

Chrys: bō:  
27.

Hinc & altera dissoluitur quæstio, nempe, an ipse Centurio per se Christum cōuenerit necne? Quamuis enim D. Augustinus asserat, Centurionem per Iudæos, & amicos suos, hanc legationem expediuisse: tamen cum & Augustinus contrarium non improbet, & alii Sancti (præsertim D. Chrysostomus) affirmant, ipsum Centurionem Christum Dominum adiuisse; & quod caput est, hac ratione melius Euangelistæ in concordiam redigantur; id omninò videtur esse asserendum. Nam verba sequentia tum Centurionis, tum Christi Domini, id sibi volunt. Difficile etenim est intellectu, quonam modo replica illa, data ad responsum Christi, vel ab amicis Centurionis excogitari, vel à Centurione amicis suppeditari potuerit, cum is ignoraret, quodnam responsum, Christus Dominus daturus esset. Dicendum igitur est potius: Centurionem magna cum deliberatione, ipsum per se, eam protulisse: quod & responsum Christi comprobatur. Hæc paulò copiosius: tum propter studiosos literarum sacrarum, qui nunquam in nostris desunt concionibus; tum quòd nostri sit instituti, difficultates circa Euangelium occurrentes dissoluere potius pro ingenii nostri tenuitate, quàm dissimulare.

Verum

Verum non desunt quoq; circa ea, quæ dicta sunt doctrinae morales & praeclarae, & hu-  
 ic concioni, personisq; spiritualibus imprimis  
 accommodatae. Primum enim docemur, nō  
 usq; à Deo firmiter atq; pertinaciter in herescē-  
 dum esse semel susceptae sententiae, & propo-  
 sito nostro. (sicut quidam solent amoris & iu-  
 dicio proprio nimium addicti) quin illud de-  
 seramus, si aut melius quid agendum ratio  
 doceat; aut honesta proximi petitio id ipsum  
 exigit. Vtriusq; hīc eximium habemus exem-  
 plum. Prioris quidem praebet Centurio, quē  
 duce humilitate, non semel, sed bis sententi-  
 am suam immutasse, Christoq; gratum id ac-  
 cidisse, animaduertimus. Posterioris verò  
 ipse Christus Iesus normam tradidit, quan-  
 do propositum suum, in domum Centurio-  
 nis veniendi, propter preces ipsius deseruit.  
 Idem igitur nos quoq; faciamus, ne pertina-  
 tiae vitium incurramus. Deinde instruimur,  
 quomodo in virtutibus progredi nos oporteat:  
 Sicut enim impii, semper magis magisque  
 in vitia ruunt, & in singulis etiam peccatis al-  
 tius immerguntur: ita pii, & perfectionis cu-  
 pidi, gradum in virtutibus facere consueue-  
 runt. Quemadmodum in hoc Centurionis  
 facto satis liquet, quem videmus, ita in hu-  
 militate progredi, ut posteriores ipsius actus,  
 semper sint prioribus perfectiores. Egregi-  
 um cum Christianis omnibus, tum personis  
 spiritualibus documentum, ne ab homine  
 gentili

Doctrinae  
morales.1. Mutandū  
esse ppositūTum ppter  
rationem.Tum ob pe-  
titionem.2. In virtuti-  
bus progre-  
diendum.



9. Hūilitate  
Certandum

NOTA

4. Hūilitate  
De' vincitur

gentili superari se patiantur. Sed & illud, quod in principio notauimus, clarè hīc videmus; nempe, quonam modo creatura cum creatore; Cēturio cum Iesu, humilitate certent. Etenim Centurio indignum se reputans, qui ad Christum accederet, pro seruo intercessurus; Iudæos ad illum mittit: Christus verò ad ædes & aspectum eius, puerique illius ipse venire properat. Rursum, Centurio indignum se esse arbitratus, ad cuius domum dominus veniret: alios mittit nuntios, rogans ne id faceret. At Christus Iesus eadem instigatus virtute, pergit nihilominus ad Centurionem gentilem, qui ad Regulum Iudæum recusauerat. Vrgetur iam tertio humilitate Centurio, & ipse obuiam Christo progreditur, persuasurus per se, rationibus additis, & precibus, quod per amicos suos persuadere non potuit. Pulchrum & admirabile spectaculum. Vtinam sicut est mentis nostræ oculis visu delectabile; ita sit omnibus nobis facto ipso imitabile. Miranda sanè concertatio; sed mirandum magis, quod sequitur. Quis enim in hoc vincit certamine? Vincit creatura, superatur creator. Cedit tandem Deus & homo Christus Iesus; nequē ulterius progreditur; sed facit, quæ vult Centurio. O felix pugna, quando creatura pugnat cum Deo humilitate; infelix & deploranda nimis, quando ei resistit per superbiam. Ita corruit Lucifer cum suis: ita Gigantes

tes perierunt; ita omnes damnantur superbi. Non hos igitur, sed Centurionem sequamur dilectissimi; sic enim fiet, ut vincamus inuincibilem, & victum tenebimus, neque dimittamus eum, donec benedicat nobis. Nota est *Gen: 22. 24* enim nobis historia Patriarchæ Iacobi, luctantis cum Deo: scitote, quod non alia, quam *5. Humilitate cogitur ad benedicendum* hac virtute, humilitate inquam, & eius perdissequa obedientia pugnavit, *contra Deum* fortis fuit, prævaluit, tenuit, nec dimisit illum, donec benedixit ei in eodem loco. Quid enim aliud spirant verba illa eiusdem Iacobi in oratione ad Deum dicentis. *Domine qui dixisti mihi, Revertere in terram tuam, & in locum natiuitatis tue, & benefaciam tibi; quam obedientiam? quam humilitatem? Idem enim est, ac si diceret; humiliavi ego me, ô Deus, in conspectu tuo, & feci, quod præceperas mihi; fac igitur tu quoque, quod promissisti, & benefacias, benedicasque mihi. Neque spes fefellit Iacobum, & nos non fallat; si tam illum, quam Centurionem istum imitari studuerimus. Verum videamus iam hanc admirabilem victoriam, in ipsa sacra historia descriptam. Itaque postquam Centurio declarasset fidem, & fiduciam suam, petissetque ne in domum ipsius veniret Christus; sed absens imperaret puero sanitatem, hoc ipsum sui exemplo persuadere Christo conatur, cum inquit.*

NAM ET EGO HOMO SUM SUB POTESTATE CONSTITUTVS. Ac si diceret,



ret, habeo & ego supra me alios superiores. Chiliarchos videlicet, Duces, Imperatores; quibus etiam obedire studeo: sed habeo inter alios, quibus ipse præsum, eosq; duplices, nempe milites, quos politicè rego; & seruos, quibus despoticè impero. Atque id eò.

HABENS SUB ME MILITES, qui natura sua, ad officia præstanda non solent esse adeò obedientes. Nihilominus quando:

DICO HVIC VADE; ET VADIT, ET ALII VENI, ET VENIT, suntque mihi in iis, quæ seruitutem non redolent, obedientes; & iussa mea honorifica, non grauatè perficiunt. At verò quādo impero, & dico

*Centurionis oratio Christi Deū esse probat.*

SERVO MEO, FAC HOC. ET FACIT. Exequiturq; omnia etiā seruilia, & quæuis alia opera. Hæc est Centurionis ratio, & oratio, carens vt videtis cōclusionē: Sed Christo sapientissimo satis, imò plusquā sātis dictum fuit. Verū non sufficiebat id hominibus impijs, qui vbi possunt, & quantum valent, honori Christi detrahunt; Hæreticis in-

*Contra hæreticos.*

quam, tā antiquis Arrianis, quā nouis Caluinianis. Isti enim addunt, non Centurionis fide plenam, sed suam perfidia refertam complexionem; asserentes argumentum esse à pari; quod nihil diuinum de Christo concludit. Sed hoc falsum est, concludit enim à minori ad maius; dupliciter, vel tripliciter, sic colligens: Primò. Si ego homo sub potestate constitutus dominosq; agnoscens meos, possum ta-

men

men aliquid: quantò magis tu, qui es Deus,  
 & qui nullius dominium agnoscis; quod vo-  
 les efficies? Secùdò Si ego, etiam ab illis qui-  
 bus non omnimodè præsum, obtineo tamen  
 vt veniant, quando à me vocantur; quantò  
 magis tu, cui omnia ad nutum subsunt, præ-  
 stabis si velis quòd peto? Tertiò: Si ego, dum  
 seruo meo quiduis operis impero; per seruū,  
 quod volo perficio: quātò magis tu, qui nul-  
 lius creaturæ opera indiges, etiam corpore  
 absens, si tibi libitum erit sanabis, puerum me-  
 um? Agnouit igitur gentilis, Christū esse De-  
 um, quem agnoscere nolunt, qui se Christia-  
 nos nominant, licet non sint. Quasi utrò de-  
 sint alia quoque argumenta diuinitatis Chri-  
 sti, in Euangelio hodierno. Etenim illa sen-  
 tentia DICO AVTEM VOBIS, &c Vide-  
 mus quomodo Christus Dominus nouerat  
 euentura. & cum summa authoritare prædi-  
 cit, longè post futura, nempe vt Deus; Distri-  
 buit etiam sessionem in cælo, cui vult; vt De-  
 us. Sanat absens puerum, non orando, sed  
 imperando, vt Deus. Intuetur corda Iudæ-  
 orum, & fidem eorum, cum fide Centurionis  
 comparat, vt Deus: Quid enim amplius, hac  
 in parte potuit, facere Deus? Deus ergò erat,  
 est, & erit Christus Iesus, inuitis licet & fremē-  
 tibus tum Iudæis, tū Hæreticis. Hæc pro tex-  
 tus explicatione ad illustrandam gloriam Iesu  
 Christi dicta sunt. Iam videamus quid Chri-  
 stus Dñus, non expectata Centurionis con-  
 clusione,

Alia de diuini-  
 tate Chri-  
 sti argumēta

2.

3.

4.

5.

6.

7.



Christus li-  
cet omnia  
nosset.

Veret̃ mi-  
rabatur.

Aug. lib: 1  
de Genesi  
cōtra Ma-  
nicheos  
cap. 8.  
Vt nos doce-  
ret.

Dñica infra  
octauā Nar-  
con: 3.

clusione & dicat & faciat. Inquit n̄. Matthæus:  
AVDIENS AVTEM IESVS MIRA-  
TVS EST. Quomodo miratus, qui omnia  
sciebat? Admiratio enim ex ignotæ rei co-  
gnitione procedere consuevit: Christus au-  
tem omnia, quæ in corde Centurionis late-  
bant, optime nouerat? Nouerat lanè, & ita  
nouerat, vt non solùm antequam dicerentur.  
sed etiam priusquam cogitarentur, ea nosset;  
quinimò hæc, & alia omnia bona, in eo crea-  
uerat, vt pulchrè D. Augustinus dislerit: Mi-  
ratus est tamen Christus vt homo, quia vt ho-  
mo, affectus humanos in se suscepit, quorū  
vnus est admiratio. Quòd si causa admirati-  
onis caruit, non caruit tamen quando voluit,  
& quomodo ei placuit ipso effectu. Itaq; vt  
arbitror, nō solū vultū admirantis induit; sed  
etiā verè miratus fuit sicut verè erubuit quā-  
uis causa careret, quæ ruborē in nobis excita-  
re solet: sicut verè doluit, quāuis esset beatus;  
cui dolere repugnat; sicut & alia eiusmodi mi-  
rabiliter egit. Nōne etiā nos rerū quas noui-  
mus pulchritudinem; & his similia, miramur  
nonnunquam? Quantò magis ergo Christus  
Dominus alias cognita mirari potuit? Prout  
& fecit, vt Magister virtutum doceret nos:  
quomodo hoc quoque affectu, bene vti de-  
beamus. Qua de re quia aliās haud pauca dis-  
seruimus, hic ista pauca, sufficiant. Hoc igitur  
Christus Dominus fecit. Quid verò locutus  
est? Ait euangelista:

ET SEQVEN-

Diſta ſua  
mirari.

ET SEQUENTIBVS SE DIXIT Pri-  
mum Apoſtolos, & Iudæos ſequentes ſe, al-  
loquitur; poſtea verò Centurionem: & ita  
ſermonem ſuum, in duas diuidit partes. A-  
poſtolos docet, Iudæos terret, gentiles ſola-  
tur, & mulcet. Eximium tum myſterium,  
tum doctrina, tum artificiū; vno dicto mul-  
ta complecti. Perſonæ ſpirituales hæc medi-  
tabuntur; quòd dum agunt, & fructus refe-  
rent vberriſimos; & tum in ſe, tum in aliis, af-  
fectus varios excitare ſatagent. Iam timoris;  
ne cum Iudæis ingratiſtudinis ergò condem-  
nentur, tantò acrius, quantò maiora præillis  
beneficia hæreditarunt. Iam ſpei; ſi em̃ Cen-  
turionem imitabuntur, cum Centurione,  
Abrahamo, Iſaaco, Iacobo, & omnibus ſan-  
ctis recumbent in regno cælorum. Iam amo-  
ris, & charitatis: Quis enim tantum benefa-  
ctorem non amabit, qui non ſolùm gratis  
tanta bona promittit; ſed etiam tum media  
ad ea acquirenda oſtendit: tum quod maxi-  
mum eſt, & quod nemo præter omnipoten-  
tem præſtare poteſt, vires etiam ipſas ad ea  
adipiſcenda tribuit? O bonitas immenſa! O  
liberalitas nunquam ſatis dignis celebranda  
laudibus! quis te non amabit bone Ieſu qui  
tantopere nos amaſti? quis gratiarum actio-  
nes te dignas perſoluet tibi, qui plura nobis  
præſtas beneficia: quàm non modò lingua  
diſertiſſimorum exprimere, ſed nemēs qui-  
dem humana aſſequi poſſit? Hæc igitur, & his

Indeq; affe-  
ctus pios ex-  
citare.



similia, circa ista Christi dicta, factaq; , & deuota mente contemplabimur; & piis affectibus prosequemur, & quantum in nobis est, purè, & synchrè solius Dei gloriam quærentes, aliis communicabimus. Verùm audiamus iam quidnam dicat Iesus sequentibus sc.

Fides Centurionis fidem Iudæorū superabat.

AMEN DICO VOBIS, inquit, NON INVENI TANTAM FIDEM IN ISRAEL.

Comparisonem facit inter Israelitas & gentiles; Ideoq; hinc etiam constat, centurionē hunc gentilem fuisse. Fides enim illius, fidei omnium Iudæorum opponitur, ab illo, qui

Obiectio de B. Virgine.

corda omnium nouerat, Christo Deo. Sed quid quæso dicemus de fide prophetarum, Ioannis Baptistæ, ipsius quoq; matris Dei, necnon Apostolorum? Nunquid enim fides centurionis omnium istorum fidem superabat? Duo dicere possumus. Alterum, Iesum

l. Responsio

Christum non loqui, nisi de tempore prædicationis suæ, & ideò inquit, NON INVENI, quasi diceret, ab eo tempore, quo concionando illam quærere cæpi Beata verò Virgo, cum prophetis, & Ioan: Baptista, multò antea maiorem fidem habuerunt; Apostoli autem ab hoc centurione hac in parte forsitan tunc superabantur: notum est enim, principem illorum Petrum, non credentem Chri-

Mat: 16. 22

Luc: 17. 5.

sto prædicent passionem suam dixisse: Absit à te Domine, non erit tibi hoc; quod utiq; , vt arbitror, Centurio iste non dixisset, sed & idē Petrus cum aliis rogat, dicens. Domine adauge nobis

*nobis fidem.* Magna igitur Centurionis istius, qui primitias fidei gentium in se gerebat, fuit fides; quam nos ex gentibus conuersi, imitari studeamus. Alterum dicere possumus sermonem hic esse de fide eorum, qui ad Christum veniebant, ut curarentur ab eo: quorum omnium fidem, & fiduciam, de recipienda sua, sanctorumque sanitate; fide sua Centurio superabat prout & testis est Christus, & in Regulo, atque aliis manifestum est. 2. Responsio

10<sup>a</sup>. 4. 46

Itaque ex occasione tantæ fidei huius gentilis, erumpit Christus Iesus Dominus noster, in illam sententiã, & prophetiam Iudæis terribilem, gentibus amabilem; & tam Iudæis, quam gentibus conuersis, ad fidem, pieque in ea viuentibus, salutarem & summa plenissimam lætitia. Certum est enim, non defuturos etiam ex Israëlitis, qui recumbent cum Abraham, Isaac, & Iacob in regno cælorum: cum multi Iudæorum fuerint ad Christum conuersi, sed comparatio sit pro maiori parte: Maior enim pars Iudæorum permanfit in infidelitate sua; quam tamen iacturam compensatum iri copiosissime per conuersionem gentilium, prædicit hic Christus, & quod prædixit, effecit: Imò hucusque non cessat perficere, admirabili sua prouidentia, qua non solum Iudæorum, sed etiam hæreticorum perfidiam, fidei populo aliunde petito, abundè solet sibi resarcire. Res sanè consideratione digna, & pro Catholicis consolatione plena. Videmus enim

NOTA  
Quomodo  
Christus sibi  
compensat.

Infidelitatem  
Iudæorum.

Perfidiam  
hæreticorum.



Indeq; Con-  
solatio Ca-  
tholicorū.

tot gentes Idololatrię, deditas, om̃ibus ante  
sęculis incognitas, à Christo ad gremiũ spon-  
sę suę Ecclesię aggregari. Videmus paruam  
istam verę fidei iacturā, quę contigit in Ger-  
mania, Gallia, Belgio, Anglia & aliis insulis  
vicinis, in nostra quoq; Polonia (quamvis in  
dies singulos plurimi, Christo sit laus sempi-  
terna conuertantur) abundantissima messe, &  
longè maiori cū fęnore, refarciri, & compen-  
sari; ab iis, qui in remotissimis Orientis, & Oc-  
cidentis partibus in innumeris abstrusisq; in-  
sulis, in prouinciis, & regnis copiosissimis, no-  
ui Christiani & Catholici ad Christum acce-  
dunt, instruuntur, baptizantur, numero penè  
innumerabiles, in fide Catholica feruentes, pi-  
etate conspicui, spe gaudentes, charitate ar-  
dentes. Hęc dum videmus, exultamus in Do-  
mino, & gratias, quas possumus, maximas  
agimus pro diuina & miranda, ipsius prouidē-  
tia; pro tot fratrum accessione, pro hac quę  
subnectitur ipsius Christi Iesu ore prolata  
prophetia, quam superabundanter, & multò  
quàm verba sonant copiosius, adimpleri &  
videmus, & lætamur. Ceterum quia prophe-  
tiam hanciam alias integra concione explicu-  
imus, & inde timorem Sanctum excutere co-  
nati sumus, nunc ad amorem & gratitudinem,  
inde quoq; excitandā, hęc pauca, dicta suffi-  
cient. Iā verò finē Euangelii & verba Christi  
ad Cęturionē, inspiciamus. Inquit n̄. Matheus.

ET DIXIT IESVS CĒTVRIONI,  
Secun-

Secundum D. Augustinum in nunciis eius, secundum Chrysostomum, & nos ipsimet in persona.

VADE, ET SICUT CREDIDISTI, FIAT TIBI. Hæc verba multum certè probant Centurionem fuisse præsentem. Estq; quoque modestiæ nota, qua Christus Dominus, modestè & humiliter, de rebus nostris loqui, & bona quæ agimus, aliis potius, quàm nobis adscribere, nos docet. Statimq; sequitur effectus. Dicitur enim:

ET SANATUS EST PVER IN ILLA HORA. Imò eodem in momento, quo verba hæc à Christo prolata fuerunt. Notantq; hic Doctores contra impios Hæreticos, quantum valeat apud Christum intercessio pro aliis, imò & fides; ac fiducia aliorum pro aliis. Vtriusque enim præclarum hic habemus exemplum; in Centurione, qui non solum corporis (quod ex scriptura certissimum est) sed etiam animæ salutem, seruo suo (multò magis autem sibi) obtinuisse probabiliter, creditur. Dedit enim Christus Iesus tantam utriq; gratiam, ut in eum crederent, ipsiusq; oues effecti, inter fideles computarentur.

Verum enim verò quia textum Evangelii totum iam fauente Christo declarauimus, & inter explicandum ea, quæ ad laudem ipsius esse videbantur adnotauimus: restat ut quod in principio proposuimus, quoq; Ecclesia auctoritate sua quodammodo à nobis exigere videtur,

Christi humilitas nostra instructio.

Fides aliena prodest.

POSTremo De Eucharistia agendum



Præparatio-  
nes ad illā.

2. Lepra mū  
danda.

2. Intercesso-  
res præmit-  
tendi.

Cum spe cō-  
solationis.

videtur, iam aggrediamur: & de sanctissimo Eucharistiæ Sacramento, aliquid tum ex dictis, tum aliunde colligamus. Considerandum est igitur nobis, quænam sint ad hoc charitatis Sacramentum dignè participandū præparationes necessariae, & quonam cum gustu, fructuq; illud sit percipiendum. Et præparatio quidem maximè necessaria est, ut is, qui se leprosum in anima per peccatum mortale esse nouit, nō prius ad Eucharistiam accedat, quàm lepram suam, per penitentiam & confessionem Sacerdoti factam deponat, ac emundet. Cæteri quoque omnes etiamli veniali tantū lepra teneantur, committere non debent, quin per dolorem competentem aptos se ad dignè participandum reddant. Deinde exemplo Centurionis, intercessores sunt præmittendi, inuocandi Sancti; tum Patroni Ecclesiæ, & diei illius: tum Angeli Dei: tum ipsa mater Dei. Si enim Iudæos adhuc incredulos (ut est probabile) pro Centurione, & Centurionem gentilem, pro seruo suo intercedentem exaudiuit Iesus, quis tam desipiet, ut putet, illum electorum & charorum suorum orationem pro nobis factam, in re, & negotio longè & honestiori, & maximè necessario repudiaturum? Minimè equidem respuet, quin imò sperandum est quòd ad preces amicorum suorum, Christus Iesus presens in hoc Sacramento, saltem micam aliquam illius consolationis dabit nobis, quæ cadit ex mensa eorum;

Visiois

Visionis inquam illius beatificæ, dulcissimæ, & suauissimæ, angelorum, & Sanctorum Dei, gustū tribuet, consolationē spiritualementem; quā quidem nos illecti & excitati ac confortati cælestia & appetemus avidius, & quæremus diligentius. Faxit Christus Iesus.

Quam ad rem valebit plurimum, imò necessarium omninò erit, alienis subsidiis, & deprecationibus, propria adiungere opera bona ac in aliis quoq; virtutibus Centurionē hunc imitari. Quarum prima occurrit, quæ ordine etiam ipso prima est, & basis, ac fundamentum ceterarum. Fides inquam: nam *sine fide impossibile est placere Deo* ait Apostolus. Hęc ore Christi Dei, in Centurione hodie laudatur, hæc hodie nobis quoq; pernecessaria est, si unquam, nunc certè, quando tot perfidiæ, contra hoc sanctissimū pignus exortæ sunt, & quotidie exoriuntur, ut iam vix numerari possint. Itaq; credendum est nobis, hunc ipsum quem in Euangelio Centurio allocutus est, esse non solum in cælo residentem, sed etiam hic in Sacramento præsentem: ibi quidem sicut Centurioni oculis corporis conspicuum, hic verò inuisibilem: Esseq; non cum pane, aut sub pane, aut in pane, sed sub specibus tantum, & accidentibus panis & vini. Esse autē non per humanitatem ipsius ubiq; existentem (absit hoc vel cogitare) sed per transelementationē, seu per transubstantiationem panis & vini, in verum corpus & sanguinem Christi Iesu, hic

3. Fides Catholicæ profitenda.  
Heb: 11. 6.



4. Spes erigenda.

realiter presentem. Hæc & his similia, quæ Sancta Mater Ecclesia nobis proponit, dum accedimus, ad hoc venerabile Sacramentum, corde credere, & ore profiteri contra omnem perfidiam hæreticam, magni sanè meriti est opus, & exercitium: pulcherrimèq; huic basi, innituntur & adaptantur verba illa & Centurionis & nostra DOMINE NON SVM DIGNVS &c. Huic verò basi & fundamento, Sanctæ spei, superædificandum est ædificium, qua corroborati & excitati, orabimus, sperabimusq;, non eam, quam optamus desideramusq;, non iam corporis, sed quod longè est excellentius, animæ salutem, donaq; spiritualia à Christo Domino hic presente, impetraturos: prout tam leprosus, quàm Centurio in hodierno Euangelio obtinuerunt, quod petierunt. Neq; vt illos ita etiam nos fallet fiducia nostra, si nos non fefellerit admiratio, pietas, humilitas, & charitas nostra.

5. Admiratio adhibenda.

Admirationē nos docet ipse Saluator admiratione sua, admirationem inquam illam quam pia meditatio, & contemplatio sequitur. Quis enim dubitat, non propter se (cui admiratio quodammodo repugnabat) sed vt nos (quibus id apprime est vtile) instrueret; hodie demiratum esse Christum Dominum? Admirationis autem sanctæ latissimum nobis exhibet campum admirabile hoc Sacramentum, Qua in re tamen duo extrema cauenda sunt nobis: alterum ne nihil, alterum ne nimium

Cauenda tñ hic extrema duo.

mium velimus mirari. Nihil mirantur, qui ex sola consuetudine, absq; tanti mysterii consideratione vlla, ad Eucharistiam & sacrificandum accedunt. Nimium verò mirantur, qui secretissima & incompræhensibilia opera Dei quæ in hoc Sacramento includuntur exiguitate ingenii sui metiri, & compræhendere volunt; quales sunt hæretici. Vtrumq; fugiendum est valde, ne vt cum iis, qui primo loco sunt positi competat nobis illud prophetæ (spiritualiter intellectum) *Ephraim vitula docta diligere trituram*: Et cominatio, quæ hæc verba præcedit; aut cum postremis dicatur nobis: *Qui scrutator est Maiestatis opprimetur à gloria*. Quot enim olim videntes, nunc hac ratione excæcatos conspiciamus? qui dum non fide, sed ratione scrutantur maiestatem hîc præsentem, oppressi sunt à gloria, in hoc Sacramento veraciter latente. Ne igitur idem nobis, quod absit, contingat; adhibenda est humilitas. Hæc enim docet, nos *destruere omnem altitudinem, extollentem se aduersus scientiam Dei, & in captiuitatem redigere omnem intellectum in obsequium Christi*, & fidei ipsius: hæc contemplationes altas deprimit, demissas eleuat, & dulces reddit. Hæc nos non pertinaciter propriæ insistere scientiæ, quin imò mutare illam docet, quando vel ratio eademq; animi submissio, vt Centurioni) vel aliena deprecatio id suadet, vt fecit Christus. Huius in factis, verbisq; tam Christi, quam Centurionis præ-

NOTA

Osee. 10. 11

Prov. 25. 27

6. Hūilitas.

2 Cor. 10. 3



clara monimenta hîc habemus. Hanc igitur amplectamur, in ea iugiter nos exerceamus, cum semper; tum verò accendendo ad sacrâ hostiam. Hoc enim nos Ecclesia docet, quando verbis istis Centurionis, tum temporis utitur, quæ si sigillatim excutias, singula tibi vel humilitatis, vel feruentis fidei singularia præbent argumenta.

7. Charitas  
maximè ex-  
ercenda.

Erga proxi-  
mum.

Neque verò in humilitate consistendum est, sed ad Sacramentum charitatis accedere volentibus, charitas adhibenda est, tam erga Deum, quæ pietas dicitur; quàm erga proximum, quæ misericordia nuncupatur. Intueamur quæ bonus iste Centurio, pro seruo suo agat, quanta cum diligentia & sollicitudine opem ferre illi satagat. Aspiciamus & ipsum Christum Dominum, quanta cum charitate, absq; vlllo personarum respectu miseris misericors pro cuiusvis necessitate succurrat: & imitari vtrumq; connitamur. Primum quidem, & maximè si prælati sumus; deinde verò omnes accessuri ad fontem liberalitatis, liberales erga pauperes ipsius simus. Largas faciant elèmosynas corporales qui possunt: exercent spirituales, qui illas dare nequeunt. Omnes verò vel maximè procurent, vt domesticorum curam gerant, salutemq; animarum sibi commissarum procurent. Si enim Christo Domino tam chara fuit sollicitudo Centurionis, pro corpore serui; quàm chara illi erit, cura nostra pro anima proximi, quâ ipse

ipse suo proprio redemit sanguine? O uti-  
nam hæc, ut par est, & considerent, & in pra-  
xim reducant, prælati, parentes, præcepto-  
res, patres familias, & alii his similes; quam  
eximios, dulces, & suaues referent, in partici-  
patione huius Sacramenti fructus & conso-  
lationes? Ante omnia autem pietas erga De-  
um & dilectio Christi Iesu, quam feruentissi-  
ma à nobis procuranda, & in nobis excitanda  
est. Sicut enim per calorem, flamma &  
ignis excitatur, qui excussus ipse vicissim cale-  
facit, comburit, imò in se conuertit omnia:  
Ita qui amore accensi diuino, ad Eucharistiam  
accedunt, feruidi per hoc Sacramentum, imò  
per Christum ipsum, realiter in eo presentem,  
diuina charitate adurantur, inflammantur &  
suo modo in Christum conuertuntur. Con-  
trariam namq; proprietatem habet cibus iste  
præ aliis. Cæteras etenim escas nos in sub-  
stantiam nostram conuertimus: hic vero ci-  
bus, eos, qui ad sumendum illum dignè acce-  
dunt, ipse in se conuertit, & confortes nos  
diuinitatis suæ Christus Iesus efficit, ( ut in  
quadam oratione petit Ecclesia ) qui huma-  
nitatis nostræ particeps esse voluit; & cuius  
pignus admirabile ( seipsum omnino ) in hoc  
Sacramento nobis reliquit. Hæc ergo medi-  
temur dilectissimi, easq; quas ex Euangelio  
recensuimus præparationes, dum ad myste-  
rium istud percipiendum accedimus, adhibe-  
amus charissimi: Sunt enim excellentissimæ:

Erga Deum

Fructus inde  
eximij

1. Ipsa Chari-  
tas a simili.

2. Diuinita-  
tis partici-  
patio.

Adissimili.

Bonum



f. Alij innu-  
meri.

Joan: 1. 16

Conclusio  
p orationē  
ex illo, Do-  
mine non  
tum dignus

Bonum est ieiunium, bonæ huic similes car-  
nis aliæ exercitationes, bonæ equidem, &  
obseruandæ, quando aut Ecclesia ea seruan-  
da præcipit, aut consuetudo docet, aut di-  
cretæ deuotio suadet: attamen absq; his po-  
test quis dignè corporis & sanguinis Domini  
particeps fieri: at verò sine illis, nemo dignè  
accedit, cum illis verò nemo infructuosè re-  
cedit. Vincit enim inuincibilem humilitate,  
& ligat, soluitq; manus omnipotentis chari-  
tate, cæterisq; virtutibus. Ligat ne peccata  
eius puniat, soluit vt ei cum Iacob benedicat,  
vtq; per benedictionem, ex ipso fonte gratiæ,  
hauriat fructus spirituales vberes, consolati-  
ones suauitatesq; inenarrabiles, quæ nemo  
nouit qui non gustauit, & qui gustauit haud  
facile explicare poterit, haurietq; vt vno ver-  
bo cum D. Ioanne dicam *gratiam pro gratia.*

Quæ cum ita se habeant, quid æquè con-  
uenit quàm vt cum magna humilitate & cha-  
ritate, cum Centurione isto accedamus & di-  
camus. Ecce Domine Iesu, non iam puer me-  
us, sed animus meus, in corpore hoc tanquam  
in domo putrida putidaq; iacet paralyticus;  
dissolutæ sunt omnes compages illius; iacēt  
enim omnia terræ agglutinata; memoria ter-  
renæ fuggerit, intellectus eadem meditatur,  
& recogitat, voluntasq; appetit: neq; erigere  
se, & cælum aspicere valet, sed malè torque-  
tur, morti æternæ vicinus, nisi tu adiuueris,  
nisi opem tuleris. Et quamuis te, totoq; cæ-  
lo &

Io & terra teste, fatear Domine, me non so-  
 lum dignum non esse, qui te in Sacra hostia  
 verè præsentem admittam, sub tectum cor-  
 poris mei, sed etiam qui assumam nomen tu-  
 um per os meum: propter multitudinem &  
 gravitatem peccatorum meorum, quibus irā  
 tuam commeriui, & animam meam defædaui,  
 ideoq; clamo, cum Centurione & Ecclesia:  
 Domine nō sum dignus vt intres sub tectum  
 meum; sed tantum dic verbo, & sanabitur a-  
 nima mea. Veruntamen quia complacuit  
 misericordiæ & bonitati tuæ infinitæ, non  
 solum constituere Sacramentum hoc, sed eti-  
 am inuitare nos, & præcipere nobis vt acce-  
 damus ad illud, imò comminatus es dicens:  
*Nisi manducaueritis carnem filij hominis, & bibe-* *104: 6. 54*  
*ritis eius sanguinem, non habebitis vitam in vobis:*  
 cumq; ego, bone Iesu, vita indigeam; ( sine  
 vita enim viuere nec volo, nec valeo ) quid  
 aliud faciam miser, quam vt tam miseria mea  
 adactus, quam misericordia ista tua immen-  
 sa animatus, accedam? En ergò venio, en ac-  
 cedo benignissime Christe Iesu, teq; per vi-  
 scera misericordiæ tuæ, & merita tua, rogo,  
 oro, & obsecro, vt tu verbum æterni patris,  
 verbum incarnatum, qui per verbum tuum  
 admirabile, in consecratione prolatum, vo-  
 luisti adesse præsens sub speciebus panis & vi-  
 ni: te inquam obsecro, obtestorq;, vt dicas,  
 verbo tuo, & efficias præsentia tua, vt sane-  
 tur anima mea, vtq; sanata per te, requiescat  
 in te,



inte, neq; vnquam amplius per peccatura  
separetur a te: sed viuens secundum sanctissi-  
mam voluntatem tuam semper in finem vitæ  
huius mortalis, tandem perueniat ad te, vbi  
iam nō in ænigmate per fidem, neq; velatum  
speciebus panis & vini, vt nunc; sed oculo ad  
oculum videam te verū Deum, cū patre  
tuo æterno, & almo Spiritu S. paracly-  
to viuētē, & regnātē in secula sæcu-  
lorum. AMEN.

# DOMINICA QUARTA POST EPIPHANIAM.

## Euangelium Matth 8.

**I**n illo tempore: Ascendente Iesu in na-  
uiculam, secuti sunt eum discipuli eius:  
Et ecce motus magnus factus est in ma-  
ri, ita vt naucula operiretur flu-  
tibus, ipse verò dormiebat. Et accesserunt disci-  
puli eius, & suscitauerunt eum, dicentes: Domine,  
salua nos, perimus. Et dicit eis Iesus: Quid timidi  
estis modicæ fidei? Tunc surgens, imperauit ventis,  
& mari, & facta est tranquillitas magna. Porro  
homines mirari sunt, dicentes: Qualis est hic, qui  
venti & mare obediunt ei?

PAR-

## PARTITIO.

**E**uangelium hoc, aut nullas, aut multas habet partes. Nullas habebit, si ipsam historiam consideres, quæ una tantum est: multa si singulas actiones, quas partim noster, partim alii conscripserunt Euangelistæ, *Mat: 4.36* minutè intueri vellis. Hac enim ratione tredecim vt *Luc: 8.22.* minimū reperientur. Nā vt summatim dicamus; In hac sacra historia 1. Christus dominus ascendit in nauiculā 2. Sequuntur eum discipuli eius. 3. Transfretant omnes, & discipuli quidem nauigant, 4. Christus verò dormit in puppi supra ceruical. 5. Interim procella maxima exoritur. 6. Nauis periclitatur. 7. Discipuli timent valde. 8. Et certatim excitant Præceptorem. 9. Is excitatus increpat illos, 10. Et surgens increpat etiam mare, præcipiens ei, vt taceat, & obmutescat; id est conquiescat. 11. Sequiturq; tranquillitas maxima. 12. Quam mirantur homines. 13. Et maius quid quam antea de Christo sentire incipiunt. Hæc tres Euangelistæ.

Nos verò quid? Nec singulas, nec plures partes per partes considerabimus, aut diuidemus, sed totū Euangelium quadrariam contemplabimur, & partiemur, Diuisio autem communis est: Nam notum est plerisque varios esse sacræ scripturæ sensus. Duos antiqui statuebant, Historicum videlicet, & mysticum, seu spirituale. Tres ponit D. Hieronymus, historicum, tropologicum, & spirituale. Moderni Doctores postremū subdividentes quadruplicem agnoscunt literalem, moralem, allegoricum, & anagogicum. Literalis quamuis historiam imprimis consideret, potest tñ. esse multiplex loci vnius, quod aliās, si Deo placuerit, ostendimus. Tropologicus mores instruit, indeq; moralis nuncupatur. Allegoricus autem secundum quosdam ad **IESVM CHRISTVM**, qui est caput; Anagogicus verò, id est, altus & abstrusus, ad membra eius, nempe ad Ecclesiam pertinet. Verum secundum alios, allegoricus quid in terrestri; Anagogicus autem; quid in cælesti

*Hiero: in  
Episto: ad  
Heldibia  
quaest. 12.*



lesti Ecclesia agatur edocet. Itaq; nos secundum hunc quadruplicem sensum, sic quatuor nostras ordinabimus conciones. In prima textum & literam explicabimus, indeq; timorem incutere conabimur, maximè illis verbis; *Domine, salua nos, perimus*: In secunda, nauicula CHRISTI Dñi allegoricè intellecta, fidem Catholicam confirmabit. In tertia concione, Quid in anima nostra agatur, agendumue sit, per tropologiam idem Euangelium nos instruet. In vltima per anagogen, nauicula & charitatem Christi crucifixi, & regnum illud æternum nobis commendabit, ac viam compèdiosisorem ad illud nobis pandet. Vno verbo, Nauicula, in sensu literali instrumentum nauigantium omnibus notum est; in allegorico Ecclesiam, in morali animam cuiusuis fidelis, in anagorico crucem denotabit.

EV ANGE-  
LIVM PER  
DITIO. RE  
MEDIVM.

## CONCIO PRIMA.

Timor.

### EX SENSU LITERALI.

*Domine, salua nos, perimus.*

Mundi quã  
ta sit peruer-  
sitas.

1. Ioã: 5. 19

**Q**Vamuis omni mundi huius immundi tempore, verum sit illud, quod veritas Deus per Ioannem dixit; quodq; iam aliàs à nobis citatum fuit, & sæpè repetendum erit, nempe, quòd *mundus totus in maligno positus est*: tamen hoc imprimis anni tempore, quo mundus immunditias suas maximè promit, quo illas quodammodo inuitis etiam obtrudit, hoc inquam tempore, quo Bachanalìa instant, imò à quibusdam iam inchoata sunt, (vtinam

(utinam saltem à paucioribus) dictum istud Apostolicum, summum locum etiam inter Catholicos habet. Quapropter illud in proverbium apud nos iam vertitur: placent nunc breves conciones, longa verò farcimina, vel conuiuia potius. Res equidem indigna Christianis, digna vberissimis lachrymis in Christianis, quibus una hora concionis annus est, decem & eo amplius conuiuii (& quæ conuiuium adiunguntur) vix horæ unius spacium esse videtur, ita pro dolor, carni, operibusq; carnis immergi, spiritum in nobis extinguimus: ut quæ verè spiritui competit delectatio, ne in minimis quidē ponatur. Sed dicet fortè, horum quispiam. Conceditur ne igitur nobis decem horis esse in cōuiuium? Absit. Nō equidem conceduntur à nobis; sed ultro citroq; rapiuntur à vobis. Conceditur, quod dat lex nāæ, quod Christus Iesus, quod ipsum honestum permittit: Verum inquā honestū & Christianum: non illud, quod vos honestum vocatis, cum ne tantillum quidem honesti in se cōtineat. Quomodo enim honestum erit, quod auctori honesti Deo, quod Angelis, quod Sanctis, quod piis omnibus displicet? Hoc igitur detestamur: illud verò quod verè decorum est, & cōmendamus, & ut fiat rogamus. Petimus & aliud, ut si tantum datis mundo, detis saltem decimam huius partem Christo, licet per inutile, & vile instrumentum ad vos loquenti. Cæterum ut quantum fieri potest,



nos quoque vobis accomodemus; Ecce in hac concione illa tantum quatuor verba; DOMINE, SALVA NOS, PERIMVS, excutienda suscepimus: (imò pene solum postremum) sed tamen Euangelium præmittimus.

Propos: bi-  
partita.

Duo igitur Christo iuuante præstabimus. Primum: Euangelium breuissimè explicabimus, &, quæ circa illud occurrent, difficultates dissoluemus. Deinde, in illis quatuor verbis aliquantulum immorabimur: considerantes, tum quibusnam modis pereat homo: tum vnde id proueniat: tum quidnam sit remedii, ne pereamus. Da Christe Iesu vt ita hæc perpendamus, quo timore tuo sancto concussi, & à periculis animæ liberari, & per te in æternum saluari mereamur.

I. PARS.

Explicatur  
Euāgelium.

Mat. 4. 36.

Cōcordātur

Euāgelistæ.

ASCENDENTE IESV IN NAVICVLAM. Dimissa turba, vt alter Euāgelista testatur.

SECVTI SVNT EVM DISCIPVLI E-

IVS. Qui tamen antea nauim parauerāt, prout iussi fuerant. Postea eo veniente, & nauim conscendente, discipuli quoq; secuti sunt eū, vel vnus & alter præcesserat ad parandam nauim, alii subsequuti sunt cum Christo. Et illi

Luc. 8. 23.

quidem soluentes à littore, assumunt eum, ita vt erat in nauī, & nauigantibus illis obdormiuit. In nauī autem, qua Christus Dominus vehabatur, soli tantum discipuli fuerunt cum Iesu: at verò teste D. Marco & aliæ naues erant cum illo, vel cum illa (vtrumq; enim patiuntur Græca) id est, erant vel cum Christo, sed in aliis nauibus

bus; vel cum naui, quę Christum continebat. Omnes itaq; qui in hilce vehebatur nauibus, erant participes & turbationis, & tranquillitatis maris. Hoc est initiũ historię huius, qua etiã ratione & differentia, si quę inter Euāgelistas eē videtur omnis ē medio tollitur; & qui fuerit. postea mirati, facile animaduertitur. Porro quid ascendentibus, & nauigantibus illis acciderit, pergunt narrare noster Euāgelista, dicens:

Sathan tempestatem excitat.

ET ECCE MOTVS MAGNVS FACTVS EST. Probabile est, à Dæmonibus hanc tempestatem excitatam fuisse. Id enim insinuat D. Lucas, cum inquit: *Et descendit procella venti in stagnum.* Quod tamen intellige factum esse permittente eo, qui dormiebat Deo: (De quo Dauid: qui conturbas profundum maris, sonum fluctuum eius.) sicut olim quoque permiserat Diabolo Deus, vt affligeret Iobum: Vnde sicut tum temporis, Dæmone procurante, *repente ventus vehemens irruit à regione deserti, & concussa prostrataque domo, occidit septem filios, & tres filias:* Iobi ita hinc. Verum non est permittum Dæmoni eiusq; cum hac naui procedere: sed tantum concessum est illi, procellam excitare.

Psalm. 64. 8.

Vt in Iob. Iob. 1. 19.

Stagnum dicitur mare.

IN MARI, Id est, in stagno Genesaret; quod siue phrasi Hebraica, quę congregatio- nes aquarum maria vocat; siue propter magnitudinem, mare vocabatur. Sicut lacus Asphalticus, & alii similes maria nuncupantur. Fuit autem tanta maris turbatio.



Navis periclitatur.

Chūs verē dormit.

Regula interpretandi scripturam.

Cur dormit Christus.

ITA, VT NAVICULA OPERIRETUR FLUCTIBVS, & implebatur aquis, & periclitabātur nauigātes. Discipulis verò laborātibz in nauigādo, & volētibus, sed nō valētibus appellere nauim ad litus, quid facit IESVS?

IPSE VERO DORMIEBAT, inquit noster Matthæus. Addit Marcus, quod dormiebat *in puppi super cernicali*, non sine magno mysterio, sed mysteria non sunt huius concionis. Dormitionem hanc putant quidam fuisse simulatam: sed non satis profectò cautè. Quid enim impedit, quò minus dicamus verum fuisse somnum. Imò quid non cogit? cū omnes tres Euangelistæ testentur illū dormiuisse? Huius semper fui, sumq; sentententię, quoties salua fide, & authoritate Ecclesię, aliquid in scriptura intelligi potest, vt ipsa verba volunt, ad tropos non esse recurrendum; nisi mysterii & doctrinę causa. Hīc verò optimè potest intelligi, Christum verē dormiuisse. Quinimò propriè magis id de eo dici potest, quàm de nobis. Nos em̄ non possumus dormire quando volumus, quia talium actionum non sumus. domini: ille potuit, & esurire, & dormire, & quæuis alia similia agere patiue, quando, & quomodo ei placuit; prout hīc voluisse eum satis clarè testatur scriptura. Verè igitur & non simulatè dormiuit: tum vt ostenderet veram se habuisse humanitatem, cū diuinitas nō sit somno obnoxia: tum vt proderet quidnam in discipulorum cordibus latuerit, vt seiplos agnoscerent; quod & nobis facit

facit sæpius. quæ de revolente Deo dicemus in alia concione. Dormiuit autem *super ceruicæ*, caput inclinando: quod vel ex ligno fuit, vt quidam Græci volunt, vel ex iuncis, aliæque materia nautis familiari. Dormiente itaq; Christo Domino fauiter, amarè verò trepidantibus Apostolis & reuerentibus fortè, statim suscitare illum; tandem periculi magnitudine adaecti.

Quale ceruicæ.

ET ACCESSERVNT DISCIPVLI EVS. Tumultuariè proculdubio, vt fit in talibus casibus.

ET SVSCITAVERVNT EVM. Certatim vnus post alium, clamantes &

DICENTES: Varii varia, & modestiores quidem humiliter inquirunt:

DOMINE, SALVA NOS, PERIMVS. Variè excitatur.

Impatientes verò & duriores exclamant teste Marco: *Magister non ad te pertinet quia perimus?* *Mar: 4. 38*

Quibus verbis & prouidentiam ipsius lædunt, & diffidentiam suam produnt, Vtinam in nobis imitatores non habeant. Et verò in illis *Doctrina inde*

mirum id non fuit, cum timor mortis iam quasi præsentis, faciat loqui quod ipse nescias: at in nobis cupiditas aliqua inordinata sæpe tale quid excutit. Quod emendandum est omnino. Sequitur.

ET DICIT EIS. Excitatus enim ac apertis iam oculis, grauitè, benignè tamen, alloquitur eos dicens:

QVID TIMIDI ESTIS MODICÆ FIDELITATIS? Cur bis in-



crepantur di  
scipuli.

DEI; Alii Evangelistæ increpationem istam, post sedatos fluctus ponunt. Vnde quidam colligunt: bis Christum Dominum discipulos arguisse. Neque id quidem improbabiliter. Statim em̄ apertis oculis id fecit, vt illos præpararet ad habendam fidem, quam vt plurimum in patrandis miraculis requirebat. Postea verò eadem repetiit, vel etiam aliquantò durius egit; vt tum infidelitatem, tum diffidentiam eorum argueret. Incredulitatē quidem, quòd non crederent eum; vt Deum, etiam dormientem fluctus sedare potuisse. Diffidentiam verò, qua putabant ipsum somno oppressum eorum curam non gerere. Increpatis igitur discipulis.

TUNC SVRGENS, Ergò increpatio ista fuit statim à somno, cum necdum se loco movisset. Et confestim:

Increpantur  
& mare &  
dæmones.

IMPERAVIT VENTIS, ET MARI; Vt scias omnem creaturam irrationalem ad nutum obedire suo Creatori. Quantò iustius id facere deberet creatura rationalis? Vtinam fiat à nobis omnibus. Marcus verò inquit: *Et exurgēs comminatus est vento, & dixit mari, Tace, obmutescē.* Vnde magis confirmatur, quod iam diximus hæc per dæmones excitata fuisse; secundum illud Psalmi *Immissiones* (id est plagæ & afflictiones) *per angelos malos*, in Ægypto patratae fuerunt: ita etiam hîc. Mali em̄ spiritus dum inferunt malum delectantur multum (pudeat pigeatq; Christianos stultitiæ suę talibus

Doctrinæ in  
dedux.

27. 49.

talibus obedire velle) Dæmonibus igitur cō-  
minatur Christus in mari, & vento, iubetque  
vt iam cessent turbas ciere, quod & factum est  
subitò. Subdit namq; sacer Euangelista:

ET FACTA EST TRANQVILLITAS Trāquillitas  
sequitur.  
MAGNA: Magnam tempestatē magna tran-  
quillitas iubente Christo consequitur, vt ty-  
pum habeas mundi huius, cui etiam in spiri-  
tualibus alternatio cōmunis & perpetua est:  
de quo aliās. Nam litera ipsa clara est. Quid  
verò consequitur?

PORRO HOMINES MIRATI SVNT: Homines  
mirantur.  
Lucas verò addit: *Qui timentes mirati sunt:* Quid  
timent? post acceptum tantum beneficium?  
Duplicem esse timorem insinuat, de quo pau-  
lò post. Mirati sunt autem, non solum qui in  
aliis nauibus erant: sed etiam ipsi Apostoli.  
Idenim & Lucas satis insinuat, & res ipsa lo-  
quitur. Mirabantur itaq; omnes.

DICENTES Alterum ad alterum ( vt ali-  
us Euangelista inquit )

QUALIS EST HIC? vel vt alter inquit:  
*Quis putas est iste?* Quam magnus? quantæ au-  
thoritatis? Quia non solum dæmones; quos  
eiicit, non solum morbi, quos pellit; sed etiā,

QVIA VENTI ET MARE OBEDI- Diuinitas  
Christi pro-  
batur.  
VNT EI. Deus igitur erit iste: de Deo enim  
scriptum est: *Qui conturbas profundum maris;* Pf. 64. 7.  
pro quibus verbis in Hebræo legitur: Qui  
compescit fremitus maris. Vtrumq; valdè be-  
nè, vtrumq; enim soli Deo conuenit. propte-



Curetiâ A-  
postoli mi-  
rantur.

- 1.
- 2.
- 3.

Ex: 14. 15.

rea Iesus Christus est Deus, quia vtrumq; hic præstat. Nam & dormiens per angelos malos conturbat mare: & surgens per seipsum compescit fremitus eius. Erat igitur quod etiam ipsi Apostoli demirarentur tum propter dicta, tum quod eonſq; nihil tale à Christo factum viderant: tum quod cum imperio id illum agentem animaduverterant, quod vtiq; solius Dei est proprium. Nam & Moyses summus olim in orbe miraculorum pator, non imperio ad diuidendum mare; sed virga & precibus, imò clamore vsus est. Sic enim Deus ad illum: *Quid clamas ad me?* Christus verò imperat, vt Deum agnoscas.

Hæc de sensu historico, dicta sufficiant:

II. PARS.  
Circa qua-  
tuor verba  
D. S. N. P.  
tria confide-  
randa.

Vnde etiam eximia habemus tum argumeta, tum incitamenta, ad sanctum in nobis timorem excutiendum: Verum quia eò etiam spectant quæ in principio proposuimus; vt vtrumq; coniugamus istud iam aggrediamur; atq; circa verba illa Apostolorum DOMINE SALVA NOS PERIMVS, tria perpendamus; nempe, quibus nam modis pereat homo; vnde idcueniat, & quid sit remedii. Et quod ad primum quidem attinet, tam varii sunt modi interitus humani, vt nihil sit, fueritue in mundo tot casibus obnoxium, quot incurrere potest, imò re ipsa quotidie incurrit, homo: Redigamus illos ad decem capita, quorum singula innumeras planè rationes, & modos perditionis humanæ in se continent.

PRIMO: De  
cem capita  
quò pereat  
homo.

Suntq;

Suntq; ita disposita, vt semper grauiora leuioribus succedant. O vtinam tanta miserationum nostrarum congeries, aliquando tãdem superbiã ac elationẽ animi nostri cõtũdat, & conterat in nobis, vt & cognoscamus nos humiliter, & redigamus in ordinẽ salubriter.

Itaq; primũ perit homo in facultatibus; quando bona eius extẽrna, aut diripiuntur, aut comburuntur, aut prodigẽ effunduntur, aut incaute mittuntur: quod mercatoribus, qui citò diuites esse volunt, haud rarò euenire consuevit. Quos etiam nostra lingua periisse dicimus: Neq; verò phrasis latina ab eo abhorret, quæ egestatis perditorum mentionem facit. Hoc perditionis genus minimum est omnium; & tamen tanti fit, à verè 1. In facultatibus. Quanti hoc fiat.

perditis hominibus, vt ne id eueniat, multi Deum offendere pro nihilo ducant: aliqui etiam diabolo sese dedant; alii scelestas manus sibi inferant. O peruerla peruersorum hominũ iudicia: ô insana illorũ cõsilia, qui còdeueniũt demẽtiẽ, vt paruũ dãnũ supremo interitu cumulare velint. Fugite dilectissimi peccata, fugite obsecro, quæ ita excæcant homines, & ad tantã impellunt insaniã, quanta maior excogitari non potest, & quanta in nulla creata natura vnquã reperietur. O misera hominis sine timore Dẽi viuentis conditio. Insaniæ triplex genus.

Alterum perditionis humanæ genus est; cùm quis siue in toto, siue in parte detrimentum famæ patitur. Quod tanti fit à quibusdam 2. Perit homo infama.



Sæpe stultè  
nimis tripli-  
citer.

dam, vt mortem potius oppetere quàm infamiam incurrere malint. Quamuis multi sint, & multi nimis, qui non discernentes inter veram & falsam infamiam, pro falso dedecore, veram sæpè subeunt mortem: atque vtinam non etiam æternam, quod non raro accidit. Quot enim sunt, qui laceffitia aut verbulo aliquo aspero, aut vt illis videtur iniuria (quæ frequenter nulla est) aut quouis alio modo, dum dedecori sibi ducunt priuata non vti vindicta, dumq; hoc nomine alteri interitum parant, ipsi in eum incurrunt? Hoc quoq; maximæ dementiæ genus est. Estque stulticia duplex; altera iam dicta: altera, quod isti, dum modicam ab homine illatam vincere nolunt ignominiam, in maximam & æternam, quàm à dæmonibus pati debebunt, incidunt in infamiã: vt interim taceã, eos etiam, dū hîc viuunt apud bonos piosque viros infamiã laborare. Isthæc qui tales sunt cogitent, & pertimescant velim, quæ certò illis euentura fides docet Catholica. Cæterum nolo hîc disputare, an aliquando vt veram effugas infamiam, morti te tradere debeas: (id enim alterius est temporis) illud tantum dico, hoc genus perditionis, priore esse longè grauius. Hoc enim sapiens expresis testatur verbis, cum inquit: *Melius est nomen bonum, quàm diuitia multa*, ac proinde maius esse malum, famam, quàm diuitias perdidisse. Sed notate quæso, quod inquit; *nomen bonum*, id est;

Grauius hoc  
priori.

Prov. 22. 2.

est, fama verè bona. Sæpè enim, vt dictum est, in hoc erratur, cùm non veram sed apparentem quis consecratur famam: Fitq; frequenter vt dum aliquis falsum dedecus fugit, veram incurrat infamiam. Id ergò fugiendum: Modos verò particulares, quibus homines in fama pereunt, quis enumerabit? Nemo equidem, sicut nec priores. Quanta igitur & quàm varia hæc quoq; est miseria?

Tertium perditionis caput est, cùm quis perit in liberis, quos aut nullos habuit unquam, aut habitos post se non relinquit. Magnū sanè malum apud eos, qui talia curant, & longè duobus prioribus acerbius. Audite quid hac de re vir ditissimus, honoratus valde, & quod maius est, non solum sanctus, sed etiam sanctæ familiæ caput, ipse de se loquatur; Abraham inquam, qui sic alloquitur Deum: *Domine Deus quid dabis mihi? ego vadam absq; liberis, & filius procuratoris domus meæ iste Damascus Elitzer. Addiditq; Abram: Mihi autem non dedisti semen, & ecce vernaculus meus hæres meus erit.* Videtis quanti id faciat vir Deo charus? vt diuitias & honorem, pro nihilo ducat eò, quòd liberis careat? Scio noui testamenti aliam esse faciem: veruntū neq; id me latet, quanti etiam nunc hæc fiant; ita vt artibus vtamur Christiani minimè Christianis, ad id assequendum. Qui timeant Deum moneo, ne eis deterius eliquid contingat.

3. Perit quis in posteris.

Gen: 15. 2.

Ioan: 5. 1. 4.

4. In familia tota.

Quartum interitus humani genus est, cùm  
tota



tota alicuius perit familia, tantò priori acrius, quantò plures complectitur. Quod iudicio ipsius Dei cōprobari potest, qui quotiescunq; magnam suam iram erga ingratos Reges demonstrare voluit; toties hanc pœnam & minabatur eis, & exequabatur in posteris eorū. Qua de re ad vxorem Ieroboam primi regis Israelis Idolatræ, ita loquitur Deus per Achiam Prophetam: *Ecce ego inducam mala super domum Ieroboam, & percutiam de Ieroboam mingentem ad parietem* ( id est omnem exstirpe eius masculum: deficientibus enim istis, nomen etiam familiæ perit ) *& clausum, & nouissimum in Israel, & mundabo reliquias domus Ieroboam,*

1. Reg: 14. 10. *sicut mundari solet simus vsq; ad purum.* Perfecitq; promissum suū Deus per Baasam, qui percussit

2. Reg: 15. 29. *omnem domum Ieroboam; non dimisit ne vnā quidē animam de semine eius.* Et idem fecit domui eiusdem Baasam per Zambri. Nec non Achabo impiissimo & ingratiſſimo Regi per Iehu, & aliis. Quod etiam nunc frequentissimè facit, si non eodem modo, nec publicè; certè eodē euētū, licet priuatim. Quod si sunt domus & familiæ etiā nobilissimæ, & illustrissimæ, quæ quotidie à te oculos nostros pereunt? Quid causæ? Dicā aliàs nūc reliquā prosequamur.

3. Reg: 16. 10. 41. Quintum itaq; perditionis caput est, quando non solum domus, imò plures etiam familiæ; sed totus planè aut principatus, aut regnum, aut imperium perit. Terribilius hoc genus interitus esse priori, nemo est quinon vide-

9. In regno.

videat. Quàm frequēs autem sit, facile conspiciat, qui historias tum sacras, tum prophanas legit. Ex quatuor monarchiis, quæ olim multa in se regna continebant, duæ ita interierunt, ut ne regnū quidem habeant, faciantue hoc tempore vllum. Quid de ipsis regnis dicā? quid de principatibus? Quis eorum mutationes enumerabit? quis interitus recensabit? Nihilominus dum florent, tanta est gloria eorum, ut gloriosi omnibus apparere velint; tantum fines dilatandi est desiderium, ut nunquā finem terminumque habeat tanta regnandi cupido, vel libido potius, ut iura diuina humanis, religionē politix, ac proinde ipsum Deum immortalem mortali homini subiicere studeant. Quod etiam quidam Christiani faciunt, pauci quidem verbis, sed plurimi factis & operibus ipsis. Quis non stupeat in viris apud semetipsos prudentibus tantam imprudentiam? in fidelibus (si modò ita dici possint) tantam infidelitatem? Utinam qui tales sunt tandem quæ dicta sunt perhorrescant, & alienis, non iam periculis, sed innumeris perditionibus, cauti esse velint.

Sextū perditionis humanæ genus est, cum non solum regnum aliquod, sed natio penitus tota, & gens deletur vniuersa; ita ut ne nominetur quidē amplius. Huius acerbiter & magnitudinem describit David cum inquit *Dixerunt* (inimici videlicet Iudæorum) *Venite & disperdamus eos de gente, & non memoretur no-*

6. In gente  
vniuersa.

*Psal. 82. 9.*

*men*



*men Israel ultra.* Quod tamen illis non euenit; licet prius eueniret: Perdiderunt enim regnū & principatum: sed nomen & gens eorū manet huculq; manebitq; vsq; sub finem mundi, quādo reliquiae eorū cōuertētur. At verò quis

*Iſa. 10. 22.* recēseat alias nationes lōgē āpliores, quā Iu-  
*Ro: 9. 27.* deorū erat, quę hac ratione intetierūt? In sola

scriptura sacra, nominātur certē multę nimis, quod etiam quibusdam minatur Deus; Vt

*Ex: 17. 14.* Amalechitis, de quibus Deus ad Moysen;  
*Delebo memoriam Amalech sub celo,* quod & fa-

*Deu: 7. 1.* ctum est. Idem euenit septē illis nationibus,  
*G: 9. 1.* quas per Irrālem deleuit Dominus. Non est

igitur quod superbias gens Polona, aut Lithuana, aut quæuis alia, sub sole (pręter Iudęos de quibus est prophetia) quasi semper sis duratura: sed est quod metuas, ne propter scelera & peccata tua, idem tibi quod aliis gentibus, faciat Deus. Hi sunt modi vel capita potius modorum interitus humani, quantum ad bona externa. Omnia enim quę attulimus externa sunt: quę verò sequuntur, singulas personas, & ipsa essentialia, ex quibus homo constat, tangunt, afficiunt, perimunt.

*7. Perit hō  
in corpore.*

Septimum igitur caput interitus est, quando perit homo in corpore siue in partē per ægritudinem, quando perdit sanitatem: siue in toto per mortem, quando spoliatur vita. Notissimū & quotidianum, imò singulis momentis vsitatum perditionis humanę genus, species verò, quę sub illo continentur, & modos

dos quibus hoc proueniat, non solum nume-  
rare, sed etiam cogitatione assequi nemo vel  
potuit, vel poterit vnquam. Quemadmodum  
neq; percipere valemus quantoperè homines  
id metuant, quantiç; id faciant: & quot myri-  
ades peccatorum fiant, vel ne tale quid eueni-  
at, vel vt differatur. O quàm satius & salubri-  
us esset hominibus, si ita perhorrescerent of-  
fendere Deum, sicut hæc pœnas peccatis de-  
bitas pertimescunt? Verum quia sæpius hæc  
de re erit nobis disserendum, id notasse hoc  
loco sufficiat: quòd timor istius interitus ade-  
gerit discipulos ad exclamandum D O M I N E  
S A L V A N O S P E R I M V S.

Octauum perditionis humanæ caput est,  
quando quis in anima perit. Tantò cæteris  
omnibus crudelius: quantò spiritus præemi-  
net corpori, & bonis externis. De qua tamen  
plerique hominum minimè omnium curant:  
imò pensi habent nihil; licèt audiant Christum  
clamantem: *Quid prodest homini, si mundum vni-* *Matth. 6. 26*  
*uersum lucretur, animæ verò suæ detrimentum pati-*  
*atur?* O Christiani, vix Christiani nomine di-  
gni, quid agitis? Cur Christum, cuius nomen  
geritis, ac præcepta monitaque eius paterna  
contemnitis? Cùm non solum propter totum  
mundum, sed etiam propter minimum quid  
mundi, animæ vestræ, non dico detrimentum,  
sed planè interitum non timetis? Euigilate  
tandem aliquando, & *stulti aliquando sapite;* *Psalm. 93. 8*  
Eiulate, & mileri estote per pœnitentiam, ne  
eiular.



ciulare & miseri esse cogamini per pœnam in ignibus æternis. Et si non vultis tantam, saltē dimidio minorem curam adhibete, ne pereat anima, quantam habetis ne corpus intereat, vel patiatur. Modi verò & rationes, quibus animarum fit interitus, tot sunt, quot volumina de casibus conscientie conscripta testantur, pene innumera, quæ vix quicquam aliud præter hoc continent. Imò multò etiam sunt plures perditionis animæ modi cum à doctolibus omnes recenseri nequeant, licet in singulos ferè dies, noui libri qui novos casus nouaq; peccata explicant, in lucem prodeant.

9. In anima  
& corpore.

Nonum interitus humani genus est, longè hoc quoq; terribilius, quando vnà cū anima corpus quoq; perit quòd fit cum quis moritur in peccato mortali. Deplorandum sanè & irreuocabile perditionis genus. Alia enim dū hic viuimus immutari possunt, hoc verò nullam vnquam in æternum admittit varietatē, neq; spes esse potest salutis vlla, Quinimò.

10. In vtroq;  
sine fine.

Decimum & vltimum, & omnium terribilissimum illud subsequetur; quando rediuiuū corpus miserū infelicissimæ iungetur animæ, vt vtrumq; puniatur in æternū, sicut vtrumq; dum mundum incoleret, Deum offendere, & mandata eius transgredi attentauit. O infasta dies illa talibus. O sanguineis deploranda lachrymis, quando illud, quod de Iuda dixit Saluator, in singulis damnatis locum habebit potissimum: Verè enim *bonū erat ei, si natus non fuisset*

Mat: 26. 24

*fuisset homo ille.* Hæc sunt perditionis humanæ maximè generalia capita, infinitas omninò species & modos, complectentia, quæ attigimus potius, quam explicuimus; aliàs data occasione, singula copiosius explicaturi.

Nunc verò si scire cupitis, unde tanta perditionis nascatur colluues, tres eius fontes una mecum considerate; quorum saltem duos habemus in Enangelio exprellos. Etenim prouenit hoc tum ex natura rei, tum culpa nostra: tum quia Iesus Christus dormit in puppi. Primum quidem, quia quemadmodum 1. Nature rei  
A simili. mari naturale est, vt ventis exsurgentibus turbetur, intumescat, sonitus strepituiq; edat; ita innatum est homini, vt omnibus hisce mutationibus sit obnoxius. Cum enim omnium rerum mutabilium, plus homo vniuersas naturas in se contineat, habeatq; hac in parte aliquid etiam amplius: quid mirum, quod & ad instar omnium perire possit: & insuper aliis sibi peculiaribus interitus rationibus constrictus teneatur? Potest tamen per datam sibi à 2. Culpa nostra. Deo gratiâ, & motum liberi arbitrii sui, à quibuldam se liberare: quod quoties facere negligit, toties ipse sibi in culpa est. Deniq; prouenit hoc ipsum, quia Christus dormit. Dormit Ie-  
Christi. Aptam NOTA. metaphora. Sicut enim qui dormit non prohibet opus quod gerit: Ita Christus Dñus, dum siue plagas, siue tentationes permittit fieri, dormire dicitur. Permittit autem fieri, Tres causa  
dormitionis  
Christi. quia expedit omninò, vt ita fiat, siue persone



quæ affligitur; siue toti vniuerso, quod hac ratione pulchro ordine decoratur: siue ipsi Deo, vt iustitia eius omnibus innotescat.

Exemplū de  
bonis peditis

Declaremus hæc vno, atq; altero exemplo, vt res ab omnibus intelligatur. Sit primum exprimo capite. Perit aliquis verbi gratia infacultatibus suis. Id prouenit inprimis, quia sumus in hoc mundo. Nam extra orbem terrarum nihil tale vnquam accidere potest. Hæc est igitur natura rei. Sed accidit frequenter, imò vt plurimū, id culpâ nostrâ. Pereunt enim nobiles, quia prodigaliter viuunt: quia in equis, in famulis, in epulis consumunt omnia, non solum propria, sed etiam aliena: dum graue æs alienum contrahunt, nec soluere volunt, aut possunt. Pereunt ciues, præsertim mercatores, quia fraudibus rem acquirunt: quia citò diuites esse volunt: ac proinde multas merces creditò conglobantes, dum eas cum lucro non valent vendere, cum damno, aut cum malis, incertisq; creditis expediunt vnde fit, vt cum nec debita eis reddantur, nec ipsi aliis sint soluendo, solū vertere cogantur. Pereunt opifices, villani, & alii, qui manibus victum sibi quærunt: tum quod negligentes, sint in opere suo; dū quod, quæ tota hebdomada adepti sunt, vna, atque altera die in cōpotationibus abliguriunt. Neq; verentur, vel in tempora, vel in ipsum creatorem temporum, paupertatis suæ culpam conicere, cum ipsi interitus sui caussa sint Dices; Noui hominem

minem, de quo nihil vitiosum fama circūfert,  
& tamen est in egestate. Rara equidem auis,  
nisi casus aliquis infirmitatis, furis, incendiū,  
& similes obueniant. Et tunc ad tertium fon-  
tem nobis recurrendum erit. Dormit autem  
Christus Dominus tum temporis, quia nouit  
id nobis expedire. Dormiendo autem, aliis  
quidem etiam habita permittit auferre, vt Io-  
bo, aliis verò dare bona temporalia non vult,  
etiā laborantibus. Cuius rei pulchrū habemus  
exemplum in vita S. Antonini Archiepiscopi  
Florentini, qui supra domunculam in qua vi-  
dua cū tribus filiabus habitaba, tvidit primū  
angelum bonum, postea fædum cacodæmo-  
nem. Angelum quidem, quando fæminæ illæ  
erant pauperrimæ, quæ licet nendo, & labo-  
rando victum quærerent, in maxima tamen  
egestate permanebant, miseræ, laceræ, vix du-  
rum panē habētes, cacodæmonē verò quan-  
do subleuatæ à pio pastore & otio sese dedi-  
derunt, & ornare non animas, sed corpora sua  
studuerunt. Benè igitur facit Christus Iesus,  
bona non dando: pessimè autem nos agimus,  
datis abutendo, indeq; æternum interitum  
nobis parando.

Alterum exemplum sit de Rerum publica-  
rum, & regnorum interitu; cuius præter cō-  
munē illam vicissitudinis mundanę causam,  
quæ non tam est causa, quod ista fiant, quàm  
quod fieri possint, propria & proxima per-  
ditionis Regnorum origo est, quàm sapiens

Alterum de  
interitu res-  
gnorum.

Causa pro-  
xima  
NOTA



*Eccl: 10. &* his verbis expressit: *Regnum à gente in gentem transfertur propter iniustitias; & iniurias, & contumelias, & diuersos dolos.* Iniustitiam in capite posuit, quia hæc stirps cæterorum est. Propterea quamdiu iustitia apud Romanos viguit, viguisse imperium eorum probat Augustinus. Quid verò iustitiæ magis proprium, quàm reddere vnicuiq; , quod suum est? [qua in re, (vt vbiq;) primum locum occupat Deus, cui quoties Iudæi verum cultum exhibere noluerunt, toties in captiuitatem dati sunt. Exemplorum plena est tota scriptura, plenæ experienciâ omnes gentes, in quas dispersi sunt Iudæi. Quia Messie Deo honoré debitum exhibere recusarunt. Deo proximi sunt qui ab illo constituuntur, vt regant animas, & Ecclesiam ipsius: quibus quoties gentes aliquæ siue hæresi, siue Schismate, siue vtroq; infectæ, debitam obedientiam præstare noluerunt, toties regna illorum translata sunt in aliam gentem, licet barbaram & infidelem, exequutricem tamen iustitiæ Dei, contra eos qui se Christianos, id est, fideles vocant, sed verè non sunt tales. Testis est huius rei tota Græcia, testis Cyprus, & alia regna: testis Vngaria, testes & aliæ prouinciæ, quæ non prius Saracenis & Turcis traditæ sunt; quàm ipsæ se infidelitati tradiderunt, & per Schismata à capite Ecclesiæ per summam iniustitiam seipsas segregarunt. Quid dicam de aliis iniustitiis? quibus iura Ecclesiastica eueruntur?

quibus

Iniustitia.

*In lib: de ciuitate Dei*

In Deum

In platos.

In alios.

quibus à potètiorebus impotentes opprimuntur? quibus coguntur, alii aliorum ferre onera, quibus propter priuata commoda, publica negliguntur, turbantur, diripiuntur? quibus sacra dominandi cupido non humana tantum, sed etiam diuina, naturalia, & ipsa gentium violat iura? Videant, quos noster sermo tangit, præsertim hæretici, Schismatici, Politici, & sciant quòd cum talia Deus & Christus Iesus aspicit, tunc dormire incipit: quo dormiente procella descendit, mare turbatur, tempestas exoritur, fluctus & interni seditionum & externi bellorum, excitantur, quibus non familiæ tantum, sed & prouinciæ, imò regna, imò & nationes totæ pereunt. Et hæc videntes ac in cordibus suis diligenter circumspicientes, desinant obsecro tantorum malorum causa esse; quin imò remedia accipiant, quibus se, suos, patriam, gentemq; conseruent suam.

Remedia autem contra hæc omnia (& alia mala, quæ ex dictis capitibus erui possunt) tinet. TERTIVM  
Remedia cō  
egregia sane habemus, tum in dictis, tum ex Evangelio toto, tum verò in hac discipulorū I. Interrogā-  
Christi oratione: DOMINE SALVA NOS dum quo-  
PERIMVS. Itaq; primum quidem in culco modo pere-  
at homo.  
mentibus & memoriis vestris, eam, in qua  
magnam concionis partem consumpsimus  
considerationem; & quæstionem nempè vt  
in mensis, colloquiis, conuiujsq; vestris,  
frequenter eam proponatis; interrogantes



vos inuicem : Quibusnam modis pereat homo ? Nemo enim erit , qui hac de re exemplū aliquod in medium adferre non possit. Indeque cognoscentur multi , & mirabiles interitus humani , modi , & rationes , per exempla antiqua & recentia , literis mādāta , & quotidiana. Quomodo , verbi gratia , hīc à tali morbo , ille morte subitanea , alter ab inimicis , alius ab amicis , nec non alius à bestiis , à canibus , à felibus ( vt Romæ visum est Epitaphium ) etiam sibi amicissimis interierunt ; & infiniti casus alii proponuntur. Similiter quomodo pereunt in anima alii à diuitiis , à voluptatibus alii , à nimio honoris appetitu , alii ab aduersariis , qui illos vexant , & persequuntur ; alii è contra ab amicissimis sibi quod fit vt plurimum. Quot sunt enim , qui propter socios , cognatos , consanguineos & alios adultores , in anima pereunt ? Isti enim plerumque inordinatum siue nostri , siue aliorum amorem in nobis procreant , quo anima

*Præst<sup>o</sup> inde quatuor.* fauciata , ex gratia diuina ( quæ anima est animæ , vt sepe audiuiſtis ) excidit , ideoque , mori eam necesse est. Hæc & alia rogo , moneoque iterum atque iterum , vt in sermones vestros inducat. Multa enim inde commoda referetis ; materiam loquendi de rebus bonis habebitis ; detractiones , & his similia , quibus colloquia vestra sunt plena , fugietis ; miseriam vitæ humanæ , tanquam in speculo aspicietis ; indeque & ad pœnitentiam , & ad bona opera vos excitabitis.

Quam

2. Comparatio terroris huius cum futuro.

Quam ad rem multum conducet, animo & cogitatione lustrare, quæ de terrore Apostolorum exorto, ex tempestate maris, in Evangelio dicuntur: & conferre cum terroribus illis, qui impios post hanc vitam excipiant; quorum isti umbram tantum quandam & imaginem præstulerunt: & tamen tantum, quantum audiuitis, omnibus, metum incusserunt. Expende igitur obsecro, quod si tanta taliaque excitarunt mala, & pericula dæmones in aliena, ut ita dicam, conditione, quid facient in domo propria? quid, inquam, in inferno operabuntur? ubi dominum suum perfectè exercent? quò tamen tu siue per infidelitatem, siue per impia opera properas. Deinde si talia fiunt in nauicula, id est, in anima, ubi Christus residet; quæ, & qualia fieri putas in anima, quæ sedes est diaboli? Utinam oculi tui aperiantur vel ad momentum, ut crudeles illas animæ tuæ tempestates videre queas. Crediderim quòd confestim gemitus grauissimos, lachrymasque emitteres vberrimas. Præterea reputa animo tuo, si tantum timorem fecit inundatio aquea, quantum adferet diluuium igneum. quod est in inferno? Item, si talia operatum est periculum submersionis navis in mari, unde euadunt tamen pluri; & qui submersi fuerint, mortem oppetunt, nec quidquam ampliùs sentiunt; quid faciet non periculum, sed ipsa submersio? non in aqua, sed in igne æterno? unde nulla est spes

1.

2.

3.

4.



sue liberationis, sue mortis, quam impii considerabunt, neque tamen habere poterunt?

7. Insuper, hic locum habet clamor ad Deum; ibi nec clamor ullus talis erit, sed potius in Deum blasphemiae: nec locum ullum habebit;

8. etiamsi esset maximus. Hic excitari potest Deus, prout Christus Dominus clamoribus discipulorum hodie excitatus est: ibi nulla spes excitationis. Altissimum enim altissimus aget somnum; dormietque iucundè in cervicali, quando clamores impio-

*Psal. 2. 4.* rum *subsanabit*, & *in interitu eorum in aeternum videbit*. Isthac igitur voluite, & reuoluite o peccatores, & dum tempus habetis, excitare timorem in corde vestro: & cum vera pœnitentia clamate: DOMINE SALVA NOS, PERIMVS. Agnoscite illum verè dominum, vosq; sitis veri illius serui, facientes voluntatem eius ex corde perfectò, & sincere dolentes de peccatis vestris. Nā post mortem nunquam Deus hostes suos exaudiet, quales sunt omnes in peccato mortali constituti, & qui impenitentes moriuntur. Qui etiam si clament toto gutture: Domine Domine aperi nobis, non exaudientur; sed dicetur illis,

*Mat. 25. 11* Amen dico vobis nescio vos. Primum igitur debemus per Sacramenta reconciliari Christo Iesu Domino nostro: Postea verò per timorem, licet seruilem, peruenire ad timorem filialem. Cuius rei pulchrum in Euangelio typum videmus. Apostoli enim primū quidem

4. A timore  
seruili ad filialem  
procedere.

dem perterriti tempestate, timore seruili correpti erant; postea verò sedato mari, videntestantum miraculum, *timentes mirati sunt* procul dubio timore reuerentiali, & filiali.

Eos igitur imitemur, ne animæ nostræ, ne corporum vnâ cum anima, ne liberorum, ne familiæ, ne Reipub. ne gentis nostræ ( quæ omnia tantoperè amamus ) perditionis & interitus causa simus, prout fuisse multos euidenter vobis demonstratum est. Et imi-

*Luc. 8. 25.*

*5. Oratio ad  
hibenda ore  
& opere.*

tantes Apostolos, clamemus cum vera fiducia; DOMINE SALVA NOS, PERIMVS: sine eius namq; adiutorio, omninò peribimus. Ne ergo pereamus: clamemus, tum voce in orationibus & meditationibus; tum verò opere ipso. Magna vox in auribus altissimi, cessatio à peccatis: magna, dolor de eis, & confessio; magna fructus pænitentia; magna vitæ emendatio; magna, eleemosynæ, & aliorum operum misericordiæ exercitatio; magna, Sacramentorum frequentatio: maxima autem in his omnibus visque in finem perseverantia. Hac enim accedente, post hanc vitam & videbimus, & laudabimus, & glorificabimus Deum nostrum trinum

& vnum, viuentem & regnantem in sæcula sæculorum.

AMEN.



NAVIS EC-  
CLESIA  
EIVS SEX  
PROPRIET

# CONCIO SECVNDA

## Fides.

### EX SENSU ALLEGORICO.

Allegoricus  
sensus quid  
valeat.

**E**T si non sim nescius, quàm parui, imò mi-  
nimi faciāt Hæretici, sensum mysticum,  
seu allegoricum, quando ex hoc quasi  
propugnaculo à nobis oppugnantur: tamen  
cū neque illud me lateat, quàm maximi il-  
lum æstiment, quando ipsi eo vtuntur; ita sa-  
nè vt tota fides Hæreticorum, penè ex sensu  
metaphorico pendere videatur: ( inde quoq;  
qui prudens est, eorum cognoscat artes ) in-  
duxi in animum meum ex Euangelio hodiern-  
o mystice intellecto, fidem confirmare Ca-  
tholicam, & veram monstrare Ecclesiam; spe-  
rans aliquos ex iis, saltem tam bonos æquos-  
que inuentum iri, vt quod ab aliis requirunt,  
ipsi præstent aliis, cū id prima lex nāæ docu-  
erit semper. Atq; equidem si tales ipsi indu-  
cerent figuras, qualis ista est, arbitror nemi-  
nem Catholicorum futurum, qui non ob-  
uiis eas susceperet vlnis. Fundatur etenim hæc  
nostra allegoria, non solum in Sanctorum Pa-  
trum vnanimi cōsensu, sed etiam in ipsius scri-  
pturæ sensu. Quis em̄ vel mediocriter in scri-  
ptura versatus ignorat, per mare mundum  
hunc

hunc denotari; cum ipse Saluator in parabola de sagena eadem vtatur allegoria? Nec minus clarum est, Ecclesiam Christi Domini siue *sagena missa in mare*, siue naui in eodem mari, id est, in mundo constitutæ rectè comparari. Id enim tam est euident, vt fuerit tempus, quando Ecclesia Dei tota, in hoc mundo constituta, in sola & vnâ naui contineretur. In naui inquam illa, quam Noë Patriarcha ad instar *arca* (iussu Dei) fabricauerat: in *qua pauci*, id est *octo anime saluæ factæ sunt per aquâ*. In his autem octo tum temporis tota Ecclesia comprehendebatur, cum plures homines viui in mundo non essent. Quam quidem figuram seu allegoriam pulchrè explicat Princeps Apostolorum D. Petrus, quem nos quantum ingenii nostri tenuitas patietur conabimur imitari.

Mat: 13. 14

Tota Ecclesia in vna naui.

Gen: 6. 14.

1. Pet: 2. 20

Posset autem multis, & variis modis Ecclesia Dei, præsertim noui Testamenti, naui comparari: verum ne nimis longi simus, sex tantum naui proprietates expendemus, easque congregationi fidelium applicabimus. Tres quidem quæ communes sunt aliis: totidem verò naui huic, cuius in Euāgelio fit mentio, peculiare. Ex quibus omnibus, vbinam sit in terris vera Ecclesia euidenter demonstrabitur. Da Christe Iesu, vt ita hæc agamus, vt in naucula tua sancta permanentes, quæ tibi sunt placita, semper operemur.

PROPOS:  
Sex puncta  
seu proprietates.

Stupendæ sanè sunt, tum artes dæmonis, quibus omnes vias ad agnoscendam veritatem

Artes dæmonis stupendæ  
NOTA

proclu-



*Dom: 4.  
Adu: Cō: 2.  
Eph: 4. 11.*

procludere & è medio tollere conatur: tum aut cecitas Hæreticorum qui illas non vident, aut malitia. Ministrorum, qui videntes, iis nihilominus acquiescunt. Disseruimus hac de re aliquando; ostendimusq; tum ex Apostolo, quomodo nobis loquatur Deus; tum quibulnam fraudibus Sathanas per suos Ministros, omnia Dei nobis loquentis genera, enervare conatur. Hoc enim fecit dum iter ad Ecclesiam obstruit: dum traditiones Apostolicas è medio tollit; dum historias Ecclesiasticas mendacii arguit: dum miracula blasphemat: dū Prophetas noui Testamēti ridet: dū cōcilia œcumenica repudiat: dum Pastores Ecclesiæ, maxime summos, Antichristos vocat: dum Doctōribus etiam concordibus, errores in rebus fidei impingit: dum consuetudines Ecclesiæ pias abusus nuncupat: dum ipsam deniq; sacram scripturam capitibus Ministrorum suorum subdit & subiicit; vt non quod illa dicit, sed quod cuique Ministrorum placet, asserere videatur. De his inquam in Aduentu disputauimus, sed per paucis. Quapropter censuimus de singulis aliquantò copiosius agere; quod de primo capite, hac concione, Christo iuuante perficiemus. Quare sub typo nauiculæ istius, qua Christus hodie vehitur, ostendemus iter planum & apertum ad inueniendam ipsius in terra Ecclesiam, & veram fidelium congregationem.

*Ecclesiæ proprietates.*

*PRIMA visibilis esse.*

*PRIMA igitur nauis, quam incolit Christus.*

stus, id est, Ecclesiæ ipsius in hac peregrinatione constitutæ, & ad portum salutis tendentis est proprietas, quod sit *in medio mari* posita; ideoq; omnibus non solum qui propè illam sunt, sed etiam qui longè ab ea distant, visibilis est valde, & conspicua. Notum est enim tum experientia, tum ipsis Mathematicorum instrumentis, mare multò altius esse terrâ (indeque mare altum vocat) ideoq; naues, quæ in medio mari sunt, conspicuas esse nimis. Talis verò est Ecclesia Iesu Christi; talem (contra omnem hæreticorum perfidiam) nos eam esse credimus, asserimus, comprobamus. Non solum ex hac similitudine, sed etiam ex aliis parabolis, quibus ipse Saluator, ad hoc nostrum propositum utitur, comparans discipulos suos, tum luci, tum ciuitati. Sic enim ad eos inquit: *Vos estis lux mundi. Non potest ciuitas abscondi supra montem posita.* Quomodo ergo lux, quæ facit ut alia videantur, obscura erit? quomodo ciuitas supra montem posita, abscondetur? At respondent hæretici, de Apostolis hæc, non de Ecclesia dici. Quàm inepta responsio! Nunquid Apostoli non erant tum temporis & postea, quam diu vixerunt, bona pars Ecclesiæ? Si ergo illi videbantur, ut Christus affirmat, quomodo Ecclesia erat inuisibilis? Et hoc est quod nos asserimus; Ecclesiam conspicuam esse, quia video in ea Episcopos, & alios potesteros Apostolorum, regentem plebem; successorem

Mat: 14. 24

1. Ex similitudine naui

2. Luminis,  
Mat: 5. 15.

3. Ciuitatis  
in monte  
positæ.

NOTA  
Quid faciat  
Ecclesiam visibilem.



*Joã. 21. 15.* forem verò Petri principis Apostolorum, gubernantem ipsos etiam Episcopos, aliosq; pastores, iuxta mandatum Christi Domini. Video præterea pulchro ordine omnia membra mēbris cōpaginata; video, inquā, prophetātes prophetas, doctores docentes, pastores gregē sibi commissum pascentes, oves pastoribus obediētes. Video alios gubernantes, alios opitulantes, alios scripturam interpretantes; alios oculi, alios auri, alios pedum, alios manus, alios aliorum membrorum vices gerentes. Et hæc videns glorifico patrem Domini nostri Iesu Christi, qui me in ea congregatione cōstituit; in qua omnia, quæ ab ipso, & ab Apostolis perdicta sunt, implentur: præsertim verò quæ Apostolus Paulus sub similitudine corporis & membrorum esse, & fore in Ecclesia docuit. Video deniq; quomodo hæc omnia membra glutino charitatis (quod recipitur in Sacramentis, quæ visibiliter in Ecclesia & dantur & percipiuntur) sibi inuicem cohæreant, copulantur, coagmentantur. Hæc sunt, & his similia, quæ visibilem Ecclesiā mihi reddunt, quæ

*a. Pet. 1. 9.* quicumq; non videt, profectò (vt cū D. Petro dicam) *cæcus est & manu tentans.*

5. Ex præcepto Christi  
Dic Ecclesiæ

Cæterum, non solum ea, quæ retulimus, sed & alia multò etiam clariora, adsunt nobis diuina testimonia, ad comprobandum Ecclesiam Christi palam esse omnibus, qui eam videre volunt. Testimoniorum autem, illud Christi primū locum obtinet; quo præcipit, vt in

vt in controuersis, quæ exoriuntur, si quispi-  
am sit pertinax, & nolit corrigi tandem recur-  
sus fiat ad Ecclesiam; *Dic Ecclesiæ*, inquit Sal- *Mat: 18. 16*  
uator, & addit seuerum erga inobedientes  
decretum, dicens: *Si autem Ecclesiam non audi-*  
*erit, sit tibi sicut Ethnicus & publicanus.* Quomo-  
do autem ego dicere possum Ecclesiæ, si (vt  
hæretici fingunt) illa est inuisibilis? Vbi eam  
quæram? vbi videbo, quod videri nequit?  
Nescio quid euidentius pro hac veritate vel  
dici, vel excogitari hac autoritate possit.  
Propterea torquent se miseri miserè, vt tam  
claram scripturam contorqueant & elidant:  
Et argutiores, quidem duo repperunt refu-  
gia: alterum, dictum Christi intelligendum  
esse non de controuersis in rebus fidei, sed de  
correctione fraterna, quando videlicet duo in-  
uicem contendunt; alterum, tum temporis  
solummodo standû esse decreto ecclesiæ, quan-  
do illud cum scriptura conuenit: aliàs non. Sed  
videte quæso, quomodo hîc quoq; & insipi-  
entiam suam produnt, & suo se (quod dicunt)  
ingulât gladio. In vtraq; enim respõsione cõ-  
cedunt, quod negant. Negant Ecclesiam esse  
visibilem, & tamen concedunt, vt quando  
duo contendunt, neq; concordēs fieri volunt,  
ad Ecclesiam recurrant: concedunt etiã, imò  
præcipiunt, vt si decretum Ecclesiæ cum scri-  
ptura conueniat, obediatur illi: Visibilis igitur  
erit Ecclesia, quam adire, & cui obedire  
debeo. Quid hac demonstratione euidentius?

Respondent  
Hæretici du-  
pliciter.

Vrgentur tri-  
pliciter.

Præterea



**Q**uomodo sūt Præterea, peto ab illis, an in rebus fidei possit  
 mendaces. esse diuidium inter fratres? si negant, Ipse do-  
 mus & cognationes illorū, eos mendacii con-  
 uincunt. Quis enim ignorat, etiam hīc Vilnæ,  
 plurimas reperiri domos, in quibus aliter cre-  
 dit maritus, aliter vxor, aliter familia? aliam  
 tenet fidei pater, aliam filius, aliam cognat-  
 us? quamq; acriter sæpè inter se hac de re cō-  
 tendant? Quod concedunt; Stat ergò veritas  
 Catholica, dari visibilem Ecclesiam, ad quam  
 in talibus iussu Christi, vltimus recursus esse  
 debeat. Ad extremum, extrema illa responsi-  
 onis pars, impia & stulta est nimis, Euerit  
 enim funditus diuinum ordinem, & consti-  
 tutionem Christi, qua de re paulò pōst plura  
 dicemus. Edictum verò hoc Christi Domini  
 erit nobis aliquando diligentius excutiendū:  
 quando agemus quomodo Ecclesia in deter-  
 minatioe sua errare non possit: nunc ad pro-  
 bandum hinc, quòd sit conspicua, isthac di-  
 cta sufficiant.

**6. Probat** Sed & aliæ tam veteris, quàm noui testa-  
 menti non desunt auctoritates, quibus veri-  
 tas Catholica de visibilitate Ecclesiæ astruitur.  
**visibilis** Ecclesiæ ex  
 Dauid. *Psal: 18. 5.* Hoc prædixit Dauid secundum interpretati-  
*Roi: 10. 14.* onem D. Pauli; quando asseruit tum vocem  
**7. Exaplo.** Apostolorum penetraturam vniuersum or-  
 bem: tum Christum Messiam in sole colloca-  
 turum tabernaculum suum. Quomodo er-  
*8. Reg: 8.* gò obscurum erit, quòd & in sole positum est,  
*14.* & in toto insonuit orbe: De filio verò ipsius  
 Salamone

Salamone dicitur; *Conuertit rex faciem suam, & benedixit omni Ecclesie Israel: omnis enim Ecclesia Israel stabat*: Visibilis igitur fuit Ecclesia Iudaeorum, quæ in vno tantum mundi angulo locata, quasi in valle latitabat; & non erit visibilis Ecclesia Christi, quæ iuxta prophetarum prælagia per totum orbem diffundi debuit? & secundum dictum Christi Iesu, ut ciuitas in monte posita est? Quis vnquam audiuit maius absurdum? Sed & Apostolus quoniam docet tum seniores à se Epheso euocatos Milesium, quomodo deberent regere Ecclesiam Dei, quàm acquisiuit sanguine suo: tum Timotheum; quomodo oportuerit eum in domo Dei conuersari, quæ est Ecclesia Dei viui; nonne euidenter ostendit Ecclesiam esse visibilem? Quis tam cæcus, ut tantam veritatem non videat?

8 Ex Salamone à fortiori.

Isa. 2. 2.  
Dan. 4. 35  
Mih. 4. 1.

9. Iterum ex Apostolo.  
Ma. 5. 15.  
Act. 20. 28  
1. Tim. 3. 15.  
10. Ex codē.

At obijciunt hæretici, præcipua, quæ sunt in Ecclesia, ut sanctitatem, fidem, spem, charitatem, iustificationem, ipsos denique prædestinatos, conspici non posse: ac proinde ipsam quoque Ecclesiam inuisibilem esse. Quin imò, inquirunt, nonne David de Ecclesia ait: *omnis gloria eius ab intus*; quæ verò intus sunt, vtiq; palam omnibus non sunt. Quibus nos vicissim obijcimus. Nonne præcipua, quæ sunt in nobis inuisibilia sunt? Talis est enim profectò anima ipsa, talis mens, ratio, voluntas, memoria, talis est scientia, & doctrina, & iusticia, & fortitudo, & omnes denique virtutes;

Obiectiones Hæreticorum.

Ps. 44. 14.

Retorquuntur à simili & exēplo.  
NOTA



tutes; nihilominus, quis tam stultus, qui hominem inuisibilem esse dicat; licet excellentissima quæq; hominis sint inuisibilia? Discite igitur, ô miseri, aliquando, vel ex vobismetipsis sapere, & non sapientem Ecclesiam, sed vosmetipsos insipientiæ arguere; discite denominationem in talibus non à potiori, sed à debiliore parte esse debere, prout in homine, & in similibus fieri animaduertitis; & conuertimini ad matrem vestram, quæ syncerè vos docet omnia; fuci autem habet nihil, quo ministri vestri pleni sunt. Accipite fucos hîc illorum aliquot. Primus est in verbis, illis, quos ex Dauide non integrè, (vt eos magister illorum Sathanas cum Christo disputans docuit) citarunt. Audite enim integrum versiculum, & cognoscite veritatem. Sic inquit Dauid: *Omnis gloria eius filie Regis ab intus in fimbriis aureis circumamicta varietatibus.* Et ita per omnia credit fides Catholica; nempe quod filie Regis, id est, tum Ecclesiæ, tum fidelis animæ, *Omnis gloria ab intus, sit;* Ita, tamen, vt inde emanet etiam, & appareat extrinsecus, propterea addit psalmista, *in fimbriis aureis circumamicta varietatibus* Variis sanè & admirabilibus varietatibus est circumdata, per quas fit omnibus visibilis, & quas partim iam enumerauimus, partim cum lætitia in ecclesia conspiciamus, tot ceremonias sanctas, tot constitutiones, sapientissimas de festis, de ieiuniis, deq; aliis; tot

Fuci hæreticorum produciuntur.  
Primus ex scriptura mutilata q̄ reorquetur  
Mat. 4. 6

Pf. 44. 17

tot denique gratias, quæ etiam in particularibus personis elucent: quæ licet extrinsecus appareant, ab intus tamen decorem suum accipiunt. Sicut enim omnis decor naturalis, qui in corpore apparet nostro, ab anima proficiscitur: ita omnis Ecclesiæ maiestas extrinsecus apparens, à Spiritu Sancto est, & ab interno ipsius regimine procedit. Ista est igitur Ecclesiæ sincera & scripturæ conformis doctrina: Ministrorum verò fucus & impostura pura. Altera est, quæ continet artes varias, & doctrinas sibi contrarias, quibus perfidiam suam de inuisibilitate Ecclesiæ cooperire conantur. Asserunt etenim Ecclesiam esse inuisibilem, & tamen paulò post, sui quasi obliti, aiunt eam digito, à se monstrari. Deinde iam unam, iam duas Ecclesias statuunt, quarum alterâ aiunt esse visibilem, alterâ inuisibilem: & visibilem quidem plenam esse erroribus, inuisibilem verò illis carere. Hæ sunt, & his similes ineptæ phantasiæ, Ministrorû. Qui respondeant mihi quæso, ad quam istarû duarum ecclesiarû, concionibus suis perducant homines? Num ad inuisibilem? At hanc quomodo norunt, si soli Deo esse cognitam asserunt? Num ad visibilem? & quam digito se monstrare dicunt? sed hæc secundum illos plena est erroribus. Ad errores igitur pertrahunt auditores suos: Quod & verissimum est, & luce meridiana clarius. Quis ergò nisi insipiens, & prodigus salutis suæ Ministros audiet?

A simili

Alter fucus  
cōtradictiones cōtinet.



Tertius fuc<sup>o</sup>  
pessimus ex  
fine.

Nolite obsecro, & obtestor illis acquiescere; nolite permittere, vt amplius fucis & fallacijs suis oculos animorum vestrorum decipiant. Deniq; & illa celebris est hîc impostura, quæ ex fine desumitur. Confinxerunt enim inuifibilitatem hanc Ecclesiæ, cum vt suum illum errorem, bonos tantum esse in Ecclesia, stabi- liant; tum verò vt viam obstruant, ne quis iuxta Christi mandatum ab illorum opinio- nibus ad Ecclesiã recurrere, & veritatẽ agno- scere possit. Quo enim ibit, si Ecclesia non est conspicua? Hæc est fraus illorum, diabolica planè astutia plena, sed iam ad alias nauiis pro- prietates transeamus.

SECUNDA

Proprietas  
Ecclesiæ.

Formam na-  
uiis habere.

Mat. 4. 38.

Hoc videtur  
apud Catho-  
licos.

SECUNDA igitur nauiculæ, qua vehitur Christus, conditio est vt sit nō sicut arca Noë quadrata; sed vt aliæ naues ante & retro an- gusta, in medio verò lata. Cum enim dica- tur, quòd Christus Dominus *fuit in puppi super cernical dormiens*, apertè demonstratur, nauim hanc etiam proram habuisse, & ad instar ali- arum nauium fuisse. Ecce typus Ecclesiæ Ca- tholicæ. Quamdiu em̃ oceanus durabit, tam diu quoque durabit Ecclesia, & nauicula Iesu Christi: ( de quo paulo pòst plura ) ea tamen ratione, vt sicut nauiis in prora stricta est, dilatatur autem magis magisque donec ad medium perueniatur, vbi est latissima; in- de verò iterum puppim versus constringitur: ita Ecclesia à paruis initijs in Iudæa cepit: po- stea singulis seculis augmentum sumplit exi- mium;

mium: ac tandem sub finem mundi, iterum  
 constringetur: ita tamen, vt sicut puppis lati-  
 or est quàm prora, ita Ecclesia copiosior fu-  
 tura credatur in fine, quàm fuerit in princi-  
 pio; strictior tamen quàm in medio. Et verò <sup>Nunc vero est</sup>  
 quòd ad hæc tempora attinet, certum est eam <sup>in medio.</sup>  
 esse in medio; nec videtur improbabile, eam  
 hucusque crescere. Nam quamuis quæ olim  
 erat in oriente latissima Ecclesia, nunc per Hæ-  
 reses, Schismata, & Machometismum multū  
 decreuerit: in occidente verò per Lutherum,  
 & quæ ex hydra ista prodierunt capita ac mō-  
 stræ nonnihil detrimenti passa sit: tamen in  
 Nouo (quem vocamus) orbe, in Indiis in-  
 quam tam Orientalibus, quàm Occidentali-  
 bus. In Insulis plurimis, in regnis amplissimis  
 ita dilatatur populus Christianus, vbine no-  
 men quidem Christi olim audiebatur, vt ia-  
 cturam multò cum fenore superasse videatur:  
 ideoq; probabile esse videtur, eam nondum  
 ad medium peruenisse, sed crescere, & augmē-  
 tum sumere hucusque. Verum nos isthæc di-  
 uinæ prouidentię relinquentes (pauca hæc  
 ad consolationem Catholicorū dicta sunt)  
 ad nostra redeamus. Itaq; dicimus, imò ex-  
 tenso digito, in historiis & in mappis mundi,  
 monstramus, hanc quam diximus nauis faci-  
 em Ecclesiam Catholicam habere; omnes ve-  
 rò alias congregationes ea carere. Negabunt <sup>Cōtrariū a-</sup>  
 hoc Hæretici, asserentes suas quoque sectas à <sup>pud Hæreti-</sup>  
 paruis cæpisse initiis: dilatari verò in dies ma- <sup>cos.</sup>



*Ipsismet te-  
stibus.*

*Et ipsa expe-  
rientia.*

*In Bulla*

gis magisq; ac dilatatum iri, vsque in finem mundi: Sed frustra negant, quod omnes & oculis vident, & contrectant manibus; non solum Catholici, sed etiam ipsimet hæretici. Interroga etenim Lutheranum de secta Caluini, & hunc de Lutheranismò, & ita deinceps alios de aliis, & videbis quid tibi respondebunt: non aliud sanè quàm quod nos de omnibus: Id videlicet, à paucis quidem, imò ab vno singulas earum cæpisse: at verò vix aliquid progressus fecisse, cùm constringi ceperunt. Nunquid non viuente adhuc Luthero consurrexit Caroloostadius, Oecolampadius, Zuinglius, Suencfeldius, & paulò post Calvinus, qui Charôtis illius cymbam, mirè constrinxerunt, eiusq; discipulos ad se pertraxerunt? Hoc ipsum fecit Calvino, Gentilis, Seruetus, Ochinus, Palleologus, & alii. Dicere autem doctrinas eorum duraturas vsque ad finem mundi, quanta impudentia, ne dicam insania? Cùm videât quomodo in innumeras plane sectas disiecti sint, & quotidie discindantur, licet ab ortu earum nondum vnum sæculum numeretur? Credêtes quidem, (vt eos Pontifex vocat) aliquanto sunt constantiores, non diu tamen: At Ministri acutiores, pro captu & capite cuiusq; nouas sibi in dies singulos formant fidei professiones. Nostis qui, etiam hîc Vilnæ inter eos agatur, quomodo sese mutuo eiiciant, & anathemate feriant, sed non est quod in re nimis clara diutius immeremur.

TER-

**TERTIA** navis qua vehitur Christus Dominus proprietās est, quod inferius sit stricta & bene munita, superius aperta. Ideò in Evangelio hodierno dicitur: **ITA, VT NAVICULA OPERIRETUR FLUCTIBVS.**

D. Marcus verò ait: *Facta est procella magna ventis, & fluctus mittebat in navim, ita vt impleretur navis.* Talis est Catholica Ecclesia, versus mare & terrena ista, est & stricta; & bene munita.

Talis ē apud Catholicos.

Clamat enim cum Apostolo: *Habentes alimentum, & quibus tegamur, his contenti simus.* Et iterum: *Non in commensationibus & ebrietatibus, non in cubilibus & impudiciis, non in contentione & emulatione*

1. Tim: 6. 8

Rom: 13. 13

Commendat enim nobis, mater nostra, mortificationem carnis: constituit ieiunia ad eam refrenandam; habet remedia contra omnia vitia & tentationes; adhibetq; illa cum alias, tum verò in confessionibus, cogendo fideles ad restitutiones ad eleemosynas, flagellationes, cilicia, & alia satisfactionis opera: quæ omnia, tum terrena hæc bene constringunt, tum carnem nostram optimè muniunt, contra omnia mundi & maris & commoda, & incommoda; id est contra omnia tam

Cōstricta ad terrena.

adversa, quàm prospera. Versus cælum autem lata & aperta est: Cælū ipsa Ecclesia intuetur, vnde regimen & potestatem clauium, vnde Sacramenta, & in iis gratiam; vnde dona Spiritus Sācti, & gratias gratis datas, vnde alia innumera accipit diuina beneficia. Cælū quoq; alios suos aspicere iubet, vt inde omnem iusti-

Lata & apta cælū versus.  
**NOTA.**



ficationem non imputatiuā, sed realem; non imaginariam, sed inhærentem, cum fide, spe, charitate, & aliis virtutibus veris & veraciter in cordibus piorum diffusis, & expectent, & hauriant. Atque ad hæc omnia, non sicut ad priora illa terrena, strictum & angustum, sed amplum & largum cor habere iubet. Aslerit namq; & docet: quanto plus quispiā cor suum cælum versum in spiritualibus dilatauerit, tantò copiosiores gratias inde sumpturū, ipsumq; magis ac magis iustum futurum cū nō solū aliis iustiores esse possint, sed etiam quilibet pro numero & qualitate bonorum operum, seipso in dies singulos sauctior esse queat. Vtque id nobis eueniat, desiderat, monet, hortaturq; filios suos mater nostra pia Sancta Catholica Ecclesia. Eoq; nomine constituit preces horarias, tum viris ecclesiasticis, ac beneficiatis, tum femimis religiosis: ordinauit preterea in templis Cathedralibus orationes, & cantus nocturnos, ac diurnos: eos quoq; qui se diuino seruitio manciparunt, voto castitatis adstrinxit, nec non approbavit: & commendat valde tum vota castitatis, paupertatis, obedientiæ: tum meditationes & contemplationes, tum alia sancta exercitia, & mortificationes religiosorum. Quæ omnia, vel penè omnia, illi, qui se ab Ecclesia segregarunt, rident, conuitiis proscindunt, destruunt, & profligant, non solum vita sua mala (quod etiam, proch dolor, inter Catholicos reperitur) sed etiam

Secus apud  
Hæreticos  
qui

Ad terrena  
dilatantur.

etiam (quod caput est) doctrina sua pessima. Docent enim: solam fidem iustificare, quo fundamento quasi posito quid aliud faciunt, quā *commessationis, ebrietatis impudicitia & vniuersos scelerum ac flagitiorū sedes superstruunt.* Docent præterea, *alimenta & quibus regantur* siue pauperes, siue diuites Sacerdotes, illorum non esse. Qua quidem doctrina Regibus principibus, alijsq; dominis secularibus largam facultatē præbuerunt bona Ecclesiastica, & quæuis alia Deo dicata vastandi, diripiendi, sibiq; applicandi, quod & factū esse, quocūque eorum peruenerunt hæreses, quis nō videt? Docent insuper, omnes Christianos in diiudicandis rebus fidei esse & doctos, & liberos: vnde *contentiones & emulationes* sine fine exortæ sunt, ac augentur quotidie. Præter hæc omnia, ieiunia Ecclesiastica penitus abrogarunt: cōfessiones & satisfactiones, quæ tum temporis indicuntur, carnificinas vocarunt; aliaq; ad corrigendum animalem hominē vtilissima remedia profligarunt; ac proinde carni, eiusq; desideriis campum latissimum aperuerunt. Quod verō ad dona cælestia attinet, hæc contrario modo constrinxerunt. Et enim, potestatem clauium, & omnem Ecclesiasticam iurisdictionem è medio sustulerunt: Sacramenta verò pro libito & capite cuiusuis Ministri diminuerunt: & quod caput est, diuina gratia, ea priuarunt. Iustificationem præterea quandam imputatiuam, & nescio vbi

Cælestia verò  
constrin-  
guntur.

1. Cor. 2. 14



circumuolantem confinxerunt: charitatem  
 verò cum aliis virtutibus, & donis Spiritus  
 sancti in cordibus fidelium extinxerunt. Ad-  
 de, quòd neminem alio iustiorum esse, vel esse  
 posse, tanta cum impudentia asseruerint, &  
 mulierculas, imò ( pudet dicere ) scorta sua  
 Beatissimæ Dei genitrici adæquare veriti non  
 fuerint. Quis vnquam olim credidisset, ad  
 tantam impietatem & vesaniam eos, qui se  
 Christianos esse gloriarētur deuenturos? Po-  
 stremo, omnia media, quæ ad eleuandā men-  
 tem nostram ad Deū, & ad comprimendam  
 carnem, & ad deuotionem in nobis augendā  
 valent plurimū, non solum abiecerunt, sed  
 etiam miris scomatibus infectati sunt. Horas  
 Ecclesiasticas, murmuraciones nescio quas;  
 cantus verò boatus vocarunt; Castitatem im-  
 possibilem esse asseruerunt, Vota Deo facta  
 per sumum scelus omnibus relaxarunt; indeq;  
 moniales plurimas pellexerunt, & ex Dei vir-  
 ginibus, suas pellices effecerunt. Instituta de-  
 nique omnia monachorum, & religiosorum,  
 vota; eorum, ac sanctissima mortificationū,  
 meditationum, contemplationum exercitia,  
 aut ocioforum, aut agrestium hominū mores  
 ferinos, aut extremas esse stultitias nuncupa-  
 runt. Quis non videt, ex quo spiritu, bonone,  
 an malo hæc prodeant? & an ista sint signa na-  
 uiculæ Christi, vel potius vehiculi dæmonis?  
 Profectò liberè dicam; illos lumini & Spiri-  
 tui Dei esse planè contrarios. Sed inquit, etiā  
 inter

Obiectio di-  
 luitur.

inter vestros, eoq; Ecclesiasticos reperiuntur, qui alimentis & tegumentis cōtenti non sunt: sed pecunias colligunt, nec non qui commensationibus, cubilibus, & aliis, quæ Apostolus vetat, dediti inveniuntur. Verū prudenti respōsio satis iam est insinuata. Aliud etenim est, quod mihi vltro à doctore conceditur; aliud quod eo prohibente à me violenter rapitur. Ibi enim doctore, hīc ego in culpa sum. Illud apud hæreticos agitur; hoc etiam apud incautos catholicos reperitur. Non tamen sine remediis, de quibus paulò pōst.

QVARTA navis huius non iam cum aliis nauibus communis, sed peccularis proprietate ē, quia Christum, & Apostolos continet. Hīc maximè digladiantur hæretici: hancque imprimis sibi vlturpant proprietatem, asserētes, se non aliud caput, quam Christum ipsū agnoscere, se doctrinam Apostolorum tenere: nos verò & pontificem Romanum pro capite habere, & traditiones pro doctrina Apostolorum sectari. Sed clament quantum velint, misceant more suo, quæstiones prout illis placet, nihil tamen efficient. Nos quantum huic loco convenit, breuiter quædam attingemus, copiosiores verò controuersiarum, de traditionibus, deq; Romanis Pontificibus tractationem, ad aliud tempus reservabimus. Itaq; primum, & huic loco maxime accommodatum sit, quo probamus in nostra congregatione, ac Ecclesia esse Christum, & Apo-

IIII.

PROP:

Ecclesie  
Christum &  
Apostolos  
habere.

Id esse apud  
Catholicos.

1. Probatur:  
Quia pluribus  
modis  
eos habem⁹

Christū qui



quidē decē  
modis.

& Apostolos: quia quacunq; ratione hæretici gloriantur se Christum & Apostolos habere; iisdem modis asserimus, eos quoq; apud nos esse, & insuper multis aliis modis, & rationibus, quæ ab hæreticis reyciuntur, in Ecclesia Catholica Christum Iesum, & Apostolos reperiri, nos fatemur, probamus, euincimus. Agnoscant illi Christum caput Ecclesiæ, & nos agnoscimus. Visibile utiq; caput non erit illis Iesus, cū non videant eum; neque est nobis: prædicari apud se, & à suis aiunt Christum; prædicatur etiam apud nos & à nostris: Per fidem, & sacramenta aiunt se habere Christum: habemus & nos. Et confidenter veraciterq; dicimus, magis hæc omnia apud nos reperiri, quia multo plura credimus, quam illi, quia plura apud nos prædicantur de Christo, quam apud illos, quia pluribus per totum mundum in antiquo, & nouo orbe prædicamus Christum, quod nō faciunt illi; quia verè & substantialiter præsentem habemus Christum, in Missa, in hostia ritè consecrata, in ciboriis ( quæ vocantur ) vbi propter ægrotos asseruatur; quæ omnia hæretici reiiciunt, persequuntur, blasphemant. Similiter recipiunt hæretici Apostolos, per scripturam Sacram loquentes, recipimus & nos; & multo magis nos: quia plures sacre scripturæ libros agnoscimus, quam illi: Et insuper audimus Apostolos loquentes nobis, per traditiones, per antiquissimas consue-

Apos verò  
habem<sup>9</sup> plus  
quam Hære-  
tici octo mo-  
dis.

consuetudines, per successores suos, per fidē  
 D. Petri; præterea habemus Apostolos per  
 ossa illorum sacra, quæ veneramur; per mi-  
 racula multa quæ ad reliquias eorum fiunt,  
 quæ magni facimus; per imagines eorum,  
 quas honoramus; per auxilia varia, quæ in-  
 uocando eos recipimus; perquæ alios modos,  
 quorum non solum nullum acceptant here-  
 tici, sed etiam turpissimis illos ac planè dia-  
 bolicis conuitijs, diæterijs, maledictis, pro-  
 scindunt, ac denique sacrilegis manibus lacerāt,  
 pedibusquæ conculcant, & flammis igniquæ tra-  
 dunt. Abeant iam & glorientur, apud se  
 Christum & Apostolos esse, apud nos verò  
 non esse. Quis sensatus tam insensatis & im-  
 pudenter mendacibus credet?

Heretici ven-  
 rō hęc penē  
 omnia blas-  
 phemant.

Sed & aliud argumentum penes nos est, 2. Probatur,  
 quo probamus Christum & Apostolos esse quia habe-  
 in Ecclesia Catholica. Quia sicut in naui ista, mus Chri-  
 præter Deum, qui fuit caput Ecclesiæ inuisi- stum & Apo-  
 bile, aderat etiam caput visibile, ipse videli- stolos in Iu-  
 cēt Christus Dominus, secundum humani- dice visibili.  
 tatem suam, ad quem recurrebant Apostoli,  
 in necessitatibus suis: ita nunc in Ecclesia Ca-  
 tholica præter ipsum Deum, & Christum Ie-  
 sum ( quorum vterquæ iam est inuisibilis ) est  
 caput visibile, ad quod in omnibus fluctibus,  
 quicquid circa fidem, quàm circa peruersos mo-  
 res exurgere solent, recursū habemus. Quē- Id em̄ est ne-  
 admodum enim certum est ac indubium, re- cessarium.  
 quiritalē potestatem in mundo, vt non si- Eph: 4. 1.



*mus parvuli fluctuantes, & circumferamur omni vento doctrinae in nequitia hominum: ita firma fide credendum est; Christum Iesum in necessitatibus, sponsae suae defuturum nunquam; prout neque defuit, neque deerit ad consummationem saeculi, secundum verissima promissa sua. Ac proinde reliquit nobis loco sui, caput & iudicem visibilem, qui in ijs, quae ad salutem spectant, erroneum quid decernere non potest. Hoc nos habere fatemur: & hoc quoque nomine, domino nostro Iesu Christo, qui in Ecclesia sua dedit potestatem talem hominibus gratias agere non cessamus. Contra vero haeretici, qui hanc potestatem respuunt, in tot errores turpissimos delapsi sunt, quos iam non queunt numerari. Nam quod dicunt se habere scripturam, quae iudex esse debet omnium controuersiarum, id suo modo dicunt. nempe tum in astutia ad circumventionem erroris ut de illis prophetauit Apostolus: tum in suprema stultitia, ut res ipsa loquitur. Vtuntur namque astutia Sophistica ut circumuehant, & in errorem inducant incautos, quando perpetuo plenis buccis concrepant scripturam, scripturam; cum sciunt non tam de scriptura ipsa, quam de eius expositione controuersiam inter nos esse. Querimus enim quando ego aliter, tu vero aliter, imò contrario plane modo scripturam interpretaris; estque res, quae ad salutem pertinet; quis inter nos discernet, & diiudicabit? Si nemo est talis*

*Eccontra vero  
Haeretici scripturam  
iudicem statuentes.*

*Mat. 23.  
Sectas procreant.*

*Eph. 4: 14.  
Astut sunt  
Sophistae.*

talis in mundo, alter nostrum permanebit in  
 pernicioso errore. Sin est, nominetur queso.  
 Nos Ecclesiam nuncupamus, & meritò, &  
 secundum scripturam. Cum enim Christus *Mat. 18. 16*  
 Dominus præceperit mihi sub anathemate,  
 ut Ecclesiæ obediam, profectò docuit me  
 etiam, Ecclesiam in determinatione sua erra-  
 re non posse. Quid ad hæc dicant hæretici,  
 iam insinuavi. Aiunt n. tum temporis obe-  
 diendum esse Ecclesiæ, quando eius doctri-  
 na cum scriptura convenit, non aliter. Quã-  
 ta perversitas & insipientia istorum est ho- *Pervertit or-  
 dinem datũ  
 in Euãgelio.*  
 minum? Iesus Christus edixit, ut Ecclesia de  
 me iudicet, rectenè, an secus, utar scriptura:  
 præcepitq; mihi, ut dicto stem Ecclesiæ. Hæ-  
 reticus verò docet me, ut ego de Ecclesia iu-  
 dicem; an eius interpretatio. vel determina-  
 tio sit secundum scripturam, nec ne. Quid  
 magis insulsum, perversum, Sophisticum, po- *Christũ bla-  
 sphemans*  
 test esse in mundo? Est sanè & quidpiam ali-  
 ud, quod iidem Ministri Sathanæ in eo ipso,  
 quod dicunt scripturam debere esse iudicem,  
 excogitauerunt. Fecerunt enim hoc dicto su-  
 o, Christum Iesum noui testamenti legisla-  
 torem, insipientiorem (absit verbo blasphe-  
 mia) quàm fuit ullus vnquam legum condi-  
 tor, etiam inter Idololatrias. Quis enim legis-  
 latorum vnquam ab orbe condito constitu-  
 it, utius ab eo datum, & conscriptum, inter  
 contententes diiudicaret? Nemo equidem  
 tam stultus est repertus. Quomodo enim lex

inter



Ecclesiā spe-  
luncā latro-  
nū faciunt.

NOTA.

Quod patet  
Tum exem-  
plo euidēti.

Tū ipsa ex-  
perientia.

inter dissidentes decernet, quæ nec intelligere quicquam, nec loqui volet? Stultior igitur Christus Dominus, secundum hæreticos erit, quàm ullus vnquam siue scriptor, siue legum conditor politicus extitit, quod tum ex iam dicto capite, tum aliundè patet. Si enim ita se res haberet, vti Ministri fingunt, Congregatio seu politia à Christo constituta, nihil esset aliud, quàm purissima spelunca latronum. Id verò vt omnes intelligāt, hoc exemplo clarum euadet. Non sit ex hominibus iudex quisquam in hac Vilnensi ciuitate, sed ponatur in prætorio quidem, speculū quod vocant Saxonum, in arce verò Statuta Regni. Quid inde sequetur? nihil profecto aliud, quàm quod ex ampla ciuitate, fiet spelunca latronum. Postquā ū, de illata iniuria boni- uè aliquibus direptis, vel etiam vita ablata diu ( vt solent ) altercati fuerint causidici, si nullum audietur decretum, ( muta enim scriptura, illud non dabit ) is qui iniuriam intulit, qui damnum alteri dedit impunitate animatus, grauiora, maiore audacia, scelera aggredietur: Euenietq; vt quò quis potentior, aut astutior erit, eò plura, furto, rapina, vi, cædibus, hisq; similibus artibus ad se pertrahet: cogetq; : legibus scriptis quæ in libris continentur non solū tacentibus, sed etiam approbantibus, vt illas, & ipse, & procuratores eius interpretantur & ad sua pertrahunt. Talem ad amissim effluxerunt hæretici Ecclesiā Christi,

Christi, quod non solum ratio, sed etiam ipsa  
 magistra experientia docet. Etenim cepit Lu- NOTA.  
 therus Christo & Ecclesiæ rapere, tum bona  
 temporalia, per Reges & principes seculares, tum  
 animas, per seipsum, sibiq; similes apostatas:  
 citatur is ad varia tribunalia, sed in nullo com-  
 paret, asserens se Biblia sola, pro iudice agno-  
 scere, quæ prout illi placuit, interpretabatur,  
 & ad suas trahebat opiniones: Bibliis verò  
 tacentibus, Lutherus animosior factus, ma-  
 iora indies singulos damna infert Ecclesiæ.  
 Hunc bonum successum præceptoris, videns  
 Carolstadius, post illum verò Zuinglius, de-  
 in Caluinus, incipiunt & ipsi novas sectas ex-  
 cogitare: Lutheri sectatores ad se, suaque in-  
 uenta pertrahere, damnumq; Luthero inferre  
 maximum. Dumq; Lutherus irascitur, furit,  
 maledicta ingeminat, dictis scriptisq; ipsi ad  
 tribunal ab eo constitutum, ad Biblia inquæ  
 Lutherum pertrahunt, scripturam pro se alle-  
 gant: non se, sed illum errare, ex Bibliis pro-  
 bant. Iudice verò tacente, bonam partem  
 eorum, qui à Luthero erant infecti ad se pel-  
 lunt, & inficiunt magis. Idem Caluino,  
 Gentilis, & Seruetus, olim asseclæ ipsius faci-  
 unt, & ad idem Bibliorum tribunal Luth-  
 eranos, & Sacramentarios citant, trahuntque,  
 scripturasq; plures etiam, quam illi (quamuis  
 eadem fide, qua illi) pro sua adferunt per-  
 fidia; rapiuntq; quos possunt, ex grege illorū,  
 non solum in Heluetia, Vngaria, Moravia,  
 sed



sed etiam in nostra Polonia. Et quamuis Calvinus non scriptura, sed iudicio Senatus Geneuensis, & Bremensis, conuictos, Gentilem quidē gladio percussit, Sernectum verò igni tradiderit (quā rectē, dicemus sequēti Domini-  
nica) pullulant tamen hæczizania, & sicut recentia semper pariunt monstra, ita noua exercent latrocinia; non alio innixi fundamento, quàm hoc ipso; solam videlicet scripturam, non quenquam alium, debere esse iudicem, omnium controuersiarum. Quis versatus in historijs non videt ita se rem habere? Videat igitur & cognoscat quilibet, hæreticos quātum in ipsis fuit, ex Ecclesia Christi ordinata, speluncam latronum inordinatissimam sibi effecisse; & videndo ingemiscat supra cæcitatem ac impudentiam illorum, qui talia patrantes audent nihilominus mendaciter gloriari, se Christum & Apostolos in congregatione sua habere, cū ab ijs plusquam cælū à terra absunt. Verum nos alias condiciones nauiculæ Christi prosequamur.

V. PROP:  
Ecclesiā habere Christum dormientem & vigilantem.

QVINTA igitur proprietas nauiculæ Christi est, quòd Saluator partim vigilat in ea, partim verò dormit, & in puppi dormit: & dum dormit exurgunt tempestates, quæ discipulos terrore afficiunt, Christi quæ auxilium implorare cogunt. Ecce alia Ecclesiæ imago, ac effigies. Executiamus singula, & videamus; ubi nam hæc reperiuntur. Apud Catholicos  
Hoc sit apud inueniri clarum est nimis. Hic enim partim  
vigilat

vigilat Christus, partem dormit, nam Eccle- Catholicos.  
 sia constat partim ex bonis, in quibus vigilat;  
 partim ex malis, in quibus dormit Christus.  
 Item vigilat Iesus, quando quiescit Eccle- Ibi n. dupli-  
 sia: dormit quando turbatur. Dormit autē citer vigilat  
 non ipse per se, quia & secundum humanitatē Christus.  
 non dormit amplius, & secundum diuinita- Dormitque  
 tem scriptum est de illo: *Ecce non dormitabit,* dupliciter.  
*neq; dormiet qui custodit Israel;* sed dormit, quā- P/s: 120. 4.  
 do permittit aut diabolus, sicut vult agere, Tūc verò vē-  
 ut lobo contigit; aut eodem urgente praela- ti quatuor  
 tos Ecclesiæ ignorantia & impietate labo- exurgunt.  
 rare (terribilis somnus & perniciosus admo- Iob: 1. 13.  
 dum) ac proinde non uti, sed abuti suo offi- Mat: 13. 24  
 cio; ut ipse christus in parabola de zizanijs in-  
 sinuat. Tum temporis autem dum hac rati-  
 one dormit Dominus, tempestates oriuntur,  
 venti; exurgunt. Quatuor autem sunt ven-  
 ti præcipui, qui maximè affligunt Ecclesiam.  
 Primus est tyrannis, quæ vexat corpora; al-  
 ter hæreticos continet, qui infestant fidem; 2. Cor: 12.  
 tertius falsos fratres, qui tum malis exemplis, 26.  
 tum persuasionibus inducunt alios ad peccā-  
 dum; quartus deniq; est infestatio dæmonum  
 qui tam per hos omnes, quàm per seiplos  
 perturbant tum animas singulorum, tum to-  
 tam in communi Ecclesiam. Id verò maxi-  
 mè omnium facient sub finem mundi, per  
 Antichristum. Ideò Christus Dominus dici-  
 tur dormire in puppi quæ est postrema pars na-  
 vis, quia erit tunc tribulatio magna, quales non su-  
 is ab

Dormitque  
in puppi.



*Mat: 24. 21* it ab initio mundi vt ipse Christus prædixit.  
 Nec est quisquam securus.

( Verùm de his ventis aliàs plura ) Turbato autem mari, timent Apostoli, & excitant orationibus Christum Iesum, rogantes ne pereant. Quia nemo priuatorum ( præter paucissimos quibus Deus id reuelauerit ) est securus de sua salute, nam *nescit homo vtrum amare, an odio dignus sit, sed omnia in futurum seruatur incerta* ( ait sapiens ) Idcirco noctu & interdiu omnes & singuli fideles clamant; DOMINE SALVA NOS, nisi enim id feceris, PERIMVS. Hæc igitur in Ecclesia Catholica geruntur, & hæc est figuræ istius de nauicula adaptatio aptissima. Quid verò apud Hæreticos? Totum quasi contrarium. Nam iuxta

*Ecc: 9. 2.*  
 Ideo omnes clamant.

Contrarij sit  
 secundj opi  
 niones Hæ  
 reticorum.

eorum opiniones ipsis omnibus Iesus Christus vigilat semper, quia in eorum congregatione omnes sunt boni ( scilicet ) & iusti. Neq; dormit vnquam in pastoribus. Si enim omnes sunt pii, & suo funguntur munere, multò magis tales erunt Doctores. Neq; verò maxime dormit Christus secundum eos in puppi, id est in fine mundi, quia illis iam pridem venit Antichristus, qui est Papa: aliis quidem à sexcentis, aliis à mille annis; aliis ab ipso Evangelij exordio. Tempestates autem, & si quasdam, prout cuiq; placet, agnoscant: tamen nihil timet, quia certi sunt de propria salute; propterea non multum etiam orant, quinimò longas orationes conuiciis proscindunt. Cur enim orarent, cum sint securi? Neque enim Apo-  
 stoli

stoli orasse dicuntur, nisi quando dubii erant, & timebant ne perirent. Quod si dixerint Hæretici, se rectè nihil timere, quia Apostoli reprehenduntur à Domino, quòd timuerint: Respondebo, benè quidem discipulos reprehendi, sed malè Hæreticos hanc reprehensionem interpretari. Nam Apostoli tum temporis representabāt personā eorum, qui propter nimium timorem, pusillanimes effecti desperare incipiunt, quales sunt quidam in Ecclesia. Tales verò Christus hic arguit, & tales D. Paulus instruit ac monet dicens: *Fidelis autem Deus est, qui non patietur vos tentari supra id, quod potestis, sed faciet etiam cum tentatione puen- tum, ut possitis sustinere.* Nam aliàs non solum Prophetæ & Apostoli, sed etiam ipse Christus Iesus præcipit ut timeamus, cum aliàs sæpè, tum in vno loco ter idem repetendo & concludendo: *Ita dico vobis hunc timete.* Quid verò timerent Apostoli, si ita securi erant de salute, ut etiam si vellent eā perdere, non possēt ut asserūt Hæretici, nihilominus Christus iubet ut timeāt. Falsum igitur asserūt Hæretici. Quāta vesania? quāam verbo Dei contraria? Sed neq; illa est minor, quod aiunt, se certos quidem esse de salute sua, ignorare tamen, an sint in Ecclesia; cūm Ecclesia sit inuisibilis, & soli Deo cognita. Quid stultius, & sibimet contrarium magis? Peto enim, num quisquam extra Ecclesiam positus, id est, etiam si non sit ex grege Christi, saluari possit? Si non potest, prout nos, & tu concedis: quomodo quæso

1. Cor. 10.  
13.

Stulticia Hæ-  
reticorum.

1.

Luc. 12. 8.

2.



Alia obiecti  
o retorq̃tur:

certus es de salute tua, cum certus non sis, imò  
ignorare te dicis, an sis in Ecclesia, extra  
quam nulla salus? O stupor supra insipien-  
tiā hominum. Denique si obiciunt Ministri,  
quòd in hac nauicula omnes saluantur, ideoq̃  
similem eam esse suæ congregationi; Respon-  
debimus, quicquid sit de salute corporis, &  
vita præsentis (neq̃ enim de his agimus,) cer-  
tum est salutem animæ, & vitam æternam, non  
omnes adeptos esse. Quia vnus ex discipulis  
qui erant in hac naui, fuit Iudas Iscariotes, qui  
in æternum periit. Currit igitur etiam hac in  
parte nostra similitudo.

VI. PROP:  
Ecclesiā nū  
quā deficere

Hoc fit in Ec-  
clesia Catho-  
lica.

SEXTA & vltima proprietas nauiculæ hu-  
ius est; quia etiam si maximis agitetur flucti-  
bus: imperante tamen Christo, & serenitas  
redit, naui salua consistente, & homines mi-  
rantur valdè, talem tantamq̃ potestatem. Id  
ipsum mysticè agitur in Ecclesia Catholica,  
contrarium verò in quauis alia congregatio-  
ne. Nam in Catholica Ecclesia etiam si quæ-  
dam personæ pereant, vt Iudas, & qui illum  
imitantur; nauis tamen integra permanet,  
nec deficit vllò puncto temporis, nec defici-  
et vsq̃ ad consummationem sæculi, Secus fit  
apud illos, etiam secundum illos. Patriarcha  
enim Ministrorum nostrorum Polonicorum  
Caluinistarum, qui eis postillam conscripfit,  
agens de Bestia, quæ describitur in Apocaly-  
psi, id est, de Sathana inquit. [Non est igitur  
mirum quia præualuit, & Ecclesia Dei ab eo  
superata

Secus apud  
Mæreticos.

superata fuit ] Quod si loquitur de ea congregatione, in qua ipse est, verum asserit, verum enim mancipium est dæmonis: sed non est hæc Ecclesia Dei. Nam de Ecclesia, ait Saluator; *Portæ inferi non præualebunt aduersus eam.* *Mat. 16. 18.*

O euersores Euangelij, qua impudentia vos Euangelicos nominare auderis? Non solum autem Ecclesia Christi non submergitur, aut deficit; sed etiam post tribulationes, fit illustrior, & micat lucidius. Hoc videmus & gaudemus fieri in Romana Ecclesia. Accipite aliquot exempla huic loco & tempori conuenientissima. Segregarunt se Græci, & vos cum illis, O Roxolani. Schismatici, ab obedientia sumorum pōtificum, cum aliqua, quibusdam in personis Ecclesiæ Catholicæ diminutione: At verò tantum abest, vt Ecclesia perierit, vt illustrior facta sit, vbi antea ne fuit quidem. In Saxonia inquam, in Bohemia, Moravia, Polonia, & aliis nationibus, quæ sub idē tempus Euangelium susceperunt, & Romanæ Ecclesiæ sese subiecerunt quo Græci schismata & secessionem cogitabant. Idem factum est vobiscum O Lituani mei, Quando enim diabolus per VViclephū, Hussiū, & iis similes, abegit partem aliquantulam ex grege Romanæ Ecclesiæ, vos cum Samogitia & vicinis nationibus accessistis. Deniq; nonne idem nunc videmus, in Indiis, in nouo orbe, in insulis Philippinis, & aliis infinitis? Sed de hoc iam dictum est aliās. Contrarium planè fit in omni-

Solatiū Catholicorum de prouidentia Dei.

NOTA



*Hæreses eadem redeſcit nunquam. Mirandum. Fluctibꝰ fluctus ſedari à Chriſto.*

**NOTA**

bus hæreſibus, quæ nūquā ædē emergūt. Sēper enim noua dogmata addunt antiquis: vt hac quoq; ratione appareat omnibus, ſignum euidentis nauiculæ Chriſti in Eccleſia Catholica eſſe, alibi minimè eſſe. Deniq; mirantur in Euangelio homines videntes ſedatos verbo. Chriſti fluctus, miramur magis, plenè obſtupeſcimus nos, alpicientes; quomodo nunc leſus Chriſtus omnipotentia ſua fluctibus ſedat fluctus. Magni fluctus & tribulatio Eccleſiæ, quando paſtores in ignorantia & in impietate dormiunt: Hi fluctus vobis, vobis, inquam, O hæretici, ſedantur à Chriſto. Nunquā enim aliās vos venire permiſſet Deus, niſi tātū bonum per vos occasionaliter quidem, veriſſimè tamen, futurum præuidiſſet. Vobis ergò, qui magni fluctus eſtis maris huius, ſanat & bona ex parte iam ſanauit fluctus, qui cū ex falſis fratribus, tum ex mercenariis, & malis paſtoribus Eccleſiæ ſuperuenerant. Sit igitur Chriſti Ieſu, qui id & meruit, & perfecit nomen benediſtum in æternum & vltra: Neq; ſignū admirabile ab oculis noſtris auelli & amoueri aliquando patiamur.

*Concluſio ſum̃a dictorū continēs.*

Sed tēpus eſt vt nauiculam Chriſti ad portum, & ſermonem noſtrum ad finem perducamus, ac copioſè dicta in ſummam redigamus. Itaq; audiſtis dilectiſſimi in Chriſto Ieſu, quomodo omnes proprietates nauiculæ, qua vehitur Chriſtus, pulchrè & exactè Eccleſiæ Catholicæ conueniant: ab hæreticorum verò

verò & Schismaticorum conuenticulis absint  
 quàm longissimè. Audistis, quomodo apud  
 vos est nauicula in alto mari posita, id est, om-  
 nibus conspicua Ecclesia: apud illos verò ob-  
 scura est & abscondita, ipsorum etiam cōfessi-  
 one. Audistis quomodo formam nauis no-  
 stra habeat, quàm; sit lata, ac per totum or-  
 bem diffusa, quàm; in dies singulos magis  
 dilatetur, ducens ad cælorum portum animas:  
 apud illos verò, est cymba illa Charontis par-  
 ua, angusta, veraque inferni porta. Audistis  
 quomodo nostra terram, mareq; versùs con-  
 stricta, beneq; munita; ad cælum verò lata &  
 aperta sit, dum docet mortificationem qui-  
 dem corporis, animæ verò dilatationem, ad  
 vberes gratias Diuinas recipiendas: illorum  
 autem cymba contra, laxat ad terrena, ad lu-  
 xuriam, ad epulas, ad rapinas, & his similia,  
 prout in ipso eorum capite Luthero, nimis  
 clarum est: ad cælestia verò angusta est: tum  
 quòd doceat, neminem alio sanctiorem esse  
 posse: tum quòd deuotionis exercitationes  
 medio tollat. Audistis, nostram Ecclesiam,  
 habere Christum & Apostolos multis valdè  
 modis, & inter alios, habet etiam Christum in  
 vicario suo, Apostolos verò in successoribus,  
 qui iudices sunt controuersiarū inter fratres:  
 quæ omnia non solum respuunt, sed etiam  
 blasphemant hæretici, nullum in mundo iu-  
 dicem agnoscentes, sed speluncam latronum  
 congregationem non Dei sed suam facientes.

Rr 5

Audi-

1.

2.

3.

4.



9.

Audistis, quomodo apud nos Christus in bonis quidem vigilat, in malis verò dormit, cum in aliis, tum maximè in Pastoribus, Apud hæreticos verò secundum opinionem eorum, semper vigilat; secundum veritatem semper dormit. Audistis denique, quomodo semper manet, nec vnquam mergetur Ecclesia Catholica, quinimò splendet in dies magis: Ipsorum verò synagoga, ipsismet testibus à diabolo est deuicta, neq; semel depressa (quod sit breuissimo tempore) nec vnquam emergit amplius. Hæc inquam audiistis omnia, ex scriptura sacra cōprobata. Quid ergo aliud cōuenit, quā vt qui à Ministris seducti estis ab yceatis tenebriones istos, qui nos ad tenebras ducunt: Charontis seruos, qui ad portas in ferni vos pertrahunt: lurcones, qui vos carni non, spiritui seruire docent. Errores ergo hæreticorum qui hodie sunt & cras percūt, abiicite & reuertimini ad lucem, ad vitam spiritualē, ad Ecclesiam Dei firmam & semper stabilem: Agite orō rogo, obsecro, vt & sic Christū selū, per fidem verum, spem congruam, charitatē ardentem habere, & illis regnantem cum Deo

Patre in vnitate, Spiritus Sancti faciem  
ad faciem videatis, in sæcula sæ-  
culorum, AMEN.

## CONCIO TERTIA.

Spes.

ANIMÆ  
PEREGRI-  
NANTIS  
STATVS  
ET STA-  
TIO.

## EX SENSU TROPOLOGICO.

**Q**uemadmodum medici, qui curando rum corporum curam gerunt, duplicia <sup>Medici tñ</sup> aegris tum fercula, tum medicamenta <sup>corporalis</sup> prescribere consueverunt, alia quidem qui- <sup>tum spiritus</sup> bus malum, quod in visceribus eorum latet, <sup>alis officiū.</sup> aut latere posset, auertunt, depelluntque: alia verò, quibus corpora illorum reficiunt, & nutriunt: ita medici spirituales, cum alij, tum verò concionatores, si rectè fungi officio suo volunt, præstare id ipsum animabus debent. Arcenda sunt mala, ne animam inficiant, & mactent: suadenda bona, ut illam nutrant: & non solum vegetam, sed etiam pingue red- dant. Primum egimus duabus præteritis cõ- cionibus; alterum duabus sequentibus perficere statuimus. Illis etenim & demonstrando, ubi nam reperiatur Christi Domini in terris Ecclesia, perfidiam ab intellectu; & excitando in animis timorem, indeq; salutarem pœ- nitentiam, malitiam à voluntate arcere, & expugnare studuimus: his verò adnitemur ostendere: tum varia tentationum genera, tum modos & rationes, quibus exsuperari queant, tum virtutes præcipuas, quæ inde oriri solent; quas



quæ omnia ad profectum nostrum spirituale  
per multum conferunt.

PROP. Sex  
puncta con-  
suet.

In hodierna itaq; concione, Sanctorum Pa-  
trum vestigiis insilendo, & Euangelium ad  
mores traducendo, declarare ac demonstrare  
conabimur, mare in quo hic nauigamus, esse  
mundum. Nauiculam verò, animam esse cu-  
iusuis fidelis Christiani. Tempestates autem,  
esse varia tribulationum & tentationum ge-  
nera. Horum verò occasionem esse dormiti-  
onem Christi. Remedium autem efficacissi-  
mum esse, accedere cum Apostolis, & excita-  
re Iesum, ut mari & tempestatibus imperet. Quod  
imperium Christi postremo sequitur, tran-  
quillitas maris & admiratio hominum, tanquam  
effectus excellentissimi. Hæc in ista concione  
explicare intendimus: quæsi omnia in ea tra-  
ctari non poterunt, in sequenti perficientur.  
Tu adiuua Christe Iesu & da ut ita hæc consi-  
deremus, quo salua naui, & integris mercibus,  
ad te portum salutis appellere valeamus.

I. PUNCTV  
Mare mun-  
dus.

Ps: 103. 25

I. Propter  
magnitudi-  
nem.

Acturi de tropologico seu morali Euange-  
lij, quod lectum audiuitis, sensu, non abs re il-  
lis psalmi versiculis Sermonem ordiemur no-  
strum: *Hoc mare magnum & spatiosum manibus  
illic reptilia quorum non est numerus. Animalia pu-  
silla cum magnis, illic naues pertransibunt. Draco  
iste quem formasti ad illudendum ei, omnia à te expe-  
tant, ut des illis escam in tempore. Quamuis enim,  
si historicum sensum spectes, de mari magno,  
quod Oceanum vocamus, præcipuus sit ser-  
mo pro-*

mo prophetæ; tamen in sensu spirituali, per mare, etiam id loci mundum intelligi vniuersum, testes sunt sancti patres, præsertim D. Augustinus, neq; id sanè immeritò. Nam si *Aug. in hunc Psal.* *magnum* quid est & amplum Oceanus, quantò maior erit mundus? qui non solum Oceanum, & omnia maria, sed & terram, & orbem complectitur vniuersum? Si mare *spaciosum* *2. Ob sinus varios cōscientiarum.* est *manibus*, id est sinibus seu brachijs (vnde constat Latinos cum Hæbreis in eadem metaphora conuenire: apud nos verò à pedibus translatio sumitur: Vocamus enim *Odnoği moriſſie*) & anfractibus; multò equidem magis, sunt amfractuosi sinus conscientiarum humanarum. *Illic in mari naues pertransibunt,* *3. Quia naues animarum illic pertransunt.* quæ vitam ferunt multorum mortalium; hinc in mundo sunt animæ rationales, quæ dant vitam omnibus hominibus. *Illic reptilia,* *4. Quia ibi à reptilibus multa pericula.* id est pisces, & varia monstra marina, ostrea quoq; & vermiculi, *quorum non est numerus, animalia pusilla cum magnis,* quorum diuersa diuersimodè naues vexat; dum alia eas remouentur, alia euertunt, alia perforant, alia alijs modis infestant: Hinc verò in mundo multò, etiam plura sunt tentationum, tribulationum, & afflictionum spiritualium genera, quæ innumera pericula in se continent. Ibi in mari *5. Maximè à Dracone qd & illudit, & illuditur.* est *Draco*, id est, Cetus seu Leviathan (secundum Hieronymum) *quem formauit Deus ad illudendum ei.* Quod dupliciter intelligi, etiam secundum hæbræa potest. Vel ut ipse draco, ludat

NOTA



ludat in mari, pisces vorando, saltando, na-  
 uesq; iactando: vel vt draconi illudatur, vt  
 volunt Hieronymus, & Augustinus. Hic  
 verò in mundo est Draco ille magnus, *ser-*  
*pens antiquus, qui vocatur Diabolus & Sathanas,*  
 Apoc: 12. 2 quē mirē describit Ioānes in Apocalypsi. Ha-  
 bemus inquam hic illum *Leuiathan serpentem*  
 Is: 27. 1. *vestem, & Leuiathan serpentem tortuosum, qui de-*  
 Hab. 3. 14 *vorat pauperes in abscondito, qui habet mille no-*  
 cendi artes, qui ludit in mundo isto, cuius &  
 Ro: 12. 31. *princeps* à Christo vocatur: & deludit non tã-  
 tum inopes, sed & reges, principes, & mo-  
 narchas terræ; non tantum carnales, sed &  
 olim spirituales viros, & fæminas. Illuditur  
 nihilominus etiam illi à pijs omnibus, etiam  
 à iuuenibus, etiã à puellis tenerrimis secun-  
 Is: 11. 8. dum illud Isaïæ; *Et in cauerna regum, qui abla-*  
*ctatus fuerit, manum suam mittet.* Tales fuerūt  
 Vitus, Celsus, Hilarion, Agnes Prisca, & infi-  
 niti alij; neq; nunc desunt, quorum Deus nu-  
 merum nouit. Illudis autem dæmoni ( vt  
 pulchrè discurret Augustinus ) si tu obseruas  
 caput, id est principium eius, vt non consen-  
 tias pessimæ suggestioni ipsius, quæ te ad vi-  
 Gen: 3. 15: tia pertrahit. Contra ipse Sathan obseruat  
 calcaneum tuum, id est, casum in quem inci-  
 6. Quia om- dis, dum incautè te geris. Deniq; in mari  
 nis a Deo  
 escam expe omnia expectant à Deo escam corporalem, in  
 rant. mundo verò & omnes animæ piæ expectant  
 7. Quia per- escam spiritualement. Bene igitur à SS. Patribus  
 mundus iste mari comparatur. Neq; vero de-  
 sunt

sunt & aliæ rationes. Sicut enim mare sem-  
per mouetur: ita in mûdo perpetuæ sunt re-  
rum vicissitudines, tum corporales, quam spi-  
rituales. Homo n. teste Iob *nunquam in eodem* *Rob 14. 2.*  
*statu permanet.* Præterea vt illi qui sunt in ma-  
ri, non ibi habitant, sed perpetuò ad portū  
aliquem currunt; ita homines in mundo cō-  
stituti. Quod vtinam pro dignitate confide-  
remus omnes, & ad portum salutis cum ea,  
qua par est diligentia, tendere enitamur. Po-  
stremo, sicut in mari infinita sunt pericula,  
non solum à reptilibus, quæ ibi sunt, sed eti-  
am à ventis, & alijs, ita in mundo. Qua de re  
paulò post plura.

petua hic 8  
vicissitudo.

8. Quia ne-  
mo hic ma-  
net.

9. Ob alia in-  
finita perio-  
cula.

NAVICULA autem, qua in mari isto ve-  
himur, est anima, præsertim verò anima Chri-  
stiana, Christo in baptismo consecrata; quod  
insinuare videtur Princeps Apostolorum,  
cùm loquens de *Arca Noë* subiungit: *Quod et*  
*vos nunc similis formæ saluos facit baptisma.* Com-  
paratur autem anima nauiculæ: tum propter  
iam datam rationem: ( sicut enim nullus po-  
test sine nauicula mare transmeare, ita nemo  
sine anima in mundo viuere valet ) cum ve-  
rò quod quæcunq; sunt in naui bene compa-  
rta, beneq; ad traiciendum mare magnum  
adaptata, eadem omnia spiritualiter intelle-  
cta in anima Christiana inueniuntur. Etenim  
creauit & compegit eam Christus Iesus, De-  
us & Dominus noster, ex lignis, quia salus  
à ligno crucis, cuius in Baptismo participes ef-

II. P V N-  
CTVM.

Nauicula a-  
nima præse-  
tim baptiza-  
ta.

1. Pet. 3. 21.

Tum quia  
causa salu-  
tis.

Tum quia  
bene compa-  
rta.

fecit



Ex lignis im-  
putribilibus.

Exort. 15.

Imputribi-  
litas duplex

Similitudi-  
nes interna-  
um & piâ  
animarum.

1. Ex tabulis  
duodecim  
fidei com-  
binatur

2. Clavis vir-  
tutum adu-  
natur.

Iac. 2. 17.

3. Rimæ ei-  
timore Dei  
obturantur.

4. Linitur  
sanguine  
Christi.

5. Sentina  
côscientiæ  
remorsus  
donatur.

fecti sumus; & compegit eam ex lignis im-  
putribilibus, quæ figurabantur in *lignis Setim*,  
ex quibus tum arca illa testamenti; tum om-  
nia quæcunq; erant lignea in tabernaculo fæ-  
deris conficiebantur. Incorruptibilitas au-  
tem animæ duplex est, vna naturalis, qua o-  
mnes homines præditi sunt: gratuita altera,  
quæ solis Christianis competit. Dotatur e-  
nim anima Christiana in Baptismo, primùm  
quidē fide, quæ ex duodecim articulis (quos  
in symbolo profiteamur) tanquam ex duode-  
cim tabulis imputribilibus, æternæq; verita-  
tis, compacta est. Deinde ne tabulæ istæ dif-  
fluerent ac dissoluerentur, coadunatæ sunt  
tanquam clavis varijs virtutum generibus,  
nempe iustitia, prudentia, temperantia, for-  
titudine, & alijs, quæ in eodem Baptismo  
vnâ cum fide nobis infunduntur. Nam sicut  
tabulæ nisi clavis firmentur, vsui esse non  
possunt ad traijciendum mare; ita *fides* quæ  
*sine operibus* mortua est teste D. Iacobo, nisi  
virtutibus cōnectatur nunquam ad portum  
salutis perducere quenquam poterit. Sed &  
rimas obturauit Christus Dominus, non ca-  
nabi, aut lino; sed timore Dei, obliniuitque  
non pice, aut resina, sed sanguine suo, quo  
redempti sumus; quibus duobus muniuit  
nos, ne aquas salvas & insipidas, quæ ex ten-  
tationum fontibus oriri solent, in animas no-  
stras illabi permittamus. Quod si verò ali-  
quid incautis nobis influat, ex guttis mundi  
huius,

huius, id statim in conscientiam tanquam in sentinam recipitur, qua remordente, & aquā illam prodente, adlunt vasa quibus sentina purgetur, cum alia, tum verò confessio, & Sacramentum Pœnitentiæ. Præterea ornavit & muniuit hanc nauim Christus, octo beatitudinibus, crexitq; quasi malum in ea, signum crucis sanctissimæ, cum omnibus mysterijs passionis suæ, quæ funibus contemplationis, meditationis, orationis, & piæ lectionis, fortiter alligauit; scalatq; ex iisdem effinxit, quibus viri spirituales celerrimè ad latus eius currunt. Posuit etiam in prora ancoram spei, in puppi clauum charitatis, quæ quo vult animam impellit. Sicut enim clauo nauem quò vult nauarchus impellit, ita quicquid Charitas Dei & proximi suadet, eò anima sancta tendit, idq; exequitur. Extendit insuper septem vela, septem videlicet dona Spiritus Sancti, quibus plenis velis mira celeritate, ad portum curritur salutis. Est quoq; nauicula ista inferius stricta, superius verò lata & aperta, cælum versùs. Qua de re quia aliàs disseruimus, nunc negotio huic super sedendum est. Deniq; (quod caput est) anima pia & fidelis habet in se residentē Sanctissimam Trinitatem; Patrem videlicet, Filium, & Spiritum Sanctum, in cuius etiam nomine baptizata fuit; & Christum Iesum, qui eam conseruat, regit, & gubernat. Habet autem hæc omnia. Primum quidem ani-

6. Vasa ad purgandam conscientiam dantur.

7. Munitur octo beatitudinibus.

8. Mælo crucis ornatur.

9. Funibus contemplationis alligatur.

10. Habet ancoram spei.

11. Clauum Charitatis.

12. Vela dona Spiritus.

13. Est stricta & larga.

In secunda concione.

14. Habet S. Trinitatem vectorem.



Triplex ani-  
ma ad quā  
Christus in-  
trat.

matum cuius infantis, tum etiam adulti baptizati: dummodò adultus obicem gratiæ diuinæ non ponat. Deinde animæ eorum, qui hæc dona, quæ in baptismo acceperunt, fide recta, & Christiana viuendi ratione conseruauerunt. Postremò omnes, qui postquā peccauerunt, iterum per Sacramentum penitentiae Deo, & Christo Iesu recōciliati sunt. De his enim omnibus verum est, quod spiritualiter intellectum dicitur in principio Euangelij.

ASCENDIT IESVS IN NAVICVLAM,  
O beatus homo, in cuius corde, & anima residet Saluator Iesus, ô terq; , quaterq; beatus, qui tantis donis in Baptismo dotatus & ditatus, ea conseruauit integrè Sed *quis est hic, & laudabimus eum?* Rarissimus equidē, qui cum primū peruenit ad vsum rationis, primis etiam vëtorum & tentationum insultibus deiectus, naufragium passus non fuerit: multò autem rarior, qui adolescentiam & iuuentutem, vel etiam virilem ætatem suam in pietate erga Deum, & iustitia erga proximum, transegit. Rara equidem sunt ista. Nihilominus nemini est desperandum: dummodò seriò per veram cordis contritionem, integram peccatorum confessionem, & digna satisfactionis opera, conuertatur ad Dominum. Qui tantis ornauit nos beneficijs, & donis, etiam si non requisissemus eum, (quando quidem nec facere id per ætatē potuimus) præstabit

stabit profectò eadem purò corde, & synce-  
ro animo illum per pœnitentiam quærenti-  
bus: Id restituet nobis benignitate ac mi-  
sericordia sua immensa, quod perdidimus im-  
pietate & nequitia nostra praua. In hoc igi-  
tur sit tota spes, & fiducia nostra constituta  
& collocata, Addamusq; ad pœnitentiam de-  
precationem, orantes noctu & interdiu, vt  
dignetur Iesus Christus ascendere in naucu-  
lam, id est, in animam nostram. Ita enim  
eueniet etiam quod in Euangelio subiun-  
gitur.

SECUTI SUNT EVM DISCIPULI EIVS: Et sequitur illum disci-  
puli i. An-  
geli.  
Nam vt ipse Saluator inquit: *Vbicunq; fuerit corpus, illic congregabuntur & aquila.* Primum Ma: 24.28  
quidem cōgregabuntur Angeli, qui licet Deo  
assistant semper sunt nihilominus etiam, ad-  
*ministratoij spiritus in ministerium missi*, propter Hab: 1. 14  
eos, qui hereditatem capient salutis: quiq; nos  
multum iuuare solent, tum ad repellendas  
tentationes, tum ad conseruandam pietatem.  
Deinde aderunt & alij sancti, ac beati, & ipsi  
quoq; quorum hic est mentio Apostoli: non  
quidem assistentes nobis, vt adstant angeli;  
sed intercedentes pro nobis, quorum apud  
Dominum plurimum valet deprecatio. Ve-  
rum admirabile est quod sequitur:

ECCE MOTVS MAGNVS FACTVS III. PVN-  
CTVM.  
EST IN MARI ITA VT NAVICULA Procellæ sũt  
tribulatio-  
nes & tenta-  
tionca,  
OPERIRETUR FLUCTIBVS. Quid audi-  
mus? Etiam Christo præsente naucula peri-  
clita-



Inde incertitudo salutis & spes cum timore.

Eccl. 9. 2.

Phil. 2. 12

Propter presens & futurum tempus.

clitatur? etiam cum adest Saluator, salus nostra est sub dubio? Ita sanè, nam vt toties audiuitis ex Salomone: *Nescit homo vtrum amare, an odio dignus sit, sed omnia in futurum seruantur incerta*, quibus verbis duo recensuit capita, ad quæ omnis salutis nostræ incertitudo reuocatur: quæ si hæritici considerare vellent, cantius hac in parte & sentirent, & loquerentur. Sapientia autem concors est Apostolus, qui monens nos hac de re inquit: *Cum metu & tremore vestram salutem operamini*: quod vtique non esset necesse, si certi & securi essemus de salute animarum nostrarum. Verum quia id sub dubio est, ideo nos inter spem, & metum ambulare iubet. Incertitudinis autem huius primum caput est iuxta sapientem, presens tempus; alterum, futurum. Nam neq; nunc nouimus *vtrum amore, an odio digni simus*, cum alia sint humana, alia diuina iudicia: neq; etiam si constaret nobis de presenti gratia diuina, certi adhuc esse possemus de nostra salute: cum ignoremus quid in posterum futurum sit: nam hæc *in futurum seruantur incerta*. Quæ omnia inde proueniunt, quia **MOTVS MAGNVS EST IN MARI**. Id est, quia in mundo pericula sunt infinita, quæ oriuntur ex varijs tribulationibus & tentationibus, quibus obnoxij sumus, internis & externis, à dextro & à sinistro latere prouenientibus, ab inferis & superis à mundo, carne, diabolo, procedentibus, ac innumeris alijs. Dicamus aliquot illo-

illorum genera ad instar periculorum, quæ sunt in mari, sub quibus tamen multæ species continentur.

Quemadmodum ergò mare, & naues cursum in eò tenentes, obnoxie sunt periculis ventorum, periculis nimie tranquillitatis, periculis scopulorum, periculis piratarum, periculis bestiarum ac reptilium, & alijs quibusdam: ita iam nostrum corpus vitaq; ipsius, anima, & salus eius, innumeris exposita est tribulationibus, innumeraq; subire debet discrimina, quorum nos quinque tantum genera ponemus, spiritualiter illa maris pericula considerantes. Primum igitur (quod ventis respondet) sit genus: Plagæ videlicet ipse, quas Deus, siue per bonos, siue per malos Angelos immittit vt sunt, pestilentie, fames, bella, pecorum lues, incendia quoq; , & inundationes aquarum, & his similia, quarum penè omnes hisce annis experti sumus. Quæ quamuis primum quidem corpora, aut bona externa tangunt; lædunt tamen & in periculum inducunt multorum etiam animas, tum propter impatientiam, tum propter malitiam quorundam. Quot enim sunt, qui hæc non solum iniquo ferunt animo; sed etiam contra Deum murmurant; qui ea propter bonum nostrum vel imittit, vel permittit? Quot, qui afflictis addunt afflictiones; furta, rapinas, & bonorum spoliationes tum temporis exercentes? Quot, qui cum conuerti ad Dominum

Similitudine à mari de sumpta tribulationū & tērationū quinq; gēa

Primum PLA GAS continet.

Sex species peccatorū q̄ inde exurgunt.

1.

2.

3.

4.



y. Pessima.

Io. 8. 44.

d. Murmu-  
ratiū cōtra  
pestilentia  
fugiētes.

NOTA.

Mat. 4. 12

Ioā: 11. 54

Mat. 10. 23

per pænitentiam deberent, contrarium pla-  
nè facientes, epulis, ebrietatibus, & quæ con-  
sequuntur, totos sese tradunt? Quot, qui de-  
diti superstitionibus impiis, dum à se pestem  
amouere volunt, alios inficere student? Dia-  
boli planè infernalis inuentum. Qui sicut ipse  
est mendax, & homicida ab initio, ita men-  
daciis suis homicidia docet. Vos verò credi-  
tis illi, & dum aliena corpora interimere co-  
gitatis, animas vestras semper, vitā verò cor-  
poris sæpe iusto Dei iudicio perditis. O Chri-  
stiani, ne Christiani quidem nomine digni,  
qua fronte tantum audetis facinus? Alii verò  
illos qui pestem fugiunt miris infestantur  
conuiciis, & maledictis. Quàm insulsè, quam  
impiè? Sed inquit, pestilentia à Deo immissa  
est, ideoq; non fugienda, sed patienter est  
toleranda. Sanè, si quem occupauerit, pati-  
enter ferre debet, & crucem à Deo immittam,  
etiam cum gratiarum actione sustinere. At  
verò cum euadendi datur occasio, & subest  
insuper id faciendi iusta causa, quid ni fugiat?  
Nōne ipse Christus Dominus, cum audisset Io-  
annē missum fuisse in carcerem, secessit in Galilæam?  
Nonne cum quæreretur ad mortē, abiit in regi-  
onem iuxta desertum? Nonne idem Apostolos  
ipse docuit dicens: cum persequentur vos in Ci-  
uitate ista, fugite in aliam? Fugienda igitur est  
mihi mors, quamdiu non constat, Deum vel-  
le memori. Iam quid est, quòd omnes alias  
plagas, gladii, famis, terræ motus, aquæ exun-  
dantis,

dantis, incendii exorientis, fugitis; Solam aëris infectionem fugere piaculi instar reputatis? Quid aëris elementum præ omnibus aliis habet privilegii? Cuius infectio tātò est crudelior, quantò periculum magis est occultū. Desinite igitur obsecro ab istis, quæ Deum, & charitatem fraternam lædunt murmurationibus: & nolite prodere, siue simplicitatem nimiam, siue malitiam vestram. Simples estis nimium, si pestem cauere illicitū esse putatis: malitiosi verò, si cupitis mortem proximorum vestrorum. Vereor ne id ex Schola Hæreticorum prodierit, quibus non satis fuit nouem ex nostris anno præterito hic Vilnæ pestilentia esse consumptos, (qui vixissent *An. 1589.* fortè hucusq; , si pro salute animarum vestrarum, vitam corporis sui, periculo non exposuissent.) Vellent enim nos omnes extinctos. At verò vos Catholici mei, nolite impios imitari, peruersam enim habent & fidem, & iudicium. Sed de hoc primo periculorum genere satis.

Alterum periculorum maris caput est, in alio quasi extremo. Referunt em̃ nauigantes, si nimia sit maris tranquillitas, esse etiam euerfionis navis, indeq; hominum interitus, magnum discrimen. Huic respondet tum in regimine Ecclesiæ ptælatorum somnolentia, & luxus: tum in iis, cæterisq; nimia siue de salute securitas, siue de sanctitate præsumptio. Illam deflet plurimum D. Bernardus, appli-

Secundum  
periculorū  
genus NI-  
MIATRAN-  
QVILLI-  
TAS.

Peccata in-  
de.

1. Luxus  
ptælatorum.

D. Bern.



2. Tepiditas  
omnium.

1<sup>a</sup> 3<sup>a</sup> 17.

Vomitur  
Dei.

Apoc: 3: 16

Malū hoc  
cur pericu-  
loſū valdē.

cans ad hoc propositum, illud scripturæ: *Ecce in pace amaritudo mea amarissima*: hoc verò quotidianæ docet experientia in iis, qui dum gravissimorum scelerum non sunt sibi consci, gravia examinare, & fugere contemnunt, unde oritur tepiditas, quæ nauseâ facit Christo Domino, ac vomitum prouocat. Sic enim ipse in Apocalypsi loquitur: *Quia tepidus es, & nec frigidus nec calidus, incipiam te euomere ex ore meo*. Id autem, ut plurimum, ex superbia procedit, ideò subiungit: *Quia dicis, quod diues sum, & locupletatus, & nullius egeo*. Fugienda igitur est vehementer elatio animi, tum iis, qui denuo conuertuntur ad Dominum, tum omnibus aliis. Vomitur enim iste Christi, non aliud spectat, quàm infernum. Nam quicumq; ex ore eius euomuntur, in cloacas æterni incendii proicientur, Quot autem hac ratione in hoc mari pereant, ipse Dñs numerū illorum nouit. Plures certè esse quàm esse putantur, dubitandum non est. Cùm malum istud minus sit publicum, quàm alia, quinimò hypocrisis & simulata pietate, ac deuotione cooperitur sæpiſſimè. Idcirco tantò diligentius est cauendum, & per sui cognitionem, veramq; humilitatem profligandum, quantò maius in illo inest salutis discrimen: duplex omninò. Pugnandum est enim nobis, tum contra ipsum vitium, ut eradicetur, tum contra laruam, sub qua latet, ut detrahatur.

Terti-

Tertium,  
SCOPVLI  
duplices.

Tertium periculorum genus in mari sunt ipsi scopuli, in quos si navis alliditur, dissolutio nauigii, indeq; naufragium sequitur, maximum autem est periculum, quando scopuli tecti aquis sub aspectum naucleri non cadūt. Tales sunt spiritaliter loquendo, & ad animam nostram transferendo, Scopuli de quibus iam disseruimus: Vitia inquam, quæ siue superbia, siue etiam hypocrisi obruta, non agnoscuntur in nobis: ideoq; difficulter effugiantur: quia ne cauentur quidem. Putamus n. rem in tuto esse. Per alios verò scopulos, qui eminent, concupiscentiam tum oculorum, tum carnis rectè intelligimus, Sicut enim in illos, qui ab omnibus conspiciuntur, scopulos nō impingitur vt plurimum, nisi per summam negligentiam & socordiam, ita ii, qui siue voluptatibus carnis sese dedunt, siue aliena iniuste ad se pertrahunt, & pertracta tenaciter retinent, ideò peccant, peccando animę naufragium patiuntur, quia per negligentiam & socordiam suam supinam, tentationibus apertis & agnitis, seriò resistere nolunt. Vsitatissimum & frequētissimum animarum perditionis genus, & ita conspicuum, vt nullus sit quem lateat. Possumus enim de talibus illud scripturæ usurpare: *Qui cadens apertos habet oculos.* Nec est quòd in iis multum imoremur; tum quod frequens sermo sit de his nobis habendus: tum quòd hic instituti nostri sit præcipua ratio, pericula recensere. De cau-

Alij oculi  
hypocrisi.Alij conspi-  
cui duplici  
cōcupiscen-  
tia.

Num: 24. 16



sa verò & remediis paulò pòst dicendum erit nobis aliquid.

Quartū pe-  
ricul. genus  
sunt

PIRATÆ.  
Spirituales  
duplices.

Externi ma-  
li focij.

NOTA.

Gal. 1. 10

Quartum caput eorum, quæ infestam red-  
dunt nauigationem, sunt piratæ, qui in mari  
latrocinantur, & tum bonis, tum vita homi-  
nes spoliant. His respondet duplex anima-  
rum nostrarum periculum: quorum alterum  
extrinsecus, alterum ab intra procedit. Illud  
fit à focij; hoc à sensibus nostris: vtrumq; va-  
riis discriminibus plenum. Quot enim sunt  
millia, qui ex malorum consortio, ad enor-  
mia delapsi sunt vitia & peccata? quodq; pe-  
ius est, in iis habitum etiam propter fidos a-  
micos (inimicos potiùs dixeris) contaxe-  
runt? Estq; communis apud vos excusatio, in  
comestationibus & ebrietatibus vestris. Quid  
agam, cum amici, cognati, focij, viri etiam pri-  
marii veniunt? vtique tractare & hospitalita-  
tem illis declarare me necesse est. Næ ita o-  
portet facere, sed sanè, & sobriè, vt Christia-  
nos homines decet. Hac enim ratione, & tu  
boni Christiani fungêris munere, & illi instru-  
entur. Quod si non fit, sed impii hospites, pro  
gratiarum actione & bono exemplo irrident  
te potius: tu in promptu habeas illud Apo-  
stoli: Si adhuc hominibus placerem, Christi seruus  
non essem. Duo n. comoda hic referes: alterū  
quod te ipsū cōsolaberis: alterū quod ebrio-  
sos illos à te abiges. Magnum equidem bo-  
num, sed à paucis cognitum. Pauci em̃ sunt,  
qui

qui verum honorem à falso recernere sciunt aut volunt. Qua de re dabitur aliquando differendi occasio. Piratarum verò qui intra nos sunt, locum occupant sensus nostri. De vno enim illorum apertè id testatur scriptura his verbis: *Oculus meus non alienus* ( in eo enim minus periculi ) *sed meus depredatus est animam meam*: Idemq; de auditu, gustu, tactu, & aliis sensibus intelligendum. Istæ em sunt fenestrae, per quas ascendit mors domos nostras, & interimit animas nostras. Quanta in hoc solo periculorum congeries? tantò periculosior, tantò propinquior, tantò funestior, tantò frequentior, imò quotidiana, imò in horas, imò in momenta singula, ac proinde cauenda nimis.

Interni sensus nostri.

Tre: 3. 51.

Ier: 9. 21.

Quintum periculorum genus, quod naues in mari, & animas in mundo turbat, exagitat, deprimit, est illud, quod à Davide presignatū vidimus in dracone, cum innumeris animalium & reptilium generibus, Diabolus, inquā, & Lucifer, cum omnibus suis satellitibus, qui & omnibus istis, quos enumerauimus modis, & infinitis aliis, vexant nauiculas animarum nostrarum, & diripiunt, deprimuntque eas. Et hoc est quod D. Paulus docet, cum inquit: *Non est nobis colluctatio aduersus carnem & sanguinem, sed aduersus principes & potestates, aduersus mundi rectores tenebrarum harum*; Cuius quamuis contrarium videatur alibi dicere idē Apostolus, cum ait: *caro concupiscit aduersus spiritum*,

Quintum periculorū gen<sup>o</sup> DRA- CO cum reptilibus. Ps. 103. 25.

Eph: 6. 12. Quomodo est & non ē nobis lucta cū carne. Gal: 5. 17. NOTA.



A simili du-  
pliciter Sa-  
thā tentat.

ritum, spiritus autem aduersus carnem, indeq; necessaria sit lucta spiritus nostri, aduersus carnem nostrā: tamen contrarietas ista ex dictis facile tollitur. Soli enim principes & potestates & rectores tenebrarum harum, id est, demones, intendunt & procurant euertere & pessundare animas nostras. Caro autem nihil horum vel cogitat, vel nouit quicquam. Sed Sathan & carne nostra, & mundo, & omnibus aliis utitur tanquam instrumentis, ad deprimentam nauiculā animæ nostræ. Ceterum quoniam nimis in his prolixi fuimus, spirituales dæmonis tentationes, ad aliam magis etiam spiritualem concionem reiciemus. Id tantum hic notantes: Quod sicut in mari, duo sunt præcipua piscium genera quæ naues infestant, Cetus, videlicet, seu balena, & remora: quarū balena euertit, remora verò cursum retardat nauis: ita Sathan duobus istis modis in uersum utitur. Nam primū quidem curat sollicitè, ut inducēdo hominem ad peccandū, animam funditus euertat & mactet quod si id non succedit, eò quod vir pius cautè se gerat; tunc aliò se conuertit: & quantum fieri potest, remioratur & retrahit homines, ne faciant bona; & ne in cæpta via diuini seruitij procedere satagant. Hac ratione igitur Lucifer cum apostaticis spiritibus est principalis causa omnium fluctuum & procellarum, ac tribulationum, tentationumq; nostrarum; quas tamen non immitteret, nisi eueniret, quod sequi-

sequitur in Euangelio cùm dicitur.

IPSE VERO DORMIEBAT, Iesus Christus videlicet, Dominus noster, quo dormiente, id est permittente, hæc omnia fiunt & tantum fiunt, quantum ipse permittit. Permittit autem, nec plus quàm sustinere quisquam possit, (teste Apostole) nec aliter nisi in bonum & vtilitatem nostram. Vnde in omnibus, & per omnia, sunt illi gratiarum actiones agendæ semper. Permittit autem tentationes, aliquando quidem motu, vt ita dicam, proprio; aliquando urgente dæmone, aliquando verò nobis ipsis id procurantibus. Primi exemplar est, quando dixit ad Philippum: Vnde ememus panes, vt manducent hi? testatur enim Euangelista, quid hoc dicebat tentans eum. Non vt impelleret ad incredulitatē, aut peccatum. (absit id cogitare, hoc enim soli dæmoni est proprium) sed vt prouocaret ad meritum, quod habuisset, si vt Petrus bonam confessionē Philippus fecisset. Alterius clara sunt exempla in Iob, & Achab; vtrique enim dormiuit Dominus, quia vtrumq; tentari permittit, postulante dæmone. Diuerso tamen, imò contrario euentu. Nam scelestum Achabum vicit Sathan (quod futurum illi Deus prædixerat) à Iob verò victus est dæmon, tanquā à viro pio & forti. Et huc fortè reduci potest, ista quam in Euangelio habemus tribulatio, sicut in prima concione notauimus. Tertio modo obdormit Dominus quàm frequentissimè.

III. PVN-CTVM.

Dormitio Christi occasio temptationum.

1. Cor. 10.

13.

Dormitio hæc fit vtpliciter.

1. Motu proprio Exemplum in Philippo.

Ioan. 6. 8.

Iob. 1. 11.

2. Instigare dæmonie Exemplum in Iob & Achab.

3. Reg. 22. 20.

3. Nobis id procurantibus.



*Luce 22. 46*  
 Exēplū in  
 Apostolis.  
 NOTA.

Modi seu  
 causa.

1.

2.

3.

4.

5.

6.

*2 Reg: 17. 2*  
 Exēplū in  
 Dauidē.

simè. Nos enim tum peccatis ( etiam veniali-  
 bus ) tum negligentis nostris, soporem ocu-  
 lis illius inducimus. Id testatur ipse Christus,  
 cum monet tres dilectos Apostolos in horto  
 dicens: *Quid dormitis? surgite, orate, ne intretis in*  
*tentationē.* Somnus enim discipulorum, Som-  
 nū provocabat Dei. Nam ideo Deus contra  
 imminentes tentationes minus Apostolos iu-  
 uabat, quia per orationem ipsi quoq; gratiæ  
 ipsius non sunt cooperati. O quam sæpe id  
 nobis euenit, & quā variis ex causis! Attu-  
 limus in decursu orationis aliquas quas me-  
 moriæ causa perstringamus. Magnum enim  
 inducit soporem Christo Domino negligē-  
 tia nostra in repellendis diaboli suggestioni-  
 bus & tentationibus: maiorem impatientia &  
 murmuratio in aduersis & tribulationibus,  
 quas in bonum nostrum immittit Deus: ma-  
 ximum, elatio animi & præsumptio, indeq;  
 profecta tepiditas, & malè secunda securitas ac  
 quies. Sed sunt & alia, quæ idem præstant.  
 Talis est fiducia, quam habemus in homine,  
 propter quem Deū offendere pro nihilo duci-  
 mus: talis honoris cuiusdam falsi & inhono-  
 rati inordinatus amor ac procuratio: tale oti-  
 um in prosperis, & delitiæ, quæ magnum illū  
 athletam, quem innumera penè aduersa mo-  
 uere loco non poterant, per vnum intuitum  
 prostrauerunt; Dauidem, inquam, qui *surgens*  
*de strato suo post meridiem, & de ambulans in solario,*  
*vidensq; feminam se lauante, in turpissimū*  
*adul-*

adulterium primum: deinde verò in homicidium in currit, dormiente & permitente Deo; tum ad humiliationem ipsius: tum ad cautelam nostram. Nemo igitur sit securus, cum tantum virum cadentem videt, nemo viribus suis fidat sed ad remedia recurrat. Hæc verò notantur in sequentibus, cum dicitur in Euangelio.

ACCESSERVNT DISCIPVLIS EIVS ET SVSCITAVERVNT EVM DICENTES, DOMINE SALVANOS PERIMVS. Qui-  
bus in verbis tria eximia remedia habemus. *1. Accedere ad Iesum.*  
Primum est ACCEDERE ad Iesum, Hoc *Ps. 33. 6.*  
etiam olim monuit David dicens: *Accedite ad eum, & illuminamini, & facies vestra non confundentur.* Estq; quasi porta quædã aperta ad alia. Acceditur autem per penitentiã de peccatis; peccata enim omnium malorum ac tribulationũ sunt causæ. Nisi enim peccata adfuissent, in bonis duxisset vitam genus humanum. Ab iis igitur nos primum recedere, & per penitentiam ad Deum accedere oportet: à cæcitate inquam ad lumen: à confusione æterna ad non confusionem faciei. Hos enim duos precipuos effectus Penitentia (contrarios effectibus peccati) his verbis pulchrè notasse mihi videtur David Propheta. Postquàm verò per penitentiã accesserimus, tunc SVSCITARE debemus Dominum: qui quamis sponte sua adsit & aduigilet semper penitentibus: tamen tum ad obtinendas vberiores gratias, tum ut à peri-

V. PVNCT.

Triatentati-  
onum reme-  
dia cõrinet.

1. Accedere  
ad Iesum.

Ps. 33. 6.

2. Suscitare  
Iesum.



à periculis aduentantibus liberemur, (sicut hic discipuli, sunt liberati) excitare illū oportet. Sunt autē varij excitandi illum modi, tam per nosmetipsos, quàm per alios. Per nos excitamus illum, tum fugiendo peccata, tum operando bona. Fugiemus peccata, si contraria illis faciemus, quæ prouocare somnū Domino Iesū paullo antè diximus. Si, inquam, non negligenter, sed summa cum diligentia refterimus diabolo, *sortes in fide*; si non murmurauerimus in tribulationibus, sed patienter eas tolerauerimus: *scientes quoniam per multis tribulationes oportet nos intrare in regnum Dei*; & quod non coronabitur, nisi qui legitimè certauerit. Si propterea superbix & malæ securitati humilitatem, & veram nostri cognitionem opposuerimus: Si non in mortali, sed in immortali omnem fiduciam nostram collocauerimus; nullo modo propter quemuis hominem, aut quodcunque commodum Deum offendere in animum inducentes. Nimis enī stultum est prætermisso Deo infinito finitum præponere, imò miserum hominem sequi, illiq; fidere: si otium, delicias, & non solum peccata, sed etiam occasiones eorum, totis viribus cauebimus: quod si fecisset Dauid, in tam enormia non incidisset scelera. Si nouerimus discernere inter verum honorem, & apparentem, & tam nostrum honorem, quàm cuiusuis alterius, Diuino postposuerimus honori. Si denique (vt vno verbo cum ma-

Per nosmet-  
ipsos quod  
sit septem  
modis.

1. Pet. 5. 9

Act. 14. 21

2 Tim. 2. 5

cum magno Ioanne Baptista dicam ) *sacriemus* Luc: 3. 8.  
*fructus dignos pœnitentia.* Per alios verò excita- Per alios du-  
obus modis.  
 binus à somno Christum Iesum, tum implo-  
 rando piorum intercessionem, & qui cum Chri-  
 sto regnant: tum largas dando eleemosynas  
 pauperibus, & alia opera misericordiæ exer-  
 cendo iugiter. Si enim sanguis Abel excita- Gen: 4. 10.  
 bat, & incitabat Deum ad sumendam ex Cain Exemplum  
a maiori.  
 vindictam, & ad exercendam Diuinam ipsius  
 iustitiam: quantò magis eleemosynæ & opera  
 misericordiæ miseris propter Christum exhi-  
 bita, excitabunt eum ad exercenda munia mi-  
 sericordiæ? Cum Dauid testetur esse *miser-* Pf: 144. 9.  
*ationes eius super omnia opera eius?* Huius autem A simili.  
 rei exemplum videmus in illo pio Centurio. Act: 10. 4.  
 ne, cuius eleemosynæ factæ Iudæis, ita ascen-  
 derunt in conspectum Dei, vt excitarent il-  
 lum ad mittendum Angelum, qui ei viam mō-  
 straret salutis, & Euangelicæ veritatis. Ter- 3. Remediū  
efficacissimū orationis  
 tium remedium est contra omnes tribulati-  
 ones & tētationes efficacissimum: illud ipsum  
 quod hic discipuli Christi Domini exercent,  
 DICENTES, DOMINE, SALVA NOS, Exempla  
 PERIMVS. Oratio, inquam, & inuocatio  
 opis diuinæ: Magnum equidem, imò nescio  
 an non maximum contra omnia pericula, &  
 vniuersas afflictiones, medicamentum, teste Christi.  
 & instructore ipso IESU Christo, qui (vt vi-  
 dimus) tres illos dilectos discipulos suos, in  
 horto docuit, vt hunc æneum murum tenta- Lu: 22. 40.  
 tionibus opponerent. Docuit autem non so-



Iacobi Pa-  
triarchæ.

Gen: 32.22

Exo: 14.15

Moyſis.

Dauidis.

Dan: 13.22

Sufannæ.

Act: 4.24.

Fidelium.

Inde ſpes  
excitatur.

lūm verbis, ſed & opere ipſo, in oratione vi-  
gilando, in terram leſe proſternendo, terque  
eadem verba repetendo Et hoc ab ipſo mun-  
di exordio egerunt omnes pii & ſancti viri, vt  
Patriarchæ, præſertim Iacob; quando time-  
bat fratrem ſuum Eſau, vt Prophetæ, impri-  
mis verò Moyſes; quando conſtrictus fuit  
Pharaonis exercitu: Reges, & præ ceteris Da-  
uid in Pſalmis ſuis frequentiffimè. Quod ſi  
illi id fecerunt, conſtricti periculis perdendi  
res, & vitam temporalem; quantò magis nos  
præſtare id conuenit, cū agitur negotium  
animæ, & interitus æterni? Hoc fecit in vete-  
ri Teſtamento Suſanna, ne contaminaretur a-  
dulterio: Hoc in nouo fideles primitiæ Ec-  
cleſiæ, ne cederent malis. Hoc infiniti, tum  
Anachoretæ, tum Virgines, tum Confello-  
res, tum Martyres, vtriuſq; ſexus, vt à pericu-  
lis tentationibus, & inſultibus crudeliſſimis  
& aſtutiſſimis Diaboli, & ſeruorum eius libe-  
rarentur. Hos igitur & nos imitemur in om-  
ni tribulatione noſtra, cum magna ſpe, & fidu-  
cia Diuini adiutorii. Sicut enim illi omnes  
non ſunt fraudati deſiderio ſuo, ſed obtinue-  
runt quod petierunt: nec victi ſunt, ſed victo-  
res extiterunt: ita idem nobis quoque eue-  
niet. Exemplar autem orationis in hoc ad-  
uerſitatū, genere pulcherrimum eſt, hæc ipſa  
Apoſtolorum deprecatio: DOMINE, SAL-  
VA NOS, PERIMVS. De qua quia in pri-  
ma concione diximus non pauca, huic nego-  
cio

tio nunc superdendum erit: & accedendum, ad id, quod vltimo loco proposuimus; nempe ad demonstrandum fructus, & effectus, qui prouenient nobis, si mediis istis benè vti fuerimus. Hi verò designantur aliquot illis verbis Euangelii:

ET FACTA EST TRANQVILLITAS MAGNA. PORRO HOMINES MIRATI SVNT. Quibus verbis duo capita com-

VI. Punctis  
Fructus du-  
plices con-  
sequuntur.

modorum indicantur: quorum alterum ad nos, alterum ad proximum pertinet: vtrumque tamen nos tangit. Tranquillitas ad nos spectat, admiratio proximorum est, qui nobiscum conuersantur: vtrumq; tamen nos at-

I. Tranquilli-  
tas in qua tri-  
a obseruan-  
da.

tingit: quia in vtroq; cautè nos procedere oportet. In tranquillitate spirituali, quæ tribulationes & deuictas tentationes consequi-

NOTA

tur, cauenda est oscitatio, pigritia, & (quam diximus) malè secura securitas: in admiratione verò hominum, vitanda complacentia & vanagloria. Contra vitia, quæ tranquillita-

Ecclesi. 2. 8.

tem sequuntur, dat remedium excellentissimum Sapiens cum inquit: *Fili accedens ad se-*

*nitutem Dei, sta in iustitia, & in timore, & prepara-*

*ra animam tuam ad tentationem.* Quibus verbis tria nobis inculcat, & in his tribus, stare, id est,

constantes nos esse iubet: nempe primò in iustitia, ne iniuste viuentes gratia diuina excidamus: Secundò in timore, ne noxiæ securitati

locum demus: tertio in præparatione animæ ad tentationem, ne peruenisse nos ad metâ, & por-



tum arbitremur. Si enim de Diabolo victo  
*Luc: 4. 13.* à filio Dei dicitur, *Recessit ab illo vsque ad tem-*  
*pus:* quid nos miseri expectare, qm̃o nō diligē-  
 ter ad sequētē pugnā nos preparare debemus?  
 Contra admirationem verō hominum, ipse  
 Saluator dat remedium dicens: *Sic luceat lux*  
*vestra coram hominibus, vt videant opera vestra bo-*  
*na, & glorificent Patrem vestrum, qui in calis est.*  
*Mat: 5. 16.* Non vos, inquit, glorificent, sed Patrem cœ-  
 lestem. Quod si vos, & opera vestra bona mi-  
 rantur, ac venerantur homines, vos in illum  
 reicite omnem honorem, qui fecit, vt opera  
 illa in vobis, & per vos, firent. Non em̃ re-  
 cte laudatur quicquam nisi bonum. Ad illum  
 igitur omnis laus referendū est, à quo procedit  
 omne bonum. O aurea Christi Domini sen-  
 tentia, o vtilissima doctrina omnibus in spi-  
 ritu procedere volentibus. Hæc igitur cogite-  
 mus ac meditemur quæso, ne aut per inanem  
 gloriam perdamus quicquid acquisimus; aut  
 per securitatem nimiam incidamus in tenta-  
 tiones, ex quibus non emergamus amplius.  
 Tantum enim abest, nos deuicta vna tentati-  
 one ab aliis insultibus liberos futuros; vt cer-  
 tum sit, quò quis fortius restiterit, eò maio-  
 res ad futuras tribulationes; vt & nos robu-  
 stiores euadamus, & Sathanas plus confunda-  
 tur, & magis magisq; Diuina laudetur boni-  
 tas semper.

Quare vt vnde capit ibidem nostra termi-  
 netur oratio, cum ex virtutibus tum ad salu-  
 tem

tem, tum ad profectum in spiritu necessariis, qua spes excitatur, & summa dictorum.  
 haud postremum locum spes teneat, huius optima iaciemus fundamenta, si quæ in hac concione dicta sunt, & mente memoriaq; retinuerimus, & exequutioni mandare studuerimus. Erigetur etenim in nobis hæc virtus sancta, Primò quidē, si memores nos in mundo sicut in mari esse; in mundo, non mundo dediti, sed spe ad æterna tendentes vixerimus: prout nos monet Apostolus dicens: *Et 1. Cor: 7. 38*  
*qui vtuntur hoc mundo, tanquam non vtentes sint: præterit enim figura huius mundi.* Quis verò sapiens omissis bonis perpetuis, immerget se, iis quæ statim peritura esse nouit? Secundò, si scientes animam nostram esse nauiculam, à Christo Iesu ad mare hoc traiciendum omnibus necessariis abundè dotatam, ditatamque, non segniter, sed plenè, quod dicitur, velis, cum spe optima ad portum curremus salutis.

Tertiò, si considerantes, quàm multa, quàmque varia sint in mundo tentationum & periculorum genera, in ijs superandis duo fugiemus extrema, nempe pusillanimitatem, & securitatem nimiam. Quam ad rem spes (quam in tribulationibus excitare in nobis debemus) valet plurimùm. Hæc enim dum docet nos & fidere, & cooperari Deo, instruit etiam, quomodo per fiduciam quidem pusillanimitas, per cooperationem verò negligentia, & mala securitas sit in nobis profliganda. Quartò, si memoria reuoluentes, Domini Iesum ob-



dormire nonnunquam in hac nauicula, idque imprimis culpa obuenire nostra, causas somni Diuini, quantum in nobis est amouebimus; non in homine, sed in ipso Deo spem collocantes, increpationesque ipsius patienter tolerant. Quintò, si eadem spe sancta freti, ac excitati, satagemus accedere, suscitare, & deprecari Christum Iesum, ut saluet nos, ne pereamus. Hæc est enim illa vigilantia, quam toties, & per tot parabolas ipse Christus nobis commendat. Vigilandum autem esse, non quocunque modo, sed in oratione, docet nos princeps Apostolorum. Sextò denique, si vigilantiam hanc tranquillitas animi, & admiratio populi sequetur, recogitabimus neque illam perpetuam futuram; neque hanc nobis, sed soli Deo adscribendam esse; atque hac ratione inter spem & metum cautè ambulabimus: ut tandem aliquando per spem ad rem, ex peregrinatione ista periculis referta, ad patriam securitatis plenam peruenire, & Trinitatē sanctissimā videre, & laudare valeamus per inmensa & infinita sæcula sæculorum, AMEN.

ARCA NO  
E. CRUX.  
CHARI-  
TAS.

## CONCIO QUARTA Charitas.

EX SENSU ANAGOGICO.

Nauicu-

**N**auiculam nostram, imò Euangelicam, Exord: ab excellētia charitatis desumptum.  
 vel potius Christi Iesu Domini nostri,  
 ipso adiuuante, promouente, impellēte, per anagogen, id est, per altum & abstrusum sensum in altum deducturi, illis vos alloquimur verbis Charissimi, quibus olim Apostolus Paulus vsus est, inquit: *Et adhuc excellentiorem viam vobis demonstro.* Vtitur autem Apostolus hoc proëmio Corinthiis Charitatem commendare volens: quod tam copiose, neruose, eleganterq; toto sequenti capite præstat, vt mirum planè sit dictu; cogitatuq; sit & iucundissimum, & vtilissimum. Hanc ipsam ergò Charitatis viā, vobis mihi in Christo dilectissimis fratribus, filiisq; commendo plurimum. Viam, inquam, & excellentissimā, teste Apostolo, & admirabilem, teste experientia: quippe, quæ & in inuio via est, & ipsa est via ad aliam viam, & hanc ipsam viā ipsa portat, & deniq; in ipso quoque reperitur termino: imò tunc perficitur maximè. Hæc est Philosophia Christiana, non solum philosophis, sed etiam hereticis, imò ipsis quoq; malis Catholicis, si non verbis, re ipsa certe obscura, acerbā, & abominabilis valde: at verò veris, bonis, & sanctis Catholicis, plena, dulcis, multumq; amabilis. Ex quorum numero, vt nos quoq; & simus, & constanter perseueremus, in hac concione circa Euangelij textum hæc considerabimus.

Primò, quidnam nauicula ista per anagogē PROPO: Sex puncta  
 designet: continēs.



designet: de inde, quonam modò id adumbratum fuerit antiquitus, & quænam inter antiquam & Euangelicam nauicalam sit, differentia: tum, quomodo excellentiori modo crucihæc omnia competant & conueniant. Præterea, quomodo in Euangelio hodierno notentur ista. Docebimus etiam, quàm grati horum esse debeamus: ac deniq; quæ in his omnibus locum charitas teneat: tum Christi Domini, tum nostra. Tu dux, & author noster Christe Iesu effice, vt ita hæc consideremus, quò te primùm quidem in crucem sequamur libenter, deinceps verò in æterna quiete assequamur, & perfruamur dulciter & lætâter.

I. PUNCTVM  
Quid naui  
ista Anagogi-  
cè significat  
Figura.

Sap: 10.4.

Præterita re-  
solit.

Contemplans Sapiens in sapientia sua ineffabilem illam & in comprehensibilem sapientiam Diuinam, & arcana ipsius considerans consilia, sic inter alia inquit: *Propter quem cum aqua deleret terram, sanauit iterum sapientia per contemptibile lignum iustum gubernans.* Quibus quidem verbis Salomon videtur mihi præterita quidē recolere beneficia, futura verò prophético spiritu, pronuntiare mysteria. Recolit generis humani secundum carnem renascētiā: prædicit verò eiusdem humani generis, in spiritu restaurationem Meminit namque, quomodo cum Deus iustus propter peccatum Cain, & posterorum eius *deleret terram*, & homines tunc viuentes aquis perderet diluuij, per *contemptibile lignum*, idem, per arcam ex lignis fabrefactam, *iustum Noë cum filiis gubernans,*

*nans*, ac conseruans, sanauit iterum terram, & reparauit genus humanum maxima *sapientia sua*. Prædicit autem, quomodo idem Deus *Futura præ- uidet.* misericors, multò maiori cum sapientia sua, per lignum crucis, quod fuit multò, quam illud arce contemptibilius, gubernans Christum Iesum, multò iustiores, quam Noë erat, sanare & saluare constituit, iterum idem humanum genus, non quidem secundum corpus, aquis elementaribus obrutum & mortuum: sed in anima diluuiio peccatorum enecatū, & deperditum. Quod quam ratione Deus per fecerit, nos iam tanquam præterita intelleximus, cognouimus, credidimus, & in concione ista memoria repetere cogitamus: non omnia quidem, sed ea tantum, quæ nauicula Evangelij hodierni, meditanda nobis proponit. *Applicatio.* Quod enim olim arca illa Noë figurabat, hoc nauis ista designare videtur, tantò clarius & excellentius quantò euidentius ipsum Christum Iesum in se continet. Quare si à me quæras, quid nauicula ista, cuius in Euangelio hodierno fit mentio, per anagogen denotet? Respondēdo, crucē eā signare, in qua Christus Iesus Dñus noster, & mare hoc magnū, spatiosū nimis, mundum inquam istum, ipse transinere, & in ea salutem nostram, totiusq; humani generis operatus est. *A simili.* Quemadmodum enim illi, qui siue sponte sua, siue ab aliis missi, ad redimendos & in patriam reducendos captiuos maria penetrant: & nauis ex lignis con-



fectæ adminiculo id efficiunt : ita Christus Iesus, tum à patre æterno missus, tum voluntate sua, ad redimendū genus humanum, ex diabolica captiuitate in orbem vltro veniens, non alio quàm crucis, medio vti ad id voluit.

Quam id abstrusum.

O ingens & altum mysteriū. O nimis abstrusum secretū. Quid enim est altius cælo? quid cruce abiectū & infame magis? Magna igitur, & tum Iudæis, tum Philologis tum aliis inundo deditis, incomprehensibilis anagoge est ista, non alio modo, quam per crucem cælos penetrare, imò omnes qui saluantur homines ad patriam, & portum salutis æternæ per ignominiam crucis reducere velle. Hoc fecit Christus Dominus. Hoc demirans Paulus exclamat dicens: *Iudæi signa petunt, & Græci sapientiam quærunt, nos autem prædicamus Christū crucifixum, Iudæis quidem scandalum, Gentilibus autem stultitiam.* Hoc nos quoq; in concione hodierna adiuuante Christo Iesu volumus ponderare.

1 Cor. 1. 22  
Teste Apostolo.

Gen: 6.

II. PUNCT.  
Differēs inter arcam Noë & nauiculā ponit.

Quam ad rem occurrit in primis illa quàm à sapiente citatam audiuius, de arca Noë historia, quam libet huic nauiculæ, in qua Christus Dominus hodie residet comparare, ac paulisper in his immorari; tum conuenientias ac differentias, inter illas considerando; tum mysteria quæ inibi latent patefaciendo; quatenus illa primū quidem Ecclesiæ Christi; deinde verò ipsi Christo & cruci eius cōpetunt. Itaq; primū sit in aliis quoq; concionibus

cionibus notatum; quòd sicut in arca Noè olim Ecclesia continebatur, ita eadem in hac nostra habetur nauicula. Est tamen hic duplex differentia ( indeq; duplex mysterium )

Altera, quia arca illa totam complectebatur Ecclesiam, quæ tum temporis in orbe terrarum reperiēbatur. Nam quamuis probabile sit non omnes qui diluuiō absorpti sunt, extra Ecclesiam, imò extra gratiam fuisse ( Id n̄.

testari videtur D. Petrus, cūm asserit Christū Dominum in descensu suo ad inferos *predicasse his qui in carcere erant qui increduli fuerant aliquando in diebus Noè.* Iis videlicet prædicauit Christus, qui antequam aquis suffocarentur diluuij, de sua incredulitate & impietate penitentiam egerunt, & saluati sunt ) Hoc inquam quamuis sit probabile: certum est tamen, post quā istī interierunt, illis saltem

*centum quinquaginta diebus quibus obtinuerunt aquæ terram, in sola arca fuisse Ecclesiā Dei tū temporis.* At verò in nauicula hodierna, nō tota erat Ecclesia. Nam extra nauim fuit B.

Virgo Maria,, & aliæ mulieres, viriq; fideles, ac sancti; vt cognoscas noui testamēti Ecclesiam omnes aliæ longè superaturam, & numero, & latitudine. Hæc est igitur prima differentia primumq; priuilegium. Altera est,

quia in arca Noè deerat Christus, hic verò minime deest. Vnde nouæ legis præ omnibus aliis alterum animaduertimus præeminentiam; nempe ratione capitis. Caput enim Ecclesie

Priuilegia-  
que Ecclesie  
Catholicæ  
cōtinet Pri-  
mū latissi-  
me patero.

1 Peti 3. 19

Geni 7. 24

2. Habere  
caput Chri-  
stum.



Eph: 1. 22

clesiæ est Christus Dominus, teste Apostolo, cum de eo, & de Deo Patre loquens ait: *Et ipsum dedit caput supra omnem Ecclesiam.* Tale autem caput Ecclesiæ, quale nunc est, esse non potuit Christus Dominus, antequam in utero virginis conciperetur, quo demum tempore, naturam humanam Dei. Verbum assumpsit, & sic caput Ecclesiæ, fieri voluit. Vtrumq; hoc novæ legis privilegium magnū equidem est. Quemadmodum enim domus amplissima præsentem habens principem, longè superat casam exiguam, in qua famuli ipsius tantum habitant: ita eminet valdè navis Christi, id est, Ecclesia Catholica, præ omnibus alijs, quæ eam præcesserunt, divinis etiam congregationibus. Quam quidem similitudinem & argumentum videtur tractare Apostolus, quando Christum Dominum tantquam hæredem in domo sua commorantē cū Moysæ fidei famulo comparat.

Gen: 6. 16.

Gen: 8. 6.

Deinde Arca Noë undiq; obstructa, totaq; penè obscura fuit. Nam cubitali tantum fenestra, eaq; clausa (dicitur enim, *Aperiens Noë fenestram arce dimisit corvum*) contenta erat: nauicula verò hodierna, quam incolit Christus Dominus, tota aperta, plenoq; lumine liberè cælum intueri facit omnes. Quia in re duo alia mysteria, & novæ legis, Catholicæq; Ecclesiæ privilegia ob oculos nobis ponuntur. Alterum, ante Christum obscura omnia fuisse; lumine quidem naturali modicas tantum

s. Lucere.

tum scintillas emittente; lege verò scripta, *velamen super faciem* (ideoq; etiam super oculos) habente: quod perdurare hucusq; apud Iudeos testatur Apostolus: In Ecclesia verò Christi, clara, lucida, perspicuaq; sunt omnia. Al-  
 4. Cælum, spectare.  
 terum, neminem antiquorum liberè cælum aspexisse, cum in vita, dicta de causa: tum verò in morte, propter cælum clausum. Si enim Iacob ( vnus ex illis quorum Deus maluit se vocari Deum, quàm totius mundi ) Putans Ioseph filium suum mortuum, inquit: *Descendam ad filium meum lugens in infernum*: Gen. 37. 39  
 quis posterorum eius ingressum cæli tū temporis sibi polliceri ausus fuisset? At verò in nouo testamento, Apostolus Paulus *desiderum habens dissolui, & esse cum Christo*, nonne euidenter demonstrat, eos qui tempore legis nouæ sanctæ moriuntur cælum petere? In Ps. 67. 19.  
 cælo enim esse Christum Iesum, ad quē Paulus ire festinabat, & veteris & nouæ legis ad stipulantur nobis testimonia. Itaque qualis *similitudo*  
 Act. 1.  
 Eph. 4. 8.  
 quantaq; differentia, inter famulos seu familiares alicuius regis, vel principis, qui tota die in luce versantes, ad aspectum Domini sui desideratissimi, dulcissimi, liberalissimi, restatendant citoq; ( nisi quid remoretur ) admittuntur, & inter alios eiusdem domini seruos, qui primùm quidem solò lumine lucernæ contenti sunt: deinde verò etiam ad carceres introeunt; post longum tempus, tandē herum conspecturi suum: tale tantumq; est  
 inter



inter vos & patres antiquos discrimen. Illi enim & dum hîc essent, modicum quid luminis, siue naturalis, siue legis scriptæ habebât; & insuper post mortem, etiamsi essent sanctissimi, ad inferos tamen descendebant; visuri aliquândo Deum creatorem & redemptorem suum, quidam post multa tandem sæcula. At verò qui in nauicula Christi mare hoc trāsseunt; & dum hîc viuunt luce reuelatæ veritatis longè excellentiori, quàm illi, præditi sunt; & peracto peregrinationis huius cursu, si tam sancti vt illi antiqui fuerint, de luce ad maiorem lucem, de luce, inquam, Christi iam reuelati, ad lucem illam admirabilem videnti Deum trinum & vnum facie ad faciem, recta transeunt. O dignitas Christiana! o bonitas & liberalitas erga nos diuina! qui nos & hoc tempore nasci, & ad nominis sui agnitionem adducere, & talia hinc discedētibus præstare voluit præmia. Simus igitur grati dilectissimi, & tum ex his, tum ex aliis, quæ nobis gratuito ex pura beneuolentia ac amore suo contulit Christus Dominus beneficia, ad gratias ei agendas, & ad redamandum illum, inardescamus, & corda inflammemus nostra.

g. Promissiones excellentissimas habere.

Sed est & alia inter arcam Noë, & hanc nauiculam Euangelicam differentia; quòd illa homines paucos, bruta verò animalia multa; hæc verò homines quidem plures, bestiam verò (quod sciamus) nullam in se continebat. Quid hoc mysterii? Illud inter alia insinuat

nuatur, quod populus antiquus communes cum bestis habuerit promissiones. Quid enim promittit illis Deus per primum eorum Prophetam? *Si volucritis, inquit, & audieritis me Isi 1. 12.* bona terra comedetis. Istis verò nonne & bestiae mutaę; animalia fruuntur? Quid præterea? Delectari cum vxoribus, subesse nemini, dominari verò plurimis: quod & leonibus, & vrsis cõcessum est. Verum in noua lege promissiones sunt hominibus cum Angelis communes, imò quædam etiam maiores. Communes sunt, cælum ingredi, Deum videre, & æterna perfrui beatitudine. Quæ omnia, & his similia vnico illo suo dicto cõprehendit Saluator, cum inquit: *Si quis mihi ministrat, me sequatur, & ubi sum ego, illic & minister meus erit. Ioan 12. 26.* In cælo igitur erit, Deum videbit, felicitate æterna gaudebit; hæc enim omniã habet Christus. Maiora sunt illa, quæ Christus Dominus Apostolis promittit, dicens: *Amendem dico vobis, quod vos, qui secuti estis me &c. Mat 19. 28.* sedebitis & vos super sedes duodecim iudicantes duodecim tribus Israël. Apostolus verò inquit: *Nescitis quoniam Angelos iudicabimus? 1. Cor. 6. 2.* Quapropter inter antiquos pauci reperiuntur homines, qui humano modo agerent, & in actionibus suis finem supernaturalem quærerent: multi verò qui tanquam iumenta, terrena appetentes, propter hæc Domino Deo seruiebant. Nunc verò contrarium fit, atque vtinam fiat. Fieri certè deberet: vtq;



NOTA.  
Remedia  
duo p appe-  
tentibus tē-  
poralia.

utq; fiat oro, obsecro, obtestorq;. Id enim vo-  
cationis nostræ perfectio, id lex Christi Do-  
mini, id promissio in Baptismo data à nobis,  
requirunt. Videlicet, terrena floccifacere, cæ-  
lestia intueri, caduca cōtemnere, regnum Dei  
in omnibus quærere; ac quibus in Baptismo  
renunciauimus, de iis ne cogitare quidem.  
Quod si secus sit à quibusdā, qui propter ter-  
rena Domino Deo seruiunt, norint qui tales  
sunt, se ad antiquum potius, quam ad nouū  
Testamentum pertinere, & iumentorum po-  
tius, quàm hominum more viuere. Ac pro-  
inde adhibeant duplex remedium, quod dat  
1 Cor: 10. 31 Apostolus. Alterum, cum inquit: *Sive man-  
ducatis, sive bibitis, sive aliud quid facitis, omnia in  
gloriam Dei facite.* Id enim bruta animalia fa-  
cere nequeunt, quæ Deum suum non norūt:  
tu verò qui ad imaginem ipsius es conditus,  
fac ne bruti instar viuas. Alterum dat reme-  
dium scribens ad Timotheum, quod his ex-  
1 Tim: 6. 17 prefficit verbis: *Diuitibus huius seculi præcipe,  
non sublimē sapere, neque sperare in incerto diuiti-  
arum; Sed in Deo viuo: bene agere, diuites fieri in  
bonis operibus, facile tribuere, communicare, the-  
saurizare sibi fundamentum bonum in futurum, vt  
apprehendant veram vitam.* O aureæ sententiæ!  
o diuina talibus admonitio! quam si sequen-  
tur etiam si terrena paulò plus quàm par est  
appetentes, iumentorum vita quodammodo  
viuant, saluari tamen poterunt. Scriptum est  
em: *Homines, & iumenta saluabis Domine: Quod  
quam-*

Pf: 35. 8.  
Iumenta quo  
modo saluā  
tur.

quamuis de salute, id est, de conseruatione vniuersi, principaliter fortè dicatur; possumus tñ. (saltē spiritualiter) intelligere etiā p homines illos, qui petūt & appetūt cælestia, ad quæ capeßenda homo creatus est: per iumenta verò eos, qui terrena cupiūt, & illa à Deo sedulò expetunt, qui tamen si duas illas condiciones ex Apostolo allatas habuerint; saluabuntur ipsi quoque per diuinam misericordiam immensam, quam admirans Propheta subiungit: *quemadmodum* (verbum est admirantis secundum Hierem: ac si diceret: o quantopere) *multiplicasti misericordiam tuam Deus*, super eiusmodi homines. Hæc propter huius mundi homines ne in desperationem agantur.

Postrema inter Arcam Noë & Nauiculam hanc, sit differentia. Illa enim non tendebat ad portum, sed huc & illuc vagabatur, donec deficientibus aquis, *requieuit super montes Armenia*; hæc verò litus præfixum habuit. Nā D. Lucas inquit: *Et ait illis*, nempe Christus Dominus Apostolis: *Transseamus trans fretum*, ad certum videlicet locum ac portum. Quia in re duplex itidem mysterium occurrit nobis. Vnum explicuimus, quando ostendimus antiquos patres, tam in lege naturæ viuentes, quàm in lege scripta (utrâq; enim sub typo arcæ comprehendimus) etiamsi sanctissimè mortui essent, nunquam tamen portum cælestis gloriæ tenere potuisse: Aliud est, quòd leges illæ vnā cum sacramētis suis, non solum

Gen: 8. 4.

Luc: 8. 12

6. Priuil. vni  
ximū Sacra-  
mentorū

V u

ad glo-



dignitas &  
utilitas.

ad gloriæ; sed ne ad gratiæ quidem portum  
perducere quenquam poterant. Neque em̃  
remissionem peccatorum dare, neque iustifi-  
care, neque ad perfectionem valebant quem-  
piam adducere. Hæc verò omnia possunt præ-  
stare lex & Sacramenta Christiana, quæ & cō-  
tinēt in se gratiā, & dū exercētur, eā dignis tri-  
buunt; Qua quidem gratia viuificamur, qua  
sanctificamur, per quam & peccatorū remissi-  
onem, & omnem acquirimus perfectionem.  
Priuilegium hoc maximum nauiculæ Christi  
Domini, latè prosequitur Apostolus Paulus  
in omnibus penè suis scriptis, ostendens le-  
gem illam neminem iustificare potuisse, imò  
magis conscientias grauasse, ac tandem in vlti-  
ma epistola vniuersaliter concludens inquit:

*Heb. 7. 19* Nihil enim ad perfectum adduxit lex. Secus verò  
legem nouam, legem gratiæ, legem Christi,  
sele habere, & tum in baptismo aliisq; Sacra-  
mentis nos abluere, sanctificare; Christo cōiun-  
gere membraq; ipsius efficere: tum omnem  
perfectionem in se continere, ac elargiri per  
antitheta, & contrariorum opposiotiones pul-  
cherrimè & copiosissimè deducit, ac probat  
idem Apostolus.

III. PVN-  
CTVM.

Concordia  
& discrimē  
in hæc &  
crucē cru-  
cisq; priui-  
legia.

Cæterum tempus est, vt pressius loquen-  
do, ad id deueniamus, de quo nos in hac con-  
tione præcipuè tractaturos recepimus: osten-  
damusq; quomodo hæc omnia per anagogen  
Cruci, & illi, qui in ea salutem nostram opera-  
tus est, maximè conueniant. Dictorum au-  
tem &

tem & dicendorum hæc sit summa: Per Arcam  
 Noë nauiculam istam Euangelii hodierni, per  
 vtramq; verò tam Ecclesiam, quam crucem &  
 in ea crucifixum designari, per crucem autem  
 ad portum cum gratiæ tum verò gloriæ perue-  
 niendum esse. Itaq; iacto fidei fundamento,  
 in quo palam fecimus Ecclesiæ Christi Dñi  
 tot ornatæ priuilegiis, quanta sit & dignitas,  
 & necessitas, tanta equidem, vt & dignitate  
 omnes alias Diuinas, quæ in terra fuerūt con-  
 gregationes longè superet, & necessitate tum  
 crucem, tum alia requisita ad salutem præce-  
 dat: Videamus iam quomodo hæc cruci aptā-  
 tur. Quorum illud primum sit; tria ista, vide-  
 licet arcam, nauiculam, crucem, & lignea, &  
 ita fabre facta esse omnia, vt dent salutem:  
 Veruntamen non vno eodemq; , sed diuerso  
 modo id faciunt. Nam in Arca dum natando  
 vitatur periculum diluuii, vita & salus corpo-  
 ralis ac temporanea non tam datur, quàm cō-  
 seruatur. Idem fit in nauicula hodierna, cum  
 ea tamen differentia, quia hīc seu periculum,  
 seu causa piculi nō fugitur, sed fugatur, quod  
 vtiq; longè est præclarior. Sedantur enim  
 fluctus à Christo Domino, & auferuntur  
 venti, qui causa esse solent interitus nauigan-  
 tibus. At verò in cruce, non tantum conser-  
 uatur, sed verè datur vita; nec vita corporalis  
 sed spiritualis; melius dixerim & corporalis  
 & spiritualis: vtrumque enim virtute passio-  
 nis Christi & saluabitur, & glorificabitur: nec

i. Concor. &  
 discrimen  
 tria crucis  
 habet Priui-  
 legia.

1.

2.

3.

V u z

tempo-



1.

temporaneam tantum vitam crux tribuit, sed æternam omninò, & sine fine mansuram. O lignum benedictum, quod tanta taliaq; nobis præstat beneficia. O tria eximia crucis sanctæ priuilegia. Simus igitur grati, dilectissimi mi: & pro tantis gratiis maximas diuinæ bonitati gratias agamus, & caueamus, ne vtiis negligamus.

2. Cō: & descri: indeq;  
septem crucis priuilegia:

Apoc: 19: 14

1.

Deinde in arca reperiuntur quidem in luminibus ipsius Noe & filiorum eius omnes: futuri Reges & Monarchæ temporales vniuersæ terræ: At verò in nauicula Euangelicæ inuenitur ipse Rex Regum, & Dominus Dominantium. In cruce autem hic ipse Regum Rex, actu & re ipsa regnat, sicut scriptum est: *Dicite in nationibus, Regnabit à ligno Deus*; quæ verba licet eraserint ex scriptura infideles, & peruersi Iudæi, recepit tñ illa fidelis & sancta Ecclesia: statque & stabit in iis inuicta semper veritas. Regnauit etenim in Cruce Dñs noster Iesus Christus, qui non solum est Rex Regum, sed etiā creator & conditor omnium Regum. Qui nō vt Noë, fututorum tantum, sed & ipsius Noë & omnium Regum, hominumq; pater fuit. Nectātum ipse dominatur Regibus. verum etiam ab ipso habent omne dominium, quicunq; Monarchæ, & Reges fuerunt, futurine sunt vnquam. De illo enim (qui est sapientia Patris) scriptum est: *Per me Reges regnant, & legum conditores iusta decernunt*. Habet autem imperium Rex & Imperator noster Iesus Christus.

Prov: 8: 15

5.

tus, non solum corporum, facultatumue ex-  
 ternarum; sed etiam animorum, quod nullus  
 vnquam Rex habuit, imò nec creatura vlla,  
 etiam si excellentissima, habere potest. Quin  
 imò Rex est Christus Dñs nō hom nū tantū  
 sed & Angelorum, tum bonorū, tū malorum  
 tum vniuersę creature. Hęc verò omnia pro-  
 pter crucem, & in cruce ei competere, & ex  
 Dauide iam audiuitis, & ex Paulo id ipsum cla-  
 rius intelligite. Is em̄ cū retulisset de Chri-  
 sto, *Humiliauit semetipsum factus obediens vsque*  
*ad mortem, mortem autem crucis, effectum tantę*  
*humilitatis subiungit, dicens: Propter quod &*  
*Deus exaltauit illum, & donauit illi nomen, quod est*  
*super omne nomen, vt in nomine Iesu omne genu fle-*  
*ctatur, celestium, terrestrium, & infernorum.* Ne-  
 que verò imperium hoc tēporaneum est ( vt  
 est omnium Regum & Imperatorum huius  
 mundi ) sed est perpetuum, æternum, & nun-  
 quam interituum. Nam vt de illo Gabriel  
 ad Mariam testatur: *Regnabit in æternum, & re-*  
*gni eius non erit finis.* O dignitas crucis, O ma-  
 iestas crucifixi. O secretum anagogicum o-  
 pertum Iudeis perfidis, ludicrū gentilibus cæ-  
 cis, abstrusum aliis infidelibus: fidelibus autē  
 tam Iudæis, quā gentibus, clarum, perspi-  
 cūm, honorabile. *Dei enim est virtus, & Dei*  
*sapientia, qam amplectamur, & sectemur dile-*  
*ctissimis; Diuinamque ipsius bonitatem orare*  
*non intermittamus, vt & infidelium tum gen-*  
*tilium, qui adhuc in nouo orbe restant; tum*

Phil. 2. 8.

7.

Luc. 1. 33.

1. Cor. 1. 24.



Iudæorum, tum Hæreticorum, mentis oculos ad cognoscendum crucis mysterium illuminare, & fidelium corda charitate inflammare, & hac ratione in omnibus per crucem suam regnare dignetur Christus Iesus Dominus & Deus noster.

3. Con: & diff  
duo habet  
puncta.

Præterea illud, quod arca Noë tum omni ex parte sit clausa, tum luminis parum admittum habeat: quod quique qui in ea sunt, cælum non intueantur: navis verò hodierna etiam si cælos conspicuos ac proinde luminis plurimum habeat, non est tamen undique aperta, prout est crux; non caret equidem mysterio, quod soli crucis amatores bene norunt: Norunt enim illis quidem, qui Christi aduentum præcesserunt, nec cælum, nec mysteria salutis nostræ sic patuisse, ut nunc patent iis, qui sunt in navicula Christi Domini, id est, in Ecclesia: maxime autem patent hæc amatoribus crucis; iis inquam, qui carnem suam crucifixerunt cum vitiis & concupiscentiis: qui non gloriantur nisi in cruce Domini nostri Iesu Christi: quibus vivere Christus est, & mori pro Christo, lucrum est: quorum conversatio in cælis est. Tales enim licet sint simplicissimi, licet literarum expertes, licet non solum viri sint, sed etiam femine, sæpius tali tantòque lumine illustrantur Divino, ut incognitione Divinorum mysteriorum doctissimos etiam quosque superent. Videre hoc licet cum in Antonio, tum in discipulo ipsius Paulo, in Hilarione, in Catherina quoque Senen, in Christina, & aliis

Gal. 5. 24.

Alterum concupiscentiam in cælis.

Gal. 6. 14.

Phil. 1. 21.

Alterum lumen maximum.

Phil. 3. 20

aliis tam viris, quam feminis deuotis & spiri-  
tualibus. Quorum si vitæ conuersationem  
imitari studuerimus, assequemur & effectū.

Verū ne prolixi nimis sumus, cæteras inter  
hæc differētiās, & crucis crucifixiq; encomia,  
breuiter perstringamus. Itaq; sit quarta inor-  
dine. Et em̃ in arca Noë p̃ter homines paucos  
iumenta sunt plurima: in naui hodierna homi-  
nes tantum; in cruce verò solus homo Deus  
salutem in medio terræ operans, reperitur.

Ingens mysterium, quod me tacente, non est  
qui non videat: vtinam nullus sit, qui non  
recogitet corde, & gratus existat. Sicut illud  
etiam, quod in arca nec mori, nec periclitari

4. Con: &  
discr̃i.

quisquam scribitur; in nauicala nemo quidē  
moritur, periclitantur tamen Apostoli: at ve-  
rò in cruce ipse moritur, qui & à periculis, &  
à morte liberat vniuersos. Desunt ne hîc se-  
creta diuina? vos ea considerate, nos reliqua  
prosequamur & finiamus. Præclarū est enim,  
illudq; quamuis omnes, qui in lignis istis, ar-  
cæ videlicet, nauiculæ, & crucis versantur, re-  
plent terram: diuersi modè tamē id præstent.

5. Varia con-  
tinet priui-  
legia.

Nam qui sunt in arca, corpora tantū saluant,  
hæc; de causa secundum literam in Arca Noë  
non solum homines, sed & bruta reperiēban-  
tur animalia, & aues variæ, quia corporibus  
omnis generis replere debebant mundum, ne  
terra inanis & vacua remaneret. In nauicula  
verò hodierna soli sunt homines, soli cū Chri-  
sto Apostoli. Hi enim nō corporibus, sed ani-

6. Quatuor  
habet.

Vu 4,

mabus.



mabus, orbis vniuersi ad ferre debebant salutem, prout fecerunt: non sua tamen, sed illius, qui in ligno crucis pependit, virtute. Quantum ergò animæ corporibus præstant, tantum nauicula nostra arcâ Noë superat: quantum verò est discrimen inter eos, qui propria, & qui aliena virtute operantur, tantum crux ipsi etiam nauiculæ præeminet. Nam de cruce salus. In cruce enim pendet *mediator Dei & hominum homo Christus Iesus*, qui non solum omnia propria agit virtute, sed & Apostolis, & aliis omnem tribuit virtutē; qui non tantum terram morientium animarum dotat salute, verum etiam terram viuentium, cælum inquam ipsum, primū quidem animabus beatis, postmodum verò etiam corporibus replet glorificatis. Et hoc est, quod arca Noë vagatur, nauicula hodierna ad præfixum tendit terminū, quem crux assequitur & comprehendit. O secreta eximia, quæ humiles penetrant, superbi nec agnoscunt quidem.

7. Innasci  
alia myste-  
ria continet

Deniq; qui erant in arca Noë, nec corporibus quidem repleuerunt terram donec ex arca egrederentur: similiter Apostoli licet animas non corpora ædificauerunt, id tamen non in naui, sed inde egressi in terra fecerunt. At verò Christus Dominus in cruce manet, moritur, deponitur, & dum manet generat, non impios (quales pleriq; ex posteris Noë fuerunt) sed sanctos: deinde, dum moritur, omnes viuificat, qui veram vitam habent. Postremo post-

postquam alienis manibus deponitur, ipse vi propria post triduū à mortuis resurgit. Quis ad omnia hæc intelligenda idoneus? Quis ad cognoscenda vniuersa crucis mysteria aptus? Verè anagogicū quid, verè abstrusum & altū, verè omnibus retro sæculis inauditum inco-  
gnitumq; . Nunquid non possumus hîc quoq; exclamare cum Apostolo: *O altitudo diuitiarū sapientiæ & scientiæ Dei: quam incomprehensibilia sunt iudicia eius, & inuestigabiles viæ eius. Quis enim cognouit sensum Domini? aut quis consiliarius eius fuit?* Et quis quæso consulisset Deo patri, vt vnigenitum suum innocentem, piissimum, sanctissimū pro nequissimis, scelestissimis, impiissimis hominibus ad tanta, quanta ipse & antea & in cruce pertulit tormenta traderet? Quis percipit, quomodo per tam vilia, abiecta, ignominiosa, tam eximia, ingentia nobilissima, facta fuerint opera? qualia sunt, gratia & gloria, quæ nobis in cruce, & per crucem Christus Dominus commeruit. O altitudo quæ abiecta eleuas! ô diuitiæ quæ paupertatē honoratis! ô sapientia & scientia, quæ omnem sapientiam & scientiam mundanam pessumdas; paupertatem spiritus & simplicitatem amas; non rationem sed fidem requiris, per quam nos incomprehensibilia comprehendere viasq; inuestigabiles & inuenire, & sequi facis: quis pro tantis donis & beneficiis rependere tibi dignas gratiarum actiones poterit Christe Iesu? Nemo equidem da-

Anagoge  
stupendum  
Rō: 11. 33.



bit pares, omnes autem conari debemus red-  
dere, quam valemus maximas; captiuando  
intellectum, ac diuino iudicio nostrum hu-  
militer submittendo, & in eius sanctissimo a-  
more sanctè nos exercendo.

III. PVNC.  
Euangelij  
applicat cru-  
cifixo.

1. Ascensio-  
nem indeq.

Ioan. 10. 18  
Duc conue-  
nientiz.

Differentiz  
vero maxi-  
mz.

Luc. 22. 44  
2. Dormitio  
nè quæ tres  
cōueniētiās  
differētiasq;  
continet.

Mat. 4. 36

Quam ad rem plurimū valet consideratio,  
quonam modo hæc acta fuerint, & quomo-  
do historia hodierni Euangelij, huius rei typū  
gesserit. Conueniunt enim in quibusdam, sed  
in pluribus discrepant, vt figura & figuratum  
solent. Reducamus hæc ad aliquot capita.  
Primum sit, quod quemadmodū hīc ascendit  
Iesus in nauiculam spontè & liberè, ita post-  
modū ascendit in crucem volens & lubens.  
Nam vt ipse de se testatur: *Habuit potestatem  
ponendi animam, id est, vitam suam, & iterum  
sumendi eam.* Nihil igitur eo inuito factum est,  
etiam in cruce: ideo inquit: *Nemo tollit eam à  
me: sed ego pone eam à me ipso.* Itaq; conueniunt  
locus & animus, vterq; enim locus, quem al-  
cendit ligneus est, & vtrobiq; libera voluntas.  
At discrepant valdè in modo ascendendi. Na-  
uim enim ascendit sine labore & dolore, cru-  
cem verò cum summis angustis, & extremis  
doloribus, quorum sola recordatio sanguine-  
um illi excussit sudorem. Quid res ipsa? Hæc  
recogita o anima fidelis, propter te enim, hæc  
facta sunt omnia. Deinde sicut hīc, ita illic ob-  
dormiuit Iesus, in ligno, in puppi, super cervical:  
sed dispari modo: Nam in naui somnus fuit  
naturalis, puppis consueta, cervical nauticū,  
& vt

& vt quidam volunt ligneum, ideoq; durum. In cruce verò somnus erat ille, de quo ipse saluator ad Apostolos: *Lazarus amicus noster dormit*, quē explicans inquit: *Lazarus mortuus est*. Puppis mystica: Sicut enim puppis nouissima est pars nauis, ita Christus dominus, in nouissima parte Ecclesiæ mortuus est. Illud enim tēpus vocat Petrus ex Ioēle dies nouissimos, Ioannes verò inquit *Filioli nouissima hora est*. Ceruical verò utrobique; ligneum & durum est, sed in cruce durissimum. Quantā enim duri-  
 tiem, quēque tormenta fuisse putatis, quæ filio Dei, illam vocem extorserunt: *Deus meus Deus meus vt quid dereliquisti me?* Isthæc verò omnia propter nos, & propter nostrā salutem facta sunt; vt nos more parturientis cum dolore pareret; vt pro nobis Deo Patri satisfaceret, vt charitatem suam maximam nobis comendaret; vt nos ad redamandū incitaret. Nēligemus ne id facere? Absit.

Præterea dormiente Domino in naui, procella exurgit, & motus magnus fit in mari, dormitāte verò & obdormiente eodem Domino nostro Iesu Christo in cruce, multò maiores fiunt motus, in cælo, in terra, in aëre, in templo, in hominibus, in Angelis, Petræ enim scinduntur, sepulchra aperiuntur, aër obtenebratur, sol obscuratur, luna non dat lumen suum, velum templi scinditur à summo vsq; deorsum, Apostoli turbantur & fugiunt. Petrus negat & eiulat, angeli deniq; pacis amare  
 flebant.

Ioan 11. 11

Act: 2. 17.

Ioel. 2. 28.

1. 10: 2. 18.

Mat: 27. 46

3. Procellam  
 quæ maior  
 in cruce.

If: 33. 7.



*Iona. 1. 6. flebant.* Quis ad hæc non obstupescat? Cui in  
*Mat. 12. 40* mentem non venit figura long. quam ipse sal-  
 uator & explicat, & applicat sibi? Dormiunt  
 Ionas & Christus in naui, & procella exurgit,  
 omnesque periclitantur. Dormit Christus in  
 cruce & turbantur omnia, cælestia, & terrena.  
 Illic propter Ionam tempestas exorta est; hic  
 quoq; propter Christum: sed dispari ratione.  
 Ionas enim proicitur in mare; Christus verò  
 Dominus hodie quidem sedat mare, in cruce  
 verò moritur. Et tamen finis quasi idem. Ex-  
 citato namq; Iona, & proiecto in mare, sedan-  
 tur fluctus; excitato hodie Christo, cessat  
 procella: obdormiēte verò in cruce Iesu, mo-  
 tus illi omnes cælestes, & terrestres compe-  
 scuntur. Deinde proiectus Ionas in mare à  
 balena viuus deglutitur, & conseruatur: ob-  
 dormiente autem Christo in cruce, corpus  
 quidem mortuū terræ mandatur, anima verò  
 viuia inferna penetrat, malos terret, bonos  
 solatur, demones cruciat. Deniq; Ionas, dum  
 viuus à ceto euomitur, Niniuem ciuitatē ma-  
 ximam & populosissimam per prædicationem  
 suam, & pænitentiam illorum, ad Deum con-  
 uertit. Iesus Christus verò, è mortuis resur-  
 gens, per prædicationem Apostolorū, totum  
 mundum ad pænitentiam adducit, & æterno  
 patri genus humanum reconciliat. Et videre  
 horū etiā typū in Euangelio: quemadmodū  
 enim Christus Dominus dormiēs in naui ex-  
 citatur vōtibus Apostolorum, & excitatus  
 surgit,

Ad quā fi-  
 gura Iona  
 applicatur  
 variè.

surgit, Surgens increpat diffidentiā Apostolorum, & sedatis fluctibus mirari facit omnes ac prædicari factum istud in vniuerso mundo: Ita postquam sponte sua, *clamans voce magna*, *Luc: 23. 46*  
*Pater in manus tuas commendo spiritum meum*, *4. Excitatio applicatus*  
 exspirauit, & in cruce obdormiuit, tertia die excitatus tum vocibus prophetarum, qui id futurum olim prædixerant; tum desiderio ac fide beatissimæ matris suæ, quæ illū expectabat, resurrexit, ac resurgens increpauit eosdē Apostolos, & *exprobrauit incredulitatem eorum*, *Mar: 16. 7. 4*  
 & *duriciam cordis*; sedatisq; in illorum animis *5. Increpatio*  
 fluctibus infidelitatis, non solum discipulos *6. Sedatio fluctuum.*  
 mirari fecit mirabilia, quæ fecit; sed etiam per *7. Admiratio*  
 prædicationem eorum, in stuporem vertit, & ad fidem conuertit mundum vniuersum, ex quorū numero per immensā eius misericordiam & bonitatem sumus nos dilectissimi, præordinati ante mundi constitutionem.

Quare vt grati simus, gratitudinisq; nostre *V. PUNCTE*  
 fructus referamus vberiores, ingentia hæc & *Gratitudinē & media ad ea docet.*  
 innumera collata nobis beneficia, noctu atq; interdium mēte deuota cōtemplabimur, aliq; ad id requisita media adhibere enitemur.  
 Quam ad rem præstandam per opportunē adiunt nobis Apostoli Domini, quorū actiones, passionēsq; in hoc Euangelio notatas, si imitati fuerimus, desiderio equidem non frustrabimur nostro. Actionum autem istarum prima est, quòd ASCENDENTE IESU  
 IN NAVICULAM, postea verò etiam in *1. Animus ad crucem præparandus*  
 crucem,



crucem, SECUTI SUNT EVM DISCI-  
PULI EIVS: Statim quidem in nauiculam;  
tardiùs autem in crucem: alii quidem in cru-  
cem materiale, ( vt Petrus, Andreas, Phi-  
lippus. ) alii verò alias pœnas & mortes acer-  
bas, pro Christo tolerando. Hic primus in  
intentione, & primus postremusq; in execu-  
tione gradus esse debet, nempe nosse, nec  
nosse solum, sed etiam paratum esse, sustine-  
re omnia pro nomine Iesu, quæcunque ipse

3. Tim: 25. nos pati voluerit. Nam non coronatur inquit  
Apostolus, nisi qui legitime certauerit. Dum  
autem certat quis, necessariò aliquid pati de-  
bet. Qui ergò pati non vult, certus sit, quòd  
nec vult coronari. Nulla enim alia via est per-  
ueniendi ad portum cælestis patriæ, nisi crux  
ipsa. Ad hanc igitur nos præparemus, hanc  
desideremus charissimi, vt primum hunc gra-  
titudinis gradum conscendere valeamus. Ne-  
que verò satis est præparatio animi ad patien-  
dum: debent enim manus etiam laxari ad a-  
gendum. Quod fecisse Apostolus testatur

2. Manus  
operi appli-  
candæ.

Luc: 8. 22 Lucas cum asserit nauigasse illos, ac proinde  
laborasse in remigando. Idem nobis facien-  
dum est; non otiaudum, non pigritandum.  
Sed ad opus spirituale tum corporis, tum  
mentis manus sunt nobis exerendæ. In ma-  
gno enim errore versantur ij, qui solis bonis  
desideriis ad perfectionem se peruenturos  
arbitrantur. Hos enim perstringit sapiens di-  
Pro: 21. 25 cens: Desideria occidunt pigrum; noluerunt enim  
quicquid

*quicquam manus eius operari.* Ne ergò propter ingratitude[m] occidamur, laborandum est; ne retrò delabamur, nauigandum est. Sicut A simili. enim qui aduerso eunt flumine, si à remigando cessauerint, naui ultro retrocedente, ad locum destinatum nunquam perueniunt: ita qui in vita spiritali laborare, progrediq[ue] negligunt, spontè ad ima deferuntur; nec unquam perueniunt, ad portum siue perfectionis, siue etiam salutis. Itaq[ue] secundus tum gratitudinis, tum viæ ad perfectionem gradus est: bono desiderio bonum opus adiungere.

Quod si dixerit aliquis, sibi nec patiendi 3. Cauenda pro Christo, nec laborandi propter Christu[m] cōplacentia deesse exercitium, nihilominus non sentire & notanda se, illum quem exoptaret in spiritu profectum, & nauiculæ animæ suæ in virtutibus progressum. Respondebimus optare nos, ut dictum hoc quod ad primam eius partem attinet, tam esset verum, quàm facile concipitur ac dicitur. Sed vereor ne secus se res habeat. Sæpè enim amor nostri inordinatus, ita obæcat intellectum iudiciu[m]q[ue], ut arbitremur nos & desiderare, & operari multum, licet nōnunquam nec sciamus quidem quidnam requiratur, tum ad desiderandum crucem Christi, tū ad laborandum propter Christum. Idcirco sinus conscientiarum nostrarum diligenter sunt nobis excutiendi; nec applaudendum, tum nobis, tum factis nostris, quæ sæpe in conspectu Dei & Angelorū eius nulla



4. Cœna  
causarum  
ponderanda

1. Tess. 3. 5.

9. Radix tē-  
tationū in  
uestiganda.

Figura.

1. Reg. 48.

nulla sunt, licet nobis magna esse videantur. Sed fac rem ita se habere, tunc considerata erunt nobis duo, quæ in Evangelio typicè proponuntur. Vnum dormiuisse Christum Dominum: alterum procellam descendisse in stagnum, ac propterea, **MOTVM MAGNVN FACTVM IN MARI.** Hanc igitur catenam causarum ponderemus. Etenim dormitio Christi Domini nihil aliud est, quam permissio, vt exurgat tentationum procella. Permissionem arripit *is, qui tentat*, (sic enim Sathanam scriptura vocat) procellâq; excitat, qua concitata mare, id est mundus, & in illo nauicula animæ nostræ, turbatur; hac verò conturbata, tantum abest, vt putemus nos procedere, vt etiam retrocedere & in periculo submersionis navis nos esse arbitremur. Quid ergò remedii? Primum quidem (vt in præcedenti concione dictum est) inuestiganda est diligenter causa dormitionis Christi Iesu; num videlicet, somnus iste ex nobis pro- uenerit, an verò vltro à Christo susceptus fuerit. (Nos enim vt plurimum huius rei causam sumus, propter tepiditatem, remissionem, & somnolentiam nostram. Sicut enim *obdormiente ostiaria domus*, occisus est ipse quoq; dormiens Isboseth; ita ratione nostra dormitante, nobisq; negligenter agentibus, obdormit Christus Dominus, & non rarò occiditur etiam suo modo, id est, profligatur, ne amplius sit in nobis. Hoc autem fit vt plurimum in puppi,

in puppi, quæ est posterior pars navis, id est, quando fervor ille, quem in exordio conversionis nostræ habuimus, successu temporis remittitur. Nam (vt S. Catharinæ Senen. *Similitudo*) sicut musca non appropinquat ollæ quando bullit, sed quâdo tepescit: ita Sathan quando frigide nos agere animaduertit, tunc maximè accedit, procellas excitat, tentat, vincitq; sæpius. Itaq; remedium *6. Duplex remedium* est adhibendum: tum quod audis ex ore *testis* *adhibendū.* *NOTA.* Christi Iesu in Apocalypsi dicentis: *Et* *Apoc: 25.* *prima opera fac:* tum quod vides in Apostolis, qui exurgente procella ista, non abiessent remos credendi sunt; sed eos tantò validius vibraſſe, quantò maius videbant instare periculum. Id enim fecisse illos in causa similiter statur D. Marcus cum inquit: *Videns Iesus eos* *Fructus.* *Mat: 6. 48* *laborantes in remigando* (erat enim ventus contrarius eis) venit ad eos ambulans supra mare: Idem nobis eueniet, si labores nostros spirituales continuauerimus. Nam si omni tempore laborandum est, ne cum nauicula nostra eamus retro; quantò magis diligentiusq; est hoc faciendum, quando præter aduersum flumē, aduersus insuper ac contrarius tentationum exoritur ventus. Quare duo errores graues hic sunt nobis fugiendi; vnus illorum, qui putant otio se tentationes superare posse: alter multò etiam grauior eorum, qui mundanas tum temporis quærunt consolationes. Absit hoc ab animis omnium, præsertim religio-



ligiosorum, qui apertum Sathanæ, & mundo bellum indixerunt.

§. NOTAN-  
dus Modus  
procedendi  
Christi &  
perfectiorū.

Verūm dicet fortassis quispiam; se videre quidem laborem Apostolorum, non videre autem quidnam eo effecerint. Recte sanè, neq; tamen à labore cessarunt; sed alia etiam adhibuerunt remedia; vt nos docerent, laborandum, & orandum esse. Labor enim est continuandus, ne tentare Deum arbitremur; oratio verò est adhibenda; ne fidere nostris viribus videamur. Notaturq; in hoc facto, alterū illud dormitionis Christi Domini genus, quando videlicet sua sponte dormit extrinsecus, licet vigilet intrinsecus. Dormit autem super cervical, quia suauiter exspectat suorum de Sathana victoriam: vigilat tamen etiam potenter; quia eos validè contra hostes corroborat. Ita dormiebat & vigilabat in Iob, qui & si afflictus esset valde; in despectum tamen Sathanæ, testa saniem radebat, *sedens in sterquilinio*, doloribus dolores, ignominias ignominias addens. Sic dormiebat in Apostolis, quando eos flagellari permisit; vigilauit verò, quando gaudere eos inde fecit. pariratione dormiebat S. Catherinæ Senesi, quando maximas in illam tentationes immisit: Vigilabat autem, quando intus eam corroborabat. Id enim ipse fatetur, cum sedatis tentationibus illi apparuit. Expleturq; tum temporis illud, quod de sponso dicitur in Cant: 2. 9. Canticis: *En ipse stat post parietem nostrum, respiciens*

ciens per fenestras, prospiciens per cancellos. Dicitur stare post parietem, quia non apparet, licet sit præsens: Respicit autem & prospicit, tum iuvando, tum victoriâ expectâdo. Itaq; quod & hi, & omnes alii sancti, & ipsi Apostoli hodie remedium adhibuerunt, nobis quoq; adhibendum erit. Triplex omninò vel quadruplex. Primum, tribulatio & crux domini patienter est toleranda; non murmurandum, sed tum eodem lob dicendum: *Si bona suscepimus de manu Dei, mala quare non sustineamus?* Quod tantò lubentius faciemus, quanto evidentiùs nobis constat; non in agendo tantum; sed etiam in patièdo meritum & perfectionem Christianam consistere. Deinde Exemplo Apostolorum labor est cōtinuandus ut diximus; non abijcienda sed vibranda sunt arma; non dormitandum, aut securè agendum in tot periculis; sed timendū, pro ut timuisse discipulos videmus: non quærendæ consolationes mundanæ (absit) sed eligendum propter Christum, vel cum Christo potius pati, quam contra, vel etiam præter illum consolari. Præterea adhibenda est oratio, quæ primas, medias, postremas, omnesq; partes in hoc negotio obtinere debet. Clamamus cum Apostolis: DOMINE SALVA NOS PERIMVS. Nisi enim ipse opem tulerit actum est de nobis; opem autem feret, quia & potest, Dominus enim omnipotens est, & vult saluare, quia Iesus, id est sal-

9. Exercenda alix virtutes, maxime. Patientia. Iob: 2. 10.

Laboris cōtinuatio.

Oratio valida.



Et perseue-  
rantia.

uator, est, cum fiducia igitur est continuo  
exorandus, ne PEREAMVS. Deniq; perse-  
uerantia nobis est necessaria, tum in agendo,  
tum in patiando. Fit enim nonnunquam, vt  
etiamsi omnia ista adhibeamus, non solū  
consolationes non sentiamus, sed etiam ma-  
gis affligamur, & aridi permāneamus. Nam  
& hīc excitatus dominus, prius increpat di-  
scipulos, afflictiſq; addit afflictionem; ac tan-  
dem fluctus sedat, serenitatem inducit, in  
admirationem eos rapit.

VI. PVNCT.

Charitas ex  
cellentiam  
demonſtrat.

Tū Chri: D.

Hæc verò omnia, & quæuis alia facit Chri-  
ſtus Dominus, tum discipulis, tum nobis, cū  
magna amoris sui erga omnes declaratione.  
( sine charitate em̄ Deus charitas nihil facit. )

1.

2.

3.

4.

Quæ multa  
coplectitur.

Charitate nauim conscendit, vt præterita im-  
pleret, futura verò panderet nobis mysteria:  
Charitate obdormit, vt humanam monſtra-  
ret naturam: Charitate fluctus excitat, vt di-  
scipulos ad sui agnitionem adducat: Charita-  
te procellam sedat, vt diuinitatem agnoscant:  
Charitate denique omnia hæc peragit, vt no-  
bis ob oculos ponat, com̄endetq; crucis ma-  
iestatem: ( cuius nanis hæc typum gessit ) In  
crucem etenim quando ascēdit Christus Do-  
minus, in eaq; obdormiuit somno mortis,  
impletum est multo excellentius, quàm in ar-  
ca Noë, illud quod ex sapiente in principio at-  
tulimus. Nam cum aqua non elēmentaris, sed  
illa, de qua Dauid: *Saluum me fac Deus; quoni-  
am intrauerunt aquæ vsq; ad animam meam, cūm,*  
*inquā,*

Sap: 10. 4.  
Ps: 68. 2.

inquam, aqua peccatorum *deleteret terram*, non  
 terram quæ pedibus calcatur, sed quod terra  
 tota est excellentius, animas videlicet homi-  
 num, *sanauit*, imò & saluauit per Saluatorem  
 Iesum, *iterum* multò, quã antea per Arcã Nòè  
 felicius, *Sapientia* æterni Patris, *per contemptibi-*  
*le lignum*, per crucem scilicet, lignis omnibus  
 contemptibiliorem, ignominiosiore, turpi-  
 orem, *Iustum* Iesum filium suum, *gubernans*. Et  
 per illum omnia in cælo, & in terra saluans, ac  
 reparans. Ascendens enim Christus Iesus in  
 crucem, ibiq; obdormiens, & die tertia exci-  
 tatus confurgens, omnes per charitatem sedat  
 fluctus, maris, terræ, cæli. Etenim per chari-  
 tatem Dei, Deus Deo satisfacit; dum per cha-  
 ritatem proximi, homo pendet in cruce pro  
 hominibus; per charitatem Dei, honorem re-  
 stituit Deo; per charitatem proximi *quæ non*  
*rapuit, tunc exsoluit* pro hominibus, vt Dauid *psa: 68. s.*  
 prædixerat. Ad extremum per charitatẽ Dei  
 ipse Deus Christus Iesus, *erat mundum reconci-*  
*lians sibi*: per charitatem verò proximi erat  
 idem in cruce, ex latere suo formã sponsam  
 sibi, vt impletet quod ipse prædixerat dicens;  
*Et ego si exaltatus fuero à terra, omnia traham ad Io: 12. p. 2.*  
*meipsum*. Trahit enim Verbum caro factum. Ho-  
 mo Deus, homines in crucem, vt eos per cru-  
 cem, Diuinitatis suæ efficiat participes. O  
 mysteria inaudita! o beneficia stupenda!  
 Quare, tu quoque si sapias, ô anima fidelis,  
 X x 3 trahi Tū nostræ



trahi te permitte in crucem, crucemq; ample-  
 ctere, tum vt pro immensa Christi charitate,  
 modicam tuam reddas charitatem, ipli  
*1. Io: 4. 8.* charitati Deo. *Deus enim charitas est*, te-  
 ste D. Ioanne? tum vt per crucem perue-  
 nias ad portum salutis. Hæc enim, vt prin-  
 cipio dixi, & duplex via, & vna via est ad ca-  
 lum. Via, inquam, charitatis & crucis; via ex-  
 cellentissima (teste Apostolo) via admirabi-  
 lis, teste experientia. Est enim via in inuio.  
*Pro: 30. 19* Nam quod olim inter impossibilia sapiens nu-  
 merabat: *Viam nauis in medio mari*, nos ecce  
 iam reperimus. Qui enim crucem in charita-  
 te portat, ducemq; sequitur, etiam in inuio  
 non aberrabit vnquam. Est tamen charitas  
 etiam via, quæ ducit nos ad aliam viam, nem-  
 pè ad crucem. Nam, teste Apostolo, crux e-  
*1 Cor: 13. 3.* tiam si sit talis, vt *tradam corpus meum, ita vt ar-  
 deat; nihil mihi prodest, sine charitate.* Coniun-  
 ge vtrumq; , & vna via erit (ad quam com-  
 mendandam tota hæc concio nostra refertur)  
 quæ sola ad portum salutis nos perducit. Non  
 enim quælibet crux, sed crux charitate imbu-  
 ta, id habet priuilegii. Charitas verò in eo e-  
 tiam excellit, quòd crucem, rem aliàs ex se a-  
 speram, & duram, mollem & planam faciat:  
 ita vt non modò libenter, sed etiam lætanter  
 crux toleretur, ab iis qui charitate feruēt. Vi-  
 demus hoc, in Martyribus, non modò viris,  
 vt D. Andrea, Laurentio, & aliis; sed etiam in  
 Virginibus tenerrimis, vt in Agnetæ, & simili-  
 bus,

bns, quæ ad tormenta properabant, tanquam  
 ad epulas inuitatæ. Postremò charitas est, Exhortatio  
 quæ in ipso etiam reperitur termino: imò in  
 cælo perficeretur maxime. Hanc igitur ample-  
 ctamur dilectissimi, hanc assequi, retinere, au-  
 gereq; in nobis studeamus charissimi: Per cha-  
 ritatem enim cum Christo in naui manebi-  
 mus: grati beneficiorum erimus: fortes con-  
 tra omnes tempestates efficiemur; per chari-  
 tatem crucem libenter sustinebimus, tentati-  
 onesq; ac tribulationes patièter tolerabimus:  
 Increpationes etiam in tribulationibus ala-  
 criter feremus: ac tandem consolationem se-  
 datis fluctibus recipiemus, & in hoc mundo,  
 quâdo & quomodo Deo placuerit; & in illo,  
 quando maxime implebitur quod hic audis,  
 quando inquam dicemus, admirantes non ad  
 tempus, sed in æternum: **QUALIS EST HIC**  
**Christus Iesus, & ipsa beatissima Trinitas, De-**  
**us trinus & vnus, Cui laus, gloria, & gra-**  
**tiarum actio sit per infinita sæcula**  
**sæculorum. AMEN.**

# DOMINICA

## QVINTA POST

### EPIPHANIAM.

**Euangelium Matth 13.**



**I**N illo tēpore: Dixit Iesus discipulis suis parabolam hanc: Simile factum est regnum calorum homini, qui seminavit bonum semen in agro suo. Cum autem dormirent homines, venit inimicus eius, & superseminavit Zizania in medio tritici, & abiit. Cum autē creuisset herba, & fructum fecisset, tunc apparuerunt & Zizania. Accedentes autem serui patrisfamilias, dixerunt ei: Domine, nonne bonum semen seminasti in agro tuo? unde ergo habet Zizania? Et ait illis: Inimicus homo hoc fecit: Serui autem dixerunt ei, Vis, imus, & colligimus ea? & ait: Non: ne forte colligentes Zizania, eradicetis cum eis simul & triticum. Sinite utraq; crescere usq; ad messē, & in tempore messis, dicam messoribus: Colligite primum Zizania, & alligate ea in fasciculos ad comburendum, triticum autē congregate in horreum meū.

## PARTITIO.

**P**arabola hæc ponit nobis ob oculos, primum quidē Dei misericordis immensam bonitatem: deinde hominum supinam fœcordiam: tum diaboli callidam malitiam: Hinc quorundam hominum seruentem zelum, ac demum tum prouidentiam, tum iustitiam diuinam mirandam. Ex his consideratio iustitiæ diuinæ; maxime verò illorum verborum Christi Domini: *Colligite primum Zizania, & alligate ea in fasciculos ad comburendum*, timorem nobis incutiet. fidem firmabit, ineptus Hæreticorum, septiformis verò Catholicorum ex verbis huius Euangelii triumphus; Spem eriget, diligens totius parabolæ expositio, & doctrinæ morales inde excerptæ: Deniq; bonitatis, misericordiæ, liberalitatis, ac prouidentiae iugis consideratio, cum in omnium, tum verò in religiosorum animis diuinam excitare poterit charitatem.

## CONCIO PRIMA.

LEO IESVS  
RVGIT IN  
ZIZANIA  
REMEDIA

## Timor.

*Colligite primum Zizania, & alligate  
ea in fasciculos ad comburendum.*

**S**I Amos Propheta considerans pœnas, & *Amos 3.6.*  
mala, quæ Deus minitatus est decem tri- *Timoris il-*  
bubus Israel: & iis, qui siue à lege ipsius, *lūq; prædi-*  
siue à pietate recesserant, timore perculsus ex- *candi causa*  
clamat dicens: *Si erit malum in Civitate quod Do-* *Apo: 5.5.*  
*minus non fecerit?* & rursus: *Leo rugiet, quis non*  
*timebit?* quantò magis nos pauere trepidareq;  
debemus, cùm Leonem nostrum *de tribu Iuda*  
rugientem, non iam vt olim, temporanea, &  
momentanea; sed æterna, & nunquam inter-  
minitura mala, pœnasq; maximas, non solū  
gantem, Angelisq; præcipientem: **COLLI-**  
**GITE PRIMVM ZIZANIA, ET ALLIGA-**  
**TE EA IN FASCICVLOS AD COMBV-**  
**RENDVM,** ex ore ipsius filii Dei audiui-  
mus? certò euentura credimus? Si post-  
quam dixit Propheta; *Leo rugiet quis non time-*  
*bit?* subiungit quasi interpretans: *Dominus De-*  
*us locutus est, quis non prophetabit?* contestans  
verbis grauissimis prophetandi & loquendi  
munus sibi incumbere; certè nec nobis tace-  
ndum est, quibus in Apostolis à Christo dici-



tur: *Quod dico vobis in tenebris, dicite in lumine. & quod in aure auditis, predicate super tecta.* Quod ergò quasi inuolucris quibusdam parabolarum tectum, Christo Domino dictum est, en nos in lumine propalam ex suggesto prædicamus vobis, mala ingentia, pœnas crudeles, tormenta horrenda, in æternum duratura, quæ eo manent, qui rugitum hunc, aut audire contempserunt, aut quæ is insectatur, facere præsumpserunt, timoreq; sancto concuti noluerunt.

Ex quorum numero, nenos, quod ab his reperiamur, primùm quidē inuestigabimus, quam varii sint tum leones, tum rugitus eorum in scriptura sacra. Deinde, quidnam Leo noster sanctissimus ac fortissimus Iesus Christus rugitu suo insectetur. Tum causas cuius id faciat videbimus: sed & effectus rugitus ipsius considerabimus. Ad extremum vero remedia adhibebimus. Da Christe Iesu id nos ita perficere, vt pœnas, quas rugitus tuus minatur, effugere valeamus.

Propositio  
quinq; con-  
uenit.

I. PUNCTUM  
Varij leones  
in scriptura  
& rugitus.

1.

Apo: 5. 5.

2.

Sicut diuersi leones, ita varii illorum rugitus in scriptura sacra reperiuntur. Notum est nobis ipsum animal, quod rex animalium dicitur, animal inquam fortissimum, sagacissimum, crudelissimum; à quo quidem leones ad res cæteras pro qualitate earum metaphoræ deriuantur. Ita Christus Leo dicendus est meritò & ob maiestatis suæ amplitudinem; & ob virtutis inuictæ fortitudinem; qua non solum leones, sed etiam res vniuersas vincit.

comminuit, & in nihilum si vult redigit. Sed  
 & Diabolus à D. Petro leonj comparatur,  
 cum inquit: *Aduersarius vester diabolus tanquã* 1. Pet. 5. 8.  
*leo rugiens circuit, quarens quem deuoret.* vbi &  
 rationem nominis expressam habemus, saga- Pro: 28. 35  
 citatem videlicet & crudelitatem ipsius. Qua  
 etiam de causa tyrannus leo nuncupatur.  
 Est enim diaboli instrumentum perfectissi-  
 mum: qui tamen dum metuitur, ipse quoq;  
 timet. Non ita se habet iustus, de quo paulò  
 ante dixerat idem sapiens. *Iustus autem quasi* Pro: 28. 1.  
*leo confidens, absq; terrore erit.* Quem enim ti-  
 meret, quo cum Deus est, in quo totam spem  
 collocarat suam? Eligamus dilectissimi in ho-  
 rum potius quàm in illorum leonum nume-  
 ro reperiri.

Quod verò ad rugitus eorum attinet, inter  
 Christi (de quo nobis sermo) & cæterorum  
 leonum rugitus, hæ sunt differentiæ. Prima,  
 quia ipse solus etiam si rugiat, nullius tamen  
 rei est indigus, cum nec vllius creaturæ bono-  
 rum egeat; alii verò leones omnes indigentia  
 suam, siue à natura, siue à malitia profectam  
 rugitu suo produnt. Altera, quia alii deside-  
 rio, & sine, quem rugitu quærunt sæpè fru-  
 strantur suo: Christus nunquam, Hunc ergo  
 time. Tertia, addi potest, quod alii leones res  
 in rerum natura existentes, Deus verò Opt:  
 Max. & Christus Iesus id, quod non existit  
 rugitu insectatur suo.

Enimuerò, scire vultis, quo rugitus san- IL. VNCTE  
 ctissimi

Differentiis  
 inter rugitū  
 Christi & a-  
 liorum.

1.

Psal: 15. 2.

2.

3.



Christus ru-  
gitu ZIZA-  
NIA suo in  
factatur.

Quæritur  
quomodo  
Zizania sint  
nihil.

Mat. 13. 39  
NOTA

Luc. 8. 11.

Etissimi leonis nostri tendat, quidue perse-  
quatur? Illud equidem aliud non est, quam  
quod vno verbo in parabola hodierna ex-  
pressum habetis. ZIZANIA. Zizania, inquit,  
sunt, quæ Deus insectatur. Zizania sunt, in-  
quæ omnem indignationem & furorem su-  
um conuertit omnipotens; Zizania sunt, quæ  
Christus Dominus per penitentiam extin-  
cta esse cupit, quod si non sit, propter homi-  
num obstinationem, flammis infernalibus  
illa tradet exurenda in perpetuas eternitates.  
Hoc crede Christiane, & contremisce salubri-  
ter, ne in æternum dolere cogaris inaniter.

Sed quæret fortè quispiam vestrum, quo-  
modo ergò leo noster res non existentes, id  
est, nihil, insectari dicitur; cum non solum Zi-  
zania, sed nec quod iis designatur, sit aliquid?  
Ipse etenim explicans quid Zizania sibi velint,  
ait *Zizania autem filii sunt nequam*, per Zizania  
igitur phrasi Hæbræa, homines nequam in-  
telliguntur, qui utiq; non nihil sed aliquid  
sunt in rerum natura. Bona sed profundior  
aliquantulum est hæc interrogatio. Ideò di-  
ligentius excutienda, nec aliter quam ex di-  
ctis ipsius Christi Domini, qui quamuis in  
explicatione huius parabolæ, sicut per Ziza-  
nia filios nequam, ita per bonum semen fili-  
os regni, id est, homines ad regnum cæleste  
destinatos intelligat: tamen in interpretatio-  
ne parabolæ, quæ hanc præcesserat, sic apud  
Lucam loquitur: *Semen est verbum Dei.* Quid?  
contra.

Contrariusne est sibi Christus? an verò aliud  
ibi, aliud hic per semen bonum, malumve  
intelligitur? Mihi quidem videtur pro eodẽ  
sumi, cum hac differentia: quòd ibi tam in  
parabola, quàm in eius interpretatione per  
semen causam accipiat: Et hoc ipsum facit in  
hodierna parabola: in expositione tamen  
huius effectum ponit. Quare si sensum vtri-  
usq; parabolæ volumus penitiùs inuestigare,  
dicendum erit nobis, per semen bonum pri-  
mum quidem verbum Dei, & doctrinam E-  
uangelicam, deinde fidem, spem, charitatem,  
& alias virtutes, ac gratias, quæ inde in nobis  
oriuntur: postremò ipsos electos ad regnum  
celorum, hæredesq; Dei, & cohæredes Chri-  
sti intelligi. Pari ratione per ZIZANIA se-  
menq; malum intelligit Dominus, primum,  
quidem verbum diaboli; infidelitatem; &  
alia vitia mentibus hominum occultè ac frau-  
dulenter suggerentis: deinde ipsa peccata vt  
hæreses, schismata, aliasq; perfidias, nec non  
homicidia, blasphemias, adulteria, fraudes,  
& reliqua vitiorum genera: postremò per Zi-  
zania accipiuntur illi ipsi, qui in his omnibus  
sunt exercitati, quos ipse saluator filios ne-  
quam vocat, & qui AD COMBURENDVM  
ardendumq; in æternum destinati sunt.

Ex dictis igitur liquet & ad propositam dif-  
ficultatem responsio, & sententiæ nostræ cõ-  
firmatio. Quamuis enim & Deus Omnipotēs  
non aliud quàm peccata, quæ nihil sunt (vt D.  
Augu-

Quid per se-  
mẽ bonum  
hic intelli-  
gatur.

Quid per  
zizania.

Quomodo  
Deus.

Propter ni-  
hil etiã suã  
creaturam



persequatur  
& puniat.

Augustinus sæpè & euidenter probat ) persequatur : & rugitus Christi non sit, nisi contra ZIZANIA, per quæ eadem peccata & vitia denotantur: tamen quia hæc ipsa peccata cum sint nihil, esse & consistere sola per se nullo modo possint; fit vt in quacunque creatura ( hæc verò non potest esse nisi rationalis ) illa inuenta fuerint, in ea, vel potius creatura propter illa punienda sit in æternum. Ideoq; benignissimus Leo noster Christus Iesus, & in hac parabola, & alibi frequenter rugit contra peccata, ignes illis minitando, vt tu salubri pænitudine ea expies, ne vlticibus illius manibus puniaris.

Sicut Zizania ita peccata duplicia sunt.

Alia publica.

Alia hypocritica.

Cæterum sicut ZIZANIA; ita peccata duplicia sunt. Sicut enim per ZIZANIA aliqui intelligunt omnè genus herbæ inutilis, quæ agrum boni patrisfam ilias inficit atq; corrumpit: alij verò pressius loquendo per zizania lolium accipiunt, quod dum tritici similitudinem mentitur, & cognoscitur difficilior, & bonam sementem lædit acrius: ita vniuersim loquendo duplicia sunt vitia: alia quæ sunt propalam omnibus, vt sunt furta, homicidia, adulteria, fornicationes, rapinæ, latrocinia, blasphemix, maledicentix, & his similia, quæ & decem præceptis verantur à Deo, & ad septè capita reducuntur à doctõribus: alia verò peccata sunt occulta, & hypocrisis tecta; quibus maximè Pharisei laborabant, ideòq; à Christo Domino sæpius hypocritæ vocantur, vt cum inquit;

inquit; *Quid me tentatis hypocrita?* & aliàs non rarò. Talesq; imprimis parabola hæc tangit atq; perstringit. Ideò enim occultè dicuntur seminari; ideò multum latent, ideò tardè à seruis cognoscuntur, ideò eradicari prohibetur, ne pro iis bonum semen auferas.

Curzania  
euelli pro-  
hibentur.

Euenit enim non nunquã aliud quid extremum, nempe vt dum pij ab impiis magnis clamoribus & contentionibus, vocantur hypocritæ, in eam opinionem inducantur etiam magistratus, vt credant tales illos esse, & innocentibus puniãt. Accidit id ipsi Dauidi, qui dũ

Exemplum  
Dauid.

aurem fidemq; adhibet mendaci *Sibæ*, punit innocentem *Miphiboseph*; quam ob causam etiã

2. Reg. 26.  
1. 19. Cap.

ipsum Dauidem à Deo esse punitum volunt patres. Cautè proinde hac in re magistratui procedendũ est, imò omnibus Christianis diligens opera danda, vt proximos suos facile

Amoris pro-  
prij duplex  
effectus, &

& acriter, seipsos verò tardè & molliter de hypocrisi iudicent. Vtrumq; enim ex amore

Vtrumq; Chri-  
stus in secta  
tur.

sui inordinato prouenit: vtrumq; abominabile est apud Deum: vtrumq; infectatur rugitus leonis nostri. Illud, cum inquit: *Nolite in-*

Matth. 7. 1.

*dicare, & non indicabimini*: hoc verò in parabola hodierna, & aliã frequenter. Sunt tamen in

quibusdam hæc vitia tam manifesta, vt negari non queant.

Enumeremus aliquot istorum **ZIZANIO-**

**ZIZANIO-**  
rectorũ Hy-  
pocrisi acer-  
ui quatuor.

**R. V. M.** aceruos, & simul grauitatem huius sceleris (vel scelerum potius: Hypocrisis enim vt hic sumitur, nunquã est sola) spectandam

**PRIMVS**  
**Hæreticorũ**

propo-



*Mat: 7. 15**Rō: 16. 18.*

proponamus omnibus. Sit itaq; primus acer-  
uus Hæreticorum, quos secundum omnium  
sanctorum patrum expositionem, hæc para-  
bola tangit maximè: quosque ipse Christus  
Dominus alibi comparat lupis ouina pelle  
contectis. *Per dulces enim sermones, & benedi-  
ctiones seducunt corda innocentium* vt ait Aposto-  
lus, Christi parabolas interpretando, & vnum  
ex multis modis, quibus id faciunt declaran-  
do. Verum Hæreticos ad aliam concionem  
reiciamus.

SECVN-  
DVS Pseu-  
do politicū

Qui etiam  
profitentur  
simulationē

Alter igitur aceruus horum **ZIZANIORVM**  
sit Pseudopoliticorum, qui ipsos etiam Hære-  
ticos hoc viti genere superare videntur. Hæ-  
retici enim exercere se illud negant, quinimò  
acriter contendunt, se sincere omnia agere, se  
purum putum verbum Dei adferre, se hypo-  
crisim odio habere: quam Machiauellistæ ita  
amplectuntur, vt etiam doceant. Quanta im-  
pudentia, ne dicam barbaries, ipsis etiā Scy-  
this detestanda? Et tamen (pro pudor dolor-  
que) reperiuntur inter Christianos, vosq; Ca-  
tholicos, qui talibus aurem, fidem, operamq;  
adhibent suā. Sed ne calumniis (quod absit)  
agere videamur, ducis eorum verba in mediū  
proferamus. Machiauellus igitur inter alia,  
quæ in Principe suo, principi impia dat docu-  
menta; instruit illum [belluinum ingenium  
scire induere, & tum vulpis, tum leonis mores  
assumere, plurimumq; referre ait, vt hanc na-  
turam norit quis rectè colore vestire, cum si-  
mulando,

*Machiauel-  
lus in prin-  
cipe cap: 18*

mulando, tum dissimulando] Ac tandem cum multa in hanc sententiam locutus fuisset, concludit: principi etiam si vitiosus, Deoq; infidus sit, simulandas tamen esse cum alias virtutes, tum verò religionem ipsam. O doctrina ipsis etiã Idololatri Philosphis execranda. O simulatio, non solum Deo abominabilis, sed etiã toti planè naturæ humanæ contraria. Quis enim ita secum agi velit, vt impius iste & cum proximo, & cum ipso Deo agendū esse censet? Cui illorum placeret, vt quis dextra mentem ipsius tanquam osculaturus teneret, & sinistra sicca eum transuerberaret; vt fecit Ioab Amasæ? & Machiauellus principi faciendū suadet? Hinc laudat Cæsarem Borgiam, Valentinum dictum, quem talibus artibus instructum sæpe narrat. Scriptura autem nunquid non apertè inquit: *Abominatio Domini est omnis illusor*? Et alibi. *Non decent stultum verba composita, nec principem labium mentiens*. Confer dicta hæc Spiritus sancti, cum verbis Machiauelli impostoris, & facilè intelliges, quo Spiritu afflatus ista, hisq; similia scripserit: & si Christianus es, imò si rationis compos, fuge transfugæ huius disciplinam hanc recentem, quæ fatuos & sceleratos reddit, quorū in animos semel irrepserit.

Audent tamen Pseudopolitici imposturā hanc suam ita Dei & rationis vestire insignijs: vt asserant doctrinam istam rationi quidem ita esse consentaneam, vt illud eorum axio-

Contra naturam.

2 Reg. 20. 9

Exemplum vel simile.

In principe Cap: 7.

Contra scripturam.

Pro: 3. 32.

Pro: 7. 17.

Argumenta Pseudopoliticorum.



1. A prouer-  
bio.

Ios: 8. 2.

2. Ab exem-  
plo Dei.

2 Cor: 12. 16.

3. Exemplo  
D. Pau:

Impietas  
eorum.

Fundamē-  
tū responfi.

1 Tim: 6. 4.

Dissimula-  
tio duplex

Bona, &

ma [ Nescit regnare qui nescit dissimulare ]  
prouerbio locum apud omnes dederit tan-  
quam ex ipsis naturæ fluens principiis: Deus  
autem, inquiunt, nunquid non stratagemata  
ipse docuit, & insidias ponere iussit? quæ uti-  
que sine dissimulatione fieri nequeunt. Ipse  
deniq; Apostolus, testatur, se & astutū fuisse,  
& Corinthios dolo cepisse. Quid faciemus  
hominibus istis, qui Deum diuinis oppugnāt  
armis, non vno, sed duobus modis? Etenim  
arma diuina sunt cū scriptura sacra, qua abu-  
tuntur, tum religio ipsius sanctissima: quam  
dum isti, corde & animo negligere ac conte-  
mnere; ore verò & externa specie simulare  
suadent, quid agunt aliud, quā quòd arma  
Dei contra Deum, vibrant? Neq; verò impu-  
nè id fecerint; dabunt enim pœnas maximas,  
ni resipiscant: tum iustitiæ contemptæ: tum  
pietatis simulatæ. Verū ne in argutiis suis  
sibi nimium applaudant, norint velim, non  
in verbis, sed in animo, & factis optimis ve-  
ritatem, pietatemque Christianam consi-  
stere.

De dissimulationis verbo, *pugnas verborum*  
detrectamus, tum quod vetet id Apostolus:  
tum quòd sciamus vt in communi loquendi  
modo, ita in ipsa scriptura vocem dissimula-  
tionis & in bonam, & in malam partem su-  
mi, de re ipsa agimus. Si enim dissimulatio re-  
cto animo, bona intentione & saluis tum iu-  
stitiæ tum veræ religionis sanctis legibus fiat,  
non

Mala.

non in vitiis, sed in virtutibus numerabitur. Prudentiæ enim dabit nobis specimen. At verò, si in dissimulatione animus est peruersus, finis sola dominandi libido, vel quid simile, media, fidei neglectus, iustitiæ contemptus, religionis & aliarum virtutum externa species, pestis erit, vitium erit, pessima ZIZANIA erunt, quæ rugitus leonis nostri sanctissimi, de tribu Iuda maximè insectatur. Talè verò simulandi modum Machiauellus præscribit, polyticæ suæ doctrinæ impiæ sectatoribus. Belluinum ingenium induere iubet, & iam per tyrannidem leonem agere, iam fraudem moliendo & aliud corde aliud ore verlando vulpem repræsentare atque adeò siue per fas, siue per nefas omnia ad se trahere, fidem nō solum hosti sed etiam amico ciuiq; datam violare, proprii commodi causa: ne homines lædas, Deum offendere: nosse quoq; sacra profanis miscere: imò postponere iustitiam, religionem, aliasq; virtutes [rectè colore vestire, cum simulando tum dissimulando] animo autem iniustum impiumq; esse. Hæc suadent, docent, præcipiunt Machiauellistæ, & sexcenta generis eiusdem, quorum quædam antea recensuimus, alia ad aliud tempus seruanda erunt: ne nunc æquo prolixiores simus: præsertim cum ad eorum argumenta sit nobis respondendum, quod verbis ipsius scripturæ sacræ faciemus.

Malam docet pseudopolitici.

Exempla scripturæ

hoc



- Optima dissimulatio Dei. hoc dissimulationis genus. Optima est illa dissimulatio, optimi Maximiq; Dei, de qua *Sap: 11. 24* sapiens: *Misereris omnium, quia omnipotes, & Est: 5. 10.* dissimulas peccata hominum propter poenitentiam.
- Pessima Amani. Pessima verò fuit dissimulatio Aman hostis Iudæorum, de quo dicitur: *Et dissimulata ira reuersus est in domum suam.* Vbi patibulū quinquaginta cubitorum ad suspendendum in eo
- Imitatores pseudopolitici. Mardocheum parari iussit, non alium quam pseudopoliticorum finem in animo præfixū habens, nempè dominandi, & sese vlciscendi libidinem. Verum sicut Amani consilium in caput eius recidit; ita plerumq; idem euenit talibus. Amani non absimilis est illius dissimulatio quem describit sapiens cum inquit: *Vir multum iurans, implebitur iniquitate &c. & si dissimulauerit delinquit dupliciter, primò fallaciter dissimulando; secundò mendaciter iurando.* Bona verò dissimulatio fuit illa Iobi dicentis. *Non-*
- Mala sepe iuramentum. *Eccl: 23. 12* *ne dissimulaui? nonne filii? nonne quicui?* Patiens enim erat Iob & quietus, multa dissimulans, ne rixas excitaret. Sed & illa Saulis, de qua scribitur: *ille autem dissimulauit se audire mur-*
- Bona Iobi. *Ex Saulis.* *murationes videlicet filiorum Belial, se contemnentium, si bono fine & modo fiat, vituperanda non est.*
- Solutio argumentorū. Ex his igitur cum omnes Christiani, tum verò principes eligāt quod imitentur. Ideoq; quantum patitur æquitas & religio, sciant dissimulare vt sciant regnare: secus enim si fecerint dissimulando, non scient regnare, sed sci-
- Primi. ent

ent tyrannidem exercere. Pari ratione vten-  
tur si volent stratagematibus & insidiis, in bel-  
lo iusto. Nam si iniustum gerent bellum in  
stratagema delinquent dupliciter, vt simi-  
li in casu sapiens docuit [ Cum autem quis,  
iustum bellum suscepit, vtrum aperta pu-  
gna, vtrum insidiis vincat, nihil ad iustitiam  
interest ] inquit D. August. Et benè quidem:  
Nam cum iustè insidiæ fiunt, non mendacium  
astruitur, sed veritas consiliaq; occultantur:  
quod si vnquam, maximè in re militari lici-  
tum est: dummodò nihil contra fidem datam  
hosti fiat: vel tempus anteuertendo, vel lo-  
cum mutando, vel alia contra pacta vtrinq;  
inita patrando. Id enim si exercebitur, non  
stratagema Christianum, sed impietas Ma-  
chiauellica, ipsis etiam philosophis inuisa cõ-  
mittetur. Quod verò ad D. Paulum attinet,  
hunc suo modo, id est, non syncerè citant.  
Verba enim illa, non sunt Pauli, sed obiectio  
est aduersariorum eius, & pseudoapostolo-  
rum, qui malitiosè affirmabant Paulum do-  
losè agere, & astutè ipsum per se stipendium  
à Corinthiis non exigere, vt illud per discipu-  
los copiosius reciperet. Hanc calumniam,  
ipsa Corinthiorum conscientia teste, & à se,  
& à suis repellit Apostolus, asserens neq; se,  
neq; Titum, neq; quenquam à se missum cir-  
cumuenisse Corinthios. Vnde tantum abest  
paulum dolum & astutiam sibi adscribere, vt  
eam plurimum detestetur, tum hic, tum ali-

Secundi.  
(Stratagema  
quò licitū.)

*Eccl: 23. 12*  
*Aug: q̃sti-*  
*one 10. in*  
*Iosua tom:*  
4.

Tertij. (D.  
Paulus dolo  
se nō egit.)  
*2Cor: 12. 16*



*1 Theff. 2. 3* bi: imprimis verò scribens ad Thessalonicenses, Sed de hac classe pessimorum ZIZANIORVM satis.

TERTIUS  
hypocrisis  
aceru<sup>m</sup> co-  
rum q vitia  
virtutes, has  
vitia vocat.

Origohuius  
mali.  
NOTA.

Tertius ZIZANIORVM aceruus præter dictos ( qui hic etiam locum habent ) est quorundam Catholicorum, qui siue virtutes vitiorum, siue vitia virtutum insigniunt nominibus, pestilens valdè lolii & ZIZANIORVM genus: tantoq; pestilentius quantum est & tectum magis, & frequens nimis. Quod enim vitium virtutemue hoc malum nõ pernetrauit? Occasionem dant ZIZANII istis, cum vitia, quæ virtutes quasdam imitantur: tum verò mores & vita hominum deprauata. Cum enim virtutes, præsertim morales, mediæ inter duo extrema vitia consistant; euenit, vt is, qui vno extremo laborat, & virtuosum in altero reponat extremo, & nomen virtutis ipse sibi applicare non vereatur. Inde fit, vt prodigali liberalis avarus esse videatur, contrà verò idem liberalis, pro prodigo ab avaro habeatur: vterq; tamen liberalis nomen falsò sibi adsciscit: licet vterq; ignoret medium in quo vera consistat liberalitas. Et idem sit de aliis generis eiusdem vitiis, virtutibusq; iudicium. Quod si ita vitiosus quis inuenitur, vt virtutis contrariæ nomen non audeat sibi assignare; propinquioris, & secundum deprauatum iudicium suum cognatæ virtutis nomen falsò sibi adscribit.

Exempla primi generis multa.

Hac ratione sine ratione superbia morum graui-

grauitas, siue authoritas nuncupatur. Inflat enim homines si arguantur, grauitatem & auctoritatem se conseruare aiunt: Auaritia verò tum frugalitatis, tum boni ac diligentis æconomi ornat se titulo. Vñura item quæ honesta nomina non sibi vsurpat? In nostra lingua habet certè non pauca. Quid dicam de luxuria? quæ nisi aperta sit nimis, comitas, iucunditas, & affabilitas vocitatur. Pari modo ira ac odium, Zelus bonus, quem etiam sancti habuere: vindicta propria, amor iustitiæ: gula, sanitatis conseruatio; ebrietas, hospitalitas appellatur. Quid de luxu referam? qui si in epulis est, panis elargitio à nostris nuncupatur. O si panem tuum frangeres & alia, quæ pro epulis parasti dares non diuitibus, non paratis, non helluonibus, sed vt te Deus monet per Prophetam, *esurientibus egenis uagis*, & pauperibus, in quibus se esse Christus asserit, quam bene tecum ageretur? verum quia secus fit, recorderis velim epulonis illius Euangelici, qui licet panem non comederet solus (*epulabatur enim quotidie* *Liu: 16. 22* *splendidè*. Splendor autè non fit sine conuiuio) ideoq; phrasi vestra panis dator dici debuit, nihilominus in inferno sepultus esse narratur. Caue igitur, ne idem tibi, quod illi eueniatur. Si verò luxus est in sumptuosis vestibus & aulæis, honestas: si in prodigis largitionibus & ineptis profusionibus fiat, liberalitas dicitur. Cæterum tantum hic à liberalitate,

Luxustriplex.

NOTA.

1. In epulis.

Esa. 58. 2.

2. In vestib<sup>o</sup>.

3. In largitionibus.



Linguae vi-  
tia.

Rom. 1. 30

Pro: 19. 29

Exempla secū  
di generis.

quantum ille ab honestate abest: vtrumq; em̃  
modum requirit, qui ambobus deest. Quid  
vitia linguae recenseam? mendacia, scurrilita-  
tes, detractiones, susurrationses, turpiloquia,  
adulationes, derisiones, gloriationes etiam  
de peccatis, & multa eiusmodi? quæ omnia  
tum salis iociq; honesti nomine vestiuntur:  
tum necessitate excusantur? Cū tamen nec  
necessitas sit vlla in mundo, quæ nos ad vio-  
landam Dei, & proximi charitatem cogere  
possit: nec honestum dicendum sit quod ru-  
gitus leonis nostri insectatur. Nam *susurro-  
nes, detractores, Deo odibiles* esse asserit Paulus;  
Sapiens autem clamat: *Parata sunt derisoribus  
iudicia.* Et infinita talia passim in scriptura  
occurrunt.

Ex eodē pessimo ZIZANIORVM cumu-  
lo provenit, vt virtutes pro vitiis habeantur.  
Cū enim quis in cæno flagitij alicuius inmer-  
sum se esse videt; ita contrariam sibi odit vir-  
tutem; vt illos, qui ea præditi sunt, famosis  
non cesset proscindere nominibus. Ita licen-  
tiosi (quorum magnus est numerus) amato-  
res iustitiæ, pro oppressoribus libertatis, &  
tyrannis habent. Intemperantes temperantē  
miserum & parvum nominant. Superbi, humi-  
lem abiectō esse animo aiunt. Avarus libera-  
lem, prodigū vocat. Prodigus verō frugalē,  
avaritiæ insimulat. Iracundi & vindictæ cupi-  
di, patientem, pro ignauo, imbelli, timido  
æstimant. Acediosi deniq;, & mundo carniq;  
dediti

dediti pietatis studiosos, alij pro hypocritis & simulatoribus, alij pro stultis, & mente captis reputant: Ipsamq; deuotionem purā esse melancholiam garriunt. Quibus omnibus quid dicam aptius quam quod Deus per Prophetā talibus impropert? *Vae qui dicitis malum bonū, & bonū malum: ponentes tenebras lucem, & lucem tenebras, ponentes amarum in dulce & dulce in amarum.* Et vt scias qui nam sint tales subiungit: *Vae qui sapientes estis in oculis vestris. & coram vobismetipsis prudentes.* Hic est enim fontotius mali istius, hæc origo. A simplicibus enim tales palliationes siue virtutum, siue vitiorum non procedunt: sed ab iis, qui prudentuli sibi esse videntur.

Dei cōminatio erga tales.

Is. 5. 20.

Postremus ZIZANIAIORVM & lolij aceruus cōprehendit illos, qui excusationes quarunt in peccatis. Malum & frequentissimū & vetustissimum, quippe quod in ipso paradiso ortum habuit. Et tam varium vt species eius numerari nequeant. Disseruimus hac de re aliquando: ideo ea nunc tantum notabimus, quæ hodiernum Euangelium nobis porrigit. Quorum caput est, quod dum isti audiunt ZIZANIA a diabolo seminari, statim totam peccatorum suorum culpam in Dæmonem conijciunt, immemores quam parum talis excusatio primæ illorum parenti profuerit, imo quam obfuerint plurimū. Idem profectò tibi eueniet. Quare? quia malos in malo imitaris: quia licet audias toties magna voce

QUARTVS-  
aceruus ex-  
cusatores  
continet.

Gen. 3. 12.

Qui culpam  
in dæmonē  
conijciunt.

1. Quorum  
maior ē cō-  
demnatio.

2. Octo mo-  
dis.



- Ma. 24. 42.* Christum Dominū in clamantes *Vigilate, vigi-*  
*Mar. 13. 37.* late, quod vobis dico, omnibus dico, vigilate, tu ta-  
 men in vtramq; aurem dormis securè. Nun-  
 quid non vides hanc ipsam causam omnium  
 (Nemo se- tentationum in parabola assignari? CVM AV-  
 ducitur nisi TEM DORMIRENT HOMINES VENIT  
 dormiens.) INIMICVS ait Dominus. Neminē enim Sa-  
 than ad peccatū inducit, nisi prius illum dor-  
 mire faciat. Tua igitur culpa est, quia dormis  
 3. iussus vigilare. Quia quamprimum potuisti, id  
 est, quamprimū ad vsum rationis peruenisti,  
 semen diaboli suscepisti. O quot sunt tales?  
 4. Item, quia etiam nunc agrum tuum, te ipsum  
 videlicet, per otium, per occasiones peccato-  
 rum, per carnis desideria, ad recipienda Ziza-  
 5. nia disponit quotidie: quia non inspirationi-  
 bus diuinis, sed suggestionibus mali Dæmo-  
 6. nis aurem adhibes tuam: quia insuper tu ipse  
 in te seminas semen malum, peccatis peccata  
 addendo, & per consuetudines pessimas, ha-  
 7. bitum in iis contrahendo: quia (quod supre-  
 mæ impietatis genus est) hostem tuæ animæ  
 iuratum adiuvas in seminando in aliorum a-  
 8. gnis nimis semine pessimo. O homines execrandi,  
 quos quædā Sancta diabolos incarnatos vo-  
 cat. Tales sunt de quibus apud vos vertitur in  
 proverbiū. Quo diabolus penetrare non  
 valet, malum subornat hominē: quia deniq;  
 9. dæmonem ipsum inuocas. Quot enim sunt  
 incantatores & incantatrices, quæ id apertè  
 faciunt? Quot qui eos consulunt! qui omnes  
 simili

simili culpa tenentur? quot qui toties in die illius mentionē faciunt? quoties si Iesum in-  
clamarent, facile sancti essent? Infiniti planē  
sunt tales, præsertim in plebe. Arguendi igitur  
& coercendi sunt.

Neq; audiendæ sunt aliæ eorum excusatio-  
nes; vt cū dicunt, se non solum non inuo-  
care, sed etiam maledicere diabolo, qui eos ad  
peccandum induxit. Istis enim iam pridem  
respondit sapiens grauissimis sanē verbis in-  
quiens: *Dum maledicit impius diabolu, maledicit* Ecc. 21. 30  
*ipse animam suam*: tum quod in diabolo abo-  
minetur & damnet quod ipse patrat: tū quod  
illius se subdat seruituti, quē maledicit. *A quo* Hi n. maledicunt animę suę.  
*enim quis superatus est: huius & seruus est*, inquit NOTA.  
D. Petrus. Tu verò sciens & volens, diaboli te  
subdis potestati, qui tanquam canis in catena  
positus, allatrare tibi potest, tentando: læde-  
re autem non potest, nisi volentem, & vltro  
ei consentientem. Tibi ergò imputa peccata  
accusando: ne duplicis pænæ reus sis ea excu-  
sando.

Talis quoque excusatio esse potest, si quis  
propterea peccata sua corrigere negligeret,  
quod Christus dicat in Euangelio: *Sinite vtra-* Qui hoc E-  
*quē (ideoq; etiā Zizania) crescere vsq; ad messē.* ua gelio a-  
Excusatio enim ista & impia, & inepta est. butuntur.  
Impia; quia scripturæ contraria. Inepta: quia  
parabola hæc, non de priuatis personis intel-  
ligitur, sed vniuersim quid sit futurum in Ec-  
clesia Christi prædicatur, (de quo in sequenti  
conci-



1. Pet. 2. 1

Colos. 3. 8

NOTA.

Mat. 13. 7.

III. PVN-  
CTVM.Causas ru-  
git<sup>9</sup> Christi  
inuestigat.Quarū pri-  
ma & secūda  
seruit hypo-  
crisi

Eccel. 23. 12

Is: 5. 20.

Reliq̃ omni-  
bus peccan-  
tibus.

concione agemus copiosius) Tu verò iuberis  
ex agro tuo, id est ex anima tua colligere Ziza-  
nia. Ad aures enim tuas clamāt Petrus & Pau-  
lus Apostoli; vt *deponas omnē malitiam, & omnē  
dolum & simulationes* (O quā benē vtrumque  
Zizaniis quadrat) *& inuidias, & omnes derra-  
tiones, aliāq; peccata ac vitia omnia iram indi-  
gnationem, blasphemiam, turpem sermonem.* Quid?  
Nonne ipse Saluator in parabola ideò permit-  
tit crescere Zizania, ne eradicetur simul cum  
eis & triticum? quæ conditio cū in te locū  
non habeat, tantum abest prohibere tibi era-  
dicationem Zizaniorum, vt etiam præcipia-  
tur. Nisi enim id feceris Zizania suffocabunt  
bonum semen (teste Christo sub alia parabo-  
la) quod conseruare teneris in te. O si tantā  
adhiberemus diligentiam in eradicadis vitiis,  
quantā adhibemus, in iis implantandis, quā  
citò non solum boni, sed etiam perfecti Chri-  
stiani essemus?

Hæc igitur hisq; similia sunt ZIZANIORVM  
genera, contra quæ valdè rugit leo noster de  
Tribu Iuda: peccata inquam, hypocriti & si-  
mulatione contecta. Et meritò sanè id facit.  
Sunt em̃ & duplicata, & difficulter curabilia,  
sicut illud quidem ex sapiente, hoc verò ex  
Propheta vidimus: quod & res ac experientia  
ipsa loquuntur: Vnde etiā grauitas eorū col-  
ligitur. Sed & alia omnia peccata, & ZIZANIA  
odio habet Deus, & rugitu insectatur suo  
Christus IESVS. Imò non solum ipsa peccata,  
sed

sed etiam (vt diximus) creaturam, in qua in-  
 uenta fuerint. Id enim asserit Spiritus Sanctus *Sap: 14. 9*  
 per sapientem cum inquit. *Similiter autem odio*  
*sunt Deo impius & impietas eius.* Et de Christo *Heb: 1. 9.*  
 (teste D. Paulo) concinit Dauid: *Dilexisti in-*  
*stiriam & odisti iniquitatem.* In causa autē sunt. *ps. 44. 3.*  
 3.  
 Primum quidē, quia peccatum non fecit De-  
 us. *Nihil enim odisti eorum quae fecisti,* dicit sapi- *Sap. 11. 25*  
 ens Deo. Secundo, quia inimicus ipsius hoc  
 fecit, vt ex ore Christi Domini audis in para-  
 bola hodierna, & eius interpretatione. Quis  
 autem ferat, quod inimicus in despectū ipsi-  
 us fecit? Tertiò, quia peccatum, cum sit malū  
 5.  
 & nihil, maximē repugnat naturæ diuinæ,  
 quæ & optima est, & est id quod est. Hoc enim  
 tribuit sibi nomen Deus ad Moysen loquēs:  
*Ego sum qui sum.* Meritò igitur id quod est, & *Ex: 3. 14.*  
 ipsa bonitas est, persequitur quod non est, &  
 6.  
 malum est. Quartò: quia cum peccatum cor-  
 ruptio sit naturæ, quam Deus condidit; iure  
 optimo odio & vindicta prosequitur id De-  
 us, quod opus eius destruit, propterea cor-  
 ruptionis in malum frequens est apud Apo- *2. Pet. 2. 16*  
 stolos mentio. Quintò deniq; quia cum Deo *Rom. 8. 22*  
 nihil sit ordine charius & antiquius, meritò  
 7.  
 id consecratur & punit, quod ordinem è re-  
 bust tollit. Hoc verò nihil aliud est, quàm ipsū  
 peccatum.

Imò verò (dicet quispiam) Deus inordina-  
 tionem fouere videtur, cum Angelos homi-  
 nesq; nequam, inferni addicat suppliciis, vbi  
 nullus

IV. PVN-  
 CTVM.

Effectus ru-  
 gitus Christi  
 habet, q. du-



plex est in  
vniuersum.  
*Iob 10. 22.*

Primarius  
conuersio  
peccatorū.

Secundarius  
punitio co-  
rum.

NOTA.

Infernus ad  
ordinem du-  
pliciter per-  
tinet.

In quo va-  
rie vigent iu-  
stitia & sa-  
pientia di-  
uina.

1. In colle-  
ctione.

*Nullus ordo, sed sempiternus horror inhabitat.* Sub-  
tilior hæc obiectio præbet nobis occasionē cō-  
siderandi quod quarto loco explicandū suscep-  
imus: nēpē quinā sint effectus rugitus Chri-  
sti. Hi verò, vniuersim loquendo, duo sunt.  
Alter quē præcipuē vult & intendit, vt qui in  
peccatis sunt audiendo rugitus, minas, ac ter-  
rores eius certò euenturos, conuertantur, &  
viuant in æternum. Alter, vt si id facere re-  
recusauerint, æternū itidem puniātur. Hoc  
verò non est inordinationem promouere,  
sed est, ea, quæ facta sunt inordinata per  
culpam, in ordinem redigere per pœnam.  
Sola enim pœna, quam peccans iuste meruit,  
potest culpam in ordine ponere. Id verò fit  
in inferno, vbi etiam si nullus sit ordo, sed sit  
sempiternus horror, respectu illorum, qui  
ibi puniuntur; nihilominus & infernus ipse  
ad ordinem vniuersi pertinet (vt carceres spe-  
ctant ad prætorium) & in inferno ordo est  
quem constituit Dominus, vt qua quis pœ-  
na dignus est, ea puniatur. Verum ista ex the-  
mate, quod proposuimus lucidiora erunt.  
Singula enim penè verba illius, mira iustitiæ &  
sapientiæ diuinæ argumenta nobis ob ocu-  
los ponunt. Iustitiæ quidem, qua castigat  
noxios; sapientiæ verò, qua inordinata in  
in ordinem redigit. Ponderemus itaq; illa.  
COLLIGITE Inquit Christus Dominus,  
Estq; sermo ad Angelos, vt ipse interpretatur  
dicens: *Messis consummatio sæculi est.* Messores  
autem

*autem Angeli sunt.* Quid verò aliud iubet colligere, quam quod dissipatum, dispersum, & inordinatum fuit? Notum est ex Apostolis de hæresibus, *sectas* illas vocari, qui non solum Ecclesiam: sed etiam seipso in minutas dissecant partes, ideoq; D. Paulus dissectiones sectis adiungit. Idem verò de quouis alio peccato intellige. Nihil enim ordinati est in homicidiis, adulteriis, fornicationibus, furtis, rapinis, & omnibus aliis delictis. Christus itaque Dominus præcipit Angelis peccata, & peccatores colligere: tum summa æquitate sua, ut dissipata in ordinem redigantur, ne diffuant: tum summa sapientia sua, ut nociva non noceant amplius bonis. Ideò subiungit:

PRIMUM. Id est, antequam triticum in horreum recondatur, boniq; in cælo collocetur. Sed hoc PRIMUM, inquis tardum est. Nam demum post consumationem fiet mundi: Cur non antea potius dum hic sumus colliguntur impij, ne noceant pijs? Profunda equidem quæstio: & impijs quidē petra scandalī (ut & Christus ipse) pijs verò materia cōtemplandi, & admirandi quam dixi diuinam sapientiam & occasio, illis quidem negandi, his verò laudandi diuinā prouidentiam. Etenim impij cum considerant hoc PRIMUM, illamq; collectionem Zizaniorum ad comburendum differri, putant nunquam adfuturum: sed vel casu, vel absq; diuina prouidentia euenire omnia: vnde hæc cogitantes tradunt

Mat. 13. 39

2. Pet. 2. 1

Gal. 5. 20

2. In tpe.  
Obiectio  
difficilis præ  
destinatione  
tangens

Rom. 9. 31

Impiis scilicet  
dolosus.



tradunt se voluptatibus, auaritiæ, superbix, rapinis, omniq; impietati ac inuistitiæ. Audi-  
*Ps. 17. 5.* mus voces eorum in Prophetis *Linguam nostram magnificabimus; Labia nostra à nobis sunt quis no-*  
*Iob 22. 13.* *ster Dominus est?* ait vnus: alter verò. *Quid enim nouit Deus? &c. nec nostra considerat, & circa car-*  
*Sap. 2. 5. cap. 1.* *dines caliperambulat.* Sapiēs verò graphicè pla-  
*Piis admi-* nē vno & altero penè integro capite, & cogi-  
*randa.* tationes, & vitam, & finem illorum describit. Sed & pios ita hæctor sit quæstio, vt vnus ex-  
*Ier. 12. 1.* clamarit. *Quare via impiorum prosperatur, bene*  
*Duo respon-* *est omnibus, qui puenaricantur, & iniquè agunt?*  
*dentur,* Ac si diceret. Cur zizania hæc non statim perdis Domine? cur expectas, vsq; in consummationem seculi? Si PRIMVM illud tuum verum est, vti est verissimum; cur tam serò finē fortitur suū? Verūm hac de re aliquando copiosius, si Deo placuerit, disseremus. Nunc duo nobis sufficiant. Alterum, etiam hic de mundo sapius tēpestiue auferri impios, quando nouit diuina bonitas id suis expedire. Alterum, considerationē hanc prouidentix diuinæ, sicut impiis semper, ita piis nocuisse nūquam, imò profuisse plurimū: ad contemplanda & laudandam, de qua agimus, iustitiam & sapientiam diuinā. Iustitiam quidē, qua nihil iniquū agit. Ideo illam suam admirationem sic incipit Hieremias, *Iustus quidem tu es Domine si disputem tecum.* Sapientiam verò, qua non per-  
*D. Aug in* mittit gratis viuere malos in mundo. Nam  
*Ps. 54. 6. &c.* vt ait D. August. [Omnis malus, aut ideo vi-  
*1. Tom. 8.* uit,

uit, vt corrigatur; aut ideò viuit, vt per illum bonus exerceatur.] Quod verò ad temporis diuturnitatem attinet, non est cur conquermur, scimus enim dictū esse à Spiritu Sancto. *Quia vnus dies apud Dominum, sicut mille anni, & 2 Pet. 3. 8. mille anni sicut dies vnus.* Et additur *Non tardat Dominus promissionē suam, sicut quidam existimāt,* quibus tardum videtur, quod apud Deū præsto est. Illud videlicet PRIMVM, in quo colliguntur.

ZIZANIA. De quibus, quia multa iam; In subiectione. diximus: illud tantum commemorabimus, quòd cū ZIZANIA neq; sola vnquā, neq; alibi quam in rationali creatura reperiantur; hæc verò duplex sit Angelica & humana: hic quoq; maiorem in modum diuina illa reliceat attributa. Iustitiam quidem, qua vtramq; naturam sibi, legiq; suæ rebellē visione sua in æternum priuat: Sapientiam verò, qua & nigra Zizania perpetuis adiudicat tenebris, & homines subdit dæmonibus, quia ipsi se illis prius subdiderunt; eorum potius quā diuinis iussis voluntariè obtemperando. O admiranda Dei tum iustitia, qua vnicuiq; quod suum est tribuit: tum sapientia, qua cuncta mirabiliter in ordinem redigit! Quis ad hæc non obstupescat? Sed & in sequentibus idem videre licet, non solum enim Angelis præcipit colligere ZIZANIA, sed addit insuper.

ET ALLIGATE EA. Itaque vt hîc audis 4. In alligatione, non solum colliguntur, sed etiā alligabuntur



NOTA.

impij in inferno. Alligabuntur autē, in intellectu, in voluntate, in memoria, in corpore, in affectibus, in membris, in sensibus omnibus, in cunctis denique quicquid habent, & quicquid sunt. O iusta, o sanctissima iudicia diuina! Iustum est, ut qui pessimè contra Deum abusi sunt sua libertate, vagi & vagantes per omnia creata scelestè; optimè & iustissimè, per alligationem reducantur in ordinem. Sapientiam verò, qua id perficietur, quis vel mente assequatur? Non pertransibis in posterum prata vniuersa ad explendam tuam libidinem, neq; relinques ubiq; signa lætitiæ, ut te facturum gloriaris, o luxuriose. Alligaberis sicut infiniti iam sunt alligati. Non amplius

*Is: 5. 11.* *consurges mane ad ebrietatem sectandam, & potandum usq; ad vespërā* o ebriose: Alligaberis, quando illud *Va* quod tibi propheta minatur eueniet, prout sociis & fratribus tuis multis iam euenit. Non epulaberis *quotidie splendidè* o gloriose & pompose. Alligaberis *sepultus* cū diuites illo *in inferno*. Non dilatabis horrea tua, nō multiplicabis prædia, non colliges plus iniqui mamonæ o diues auare. Auferetur enim a te anima tua, ut à tibi simili ablata est: & alligaberis, ne id facere possis amplius. Non eris rebellis Deo, & magistratui, nec te vindicabis, nec peccata tua prædicabis, nec contemnes proximū tuum, o superbe. Alligaberis! quando si nō viuus, certè mortuus cum Core Da-  
 than & Abirō descendes in infernū. Ita igitur  
 & his

& his similia cogitet velim, quē sermo noster tangit. Et antequā terribilis illa alligatio venerit: tu tu inquit, ipse nunc alliga voluntatē tuam, ne velit quod vult cōtra Deum. Hæc nō omnium maxime alligabitur, quæ omnium peccatorum est fons & origo, vt non possit quod velit, sicut nunc multa potest. Alligabuntur autem impij.

IN FASCICULOS, vt prædicit & præcipit Christus veritas. Iustissimo enim & sapientissimo Dei decreto, colligabūtur in diuersos fasciculos, luxuriosi, adulteri, molles, fornicarii, homicidæ, viurarij, ebriosi, & reliqui mortali peccato moriētes, singuli in singulos, vt & pariter puniantur, qui æqualiter peccauerūt; & sapienter locientur, qui socij in insipientia fuerunt. Neq; verò societas ista gaudium, sed mærorem, pænāq; ingentes illis afferet, quādo filius patris, mater filia, socius socio maledicet, imò dentibus eum laniabit, eò quòd vel docuerit, vel induxerit eum in peccatū. O luctuosum, infelix & crudele consortiū? Quid te ò epulo flammis inferni adiudicate commorem? Cur quæso miserabili voce petiisti ne fratres tui eundem tormentorum venirent in locum? Sanè non charitatis adductus virtute, qua caruisti superstes: sed ne pæna tibi accresceret ex eorum societate id pertimescebas, id horrebas. Exemplorum similium plenæ sunt historiæ. Tu qui ad malum incensor aliis es, vide quid te maneat. Quod enim scan-

5. In consolatione infelicissima

Luc. 16. 27  
Exemplum epulonis.



dalizas, tot tibi tormenta in ignibus paras æternis. Additur enim.

6. In diuersitate & gravitate pœnarū.

Mat: 13. 40

AD COMBURENDVM, Finis ergò cur zizania in fasciculos alliganda sint, est cōbustio. Sic enim saluator parabolā hanc intetpretans ait: *Sicut ergo colliguntur zizania, & igni cōburuntur: sic erit in consummatione seculi, mittet filius hominis Angelos suos & colligent de regno eius omnia scandala, & eos qui faciunt iniquitatem, & mittet eos in caminum ignis. Ibi erit fletus & stridor dentiū.* Vnde habemus. Primū omnia pœnarum genera hic insinuari. De quibus alias egimus. Deinde combustionem & ignes internales & similes, & dissimiles esse nostris. Similes quidem, tum quod veri ignes: tum quod ardentēs & vrentes sint. Dissimiles verò, tum quod multò his acerbiores & crudeliores: tū quòd in nostris nemo durare possit, in illis perdurabitur in æternum. Quod designat quem audis fletus & stridor dentiū, qui ibi permanebunt. Postremò habemus proiectionem impiorū in infernum per Angelos futurā. Cuius typus est in Apocalypsi sicut enim ibi *sustulit vnus Angelus sortis, lapidem quasi molarem magnum & misit in mare: ita hic peccatores diuersi, in diuersos fasciculos colligati catenis & rudentibus inferni, in tartarum tradentur cruciandi.* Et sicut quò lapis est maior, eò maiori cum impetu & fragore in mare demergitur, profundiusq; cadit: ita hīc sumo cum strepitu & eiulatu profundissimè Deū odientes, tum Hæretici, deinde bla-

Ignis inferni qualis.

Ap: 18. 21.

Proiectio in infernum qualis.

2 Pet: 2. 4.

A simili.

de blasphemis. Iudæi, Idololatæ, venefici, periuri, homicidæ, adulteri, fornicarij, & sic deinceps, pro qualitate criminum, infelicitissimi illi fasciculi demergentur. O supina hominum socordia, qui hæc non considerant? O deploranda peccatorum erga seipsos crudelitas, qui hæc non pertimescunt! Etenim *pars illorū erit in stagno ardenti igne & sulphure, quod est mors secunda*, ait scriptura simulq; denotat differentiam inter mortem primam, quæ hominem interimit: & mortem secundam, quæ impios in ignibus conseruat æternis. At enim (inquis) *Obiectio soluitur-* æquum non est, vt pro temporaneis delictis in æternum quis puniatur? scriptum est enim. *Pro mensura peccati, erit & plagarum modus. Imò Deut. 25. a* est æquissimum & sapientissimum. Iustissimū est, vt dum hic sumus in tempore, temporaneas sustineamus pænas: cum verò ex tempore in æternitatem onusti peccatis egredimur, dignum est vt *pro mensura peccati, quo in æternum peccauimus, sit & plagarum modus in æternum duraturus.* Sapientiæ autem plenū est, vt qui hic contra Deum arsit concupiscentia, ex amore sui inordinato præcedente: illic iussu Dei in ordinem redigatur, ardendo in ignibus inferni in æternum. Quid iustius? quid sapientius! Cur ergò ista, o peccator, non cogitas? cur appropinquas *stagno ardenti igne & sulphure*, eoq; peccando properas? cur qui te ipsum tantopere amas, tui non misereris? Et quomodo, inquis, id faciam? vtinam hæc & corde



corde dicas sincero, & dum tempus habes, adhibere velis remedia.

V. PVNC-  
TVM,  
Remedium  
efficax con-  
tinet nēpe.

Remedia autem, siue media, quibus tui misereri, & pœnas æternas euadere possis, aliquot iam in decursu orationis habuisti. Nunc vnum accipe efficacissimum, nec aliud quam hoc ipsum, quod proposuimus in themate. Nam vt dixi leo noster sanctissimus Christus IESVS, non, vt ille alter leo pessimus, Dei, & tui aduersarius, ideò rugit vt deuoret, sed ideò vt te saluet, dummodò velis serio saluari. Propterea enim hæc protulit in medium, vt tu ista cùm audis, & parabolam, & decretum tibi applices, antequam veniat dies illa, in qua ipse tibi (quod ablit) applicare debet. Considera igitur diligenter, in primis te esse agrum istum, non solum quia in mundo es, sed etiam quia tu ipse paruus mundus es, teste ipso etiam lumine naturali. Itaq; vide quomodo in hoc agro tuo vterq; seminator, Deus videlicet & diabolus, conditor & destructor, semen suum spargere conatus fuerit: & cui tu aurem adhibueris tuam, & ad quod semen recipiendum tuam præparaueris animam. Et si quidem inueneris, te, neglecto, imò contempto optimo illo & grano & seminatore, media luce semen suum spargente, recepisse nigra Zizania fraudulenter & occultè à pessimo tibi suggesta dæmone, erubescas obsecro stultitiam tuam, & irascaris non tam dæmoni tentati; quàm tibi dormienti, acquiescenti,

Considera-  
tionē & ap-  
plicationē  
Cum para-  
bolz.

escenti, herbam crescere permittenti, fructumq; pessimum edenti, & proferenti. Tibi inquam irascaris ex animo, & quod irati solent, seriò vindicare & exturbare tantum malum coneris. Quam ad rem conferet plurimum, singula decreti huius verba perpendere. Dic igitur cum lachrimis & contritione valida animæ tuæ, intellectui tuo, & memoriæ tuæ. Dic inquam.

Tum verò  
Thematis.

COLLIGITE ac in memoriam reuocate fideliter & exactè, omnia quæ dissipata sunt, quæ in inordinationem in me faciunt. Hoc verò quia quoduis peccatum mortale præstat, ideo ea colligite.

PRIMUM, antequam ad vltiora progressus fiat. Prius n. vitia sunt extirpanda, postea virtutes inferendæ. Sicut enim in vas liquore fætido plenum, frustra quis conatur balsamum infundere: ita nisi tu prius cessaueris à peccatis, ac de commissis dolueris, frustra de vita spirituali cogitas. PRIMUM itaq; collige, non vnum atque alterum, sed omnia omninò.

A simili.

ZIZANIA, id est peccata mortalia, quæ odit Deus, quæ patraisti, quæ seminavit diabolus per quæ factus es filius eius, imò diabolus. Ita em̃ Christus Iudam proditorem vocat, Paulus verò magnum illum filium diaboli. Placet nè tibi hoc agnomen? Minimè ut arbitror, ignominiosum est n. Cur ergò illud imponi tibi permittis? Cur illius te èfferata

Ne velis esse  
fili⁹ diaboli.  
Ios 6. 70.  
Act; 13. 86



subdis tyrannidi? à qua liberabere, si & ea, quæ dicta sunt, & quæ sequuntur feceris. Si præterea animæ tuæ, & eius potentiis dixeris.

ET ALLIGATE EA. Non solum enim colligenda; sed etiam alliganda sunt peccata. Colligenda per recordationem, alliganda per confessionem, & alliganda sunt.

IN FASCICULOS vt & scias, & confitearis, non solum omnia, quæ patraſti peccatorum genera, sed etiam numerum. Ligabis ergò fasciculum fornicationum ex tot actibus imò cogitationibus confectum; alligabis alium ex tot detractationibus, ex talibus vſuris, & ex aliis quorum meminisse poteris peccatis, quorum omnium & species & numerum fideliter recensebis. Quam ad rem iuuabit plurimuū, non solum non aegrè ferre (vt quidam) quando hac de re interrogaris à confesario: sed etiam rogare illum vt id faciat, vt te adiuet, nihil vt remaneat in tua conscientia, quod diuinam posset offendere maiestatem. Hæc est enim bona alligatio, quam postea sequetur optima sacerdotis solutio, & absolutio. Alligabis autem Zizania.

Velis interrogationib.  
iuuari-

ignem duplicem adhibe.

AD COMBURENDVM. Sacro videlicet igne, qui duplex est, quorū alter apud te, alter apud sacerdotē residet. In te excitabis ignem doloris de peccatorū consideratione Cōsiderabis præterea ignem angustiarū illarum, quæ inuadunt

inuadunt impios cum sunt in extremis, quādo decretum hoc Christi promulgari contra eos ceperit: tum verò ignis illius æterni & camini ardentis, in quem inycientur omnes impii, vt ibi primum in omnia, tum verò in corpore ardeant & affligantur in sæcula sæculorum: tum supremæ infælicitatis & stultitiæ tuæ, nisi resipueris. Miserrimè tecum agetur, si amissa fælicitate summa, in summam detruderis miseriam, ex qua nunquam poteris liberari. Si enim liberari ab illa posses, summa non esset. Stultitia verò quæ potest esse maior, quam rugitum incertum leonis animalis timere, rugitum verò leonis cælestis, qui nunquā non expletur, non perhorrescere? quam te ipsum corpusq; tuum, quod tantopere amas tantis tormentis obijcere? Hęc animo tuo cogitanda propone, hæc considera. Et considerando, excute in te ignem furoris tui, erga peccata tua, quæ pœnitentia, humilitate, contritione, confessione, & satisfactione, quantum potes & vales in te punias & vindices. Id enim si feceris *Cor contritum & humiliatum Deus non despiciet* sed accedente altero igne, quem se missurum in terram filius Dei pollicetur, & qui sicut in aliis sacramentis, ita per absolutionem sacerdotalem ritè peractam datur, ex filio diaboli, filius efficiaris Dei, præstante Deo & Domino nostro Iesu Christo, qui est benedictus in sæcula sæculorum. AMEN.

Alteri tu  
furoris erga  
peccata.

Alterum sa-  
cerdotū qui  
datur in ab-  
solutione.  
*Pf: 50. 19.*  
*Luci 2. 49*



SEPTEM  
ECCLE-  
SIÆ NO-  
TÆ.

# CONCIO SECVNDA

## Fides.

EXOR: ab  
Admiratio-  
nem.

**M**Irari sanè non sine causa, quispiã posset, qui fiat, quòd non solum hæretici, eorumq; alleclæ; sed etiam quidã non vulgares Catholici, illa, quæ ad errorem comprobandum ab hæreticis leuiter proponuntur, grauiter & suscipere, & suspicere soleant: quæ verò ab Orthodoxis pro ueritate neruosè dicuntur, & cum fastidio audire, & pro minus probabilibus habere consueuerint. Exemplum huius rei præbet nobis hoc, quòd lectum audiuitis Euangelium, ex quo illud solum, quod illorum buccinatores Ministri pro non castigandis hæreticis adferunt argumentum, tam altas in nostris hominibus radices fixit; vt viderim non modò seculares; sed etiam Ecclesiasticos, imò Episcopos, eorum argutiis, & suauiloquentia non parùm hac in parte commoueri. Tantùm valet incauta cum hæreticis conuersatio. Quibus vt opem feramus, demonstrare institui, hunc ipsum scripturæ locum, nobis nihil, hæreticis verò obesse plurimum: vt hac ratione & fidei Catholicæ veritas, & hæreticorum uersania palam sit omnibus.

PROP:  
septē signa

Quinimò loquar cum sancto illo Rege ad  
Domi-

Dominum meum: Redde vicinis nostris septuplum in sinu eorum: improprium ipsorum, quod exprobrauerunt tibi Domine. Tibi enim sponsæque tuæ, quæ est corpus tuum, exprobrant Domine. Nos enim quid sumus? Redde igitur illis ex hoc ipso Euangelio, septuplum in sinu eorum, & ostende Domine Ies v septem viis, apud nos tuam Ecclesiam, apud illos verò Sathanæ Synagogam reperiri, ad laudem nominis tui, ad exaltationem sponsæ tuæ, ad confusionem conuersionemque inimicorum tuorum.

Antequam ad ea, quæ proposuimus accedamus, videndum est vndenam ille de quo in exordio egimus, incautus & noxius proueniat animus. Cuius quatuor causas videre mihi videor. Impudentiam videlicet hæreticorum, fraudem dæmonum, socordiam Catholicorum, & permissionem diuinam. Permittit Dominus vt tentet nos: Id disertis verbis testatur Moyles cum reddens rationem, cur Deus permittat venire pseudopphetas, inquit: quia tentat vos Dominus Deus vester, vt palam fiat vtrum diligatis eum an non, in toto corde, & in tota anima vestra. Qui enim feruens est in Dei dilectione, neque istis neque aliis hæreticorum næniis quicquam mouetur. At frigido, incauto, & qui inordinatos suos sequitur affectus, aqua furtiua dulciores sunt, & panis absconditus suauior. Quis verò dulcia, sua, magnaque efficit argumenta hæreticorum?

Nemo

Ecclesiæ

pollicetur.

Ps. 78. 12.

Cur Hæreticorum dicta quidam mirentur:

Causæ quæque.  
1. Permissio diuina.

Dei: 13. 3.

2. Tepiditas Catholicorum.

Pro: 9. 17.

3. Fraus dæmonum.



4. Impudē-  
tia heretico-  
rum.

Ro: 16. 18.

7. Superbia.

2. Tim: 3. 5.

Tit: 3. 2.

4. Tim: 3. 7.

Remedia.

Nemo certè alius, quam ipse Sathan, & Mi-  
nistri eius. Ille enim quibus per peccatum  
dominantur, eorum corda titillat, eaq; ad  
acquiescendo mendacio, mirificè & veterato-  
riè disponit. Ministri verò ipsius, tum impu-  
dentia sua, clamoribusq;, quibus & res mi-  
nimas nimium exaggerant, & Catholicis mi-  
rificè insultant, tum per dulces sermones, & be-  
nedictiones seducunt corda innocentium, teste A-  
postolo: quantò magis nolentium, & eorum  
quorum corda cum aliis, tum superbiæ vitio,  
constricta tenentur? Signum verò superbiæ  
evidens est, de omnibus tam hominibus,  
quàm rebus (etiam sibi ignotis penitus) iu-  
dicare velle, quod pleriq; faciunt, quando a-  
liquos disputantes cum hæreticis audiunt.  
Res profectò lachrymis digna. Si enim Apo-  
stolus Episcopos, & tales Episcopos, qua-  
les erant, Timotheus & Titus monet seriò,  
vt hæreticos deuitent; scientes eos subuersos  
esse: quantò magis hominibus priuatis id  
obseruandū est? Quod quia nō fit, ideo multi  
*in laqueum incidunt diaboli*, quo irretiti pror-  
sus concidunt.

Oro Catholicos meos & obsecro per viscera  
misericordiæ Dei, vt cauti sint hac in parte,  
caueant disputationes hereticorum, caueant  
dulces sermones eorum, caueant congressus,  
caueant quæ inde oriuntur præsumptuosa iu-  
dicia: diligant autem Dominum Deum in  
toto corde, & in tota anima sua, & tentatio  
quam

quam permittit Dominus non nocebit eis: videbuntque luce meridiana clarius argutias hereticorum, telas esse araneorum: Catholica verò fidei firma & solida tum argumenta, tum fundamenta: quorum iam aliquot ex Euangelio colligamus. Et quia constat omnibus hic Christū Dominū de regno suo, quod est Ecclesia, loqui, statimque ipsius hac parabola per varias personarum, loci, temporis, aliasque circumstantias exactè nobis depingere: ideo iisdem vestigiis insistendum nobis erit, ut inuestigemus, ubinam sit Christi in terris congregatio: quam apud nos qui Catholici sumus, non alibi reperiri, septem viis (quarū penè singulae, aliquot in se argumenta continebunt) ostendemus. Sex quidem nobis peculiaribus; septima verò illa ipsa erit, quam perduelles torquent.

Primum itaque signum Ecclesiae sumitur ex-  
 personis seminantibus, quarum altera est PA-  
 TER FAMILIAS, ipse videlicet *filius hominis*  
 Christus IESVS: altera INIMICVS Homo,  
*diabolus* eodem Christo interprete. Neque verò  
 sub dubium cadit, ibi esse Ecclesiam, ubi pri-  
 or verbum veritatis, ibi verò Synagogā Sa-  
 thanæ, ubi alter verbum mēdaciū disseminat,  
 cum id omnes admittāt: sed controuersia est,  
 quæ persona cui congregationi conueniat:  
 quam tamen dirimit, tum experientia, relque  
 ipsa oculis subiecta: tum consensus orbis to-  
 tius tum ipsa aduersariorum confessio: quis  
 plura

I.  
SIGNVM  
ECCLE-  
SIÆ.  
Mat. 13. 37.

Christum a-  
pud nos: de-  
monē apud  
Hæreticos  
seminare  
probaturo



1. *Expiencia**Dōnica. 1.**Aduemus**Conc: 2.**In opusculo**polonico**Práwidlo**diſto edito.**Año. 1592.*2. *Consensu*  
*toti<sup>o</sup> orbis.*

plura iustè exigit? *Experiencia* docet fidem Catholicā inniti veritati, hæreses omnes mendacio & calumniis fulciri. Habuimus hac de re aliquando pene integram concionem, nec est quòd eadem repetantur: præsertim cum non solum Latina sed etiam vernacula lingua edita extent volumina, quæ plaustra mendaciorum & hæreticarū calumniarum adferunt, & enumerant. Norunt Vilnenses mei, me præcipuo, qui in Polonia est Ministro (qui postillatium ingentium voluminū infinitis refertā mendaciis suis conscripsit) misisse centum capita falsitatum, mendaciorum & calumniarū, collecta ex libello eius edito contra vnum è Societate nostra. Norunt quanta cum iactantia responsum paucos post menses promittebatur, quod necdum post quatuordecim annos comparet. Talia enim fuerunt, quæ neque impudenti inficiatione negari, neque argutis fallaciis dissolui poterant. Ad ea igitur vos aliāq; his similia remitto. Ego verò me ad consensum orbis terrarum omnium seculorū conuerto, qui talis est, vt non Catholici tantum, sed & ipsi Schismatici, & hæreticorum pleriq; fateantur, apud nos salutem, ideòq; veritatem reperiri. Notum est vobis, Russos etiam illos, qui schisma profitentur, in mortis periculo, Catholico sacerdoti confiteri, & ab eo sacramenta absolutionis & Eucharistiæ accipere consueuisse. Hoc ipsum faciunt, & docent suos, tum Armeni alterius factionis schisma-

Schismatici, tum Ecclesia orientalis schismatica.

Hæreticorum verò nonnè pleriq; fatentur, in papatu posse aliquem saluari? Imò nouus ille Elias laxonicus disertis testatur verbis

[In Papatu veram esse scripturam sacram, ve-  
rum sacramentum altaris, veras claues ad re-  
missionem peccatorum, verum prædicandi  
officium, verum Catechismum &c. Insuper  
sub Papatu veram Christianitatem, imò ve-  
rum nucleum Christianitatis esse] Hæc Lu-  
therus, vbi verò ista sunt, ibi Christum qui  
hac leminat, esse necesse est. E contra verò,

3. Confessio-  
ne aduer-  
sariorum.  
Lutheri.

Lutherus  
in epistola  
ad duos pa-  
rochos cō-  
tra Anaba-  
pti.

quis eorum qui Christiano gaudent nomine  
fatebitur, apud aduersarios veram doctrinā,  
veramq; esse ad salutem capeſſendam viam?  
præter Catholicam, & eam quam quoq; pro-  
fiteretur fidem? Quinetiam (quod stupendum  
planè) ne hanc quidem. Quot em̃. sunt pro-  
fessione (quam Synagogæ, quas frequentant  
produnt) siue Lutherani, siue Calviniani,  
qui si in rebus fidei auctoritate & scriptis pa-  
triarcharum suorum premantur, respondent  
quid mihi cum Luthero? quid cum Caluino?  
scripturam volo, huic soli credo. Quod quid  
aliud est dicere, quam Lutherum, & Calui-  
num in fide errasse, falsum docuisse, ac proin-  
de, malum dæmonem semen suum per illos  
sparsisse?

Quod tam verum est, vt nec ipsi id diffite-  
antur. Lutherus prolixam recenset disputa-  
tionem

Luth. in  
libello de



*Missæ an-  
gulari.*

*Zuinglij.*

*Zuinglius  
in subsidio  
Eucharis-  
tiæ.*

*Anabaptista-  
rum.*

tionem, quam noctu cum diabolo habuit; asseritq; verbis expressis, se argumentis Sathanae conuictum, Missæ sacrificium abrogasse. Quam bonus Israel Deus. qui cogit impios scribere talia? Qualis cæcitas credere iis, qui fatentur doctrinam suam à dæmone se accepisse? Quanta putatis supplicia mereri, qui ita volentes & valentes insaniunt? vtinam conuertantur & non experiantur. Sed & Carolstadio & zuinglio primis Sacramentarium nostri temporis parentibus idem cōtingit. Quorum iste scribit se noctu à spiritu in somnis edoctum fuisse quam ratione verba Christi, *Hoc est corpus meum* infringere posset. Et quamuis de hoc spiritu Zuinglius dicat [ater fuerit, an albus, nihil memini.] Nemo tamen hominum præter illum & eius asseclas dubitat, atrum diabolum fuisse, qui lucidissima Christi Domini verba, fuliginosis ac mendacibus suis expositionibus obscurare conatus est: Taceo Anabaptistas, & Entusiastas, quibus familiare est recensere visiones suas, quas astutiores quidem candido ascribunt spiritui: at simplices tetrū agnoscūt. Ex eorum numero fuit ille quo cū Romæ in inquisitione egimus, qui falsus est, se cum in magnis esset angustiis, ab Æthiope puero ita confortatum fuisse, vt nulla postmodum sentiret tormenta. Passimq; ex iis, qui conuertuntur discimus, spiritum, quem Anabaptistæ sanctum vocant, aut in forma muscæ, aut huic

huic simili apparere. Quod verò obiiciunt, etiam summos pontifices, rem cum dæmone habuisse, id etiamsi verum esset ( innumera enim sunt eorum mendacia ) nihil tamen esset ad rem, & ad nostram controuersiam. Nunquam enim ostendent hæretici vel ex vno probato authore, multò minus autè ex scriptis pontificum, quenquam eorum doctrinam suam a dæmone hausisse: quod nos ex ipsis hæresiarcharum verbis demonstraui-  
mus. Hic est igitur primus Christi in Ecclesia Catholica triumphus.

Alterum dabit nobis consideratio semen-  
tis, quam hi duo seminant. Et Christus qui-  
dem Dominus tum in parabola, tum in ex-  
positione respondet: Filium hominis seminare  
SEMEN BONUM & filios regni: Diabo-  
lum verò seminare ZIZANIA id est nequi-  
tiam, & filios nequam, qui inde oriuntur. Hoc  
ipsum credit fides nostra Catholica. Credit  
inquam, quicquid in mundo est boni, omnè  
veritatem, omnem gratiam, omnem virtutè,  
vnde filii Dei fiunt, & generantur, à Deo esse:  
his verò contraria à diabolo semicante, & ho-  
mine dormiente, ac consentiente procedere;  
mendacium, impietatem, iniustitiam, luxu-  
riam, homicidia; rapinas, omneq; peccatum,  
& iniquitatem, quæ filios nequam & perditio-  
nis efficiunt. Contra verò hæretici, per sum-  
mā impietatem & blasphemiam, omnis mali,  
peccati, & scelerum, quæ patrant homines,

II. SIGNVM  
ECCLE-  
SIÆ.

Catholici  
solius boni  
hæretici eti-  
am mali au-  
cto em Deū  
faciunt.



*Lirinen. in  
commoni-  
torio Sc.  
De Ireno:  
Euseb. lib.  
5. hist. cap.  
20. Calu.  
contra li-  
bertinos.*

auctorem faciunt Deum. Hoc Simon ille magnus primus hæresiarcha teste Vincentio Lirinenfi. Hoc Marcionistæ, & Manicheim-nus tamē propriè: hoc Florinus Iræneo plusquam hæreticus propriissimè: hoc alii antiqui tenuerunt hæretici; Hoc noui Libertini, te-ste parente illorum Caluino, hoc Lutherus, Melanchton, Zuinglius, Calvinus, Beza, & aliæ nostri temporis pestes senserunt, insinuarunt, docuerunt. Negant? at scripta illorū testantur; obscurius quidem. Nam & hoc docet Christus in parabola. Vultis quo id si-at modo videre?

III. SIGNŪ  
ECCLESIAE

Tertius itaq; triumphus Christi (coniūga-mus vtrumq; , & simul probemus) & signum Ecclesiæ habetur, ex modo quo duo isti semi-nant. Bonus n̄. SEMINAVIT BONVM SE-MEN, more consueto, interdū luce clara: malus verò CVM DORMIRENT HOMI-NES, ac proinde noctu, occultè, in obscuro, ET ABIIT, profugit, occultavit se, ac si ni-hil mali fecisset. Ecce alia hæreticorum effi-gies. Noctu, furtivè, in angulis doctrinam suam disseminare incipiunt. Noctem dulcissi-mis sermonibus suis, contentionibus, adu-lationibus in mentibus discipulorum gene-rant. Noctem in mores inducunt, cum carni habenas laxant. Noctem inducunt, & tene-bras palpabiliores quam erant Ægyptiacæ ac-cersunt, quando suos docent, scripture in-terpretationē superbè sibi arrogare, & neq; concili-

Hæretici no-  
ctu, Catho-  
lici clara lu-  
ce doctrinā  
suam disse-  
minant.

I. Patet ex  
quinq; mo-  
dis quib; id  
faciunt.

conciliis, neq; doctoribus, neq; vlli hominum  
sefe submittere, sed de omnibus iudicare vel-  
le. Quid hac cæcitate tetrius? Noctem indu-  
cunt, dum doctrinam suam celant. Nun- <sup>2. Expientia</sup>  
quid nō nostis plurimos, tum in hac Vilnensi  
ciuitate, tum alibi, qui cum sint cætus Calui-  
niani, credunt tamen in Encharistia verè esse  
corpus Christi tunc in terra præsens? idq; se à  
suis didicisse aiūt, licet Ministri illorum Chri-  
sti corpus à toto terrarum orbe longè abesse,  
& in parte tantum cæli residere sentiant? Un-  
de hæc quæso contrarietas? Non aliunde quā  
ex astutia Ministrorum, qua mentes suorum  
excecant: dum & eorum opinionibus sese ac-  
commodant: & dicta scriptaq; sua miris inuo-  
luunt obscuritatibus. Partior fuit hac in par-  
te Lutherus: propterea frequenter aperte sibi  
contradicit. At Calvinus tenebricosus, tor-  
tuosius inuolutus, quod negare videtur, aliis  
astruit verbis.

Tale est quod præ manibus habemus, an <sup>3. Exemplo de</sup>  
Deus sit auctor malorum & peccati; quod <sup>auctore pec-</sup>  
negant quidem verbis & Calvinus, & alii hæ- <sup>cati.</sup>  
retici, etiam libertini ipsi, quos tamen sic per- <sup>Cal. in E-</sup>  
stringit Calvinus [ se Deum mali auctorem <sup>pist. ad Ro-</sup>  
facere nolle affirmant; sed quid prodest eius <sup>tomagen.</sup>  
modi subterfugium in re tam aperta? ] Idem <sup>cōtra Frā-</sup>  
ego Caluino & aliis dico. Certum & inscul- <sup>ciscanum</sup>  
ptum est naturæ humanæ; qui per alium agit, <sup>Libertinu.</sup>  
eum operis, quod resultat non solum aucto- <sup>Quod varijs</sup>  
rem esse, sed & causam præcipuam. Id in na- <sup>demōstra-</sup>  
tura.



turalibus, id in moralibus euidentis est. Quis enim opus affabrè factum malleo, aliisue instrumentis potius, quàm artifice adscribit? Nonne quilibet vestrum ignominia affectus, non famulum, qui id præstitit; sed Dominum, qui famulum suum ad id faciendum impulit aut in ius vocat, aut propria vlciscitur auctoritate? Non alia profectò de causa, nisi quòd herum, auctorem malo sibi illati esse iudicat. Idem ergò de Deo auctore peccati est hæreticorum iudicium: qui non solum permittere Deum peccata fieri asserunt (quod & Catholici aiunt) sed etiam contendunt, Deum velle fieri mala & peccata, imò id ab æterno discernere; insuper tum dæmones, tum homines ad ea patranda inclinare, impellere, cogere, deniq; Deum ipsum in mentibus impiorum operari peccata, per extremam affirmant blasphemiam. Hinc scilicet illæ eorum doctrine & voces a Ita opus Dei est adulterium Davidis, & Iudæ proditio, vt Pauli vocatio [ b Homo (inquit Calvinus) iusto Dei impulsu agit, quod sibi non licet ] De Sathana verò sic? [ c Sathan ipse instrumentum quod sit iræ Dei, pro eius nutu ac imperio, huc atq; illuc se inflectit, ad exequenda eius iusta iudicia ] Et paulò post mandati facit mentionem. Additq; idem Calvinus, hæc se loqui non de vniuersali Dei motione, sed [ de illa speciali actione, quæ in vnoquoq; facinore apparet ]

*a Melā: in doct. 8. ad Rom.*  
*b Cal. lib. 1. Inst. ca. 18. sec. 4.*  
*c Cal. lib. 2. Inst. cap. 4. sec. 2. & 4.*  
*d Cal. lib. 1.*

Alibi verò inquit de Deo [ Et certè nisi in-

tus

tus operaretur in mentibus hominum, non rectè dictum esset; auferre labium à veracibus, & à senibus prudentiam. *Inst. ca: 18*  
*sec: 2.*

Quis cordatus & pius hæc audiens non cō-  
tremitat? quis rationis compos non videt,  
quàm apertè hæretici auctorem peccati faci-  
unt Deum? quod tamen negatiuis suis occul-  
tant, vt duplicis criminis rei teneantur, & du-  
plici ratione declarent, apud eos verè esse sy-  
nagogam Sathanæ. Tum quòd mali seminis  
feminatorem faciant Deum, contra parabo-  
lam Evangelicam: tum quòd occultè id faci-  
ant, quod inimici hominis diaboli proprium  
esse testatur Christus. Vtrumq; euidens est  
ex dictis. Si enim Deus tanquam instrumē-  
to ad scelus commitendū vtitur Sathana, si  
mandat, si imperat ea fieri, si insuper mouet,  
impellit, cogit (vt quidam illorum ait) &  
dæmones & homines ad peccandum: si de-  
niq; quod omnium est funestissimum, ipse  
[intus operatur in mentibus hominum spe-  
ciali actione] scelera, quomodo feminator  
Zizaniorum, quomodo auctor & effector il-  
lorum non erit? At verò hæc sentire hæreti-  
cos, nonne ex illorum scriptis inclaruit? Con-  
tra verò fides Catholica Romana hæc omnia  
tāquam portenta & blasphemias detestatur.  
Afferit enim Deum quidem semen bonum  
quodcunq; est in mūdo ipsum seminare: ma-  
lum verò semen & Zizania diabolo (dormi-  
tante & consentiente homine) seminandum

*Cur negent  
id hæretici.*

*Zuinglium  
in sermone  
de puidē-  
tia Cap. 4.*

*Cōcluditur  
duplici ar-  
gumento.*



permittere vt vel hinc vera Christi Ecclesia apud Catholicos; apud hæreticos verò diaboli synagoga appareat. Quid? quod hæretici cū doctrinam suam noctu disseminent, suamque sententiam variè occultent: apud Catholicos verò quæ ad fidem attinēt, palam fiāt omnia, *Ma. 10. 27* impleaturq; illud Christi domini. *Quod dico vobis in tenebris, dicite in lumine, & quod in auribus audistis predicate super tecta*: an non hīc Christi Iesu apud illos verò diaboli erit congregatio? Sentio me in hoc Christi triumpho fuisse quā volebam longiorem, ad alium igitur transamus.

IV. SIGNŪ  
ECCLESIE

Quartum triumphum Christo & sponsæ eius dabit AGER. Peto enim ab aduersariis. Num in vniuerso mundo seminetur semen Christi, vnde ipsius excreſcit Ecclesia, an non? & quicquid elegerint, se & carere hoc semine, & non esse in Christi Ecclesia palam ostendēt omnibus. Si enim negauerint, quod Christus asserit dicens: *Ager autem est mundus*, quomodo membra ipsius erunt, cuius auctoritatem negant! Sin concesserint, concedant etiā necesse est, se non esse in Ecclesia Christi, cum fides eorum nec annuncietur, nec vnquam annunciata fuerit in vniuerso mundo, sicut annunciat fides Romana, teste & Apostolo, & ipsa experientia. Ex aduerso verò Lutherana fides vix Vittembergæ nata, ibidem viuente. tum Luthero, à Carolo stadio, & Anabaptistis naufragiū pati cepit. Idem Caluino ab eius disci-

Fides Romana in toto vniuerso; hæreticaverò in ægulis mundi.

*Mat. 13. 38*

*Rom. 1. 8*

discipulis, Gentili, Serueto Ochino, & aliis  
 accidit. Hoc ipsum cæteris euenit, ita vt purā  
 Lutheranam Calvinianamue fidem vix iam  
 reperiās, ac ne vix quidem, fietq; Christo be-  
 ne propitio, vt omnes he perfidiæ, quæ non  
 solum in Oriente, in Occidente, in Meridie,  
 sed etiam in Hispania Italiaq; incognitæ sunt,  
 ex toto orbe penitus profligantur. Faxit id  
 citò Deus. Quod verò hæretici aiunt, doctri-  
 nam eorum olim vbiq; viguisse. Hæc tam pu-  
 tida est gloriatio, quàm illa fuit patris eorum  
 diaboli, mentientis omnia regna mundi in sua  
 fuisse potestate, liberumque sibi esse dare illa  
 cui vellet. Sicut enim diabolus non est domi-  
 nus mundi, ita nulla vnquē hæresis viguit in  
 vniuerso mundo, sed latitat tantum ad tēpus  
 in aliquo mundi angulo. Quod si obieceris,  
 Zizania quoq; in eodem agro, ideòque in vni-  
 uerso mundo seminari respōsio facilis est, per  
 Zizania à Christo omnem perfidiam. omniaq;  
 scelerū genera intelligi, quæ vniuersim vbiq;  
 seminātur: peculiariter verò etiā vitia ipsa alia  
 aliis regionibus magis sunt familiaria; nūquā  
 autē vlla hæresis cōmunis erat omnibus gen-  
 tibus. Soli enim verē Christi fidei Catholicæq;  
 Ecclesiæ id propriū est, & eius signū euidens.

Impudens  
 hæreticorū  
 mēdaciū.

Luc. 4. 6.

Obiectio  
 soluitur.

Quintus Christi Domini triumphus, & in-  
 diction Ecclesiæ ipsius, colligitur ex duobus  
 verbis, SVO, &, SVPERSEMINAVIT. Chri-  
 stus enim Iesus Dominus noster semen suum  
 bonum seminat in AGRO SVO: diabolus

V. SIGNVM  
 ECCLESIAE



Fides Catho-  
lica apud om-  
nes Gētes  
seminatur  
perfidia hæ-  
retica super  
seminatur.

verò ZIZANIA in alieno, id est in Christi Domini agro SUPERSEMINAT. Superseminat, inquam, quia nunquam vlla hæresis virus suū spargit, inter Gentiles, Iudæos Machometanos, hisue similes, sed semper sata infectatur Catholica, seu quæ olim Catholica fuerunt. Eximium sanè signum & Catholicis magnæ consolationis. Catholica etenim fides non solum totum implet orbem, sed etiā vniuersas nationes, linguas populos occupat primū, quos postmodū dormitantes Sathan variis inficit hæresum erroribus. Hæc Ecclesiæ nota, sicut & prior, ex omni deducitur antiquitate. Lustra omnia climata vniuersi orbis, vide omnes historias, & reperiēs ōnes omnium temporum veros Christianos, vel cum Romana in Ecclesiā fide conuenisse, vel ab ea fidem accepisse. Testes sunt tot historiarum tomi ab Illust: Cardinali Baronio, sapientissimè & fidelissimè collecti: testis & ipsū Breuiarium Romanum, quod omnium nationum sanctos complectitur, testis rerū omnium magistra experientia etiam hoc tempore. Nam vt aliena taceam, Nonne Polonia nostra ante 600. nonne Prussia aliquanto pōst; nōne Lithuania ante 200. annos Euangelium à Romano accepit pontifice? Quid dicam de nouo orbe orientem & occidentem verlus? de regnis amplissimis, de insulis innumeris, de populis omnibus retro sæculis incognitis, qui in annos singulos noui recenteq; & Romanā sulci-

fulcipiunt fidem, & Romano Pontifici submissam exhibent obedientiam? Contra verò ostendant hæretici, quas vnquã integras provincias vel populos ex Idololatria ad suam fidem (vel perfidiam potius) pellegerint & pertraxerint? Non ostendent equidem. Soli enim Orthodoxæ, Catholicæ, Romanæ Ecclesiæ id est proprium, secundum fidelissima promissa Christi Domini, & in hac parabola, & alibi facta.

Imò verò, si rem altius considerauerimus, inueniemus ab ipso mundi exordio semper Deum primum bonum semen in agro suo seminasse, postea verò Sathanam in eodem superseminasse, Zizania, siue impietatis, siue etiã infidelitatis. Deus etenim optimus maximus optimum semen gratiæ suæ in primis nostris parentibus seminavit primum; post modum verò Sathan per serpentem venenum Eux instillavit, ac peccatum Originale inuexit. Itaque prius Cain munera Deo obtulit, postea dæmon in animo eius zizania fratricidij superseminavit. Item prius posterius Adæ & Nòe Deum sacrificiis coluerunt: postmodum cultus dæmonum per Idololatriã introductus fuit. Et idem de posterioribus temporibus sit iudicium. Quod verò hæretici aiunt, in Græco non esse superseminavit, sed seminavit: id suo more faciunt. Quid enim est quæstionis de verbo, cum rem teneamus? Certè cum qui seminat vbi prius fuit seminatum, superseminare

Hec signũ à  
mũdi exor-  
dio viguit.

Obiectio  
soluitur.



nare necesse est. Quis verò nouit etiā verbum  
 ipsum in Græco olim non fuisse, cum etiam  
 Erasmus concedat sic interpretem nostrum  
 legisse? Quasi verò, vel Matthæus, qui solus  
 hanc parabolam habet, Græcè scripserit: vel  
 in Græco non habeatur seminauit per mediū  
 tritici; quod idem ac superseminauit valet.  
 Benè de hæreticis inquit Apostolus, eos *circa*  
*quæstiones & pugnas verborum languere*, languent  
 dum nihil solidi in medium adferunt: pugnas  
 verborum confectantur, vt hinc illos agno-  
 scas: & aut conuertaris & viuas, aut sis inex-  
 cusabilis, qui Ministris diaboli potius, quam  
 Apostolo graphicè illos depingenti, fidem ad-  
 hibere malueris.

Hæretici ab  
 Apstolo  
 depinguntur.  
 1. Tim. 6. 4.

VI. SIGNŪ  
 ECCLESIAE  
 Malos esse  
 in Ecclesia-  
 que hæreti-  
 ci negant.

Sextus Christi Domini triumphus habe-  
 tur ex ZIZANIS. Quæro ab aduersariis. Sint  
 ne in Ecclesia mali & impij? si esse eos asserue-  
 rint, imposturæ scripta illorū eos conuincant,  
 quæ solos siue prædestinatos, siue iustos col-  
 locant in vera Christi Ecclesia. Omitto wicle-  
 phum & Huls. Caluini sunt ista, [non illumi-  
 nantur, nec Euangelij efficaciam verè sentiunt,  
 nisi qui præordinati sunt ad salutem] quibus  
 verbis concludit, quod copiosè, sed vetera-  
 toricè per aliquot sectiones probauerunt. So-  
 los electos & iustos vera fide illuminari, ideo-  
 que solos esse in vera Ecclesia. Idem quo ad  
 iustos sentiunt <sup>a</sup>Lutherus, <sup>b</sup>Melanchtō, Cō-  
 fessio Augustana, & sequaces eorum. Deniq;  
 Anabapt: quia perfectissima sunt membra di-  
 aboli,

Lib. 3. Inst.  
 Cap. 2. sec. 11

a Luth. de  
 Concil. &  
 Ecclesia  
 part. 3.

aboli, non nisi perfectos in Ecclesia collocat. *b' Mel: in eius Apol. c Cōfessio An. Act. 7*  
 Quod si negauerint ( prout negant ) impios *Catholici verò affimāt*  
 esse in Ecclesia Christi, prodent se non esse in  
 ea. Nam vt ad aliud tempus alias probationes  
 reiiciā, parabola Euangelica cum eius expo-  
 sitione dat nobis duo argumenta eximia sanē.  
 Quid enim aliud præfert ager seminatus bo-  
 no semine Christi, quàm eius Ecclesiam? at ve-  
 rò in hoc ipso agro reperiri ZIZANIA an non  
 audis ex ore eiusdem saluatoris? & ne sis ne-  
 scius quid sibi velint zizania, audi quid dicat:  
*Zizania autem filij sunt nequam.* Nequam igitur  
 homines, teste Christo sunt in eius Ecclesia.  
 Quid euidentius? Quærent forte effugium &  
 dicent: Agrum non Ecclesiam sed mundum  
 designare. Sic enim Christus. *Ager autem est*  
*mundus.* Rectè sanè id Christus; vt ostendat  
 ubiq; esse suam Ecclesiam, sed hæretici minus  
 rectè nos arguunt, verba nostra non confide-  
 rantes. Aliud enim significat ager, aliud ager  
 seminatus. Ager simpliciter sumptus, mundus  
 est vniuersus: in quo cum spargitur lemen  
 Euangelij & recipitur, exurgit per totum or-  
 bem Ecclesia. Quod videns & inuidens INI-  
 MICVS HOMO *diabolus* SUPERSEMINAT  
 ZIZANIA: tum hæresum, tum aliorum vi-  
 tiorum: vnde filij nequam oriuntur: qui quā-  
 uis sint putrida, putidāq; membra, verè tamē  
 sunt in Ecclesia, donec vel ipsi se per publicam  
 hæresis professionem segregent, vel per excō-  
 municationem ab ea abscindantur: quo tem-  
 pore

*Et pbat ex*  
*Euangelio*  
*duplicite r.*

*Ma. 13. 39*

*Obiectio*  
*soluitur.*

*ibidē. Sers.*  
*38.*

NOTA.  
 Agrum esse  
 mundum,  
 agrū verò  
 seminatum  
 Ecclesiam.

Hæretici  
 quō ad Ec-  
 clesiam pti-  
 neant.



pore nihilominus, aliquo modo ad eam pertinerebunt; tum ratione quorundam sacramentorum, quæ ab iis administrata valida sunt: tum quod ab Ecclesia castigari possint: tanquam profugi & rebelles. Hæc est fides recta, cōformis & huic Christi parabolæ, & toti scripturæ. Quorsum hæc? vt videatis, quomodo & mali sunt in Ecclesia, & illi qui contrarium profitentur, non sint in ea. Hoc ipsum inde etiam patet, quod parabola hæc sit de REGNO CÆLORVM, vnde teste Christo, in consummatione seculi Messores Angeli colligent omnia scandala, & eos qui faciunt iniquitatem: non utiq; ex illo cælorum regno quod beati occupant, in quod non intrabit aliquod coinquinatum, ex Ecclesia igitur (quæ & in hac, & in aliis Christi parabolis per regnum cælorum designatur) colligentur impij, qui in ea aliquando fuerunt, & mittentur in *caminum ignis*,

VII.  
SIGNVM  
ECCLESIE  
multiplex.

Postremus ordine, sed primus dignitate & multiplex numero triumphus Christi Domini de hæreticis in hoc Euangelio est Achilles eorum, quo concludere se arbitrantur apud nos non esse Ecclesiam, vbi hæretici occiduntur & zizania comburuntur contra edictum Christi, qui permittit ZIZANIA CRESCERE VSQVE AD MESSEM *Messis autem consummatio seculi est.* Quare debacchatos in me esse Calvinianorū Ministros in sua Synagoga audio, quasi illos & eorum asseclas mactandos pro suggesto proclamaucrim. Qui meis inter-

esse

esse soletis concionibus, nostis quàm id mendaciter confinxerint. Quod autem anno præterito dixi, idem hoc & sequentibus repetam semper. Catholicæ enim fidei præco sum, indignus licet, constans tamen. Et primum quidem peto ab ipsis, qua fronte, quod suos docent, ipsimet vituperant? Nonne Calvinus libellum edidit, quo probat hereticos esse puniendos? quod & præstitit ipse in Seruetum & Gentilem, gladio & igne per suos animaduertendo? At hæc est perfidiæ natura, pro locorum & temporum ratione fidem mutare. Nunquid vel inde quilibet sapiens non animaduertet, quàm sit illorum spiritus inconstans, vaser, diabolicus?

Probatúr a  
pud hæreti-  
cos non esse  
Ecclesiam.

1. Quia sunt  
peruersi & in-  
constantes.

Quæro iterum, quid per ZIZANIA intel-  
ligant? Heresim, inquiunt. Solamne? si solam  
dixerint. Fateantur nec in Ecclesia Christi, nec  
Euangelicos se esse Christus enim in Euange-  
lio inquit. *Zizania autem filij sunt nequam.* Et rur-  
sum. *Mittet filius hominis Angelos suos & colligent* Mat. 13. 39  
*de regno eius omnia scandala, & eos, qui faciunt ini-*  
*quitatem.* Negabuntne veneficos, adulteros,  
homicidas, fures latrones, & alios eiusmodi  
vel nequam esse, vel facere iniquitatem? Si id  
negant, negent & scripturam vniuersam, &  
ipsum lumen naturæ totum, & ex hominibus  
bestias faciant. Quod si concesserint. Zizaniis  
omnia scelerum genera conprehendi: conce-  
dant etiã necesse est, se proprio iudicio, nec in  
Ecclesia, nec Eugælicos esse: qui contra apertum  
decre-

2. Quia Eugæ-  
licos se esse  
se mētūtura

3. Qui cons-  
istoria doc-  
cent.



decretum Christi ( vt ipsi illud interpretantur ) fures , latrones , homicidas , hisq; similes sceleratos morte afficiunt , non expectata cōsumatione seculi ; Quid euidentius , scripturā per scripturam , imò ipsa dicta Christi , per Christum interpretando ?

4. Quia regula & indicio proprio cōdēnantur

Sed inquit , Chrysostomum , Augustinū & alios Patres per ZIZANIA hereticos intellexisse. Quid audio ? Eos qui se Euangelicos vocant , & Patres innumeris lacerant conuiciis , relicto Euangelio ad Patres recurrere ? Excutiamus hīc alteram eorum regulam ; qua asserunt Patres non nisi quando cum aperto verbo Dei conueniunt audiendos esse : & cōuincamus hereticos ex placitis eorum ; si fortē

Luc: 9. 22.

meminisse velint decreti Christi *De ore tuo te indico* neq; verò velint expectare illud ; sed velint conuerti ad fidem Catholicam , & viuere moriq; in ea , quod vtinam fiat. Rogo itaq; eos , cum qua scriptura cōuenit , per ZIZANIA solam hæresim intelligi ? Imò nunquid id contrarium non est scripturæ , quam adduximus. Est sanè ; propterea nunquā Patres addiderūt particulam illam [ sola ] qua Ministri Sathanē haud rarò scripturæ addita , sibi credentes ad

Augustinus explicatur.

August: in

qst: Enā: in

Mat: cap: II

orum protrudunt. Sic Augustinus. Inter alia inquit , in loco quem hæretici citant [ possunt enim dici filij mali etiam hæretici , quia ex eodem Euangelij semine , & Christi nomine procreati ) Si dicta de causa etiā hæretici filij mali ( vt zizania Christus interpretatur ) dici possunt ,

sunt, quantò magis malis Catholicis id competit qui & hoc ipsum habent; & insuper semè Euangelii procreat in illis fidem veram, quod non facit in hæreticis? Non excludit igitur, sed includit malos Catholicos Augustinus in Zizaniis; sed vult per paleas malos Catholicos, per Zizania hæreticos præcipuè intelligi, propter rationes quas adfert. Taceo alios Patres, ne sim longior: duo non taceo. Alterum quod iam dixi, à nullo sanctorum patrū addi; sola: quod si hæreticus quoq; non addiderit, aut nihil concludet, aut seipsum cōdemnabit. Alterum est, hæreticos, non solū latrones, homicidas, incendiarios, & alios scelerosos; sed etiam in causa fidei, homines, igne, ferro, ac exquisitissimis tormentis perdere, imprimis verò Catholicos; vt palàm sit omnibus, illos eo vitio plenos esse, quod Christus dominus maximè in Phariseis infestatur, Hypocrisis inquam & simulatione, qua duce aliud docent, aliud faciunt. Ausim certare in Anglia & in illo furore hæretico Gallicano plures Catholicos decennio crudelissimis suppliciis affectos esse: quam perierint hæretici, in Hispania & Italia quadraginta integris annis. Et quamvis Lutherani erga Catholicos mitiores sint, quàm Calviniani: tamen cum etiam ipsi comburant Anabaptistas, & iis similes, ab hypocrisis vitio liberi minimè erunt.

6. Quia sunt hypocritæ & crudes.

At verò fides Catholica, & ab hoc, & à quouis

Probatur a-  
pud Catho



licos veram  
esse Christi  
Ecclesiam.

1.

2.

3.

4.

5.

Saluo triti-  
co puniendi  
sunt heretici.

quouis vitio in doctrina sua ē liberrima. Quic-  
quid credit, hoc ipsum docet: quod verò do-  
cet, id ex equitationi mandari non prohibet,  
imò suadet. Quod sicut in aliis omnibus: ita  
hoc in negotio euidentius est. Docet per ZIZA-  
NIA omnium flagitiorum genera intelligen-  
da esse: quia idem Magister ipsius Christus  
Iesus docuit in interpretatione huius para-  
bolæ. Docet item quod docuit in parabola  
Christus ZIZANIA, ista videlicet omnia vi-  
tiorum genera, debere CRESCERE VSQ;  
AD MESSEM, earatione, quòd nulla hu-  
mana vel industria vel diligentia vnquam  
omnia ex mundo, imò ex Ecclesia eradi-  
canda sint vsque ad consummationem sæ-  
culi. Docet præterea cum Cristo Domino  
quæuis scelera etiam priuata punienda &  
eradicanda non esse, si timetur. NE SI-  
MVL CVM EIS, ET TRITICVM ERA-  
DICETVR. Docet deniq; vbi eiusmodi pe-  
riculum non est: sicut furta, latrocinia, homi-  
cidia, & alia facinora generis eiusdem, ita etiã  
hæreses puniendas, castigandas, & quantum  
fieri potest eradicandas esse. Hæc docet Eccle-  
sia, & quod docet, vt ab iis, quorum interest,  
exequutioni mandetur, suadet, ac hortatur.  
Et hoc ipsum nos & annis præteritis docui-  
mus, & nunc dicimus. In istis quidem parti-  
bus, cum periculum sit, ne cum hæreticis zi-  
zaniis eradicetur & pereat triticum Catholi-  
cum, abstinendum esse. In Hispaniis verò, &  
alibi

alibi vbi periculi nihil est, iustè & sanctè puniri hæreticos, ne noceant Catholicis: ne semetipsum boni patrisfamilias suffocent, ne si ipsi non pereant, perire necesse sit triticum, & in lolium conuerti. Hoc ipsum olim maiores nostri in Polonia & fecerunt, & tum statuto publico adiunctis pænis cauerunt: tum omnium ordinum Spiritualium & secularium sancta confæderatione [sub fide & honore promiserunt, se contra hæreticos cuiuscunq; gradus, conditionis, & præminentiae fuerint, in eorum destructionem consurgere velle, etiam si sanguine affinitate, & quacunq; propinquitate forent coniuncti] Cuius statuti & confæderationis rigor, si prout ab initio, ita in posterum ad nostra usq; tempora perdurasset non equidem nunc tot funesta animarum funera lachrymosis oculis intueremur. Verum quia CVM DORMIENT HOMINES, tam ii qui imperii, quam qui Ecclesiæ clauum gubernant, hæc heresum Zizania super seminata sunt, ferenda sunt quæ superari nequeunt.

Et idipsum in Ecclesia vsu venit in aliis quoq; sceleribus. Inuadunt exempli gratia milites pagos, & colonos depopulantur, inuolant exules & prædones in oppidum aliquod, manu armata fortiq; quod sit non raro in Italia. Quid? conuocabitne Magistratus ciues ad capiendos illos? Minimè verò. Cur? Nunquid proscripti & homicidæ non sunt? digniq; qui non solum capiantur, sed etiam ultimo affici-

Quod olim  
vixit in Po  
lonia.

Rex VIIa  
distans la-  
giello sta-  
tuit Anno

Dñi: 1424

Cōfederalio

Verò sa-

Et est An-

no D. 1438

Sic in sta-

tutiregnò.

Idè patet in  
aliis vitiis.



Exemplum  
Davidis.

*Pf. 100. 8.*

NOTA

*3 Reg. 2. 5.*

afficiantur supplicio? Digni sanè: sed ideo  
abstinendum est NE SIMVL CVM EIS E-  
RADICETVR TRITICVM, multiq; & fi-  
deles Deo principi; , & viri boni pereant  
atq; maētentur. Videre hoc licet in Dauide;  
qui licet gloriatur coram Domino dicens: *In*  
*matutino interficiebam omnes peccatores terra,*  
*vt disperderem de ciuitate Domini omnes operantes*  
*iniquitatem,* tamen idem Dauid Ioab scelestū  
& bis fraudulentum homicidam, viuere per-  
misit ad extrema vitæ suæ tempora, non alia  
de causa, nisi ne cum ZIZANIIS istis peri-  
ret multum tritici, quando ducem exercitus  
bellicosissimum comprehendere voluissent,  
quo periculo cessante præcepit Salomoni, vt  
eam morte mulcicaret, quod & factum est.  
Habeāt principes & iudices exemplum, quo-  
modo se gerere hac in parte debeant. Habe-  
ant Catholici ex sana ac Euangelica doctrina  
quæ apud illos viget, consolationem præci-  
puam, & solidam. Neq; verò moueantur  
hæreticorum suauiloquentia, vel potius frau-  
dulenta loquacitate, qua Ecclesiam Christi in  
odium inducere conantur. Habeant cū  
Ministri: tum verò ab iis seducti inuitamen-  
tum, vt redeant ad fidem veram, à qua aber-  
runt, videntes tot fraudes & hypocrites suo-  
rum: tantam verò synceritatem, & cordis, o-  
risq; simplicitatem Catholicorum: tot deniq;  
& tam eximios Christi Domini in Romana  
Ecclesia triumphos, quot iam & enumeratos,  
& com-

& comprobatos animaduerterunt, septem omnino.

Hic enim in Catholica eademq; Romana Summa doctorum & signa ecclesiarum. Ecclesia seminator est Christus; apud hæreticos verò ipse diabolus, ipsismet testibus. 1.  
 Hic vna est fides omnium in toto terrarum orbe: illic multæ & variæ perfidiæ, in variis angulis mundi. Hic piè sanctèq; creditur Deus, non nisi bonum semen seminare in agro suo: illic Deus auctor peccati constituitur, & impia maledicentia proscinditur. Hic verbum Dei clara luce ubiq; spargitur: ibi verbum INIMICI Christi noctu in penetralibus & angulis domorum occultè & fraudulenter disseminatur. Hinc semen Euangelii propagatur inter Gentes, vbi Christi nomen incognitum antea fuit: illinc semen diaboli nõ nisi in agro iam pridem diuino semine sato, superfeminatur, Hic in MEDIO TRITICI reperiuntur ZIZANIA id est, in medio Ecclesiæ, sunt etiam impii: ibi secundum opinionem illorum purum triticum; secundum nos & veritatem, sola sunt Zizania. Hic deniq; permittuntur Zizania crescere vsque ad metem, prout Christus Dominus permansura ea prædixit, tum in vniuersa ipsa etiam Ecclesia, in qua non solum alia scelera, sed & hæreses occultæ inueniuntur (de occultis enim nec iudicat, nec iudicare potest Ecclesia) tum in particulari. Zizaniis parcitur vbi periculû est, ne dum tolluntur Zizania, eradicetur etiam



tiam triticum sublato autem eiusmodi periculo, licitè, iustè, sanctè castigantur scelera, & tam hæresum, quàm aliorum facinorum comburuntur Zizania; non quidem igne æterno (de quo sermo est Christi in Euangelio) sed incendio tēporali, quod solū in humana situm est potestate. Hæc inquam, docet, facitq̃, constanter Ecclesia edocta & parabola hodierna, & vniuersa scriptura.

Signa Syna-  
gæ & Sathanae.

Secus Synagoga Sathanæ, quæ sibi non constat, iam affirmans puniendos esse hæreticos, iam negans, & quod negat opere, nihil ōi- nus exequens: quæ modò de scriptura gloriatur, patresq̃ cōtemnit & lacerat: paulò post scriptura neglecta ad patres recurrit: usq̃; contra proprias regulas, innititur, quos tamē, sicut & scripturam ipsam aut truncatè, aut fallaciter allegat: quæ deniq̃; omnia miscet, omnia peruertit, omnia simulatione, mendaciis, calumniisq̃; implet, vt paulò ante demonstrauimus.

Conclusio.

Quis ergò prudens, cordatus, & curā animæ suæ gerens, hæc & audiens & ponderans non conuertatur à mendacio ad veritatem, à simulatione, ad sinceritatem, à turpi contrarietate, ad solidam constantiā? Facite, efficite, perficite quicunq̃; ab hereticis decepti estis, oro, obsecro obtestorq̃; Neq̃; verò illud quod in mētē venire alicui fortè posset de Augustino, qui si propter hæresim punitus fuisset, Ecclesia tanto doctore caruisset, quenquā mouere debet. Hoc ipsum enim argumentū de quo-  
uis fa-

Obiectio de  
S. Augusti-  
no soluitur.

uis facinoroso formare quis posset. Nunquid non solum in historiis, sed etiam in ipsa scriptura talia desunt exempla? Certè si moyses *Ex. 2. 14* propter patratum homicidium, à Pharaone comprehensus & morte mulctatus fuisset, Iudæi tanto Doctore & legislatore caruissent. Apud probatos verò auctores sæpè legimus, ex præcipuis latronibus, insignes tum Christi athletas, tum vitæ spiritualis magistros extitisse. Cæterum talia, ut infinita generis eiusdem ad diuinam pertinent providentiâ. Ecclesiæ & magistratus est, præsentia & publica iudicare, & punienda castigare: Dei est occulta scrutari, & futuris providere. Quid nicogitemus? si is rigor, eaq; diligentia in puniendis hereticis olim vixisset, quæ hoc tempore vigere in Hyspania dicitur; quòd multò prius, quàm factum fuit, Ecclesia Augustinū suo gremio restitutū vidisset? Verum hæc, ut dixi, diuinæ sunt relinquenda providentiæ: magistratus autem est, suo muneri inuigilare. Equidē in hoc ipso facto Augustini laudare debemus diuinam providentiam, duplici nomine: tum propter conversionem tanti viri tum quòd hic ipse Augustinus qui censebat non esse castigandos hæreticos, postea re bene considerata, experientia edoctus contrarium & sensit, & docuit, & quod docuit posteritati scriptum reliquit. Quare qui Augustinum imitantur errantem, sequantur & penitentem, exemploque ipsius ad matrem *suam,*

*Au. lib. 2.  
ca. 3. contra  
Epist. parā  
dū & alibi*



suam, quæ eos in Christo per baptisma genuit  
conuersi, sobrie, iustè, & piè uiuant in hoc se-  
culo, vthïc quidem gratiam, illic verò gloriã  
consequi mereantur æternam, præstante Do-  
mino nostro I E S V Christo, qui est benedi-  
ctus in secula, A M E N.

EVANGE-  
LIVM DO-  
CTRINÆ.

## CONCIO TERTIA.

### Spes.

Ratio insti-  
tuti Christi  
in parabolis

**T**Ametsi multas Christus Iesus Seruator  
noster, dum populi erudiendi munus  
obiret, protulerit parabolas: paucas ta-  
men, solisque tantum discipulis interpretari  
*Mat: 4. 34* voluit quasdam. Testatur id D. Marcus, cum  
inquit: *Sine parabola autem non loquebatur eis: se-  
orsum autem discipulis suis differebat omnia.* Qui-  
bus in verbis duplicem phrasim sacræ scripturæ  
nobis notare licet. Hæc enim interdum &  
negat fieri aliquando quod rarò enenit; & v-  
niuersaliter effert, quæ nonnunquam contin-  
gunt: vtriusq; hïc exemplum habes. Quam-  
uis autem nil dubitauerim, plures paræmia-  
rum suarum expositiones illum dedisse, quàm  
scriptæ fuere: tamen neque ambigo, propte-  
rea tam paucas scriptis esse traditas, vt & plebs  
ad Pastores, Doctoresque in expositione scri-  
pturæ recurrat; & illi huic curæ maximæ præ-  
cæteris incumbant. Quæ etiam de causa, dum  
parabo-

parabolas Saluator noster exponit, tam moderatè & breuiter id facit, vt & intacta non pauca, & difficultates plurimas in eisdem relinquat. Videre id licet, sicut in aliis, ita in hac quâ prae manibus habemus parabola, eiusq; explicatione. Cuius dum insistere volumus interpretationi, id pro virili efficiemus, vt difficultates quæ in ea occurrunt dissoluantur, doctrinæ morales excerpantur, spesque viua in nobis excitetur. Da benignissime seruator, ita nos hæc perficere, vt semen tuum sanctum maneat in nobis fructumq; faciat in vitam æternam.

Prop. Euāg.  
explicabitur  
cū doctrinis  
& spes  
erigetur.

In parabolis Christi Domini, per regnum cælorum, Ecclesiam ipsius designari, testis est, eiusdem Ecclesiæ pastor vniuersalis D. Gregorius. Cuius opinio ita mihi placuit semper, vt putem pleraq; hoc in sensu intelligendas esse. Voluit enim Christus Dominus Ecclesiæ suæ initium, progressum, statum, normam, sacramenta, & varia quæ in illa exercenda erant munia, hac parabolarū varietate adumbrare. Hoc cū alibi, tum verò in eo capite D. Matthæi, vnde hodiernum desumptum est Euangelium, videor mihi videre. Octo enim in eo ab eodem parabola afferuntur, quæ omnes ad dictum finem videntur collimare. Semen namq; ex quo Ecclesia generatur, & initium sumit, est verbum Dei: ipso Christo interprete: quod qua nam ratione seminetur, & quomodo ab aliis quidem reiiciatur, ab aliis vero re-

Gre. hō. 12  
in Euang.  
Regnū cæ-  
lorum Eccle-  
siæ designat  
Cur.

Declaratur  
id in octo  
parabolis  
huius Capit.  
Luc. 7. 12



cipiatur, receptumq; conseruetur, primâ pa-  
 rabola edocemur. Huic succedit hodierna,  
 cuius est institutum demonstrare: tum, vbi-  
 nam semen hoc, vnde Ecclesia excrescit, sit se-  
 minandum: tum quomodò ex eo filii Dei o-  
 riantur: tum verò quò arte mali dæmonis su-  
 perseminantis zizania Ecclesia infitiatur hæ-  
 resibus, & variis vitiorum generibus quæ vltq;  
 ad consumationem seculi perdurabunt. Duæ  
 verò quæ hanc subsequuntur, de grano sina-  
 pis, & fermento, docent nos quò ex paruis &  
 abiectis principiis dilatanda sit Ecclesia per  
 vniuersum orbem. Sequuntur aliæ duæ, de  
 thesauro in agro abscondito, & pretiosa mar-  
 garita; quibus valorem & pretium ingens hu-  
 ius seminis, quod non alibi, quomodo in Ec-  
 clesia reperitur, nobis ob oculos ponit, &  
 quomodo quærendū ac conseruandū sit, do-  
 cet. Septima de sagena missa in mare omnis  
 generis pisces in se complectente, eundem  
 pene, quem hodierna, scopum habet: Probat  
 enim in Ecclesia vbiq; diffusa bonos & malos  
 semper futuros. Postrema describit scribam  
 seu doctorem in regno cælorū, quod est Ec-  
 clesia, proferentem de thesauro cordis sui o-  
 mnia doctrinæ, & virtutum genera, ad ædifi-  
 cationem & augmentum eiusdem Ecclesiæ.  
 Hoc solido iactò fundamento ad explica-  
 tionem hodierni Euangelij nos accingamus.  
 Ait itaq; Christus Dominus.

SIMILE FACTVM EST REGNVM CÆ-  
 LORVM

LORVM HOMINI, per hunc hominem se-  
ipsum intelligit, vt ipse interpretatur. Estq;  
ſeſus perinde agitur, ageturq; in Eccleſia mea,  
ac ſi ageretur cum bono aliquo patrefami-  
lias.

QVI SEMINAVIT BONVM SEMEN  
IN AGRO SVO Ita etenim ego in agro meo,  
q̄ eſt vniuerſus mundus, ſeminare inſtitui, bo-  
num ſemen, bonum verbum, optimum E-  
uangelinm, vnde oriatur & excreſcat Eccle-  
ſia mea, & filij regni, homines videlicet, ad re-  
gnum primum Eccleſiæ, poſtea verò cælorū,  
deſtinati. Benigniſſima ſanè & liberaliſſima  
promiſſio. Sit nomen eius hoc quoq; nomi-  
ne benedictum in æternum. Dum autem  
Chriſtus per ſemen bonum filios regni vult  
intelligi, ponit effectum pro cauſa. Ex bo-  
no enim ſemine *Quod eſt verbum Dei* ( vt ipſe  
in prima parabola exponit ) generantur pri-  
mum quidem filij regni huius, Eccleſiæ vide-  
licet, tum verò hæredes regni cæleſtis, quod  
in primis Magiſter cæleſtis intendit, ac deſi-  
derat.

Poſſe autem per filios regni intelligi etiam  
condemnandos, dum ſunt in Eccleſia, docet  
Saluator, de Iudæis loquens: *Filij autem regni*  
*eiicientur in tenebras exteriores, ibi erit fletus &*  
*ſtridor dentium.* Ex quorum numero ne nos  
quod abſit, reperiamur, danda eſt opera dilē-  
ctiſſimi, vt per ſpem viuam curamus ad de-  
ſtinatum nobis brauium regni cæleſtis. Viuam

Seminis bo-  
ni varia ac-  
ceptio.

Mat. 13. 38

Luc. 8. 18.

Filij regni  
nonnūquā  
etiā mali.

Mat. 8. 12

Remedium  
ſpes viuæ.

Pſ. 3. 14



autem spem habebimus, si hoc semen sanctū non solum fidem rectam, sed etiam digna fidei opera, operabimur in nobis; quod tamen non fiet otiosis nobis, & multò minus contraria huic semini vitia & scelera germinantibus, ac in sola fide & nomine Christiano gloriantibus. Sicut multi pro dolor faciunt: quorum sicut fides mortua, ita spes est inanis. non minus ac Iudæorum, quos hīc Christus Dominus perstringit; & licet *filios regni* vocet, orco tamen addicit. Tales autem sunt omnes siue Iudæi, siue Christiani, de quibus dicitur parabola.

Dormiētes  
duplices.

CVM AVTEM DORMIRENT HOMINES. Qui homines? Illi inquam, qui dormitando diuinum semen suffocant; qui diuinas inspirationes; quæ illos excitant ad benè credendū, operandumq; repudiant. Quamuis enim quid per homines dormientes intelligatur, Christus nō explicat: tamen dubium non est, iuxta consensum Sanctorum eos notari; qui tum propriæ; tum sibi creditarum animarum aut nullam, aut negligentem curam gerunt. Euigila quisquis es talis, & in quantum te coniicias periculum, tuam tuorumque perdendi animam solerter animaduerte. Ad talem enim:

Mat. 13. 39

VENIT INIMICVS EIVS: Quē diabolum esse Christus interpretatur:

Zizania omnia peccatorum ge-

ET SUPERSEMINAVIT ZIZANIA, per quæ omnia vitiorum genera intelliguntur, tam

tam fidei quàm morum. Id enim notasse videtur ipse Christus Dominus, asserens in con-  
summatione seculi, *Angelos suos collecturos de regno eius omnia scandala, & eos qui faciunt iniquitatem; missuroq; eos in caminum ignis.* Rationem iam aliàs dedimus. Cum em̃ peccata nec esse, multò minus puniri per se queant (nihil enim sunt) in iis, qui faciunt iniquitatem castigabuntur, in camino ignis ardentis seculis nullo æuo finiendis. Dum autem addit Saluator diabolus hæc Zixania supereminasse.

nera cõple-  
stuntur.

Verf: 41.

IN MEDIO TRITICI, clarè demonstrat sermonem hîc esse nō de infidelibus, sed de iis, qui crediderant, & per fidē semen Christi receperant. Videturq; esse explicatio illius membri præcedentis parabolæ, de semine quod cecidit inter spinas, & suffocatum est. Sicut enim ibi per spinas; ita hîc per *mala sollicitudines, diuitias, & voluptates* intelliguntur. Cum ea tamen differentia, quòd ibi præcipuè notentur qui vitiis obfiti, recipiunt Euangelium, hîc verò qui post receptum dant locum tentationibus diaboli, & vitia heresue complectuntur.

Eorū q̃ sunt  
vel fuerunt  
in Ecclesia

Luc. 8. 14

Cæterum antequam ad doctrinas morales deveniamus, parabolam vel eius partem præcipuam, vnde facilè reliqua colligi possunt; literaliter explicemus. Continuat igitur hac quasi ratione Christus Dominus sermonem suum: Quemadmodum inter homines accideret

sẽsus libera-  
lis parabolę



dere solet, aliquem tantò in vicinum suum flagrare odio & inuidia: vt cum illi, in re grauiori, propalam non valeat nocere, noctu, in agro eius bono semine confito, superseminet Zizania, vnde inutiles, nociuæ, & sementem patrisfamilias, tum deturpantes, tum incommodis afficientes herbæ excreſcunt: ita vñ veniet in mea Ecclesia, in qua hostis meus capitalis diabolus, cum mihi ipsi nocere nequeat, sementi Euangelii, per totum terrarum orbem disperso, docere, & Zizania tum infidelitatis; tum omnis impietatis, tã per se, quàm per ministros suos, occultè, fraudulenterque disseminare studebit: dormientibus interim, quibus maxime à somno tali oculi sunt aperiendi. Indeque orientur & excreſcent homines nequam, scelerati; Deo odibiles, in Ecclesiam sponsam meam tum iniuriosi, tum illius deprauatores.

Doctrinæ  
morales.

Prima peccata  
tū nō esse à  
Deo. sed ex  
nobis & de-  
mone.

Exēplo sint  
primi parē-  
tes.

Gen. 3.

Ex his colligimus. Inprimis malum & peccatum non ex Deo (vt in alia concione fufius docuimus) prouenire, vt impii volebant hæretici. Is em̃ non nisi bonum semen seminat: sed duplici alio ex Capite: nempe ex malicia inuidiaque; dæmonis Zizania seminantis, & ex nostra socordia ac negligentia, quæ somnum noxium, oculis inducit mentis. Videre id licet nostris inprimis parentibus, qui semine optimo & vberissimo in ipsa creatione à Deo dotati & ditati, quamdiu solerter vigilarunt, nil mali passi sunt: At verò postquam Eua negli-

gentius

gentius salutem suam operari, ac curiosius & cum Sathana sermones miscere, & lignum vetitum intueri, hacq; ratione somnum oculis mentis suae inducere coepit; ecce vaser serpens adfuit, Zizania mendaciorum disseminare orsus, eliciens consensum, obtinuit, & suo mendacio miseros in prauaricationem praecepti diuini impulit: Eua quidē p seipsum, Adamū verò per Euam. *Propterea per unum hominem Rom: 5. 19* peccatum in hunc mundum intrauit, & per peccatum mors, teste D. Paulo, graphicè nobis omnibus peccati causam describente.

Quid præterea? Habemus hic primam & præcipuam peccati nostri originem esse ex nobis: ideò & Apostolus originalis peccati causam Adamo adscribit: & Christus in parabola prius dormientis hominis, postmodum seminantis diaboli mentionem facit. Non est igitur quod culpas nostras vel in dæmonem, vel in alium coniciamus, vt primi parentes nostri inaniter & frustra fecerunt. Quod vtinam nos moueat, ne contrarium sit nobis in vñ. Id enim fit tam frequenter, vt iam in prouerbium abierit, exultantē se filium Adami nuncupare. Non ineptè id quidem, nec infructuosè in illis, qui casum recolentes à vicio sibi temperant; quod vt ab omnibus vobis fiat rogo & moneo.

Quis enim excusationi locus esse potest, cum vigilare iussi dormimus? An non hoc fit, in quouis etiam minimo peccato? quātò ma-

Secūda Doctrina nos esse primā peccati causam,

Gen. 3.

Tercia Exempla santes se filios Adā nūcupari.

Quartus excusationi null' loc'.



9. Vigilantia  
quam stricte  
precipitur.

Mat: 24. 43

Mat: 25. 13

Luc: 12. 37

Luc: 21. 36

Mar: 13. 35

gis in graui? Enimuerò num deest vel ipsa scriptura, quæ nos ad vigilantiam exhortatur?

At quid aliud filius Dei nobis inculcauit ma-

gis, quàm vigilantiam, tum parabolis patris-

familias, fatuarum virginum seruorum, iani-

toris, & aliis eiusdem generis: tum commina-

tionem extremi iudicii? hinc illud *vigilate itaq;*

*omni tempore orantes.* Et alibi *vigilate ne cùm ve-*

*nerit repente, inueniat vos dormientes.* Quod autē

*vobis dico, omnibus dico, vigilate.* Quam clausu-

lam nescio an vnquam aliàs adiecerit, vt in-

telligas, quàm cordi sit illi nostra vigilantia.

Et meritò sanè. Nam vt alia taceam, in Euan-

gelio audis non prius accessisse dæmonem cū

Zizaniis suis, quàm dormirent homines. Hoc

qui volet in seipso animaduertet faciliè; hoc

in quauis congregatione videre licet; hoc in

ipso Ecclesiæ regimine conspicuum est: hūcq;

præcipuum esse parabolæ istius sensum vo-

lunt multi, etiam ex antiquis. Dormienti-

bus enim prælatis, & turpes hēreses in fidem,

& graui ac vniuersalia peccata, in mores in-

uehuntur subditorum: quibus postmodum

medendis cura difficilis adhibenda est.

¶ Prælatis du-  
plici nomi-  
ne.

Luc: 12. 42

Heb: 13. 17

Hæc considerent velim, quorum interest

maximè, illi inquam quos *constituit Dominus*

*super familiam suam*, qui non solum conscientie

sue; sed etiam gregi sibi credito inuigilare de-

bent, rationem seueram pro omnibus reddi-

turi. Expressit hoc Apostolus Paulus, & ita

expressit, vt non satis illi fuerit vigilantie me-

minis-

se, sed addidit exaggerationem. Verba ipsius sunt. *Obedite præpositis vestris, & subiaccete eis: ipsi enim peruigilant, quasi rationem pro animabus vestris reddituri.* Discant igitur subditi reuereri & obedire prælatis: discant prælatis non inuigilare tantum, sed summa cura & sollicitudine peruigilare in custodiendis & excolendis animabus suæ curæ commissis, memores se pro singulis rationem reddituros Deo: ne & sui, & aliorum, & ipsius Ecclesiæ (ex parte) interitus sint causæ. Quanta mala, ex vna præpositorum inuigilantia?

Neq; verò illis tantum, sed & nobis omnibus incumbit VIGILARE cum corpore, tum vero animo. Corpore quidem, ut somnus sit moderatus. Etenim naturali lumine teste, Cato: [diuturna quies vitiis alimenta ministrat] Cave ergò ne Ethnicus iste olim surgat in iudicio, & condemnet te: quod de regina Austri & Ninivitis Iudæis futurum Christus est cominatus. Qui quidem IESVS adeò corporis vigilantiam commendauit, ut & à somno necessario, toties excitaret Apostolos, & tentationum causam somno illorum adscriberet. Multò magis autem animi vigilantia est necessaria, sine qua vigilia corporis in vitio est. Quantò satius facerent lurcones nocturni dormiendo, quam ad commestationes, ebrietates, scurrilitates, turpiloquia, saltus lasciuos, & cæteras impudicitias vigilando?

Mentis autem vigilantia in eo imprimis sita est,

7. Etia corpore vigilandū omnib<sup>9</sup>.

Cato:

LUC. 11. 28

MA. 26. 42

8. Multò magis mente.

9. Mētis vigil.



gilia in tribus  
constitit.

NOTA.  
In constan-  
ti proposito

In cauta cir-  
cūspēctione

simile.

In iugi ora-  
tione.

1 Pet. 4. 7.

Col. 4. 2.

Mat. 26. 41

Luc. 21. 36

est, vt animo firmiter constituas tuo, quæuis  
aduersa, & mortem ipsam potius oppetere,  
quam diuinam bonitatem lethali peccato of-  
fendere, à qua cogitatione ne minimum quid  
remittas: quamprimū enim remiseris, statim  
oriri incipiet somnus spiritalis. Deinde, ne  
postquā INIMICVS accesserit, des suggesti-  
onibus eius vllum assensum: sed contra forti-  
ter manibus mentis tuæ eas vel declines, vel  
reiicias: declinabis autem, occasiones fugien-  
do, reiicies verò principiis obstando. Sicut  
enim qui in duello certant, non solum excu-  
tiunt; sed etiam circumspiciunt acerrimè,  
quomodo ictus aduersarij, aut repellere forti-  
ter, aut dextrè declinare possent: ita omninò  
in conflictu spiritali, spiritualiter nos gerere  
oportet. Postremò adhibēda est ad vigilantiam  
ORATIO. Hanc princeps Apostolorum Pe-  
trus nobis cōmendat dicens: *Estote itaq; prudē-  
tes, & vigilate in orationibus*: De hac D. Paulus.  
*Orationi instate vigilantes in ea.* Hanc deniq; ipse  
Christus inculcat, & Apostolis in horto, &  
omnibus alibi, vt vidimus. Neq; verò obiter  
& perfunctoriè, sed vigilare in oratione omni  
tempore iubet saluator. Et meritò quidem id  
dicunt omnes. Summæ etenim imprudentiæ  
est, dum nos hostis noster capitalis premit,  
aut somno se dare, aut opem eius non implo-  
rare, qui nos ex faucibus illius eripere valet.  
Neq; verò sis securus etiam si in parabola di-  
catur.

ET ABIIT

ET ABIIT: Redibit enim paulò post. Nunquid tu plus tibi polliceberis, quàm ipse Christus? de quo scribitur: *Consummata omni tentatione, diabolus recessit ab eo, usq; ad tempus*. Si ad tempus tantummodo discessit ab eo, què superare impossibile illi fuit; tu tibi de securitate applaudes, quem & prostravit multoties, & debilem ac titubantem conspicit quotidie? ne erres obsecro. Sed quæris. Cur ergò abiisse dicitur? Tum idèò, vt plenior sit parabola: tum vt fraudes eius agnoscas, qui miro artificio tam se, quam doctrinam suam vult latere: quod facit, dum perfidiam sacramentis ornat: dum suos Evangelicos vocat; dum vitia virtutum nominibus palliat: dū patrato scelere rē extenuat, dum aliis artibus tamdiu se occultat, donec eueniat quod sequitur.

Securitas fugienda.  
Luc. 4.13.

Cur abiisse  
Sathan dicitur.

CVM AVTEM CREVISSET HERBA. Neq; id est satis. Sicut enim ex herba dum adhuc tenera est, nō nisi à peritissimis frutex cognoscitur: ita difficulter peditur fraus dæmonis pulchris cōcinata verbis, ppter ea additur.

Zizania cognoscuntur.  
1. Ex herba  
difficulter.

ET FRUCTVM FECISSET. Non enim cuiusvis est ex sermone statim intelligere, quæ sementis sit bona, quine boni aut mali seminatores (nisi ipsi apertè se prodant) idèò expectandus est fructus operum. *A fructibus enim eorum cognoscetis eos inquit saluator.* Et in hæreticis quidem, de quibus ibi est sermo, nō quinis fructus, sed illi qui ex doctrina fluunt sunt considerandi: qui certè in nostri tempo-

2. Ex fructu  
orto ex doctrina.

Mat. 7.16.



ris hæreticis nimis sunt euidentēs. Ex illa enim doctrina de sola fide iustificante, qui non pessimi fructus pullulant? Idemq; de aliis vitiis quæ hypocrisis sunt contexta sit iudicium. De quibus tandem verum erit, quod subditur.

**¶** TUNG APPARVERUNT ET ZIZANIA.  
**¶** Nigredo enim ipsa, turpitudine, asperitas, amaritudo, hisque similes qualitates produnt  
**Obiectio.** ZIZANIA. Quid inquis audio? contrarium iis quæ exerior? Quid dulcius voluptatibus carnis? Quid mollius deliciis & diuitiis? Quid pulchrum magis, quàm ab omnibus suspici & honorari? Honos autem nonne adulatione, profusione, ambitione, audacia quoq; & vindicta propria, hisq; similibus artibus, &  
**Ars demonis obseruatu digna.** acquiritur, & conseruatur? Hæc est ars dilectissimi mei, qua draco ille Apocalipticus, ab ipso mundi exordio vsus est, & præualuit; atque etiam nunc, proh dolor, in multis superior euadit. Nunquid non videtis id ipsum in Eua prima parente nostra? cuius quatuor sensus, visus, gustus odoratus, & tactus, de fructu ligni vetiti contrarium planè iudicabant, quod auditus à Deo acceperat, nempe mortē generaturum cibum illū? Sequuta Eua quatuor sensus, neglecto quinto, in quantas se totumq; genus humanum congeslerit æumnas, nouimus, sentimusq; omnes. Nihilominus tam insipientes erimus, vt iisdem artibus nos à Sathana deludi patiamur? Dulces, pulchræq; sint licet voluptates, & alia quæ recensui-

cenfuimus, quæue recensere debuimus, sensibus nostris, internis & externis, imò ipsi quoque deprauatæ naturæ: at verò cum auditus noster Christi fide illustratus certum in iis nobis interitum minatur, par est equidẽ, vt illis neglectis, huic assensum præbeamus. Fiat obsecro, & per viscera misericordiæ Dei, vestramq; salutem vos obtestor antequã veniat eradicatio, de qua in parabola sequitur.

ACCEDENTES AVTEM SERVI PATRISTAMILIAS. Quid per hoc intelligatur non explicat Christus Dñus: ideo alii angelos, alii zelosos Catholicos intelligi volunt. Melius hos postremos. Sæpe enim zelarunt homines perieruntq; à Deo vt perirent impii è terra. Et quodammodo?

Servi homines zelosi.

DIXERVNT EI; DOMINE NONNE BONVM SEMEN SEMINASTI IN AGRO TVO? Hoc enim norant: Nec mirum, quia in seminando adiuvant Deum: ideo ab Apostolo Dei adiutores vocantur. At mirum eos ignorasse, quòd rogant.

1. Cor. 3. 9.

VNDE ERGO HABET ZIZANIA? Ex qua difficultate facile nos expediremus, secundum illam paræmiæ interpretandi regulam, vt quæ principali Christi instituto conveniunt assumamus, reliqua credentes propter pleniorẽ parabolam dici, relinquamus. Cæterum quis prohibet, in verbis sapientiæ patris, sapientiã & mysteria nos quærere? Quis novit id non ideo dictum, vt cognoscamus,

Cur interrogent unde zizania.



quam sit intellectu difficile, vnde ZIZANIA & malum procedat? Nam licet iam Catholicos id non lateat: latuit tamen olim & omnes Philosophos, & quosdam ex hæreticis; & verò etiam nunc latet, vt in alia concione demonstrauimus. Est igitur quod diuinæ bonitati gratiæ referantur, qui nobis hoc reuelare voluit. Dicitur enim.

ET AIT ILLIS Seruis quidem paterfamilias, nobis verò Deus.

Inimic<sup>9</sup> hō:  
diabolus.

Verf. 39.

Quō sit au-  
thor mali.

INIMICVS HOMO HOC FECIT. Quis verò sit iste, interpretatur dicens, *Inimicus autem qui seminat ea*, id est ZIZANIA, est Diabolus igitur est auctor mali. Non quidem ita vt impij Manichæi volebant, qui illum pro Deo malo habebant, pugnante & sæpe vincente Deum bonum: sed auctor est mali, quia ipse Lucifer, & in se ipso seminavit malum superbix, & in aliis apostaticis spiritibus suggerendo, persuadendo eis rebellionem, ac inobedientiam. Hoc ipsum & olim fecit hominibus, tum exteriore specie apparendo vt Eux: tum interius susurrando, vt Caimo, & nunc præstat dormientibus; hacq; ratione scelestus multos in suam ire fecit sententiam. Dicitur autem INIMICVS Diabolus, quia hostis est & Dei, & noster: vocatur HOMO, quia humanitatem & amicitiam fraudulenter simulans, mentibus nostris se insinuat: opus autem olim crudeliter euomendum in pectore seruat. Pudeat, pigeatq; nos illius consilia,

Cur ita vo-  
cetur.

consilia, vel nolle cognoscere, vel velle sequi. Sed videamus, dum hæc facimus, quo in periculo simus.

SERVI AUTEM DIXERVNT EI. Iam diximus per servos Zelosos Christianos, intelligi. Qui promptum animum ad obsequendum & Zelosum ad vindicandam iniuriam domino suo illatam ostendentes aiunt.

VIS IMVS ET COLLIGIMVS EA? Zizania videlicet; quæ exponens Christus inquit *Zizania autem filij sunt nequam* id est, diaboli filii sunt (est enim genitiuus in Greco) Turpe agnomé, & ignominiosum nimis presertim Christianis, nec infrequens in ore; & Apostolorum, & ipsius Christi Domini, ut nos à peccando absterreant. Dicuntur autem peccantes filii diaboli, quod similitudinem eius gerant: quòd ductum eius sequantur, quòd imitentur, quòd inuocent, quòd instrumenta sint diaboli: Hinc illæ Christi & Apostolorum voces. *Qui facit peccatum ex diabolo* 1. Jo. 3. 8. *est: quoniam ab initio diabolus peccat* (quem talis imitatur) Hæc Ioannes, Christus verò ad Iudæos: *Vos ex patre diabolo estis, & desideria patris vestri vultis facere: ille homicida erat, ab initio, & in veritate non stetit.* Et explicans addit: *Quæritis me interficere hominem qui veritatem vobis locutus sum,* Quis equè ductum alterius sequitur, quàm is, qui desiderium ipsius implet? Quid verò magis simile diabolo, quam & veritatem nolle recipere, & homicidia aliaq; scelera

Mali dicitur filij diaboli, quinquè de causis.  
NOTA

104. 8. 47.

Ibid. 4.



lera velle patrare? Deniq; sic D. Paulus alloquitur Elumam Magum (Magi autem est Sathanam inuocare) *Fili diaboli inimice omnis iustitiae, nō desinis subuertere vias domini rectas.* Cur ita? Vtebatur quippe eius opera ad id diabolus. Sicut & Iudæ ad tradendum IESVM. Ideò Iudas non solum filius diaboli, sed *diabolus* nuncupatur à Christo. Habent in peccatis constituti normam & regulam è scriptura decerptam, iuxta quàm suas discutient conscientias, dabuntq; operam, vt & à tam infami nomine se vindicent, & tantum tyrannum dorso suo incubantem excutiant, & à periculo sese liberent. Nam quod sequitur in parabola.

Timen-  
dū esse im-  
piis pbat.

1.

ET AI T, Deus videlicet per patrem familiās præsignatus.

NON, id est, nolite colligere Zizania: Hoc inquam non securitatem (vt quidam existimare potest) sed timorem incutit obstinatis, tum quod prohibitio ista ad Ecclesiā totam in qua bonis mali semper miscebuntur, non ad singulas personas sit referenda. His enim expresse dicit Apostolus. *Si malum feceris time* (magistratum) *non enim sine causa gladium portat,* sed ideò, vt tetanquam mala Zizania eradiceret ex hac vita: Tum quòd etiamsi occulta essent delicta tua, vel talia in quæ magistratus non animaduertit; est nihilominus quod timeas considerans Deum solum te defendere, quem tu offendis: Deus enim prohibet ne  
sive

2.

Rom. 13.

siue à bono, siue à malo Angelo, siue etiam ab homine macteris; quod si fieret statim in infernum præcipitareris. Quia in re licet bonitas patientia, misericordia eius immensa declaretur, tu tamen caue, ne patientia in furorem vertatur, ideò contremisce, & fac ut timor dolorem pariat, dolor resipiscenciam, resipiscencia spem, spes autem non confundat. Quod vtinam fiat. Sequitur in parabola.

Timor spem eliciat.

NE FORTE COLLIGENTES ZIZANIA ERADICETIS SIMVL CVM EIS ET TRITICVM. Dat rationem cur id prohibeat. Sensus est, Ne fortè volentes occidere, & perdere filios nequam, impios & sceleratos; perdati pios ac bonos. Hæc quomodo sint intelligenda disseruimus in aliis concionibus. Iam duo verba notamus. Alterum FORTE Non enim semper id fit, imò neq; frequenter: ideò non negligenda administratio iustitiæ, qua de re paulò post. Alterum ERADICETIS. Demeti enim malum & potest, & debet ab iis, quorum interest: funditus eradicari non potest, propterea subditur:

Scelera demeti debet. eradicari non possunt.

SINITE VTRAQ; CRESCERE VSQ; AD MESSEM. *Messis consummatio seculi est*, Christo interprete. Quo tempore perfectè eradicabitur totum malū semen ex Ecclesia Dei, quòd nunc est impossibile. Modum autem describit dicens.

Eradicabuntur autè in extremo iudicio.

ET IN TEMPORE MESSIS. Tempore vide-



videlicet extremi iudicii.

Per Angelos  
anim.

DICAM MESSORIBVS *Messores Angeli sunt*, ait IESVS. Itaq; neq; nunc sed tunc, neq; per homines sed per Angelos hæc eradicatio fiet. Tunc enim dicetur Angelis.

1. Colligetur

COLLIGITE PRIMVM ZIZANIA *Filios nequam* qui pleni sunt Zizaniis scelerum & peccatorum. Neq; id est satis. Nam subdit.

2. Alligabuntur.

ET ALLIGATE EA IN FASCICVLOS. In hac vita n. sunt libertate à Deo donati & soluti, vnde culpa sua sunt dissoluti: in illa autem alligabuntur vt non solum non possint quod velint, sed insuper alligabuntur.

3. Comburentur non in modo consueto.

AD COMBURENDVM. Neq; verò eodem modo quo hic & homines & res aliæ comburantur, & in fauillam rediguntur, vt non sint. amplius; sed ea ratione, quæ alibi exprimitur *Et ibunt hi*, (filii videlicet nequam) *in supplicium æternum*. Æternum igitur durabit combustio, impiorum. Cum bonis verò quid fiet? Subiungitur & concluditur parabola.

Boni verò  
reponuntur  
in celo.

TRITICVM AVTEM CONGREGATE IN HORREVM MEVM. Ac si dicat: sicut bonus pater familiâs triticum congregare iubet in sua horrea: ita Deus Opti. Max: electos suos, homines videlicet sibi & fideles, & morigeros, præcipiet locari in cælestibus domiciliis, vt ibi mancant & lætentur in perpetuum. Hæc quantum ad literam attigisse sit satis. Priora enim huius mandati diuini verba prima concione iam sunt explicata, posteriora

tiora ad vltimam pertinent.

Quare ad ea quæ promissimus iā veniamus, & ostendamus, tum æquitatem huius decreti Christi saluatoris : tum quibus nam eius executione sit commissa : tum deniq; qua ratione inde in spem erga Deum viam erigere nos debeamus. Aequitas sanè vel ex eo satis liquet; quod à Deo id processerit, apud quem omnia iusta, omnia sancta, omnia æquitatis sunt plenissima, siue sciamus siue ignoremus consilia & rationes eius. Itaq; cum is pro infinita sapientia & prudentia sua cēsuerit in area sua necdum trituratione oportere esse triticum, paleas, & Zizania simul, vsq; ad consummationem seculi; iustum est id ita fieri. Cuius rei dari possunt hæ quoq; causæ. nempe, ne aut libertas creaturæ rationali concessa, vel in minimo lēdatur; aut mutabilitas naturæ humanæ minus appareat omnibus; aut locus peregrinationis & exilii loco patriæ hac in parte ad æquetur, quod fieret, si quemadmodum in cælesti, ita & in terrestri Ecclesia soli tantum sancti reperirentur.

Elucet verò etiam hoc in negotio iustitia diuina inde, quod non absolute & simpliter præcipiatur ne Zizania conburantur, id est, ne puniantur peccatores; sed vel ne eradicentur funditus; cum id sit impossibile : vel ne cum magno tritici detrimento castigentur, quod esset imprudentiæ. Cessantibus autem hisce causis, tantum abest id prohiberi, vt iubeatur

CONCLVSIO tria docet.

PRIMO æquitatē decreti Christi Domini q̄ patet.

1.

2.

3.

4.

5.

SECUNDO

Magistratus secularis offm.

Hi n̄. à puniēdo abstinēbunt duplici modo.



Extra quos  
puniendi sūt  
fontes.

patet id.

1. Ex veteri  
testamento.

2. Ex dicto  
Christi.

Mat. 26. 52

Aug. tract

112. In Io:

Cyrl. li. 11

In Ioan:

cap. 35.

Ro. 13. 4

3. Ex D. Pau

lo.

4. Ex facto

D. Perri.

Act. 5.

5. Ratione

Christi in

Euangelio.

magistratus diligens esse in sceleratis eradicā-  
dis proinde verba hæc dicta sibi esse à Christo  
sciant iudices. Illa quidem **SINITE VTRA-**  
**QUE CRESCERE** induobus illis, vel si qui  
sunt *iis similes, casibus*. Hæc verò **COLLIGI-**  
**TE PRIMVM ZIZANIA ET ALLIGATE**  
**E A IN FASCICVLOS AD COMBUREN-**  
**DVM**, quoties nulla dictarū subest causarū:  
tunc enim seuerè iudicibus & magistratibus  
præcipitur, vt sceleratos puniant, vt in eos  
qui pleni sunt Zizaniis, & gladio, & igne ani-  
maduertant. Notum est hoc in toto veteri  
testamento, vbi & leges variæ pænales, & iu-  
dices constituuntur. Neq; desunt in nouo tū  
præcepta, tum exempla. Quid est enim aliud  
illud dictum Christi. *Omnes qui acceperint*  
*gladium, gladio peribunt?* quam præceptio quæ-  
dam, vt qui gladium propria auctoritate sibi  
vsurpauerit, gladio à magistratu puniatur?  
vt rectè SS. Patres Græci & Latini colligunt.  
Idem D. Paulus docet expressè in loco paulò  
ante citato. Denique si propter mendacium  
D. Petrus Ananiam & Saphyram verbo inter-  
emit, quidni magistratui seculari, propter in-  
gentia scelera cum verbo nequeat, gladio idē  
facere liceat? Licet sanè, & expedit plurimū  
propter hanc ipsam Christi Dominationem.  
Si enim non sunt eradicanda Zizania, ne tri-  
ticum simul cum eis pereat, euident certè est,  
auferenda esse quando ipsum triticum infici-  
unt & perdunt.

Quomo-

Quomodo autē id sit faciendum, declarauit Christus tribus verbis, triplex legitimi iudicis officium exprimens: quorum primum est

Triples offi-  
m. iudicis  
tribus Chri-  
sti verbis  
notatum.

COLLIGERE, secundum ALLIGARE, tertium COMBVRERE Zizania: Hæc sapien-

tia patris sapientissimè. Quid verò dæmon?

Fetidissima & crudelissima hîc quoq; superse-

minauit Zizania. Videamus illa. Primum mu-

Primū COL-  
LIGERE.  
Abusus hîc  
sunt.

nus est colligere. Colligere verò nemo po-

test, nisi prius inuestiget & cognoscat, quæ-

nam sint vera Zizania. In cognoscendis au-

tem sceleribus & peccatis, magni certè & gra-

Tū ex ne-  
gligētia &  
respectu p-  
sonarum.

ues à iudicibus committuntur errores: tum ne-

gligētia, tum nimia ( vt ita dicam ) diligen-

tia. Quot enim & quanta sunt scelera, pecca-

ta, turpitudines toti penè vicinæ notæ; quæ

tantum abest colligi à magistratu, vt nec per-

quiratur qdè? cū ppter negligētiā tum ppter

respectū personarū, toties in scriptura phibi-

tū, ob fauorem, amicitia, cognationē, & eo-

rum qui illa patrant potentiam: ipsa denique

munera execranda. Contra verò alii in sce-

Tū ex nimia  
diligētia &  
inuestigati-  
one.

ribus inuestigandis & cognoscēdis plus æquò

diligentes, perquirunt & occultissima quæq;

& modis indebitis; Interrogāt tum eos, quos

minimè deberent: tum de iis rebus, quæ ad co-

gnitionem illorum non pertinent. De iis em̃

quæ infamia notata non sunt, ordinariè iudi-

cibus ab interrogationibus superledendum

est, multò minus autem quæ in secretò sci-

untur, paucis casibus exceptis: minimè verò

OMNI-



omnium & nullo penitus in casu, eorum facienda mentio, quæ voluntaria confessione Sacerdoti manifestantur. Quæ hic ( bone Deus ) ordinis humani & diuini perturbatio? qui abusus? quæ iniustitiæ? quæ impietates & sacrilegia? Examinent iudices suas in utroque conscientias.

Secundū AL-  
LIGARE.  
Abusum  
quinque ca-  
pita.

1. Pertractio  
2. Suspicio,  
3. Tortura.

4. Diffama-  
tio.  
9. Cōplices

Excusatio  
exēplo refu-  
tatur.

Collectionem sequitur alligatio, in qua nō minus, sæpe etiam magis peccatur & grauius. Ita etenim peccant qui homines alterius iurisdictionis ad sua tribunalia trahunt: maximè verò si id faciunt Ecclesiasticis. Utinam non fiat; peccant præterea, quando ob leuem suspicionem & coniecturam captiuant, affligunt, infamant proximos suos, peccant grauissimè & multis modis cum tormentis facile subiiciunt: sæpè etiam innocentes, sæpissimè non seruata forma Iuris & æquitatis; Nempe non præmissis variis & solerter inuentis interrogationibus ad cognoscendam veritatem aptis. Peccant dū adigunt, ut quis diffamet seipsum; multò magis ut diffamet alios; cum neutrum fieri debeat. Peccant, dum cogunt ad complices manifestandos, quod non nisi in grauissimis casibus bonum Ecclesiæ, vel Reipub: concernentibus licet. O quam terribiles excessus, & crudeles innocentum torturæ, hinc prouenire solent? quæ utinam iudicum aperiant oculos, ne ipsi propterea in multò maiora incidant aliquando tormenta. At enim se aliter facere non posse asseuerant. Quis tam

ferox,

ferox, tam barbarus & immanis tyrannus talis legis auctor extitit? Vnde tanta inter homines, & quidem Christianos impietas? Sunt sane florentissimæ Respub: quæ secus eo in genere se gerunt. Exempla vultis domestica? Noui ego hîc in Polonia Ciuitatem, in qua frequentius, quam in aliis scelesti puniuntur; & tamen rarò admodum, & vix vnquam etiam fontes torturis subiiciuntur. Non desunt enim aliæ inuestigandæ veritatis viæ. Cognita autem mortis sufficiente causa, quid est necesse progredi vterius, præsertim in furtis, in quibus hic maximi fiunt abusus?

Postremum munus iudicum est combure-  
re Zizania, id est mulctare etiã mortefontes.  
Fontes inquam, innocentem enim condemnare, summum nefas notatum à Daniele in  
duobus illis senioribus Babilonicis; quorum  
vnum sic alloquitur: *Inueterate dierum malorum nunc venerunt peccata tua, quæ operabar prior*  
*iudicans iudicia iniusta, innocentes opprimens, &*  
*dimittens noxios.* Vtinam inter Christianos nō  
habeant imitatores! quorum alii ex respectu  
personarum dant veniam coruis, vexant  
columbas; alii ex avaritia liberant, quibus vitam  
donare nequeunt. Id enim nec supremo  
magistratui semper licet. Huc spectant, qui  
licet iuste ex odio tamen, & vindicandi sese  
libidine condemnant reos. Quid illi, qui vna  
cum corpore animam simul perdunt proximi?  
qui nil pensi habent, vt qui morti sunt  
desti-

Tertium  
COMBURE  
FONTE  
fontes.

Dan: 12. 52  
Abusus hic  
quoque.  
1. Innocentium  
condemnatione.

2. Nocentium  
impunitio.

3. Odium.

4. Impietas.



destinati, & Sacramentis muniantur, & à Sacerdote ad locum supplicii deducantur? Procurant id quidem aliquæ nostrarum Ciuitatum, qua in re sicut laude sunt dignæ, ita optandum & satagendum vt alii omnes earum ductum sequantur.

TERTIVM  
in conclusio  
ne ē spei e-  
rectio præfer-  
tim in mor-  
te.

Valet ad id.  
1. Frequēs  
collectio p  
examen.

2. Alligatio  
voluntatis  
proprie.

Denique exequutio huius decreti Christi Domini, non solum iudicibus in Repub: non solum Angelis in extremo iudicio, non solum prælatis suo modo in Ecclesia, sed etiam omnibus nobis commissa est, tum in vita, tum in morte, earatione quam in prima concione explicuimus. Ne autem in morte sit infructuosa (qua infelicitate nil funestius excogitari potest) in vita frequenter in vsu est habenda, vt hac ratione spes viua sit, augeaturq; in nobis. Danda igitur est opera, vt continuo summa cum diligentia, nostra in nobis, colligamus Zizania. Nam idem omnino nobiscū agitur, quod fit in Ecclesia. Sicut enim in Ecclesia nunquam desunt Zizania: ita etiam in sanctis hominibus, dum in hac vita manent, quanto magis in nobis peccatoribus nunquā deerit quod examinemus & colligamus. Ad denda verò est etiam alligatio, illius imprimis rei, quæ maximè est soluta, liberi inquam arbitrii & voluntatis nostræ, quæ nec angustiis carcerum, nec vinclis compedum, nec vllis tormentis tyrannorum vnquam alligari potuit: sed nec Deus ipse vim ei infert, à nobis tolis alligari ea potest, &, si Deo rebellis est, omnino

omninò debet, quod vt fiat oro, & obsecro. Addenda denique combustio verè contritionis & doloris. Ita. n. & decreto Christi satis faciemus, & habitum bonæ spei in nobis formabimus. Mirum equidem dictu, quanta sit nostra hac in parte solertia, omnes artes, etiam mechanicæ & sordidæ magna & frequentum exercitatione addiscuntur: sola ars benè moriendi (quæ eadem est bonæ spei) ab omnibus penè negligitur, vel ad vltimum habitum differtur, cum summo dispendio & periculo. Rectene? tute iudica.

3. Cōbustio  
p. cōiunctione

4. Ars benè  
moriendi.

Obiectionis  
solutio &  
exēpla.

NOTANDA.

Latronis.

Antiochi.  
2. Mach. 9  
12.

ratio



ratio autem spei euidentis est argumentū) *hic scelestus dominum à quo non esset misericordiam cōsecuturus.* Taceo his similia exempla in Dialogis D. Gregorij, & alibi expressa. Vos quælo mente sagaci reuoluite illa, ne sitis ex eorum numero, qui vel non possunt conuerti in agone, vel certè non facient. Sed potius iam iā vos ad benè moriendum, & ipem veram in illa die habendam præparate.

Alia spei vi-  
uæ media &  
summa disto-  
rum.

Hoc verò fiet, si primum quidem cauebi-  
mus tentare Deum. Tentat autem Deum qui  
postpositis mediis ab eo nobis relictis, nescio  
quæ miracula in agone suo expectat. Deinde  
si sedulò exequemur, quæ in hac audiui-  
mus concione. Si inquam diligentem dabimus o-  
peram, vt semen bonum optimi patris fami-  
lias IESV non solum fidem, sed etiam condi-  
gna fidei opera operetur in nobis. Si nō dor-  
mientes, sed vigilantes erimus oñs, ij verò qui  
præsumunt duplici ratione. Sicut enim somnus  
spiritualis, primaria est causa peccatorum o-  
mnium: ita vigilantia; tum in diligenti sui, su-  
orumq; cura, ne committantur peccata, tum  
in oratione, origo est omnis boni. Si deniq;  
nec securi erimus vnquam deuicto dæmone,  
quiaredibit iterum: nec quatuor sensus no-  
stros mendaces, sed auditum fide Christi illu-  
stratum sequemur. Postremò adhibebimus,  
quæ vltimo loco dicta fuerunt, iugem & con-  
tinuam Zizaniorum nostrorum collectionē;  
seriam & strictam volūtatis vagæ alligationē;  
& ignis

& ignis cōtritionis amorisq; diuini caminum  
ardentem. Huic enim spes vera & viuā ita in  
nobis radicabitur, vt in extremis positi cum  
Iob dicere valeamus: *Etiam si occiderit me in Iob 13. 15.*  
*ipso sperabo.* Hacq; ratione per spem ad rem  
perueniemus, vt videamus facie ad faciem  
Deum nostrum, trinum & vnum in secula se-  
culorum. AMEN.

## CONCIO QVARTA

### Charitas.

STATVS  
M V M D I,  
ET SPIRI-  
TVALIUM  
PERSON.

**Q**Vamuis primarium I E s v Christi Do-  
mini nostri institutum in hac para-  
bola fuisse credatur, statum Ecclesiæ  
sue vsque in consumatione seculi bonis ma-  
lisq; permixtum nobis ob oculos ponere: qui  
tamen solerti & spiritali oculo dicta Domini  
I E s v contemplabitur, facile animaduertet,  
non solum noui Testamenti, sed etiam totius  
quæ ab ipso orbis exordio fuit Ecclesiæ, in his  
duobus seminantibus, typum geri: alia de-  
niq; hinc subesse mysteria, & magna charitatis  
ac beneuolentiæ diuinæ erga genus humanū  
argumenta, probè videbit. Itaq; qui Euāge-  
lium hoc penitus vult penetrare, omnes o-  
mnium temporum status, personas, momē-  
ta, vicissitudines, ipsum deniq; creatorem,  
cum vniuersa sua rationali creatura, ante mē-

Parabola  
hæc, omnia  
cōplectitur  
tempora per-  
sonas &c.

D d d

tis sue



tis suæ oculos statuatur necesse est: & demiretur, tum res omnes, tum ordinem illarum mirandum sanè. Ex qua quidem admiratione, cum alios, tum verò illum fructum referet, ut ad amadū tam munificum benefactorum cor extimulet & inflammet suum.

PROPOS:  
quadrimem-  
bris-

Hoc ipsum ut nobis quoque contingat; imprimis personas, actiones, & ordinem in parabola hac insinuatam considerabimus: deinde historiam huc spectantem orbis quasi vniuersi texemus, vel perstringemus potius: tum quonam modo, quæ in parabola notantur viris etiam spiritualibus, & religiosis cōpetant, demonstrabimus: ac denique, ex dictis gratitudinem & amorem diuinum in nobis excitare conabimur. Tu ipse Christe IESU, ita hæc in cordibus excitanostris, ut charitas tua sancta, in æternum maneat in nobis.

I. MEM-  
BRVM. Na-  
tura rationalis  
proprietas  
continet.

Videor mihi videre in hac parabola, totius naturæ rationalis depictam imaginem. Nèpè Dei optimi Maximi potentiam immensā, misericordiam largam, prouidentiam infinitam, & iustitiam per omnia æquissimam. Angelorum iugem vigilātiā, Zelum honoris Dei acerrimum, & ad exequenda mandata ipsius summam promptitudinem. Dæmonum virulentam inuidiam & rancorem, vāfram calliditatem, & truculentam tyrannidem. Hominum denique supinam socordiam, ex qua omnia eis proueniunt mala, Zelosam etiam in quibusdam vigilantiam, sed non secundum

cundum scientiam, & dignas pro meritis pæ-  
nas & præmia. Ordo verò est iste, Deus inci-  
pit, tum creando, tum semen bonum gratiæ,  
& sanctarum inspirationum seminando. Ho-  
mo dormitat, diuina negligenter tractando.  
Sequitur Sathan, Zizania superseminando,  
& scelera suggerendo. Consentit homo,  
peccat, fructusq; profert pessimos. Zelantur  
Angeli, & quidam pii, eradicareq; volunt im-  
pios. Sed prohibet, qui offenditur patiens,  
& misericors Deus. Qui tandem iustitiæ me-  
mor suæ, seuerè punit malos, dat verò libe-  
raliter bonis præmia. Habetis summam pa-  
rabolæ, rem ipsam intueamur.

Ordo inter  
hæc.

Incomprehensibilis in consiliis suis, perfe-  
ctissimus, nullius indigus, ac proinde intra  
se sibi ab æterno sufficiens per omnia Deus,  
volens etiam extra se bonitatem & misericor-  
diam declarare suam, condidit quando ei li-  
buit ex nihilo, primum quidem Angelicam  
purè spirituales, deinde merè corpoream, ac  
postremò ex vtrâq; quasi conflatâ humanam  
naturam. Et verò priori prætermissa; in his,  
gessit se vt locupletissimus ac sapientissimus  
paterfamilias, qui mundo hoc visibili vniuer-  
so, tanquam agro amplissimo constituto, non  
solum seminauit, in visceribus quidem terræ  
metalla varia, in superficie verò eius herbarû  
plantarum, arborû; in aquis piscium; in àere  
volucrum; supra terram bestiarum ac pecorû  
infinitas species & genera; demumq; ipsum ho-

II. MEMB:  
Historiâ or-  
bis vniuersi  
texit.

Creatio tri-  
plex.

Gubernatio

Simile.

D d d a

uinem:



Dignitas pri-  
mi hominis  
*Gen. 1. 26.*  
In corpore.

In anima.

Diaboli in-  
uidia.

*Mat. 13. 39.*  
Eua dormi-  
tante.

*Pf. 131. 10.*  
Supersemi-  
nantur Ziza-  
nia.

Adam eē de-  
scendit.

*1. Tim. 2. 14*

minem: sed etiam omnibus hisce concessit & ingenerauit vim & potestatem producendi si-  
bi simile; quod nullus vnquam paterfamilias  
facit vel facere potuit. Insuper considerans  
dignitatem hominis, quem *ad imaginem & si-*  
*mitudinem suam*, fecerat, non tantum omnem  
irrationalem creaturam ei subdidit; sed etiam  
semen quoddam nō in corpore, sed in anima  
eius; in qua imaginem ipsius portabat, semi-  
nauit; semen sanctum, semen diuinum, semē  
spirituale & cæleste, cui non ad corpus crassū;  
sed ad fidem, spem, Charitatem, obedientiam  
cæterasque virtutes spirituales producendas  
vim indidit. Semen inquā gratiæ suæ diuinæ,  
quam innocentiae originalis, & aliis donis do-  
tisque vberimis affatim locupletauit, & or-  
nauit.

Hæc vidēs & inuidens **I N I M I C V S E I V S**  
diabolus *dentibus suis fremens & tabescens*, dor-  
mitante & curiosē agente (vt in alia concione  
explicuimus) prima parēte nostra Eua, adest  
& ipse & semini optimo **SUPERSEMINAT** pessi-  
ma **Z I Z A N I A**; mendaciorum, superbiae, in-  
obedientiae, arrogantiae, hisq; similia, quæ sua-  
det & persuadet, decipitque incautam. Rem  
quonam modo gesta sit nostis, nec est quod  
iteretur. Atq; vtinam hīc finem suum sortitū  
fuiſſet hoc malū, sed prō dolor, p̄greditur &  
pullulat vterius. Adā etem dū coniuget & asse-  
sum præbet vxori prauaricatrici prauarica-  
tur ipse quoq; diuinum præceptum, gustat de  
fructu

fructu vetito, peccat, peccatiq̄ue incurrit pæ-  
 nas, quas nouimus & experimur ñes. *Omnes* Pæna sequi-  
 tur triplex.  
 2. Reg: 14.  
 14.  
 Psal: 50. 7.  
*enim morimur, & quasi aqua dilabimur in terram:*  
 & quod peius est, *in iniquitatibus concipimur,*  
 & *in peccatis concipiunt nos matres nostræ.*  
 Sed ad primos parentes redeamus. Hi igitur  
*cum cognouissent se esse nudos* (ecce alia peccati  
 pæna) *consuerunt folia ficus, & fecerunt sibi peri-  
 romata:* impletumq̄; est quod audis, in pa-  
 rabola. TUNC APPARVERUNT ET ZI-  
 ZANIA, quæ antea in corde, quasi in herba  
 latebant. Apparuerunt autem omnibus, qui  
 tunc aderant bonis & malis Angelis, ipsisq̄ue  
 hominibus; propterea loca, in quæ se abde-  
 rent, quærebant. Et quis nouit, vtrum Mi-  
 chael cum bonis Angelis, post victoriam illâ  
 quam zelantes honorem Dei, reportarunt ex  
 Lucifero & angelis eius, eosq̄; *rudentibus infer-*  
*ni detractos in tartarum precipitarunt cruciandos:*  
 eodem zelo contra homines peccantes com-  
 moti, nō dixerint Deo, VIS IMVS ET COL-  
 LIGIMVS EA (zizania videlicet) & idem il-  
 lis faciamus, quod fecimus apostaticis spiri-  
 tibus?

Verum enim verò imensa diuina prouidē-  
 tia, & misericordia, tantum abest, vt id præ-  
 ciperet, quod Lucifero cum suis fieri manda-  
 rat; quin etiam prohibuit ne id facerent, sed  
 permitterent vnâ cum bono semine zizania  
 CRESCERE VSQVE AD MESSEM, id  
 est, cum vsq̄; in finem vitæ in singulis, tū vsq̄;  
 Ddd 3 ad con-

Diuina mi-  
 sericordia in  
 homines.  
 1. Qua pro-  
 hibet ange-  
 los.



ad consumationem seculi in Ecclesia. O bonitas. O amor erga genus nostrum admirabilis. Quis tibi ô Deus noster vel hoc solo nomine dignas vnquam referet gratiarum actiones? Nemo equidem, Cum ergò pares non possumus, quas valemus, reddamus, cum habendo gratias: tum verò agendo, quod ei charum esse nouimus: præsertim cum non solum hæc, sed etiam alia generi humano tunc, & postea præstiterit beneficia; iterum semen suum seminando. Addidit enim statim promissionē illam, qua nulla maior de procreando semine è muliere, quod caput INIMICI huius, serpentis infernalis, conterere debuit. Adiecit demum & internas gratias, & externas admonitiones, per viros sanctos, quos identidem submittebat. Enos, Henoch, Noë, Melchisedech, Abraham, Isaac, Iacob, & his similes multos, quos scriptura tacet, vñq; ad Mosē, per quos semen verbi sui seminabat Deus, cum in vniuerso mundo, tum peculiariter in populo & gente Iudaica. Magna equidem beneuolentiæ diuinæ argumenta, magno amore digna.

2. Qua promissis beatos reos.

Gen. 3. 15.

3. Qua bonū semē denuo seminatur.

Inimici contra malitia.

Alia superseminantur zizania.

Gen. 4. 8.

Abid. 8. 19.

Sed & INIMICVS, suo quod semel malignè suscepit, non deest muneri. CVM enim DORMIRENT HOMINES, adfuit denuo & SUPERSEMINAVIT alia ZIZANIA. In Cain quidem fratricidium, In Lamech verò primum bigannam, postea duplex homicidium, In filiis Dei, luxuriam, vnde omnis caro

corrupta

corruerat viam suam. In posteris maledicti  
 Chanaan Idololatriam, quæ postmodum in o-  
 mnes gentes ita manavit, ut etiam populum  
 Dei inuolueret. Quid inde? Stupendum quid  
 sanè. Non enim iam siue Angeli, siue homines  
 DIXERVNT, VIS IMVS ET COLLIGIMVS  
 EA? Sed ipse Deus, primum quidem propter  
 peccata carnis: *Delebo inquit, hominem, quem cre-*  
*avi &c. panitet enim me fecisse eos,* perfecitq; hoc  
 ipsum, perdens omnes aquis diluuij, præter  
 octo personas: Deinde verò multò terribilius  
 zizania Idololatriæ collecturus Deus, ait ad  
 Moysem: *dimitte me, ut irascatur furor meus con-*  
*tra eos, & deleam eos.* Nonnè stupetis, ipsū velle  
 facere, quod aliis prohibuerat? vereriq; quo-  
 dammodo hominem? Neq; tamen etiam tūc  
 misericordiæ oblitus subiungit, *faciamq; te in*  
*gentem magnam:* insuper placatus precibus Moy-  
 sis, ab hac destitit cogitatione. Quid Moyse?  
 armatus zelo honoris eius, eadem die, macta-  
 ri curauit ex Israel *triginta millia hominum.* An  
 non miranda sunt ista?

Sub idem tēpus, paterfamilias hic sapientis-  
 simus & munificentissimus Deus misericors,  
 alia quadam ratione SEMEN SVVM SEMI-  
 NARE cepit. Digito enim suo scribit legem  
 in tabulis lapideis, quàm Moyse ad promul-  
 gandum tradit; cui etiam ostendit, tum mo-  
 dum fabricandi tabernaculum: tum varia iu-  
 diciorum & ceremoniarum genera, ad cultū  
 suum pertinentia; ac deniq; hæc omnia scri-

Gen: 6. 12.

Gen: 9. 25.

Mirandus  
Dei zelus.

Gen: 6. 7.

1 Per: 3. 10

Ex: 32. 10.

Et duplex  
misericor-  
dia.

Zelus Moyse

Ibid: 9. 28.

Iterū iterūq;  
bonū semē  
seminat Deus  
modis variis  
Exo: 31. 18.



Munia Pro-  
phetarum.

Sathanz no-  
ua super se-  
minatio.

Tandem se-  
minat Deus  
verbū suum

*Heb: 1. 1.*

Tū in utero  
virginis no-  
do incōpre-  
hensibili.

ptis consignare iubet, quorum antea nil fece-  
rat. Postea verò adiungit etiam prophetas,  
& multos & excelentes nempe cuneos pro-  
phetarum. Eliam quoq; , Eliaum , Iſaiam ,  
Ieremiam , Ezechielem , Danielelem , & infinitos  
alios, quorum multi scriptis tradiderunt,  
quæ à Deo acceperant. Apposuit insuper Re-  
ges, Dauidem & Salamonem , donis tū pro-  
phetiæ, tum sapientiæ claros. Horum verò  
omnium id erat officii, vt semē diuinum spar-  
gerent, vt homines à somno spiritali excita-  
rent, vt tum pænis, tum præmiis propositis  
mouerent vniuersos, sibi vt ab INIMICI  
ZIZANIIS diligenter cauerent. Qui qui-  
dem INIMICVS diabolus è contrario exci-  
tauit ipse quoq; pœtas, ariolos, Magos, pseu-  
dopphetas, & his similes; per quos non  
solum in aliis, sed etiam in hac ipsa gente Deo  
dicata, innumera S V P E R S E M I N A V I T Z I -  
Z A N I A tum verbo, tum scripto.

Atq; tandem excrescentibus nimium Z I -  
Z A N I I S, nouum quendam, & ipsis quoq;  
Angelis, Cherubinis, Seraphinisq; incom-  
prehensibilem adinuenit modum disseminandi  
S E M E N S V V M; quem admirans Aposto-  
lus ait. *Multisariam multisq; modis olim Deus lo-  
quens patribus in prophetis, nouissimè diebus istis,  
locutus est nobis in filio, quem constituit heredem v-  
niuersorum, per quem fecit & secula.* Etenim pa-  
ter æternus hoc ipsum coæternum & consub-  
stantiale sibi verbum seminavit primum, in  
utero

utero castissimæ virginis, ubi hoc *verbum, caro* Io: 1. 14.  
*factum est*: deniq; id ipsum verbū homo factū,  
 natum, educatum, adultum, ore suo sanctis-  
 simo: sēmen diuinissimum seminare, verbaq; Tū p̄ filium  
 Euangelii spargere cæpit: atq; adeò hāc quoq; suum verba  
 protulit parabolam, cum rerum præteritarū p̄ferentem.  
 commemoratiuam: tum verò futurarū præ-  
 sagam. Quæ n̄. in ea designantur partim iam  
 facta sunt; partim in dies singulos fiunt, par-  
 tim in fine mundi perficientur. Facta est pri-  
 ma verbi huius disseminatio, p̄ ipsum Chri-  
 stum I E S U M dum in hoc esset mortali cor-  
 pore, per Apostolos quoq; per Christi Apo-  
 stolorumq; discipulos, per Martyres, per pa-  
 stores, per cōfessores, & Doctores primitiue  
 Ecclesiæ. Fit nūc per eorum successores, per-  
 durabitq; ad consummationem vltq; seculi,  
 quando ea, quæ vltimo dicuntur loco, exple-  
 buntur.

Tū p̄ Apo st̄  
 & alior in-  
 numeros.

Scopus autem omnium horum seminanti-  
 um, idem fuit, qui & sanctorum veteris te-  
 stamenti, nempe homines, vt à somno spiri-  
 tuali excitarent; omnes monerent, cauerent,  
 vt sibi à Zizaniis I N I M I C I, vtq; filios regni  
 procrearent Deo. At verò modus, & media,  
 longe sunt nunc, quam olim fuerunt excel-  
 lentiora. Olim cecinit David *notus in Iudæa*  
*Deus iam verò impletur illud. In omnem terram*  
*exiuit sonus eorum, & in fines orbis terra verba e-*  
*orum.* Id enim etiam nunc fieri videmus, in  
 Mexico, in Pent, in Brasilia, India, Iapone,

Horū mūia  
 eadem quæ  
 olim.

At media  
 nunc longè  
 excellētiōra  
 1. Quia am-  
 pliōra.  
 Psa: 75. 2.  
 Psa: 18. 5.



2. Quia gratiam confitentia.

Gal: 4. 9.

3. Quia amore spiritantia.

Redamandus Deus-

Inimici etiam nunc nota ut anti qua zizania

Chinis, & infinitis locis aliis, vbi nunquam hoc semen verbi disseminatum fuit antea. Olim præterea tum sacramenta, tum alia media ad disseminandum recipiendumq; hoc semen erant exigua, *infirma*, & *egena*; nunc & copiosa, & perutilia: vt pote gratiam diuinā ex ipso opere operato (quod dicitur) confitentia. Olim deniq; minis & timore omnia perficiebantur, nunc amore & charitate plena sunt vniuersa. Est igitur cur Christo IESU Domino nostro agamus gratias maximas, & illi pro summo erga nos amore nostrum qualemcunq; reddamus.

Neq; verò quia tot, & talia habemus diuinæ benevolentiae signa, & monumēta, ideo otiosi erimus. Absit id longè à nobis: INIMICVS enim HOMO *Diabolus*, non negligit etiam nunc sua superseminare ZIZANIA somno oppressis cum omnibus, tum verò iis, quibus & sui, & aliorum causa inuigilandum esset. Imò verò, quantò maiora dona nobis à Deo data animaduertit, tantò ipse quoque cingitur magis, & virus exurit suum. Hinc schismata, & hæreses innumeræ: hinc etiam inter Christianos, à quibus maximè exulare deberent facinora ingentia: hinc quorumuis Zizaniorum acerui infiniti. De quibus quia tribus aliis concionibus multa locuti sumus, nunc ad alia occultiora, & subtiliora, quæ spirituales & Deo dicatas personas afficere possunt, sermonem nostrum conuertemus:

& quæ

& quomodo istis quoq; hæc quadret parabola, Christo benè iuuante, declarabimus.

Quemadmodum fatendum est, quod experientia docet, esse in ipsa etiam Christi Ecclesia loca quædam, in quibus diabolus Zizania copiosè seminare consuevit: ita dubitan-

III. MEM-  
BR V M  
Spiritualib.  
parabolam  
applicat.

dum non est, nullam reperiri congregationē, nullum hominum statum, locum nullum tam abditum aut inaccessum, ad quem Sathan cū suis non penetret Zizaniis. Certum quidem est, in locis inhonestis, in domibus strigarum, Magorum, & quorundam Mathematicorum, Loca in quibus zizania plena manu seminantur.

in tabernis etiam potatoriiis, aleatoriiis, vsurariis, hisq; similibus; dæmonem, plena quod dicitur manu, sua spargere Zizania, quibus etiam suo modo adnumerari possunt domus publicanorum, palatia epulantium, conuenticula militum, subsellia eorum iudicum, qui munera diligunt, tabernæ quoque mercatorum lucris plus æquò inhiantium. Eiusmodi enim terra, mala Zizania auidè, sed malè suscipit, peius fouet, pessimè verò auget, veneficia, luxuriam, ebrietatem, fraudes, rapinas, iniustitias, periuria, ceterasq; impietates ac scelera.

Vbiq; tamē  
quædam repe-  
riuntur.

Quæ pericula vt effugiant alii, abdunt se in Cænobia, in Monasteria, in religiosas Societates, alii loca deserta incolunt, alii speluncas & cauernas terræ penetrant. Et rectè id quidem illi, qui vocantem Deum sequentes, occasiones peccatorum fugiunt: at minus rectè, si



Hoc docet  
Euangelii.

Hoc D. Io-  
annes.

1. Jo: 5. 19.

Hoc Deus  
& Propheta.

Iob 40. 14

Hab. 1. 16

Quid agēdū

Qui sunt se-  
minantes.

Et tē, si autumant hac secessione, se ab omni ten-  
tatione, & eorum, qui seminant Zizania, im-  
pugnatione, fore liberos. Nunquid em̄ per  
agrum vniuersus orbis non intelligitur? sanē,  
ipso Christo interprete. Si ergo extra mun-  
dum es, securus eris: at si hīc vnā nobiscum a-  
gis, qm̄ tibi securitatem polliceris, cum in E-  
uangelio audis, in eodem agro, in quo bonus  
paterfamilias seminauit bonū semē, malū dæ-  
monē superfeminasse Zizania? Sed & dilectus  
Christi Apostolus clamat: *Mundus totus in ma-  
ligno positus est: totū igitur implet suis Zizaniis*  
*diabolus.* Ne ergo sine cura simus, ne euasisse  
nos pericula arbitremur, sed tantō fortius a-  
gamus, quantō magis spirituales sumus, &  
fraudes Sathanæ nosse debemus; qui teste  
Deo, *habet fiduciam, quod influat Iordanis in os e-*  
*ius:* & teste Propheta, *cibus eius electus est.* Vi-  
gilādū itaq; est nobis, & sagaciter omnes sinus  
insultuum eius peruestigandi. Quam ad rem  
valebit plurimum diligens parabola, & cir-  
cumstantiarum eius per antitheta considera-  
tio: vt inde bonitatem & amorem erga nos  
Christi Iesv; hinc malitiam ac odium Satha-  
næ agnoscentes, & veterum nostrum excu-  
tiamus, & quantum in nobis est, odium pro  
odio Dēmoni, amorem verò pro amore Chri-  
sto reddamus. Et de loco quidem in quo hæc  
isparguntur semina, iam diximus.

Iam verò statuite ante oculos mentis ve-  
stræ duos, qui ad seminandum egrediuntur:  
quorum

quorum alter est *Candidus & rubicundus, electus* *Cat: 5. 10.*  
*ex millibus*, ideoq; pulcherrimus, honestissi-  
 mus, mansuetissimus, humillimus, decorus  
 facie, Cælarie venerandus, corpore toto speci-  
 osus nimis, vt de illo Dauid cecinerat: alter  
 verò est *draco ille magnus, serpens antiquus, qui* *Psf: 44. 3.*  
*vocatur Diabolus & Sathanas,* à Christo verò in *Apo: 12. 9*  
 parabola INIMICVS HOMO nuncupa-  
 tur, spurcus, fædus, capillo hispidus, capite  
 cornutus, aduncis naribus, manibus leonem,  
 pedibus draconem referens, aspectu tam hor-  
 rifico, vt cum suo modo apparet, nemo eum,  
 abiq; mortis periculo intueri posset, ni à Deo  
 corroboraretur. Hoc à quodam pio viro vi-  
 sibiliter cum eo luctante intellexi. Et quam-  
 uis vterq; dicatur homo; Christus quidem, q̃a  
 verè homo est. Sathan autem, quia non-  
 nunquam & humanitatem, & figuram homi-  
 nis simulat; adduntur tamen epitheta: illi qui-  
 dem patrisfamilias, propter curam paternam  
 suorum: huic verò inimici, propter odium,  
 quo ardet contra genus humanum. Nos vide-  
 amus, cui ex his duobus terram nostram ad-  
 ferendum tradere debeamus.

Quid verò seminant? Prior seminat B O-  
 NVM SEMEN triticumq; optimum, nimi- *Quid nam*  
 rum amorē Dei: posterior pessima ZIZANIA *feminent.*  
 amorem suū. Illius *semen est verbum Dei,* vnde *Luc: 8. 12.*  
 fides, spes charitas, humilitas, patientia, cæ-  
 teraq; excrescunt virtutes. In personis verò *Præferim in*  
 religiosis, seminat insuper castitatem, pau- *religiosis.*  
 pertatem,



Qui vel optimi vel pessimi.

Jer: 24. 7.

Pessimorum  
religiosorum  
pessimifruitus.

pertatem, & ad nutum superioris obedientiam, aliaq; grana selectissima, lucidissima, sapidissima. unde filii Dei, filiiq; regni cælestis, oriuntur. Contra verò Sathan seminat verbum mendax, & impium, unde hæreses, desperationes, præsumptiones, & infinita emanant scelera, cum in aliis, tum vero in personis, quæ olim spirituales fuerunt, quos si quando in suam nassam pepulerit & pertraxerit, ita eos pessimis implet Zizaniis, ut & antesignanos omnium scelerum & coadiutores suos efficiat. Viderat id olim in typo Ieremias, quando Ficus intuebatur, *& ficus bonas, bonas valdè, & malas, malas valde.* Ficibus istis figurari viros spirituales, maximè religiosos, constans est sanctorum sententia. Horum enim pleriq; in pietate, alii tamen etiam in nequitia excellere solent valdè. Illorum plena sunt historiarum sanctarum volumina: horum nec antiqua (ut Sergii institutoris Machometismi) nec recentia defunt exempla Lutheri, Oecolampadii, Bucerii, Ochini, & similium; qui præter horrendas, ac innumeras tum hæreses, tum in Deum Sanctosq; eius blasphemias in mores induxerunt verbis, factisq; suis periuria, votifragia, bigamias, adulteria, incestus, sacrilegia, tam in bonis, quam in personis Deo dicatis, rebellionem quoq; primum quidem spirituali, postea verò etiam seculari magistratui: indeq; homicidia, & parricidia. Quibus quid aut tetrius, aut fædius excogitari potest?

Cæterum

Cæterum cum ad spirituales personas hæc nostra maximè dirigatur oratio, omiſſis aliis, de quibus prioribus concionibus egimus; iſtis duo in primis cauenda; vnum verò procurandum cenſeo. Fugienda eſt: tum (vt dixi) ſecuritas nimia: tum noxia deſperatio ex ſcandalo procedens. Hæc inuadere ſolet nonnullos, qui ea, quæ recenſuimus, vel videntes, vel audientes ita ſcandalizantur, vt à perfectiori ſtatu, ad quem à Deo vocantur, cum diſpendio animæ ſuæ abſtrahi ſe permittant: illa verò vecordes, & negligentes reddit alios, arbitantes, aut euafiſſe ſe omnia pericula, quia ſeculum reliquerunt, aut ſecuros ſe eſſe, quia ſemel vel iterum Dæmonem vicerunt. At ſecus ſe res habet, Quamnis n̄. in Euāgelio dicatur de Diabolo. ET ABIIT, reuertetur tamen iterum, & millies, vt etiam ad ipſum Chriſtum reuerſus creditur. Ita q̄; vſque ad vltimum halitum minimè fidendum eſt viribus noſtris, ſed fugiendæ occaſiones, ſicut vir ille ſanctus ( de quo D. Gregorius ) Vſicius Præſbyter, fugiebat. Hic enim in extremis poſitus, cum vxorem ſuam, quam propter Chriſtum reliquerat, & à qua tanquam ab hoſte per annos quadraginta ſibi cauebat, lectulo aſtante ſenſiſſet. exclamauit. Recede à me mulier, adhuc igniculus viuut, paleam tolle. Et paulò poſt viſis Apoſtolis, Deo animam reddidit. Hunc igitur imitemur, & tertium, quod propoſuimus, diligenter procuramus

Religioſi,  
duo caue-  
bunt.

Tum ſcan-  
dalū indeq̄  
deſpationē

Tū vecordē  
negligentiā

Vſq̄; in finē  
vitæ.

Luc. 4. 13.

Greg. Dia-  
lib. 4. c. 11.  
Exemplum  
mirandum  
vſicij-



remus ( diligenter enim nobis comendatur à Christo & Apostolis, vt in alia concione vidimus ) nempe VIGILANTIAM.

VIGILANTIAM.

1. Vt agnoscant scopum Sathanæ.

2. Media.

Ecc: 10. 1.

Eccl: 19. 2.

3. Modum quem seruat.

VIGILANTIA autem ad multa est necessaria. Primum quidem, ad cognoscendum scopum, quem Sathan sibi præfigit in seminandis crassis illis Zizaniis inter religiosos; & media quibus ad id vitur. Scopus eius est, vt illos primo quidem Apostatas à sancto instituto, postea verò instrumenta sua efficiat. Media duo notantur à Sapiente; Superbia & sensualitas. Ait enim: *Initium superbiæ hominis, apostatare à Deo.* Apostatat autem à Deo, qui religionem eius deleat, tam datam omnibus, quàm electam à quibusdam per votorum emissionem. Et iterum inquit: *Vinum & mulieres apostatare faciunt sapientes.* Quid clarius, & scriptura hæc præcauente, & experientia id in Luthero, & eius asseclis monstrante? Omnino nihil.

Sed & modum expressit sapiens, quo istis tētationibus vitur Sathanas. Is em̃. in primis superbiæ motus excitat, in iis præsertim qui ingenii memoriæ, eruditionis, maximè verò eloquentiæ laude excellunt: facitq; vt magna sibi de se polliceantur, & nihil non sibi deberi autument. Deinde sub prætextu conseruandæ valetudinis superflua in victu, potuq; persuadet: tum verò plus æquo, aliis *vinum*, aliis cibum in ore dulcescere facit, eorumq; appetitum inordinatum ciere consuevit, ac tandē in Ce-





Quæ sunt  
duplicitia.

*Psal: 10. 2.*

subtiliora, quæ religiosus, & vigilantibus oculo discernere, & diligenti cura propulsare debet. Solent enim dæmones, tentationum mille artifices, cum vident hæc aperta & putida nimis eis non succedere; subtiliora adinuenire: tum ad vexandam & inquietandam piâ conscientiam: tum ad obducendas tenebras, ut (quod & David monuit.) *agent in obscuro re-ctos corde.* Primi generis sunt tentationes fidei, quæ duplices esse solent. Item tentationes blasphemix scrupulositatis, desperationis, & eiusmodi; quibus viros nonnunquam etiam sanctos inuadere, & molestare consuevit diabolus. In alio verò genere reponitur, quando sub prætextu virtutis vitium suadet, quando ita mentem perturbat, ut ignores an sit tentatio, an verò inspiratio diuina, quando his similibus utitur actibus. De quibus omnibus disserendi tempus non datur. Faciunt hoc viri spirituales, & nos iuxta, occasionem agere de iis in particulari aliquando poterimus: nunc verò de eo, in quo potior vigilantix pars consistit, pauca dicamus.

*¶ Vt trape-  
tis vtantur.*

*§. Vt agno-  
scat felicitatem  
suâ præ  
aliis quam*

**NOTA,**

Præstantissima **VIGILANTIÆ** ratio, cui incumbere debent personæ spirituales maxime, sita est, in habendis in promptu, & celeriter adhibendis remediis contra omnes dæmonum cum suis **ZIZANIIS** insultus. Qua in parte, qui in religione & approbata & florente viuunt, cæteris longè sunt feliciores. Habent enim tum media ad id plurimas

rima; tum trapesitas ( vt Cassiani verbo utar ) *Cass. Collat.*  
 pericissimos, qui aurum ab ære, tentationes *1. Cap. 20.*  
 ab inspirationibus diuinis secernere optimè  
 norunt: quod iis, qui arbitrato suo soli sibi  
 viuunt, per difficile & periculosum est *Va soli; Eccl. 4. 10.*  
*quia cum ceciderit, non habet subleuantem se,* ait  
 scriptura. Nec verò caret tantum subleuan-  
 te se cum ceciderit; sed etiam caret instruen-  
 te se, ne prolabatur, quæ altera nec minor  
 priore est miseria. Haud enim facile est cogno-  
 scere *altitudines Sathanae,* & tectas subtilissimas-  
 que tentationes eius. Ab utroq; verò isto ve-  
 liberat dominus eos, qui in tali piorum cætu  
 degunt, & à superioribus regi se permittunt,  
 eorumq; ductû sequuntur cum in aliis omni-  
 bus; quæ cû peccato mortali claro coniuncta  
 non sunt: tum verò in hisce. Tales enim à  
 recto tramite aberrare non possunt: etiam si  
 ( quod mirandum sanè ) ipsi superiores in suo  
 errent iudicio. Nam etiam si quid prudentiæ  
 in iubente decedat: supplet id tamen in subdi-  
 to animus promptè obediendi. Imò multû  
 in merito superat; cum propriæ voluntatis  
 resignatione, nullum sit in homine Deo ma-  
 gis acceptum sacrificium. O eximia eorum,  
 qui in religione degunt felicitas, ô diuinum  
 beneficium excellentissimum; quod utinam  
 ita omnes religiosi agnoscant, uti vniuersis  
 & singulis perutile est, ac necessarium. Indeq;  
 ad amorem dulcissimi benefactoris sui I E S V  
 inflammentur.

*Apo. 2. 24.*Errate supe-  
riore subdi-  
tos secus.

Ecc 2

Quo.



VIGILAN-  
TIA SVPE-  
RIORIBVS  
pernecessa-  
ria.

Inuigilādū  
autem.

1. Ne super-  
ueniat ini-  
micus saltē  
cōmunitati

2. Magis, ne  
superseminet  
Zizania

3. Maxime  
ne simplici-  
ter seminet.

Quoniam verò eorum, qui talibus præ-  
sunt, fecimus mentionem, ipsis quoq; ex E-  
uangelio danda est instructio; quæ tantò est  
illis magis necessaria, quantò plus ad vigilan-  
dum obligantur. C V M N. D O R M I R E N T  
H O M I N E S (ait I E S V S, Sancti verò patres  
per homines maximè prælatos intelligunt)

V E N I T I N I M I C V S E T S V P E R S E M I -  
N A V I T Z I Z A N I A. Inuigilabunt igitur  
primum prælati, ne veniat inimicus; sed quia  
id in priuatis, si ipsi dormitant, & sunt negli-  
gentes, perdifficile, imò impossibile est; in  
communi saltem danda est opera, ne discipli-  
na religiosa soluatur. Cū enim statuta &  
consuetudines religiosorum laxantur, tunc  
diabolo aduentanti magna porta panditur.  
Multò autem magis est illis inuigilandum, si  
venerit inimicus, ne superseminet ZIZANIA.  
Venit dæmon, cum disciplina aliquantulum  
laxatur: superseminat verò Zizania, quando  
sanctis statutis & ordinationibus contrariæ  
inducuntur consuetudines. Maximū equi-  
dem malum, dissolutionisq; , ac interitus re-  
ligionū & causa & signum euident, proinde  
summopere cauendum: Hæc in communi  
sint dicta.

In particularibus verò personis id imprimis  
obseruandum est superiori, vt si prohibere  
non potest, quin veniat ad illos inimicus; stu-  
deat, saltem vt non seminentur, sed superse-  
minentur in iis Zizania: aliàs culpa non care-  
bit.

bit; à qualibet fuit, qui dixit: *Scitis qualiter* 1. Tess. 2. 15  
*unum quemq; vestrum (sicut pater filios suos) dep-*  
*cantes vos & consolantes, testificati sumus, ut am-*  
*bulareris dignè Deo, qui vocauit vos in suum regnum*  
*& gloriam. Idem prælatus suis subditis faciet,*  
*tum omnes simul, tum vnumquemq; eorum*  
*(præsertim quem indigere videt) tanquam*  
*pater filium monendo, & deprecando, ut ab*  
*insidiis inimici sibi caueat: ut consolationes*  
*diuinas suscipiat: ut vocatione, qua à Deo vo-*  
*catus est, dignè ambulet, ne forte (quod ab-*  
*sit) è regno & gloria sibi parata excidat. Ta-*  
*li enim exhortationi, si Sathan sua supersemi-*  
*nauerit Zizania, superior criminis reus non*  
*erit, etiamsi alter pereat, Deo id per Ezechi-* Eze. 33. 9.  
*elem sic attestante. Si annuntiâte te ad impium,*  
*ut à viis suis conuertatur, non fuerit conuersus à via*  
*sua, ipse in iniquitate sua morietur, porrò tu animâ*  
*tuam liberaisti.*

Quod si nihilominus pullulare Zizania, & 4. Ne pigri-  
 tet superior.  
 fructum scandalo plenum edere viderit supe-  
 rior, dabit quantum in se est operam, ut ea  
 colligantur & demetâtur. Neq; verò id pro-  
 hibet Christus in parabola: sed prudentiam,  
 duoq; extrema fugere docet: alterum eam de  
 qua hucusq; egimus dormitationem & negli-  
 gentiam; alterum præsumptionem, ne putet  
 quis se diligentia sua posse omnia omninò Zi-  
 zania eradicare, & è medio tollere. Contra  
 primum valet illud. VIS IMVS ET COL-  
 LIGIMVS EA? promptum videlicet & vi-  
 Eccc3 gilan-



gilantem animum gerere ad tollenda scandala, quamprimùm ea in publicum prodiisse animaduertit. Contra aliud verò valet prohibitio Christi, ne præsumat quis omnia ad amissum refecare & eradicare se posse. Quin  
 9. Ne nimiti emungat. *Præ: 30. 33* imò memor illius dicti sapientis, *qui vehemēter emungit, elicit sanguinem*, minora dissimulet, ne maiora sequantur scandala. Fateor equidem opus esse magna prudentia, vt hæc duo sibi quasicōtraria cōiungantur: ideò cum eā à seipso nemo habere queat, ad orationem est confugiendum. Hac enim coniunctus cum Deo superior, & suæ diffidens prudentiæ, quod propriis non potest viribus, Dei adiutorio obtinebit. Adhibita nihilominus patientia, & longaminitate, quam hic docet Christus, cum homines plenos Zizaniis, quos statim perdere poterat aliquandiu tolerat.

2. vt sit patiens & longanimis.

Alia VIGILANTIA p omnib<sup>9</sup> documenta.  
 1. Vidēdū an deficias.

2. Resumēd<sup>9</sup> animus.

3. Nil perarfinādum in internis.

Neq; vero sufficit vigilantia superiorū: debet enim vnusquisq; sibiipfi quoq; diligenter attendere & inuigilare. Et primū quidem dispiciendo an diabolus superseminauerit in nobis zizania; cuius rei, cum alia quæ iam recensuimus, tum illud est signū euident, quando exercitia spiritualia, quæ ab initio conuersionis nobis dulcescebant, iam displicere incipiunt. Tunc resumendus est animus & quasi denuo inchoandum, prout nos D. Antonius, & omnes Patres spirituales, imò ipsa scriptura aliās citata, monent. Neq; verò est procrastinandum remedium, sed principiis est obstandum.

dum. Nec oportet cunctando quærere Vis  
IMVS ET COLLIGIMVS EA. cum scia-  
mus maximè id Christum velle. Prohibitio  
enim hæc non priuatos, respectu vitiorum,  
quæ in se vident, & quæ eradicare tenentur,  
sed alios, & Ecclesiam modis explicatis tan-  
git. Potest tamen aliquando hæc interrogatio 4. In exter-  
adaptari priuatis, nempe in carnis suæ exteri-  
ori inaceratione, quam quidem non pro libi-  
tu, sed iuxta consilium spiritualis doctoris su-  
scipere quisque debet, ne sine discretione cur-  
rendo in vitium labatur: interiori autè, eradi-  
cationi, quantū quis valet tantum studeat.  
Nunquam equidem ad eam perfectionē per-  
ueniet quisquam, quin aliquid zizaniorum &  
imperfectionum in eo permaneat.

nis consilio  
utendum.

Hæc consideratio duplici hominum gene-  
ri valdè prodest: tum negligentibus, qui vno  
vel altero vitio vtrumq; suppresso securos se  
esse arbitrantur: tum scrupulosis, qui dū vi-  
dent aliquas in se imperfectiones, desperabū-  
di de profectu animum abiiciunt; euenitque  
(quod vidimus) vt alii quidem olim exco- 5. Minimè  
lantes culicem, postea camelum glutiant: alii verò desperādū.  
propter inanis gloriolæ titillationem à piis  
operibus abstineant. Omnibus datur hic  
pulchrum & vtile remedium. Potest enim 6. Sed, pgre-  
hæc Christi Dñi prædictio, de Zizaniis per-  
mansuris VSQ; AD MESSEM, id est, vsq;  
ad consummationem seculi, vt ipse interpre-  
tatur, intelligi. (in sensu spirituali) de secu-

desperādū.

Ma: 23. 24

6. Sed, pgre-  
diendum.

Ma: 13. 39



lo & vita vnus cuiusq; nostrum, quæ quam-  
diu perdurauerit, nunquam deerunt Zizania  
aliqua & imperfectiones, quæ colligantur, &  
extirpentur; ideo neq; negligenter est agen-  
dum, ne dormientibus nobis INIMICVS  
superueniat; neq; animus deponendus, ne  
desperantes eradicemus simul TRITICVM  
virtutum, quas iam collegeramus.

7. Leuiores  
Zizania nō  
vilipēdēda.

Septē Ziza-  
niorū pprie-  
tates pecca-  
tis aptantur.

- Sed & illud curandum sanē est diligenter,  
ne flocci faciamus leuiores Zizania, seu peccata,  
quæ venialia vocantur: tum quod sic dormi-  
tantibus nobis detur inimico facilior transi-  
tus, ad deteriora in nobis disseminanda; tum  
quod proprietates, quæ zizaniis tribuuntur,  
quamuis præcipuē peccatis mortiferis ( qui-  
bus sunt applicandæ ) aliqua tamen ratione  
his quoq; competant, præsertim illis, quæ vl-  
trò siue suscipiuntur, siue negliguntur. Sicut  
enim Zizania multum terræ occupant: ita  
peccata, & tēporis ( quo nil preciosus ) mul-  
tum perdunt, & rebus terrenis nos illigant.
1. Auferunt Zizania succum, qui tritico debe-  
tur; auferunt & vitia, mortalia quidem ipsam  
charitatem, venialia verò feruorem eius, vn-  
de tepor & frigiditas noxia oriuntur. Gra-  
uant caput comesta zizania. Grauant intel-  
lectum & conscientiam patrata peccata. Ine-  
briant quoq; sumpta Zizania, nec permittūt  
mentem, linguam, pedes suo fungi officio:  
Omnia hæc spiritualiter ( vel carnaliter poti-  
us ) præstant commissa peccata. Meditari em̃  
diuina,

diuina, aut non sinunt, aut sine sensu animi fructusq; cogitare nos ea faciunt: linguam ad detractiones, murmurationes, oblocutiones, & quæuis vaniloquia laxant: opera verò nostra inepta, & omni merito vacua reddunt. Præterea somnum inducunt; Zizania quidem corporalem, peccata verò spiritualement. Similiter visum debilitant; illa corporis, hæc animi, vt dicant *malum bonum, & bonum malum, ponentes tenebras lucem, & lucem tenebras*, lethali-ter quidem peccantes, primùm id omittunt; venialiter verò aliqua ratione, maiori vel minori, pro qualitate delicti. Deniq; vt Zizania capitis, ita peccata inconstantis voluntatis vertiginem causant, imò nonnunquam etiam in corpore nostro, (Deo sic permittente, & Sathana procurante) efficiunt vt caput doleat, vt vertigo oriri, vt actiones (animi præsertim agitatione peragendæ) impossibiles nobis esse videantur. Multa sanè, nec leuia, ex leuibus (vt putamus) vitiis, mala.

Quare vt hos, hisq; similes zizaniorum spiritualium effectus effugiamus, causa & origo illorum è medio tollenda: gratitudo verò & amor diuinus cum ab omnibus, tum verò à personis religiosis procuranda erunt. Is amor & gratia diuina, si per peccatum mortiferum amissa sunt, sacramentis reparanda erunt, quade re egimus in aliis concionibus: sin verò per venialia (de quibus hic noster præcipue est sermo) feruor charitatis imminutus, mediis in

5.

6.

If. s. 20.

7.

III. MEM-  
BRVM Pec-  
cata auferre  
gratitudinē  
ac charitatē  
procurare do-  
cet.



Pec. ven:  
quō aufe-  
renda.

parabola parabolicè notatis restaurādus erit. Colligenda scilicet inprimis talia quoq; zizania diligenti & exacta sui cognitione, alliganda ne serpat vltcrius, particulari conscientiae examinatione, comburenda ingi attritione & continua mortificatione. Hæc verò amore & zelo honoris diuini potius, quam metu pœnarum perficienda erunt.

CHARI-  
TAS DEI.

Excitatur  
memoria  
bñfictorū.

Quorū hic  
sunt nouē  
capita.

L.

2.

3.

4.

5.

6.

7.

Quem quidem amorem Dei, charitatemq; excitabimus in nobis, recordatione beneficiorum eius: augebimus tum vigilantia, tum oratione, tum gratitudine: perficiemus autē patientia, & lōganimitate. Videamus hæc ex dictis & ex Euāgelio finēq; sermoni imponamus. Bñfictorū quē Christus IESVS Dñus noster prē aliis cōferre cōsuevit iis, q in religione viuunt, magna hīc ē cōgeries. Hīc etem diuina eius benignitas, & liberalitas, non solum bonum semen mandatorum suorum; sed etiam optimum consiliorum in cordibus nostris seminare voluit. Vnde enim hoc nobis desiderium nisi ab illo? Hīc sæpius noua creat gaudia. Hīc gubernatio eius, & custodia, tum per ipsum, tū per Angelos excellentior. Hīc media ad salutem plura, & vsus sacramentorum frequentior. Hīc præterea statutis, regulis, cohortationibus, disciplina religiosa, aliisque modis variis, nos excitat dñs à somno, ne dormitione nostra locum demus diabolo. Hīc infinitas occasiones, & ad peccandum illecebras, partim aufert, partim minuit. Hīc si

8.

9.

Augetur vi-  
gilantia ora-  
tione & gra-  
titudine.

Perficitur

INIMICVS siue palam, siue occultè cum suis  
ZIZANIIIS superfeminandis proruperit, re-  
liquit nobis trapesitas eximios, qui subtilissi-  
ma etiam tentationum genera, & cognoscant,  
& remèdia ad ea superanda præscribant. Hic  
non deest zelus & vigilantia superiorum, qui  
exorta zizania cõprimere norunt. Hinc de-  
niq; & plura, & potiora grana tritici referun-  
tur in horrea Domini. Quot & quanta (Deus  
bone) ad excitandam in nobis charitatem ar-  
gumenta, & inuitamenta?

Augebimus verò in nobis charitatem Dei,  
tum gratitudine, tum oratione tum vigilan-  
tia nostra propria, quam ad rem in religione  
innumera habemus & media, & incitamenta;  
fructus verò præstantissimos. Vigilantiâ co-  
gnoscemus fraudes dæmonis: Oratione ani-  
mũ & robur ad eas depellendas assequemur:  
Gratitudine verò ad vberiora dona nobis tri-  
buenda, Deum incitabimus. Vigilantiâ, prin-  
cipiis tentationum obistemus, medijs ad id  
destinatis rectè vtemur: & tam securitatem,  
quàm desperationem cauebimus: finem verò  
ita intuebimur, vt vsq; ad finem vitæ pugnare  
non desistamus. Oratione verò vigilantiam  
acuemus, Et gratitudine perficiemus. Vigi-  
lantiâ deniq; omne malum à nobis profligabi-  
mus: oratione autem omne bonum à datore  
omnis boni, impetrabimus. Gratitudine ve-  
rò augmentũ gratiæ & charitatis, quæ omne  
complectitur bonum merebimur.

Postre-



patientia &  
longanimitate.

*Iac. 1. 4.*

Simile.

Felicitas.

*Mat. 13. 43*

Postremò perficietur (quantum in hac peregrinatione perfici potest) in nobis hæc ipsa Charitas, patientia, & longanimitate Deo accepta. Cum enim *patientia opus perfectum habeant*, teste D. Iacobo, is demum se profecisse, vel etiam perfectum esse in charitate arbitretur, cui patientia placet; cui longanimitas in diuturnis arridet tribulationibus; quiq; non libenter solum, sed etiam alacriter aduersa quæq; nouit pro Christi nōine tolerare. Quæ omnia in hac parabola à Christo Domino vñico TRITICI verbo notantur. Sicut enim triticum hoc materiale & terrenum, non nisi per multas afflictiones, pericula, verbera, in horrea Dominorū suorum infertur: ita TRITICVM spirituale (quod sumus nos) non alter quàm per plurimas tentationes, tribulationes, aduersitates, & pressuras patienter toleratas, ab Angelis Dei, reponitur in HORREVM Domini Sabbaoth. Vbi non erit qui superseminet quicquā siue mali, siue aduersi; vbi zizania erunt nulla, inimici timor nullus: nihil deniq; quod eradicatione indigeat reperietur ampliùs. Erit verò secura tranquillitas, & tranquilla securitas, prospera felicitas, & felix prosperitas. Ibi enim teste, & interprete huius parabolę Christo Domino. *Iusti fulgebunt sicut sol in regno patris eorum.* Fulgebunt, inquā, & ardebunt in celesti patria. Fulgebunt splendore gloriæ, & visione beata: ardebunt imensa & indefessa charitate. Ad hanc igitur gloriā capel-

capessendam festinemus dilectissimi. Extirpe-  
mus quæ in nobis sunt zizania, diligenti vi-  
gilantia & mortificatione: excitemus mentem  
nostram ad gratitudinem, beneficiorum Chri-  
sti IESU iugi recordatione; inflammemus cor  
nostrum charitate diuina, continua oratione  
& patientia. Hac enim ratione, In regno pa- <sup>2. Cor. 4. 17</sup>  
tris nostri, *id quod in presenti est momentaneum &  
leue tribulationis nostræ, supra modum in sublimitate  
æternæ gloriæ pondus operaboritur in nobis.* Præ-  
stante eodē Domino nostro IESU CHRISTO  
cui cum Deo Patre & almo Spiritu Sancto, sit  
laus, honor amor, & gratiarum actio per  
æterna secula seculorum, AMEN.

# DOMINICA

## SEXTA POST

### EPIPHANIAM.

#### Euangelium Matth 13.

**I**N illo tempore: Dixit Iesus turbis para-  
bolam hanc: Simile est regnum celorum  
grano sinapis, quod accipiens homo semi-  
nauit in agro suo: quod minimum qui-  
dem est omnibus seminibus: Cum autem creuerit,  
maius est omnibus oleribus, & fit arbor, ita ut vo-  
lucres cali veniant, & habitent in ramis eius. Ali-  
am parabolam locutus est eis: Simile est regnum ce-  
lorum fermento, quod acceptum mulier, abscondit in  
farina



*Farina satis tribus, donec fermentatum est totum. Hæc omnia locutus est Iesus in parabolis ad turbas: & sine parabolis non loquebatur eis: ut impleretur quod dictum est per Prophetam dicentem: Aperiam in parabolis os meum: eruclabo abscondita à consuetudine mundi.*

## PARTITIO.

**T**Res sunt Euangelii partes: priores duæ totidē Chrīsti complectuntur parabolas; quarum illa est de grano sinapis: hæc de fermento. Ultima verò pars, Christum Dominum in parabolis cum plebe egisse docet, & causam assignat. Ex his postrema timori, media fidei, prima charitati, omnes verò simul sumptæ, specī seruiunt.

OBSVRDE-  
SCENTIA.  
EXCÆCA-  
TIO. IN-  
DVRATIO.

## CONCIO PRIMA.

## Timor.

*Hæc omnia locutus est IESVS in parabolis ad turbas, &c.*

Tres causæ  
locutionis  
Christi per  
parabolas.  
1. Hodierna  
q̄ explicatur

**C**Ur Christus IESVS sapientia Patris IN PARBOLIS AD TURBAS locutus fuerit, ET SINE PARABOLIS NON LOQUEBATVR EIS, tres, ut video, Sacri Euangelistæ assignant causas, quarum tamen hæc, quæ in hodierno inuenitur Euangelio, euentum potius quàm causam denotat rei. Non enim ideò Christus Dominus in parabolis loquebatur, ut prophetia IMPLERETVR: *sed*

sed potius ideò prædictum id fuit; quia IESUM IN PARABOLIS AD TVRBAS locuturum Propheta præuiderat. Alteram Marcus sic proposuit: *Multis parabolis loquebatur eis verbum, prout poterant audire.* Terciam verò noster Matthæus, in hoc ipso Capite his expressiit verbis. *Ideo in parabolis loquor eis, quia videntes non vident, & audientes nō audiunt, neque intelligunt.* Quam ad rem comprobendam adfert auctoritatem Isaïæ Prophetæ. Hæc verò ratio tanti est momenti, vt non solum ab omnibus Euangelistis, sed etiam à D. Paulo, tam in Actis Apostolorum, quàm in Epistola repetatur: Digna igitur est, vt diligenter excutiat, quæ tanta cum diligentia inculcata fuit. Quod nos eò libentiùs faciemus, quò id timori sancto excitando magis est conueniens, qui ex consideratione rerum terribilium oriri consuevit.

Considerabimus itaque, quæ & quot sint terribilia in themate notata; qui sint illis obnoxii: ynde proueniant; quæue principalis eorum causa: qui effectus, ac demum quæ remedia. Da Christe IESU Seruator noster, vt hæc altiora quidem, sed tamen vtilia valde contemplantes, non per superbiam opprimamur à gloria, sed per timorem & humilitatem prouocemur ad pœnitentiam.

Dicturi die hodierna de malis omniū, quæ in mūdo sunt, esse possunt dirissima, de peccatis grauissimis, quæ non modò peccata; sed etiam

2.  
Mar: 4. 33

3. Fūdamētū cōcionis.

Mat: 13. 13

Is: 6. 9.

Mar: 4. 12

Luc: 8. 10.

Io. 12. 40.

Act: 28. 26

Ro: 11. 8.

PROP: DE  
EXCÆCATIONE &  
ceteris malis quinque  
agenda.

I. MEMBR:  
Tria omniū  
terribilissima  
esse de-

cet.



etiam causæ, & effectus, pænæq; sunt peccatorum; de statu hominum, quo in terra magis deplorandus nullus est: obseruantur; in animo meo, prima illa thematis propositi verba. HÆC OMNIA LOCUTVS EST IESVS IN PARABOLIS AD TURBAS. ET SI NE PARABOLIS NON LOQUEBATVR EIS. Vereor enim plurimum, ne idem mihi, licet inuito, obueniat: ne, inquam, iis, qui tales sunt, videar in parabolis loqui, quamuis tectum in medium proferre instituerim nihil. Noui etenim benè in pænis, quæ hos miseros afficiunt censeris; aut non posse, aut nolle potius intelligere, quæ ad salutem eorum, pertinent, quæ quidem pæna, est sanè atrocissima, quæ iustò Dei iudicio peccato huic debetur, vel peccatis potius. Tria em̃ ex scriptura colliguntur, nempe EXCÆCATIO, INDURATIO, & OBSVRDESCENTIA. Et verò hoc postremum, etiamsi tam clarè non inueniatur in scriptura, vt priora: re tamen ipsa non minus est euident, quàm alia: tam apud Prophetam, quàm apud Euangelistas. Noster sic habet ex Isaia: *Auditus audietis & non intelligetis, & videntes videbitis & non videbitis. Incrassatum est enim cor populi huius, & auribus grauius audierunt, & oculos suos clauferunt.* Paulò quidem aliter quàm est in Isaia; sed & sensus est idem, & in diuersitate mysterium. Illud hîc adnotasse sit satis. Neque imperantis (vt in Propheta alicui videri posset) neque præcipientis;

Is. 6. 9.

Ma. 13. 14  
Isaias & Euā  
gelista quō  
intelligēdi.

ipientis; sed futura prædicentis, & pœnas minitantis, vocem esse Dei: vt minæ metum incutiant, metus dolorem efficiat, dolor excitet pœnitentiam, pœnitentia verò à I E S V salutem obtineat. Hæc est benignissimi Saluatoris nostri catena salutaris; quam vtinam qui in peccatis sunt, & intelligere velint serio, & tanquam torquem preciosissimum studeant collo imponere suo. O quàm præclare cum illis ageretur?

Catena salutaris.

Verum nos cæpta prosequamur. Itaq; in eo, quod protulimus scripturæ testimonio, tria illa notari, non est qui non videat. Quid enim per cor incrassatum, quàm INDURATIO, quid per oculos clausos, quàm EXCÆCATIO, quid per auditum grauem aliud, quàm OBSURDESCENTIA exprimitur? Quamuis verò tria hæc pro eadem animi obstinatione plerumq; sumantur, esse tñ inter ea differentiam; & ordo verborum, & res ipsa loqui videtur. Quemadmodum em̃ ad actiones nostras tam internas, quàm externas etiam mechanicas tria requiruntur, nempe vt sciamus, vt possimus, vt velimus opus illud aggredi & perficere: ita ad salutem animæ adipiscendam oportet, vt verbum Dei audiamus, vt piam affectionem & fidem dictis adhibeamus, vt per charitatem opus exequamur. Quorum quicquid deerit, sicut ibi ne mechanicum quidem; ita hîc diuinum opus in nobis non exurgit vnquam. Multo verò minùs, si tria hæc

Inter obsurdescentiam, excæcationem, & indurationem, conuenientia. &

Discrepantia

Tria ad quauis actionem requiruntur, Totidē ad salutem.



Omnia hæc  
in obstina-  
tis desunt.

desiderentur: minimè verò omnium opus  
perficietur, si quis ipsa etiam potentia, cognos-  
cendi, volendi, videndiq; careat. Atque ita  
se res hîc habet. Illi enim qui in hunc infæ-  
licem statum sese præcipitarunt, ita **OBSVR-  
DVERUNT**, vt nec intelligant, nec verò audi-  
ant diuina: ita **EXCÆCATI** sunt, vt nec ve-  
rum cognoscere, nec manifesta pericula ani-  
maduertere, nec quicquam quod eis prodesse  
possit videre queant: ita **INDURVERUNT**,  
vt neq; internis neque externis arietibus per-  
fringi, & impelli ad bonum possint. Quis hæc  
in vno Pharaone non videt omnia; O fune-  
stum genus hominum. O malum, quo ma-  
ius nullum!

Our **OBSVR-  
DESCEN-  
TIA** ponat-  
ur.

Hinc quoque & alia colligere nobis licet.  
Principio quidem, meritò duobus illis terti-  
um additum esse; cum id & res ipsa & scriptu-  
ra exigat. Pro eo enim quod illa inquit, *gra-  
niter audierunt, vel audientes non audiunt*, nos vt  
& vno verbo & conformi aliis duobus vta-  
mur **OBSVRDESCENTIAM** posuimus.

Dupliciter  
hæc intelli-

gitur.  
**NOTA.**

Hæc verò, vt & reliqua, dupliciter intelligitur.  
Aut pro iis qui non curant intelligere, imò nec  
audire quidem volunt, & ad cor admittere di-  
uina, possunt tamen aut pro illis qui id facere  
nequeunt, vtraq; acceptio in scriptura est v-  
sitata, & in concionibus prior frequentior:

Vide *Belar*  
*de amissi:*  
*gratia li. 2.*  
*Cap: 1. 2.*  
*0: 3.*

sed posterior genuinus est horum locorum  
sensus. Non est em̃ satis, vt quis propriè **OBSVR-  
DVISSE**, excæcatus aut induratus esse  
dicatur.

dicatur, vt non audiat, non intelligat, non videat, non operetur bona: sed inuoluunt hæc præterea, vt talis tam sit peruerso animo præditus, vt moraliter nec videre, nec intelligere, nec opus salutiferum in animum suum inducere possit: nec manente eo statu, inducere poterit vnquam. Id enim verba illa: tum Prophetæ *ne fortè videant, &c. & conuertantur* (quasi dicat, conuerti enim non possunt) tum Euangelistæ: *Propterea non poterant credere: tum Sapientis: Considera opera Dei, quod nemo possit corrigere, quem ille despexerit: docere videntur. Vnde verò id proueniat paulò post videbimus.*

1s: 6. 10.

Io: 12. 39.

Eccl: 7. 14

Nunc verò, quod in principio insinuauimus, hic breuiter declaremus: quomodo videlicet hæc non solum sint peccata, sed etiam & causa, & pæna peccatorum. Pulchrè & profundè, vt solet, hac de re disserit D. Augustinus, cum alibi tum verò scribens contra Iulianum. Quem nos imitantes, quod ipse de execratione dixit, nos obsurdescentiæ applicemus. Hæc enim & est peccatum, quo ad salutem necessaria audiri recusantur; & est pæna peccati, qua homo nullam suæ salutis curam gerens [digna animaduersione punitur, & est causa peccati,] cum multa peccata per hanc affectatam ignorantiam committantur. Idem dic de duobus aliis.

Hæc tria, &  
peccata &  
causam &  
penam pec-  
cati esse.

D. Augu-  
stinus li. 5.  
contra Iu-  
lia: Cap: 3:

Fit autem OBSVRDESCENTIA, quando quis affectu prauo, aut fidem veram as-  
pernatur, aut doctrinam salutarem etiam au-

OBSVRDE-  
SCENTIAE  
6. modi  
NOTA



ribus corporis audire renuit, aut si audit obedire ei contemnit, (quo nomine Iudæi sæpè à Christo Domino arguuntur) aut illustrationes. inspiratitionesq; diuinas pertinaciter à se repellit, aut visitationes, quas illi tam per aduersa, quàm per prospera immitit, non agnoscit; aut denique omnes diuinas gratias, & auxilia, quæ ei liberaliter tribuit, vel iocis eludit, vel in malum conuertit.

II. MEM-  
BRUM.  
Exempla tali-  
um scilicet.

*Gen: 4.*  
I. Est Cain  
In quo hæc  
tria ordine  
suo mon-  
strantur.  
NOTA.

Dei summa  
bonitas &  
prouidentia.

Qui verò sint fuerintque his vitiis obnoxii; vt res est scitu omnium difficillima, & soli tantum Deo cognita: ita vehementer cauendum est hac in parte peruersum iudicium? De quibus nobis ex scriptura constat, hos pro talibus habere nobis licet, & intueri miserabilem illorum statum, ne nos præcipites in eundem agamur. Excutiamus aliquot eorum exempla. Et primus quidem occurrit *Cain* fratricida, caput omnium reproborum: in quo nonne dictorum apertam videmus effigiem? Dat illi Deus media ad salutem sufficientia, imò excellentissima: addit & alia etiam extraordinaria. Videns enim illum odio fraterno æstuantem; monet tanquam pietissimus pater, sibi vt ab illo affectu pessimo temperet, in cuius id potestatem situm esse docet, addit & minas, & alia. Sic enim ille: *Nonne si bene egeris recipies, sin autem malè statim in foribus peccatum tuum aderit? sed sub te erit appetitus eius, & tu do-* *minaberis illius.* Quàm sapienter in ipso mundi exordio occurrit Deus animo illi mendaci quem

quem eiusmodi habere solent, nempè se alter facere non posse? O bonitas, ô prouidentia diuina, sis benedicta in secula. Sed frustra, hæc fiunt omnia. Obsurdescit (hic fons est omnium malorum) Cain ad vocem Domini quam neq; audire vult, neq; ei dignatur quicquam respondere. Excæcatur magis magisq; odio fraterno, & inuidia propria: educit fraudulenter Abel in agrum: insurgit in eum, & interimit. Quid Deus? iterû iterûq; admonet eum iam facti, ad pænitentiam prouocans. At surdo canitur fabula. Corde indurescit, labiis mentitur, nescire se vbi esset frater suus corâ Deo asserens, ac tandem in desperationem agitur, aliud nihil impius timet fratricida, quàm ne occidatur, ac tandem fugit à facie Domini. Quanta stultitia? imò multæ, nolle pænitere, putare aliquid ignorare Deum, velle profugere ab eo, qui vbiq; est, neglectis æternis & celestibus, mométanea & terrena curare, animam suam interimere, Deum blasphemare dicendo, maiorem esse suam iniquitatem, quàm Dei misericordiam. O vtinam qui Caimo similes sunt, hæc intueri velint.

Effigies obstinatorum.

Talis postea erat Esau, talis Pharaó Rex, de quibus multa Moyse. Talis Saul primus Rex Iudæorum, de quo Deus ad Samuelem: *vsq;* quo tu luges Saul, cum ego proiecerim eum? Qui postea seipsum interimit, scelestus sui homicida. Talis primus Rex solius Israelis Ieroboam Talis Antiochus crudelis in Iudæos tyrannos. Ta-

2. Esau.

3. Pharaó.

4. Saul.

1. Reg 16. 8

1. Re: 31. 4

5. Ieroboam

6. Antioch.

F ff 3

les qui.



Signa taliū  
notanda.

8. *Re. 11. 19*

8. *Reg. 13.*

les quicunq̃ue sunt alij, quos scriptura veteris testamenti recenset. Quos neq; p̃næ graues, vt in Pharaone patet, neq; beneficia amplissima, vt in Ieroboam apparet, cui Deus Regnū Isrāēlis gratuito contulit; neq; miracula infinita, quæ vterq; vidit, Pharao à Moyse facta, Ieroboam verò, vna hora tria habuit, & duo in se ipso expertus est, Altare scissum, & cineres effusos intuitus est, manum verò suam extensam aruisse, & iterum restitutā esse sensit. Et quid illi profuerunt ista? Nihil omnino. Tanta vis est obstinationis; quam caueant, qui miracula efflagitant.

9. Pharisei.  
8. Iudas.

Quid porrò dicemus de nouo testamento? Ibi verò hæc etiam clariùs & contestatiùs habentur: tum de Phariseis obstinatis vniuersim: tum de Iuda proditore peculiariter. De illis, nunquid non audis in Euangelio, quòd OMNIA LOCUTVS EST IESVS IN PARABOLIS EIS? nempe quia omnia videbantur Phariseis parabolicè dicta. Causam iā dedimus & declarauimus. Huc spectāt illa

10. *Jo. 8. 44.*

10. *Jo. 8. 21.*

10. *Mat. 26. 50*

Christi verba: *Quòdo vos potestis credere?* Et illa: *Et in peccato vestro moriemini.* Obsurduerant enim, ne credere possent: induruerant, ne conuerti valerent. Cum proditore verò quid potuit facere benignissimus Saluator quod non fecit? iam amicum eum vocat, iam manifestat, se non latere quid moliatur, iam minatur deniq; *diabolum* appellat: tum vt ipse sibi displiceret, tum vt obstinationem eius & statum diabolo persimilem notaret.

De istis

De istis igitur & his similibus constat nobis tales fuisse: sed non tam facile constat, vnde hæc prouenerint in eis, nū à Deo, an ab ipsismet, an aliunde. Omnibus enim istis causam excæcationis & indurationis videntur adscribere sacra volumina. De Deo protulimus iam aliqua in medium: quibus illa adde, tum Moyſis, quod sæpè repetit. *Indurauit Dominus cor Pharaonis.* tum Iſaiæ: *Quare errare nos fecisti Domine de viis tuis, indurasti cor nostrum?* tum Euangelistæ: *Excæcauit oculos eorum, & indurauit corda eorum:* tum Apostoli: *Quem vult indurat, & his similia.* De ipsismet impiis clarè dicit Sapiens: *Errauerunt, excæcauit enim illos malitia eorum.* Et Ieremias: *Indurauerunt facies suas supra petram.* Atq; iterum: *Et non audierunt me, nec inclinauerunt aurem suam* (quàm exactè describit obsurdescentiam.) *Sed indurauerunt ceruicem suam?* Deniq; munera excæcare testatur tum Moyſes, tum Sapiens. Quibus ergò ex his causam tantorum malorum adscribemus? Omnibus inquam, vixq; videtur vlla in eo esse dubitatio, clarè id attestante scriptura. Est autem difficultas, quibus id fiat modis, & maximè, quæ sit prima & præcipua causa & origo illorum. Et verò postpositis ineptiis Hæreticorum, & salua fide Catholica, si piè & diligenter ipsammet intuebimur scripturam, agnoscemus spero veritatem. Nam quod ad munera, & his similia attinet, perspicuum est illa non aliter dici siue excæcare, siue

III. MEM.  
BRVM.  
Prouenire  
ista demon-  
strat.

Tū à Deo.

Ge. 9. 12. 28  
Is. 63. 17.

Io. 12. 40.  
Tum ab ho-  
minib.

Ro 9. 18.  
Sap. 2. 21.  
Ier. 5. 3.

Ier. 7. 26.

Deu. 10. 16  
Ecc. 10. 31  
Tū aliunde.  
Sed diuersi-  
modè.

(Statns quæ-  
stionis.)

Aliud occu-  
sionaliter.



Ab impiis  
principaliter  
probat.

Ose: 13. 9.

Ex Osea.

Joan: 1. 9.

Eze: 33. 11

1. Ti. 2. 4.

indurare, quàm quòd impiis dant occasionem excæcationis & indurationis. Tota itaq; difficultas est de Deo & de homine, quis illorum primas in his partes teneat. Nec puto quinquam Catholicorum ambigere posse, præcipuam indurationis, ideòq; perditionis causam ab impiis stare. Expresse enim Deus per Prophetam ait: *Perditio tua Israël: tantummodo in me auxilium tuum.* Deus em̃ Optimus Maximus, & potest omnes saluos facere, quia maximus, & vult, quia optimus est. Ideò *illumina-  
luminat omnem hominem venientem in hunc mundum.* Ideò *vinus* ego dicit Dominus Deus, *nolo mortem impij, sed ut conuertatur impius à via sua, & viuat.* Ideò omnes homines vult saluos fieri, & ad agnitionem veritatis venire. Ideò quicumq; vel non saluantur, vel ad agnitionem veritatis nō veniunt, sibi imputent non Deo.

Occupatio.

2. Ab exemplis Cain.  
&c.

At inquis, dicitur etiam excæcare & indurare Deus, Dicitur sanè. Sed videndū est, quid ratione, quouè ordine fiat. Non enim ab excæcatione incipit Deus, sed à bono & gratia, qua illuminat, excitat, vocat, monet, auxilium tribuit non semel, sed & iterum, & tertio, & frequenter. Nunquid id in Cain, Pharaone, Iudæis, euident non est? Hoc ipsum facit quotidie singulis: numerum ipse nouit, qui variè varios visitat. Quicumq; ergò diuinis incitamentis obtemperauerit, benè cum eo agetur: qui verò non acquieuerit, sed obstruderit, ad centum mille, & nonnunquam etiā  
plura

plura monita pij patris, cadet in OBSVRDE-  
 SCENTIAM (cuius species paulò ante recen-  
 suimus) quæ ab ipso solo procedit, & est pri-  
 ma causa, & reliquorum omnium, & perditio-  
 nis. *Perditio enim tua Israel* ait Dñus omni-  
 potens. Quod & Ieremias loco citato expref-  
 sè docet, causam indurationis ceruicum affi-  
 gnans, quia *non audierunt, nec inclinauerunt aurē*  
*suam*, & Isaias cum Matthæo idem insinuant,  
 cum in capite collocant verba illa: *Auditū au-*  
*dietis, & non intelligetis.* Audiebant enim (ex-  
 emplī causa) Iudæi verba Christi Domini fre-  
 quenter, & tamen non audiebant, quia intel-  
 ligere ea nolebant, quæ alij intelligebant. Pro-  
 pterea præ omnibus in illis locū habuit, quod  
 in hodierno audis Euangelio: ET SINE PA-  
 RABOLIS NON LOQUEBATVR EIS.  
 Omnia enim eis parabolicè dicta videbantur,  
 etiam per se clara, quale erat illud maximi o-  
 mnium momenti, Christum fuisse & Messiam  
 & Deū, quod tam benè intelligebant, vt ipsi  
 Domino id exprobrarent, neq; tamen credere  
 voluerunt. Quare? Quia OBSVRDVERANT.  
 Surditatem verò alia duo sequuta sunt.

3. Quia pri-  
 ma causa  
 OBSVRDE-  
 SCENTIA;  
 q̄ ex nobis,  
*Ier. 7. 26.*  
 4. Ex Iere-  
 mia.  
 5. Ex Isaiā &  
 Euāgel.  
*Mat. 13. 14.*  
 6. Ab Exē-  
 plo Iudæorū.

NOTA.

Io: 10. 38.

Excæcatio  
 & induratio  
 qua ab im-  
 piis qua à  
 Deo.  
*Sap: 2. 12.*  
*Io: 5. 44.*  
 Peccata quæ  
 Iudæorū ex-  
 cecarāt.

Hæc verò duo, nempe excæcatio & indura-  
 tio, partim à Deo, partim ab hominibus, &  
 nunc procedunt, & tunc proueniebant. *Excæ-*  
*cavit enim eos malitia eorum*, ait scriptura. Quæ  
 malitia Iudæos excæcavit? Multiplex. Prima  
 fuit ambitio, de qua ipse saluator. *Quomodo*  
*vos potestis credere, qui gloriam ab inuicem accipitis?*



Vides quam expresse impossibilitatem credendi ambitioni attribuit Altera avaritia, quam cū Christus reprehenderet in eis, *deridebant illum*. Tertia hypocrisis, sæpè à Dōino notata. *Mat. 23. 14* Quarta inuidia, quæ tanta erat, vt nec ipsum latuerit Pilatum. *Sciebat enim quod per inuidiam tradidissent eum*: Deniq; peccata alia grauissima & iniquitates, ita oculos mentis illorum excæcarunt, vt *vidētes* tot miracula, supra omnem naturæ ordinem exhibita, quæ in stuporem vertebant etiam Gentiles: illi tamen non viderent vim eorum, nec reciperent Christum pro tali, qualem se esse miraculis illis euidenter probabat, sed induruerant corda & facies eorum, prout de vtroq; testatur scriptura.

Signi excæ-  
cationis eo-  
rum.

Induratio  
duplex.

Christiani  
Iudæorum  
imitatores.

Indurant &  
corda.

Et facies su-  
as.

*Ier. 3. 3.*  
Quantū id  
mali.

Iam videant, in quod baratrum sese præcipitent, qui illos imitantur Christiani, qui & iis quos enumerauimus, & aliis flagitiis ac sceleribus, vt hæresibus, blasphemis, luxuriis, ordiis, hisq; similibus, & corda, & facies indurant suas. Corda quidem, vt nec quicquam de salute pensi habeant, nec motus diuinos etiam validos, quibus eorum corda tangit, vel minimum curent: Faciem verò ita indurant, vt *frontem mulieris meretricis* faciant sibi, nec velint erubescere: imò velint de ipsis etiam vitiis gloriari. O Christiani non Christiani, sed umbra fanatica Christianitatis, quid cogitatis, cū talia patratis? cur furorem Dei contra vos excitatis, tantò ardentiores, quantò vestra ingratitude maior est, ingratitude Iudæorum?

orum? Nunquid illam manibus etiam ipsis Deus quomodo indu-  
 (ut ita dicā) in vobis non palpatis? Nunquid ret.  
 non aspicitis quomodo Deus, & ipse Christus NOTA.  
 IESVS, alias mitissimus, excæcet & induret  
 vos ipse quoque? non quidem impellendo ad  
 peccandum (ut impii Hæretici docent) verū  
 tum permittendo tam Sathanæ, quàm vobis,  
 agere pro libito: tum non concedendo noua  
 auxilia, & visitationes, ex quorum defectu  
 vos non consurgetis amplius. Quod equidem Iustissimè  
 facit iustissimo iudicio suo, & scriptura, & ipso  
 lumine naturali testibus.

Quid enim iustius, quàm ubi *auditus non est* 1.  
*non effundere sermonem?* Hoc docet ratio, hoc Eccl. 32. 6  
 scriptura totidem verbis: hoc ipse Christus, Mat. 23. 6.  
 cum prohibet mittere margaritas ante por-  
 cos. Quid decentius, quàm ut is, qui sibi in  
 contemptum heri sui, eruit oculos ab eodē  
 hero in profundas intrudatur tenebras, ne eti-  
 am si posset, vnquam amplius aspicere lumen  
 valeat? Quid conuenientius quam qui indu-  
 ruit, indurescat adhuc? *Qui in sordibus est, sorde-* 3.  
*scat adhuc?* Ita verò se hic res habet. Omnes Apo. 22. 18  
 et enim tales vltro citroq; OBSVRDVERUNT: Origo omnis  
 ita ut ab ipsis etiam concionibus quàm lon- mali OB-  
 gissimè abesse velint, quòd si casu aliquo illis SVRDES.  
 adfuerint, OMNIA IN PARABOLIS di-  
 cta sibi esse videntur. Nam vel non intelli-  
 gunt ea, vel (quod peius est) non intelle-  
 cta aut carpunt, aut non sibi dicta esse autu-  
 mant, sed vicino, quem etiam malè iudicant,  
 interina



interim seipfos negligentes: quo quid esse potest insipientius? Addunt & iocos, risus, subfannationes, quibus quæ ad salutem pertinet, eludunt vniuerfa. Interim de die in diem, de vitio in vitium ruunt, atq; ita in eis volutantur, ita se illis immergunt; vt insensibiles, etiam in euidentissimis & grauissimis permaneant sceleribus, imò de illis quoq; impudentissimè gloriantur. O infelicitas! ô calamitas! qua in mundo nec cogitari quidem potest tetrior?

IV. MEM-  
BRVM  
Effectus cō-  
tinet.

1. Respuere  
omnia me-  
dia ad salutē

Exo: 9.

2. Bñficiis  
insolescere.

3. Odisse mo-  
nētes: ama-  
re adulātes.

4. 10. 10.

4. Despera-  
tio duplex,

5. Reg. 17.

23.

Iste itaq; est primus excæcationis & indurationis effectus pessimus, quo quis media ad salutem necessaria refugit. Alter haud minor, beneficiis & miraculis diuinis non solum non moueri ad pænitentiam, sed etiam indurari magis ad obstinationem. Clarū id est in Pharaone, aliquoties in eodem capite. Addamus tertium, qui est non tantum indurari miraculis, non modo respuere media salutifera; verum etiam peius angue caneq; odisse, imò & persequi eos, qui docent & suggerunt quæ ad salutem pertinent: amare verò eos & delectari in iis, qui loquuntur *placencia*, his aures, his oculos, his manus, operasq; ad exequendum, quæ docent exhibere: quod quò magis exercent, eò plus insurdescunt, excæcantur, indurantur, vt ipsis met iudicibus conuersio illorū videatur impossibilis. Hinc desperatio, quæ duplex est in scriptura; altera nota omnibus, quæ ad restim vergit. Quam incurrerunt & in ve-

in veteri Testamento Achitophel, & in nouo  
 Iudas Iscariotes: altera minùs cognita, sed nō  
 minoris ruinæ causa, imò multò plures inte-  
 rimens, illos videlicet, *qui desperantes, semeti-  
 ipsos tradiderunt impudicitia, in operationem immū-  
 ditia omnis in auaritiā*: Hæc Apostolus. Tu  
 adde reliqua, ambitiones, homicidia, furta,  
 commestationes, ebrietates, blasphemias, ma-  
 ledicentias, & alia generis eiuldem. Talium *Eccl. 1. 19*  
 enim *stultorum infinitus est numerus*, qui cum re-  
 media quærere deberent, è contrario quæ-  
 runt, & summopere consecretantur illa, quæ e-  
 orum augment morbos, & planè incurabiles  
 reddunt.

Quomodo enim curabitur, qui deseritur  
 ab vniuersis, spoliatusq; & armis & omnibus,  
 in medio atrocissimorum, & potentissimorū  
 hostium constituitur nudus? Pulchrè id ex-  
 pressit scriptura loquēs de Iudæis post vituli  
 adorationem: *Videns, inquit, Moyses populum* *Exo: 32. 25*  
*quod esset nudatus, spoliauerat enim eum Aaron,*  
*propter ignominiam sordis, & inter hostes nudum*  
*constituerat.* Quid? nudusne & absq; vestibus  
 erat populus ille? Nudus certè non corpo-  
 raliter sed spiritualiter, quia spoliatus omni-  
 bus virtutibus per Idololatriam illam fædam  
 fuit: Multò igitur magis, nudi sunt isti, de qui-  
 bus nunc agimus; quos omni decore & orna-  
 tu spoliarunt nequitia eorum, spoliauerunt  
 naturalibus præliis passiones inordinate, &  
 quibus habenas laxauerunt: spoliarunt armis  
 inter-

5. Nuditas  
 interhostes.  
 NOTA.



internis habitus pessimi, quos tam validos contraxerunt, ut scelera in naturam illis transisse videantur. Idq; *propter ignominiam sordis*. Si n. ignominiosum est, & sordidum omne quod contra Deum, & contra decorum committitur: quantò infame & spurcum erit magis, mancipium fieri vitiorum, & in iis excæcari & indurari? Si Iudæi nudi inter hostes constiterant, propter solum idololatriæ scelus paulò ante inchoatum; quàm nudi stabût inter eos, qui varia complexi scelerum genera plurimis in illis hærent annis?

6. Deseri ab  
Angelis quo  
patet.

Verè nudi, & omni quasi non solum interno, sed etiam externo auxilio & præsidio destituti sunt eiusmodi. Describuntur enim ab Angelis, à Sanctis, & beatis, à gloriosissima Virgine matre Dei, ab ipso Christo, & Deo: traduntur verò in manus dæmonum quâdoq; adhuc viui. Quid funestius tali homine? Num defunt exempla? Proponamus pauca ex multis, ad terrorem eorum salutare. De Angelistales deferentibus illud Prophetæ intelli-

Scriptura.

Ier: 51. 9.

gunt sancti. *Curauimus Babylonem, & non est sanata, derelinquamus eam.* Quæ Babylon, id

Exemplo.

Beda de ge-  
stis Angli-  
cæ lib: 5. ca: 14

est; confusio, maior, quàm in eo homine, in quo nihil est ordinatum? Vide huius rei effigiem apud Bedam grauem & vetustum autorem; in quodam impio & obstinato: pio cuidam Anglorum Regi caro, quem cum Rex frequenter, & maxime in infirmitate positum, ad resipiscenciam hortaretur serio, ipse verò,  
ut tales

vt tales affolent, ob prætextus quosdam in di-  
em differret pænitentiam, eò tandem res de-  
uenit, vt visibiliter, & à bonis angelis defere-  
retur, & dæmonibus traderetur, qui infixis in  
eius viscera hinc & inde clauis, tamdiu percu-  
tiebant, donec desperabundam & non valen-  
tem pænitere ( vt ipse Regi referebat ) animā  
in manus crudelissimorum efflaret dæmonū.  
Hæc de Angelis impios derelinquentibus.

De Beatissima matre Dei, & Sanctis, non  
solum deferentibus, sed etiam induratos accu-  
santibus, terribile extat exemplum apud mul-  
tos Historicos de Vdone quodam Magdēbur-  
genſi Archiepiscopo; qui quænam à matre Dei  
non acceperat beneficia? ingenium acre illi  
impetrauit, Archiepiscopatum ei procurauit,  
doctrinas salutares dedit, cumq; homo ingra-  
tissimus libidini se totus tradidisset, monita  
frequentia illis verbis [ cessa à ludo, quia lusi-  
sti satis Vdo ] addidit. Verum cum is ad mo-  
nita obsurdescens induratus in vitiis perma-  
neret, Dei iussu ad templum cui præfuit noc-  
tu delatus fuit, ibiq; à S. Mauritio, & aliis illi-  
us sacræ ædis patronis accusatus, à Christo  
Domino pro tribunali cum matre sedente cō-  
demnatus, à quodam, Deo iubente, capite  
truncatus, à dæmonibus deniq; in infernum ra-  
ptatus, ibiq; crudelissimis affectus est suppli-  
ciis; prout tum pius quidam Canonicus, tum  
impius Vdonis intimus, qui tragædiæ interfu-  
erūt, retulere; quod & res ipsa postea docuit.

Hæc

7. Accusari  
Sāctis Scipia  
matre Dei.

Tritemius  
Naclerus  
non Fulgo  
sus. &c.

Exemplū ter-  
ribile Vdo-  
nis.



Hæc OBSVRDESCENTIÆ & indurationi debebatur pœna. Digna sanè longa historia, quæ ab omnibus, inprimis verò à prælatis legatur. Inde enim & qui simili morbo laborant metum salutarem haurire, & omnes quæ à nobis dicta sunt intelligere commodius poterant.

8. Deseri ab ipso Deo vt

Sed & ab ipso Christo ac Deo eiusmodi induratos deseri, ac dæmonibus tradi, ita vt verè pœnitere non possint amplius, & exempla iam in medium prolata, & alia quamplurima docent. Addamus Duo ex scripturis: & totidem ex Magno Gregorio, quàm breuissimè. In scriptura horrible est illud de Antiocho tyranno: *Orabat hic scelestus Dominum, à quo non esset misericordiam consecuturus*, licet multa pœnitentiæ signa dedisse videatur. De Elau verò sic Apostolus. *Nō inuenit inquit pœnitentia locum, quanquam cum lachrymis inquisisset eam.* Quis hæc audiens nō perhorrescat?

Antiochus.

2. Mach. 19

13.

Vt Elau.

Heb. 12. 17.

Greg. lib. 4.

Dialo. 38.

9. Traditiuū

dæmonibus

D. Gregorius verò in vno loco duo exempla recenset. Alterum de Crisorio quodam viro prædiuite: alterum de monacho hypocrita: quorum ille inducias in agone petens, eas nō obtinuit: hic verò diabolo in forma draconis apparenti traditus, clamans, nec pœnitens, ab eo enecatus est, vt & alii superius citati. Hæc verò omnia, vt ibidem sanctus vniuersalis Ecclesiæ pastor notat & monet, ad nostram doctrinam permixta, acta, scriptaque sunt: quæ considerent quæso cum omnes: tum ve-

Exempla D.

Gregori &

aliorum.

tum verò quos fabula tangit. Illi, inquam, quibus aut proprium iudicium aures clausit, ne audire velint, bene de rebus iudicantes, ut clauserat misero illi seni Hieroni apud Cassianum, qui cum quinquaginta annis in Ere-  
mo asperrimè vixisset, tandem delusus à Ca-  
codæmone in puteum se præcipitem dedit; & quod multò peius fuit, inde extractus, se-  
nioribus illusionem hanc fuisse diaboli clami-  
tantibus, credere noluit. Aut auaritia ocu-  
los excæcavit, quod in iudicibus munera di-  
ligentibus frequens est, ipsa etiam scriptura  
teste: aut luxuria, liguratio, deliciæ, proter-  
uia, hæreses, corda indurarunt, ut ea ad bo-  
num ne mouere quidem possint; sicq; absque  
resipiscentia & pænitétia miserè æternum pe-  
reant.

Fôtes horû  
malorum.  
*Cass. Colat.*  
*2. Cap: 5.*  
Presumptio  
ut Hierone.

Auaritia ut  
in iudicib<sup>9</sup>.

Luxuria & c  
*Eccl. 20. 31*

An quotidiana desunt exempla? utinam vel sint rariora eorum, quos ebrietas suffo-  
cat, quos luxuria corrodit, quos ira oppri-  
mit, quos scurrilitas iocantes efflare animam  
facit, quos stultus honor, veraq; ignominia  
culpas donare aliis non permittit, quos, hæc  
& similia peccata adeò obsurdescere etiam in  
ipso agone faciunt; ut viros spirituales, curâ  
eorum gerêtes, aut venire ad se non permit-  
tant, aut venientes fastidiant, reiciant, ex-  
turbent, miseram interim vitam miserrimo fi-  
ne claudentes. Audiui iussisse quendam præ-  
diuitem auarum positum in extremis adferri  
sibi vas ingens ligneum plenum ducatis aure-  
is, quos

Exempla que  
tidiana.  
NOTA

Auari



Iracundi.

Subsanātis.

Luxuriosi.

Hæretici.

NOTA.  
 Duplices hæ-  
 reticos,

Exēplū ter-  
 ribile.

is, quos allatos manu vtrāq; cū suspiriis ver-  
 fans & reuerfans, infælicem animam euomu-  
 it: alter vindictam inimico parans, ipse statim  
 corruit, obiit, periit: alter iocando, & mor-  
 tem quasi aliquid subsistens subsanando, in  
 eodem quasi instanti morti pænas luit: alter  
 ad meretricem portam effringere volens, ab  
 eo qui intus erat, gladio transfuerberatus, sta-  
 tim corruit, & occubuit.

Dies me deficeret similia & quotidiana re-  
 censendo. Vnum addo in gratiam hæretico-  
 rum, vt resipiscant à laqueis diaboli. Eos em̃  
 à malo dæmone dupliciter capi video: quos-  
 dam quidem in intellectu; alios verò in affe-  
 ctu. Illorum mentem ratiunculis excæcat:  
 horum cor fomentis indurat. In illis Luthe-  
 rani & Calviniani, in his Anabaptistæ cēsen-  
 di sunt. Horum è numero fuit quidam Ro-  
 mæ (cuius & antea mētionem feci) in Inqui-  
 sitione; quo cum posteaquam aliquot diebus  
 egissemus, tandem in illa prorupit verba. Mi-  
 rum est, inquit, me etiamsi videam ea, quæ  
 vos dicitis, vera esse, intellectumque meum  
 penitus conuincere, cor tamē me nullo mo-  
 do ad credendum inflectere posse, licet id  
 obnixè à Deo etiam cum lachrymis petam.  
 Quid? iniustus vel immisericors est Deus, q  
 volentem saluare nollit? Absit, habebat em̃  
 obstaculum, quod faslus olim fuerat: se vide-  
 licet cum iuramēto pollicitum fuisse dæmo-  
 ni (quem tamen pro tali non agnoscebat)  
 nunquam

nunquam se ab hac fide ( perfidia potiùs ) recessurum : cui promisso renuntiare noluit , frustra id nobis ab eo exigentibus : licèt fa-  
teretur puerum quem viderat , quiq; ipsum mirificè & confirmabat , & cōsolabatur niger-  
rimū fuisse. Tanta vis est obstinationis. Neq;  
id nouum in Entusiastis.

Atq; vtinam vel inter Catholicos tale quid <sup>Incantatoris</sup>  
sit inauditum. Verum quàm multi sunt incā-  
tatores & incantatrices ( si modò tales Catho-  
licorum nomine digni sunt ) veneficæ et ma-  
lefici, qui se vltro dæmoni dedicant, & quam  
pauci qui ex eius dominio se explicant? Quid <sup>Astrologorū  
iudiciario-  
rum.</sup>  
dicam de Astrologiis iudiciariis? Certè neque  
pauci ex illis pacta cum dæmone, alii quidē  
implicita, alii verò etiam explicita habere sci-  
untur, neq; ab excæcatione, & induratione li-  
beri sunt pronuntiandi omnes. Quid enim  
excæcatum induratumq; magis, quā Catho-  
licum se esse profiteri; neq; tamen sanctorum  
Patrum & Doctorum totius orbis vnanimi  
consensui locum dare; neq; summorum to-  
tius Catholicæ Ecclesiæ pastorum decretis ac  
determinationi stare velle? quorum & anti-  
qua sunt non pauca, & recens edictum Sixti  
V. tam clarum, vt nulla siue tergiuersatione  
indubium vocari, siue altercatione dissolui  
queat. Sed nunquid ipse Deus per prophetas <sup>If. 47. 12.  
Ier. 10. 2.</sup>  
non testatur, & falsa esse eorum prælagia, & si  
vera essent, pro Diis illos haberi oportere?  
*Annunciate quæ ventura sunt in futurum, & scie-* <sup>If. 41. 26.</sup>



*mus, quia Dī estis vos*, ait Deus omnipotens, per Esaiam prophetam, Videant igitur isti, quid Deo, cuius officium sibi usurpant, quid sanctis patribus; quorum scripta contemnūt, quid Christi vicariis, quibus obediētes esse nolunt, in die illa tremendi iudicii responsuri sint. Nos cæpta prosequamur.

OBIECTIO  
bipartita.

*Iob 2. 6.*

*Rom: 9. 20*

Nō ex Deo  
interitus no  
ster.

*2. Reg: 17.*  
14.

Dicet etem̄ fortassè non nemo, si ita homo à Deo deseritur, vt viuus in manus dæmonū tradatur, nō solum secūdū corpus, vt Iob, sed etiā secūdū animā, vt exēpla plata testantur; maximè verò vt pænitere non possit āplius, prout scriptura de Antiocho, & Esau loqui videtur; Igitur & Deus causa erit perditionis impiorū, & nos q̄ taliū nobis cōscii sumus, in desperationem prolabi necesse erit. Absit ab homine Christiano vtrumq̄; & hoc de se cogitare: & illud de Deo sentire. Ad obiecta verò quamuis exclamare cum Apostolo possem: *O homo, tu quis es, qui respondeas Deo?* tamen mitius agam, & ad dicta te reuocabo. Non enim Deus, sed tu ipse culpandus eris, si quid tale (quod absit) tibi euenerit. *Deus enim non vult perire animam, sed retractat cogitās ne penitus pereat, qui abiectus est: tu tu ipse abiecti vis, qui conuerti non vis.* Data sunt tibi exempla tum de obsurdescētia, quæ totius mali prima origo est: tum de excæcatione eius, qui sibi eruit oculos. Addo tertium, ad maiorem, & rei ipsius & diuinæ iustitiæ declarationem. Non enim Deus est immiseri-

cors,

cors, sed qui talia cogitant, impudenter sunt ( Simile  
scelesti. Quis enim scelestum & impudentis-  
NOTA.)

simum non indicaret illum, qui cum vltro & malitiosè in despectum alterius, in canosam & profundissimam se inieciisset foueam, ibiq; constitutus, scalas, funes, & alia instrumenta, per quæ inde exire posset, & quæ illi misericorditer submitteret is, quæ ipse offendit, non solum repudiaret, sed etiam laceraret & disrumperet? nihilominus tamen culpam interitus sui, in illum coniiceret, qui & talia ei præstaret beneficia, & insuper hortaretur, rogaret, obtestaretur vt se inde extricare velit?

Hæc omnia amanter præstat Deus: illud scelestè perficit obstinatus, qui in cænum peccatorum se iniicit culpa sua, qui præcepta diuina contemnit, culpa sua; qui monita quæ illi dat pius pater nec audire vult quidem, culpa sua, qui auxilia sufficientia ad emergendum quæ illi centies Deus porrigit; reiicit, discerpit, cõcultat, culpa sua: q deniq; p sumum nefas culpã suam in autorẽ omnis boni coniicit.

Quis ferat tantã nequitia & impudentiam?

Quod verò ad desperationem attinet, hæc iniquè præferunt (vt cætera omnia) quicumque sunt tales. Non enim hæc ideò dicuntur, vt desperes: sed vt timore sancto concussus ad cor redeas, & spe respices. At non possum inquis pænitere. Tibi verò vnde id cõstat? quod nulli hominum, sine reuelatione (quæ hac in parte rarissima ẽ) cognitũ est, cū in vniuersali;

sed ex nobiscuius.

Quinq; causas assignantur.

V. MEMBR.  
Remedia continet vt non desperetur.

1. Quia ignoratur an sint in mudo q non possint pænitere.



2. Magis ne-  
scitur q̄s sit  
talis.

tum verò in particulari? Etenim primum qui-  
dem ignotum est, an qui p̄nitere non que-  
ant in mundo reperiantur, cum vtrinq; sint  
& autores graues, & scripture loca per difficultia.  
Deinde multò magis la tet, quisnam sit ex eo-  
rum numero. Id enim nec ipsos etiam Ange-  
los nosse arbitror. Non desperandum igitur  
quod suadet Sathan, sed p̄nitendū est, quod  
vult Christus & Ecclesia.

3. Timendū  
tñ. idē cef-  
sandum à  
peccatis.

Cessandumq; est imprimis à peccatis, ne si  
fortè tales in mūdo reperiantur tu hac tua im-  
p̄nitentia, & multitudine ac grauitate pecca-  
torum, te in tam miserabilem iniicias statum.

4. Ne sis cau-  
sa interitus  
tui & fami-  
liæ tuæ.

Gen. 15. 16

Perpende præterea, ne non solum tui, sed et-  
iam familiæ, imò & gentis tuæ totius sis causa  
interitus. Id enim euenire aliquando testan-  
tur verba illa: tum Dei ad Abrahamum: *Nec  
dum impleta sunt iniquitates Amorrhæorum, vsque  
ad præsens tempus: quando verò impletae fue-  
runt eradicati sunt: tum Christi Domini ad*

Mat. 23. 12

1. Tess. 2. 16

Iudæos: *Et vos implere mensuram patrum vestro-  
rum. Et Apostoli de iisdem, vt impleant pecca-  
ta sua semper, peruenit enim ira Dei super eos, vsq;  
in finem.* Quare ne per te mensura hæc imple-  
atur perhorresce, horror verò resipiscentiam,  
resipiscentia p̄nitentiam, p̄nitentia viuam  
spem, spes salutem obtineat.

5. Conside-  
rare multa  
debere præ-  
cedere.

Addes autem & alia quæ te iuuare possunt  
media & remedia. Tale est; considerare mul-  
ta, & multa nimis præcedere debere, antequā  
eò res deueniat, vt quis ex induratorum sit  
numero.

numero. Quod etiam ex ipso Euangelio hodierno haud obscurè colligitur. Quis enim ignorat, quàm multa dixerit, fecerit; q; Christus Dominus in gratiam Iudæorū antequam eueniret, quod hīc audis? HÆC OMNIA LOCUTVS EST IESVS IN PARABOLIS AD TURBAS (maximè verò ad Phariseos, qui in turbaerant.) ET SINE PARABOLIS NON LOQUEBATVR EIS. Id est, antequam (vt ex Esaia, & Matthæo interpretatum audistis) illis viderentur omnia parabolicè dicta, etiam illa, quæ clarissimè dicebantur; quod fuit excæcationis signum euidēs: multa sanè & ferè infinita præuenerunt. Quæ necdum in te expleta esse sperare debes, & per spem ad pænitentiam conuerti. Quam ad rem valebit plurimùm amputare & tollere ex te causas, quas tantorum malorum & in Cain, Pharaone ac aliis fuisse vidisti, & in te esse facile animaduertere potes. Caput illorū est (vt demonstraui) OBSVRDESCENTIA; de qua paulò pòst.

Alterum sunt blasphemix, quas omnes isti euomunt, qui vel maiorem esse suam iniquitatem, quam Dei misericordiam cum Cain asserunt; vel culpā suā malā, in bonum dñum impiè conferunt. Audituri ni resipiscant, illud seuerè dictum: *An oculus tuus nequam est, quia ego bonus sum?* Verè bonus, qui & infinitas effundit gratias, etiam in obstinatos, & si forte aliquando ab his cessat (hoc verò est vt

6. A blasphemis abstinendum.

Ma: 20. 15  
NOTA.  
Quid sit excæcatio ex parte Dei.



dixi excæcare, ac præterea permittere vt prolibito agat, tam Sathan, quàm peccator, nequicquam in excæcatione vel induratione, ex parte Dei reperitur amplius) id propterea facit, quia illi omnia quæ dat ad resipiscendum media, non respuunt solum, & auersantur, sed etiam iis impiè abutuntur. Equidem ipsi etiam Ethnici vnica ratione duce faciliè iudicarent tales omnibus his beneficiis esse indignissimos. Ideò ipsi Idololatræ iudices istorum blasphemantium erunt, & *condemnabunt eos*, sicut Niniuitæ, & Regina Sabæ Iudæos, teste Christo condemnabunt. Tertiò, tolles è medio temerarium iudicium, quod fit dupliciter. Vno modò quando iudicamus alios esse ex numero obstinatorum. Magnum malum, quo etiam qui in eremo vixerunt aliquando laborarunt, ideòq; à Deo hoc nomine reprehensi fuere: altero modò fit, quando nosmet ipsos esse ex induratorum genere censemus. Vtrumq; est periculosum & perniciosum valde, ideò extirpandum. Hoc quidem ne in desperationem incidamus: illud verò ne à Christo Domino grauius puniamur. Os em ipsius locutum est. *Nolite iudicare, vt non iudicemini*: quod dictum I E S V hîc vel maximè locum habet. Quartò cauendum vehementer, ne nimium rebus huius mundi simus dediti, neglectis cælestibus, prout fecit Cain, qui neglecta pænitentia, ad quam illum Deus hortabatur, sollicitus fuit ne occideretur. O quâ hoc

Mat: 12. 41

7. Cauendū  
valde du-  
plex iudici-  
um.

Mat: 7. 1.

8. Sollicitu-  
do puerſa  
proſtigāda.

Gen. 4. 14

hoc est familiare talibus. O quàm nociuum  
& fons omnis mali. Vtinam non serò sapiant,  
qui nunc ita desipiunt.

Contra duplex verò illud desperationis ba- <sup>Exēpla ha</sup>  
ratrum, in promptu habenda sunt exempla <sup>bēda cōtra</sup>  
eorum, qui ex magnis latronibus, ad magnā <sup>desperatio-</sup>  
frugē rediēre. Talis fuit Moyſes ille, olim dux <sup>nem.</sup>  
latronum, dein inter Monachos sanctitate cla- <sup>Hist. Tri-</sup>  
rus. Talis Albanus, prius furiosus parricida: <sup>part. lib. 8</sup>  
postea post pænitentiam miraculorum patra- <sup>cap. 1. Pet:</sup>  
tor. Tales alii. Neque fæminæ in hoc genere <sup>de Natali-</sup>  
defuerunt, vt Magdalena in Euangelio, vt Ta- <sup>buss.</sup>  
is & Pelagia in Vitis Patrum, vt aliæ. Non per- <sup>Luc. 7. 37.</sup>  
mittent igitur viri se à mulieribus superari:  
tantummodò pænitentiam non differant, ne  
impænitentes in peccatis suis moriantur. At <sup>Obiectio</sup>  
ingentia sunt, inquis, peccata mea. Certè ne- <sup>solvitur.</sup>  
que horum, harumque quas enumeraui parua  
erant: nec minora Manasse Regis Iudæorum, <sup>Exēplo Rē-</sup>  
qui Idololatriæ omnis generis, qualem nec <sup>gis Manassē</sup>  
ipsi exercuerant Amorrhæi, teste scriptura; <sup>1. Reg: 21.</sup>  
addidit maxima alia scelera: <sup>2. Par. 33.</sup> *Insuper & san-*  
*guinem innoxium sudit Manassēs, multum nimis, do-*  
*nec impleret Ierusalem vsque ad os.* Nihilominus  
hic qui in tantis peccatis perseverauit multis  
annis, postquam orauit Dominum Deum suum, &  
egit pænitentiam valdè, non remissionem pecca-  
torum tantum, sed regnum etiam à Deo beni-  
gnissimo obtinuit. Hunc igitur & alios ante  
oculos habeant, quos postquā Sathan in pro- <sup>Pro: 18. 2.</sup>  
fundum peccatorum impulit, contemnere  
Ggg 5 diuina,



diuina, & amplecti desperationem suadet.

10. Media  
via gradien-  
dū inter iu-  
sticiā & mi-  
sericordiam  
diuinam.

1. Ti 2. 4.

2. Pet. 3. 9.

Præterea, ea quæ de misericordia & iustitia diuina diximus, iugiter considerent. Misericordiam quidem, quæ omnes homines vult saluos fieri, teste vno; quæ neminem vult perire teste altero Apostolorum Principe, quæ omnia adhibet media & remedia per se, & per suos, vt peccator conuertatur & viuat. Nunquid id in Cain, Vdone, & aliis exemplis nō vidisti? quæ deniq; boni semper, mali nunquam auctor est.

NOTA.

11. Radix à-  
putāda OB-  
SVRDES-  
CENTIA.

In bono em̄ Deus, in malo homo semper incipit. Has igitur misericordias Domini considerent peccatores, ne desperent. Sed & iustitias meditentur, tum vt benè de Deo semper sentiant: tum ne pænitentiam differant. Ante omnia autem securim ad radicem apponant velim. Radix autem (vt sæpè diximus) excæcationis, indurationis, & omnis mali est OB-SVRDESCENTIA, quæ illis in Euangelio hodierno notatur verbis: HÆC OMNIA LOCVTVS EST IESVS IN PARABOLIS. ET SINE PARABOLIS NON LOQVEBATVR EIS. Audite & cognoscite infelicissimum genus hominum. Quod verò est istud? Non aliud quam cui IESVS in parabolis, mundus verò sine parabolis loquitur. Tales erant olim Pharisei: tales nunc sunt omnes obstinati. Cur enim illi Messiam non receperunt? Quia in Christum credere noluerunt. Cur id? Quia verba Christi non intellexerūt. Cur verò eanō intellexerunt? Quia quid sibi vellent

vellent eius parabolæ, interrogare noluerunt. Cur ergò non interrogarunt? Quia indecorum illis visum est, hominis qui nec lites didicerat ( id enim ei exprobrant ) nec habebat ubi caput reclinaret, magisterio uti. Id verò mundus & mundana superbia eos edocebat, cui obtéperabant, ad diuina verò Christi dicta obsurdescebant. Quos utinam non imitentur, qui Christiano censentur nomine: æque utinam saltem sint pauciores. Hos igitur moneo, hortor, rogo, & per Christum Dominum ac ipsorum salutem obtestor, ut fontem hunc & originem totius mali, OBSURDESCENTIAM inquam, ex animis & mentibus suis curent depellere quàm maximè: diuina audiant amanter, sacris concionibus adsint frequenter: doceri arguiq; velint libenter: quæ contra peccatores dici audiuerint, non aliis (vt fieri solet) sed sibi applicent diligenter: ac deniq; si quid non intellexerint, cum synccero veritatem agnoscendi, vitamq; emendandi proposito, solerter & humiliter interrogēt. Ausim affirmare, si id Pharisei fecissent, benignissimum præceptorem Iesum, suarum parabolarum interpretationē; illis non denegaturū fuisse. Quare quod Iudæi agere neglexerunt, tu ô Christiane facias, ne cum ingratis tu ipse magis ingratus, qui & plura ac clariora mysteria didicisti, & maiora beneficia accepisti, grauius etiam quàm illi puniaris: sed cum verè pænitentibus conuertaris, vt & hic gratiam



tiam & illic gloriam obtinere valeas, præstante Domino nostro IESU Christo, qui cum Patre & Spiritu sancto viuit & regnat Deus in secula seculorum. AMEN.

SENSVS LIT-  
TARALIS  
NORMA.

# CONCIO SECVNDA

## Fides.

*Simile est regnum calorum fermento, &c.*

De sēsu seri-  
pturæ cura-  
gendum.

1.

2.

1. Tim. 1. 6

3.

Prop. Qua-  
drupartita.

**Q**Vandoquidem circa hodiernum Euāgelium, maximè verò circa parabolam fermenti, offert se occasio agendi de interpretatione scripturæ sacræ, minimè eam prætermittendam esse censui: cū ad pleniorē huius Euangelii intellectuionem: tum verò ob examen & excussionem quorūdam principiorum, & regularum, quibus antesignani Hæreticorum, & sequaces suos excæcant, & seipsos intricant; vt in hac etiam parte verū sit, quod de illis Apostolus inquit: *Conuersi sunt in vaniloquium, volentes esse legis Doctores, nō intelligentes, neque quæ loquuntur, neq; de quibus affirmant.* Luce profectò meridiana id est clarius, cū in aliis, tū verò in nostris partibus. Est verò hoc ipsum scitu etiam pernecessariū; cū ex recta scripturæ interpretatione agnitio veritatis; hinc verò salus nostra depēdeat.

Quare inprimis proponemus axiomata quædam & regulas scripturæ interpretandæ, ab Hæreticis partim confictas, partim ex Patribus

tribus desumptas, sed malè intellectas: easq;  
norma, tum Euangelii hodierni, tum rationis  
perpendemus. Agemus deinde de vario sen-  
su scripturæ, maximè verò de literali. Præte-  
rea, quæ sint obseruanda in explicanda sacra  
scriptura, ne detur errori locus, docebimus: ac  
denique quomodo & hinc, & ex Euangelio,  
vera in terris Christi Ecclesia cognosci possit  
demonstrabimus. Da Christe IESU ita id per-  
ficiamus, vt in agnita veritate rectè ambulan-  
tes, eò vbi nulla opus est interpretatione, per-  
uenire fæliciter valeamus.

Cardinem fidei nostræ esse sacram scriptu-  
ram asserunt Hæretici; neque nos abnuimus  
dum modò & rectè id intelligatur: & parti-  
cula SOLA, qua suos sæpenumero mirè de-  
mentant, non addatur. At vtrumq; illis est  
difficile, ne dicam impossibile: hoc, quia fal-  
laces; illud, quia excæcati sunt. Hinc illa co-  
rum axiomata. Primū, solam scripturam suf-  
ficere, nec quicquam requiri amplius. Id verò  
(antequam ad vltiora procedamus) ipsi  
scripturæ est contrarium, quæ multa alia re-  
quirit: nempe Pastores, quos audire iubet:  
traditiones quas tenere præcipit: Prophetas,  
quos probare suadet; consuetudines quibus  
vt se tueantur fideles mandat Apostolus; &  
alia generis eiusdem vt hinc, erroneū esse hoc  
Axioma illorū ( præcisè sumptū) facilè euin-  
eatur. Multò magis verò absurdum est al-  
terum, nempe Sacram scripturam per se esse  
facilem.

I. P. A. R. S.

Axiomata  
hæreticorū  
continet.1. Scripturā  
esse cardinē  
fidei-  
Explicatur  
id.2. Scripturā  
solam suffi-  
cere.

Refutatur.

Luc: 10. 16.

2. Tess: 2. 16

1. Cor: 14.

29.

1. Cor: 11. 16

TERTIUM

AXIOMA:

Scripturā ef-  
se facilem.



*Dei. Ad-* facilem. Demonstrauiamus id integra concione, & aliàs non rarò. Certè hoc ipsum quod p̄ manibus habemus Euangeliũ demẽtiẽ illos arguit totum. Demus aliquot argumenta: reliqua in alia concione referemus. Etenim quid quæso GRANO SINAPIS cum REGNO COELORVM, nisi metaphoricè intelligatur? Omnis verò metaphora difficilis est, aliàs metaphora non esset. Idem dic de fermẽto: Multò magis autem de eo, quod dicitur Christus Dominus IN PARABOLIS locutus, & SINE PARABOLIS dixisse nihil. Quid? parabolæ nẽ carent difficultate? Quomodo verò sine parabolis nihil locutus dicitur? Denique rationes additæ, & in prima Concione expressæ, quas non habent difficultates?

QUARTVM  
Scripturã esse  
clarã docu-  
cibus Dei.  
Respondetur

At verò dicunt facilia hæc esse iis, qui sunt *docibiles Dei, vt scriptura testatur.* Testatur sanè, & digito quod dicitur extento monstrat. Hæreticos tales non esse. Quomodo em̃ illi docibiles sunt, qui Doctores haberi volũt? quomodo auditores erunt, qui Sacrę scripturę interpretes, etiam illorum mulierculæ, etiam ex infima plebe quiq; se esse iactitant? Quid ineptius? quid scripturę magis cõtrarium? Quid dicam de inconstantia illorum in rebus fidei? Hæc sola certè euidenter prodit, illos docibiles Dei non esse. Lepidum quid nuper audiui. Racouiæ vbi nidus est Anabaptistarum, fidem esse menstruam. Quid ita? Cogunt cõuenticula

Lepida historia.

uenticula mēſibus ſingulis; in quibus de propoſita quæſtione ad fidem pertinente dicunt ſuas ſententias congregati; ac tandem concludunt; credendum aliquid tam diu donec aliud determinetur, quod ſit nonnuquam ſequēti coitione. Non dubito procedere id ex verbis illis Apoſtoli peſſimè intellectis. *quod ſi alij reuelatum fuerit ſedenti, prior taceat, poteſtis enim omnes per ſingulos prophetare, &c.* quæ Anabaptiſtæ ſemper in ore habent; quæ de realiâ, Deo dante, diſſeremus. nunc ſatis ſit demonſtraſſe, quàm ſit, & eorum qui ſe docibiles Dei maxime vocant, gloriatio vana; & mens humana ſine rectorẽ vaga. Puto enim hæreſim hanc ex eorum eſſe numero, quàm retuliſſe, confuſaſſe eſt: nec dubito omnes, qui Chriſtianos ſe vocant (præter ſtolidos Anabaptiſtas) idẽ mecum ſentire. Non enim menſtrua eſt fides Chriſti in verbo Dei fũdata; ſed talis qualem ipſe veritatis autor deſcribit dicens: *Calum & terra tranſibunt, verba autem mea non tranſibunt.*

1. Cor. I. 4.

30.

Luc. 21. 32.

Quæ cũ ita ſe habeãt, quæro iam ab aduerſariis: Sit ne neceſſaria ſcripturæ Sacræ interpretatione, nec ne? Si neceſſariam eſſe aiunt, negent per ſe eſſe facilem: facilia enim dicuntur, quæ expoſitione non indigent. Si negãt ſcripturam indigere declaratione, cur ipſi etiam Anabaptiſtæ conueniunt ad eam explicandam? cur alii tam ingentia & pene iam infinita edunt in ſcripturam volumina? Cur placita ſua non obſeruant? Hoccine eſt eſſe Euan-

Dilemmate arguitur vanitas hæreticorum.



Responſa &  
alia Hære-  
ticorū axi-  
omata.

QVINTVM  
Velle ſe iux-  
ta ſcripturā  
iudicari.

Redarguitur

Exemplo.

NOTAN-  
D.O.

Euangelicum, ſibi non conſtare? At enim nos  
(inquiunt) ſcripturam per ſolam ſcripturam  
interpretamur. Ipſa enim ſcriptura iudex eſt  
omnium controuerſiarum, quæ quod vno in  
loco obſcurè, in alio clarè enunciat. Quapro-  
pter ſecundum ſcripturam nos iudicari non  
ſolum patimur, ſed etiā rogamus. Hæc ſunt  
dicta hæreticorum, quæ memini me apud  
Caluinianos legere: indeq; colligere; eos mo-  
re ſolito hypocritas agere. Exemplo id cui-  
denti propter ſimpliciores demonſtremus.  
Nec alio, quàm quatuor illis domini Ieſu  
verbis; **HOC EST CORPVS MEVM**, iux-  
ta quæ & ego, & mecum omnes quotquot ſunt  
Catholici; omnes etiam Græci & Ruſſi; Schi-  
ſmatici omnes; deniq; Lutherani, myriades  
hominum infinitæ, iudicamus, in Eucharis-  
tia eſſe verū corpore eius, qui hæc verba pri-  
mus protulit, Chriſti **I E S V**, Acquieſcentne,  
Caluiniani huic noſtræ ſententiæ? O vtinam  
acquieſcāt, reſipiſcant, & viuant. Sed vereor  
ne hiſce contrariis ſubſcribant, iis videlicet,  
qui pro verbo Chriſti, **Hoc** reponunt ſuum  
verbum panis, pro **EST** ponunt, non eſt,  
ſed vel designat, vel figurat, vel quid ſimile;  
pro **CORPVS MEVM**, non corpus **I E S V**  
ſed virtutem, ſuccum, energiam, corporis e-  
ius intelligunt. Cur quæſo hiſ acquieſcunt?  
an idcirco, quia hæc expoſitio conuenit cum  
ſcriptura, noſtra verò diſſentit ab ea? Nihil  
minus, cum hæc ne verbum quidem integrū  
in verbis

Mat: 26: 26

Mar: 14: 22

in verbis Christi relinquat; nostra verò & Luc: 22.19  
tres Euangelistas, & D. Paulum pro se ha- I. Cor: II. 24  
beat: & omnia verba vt iacent, accipiat.  
Mendacium igitur est Hypocrisi tectū, quod  
scribunt. Non enim hæretici secundum scri-  
pturam iudicari: ( vt simulatè apud plebem  
iactant ) sed ipsi de scriptura iudicare vo-  
lunt.

Quod verò ad axiomata illa, siue regulas  
interpretandi scripturam, quas hæretici ad-  
ferunt, attinet, video in paucis verbis tres no-  
tatas: quarum prima, vt ab illis profertur, &  
inepta ac fraudulenta est, & vniuersalis non  
est: altera falsa; tertia absurda. Ineptè & ve- SEXTVM  
teratoriè dicitur (in quo maximè gloriuntur) Scripturā p  
scripturam per scripturam esse explicandam, scripturæ ef-  
cum non de hoc, quod omnes nouimus, sit se interpre-  
nostra controuersia: sed an reperiatur aliquis, tandam.  
vel aliqui in mundo, qui id absq; errore præ- Fraudes de-  
stare possint? ad quam quæstionem nunquam teguntur.  
directè respondent. Fraudulenter enim hoc  
axiomate volunt, scripturam cum plebis tum  
verò suo capiti submittere: vt quæ illis vide-  
tur recta scripturæ per scripturam interpreta-  
tio, ea sit authentica, licet sit absurdissima.  
Deniq; vniuersalis non est, quia sæpe id ha-  
beri non potest, vt statim videbimus. Alte- SEPTIMV  
ra regula, qua asserunt, quod in vno loco ob- Axioma.  
scure dicitur, in alio clare haberi, falsa est. Vt Falsum &  
interim taceam fraudem illorum, qui non fraudulerit.  
obscura per faciliora plerumq; interpretantur  
Hhh sed



OCTAVV  
Scriptura iu-  
dicat.

Absurdissi-  
mum.

Ex Euāgelio  
demonstratur  
absurditas  
eorum axi-  
omatum.

Septimi.

Sexti.

sed contra facilia obscuris inuoluunt, vt sic incautos decipiant. Tertia absurda est, vt aliās demonstrauius. Neq; enim vlla vnam tam stulta inuenta est Respub. ( qualem ipsi Christi Rempub. seu Ecclesiam fingunt ) quæ à lege non à iudicē iudicari vellet. Quanta Babylon & confusio est apud istos homines, qui contra totam nouam & veterem legem, legē cum iudicē miscēt?

Quid? quod ipsius Euangelii verba, absurditatem horum axiomatum quibus illi suam causam fulciunt, clarē euincant? Quæro em̄ ab his, quid per FERMENTVM hic intelligatur? Scripturam, inquiunt, seu verbum Dei intelligi Qua alia scriptura teste? Tacent. Vbi quæso FERMENTVM pro verbo Dei clarē reperitur in Bibliis? Nullibi sanē. Falsum igitur est, quod in vno loco obscurē dicitur in alio expresse haberi. Fallax & Achilles illorum nempe scripturam nō nisi per scripturam exponendam esse. Nam vltra id, quod iam diximus, quod hic quoq; locum habet, est & aliud notatu dignissimum; FERMENTVM metaphoricē acceptum, nusquam aliās in tota scriptura in bonam partem sumi, sed præter suam naturalem significationem ( cuius in veteri testamento frequens est mentio ) vitium semper designat. Ita Christus Dominus per *Ma. 16. 11. fermentum doctrinam phariseorum* intelligit. Apostolus verò dum vetus fermentum, expurgare iubet, pro omni genere impietatis fermentum.

mentum capit, ideò subdit: *neq̃ in fermento malitia*. Quomodo ergò hoc fermentum bonum per aliam scripturam expones, cùm fermentum nil boni in tota scriptura significet? Falsum igitur est, hoc alterum hæreticorum axioma. Postremum verò longè falsissimum. Si enim ego in parabola hodierna FERMENTVM vitium interpretabor, qua scriptura iudicè me condemnabis? Imò verò, nonne ego te qui verbum Dei, per fermentum intelligis, D. Pauli, & ipsius Christi testimonio arguam?

Octau.

At inquis ex antecedentibus & consequentibus intelligitur, FERMENTVM hìc in bonam partem sumi oportere. Cedo quæ sunt ista antecedentia & consequentia expressè id docentia? Ego neq̃ interpretationem Christi Domini video, quam in aliis parabolis cōspicio, neq̃ quicquam aliud. Hæc dixerim, non quòd reiiciam postremam hanc scripturæ interpretandæ regulam (de qua paulò post plura dicemus) quæ à SS. Patribus & Doctoribus comendatur. Sed vt tria demonstrerem necessaria. Primum, eos hanc regulam minimè in usu habere. Secundum vti eos alia planè veteratoria arte. (audite fucum & oblituescite) Cùm enim de verbo aliquo scripturæ inter nos, & illos controuertitur: de antecedentibus & consequentibus parum pensi est illis; quin imò sæpè quantum possunt ea refugiant, ne conuincantur. Quid verò

NONVM axioma Antecedentia consideranda Verum, sed tria pueria.

1. Quia eo nō vñtur.

2. Quia fraudè hic mirā exercent.

NOTA.

H h h 2

faci-



faciunt? Id videlicet; quærunt, & inuestigant sagaciter, vbi nam in tota scriptura tale verbum saltem insinuare videatur eam expositionem, quæ illis fauere possit: eo verò inuento, quos triumphos coram suis non agunt? quàm Tralonicè de interpretatione scripturæ per scripturam gloriantur? etiam si illa expositio nihil ad rem, sed mera sit impostura. Exemplorum infinitus est numerus. Ita Lutherani TRADIDI pro præcepi, apud Apostolum interpretantur. Ita Sacramentarii, EST pro significat, in verbis Christi sumunt. Quod si ita agi oporteret, posset quis (*absit verbo blasphemia*) & Paulum proditorem constituere, cum tradidit loco prodidit in scriptura positum reperiatur, & Diabolum in Christum vel contra transformare, cum leo vtrumq; apud Apostolos significet. Deniq; quod circa sextum axioma dictum est hîc quoq; locum habet. More enim suo mutant statum causæ hæretici. Quærimus em̃ de iudice qui siue secundum hanc regulam, siue alio modo, per assistentiam Spiritus Sancti possit nobis absq; vllò errore dicere, quænam sit propria, quæ verò adulterina scripturæ alicuius interpretatio. Hunc nos in Romana Ecclesia esse agnoscimus & benignissimo seruatori Christo IESV eo quoq; nomine quas possumus maximas gratias agimus. Verum quia hac de re aliàs copiosius egimus, ad alia transeamus.

1 Cor. 11. 23

Mat. 26. 25

1. Pet. 5. 8.

Apo: 5. 5.

3. Quia Sophistas agunt

Dominica

2. Advent.

Concio 2.

Itaq;

Itaq; quæro denuo, verba illa in hodierno  
 Euangelio APERIAM IN PARABOLIS  
 OS MEVM, etcetera, cuius nam sint a-  
 pud Dauidem, vnde desumpta fuerūt? Asaph  
 inquis. Id enim titulus demonstrat. Quo-  
 modo ergò ab Euangelista Christo domino  
 tribuuntur, si non Christi sed Asaphi sunt?  
 Quam hîc scripturam per aliam interpretabe-  
 ris? Interrogatio hæc tangit præcipuam, quæ  
 est in interpretatione scripturæ difficultatem,  
 nempe de vario scripturæ sensu. Quam ex-  
 cutere non videtur quidem huius loci pro-  
 pter simplices; at verò est propter doctiores  
 (quorum hic nō parvus est numerus) Quod  
 enim Apostolus de se dicit. *Sapientibus & insi-* Rō: 1. 14.  
*pientibus debitor sum*, id etiam nobis competit  
 in his præsertim oris, vbi & fideles instruendi  
 sunt, & infideles conuincendi, qui licet sæpè  
 ipsi ignorent quid dicant, vel *de quibus assir-* 1 Tim: 1. 7.  
*mant* dicunt tamen & facessunt negotium, si-  
 cut in aliis, ita in inuestigando sensu scriptu-  
 ræ sacræ. Itaq; velim ex illis intelligere, an  
 præter historicum (quem solùm iactant)  
 admittendus sit alius quispiam sensus in inter-  
 pretatione Sacræ scripturæ? Si alium necessa-  
 rium esse censebunt, neq; sibi ipsis constabūt,  
 cum id vt plurimum negent; neq; axiomata  
 sua defendere valebunt. Nam si scriptura di-  
 uersos in se continet sensus, quomodo per se  
 facilis dicetur? quomodo erit iudex omnium  
 controuersiarum, si non constat in quo sensu

II. PARS.  
 De vario  
 scripturæ sē-  
 su tractat.  
 Ps: 77. 2.

Rō: 1. 14.

1 Tim: 1. 7.

Status con-  
 trouersie.

Vrgētur di-  
 lemma  
 hæretici.



est intelligenda? & an non secundum diuer-  
 sos modos, sensus diuerfos admittat? quo-  
 modo deniq; vna per aliam exponenda erit,  
 cum variæ scripturæ, varia & plura significet?  
 Sin verò negant alium præter historicum re-  
 cipiendum esse, erroris conuincuntur à D.  
 Mathæo qui quod in sensu historico de Asaph  
 in psalmo dicitur, hoc ipse in Euāgelio Chri-  
 sto Domino applicat. Quo sensu? Non hi-  
 storico, quia hic vnus tantum est; non alio,  
 quia is secundum illos non reperitur.

Responsio  
 diluitur.

Respondebunt fortasse, reperiri sensus ali-  
 os, nempe mysticos, spirituales, Tropolo-  
 gicos, hisq; similes, quos omnis antiquitas a-  
 gnoscat. Vobis verò hæreticis quid cum an-  
 tiquitate? qui totam antiquitatem proscin-  
 ditis? Verum hæc missa faciamus, & duo di-  
 camus. Alterum, & suscipere nos sensus istos  
 tanquam in scriptura fundatos; & venerari  
 tanquā à SS. Patribus traditos; & iis tanquā  
 vtilissimis, pro loci, temporis, ac personarum  
 necessitate vti, nunc tamen ne æquo longio-  
 res simus, de iis nihil agemus. Alterum dico,  
 refugium hoc nullum esse; cum constet inter  
 nos; ex his sensibus (nisi aliunde robur acci-  
 piant) firmum pro rebus fidei argumentum  
 capi non posse; ideò ad talem interpretatio-  
 nem scripturæ, de qua nunc agimus, nihil  
 pertinere. Itaq; aliud respondeant hæretici  
 necessum est: præsertim cum & alia eiusmodi  
 haud pauca in scriptura reperiantur exem-  
 pla.

De sensu  
 spirituali nō  
 agemus.

Iterū vrgen-  
 tur hæretici.

Alia exēpla  
 de vario sen-  
 su literalī v-  
 rius loci.

pla. Celebre est illud quod Moyses de agno  
 paschali inquit, *nec os illius confringetis*, D. 10. NOTA.  
 Exo: 12. 46  
 Num: 9. 12  
 1o ad: 19. 36  
 annem asserere in Christo impletum esse, quā  
 crura ipsius in cruce contracta non fuerunt.  
 Pari ratione quod in psalmo dicitur: *Filius me-*  
*us es tu ego hodie genui te.* id Paulus duobus, imò 2.  
 Psal: 2. 7.  
 Heb: 1. 5.  
 Heb: 5. 5.  
 si bene cōsideremus tribus interpretatur mo-  
 dis, Primò de æterna eius generatione; Secū-  
 dò de humanitate, cū enim inde deducat  
 sacerdotium ipsius; Christus verò non nisi  
 iuxta assumptam naturam fuerit, est, eritque  
 ad consummationem sæculi sacerdos, secun-  
 dum ordinem Melchisedech, humanam eius  
 inde naturam probat. Tertio ex eodem loco Act: 13. 33  
 confirmat resurrectionem Christi à mortuis.  
 Quo sensu? Num mystico? At hic firmus nō  
 est. Num historico? Sed hic vnicus tantū  
 est. Ego certè nō video quid hæretici respō-  
 dere possint, qui hæc duo coniungunt: alte-  
 rum in solida scripturæ interpretatione solū  
 sensum historicum locum habere; alterum,  
 hunc vnicum tantū esse.

Nos verò Catholici, quid adhæc dicemus? Distinctio  
 inter sēsū  
 historicū &  
 literalem.  
 Video Doctores recentiores passim admitte-  
 re vnus loci plures sensus literales; & ita ad-  
 mittere, vt quidam arbitrētur id fortè esse de  
 fide, quibus libenter subscribo, addita distin-  
 ctione, inter sensum historicum (quem solū  
 Hæretici vrgent, magis fugientes minus Lati-  
 num verbum, quàm minus Catholicam fidē)  
 & literalem. Hac enim ratione & diuersa tam Tres inde v-  
 tilitates.  
 H h h 4 Docto-



Differentiæ  
verò.

1.

2.

NOTA.  
Quid cõple  
ctatur sēſus  
līteralis.

NOTA.  
Itē cõsolati-  
onē Catho-  
licorū ma-  
ximam.

Ioā: 11. 49

Doctorem, quàm Sanctorum Patrum ea de  
re scripta facillè intelligentur; & argutiæ Hæ-  
reticorum evanescent, & dissolvetur quæstio  
aliàs difficilis. Differentiæ autem inter eos hæ-  
dari possunt. Prima, sensum historicum tan-  
tùm vnum esse; literales verò posse esse plures.  
Altera: Historicum esse quem scriptor Eccle-  
siasticus, vel solùm, vel præcipuè ( poterat n̄.  
per revelationem & alios nosse ) præ oculis ha-  
buit: literalem verò illum, quem non solùm  
intendebat ( alias enim spirituales omnes es-  
sent literales ) sed etiam verbis siue propriis,  
siue metaphoricis exprimebat is, q̄ scriptoris  
linguam aut calamum dirigebat. Hic verò cū  
non sit alius, quam ipse Spiritus sanctus, mul-  
ta verbis iisdem significari voluit, quæ postea  
quando, & cui placuit, manifestavit. Prout in  
iam citatis locis, & nostro Euāgelistæ & Ioāni,  
& Paulo Apostolo revelavit, idēq; nūc Eccle-  
siæ suæ pro libito & necessitate præstat. Neque  
refert quicquā, sint nē pii, vel impii quorū lin-  
guam; aut calamum dirigit Spiritus sanctus,  
dummodò aut promissis suis satisfaciatur, aut  
Ecclesiæ ( quam docet & gubernat ) p̄videat  
Deus. Eximiū sanè videtur mihi dari huius rei  
exemplum in Caipha pessimo Pontifice, cu-  
ius decretum longè alium sensum habuit in  
mente ipsius, quàm habuit in intentione Spi-  
ritus sancti, qui ei tanquam Summo Pontifi-  
ci assistendo, & prophetare, & talia verba pro-  
ferre illum fecit, quæ varium paterentur sen-  
sum.

sum. Hæc verò est maxima nostra consolatio & firmitudo, qui membra Ecclesiæ Catholicæ existentes, nouimus quidquid ab vniuersalibus eius Pastoribus, in rebus fidei morumq; tanquam ex Cathedra decernitur, verum sensum habere, etsi fortè accidere posset, eum ab illo qui verba profert non penetrari. Intelliget enim ea rectè cuius maximè interest Ecclesiæ; sicut verba Caiphæ intelligit. Deniq; sensus Historicus superat literalem in claritate, <sup>3. Differentia</sup> sed dignitate longè ab eo superatur. Ideò hic principalis (tanquam præcipuè à Spiritu sancto intentus) vocandus est. Notat id D. Augustinus: notant & alii, estq; res notatu apprimè necessaria, pto intellectione scripturæ. Et clara meo iudicio, tum in parabolis, in quibus historicum dixerim, qui verbis parabolæ exprimitur: literalem verò, qui iis designatur & principaliter intenditur: tum illo testimonio: *Os non comminuetis ex eo.* Horum enim verbo- <sup>Io: 19. 36.</sup> rum maximè literalem & præcipuum sensum esse, quem Euangelista proposuit nil omninò dubito. (cùm id quoque voces sonent) minus verò principalem, quem Moyses expressit, licet is & Historicus sit, & clarior: ille verò ad comestionem agni nihil penitus pertineat. Itaq; illis iisdem verbis, *nec os illius confringetis* <sup>Exo: 12. 46</sup> præcipitur, tum Iudæis, ne os agni Paschalis cominuât: tum verò Gentibus, ne id in Christo vlllo modo faciant, ideòq; vtriq; abstinuerunt.



Ex Euangelio  
hæc declarantur.

*Psalm: 72.*

Hoc ipsum discrimen videre licet in eo, quod ex Euangelio protulimus Scripturæ testimonio. Verba etenim illa **APERIAM IN PARABOLIS OS MEVM**, si primam illorum originem & historiam spectes, Asaph, vel Davidis potius sunt; commemorantis beneficia præstita Iudæis: si verò præcipuum eorum sensum literalem cōsideres, Christi Domini erunt; vt D. Matthæus interpretatur, & res ipsa loquitur. Sic enim incipit: *Attendite popule meus legem meam, inclinate aurem vestram in verba oris mei, aperiā in parabolis os meum, &c.* Quæ omnia Christo **I E S V** Domino nostro, qui verus est legislator, qui omnes populos, nationes, & linguas in manu habet, qui plurimas protulit parabolas, magis competere, quàm Dauidi, qui non parabolas, sed historias ibi recenset, non est qui non videat. Atq; ita difficultati propositæ, tum de diuersitate sensuū scripturæ, tum de loco citato, fiet satis.

**NOTA.**

Duo hic extrema fugienda esse.

Cæterum antequàm ad vltiora procedamus, monendi mihi videntur illi præsertim, qui alios docere debent, vt in expositione scripturæ duo fugiant extrema; nempe ne aut mystico scrupulosè, aut historico sensui nimium adstringantur. Vtrumq; enim in vitio esse arbitror. Illud quidem, tum quòd præcipua scripturæ interpretatio negligatur, tum quòd Hæreticis calumniandi Ecclesiam occasio detur: hoc verò tum quòd in eo Rabbinis, & his similibus nimium tribuatur: tum quòd argu-  
menta

menta Catholica eneruentur. Contra abu-  
 sus loquor, qui etiā in Catholicos hac in par-  
 te irreperere solent. Bonum est, imò optimum, Sensu spiri-  
tuali qmo  
vtendum.  
 vt pro Concionibus in sensibus spiritualibus  
 & moralibus cautè, prudenter, & deuotè abū-  
 dēt verbi Dei prædicatores: sed minus rectū  
 aut sensum literalem negligere, (qui aliorum  
 fundamentum esse debet) aut in controuersi-  
 is omnia ad mysticos sensus reuocare velle.  
 Similiter laudabile est, in scripturæ interpre- Abusus &  
Rabbinica-  
uendi.  
 tatione sensum Historicum, maximè verò li-  
 teralem diligenter inuestigare: at malum ini-  
 micis Christi & Ecclesiæ plus æquo crede-  
 re; peius verò eos, qui id non faciunt, inse-  
 ctari; pessimum autem argumenta Catholica  
 contra Iudæos & Hæreticos, maximè verò  
 contra nouos Arianos, & Samosetanos enar-  
 rare: in quod vitium tales facilè & sæpe incur-  
 runt; præsertim in Psalmis: vbi sicut sensus est  
 occultior, ita error est faciliior, & periculiosior.  
 Si enim (exempli causa) Psalmum quem Ca-  
 tholici & Sancti Patres de Christo dictum vo-  
 lunt, ego Rabbinos secutus, de Dauide. vel  
 de quopiam altero accepero, quomodo con-  
 tra infideles firmum inde deducam argumen-  
 tum? Nnquid non statim respondebit mi-  
 hi, cū inter nos constet de Dauide ibi ser-  
 monem esse, quid mihi Christum ingeris?  
 At (inquis) hoc vult litera secundum Hæ- Obiectio  
soluitur.  
 braicos fōtes. Tu autem vnde id nosti? Quasi Mira Rabbi  
ni cuiusdā  
impudētia.  
 verò difficile sit, tum apices apud Hæbreos  
 mutare,



mutare, aliamq; radicem inuenire: tum res difficiles ad varios torquere sensus. Rabbi Salomon ex præcipuis Christianorum inimicis, fatetur maiores Iudæorum Psalmum secundum de Messia intellexisse: Sed ego (ait) in despectum Hæreticorum (ita Christianos vocat) illum de Dauidе interpretabor, quod & facit, iuxta historiam, quæ 2. Reg: 5. describitur. Eant nunc eiusmodi Catholici, & omnis lucidissimis Sanctorum interpretationibus, fatidos inimicorum Christi fontes sectentur; qui & in historico sensu sepe, & in literali quasi semper turpiter tum ex odio, tum ex inscitia hallucinantur. Literalis autem sensus, ut est præcipuus, ita maximè vrgeri debet; ut verò est occultior, ita summa diligentia persequendus erit, non ex apicibus Hebræorum, sed ex solidis Catholicorum fundamentis.

### III. PARS

Qui sit literalis sensus inuestigat.

Quare inuestigandi indagandiq; sunt nobis modi, & regulæ; per quas ad propriam & germanam scripturæ interpretationem, & sensus literalis cognitionē peruenire valeamus. Sensus autem proprii ac legitimi literales (plures enim esse vnius loci demonstrauiamus) sunt illi, quos descripsimus; nempe quos Spiritus sanctus primus Sacræ scripturæ autor verbis illis siue clarè, siue obscurè significare voluit. At quis cognouit sensum Domini quærit Apostolus? Respondebunt Ministri Hæreticorum, omnes etiam mulierculas quam primùm fidē nostram susceperint id nosse. Cæterum à nobis

Rō: 11. 34  
Quā id scitu  
difficile

Impudētia  
Hæreticorū.

bis absit tam blasphema responsio. Scimus enim Apostolum hanc impudentiam iam olim coarguisse dicendo: *Nunquid omnes interpre- 1 Cor. 12. 30*  
*tantur?* pro magno id absurdo reputando, si-  
 cut verè est absurdissimum. Nobis igitur in-  
 dagandi sunt, qui id priuilegii à Domino acce-  
 perint, vt scripturam sacram interpretentur,  
 & sensum Spiritus sancti agnoscant. Hi verò  
 duplices sunt, alii quidem qui absq; errore id  
 faciunt: alii verò qui probabiliter hoc præ-  
 stant. In primo genere primum locum obti-  
 nent, qui ipsam scripturam nobis tradiderunt,  
 vedelicet, Christus Dñs, Apostoli, & Euan-  
 gelistæ; qui quotiescunq; aliam scripturā sunt  
 interpretati, expositionem illam pro literali  
 agnoscimus, veneramur, vrgemus. Etiam si  
 allegoriæ fiat mentio. Nam quod olim vete-  
 ribus fuit in allegoria dictum, hoc nunc apud  
 nos literalem sensum habet; ac proinde duos  
 filios Abrahæ, duo denotasse testamenta certa  
 à nobis fide creditur, quia Paulus id nobis ex-  
 plicuit. Eiusmodi sunt & alia non pauca in e-  
 pistola ad Hebræos. Huic primæ regulæ scri-  
 pturam exponendi puto nec ipsos Hæreticos  
 refragaturos, nisi impudētes velint esse nimis.

Duplices  
 interpre-  
 NOTES.

PRIMI ge-  
 neris sunt  
 infallibiles  
 Eiusmodi  
 vero sunt.  
 1. Christ⁹ &  
 Apostoli.

Gal. 4. 24

Cæterū qñ id deest non deest tñ Dei sua-  
 uis dispositio, quæ nobis de alio, literalē scri-  
 pturæ sensum absque vllō errore cognoscen-  
 di modo, & via prouidit. Id verò fit per  
 Ecclesiam per quam sicut alia secreta, ita hoc  
 quoque suis manifestat Christus Dñs: ideo  
 Eccle-

2. Spōsa eius  
 Ecclesia.



*Ma: 18. 17**Ma: 28. 10**Io: 14. 26.*

Ecclesiam audire iubet: ideo qui id facere recusant anathemate ferit, ideo cum hac se usq; ad consumationem sæculi permanfurum pollicetur: ideo Spiritum sanctum Doctorem & Rectorem illi adfuturum pronunciat. Quicquid igitur Ecclesia hac in parte dixerit & determinauerit, id pro literali & pro legitimo sensu recipi oportet. Si hanc regulam nō probant Hæretici, profectō suam ipsi perfidiam probant, produntq;: si recipiunt, nominent quæso, per quem, vel per quos nobis Ecclesia loquatur, diuināq; pandat mysteria, & veram scripturę interpretationem. Quos quoniam illi nominare nec volunt, nec possunt, & propterea nolunt, quia non possunt; nos recensamus: & ex illis modis, quos alibi ex D. Paulo attulimus, tres eligamus. Itaque loquitur nobis Ecclesia per Pastores legitimè in Concilio œcumenico congregatos; loquitur & per Patrem Patrum, ac Pastorem Pastorum, per Romanum inquam eundemq; totius Catholice Ecclesię Pontificem summum. Quare quidquid isti Ecclesiam Christi representantes, nobis hac in parte dixerint id pro legitima expositione agnoscimus, habemus, & credimus.

*Eph: 4. 11.**Dominica**4. Aduen:**Concio 2.**3. Concilia**œcumenica**4. Pastores**vniuersales.**Exemplōtra**Arrianos.**Io: 10. 30.*

Demus singulis hæresum nostri temporis classibus singula saltim exempla. Hac igitur ratione contra antiquos & nouos Arianos credimus verba illa: *Ego & Pater vnum sumus* iuxta proprium, legitimum & literalem sensum de vnitae eiusdem naturę, essentię, omnipotentię,

tentiæ, sapientiæ & aliorum diuinorum attributorum intelligenda esse. Similiter contra Calvinianos & alios Sacramentarios credimus verba illa Christi Domini, *Hoc est corpus meum: Ma. 26. 26* *Hic est sanguis meus:* literaliter ac propriè vti sonant accipienda esse: proinde post legitimam illorum prolationem esse in Eucharistia hic in terris verû corpus & sanguinem Christi I E S V Domini nostri. Pari ratione contra Lutheranos, & quosuis alios perfidos, credimus itidem verba illa: *quorum remisistis peccata, remittuntur eis, quorum retinueritis, retenta sunt:* intelligenda esse de vera & reali peccatorum remissione aut retentione, quæ fit per Sacerdotes noui Testamenti, iurisdictionem habentes. Has itaq; & alias generis eiusdem interpretationes à Conciliis, & Summis Pontificibus contra Hæreticos traditas, tanquam veras ac literales à Spiritu Sancto intentas, & reuerenter suscipimus, & firmiter credimus, & iis omnes infideles arguimus, incusamus, conuincimus.

Contra Sacramentarios

Contra Lutheranos. &c.  
Io. 20. 23.

Postremus ex propositis verum sensum literalem indagandi modus est, considerare omnium ætatum, temporum, locorum, ac nationum Doctores & Pastores. Qui si vniuersi, vel penè omnes in eundem sensum alicuius scripturæ conspirauerint, signum euidentius est talem interpretationem ab illo esse perfectam, qui fidelium & mentes illuminat, & corda congregat in vnum. Isti itaq; modi certam & infallibilem Scripturæ sacre interpretationem

5. Doctores concordantes.

Nec obest impietas,



nem nobis reddunt. Hi enim omnes, quos hucusq; recensuimus, a Deo & Christo IESU id privilegii acceperunt, ne nos hac in parte decipere queant, etiam si sint ut Caïphas scelestissimi. Non enim ipsis, sed per ipsos, Ecclesię sponsę suę hanc gratiam tribuit, qui & per a sinam Prophetam instruere, & per Caipham prophetare no uit.

SECUNDI  
generis in-  
terpretationis  
Regulę.

u. Sanctitas.

Dom: 2.

Aduent.

Conc: 2.

a. Pet: 1. 21

Quod si nihil eorum quę diximus, huiusmodi in expositione scripturę sanctę teneamus: tunc ad alia recurrendum est media, quę scripturę interpretationem, & si talem non reddant, cui refragari non liceat, eam tamen efficiunt, quę & ad reddendũ quietum pium animum, & ad conuincendum inquietum caput, abunde sufficere possint. Demus hic quoque aliquot regulas. Quarum prima sit, videre in quam expositionem inclinent pii & sancti viri, etiam si non omnes ( idem ad primum genus pertineret ) multi tamen, pręsertim humiles. Cũ enim fides nostra, quę ex verbo Dei recte intellecto in nobis generatur, non in ratione, sed in diuina auctoritate fundetur, illa interpretatio, quę a sanctis & Deo caris hominibus, quibus cum Spiritus sanctus loquitur proficiscitur, maxime probabilis censenda erit. Spiritu enim sancto inspirati, locuti sunt sancti Dei homines, Principe Apostolorum, teste. Dices, infallibilis igitur idcirco; primi generis erit illorum interpretatio. Fieret sanę, si nobis constaret tales illos esse, quales

quales ibi D. Petrus describit. Verùm cùm ignoremus quinam id doni à Deo acceperint ( aliud em̃ est donum interpretationis scripturæ , aliud sanctitatis ) inter maximè probabiles reponendæ erunt illorum explicationes, de quibus alia scriptura inquit: *Cum simplicibus sermocinatio eius.* Quod certè ipsa nos docet experientia etiam in Sancta rusticitate ( vt verbo D. Hier: vtar ) imò & in sanctis fæminis, quarum expositiones scripturæ admirabiles sunt nonnunquam, rarius tamen.

At verò frequenter in docta & sancta simplicitate id reperitur. Tales erāt Basilius, Chrysostomus, vterq; Gregori⁹, Græci: Hieronymus, Augustinus, Thomas Aquinas, & alii Latini. Qui licet in omni genere doctrinæ valde excelluerunt, tam simplices tamen & recti fuerunt, vt iudicium & doctrinam suam iudicio Ecclesiæ humiliter in omnibus submitterent, quod hæreticis factū est impossibile. Illorum itaq; expositiones magni, vt par est, à nobis faciendæ & diligenter ponderandæ erunt.

Alteram regulam tradunt cùm alii SS. patres, tum verò D. August. cum alibi, tum verò in Psalmis cùm verbo, tum verò re ipsa nos docens, vt simus [ solertissimi indagatores ] cui personæ, verba scripturæ, quæ præ manibus habemus, maximè conueniant. Si enim personam de qua sermo esse videtur excedāt, tunc aut Christo, aut sponsæ eius Ecclesiæ tribuenda erunt. Hoc facit ipse Christus do-

2. Pictas cū doctrina.

3. Persona de qua agitur consideranda.  
NOTA.

Praxis.  
In ipso Christo.



*M. 2. 22. 44* minus probans verba illa: *Dixit dominus domi-*  
*Pf. 109. 2.* *no meo sede à dextris meis*, non alii, quàm sibi,  
*Act. 2. 27.* qui non solum homo sed & Deus erat, com-  
*Pf. 15. 10.* petere posse. Hoc princeps Apostolorum  
*In Apostolis*

Petrus, docens verba illa psalmi; *Quoniam nō  
 derelinques animam meam in inferno, nec dabis  
 sanctum tuum videre corruptionem*, de resurre-  
 ctione Christi Domini intelligi oportere, Da-  
 uidisq; personam id omninō excedere re ipsā  
 comprobauit. Atq; id eò mirandum est ma-  
 gis, quòd psalmi illius sit inscriptio, *Ipsi David:*  
 Considerent hæc quæso, qui oculis titulorū

*In Patribus.* nimium sunt addicti. Hoc ipsum SS. patres  
*Psal. 71.* sæpè factitarunt, sit exemplo ex multis psal-  
 mus ille, cui nomen appositum est, *in Salomo-*  
*nem*: quem iuxta literam non de Salomone  
 (licet secundum sensum historicum Salomo-

*Hieron: &* ni quædam conueniant) sed de Christo capi  
*August: in* debere probant duæ columnæ Ecclesiæ cui-  
*hunc Psal:* dentibus argumentis, sex sufficiant. Etenim  
 Salomon neq; permansit cum sole & ante lunam  
*in generatione & generatione*: neq; iustitia & pax  
 ipsius durarunt donec auferatur luna: neq; domi-  
 natio eius fuit vsq; ad terminos orbis terrarū: neq;  
 adorarunt eum omnes Reges terræ: neq; omnes gen-  
 tes seruauerunt ei: neq; Salomon ab iniquitate re-  
 demit animas hominum; quinimò ipse iniquus  
 fuit, Sed hæc omnia in Christo I E S V perfe-  
 ctissimè & literalissimè expleta sunt, & quo-  
 tidie in conuersione nouarum gentium & po-  
 pulorum adimplentur.

Itaq;

Itaq; nos Christum, Apostolos, & SS. Pa- In Euāgelio  
hodierno.  
tres secuti, & regulas interpretandi scripturas  
ab iis nobis traditas obseruando, hoc quod  
in præsentihabetur Euangelio, VT IMPLEA-

TVR QVOD DICTVM EST PER PRO-  
PHETAM DICENTEM, APERIAM IN  
PARABOLIS OS MEVM &c. in ipso eti-  
am psalmo de Christo domino literaliter in-  
telligenda esse asseruimus. Si enim non is sen-  
sus literalis esset, neq; firmum foret argumen-  
tum contra infideles Iudæos neq; adeò pro-  
priè diceretur VT IMPLEATUR. Tunc em̃  
propriè hæc prophetia impleta est, cū Chri-  
stus Dominus parabolas texere cepit. Quā-  
uis negandum non sit quæ duos primos ver-  
sus consequuntur Dauidi competere, secun-  
dum sensum historicum. Nec verò noua est,  
præsertim in psalmis, personarum mutatio.

Vbi illud quoq; notandum est: Iudæos, & q NOTA.  
Fraudē pfi-  
dorum &  
illos imitantur hæreticos, vt Catholicorum

eludant argumenta, sæpè ex prophetia ( quæ  
ad sensum literalem spectat ) historiam face-  
re. Hac ratione caput illud quinquagesimum  
tertium Isaïæ, historiam quandam esse a-  
iunt, cū sit euidentissima de passione Chri-  
sti IESV prophetia, iuxta sensum literalem.

Videant igitur Catholici, vt datam regulam Differentiā  
inter sensus  
diligenter obseruent, ne nimium historiæ in-  
hærendo, acuant infideles contra Ecclesiam.  
Nimium inquam, idq; iterum iterumq; repe-  
to, ne quis dicat me fontes vel negligere, vel



contemnere velle. Absit id à me, cum sciàm & quanti fecerint eos Patres sancti, & quàm id sit necessarium. Nam & in apicibus Hebræis, & in articulis Græcis, multa sæpè latent mysteria, quæ neq; nos oblata occasione notare negligimus: sed suademus, vt sicut alibi, ita hîc quoq; virtutum mater moderatio seruetur, quæ docet, non quidem ob abusus res bonas è medio tollere (quod hæreticorum proprium est) sed abusibus res bonas spoliare; quod fiet Christo iuuante, si ea quæ dicuntur solerter obseruauerimus.

Neq; verò nostri est instituti, omnes scripturæ interpretandæ regulas texere: (id n̄ ad scholarū nō ad Ecclesiārū spectat cathedras) sed eos tantū instruere, q̄ cōcertationes hæreticorū effugere nequeūt, vt sciant quomodo & se, & alios simpliciores contra insultus aduersariorum defendere valeant. Itaq; omisis particularibus canonibus, qui centeni à quibusdam numerantur, vniuersalibus aliquot contenti erimus, neq; ad dicta plura duobus addemus, neq; alios prosequemur, præter eos, quos hæretici patribus surripuerunt, qui vt à Sanctis traduntur, boni sunt; vt verò ab impiis contorquentur, peruersi. Quare canon ille de scriptura per scripturam interpretanda à D. Augustino positus & expositus, optimus erit: Si inuestigauerimus alia loca, quæ idem argumentum tractant; aut eandem historiam recentent: Si repertis quam plurimis eiusmodi scri-

*Vide Alfo-  
sum Sal-  
mer: in ple-  
gomenis.*

*Aug. lib. 2  
de doctri-  
Christiana  
Cap. 8.  
Eccl. 10: 3.  
Regula  
interpretandi  
scripturā p*

di scripturæ testimoniis, difficiliora per facili-  
 ora, obscuriora per clariora, à paucis tradita,  
 per ea quæ ab omnibus recepta sunt, inter-  
 pretati fuerimus: Si deniq; à propria vocum  
 significatione nunquam recesserimus, nisi vel  
 auctoritate summa, vel extrema quasi com-  
 pulsi necessitate. Hæc enim omnia, præter vi-  
 ros Sanctissimos & doctissimos, ipsum lumen  
 naturale nos docet. Quorum contrariū cum  
 in hæreticis videamus, quid ni eos euidentissi-  
 mæ imposturæ arguamus? Primum iam su-  
 perius ostendimus, & in scriptis illorū passim  
 factitatum videmus. Secundum similiter: sæ-  
 pe enim illi faciliora p̄ obscuriora exponūt,  
 vel inuolunt potius, vt veritas agnosci ne-  
 queat. Demus singulis eorum supremis classi-  
 bus singula saltem exempla. Ita Anabaptistæ  
 dictum Thomæ Apostoli: *Dominus meus &*  
*Deus meus* exponunt per illud Dei ad Mo-  
 sen *Constitui te Deum Pharaonis*: cum hic aperta sit  
 metaphora, ideoq; obscuritas: illic verba cla-  
 rissima. Ita Calviniani verba IESU *Hoc est cor-*  
*pus meum*, explicant, vel inuoluunt potius per  
 illa Apostoli. *Panis quem frangimus, nonne parti-*  
*cipatio corporis domini est?* Quam id frequens in  
 ore ipsorum? quam verò Sophisticum? No-  
 bis quæstio est, an in Eucharistia sit hic in ter-  
 ris verum corpus Christi domini: illi verò no-  
 bis panem & participationem ingerunt. Quæ  
 maior ignoratio elenchi, quā cum status cau-  
 sæ mutatur? Conueniamus de primo, postea  
 ad alia

aliā. Tres  
 habet codi-  
 tioness.

NOTA.

Contrariū  
 faciunt hæ-  
 retici.

Exēpla om-  
 niū triū ca-  
 pitum.

Io. 20. 29.

Exod. 7. 1.

Ma: 26. 26

1 Cor. 10. 16



ad alia trāsītum faciemus Deniq; tum iidem;  
tum Lutherani, illud Apostoli Cælibatū lau-  
dantis, & seipsum in exemplum proponen-

*1. Cor. 7. 7* tis, ac dicentis: *Volo autem omnes vos esse sicut me*  
*Phil. 4. 3.* ipsum: interpretantur per illud eiusdem. *Etiā*  
*rogo & te germane compar,* indeq; probant Paulū  
vxorem habuisse. Quid ineptius virum in fæ-  
minam trasformare? Quid verò illo loco cla-  
rius? quid hoc obscurius?

9. Regula,  
vt antecede-  
tia & cōseq;  
ppēdamus.  
*D. Hier. in*  
*ca: 10. Ma.*  
*Hil. lib. 9.*  
*de Trinit.*  
*Aug: sapē.*

Adnectimus postremò vniuersalē illū Ca-  
nonem, quo à Sanctis patribus edocemur, in  
interpretanda scriptura, tum quæ antecedunt,  
quæue subsequuntur studiosè considerata:  
tum rei, loci, temporis, personarum aliasque  
omnes circumstantias diligenter ponderandas  
esse. Deniq; & præ omnibus monēt nos Sācti,  
vt non scripturam nostro sensui accommode-  
mus, sed intellectum nostrum sensui scriptu-  
ræ humiliter submittamus. Quia in re quam  
frequenter & quā impudenter errent hære-  
tici, cū propalam sit omnibus, nō est quod  
in iis diutius immoremur.

III. PARS  
Ex dictis &  
Euangelio  
colligit vbi  
sit Ecclesia  
Christi.

Accedimus itaq; ad id, quod vltimo loco  
tractandum suscepimus: & tum ex dictis, tum  
ex Euangelio, quod præ manibus habemus,  
succinctè per antithesin demonstramus; vbi  
nam sit vera, vbi verò falsa & eumentita Chri-  
sti domini in terris Ecclesia ac religio. Vera  
est, vbi omnia secundum ordinem fiunt, prout in  
Catholica fieri, tota hac patuit concione. Er-  
ronea verò est, vbi confusa omnia. Quid ve-

*1. Cor. 14.*  
*40.*  
1. Signum  
ordo.

rò con-

rò confusum magis quàm confusæ plebi scripturæ interpretandæ potestatem & iudicium tribuere? Vera est, quæ *lumen* quod *signatum* <sup>2. Naturæ lumen.</sup> *est super nos*, lumen inquam naturale, & ducem sequitur rationē, quod apud nos fieri nō paucis probatū est argumentis: Erronea verò est, quæ iis cōtraria ē penitus. Quid verò rationi magis contrarium, quàm miscere legem cum iudice? & vtrumque idem esse asserere? quàm Rempubicam Christi absq; vllō iudice, ac proinde speluncam latronum efficere? quàm plebi insipientissimæ, scripturæ interpretationem, quæ maxima indiget sapientia; permittere? quàm facilia per obscura exponere velle? & alia quæ vidimus sanè absurdissima. Vera est, quæ sibi constat: erronea quæ à se ipsa tum verbis, tum factis dissidet. Tales <sup>3. Est cōstantia.</sup> sunt hæretici, qui facilem esse scripturam iam aiunt, iam negant, qui modò nullum, modò omnes scripturæ interpretes agnoscunt: qui scripturam solam sibi sufficere verbis asserunt, factis inficiantur: dum infinita & ingentia edunt in libros Sacræ scripturæ volumina, dū canones in suis conuenticulis varios sibi formant, dum pro locorum & sectarum varietate, diuersas obseruant ceremonias; dum aliis modis innumeris suam ipsi produnt inconsistentiam.

Vera Christi congregatio est, quæ vt in aliis, ita in explicatione scripturæ ducem sequitur Spiritum Sanctum, qui Ecclesiam regit, <sup>4. Restorē habere spiritū Sanctum.</sup> <sup>1. Cor. 10. 1</sup>



qui p̄ eam nobis loquitur, quā nos audimus, & ad eius interpretationem captiuamus intellectum nostrum; nec scripturā nostro sensui, sed hunc scripturæ interpretibusq; ipsius accommodamus. Erronea verò est, quæ contraria his omnibus præstat. Nullum interpretem scripturæ cui credere velit agnoscit, omnibus iudicium suum præfert; sint decem vniuersalia concilia, centum summi Pontifices, mille Patres & Doctores, abiicit, ridet, conculcat, quoties cum ipsius non conueniunt opinione. O cæcitas horrenda! o Superbia intolerabilis! Qua etiam freti, scripturam ad suum sensum, modo quem exposuimus trahunt. Vera est, quæ veros habet *docibiles Dei*: hi verò sunt humiles & Deum timentes. *Ad quem autem respiciam* (ait dominus) *nisi ad pauperculum & contritum spiritu, & trementem sermones meos?* Eiusmodi sunt omnes Catholici, quod ad res fidei attinet. Contrarium verò euidentius est in illis, qui se ab iis segregarunt, vt res ipsa loquitur.

9. Docibile  
esse Dei.

Ioā: 6. 46.

Isa. 66. 2.

6. Veritas &  
sinceritas.

Vera Christi congregatio est quæ veritatem & sinceritatem amat: Erronea, quæ mendaciis & Hypocrisi delectatur. Quid mendacius? quàm dicere, omnia quæ in scriptura sunt in vno loco obscura, in alio clara reperiri? Quid magis simulatum, quàm Euangelicum se esse iactare, & Euangelio non credere? Itē omnium iudicio se submittere verbis, re verò ipsa nullius iudicio etiam secundū scripturam factō

facto acquiescere? Rursus, sub pallio interpretandi scripturam, per scripturam, proprio subdere capiti ipsam scripturam, cui quisque placet, is est verus scripturæ sensus, hæc est legitima scripturæ per scripturam interpretatio. Nil hac hypocrisis perniciosius, qua pro verbo Dei, verbum venditur Diaboli. Hæc ex dictis, Ecclesiæ signa data sufficiant. Quid? quòd ipsa FERMENTI parabola, alia etiam nobis euidencia suppeditet?

Itaq; per hoc FERMENTVM, verbū Dei, & quæ inde oritur Ecclesiam intelligi puto aduersarios non negaturos; ac proinde vbi sunt huius FERMENTI Euangelici proprietates, ibi Ecclesia Christi reperietur. Tres sufficiant, duæ communes cuius Fermento, <sup>7. Signum Ecclesiæ dare vitam.</sup> tertia huic peculiaris. FERMENTI est vitam farinæ quodammodo dare. Id fit in Ecclesia Catholica, vbi sunt sacramenta, quæ veram vitam spiritualem continent, & gratiam ex opere operato largiuntur: vbi opera fidelium in charitate facta viua sunt, & vitam merentur æternam; vbi viua iustificatio diffusa in cordibus nostris. Nihil tale apud aduersarios: sed omnia vana, flaccida, mortua. Ibi enim vitia non sunt ablata, sed tecta; iustitiae non vera sed imputatiua; bona opera non meritoria sed peccata. Quid ablonum <sup>8. Cælestia appetere.</sup> magis? FERMENTI præterea est, sursum massam tollere. Ita doctrina Catholica animas ad cælū eleuat: hæretica verò deprimat;



9. Fermēta-  
re totū orbē.

dum & asserendo solam fidem iustificare concupiscentiis frena laxat; & tribuendo cuius potestatem scripturæ interpretandę superbi-  
am in mentibus suorum nutrit. Deniq; FER-  
MENTVM istud id habet peculiare, quod  
in tria fata ABSCONDITVR DONEC FER-  
MENTETVR TOTVM: Ita doctrina Catho-  
lica orthodoxa, Romana, totum peruadit  
orbem terrarum, siue illum in Asiam, Afri-  
cam, Europā, siue alio modo diuidas, vt etiā  
Indias tā oriētales quā occidentales Iaponē,  
Chinas, Americā, Brasiliā, & aliās innumeras  
prouincias & Regna complectatur. Hæreti-  
ca verò præter aliquot Europæ angulos, nul-  
libi, visitur. En veri Christi cætus, signa, en Dei  
Ecclesiæ, manifesta quibus se prodit indicia.

Cōclusio p  
exhortatio-  
nem.

I. Cor. 5. 6

Ma. 16. 11

Quæ cum ita se habeāt, vos alloquor qui à  
buccinatoribus hæreticorū seducti estis, vos  
cum Apostolo hortor; *Expurgate vetus sermen-  
tum.* vetus inquam illud *fermentum, doctrinam,*  
videlicet & fidem *Phariseorum*, id est, Hæreti-  
corum, quam Christus, & omnes Sancti e-  
ius, odio prosequuntur summo, expurgate,  
eiicite, conculcate. Quī, inquis, vetus fermē-  
tum vocas, quam identidem nouam esse fi-  
dem inclamas? Vtrumq;, quidem rectē dici-  
tur. Etenim noua fides est, quia noua sem-  
per adueniunt dogmata Hæreticis: vetus verò  
est perfidia, quia sæpe veteres excitant erro-  
res: noua est, quia nunquam eadem numero  
redit Hæresis, sed semper vel addit, vel demit  
aliquid

NOTA.  
Quo hæresis  
& noua &  
antiqua sit.

aliquid ab antiquis erroribus; vetus est nihilominus, quia in ipso Paradiso hoc fermentum ortum habuit. Vultis etiam clarè hoc videre? In paradiso nāq; fuit interpretatio scripturæ secundum proprium caput: tum in Eva quæ ad verba Dei addidit *forte*: tum in Sathana, qui *Gen: 3. 4.* omnia euertit suo. *Cur & Nequaquam.* Quæ duo verba, nunquid in ore Hæreticorum non hærent perpetuo? Exempli causa. Cur vos Papistæ id creditis? cur hoc observatis? Nequaquam Sacerdotes absoluunt, nequaquam Deus est trinus; nequaquam est Corpus Christi in Eucharistia, & his similia quæ quotidie auditis. Fuit præterea in Paradiso fides adhibita mendacio pulchris connecto verbis: fit idè incessanter apud Hæreticos. Fuit denique ibi inobedientia. Est hæc quoque tessera Hæreticorum indiuidua. Hæc ergo, oro, obsecro, obtestor, expurgate quicumq; à Ministris Sathanae in fraudem adducti estis. Expurgate hoc vetus perfidiæ & omnis impietatis fermentum, per intimam cordis contritionem, per errorum confessionem, per hæresum abrenunciationem, per pænitentiam, *ut sitis noua* FERMENTI nouæ legis sancta *conspersio*. Sancta massa, Catholica, quæ permittit se tractari prout Deus per superiores vult, quæ in nouitate vitæ ambulat, quæ fermento Euangelico fermentata, non solum veram fidei confessionem; sed etiam digna fidei opera producit in vitam æternam. Præstante Domino nostro



IESV Christo qui cum Patre in vnitatem Spiritus sancti vivit & regnat Deus in secula seculorum. AMEN.

EVANG:  
CVM DO-  
CTRINIS.

## CONCIO TERTIA.

Spes.

Tres Euāge-  
lii difficul-  
tates.

**B**Reue quidem in verbis: at longum tum in mysteriis, tum in difficultatibus est hodiernum Euangeliū. Ex tribus namque quas habet partibus, singulæ facessere nō parum negotii possunt. Prima quæ parabolā de grano sinapis cōtinet difficultatē habet quō granū sinapis, vel MINIMUM OMNIBVS SEMINIBVS esse dicatur, cum minorum aliorum seminum reperiuntur: vel crescere in arborem, cum id non videamus? In altera parte, quæ de fermento agit, obscurum est, quī præter totius scripturæ consuetudinē

*Luc. 2. 11.* FERMENTVM hic in bonam partem sumatur? cum & in veteri Testamento offerri in

*1. Cor. 5. 6.*

*Luc. 6. 20.* Sacrificiis prohibeatur, & in nouo expurgari præcipiatur. In postrema verò, quid quælo sibi vult illud, quod dicitur, ET SINE PARABOLIS NON LOQUEBATVR EIS? cum & beatitudines teste Luca, & vā variū, & alia his similia, sine parabolis in medium coram plebe protulerit Christus Dominus.

PROPO:  
Euangel: cū  
doctrinis ex  
plicabitur.

Has & his similes, si quæ obuenerint asperitates, in hac Concione enodare institui-  
mus,

mus, verba Euangelii explicando, doctrinas hauriendo, & spem viuam in nobis excitādo. Da Christe ita id faciamus, vt hīc quidem per fidem in ænigmate te nobis loquentem, illic verò omni ablato velamine, & faciem tuam videre, & audire lætā vocem læti valeamus in æternum.

Antequam ad promissa veniamus: tum ad Duo p̄mit-  
tuntur. pleniorē, quæ in præterita Concione tractata sunt, cognitionem, tum ad meliorem eorum, quæ dicenda restant intellectiōem, duo præmittenda esse censui, id què quàm breuissimè. Alterum sensum tam metaphoricum, 1. Metapho-  
rā ad literā  
ptinere. quàm parabolicum ad literalem reduci ac per-  
tinere. Parabolicus enim sensus nihil aliud videtur esse, quā tectus literalis: ac proinde quia tectus est, & est obscurior, & non tam facile ex eo firmissimum argumētum inter disceptantes educi potest: nisi vel vtrique parti conueniat, quid sibi paræmia velit; vel expositio Christi Domini, aut Apostolorum accedat. vel ex antecedentibus, consequentibus, & aliis circumstantiis, id ita constet, vt vix vlla tergiversatione negari queat; prout in hoc Euangelio euidens est. FERMENTVM in bonam partem sumi oportere. Alterum præmittendum est. Triplicem illum sensum, 2. Sēsus my-  
sticus varius in quem siue allegoricus siue spiritualis subdiuiditur, & variè à variis vocari, & diuersimodè intelligi. Nos communem illam partitionem in Allegoriam, Anagogiam & Tropologiam



logiam amplectentes, Allegoricum illum sensum vocabimus, qui fidem præcipuè illustrat Catholicam: Tropologicum verò, qui mores instruens & quid agendum, quidue sit fugiendum docens, viuæ spei portam in nobis aperit: Anagogicum, qui dum ad alta tendit, eaque contemplatur, charitatem maximè augget fouetq;. Hunc igitur duplicem sensum postremum, his quæ supersunt Cõcionibus prosequemur, iacto tamen prius literalis sensus solido fundamento. Itaq; inquit Christus Dominus.

Literalis Evangelii expositio.

SIMILE EST REGNUM COELORVM.  
Audistis ex me non ita pridem, & quomodo per regnum cælorũ in parabolis Christi Iesu, vt plurimũ, Ecclesia sponſa ipsius designetur, & quomodo secundum literalem sensum eæ sint interpretandæ. Itaq; istarum duarum parabolarum hæc erit intelligentia. Sic agitur cum Ecclesia mea (ait Christus Dominus) & verbo meo (quod semen quoddam est, unde illa excreſcit) prout agitur vel à viris granum sinapis seminantibus, vel à mulieribus pinsere panem volentibus. Sicut em̃ illi quidem paruum seminant granum, quod postmodum in magnam arborem excreſcit: hæc verò modicum quid fermenti farinæ imponunt, quod ita totam illam massam penetrat ac peruadit, vt & viuificet vniuersam, & sic excreſcere eam faciat, vt totum vas impleat: ita verbum meum, & Ecclesia mea, primum quidem

quidem per exigua esse videbuntur, postea vero tantum augebuntur, ut vniuersum planè terrarum orbem, & impleant & viuificent. Hæc sequentium clavis esto. Nunc tum in sensu literali (in quo iam non erit nobis multum laborandum) tum in spirituali singula videamus. Assimilatur igitur Ecclesia.

GRANO SINAPIS, quod diuersi diuersimodè interpretantur. Hieronymus doctrinam Euangelicam, Chrysostomus primitiuam Ecclesiam, Theophylactus Græcus & Hilarius cum Gregorio Magno Latini, ipsum Christum Dominum: alii fidem, quam alicubi Christus huic grano assimilatur, alii denique gratiam ac charitatem, cum ceteris virtutibus inde fluentibus per hoc granum sinapis intelligunt. Omnia bene, omnia rectè, omnia non ad id quod diximus collimant, & omnes hos sensus Christum Dominum in verbo isto intendisse, ego certè nihil dubitauerim. Simile etenim quid audire mihi videor in illis verbis eiusdem Iesu Iudæos alloquentis. *Ideo dico vobis, quia auferetur à vobis regnum Dei, & dabitur genti facienti fructus eius.* Ablata est enim ab illis Ecclesia, ablata Diuini verbi prædicatio, quam audire recusarunt, ablata gratia diuina, fides, spes, charitas, & aliæ virtutes, ablati denique ipse Christus, quem recipere noluerunt: & data sunt vniuersa hæc gentibus, secundum fidelem Christi Iesu promissionem, vnde sit nomen eius benedictum in seculum.

Cæterum

Granum Sinapis quid significat.

Theophilus in Luc. Hilarius in hoc Euangelio Gregorius li. 19. Moralium ca. 15. Mat. 17. 30

Ab exemplo.

Mat. 21. 43



PRIMA do-  
ctrina mora-  
lis.

Ingratitudo  
fugienda.

Gregorius.

Ioā. 5. 14.

SECUNDA  
Spes vnica  
excitanda.

NOTA.  
Simile.

Cæterum ô Christiane, tua res agitur pa-  
ries cum proximus ardet. Nam vt aliās mo-  
nui, & sæpe monendum est, hæc omnia ablata  
sunt à Iudæis propter eorum ingratitude[m],  
& cætera vitia: caue igitur & sum[m] opere ca-  
ue ne idem eueniat tibi: imò deterius aliquid  
[crescentibus enim donis, rationes crescunt  
donorum] ait quidam Sanctus. Quis verò  
enumerabit, quantò maiora præ Iudæis tu  
dona & gratias receperis? imò quis vel ipsa co-  
gitatione assequetur? Caue igitur ingritudi-  
nem, caue contemnas benefactorem tuū De-  
um, quod facis quouis peccato mortifero  
perpetratò, Meministi n̄ quid dixerit Saluator  
illi, quem curauerat ad probaticam piscinam?  
*Ecce sanus factus es*, ait ille, iam noli pecca-  
re, ne deterius tibi aliquid contingat. Quid quæso,  
humanitus loquendo, deterius potest accide-  
re infirmitate, quæ durauit *triginta & octo annis*,  
& tali infirmitate, quæ eum lecto affixum ita  
tenebat, vt ne mouere se posset? Verū hæc nec  
cōparāda sunt quidē cū panis quæ, ingratos  
cū corporalium (quale hoc fuit) tum verò  
spiritualium beneficiorum manent in æternū.  
Vitia igitur obsecro fuge, satage verò gratis  
reperiri Deo, vt hac ratione spes viuā in te re-  
periatur, quæ sicut & cæteræ virtutes, GRANO  
SINAPIS rectè comparatur. Sicut enim si-  
napis licet sit terrenum quid, & in stomachum  
demittatur, vis tamen eius sursum ad caput  
ascendit: ita spes quamuis terrena esse videa-  
tur,

tur, ideoq; in cælo non reperiatur: sursum tamen tendit, & ad Christum qui caput nostrum est, ac in cælo residet, omnes actiones meditationesq; suas transfert & dirigit. Eam igitur in nobis procuremus dilectissimi, eaq; potius quam timore mens nostra ad bene operandum excitetur. Verum ad granum sinapis, verbūq; Dei, & Ecclesiā redeamus, & videamus quidnam cum eo fiat.

QVOD ACCIPIENS HOMO, inquit Quis homo seminans. Christus, per hominem tum Deum Patrem, imò sanctissimam Trinitatem, tum seipsum etiam, secundum naturam humanam intelligens. Hic igitur homo Deus.

SEMINAVIT. Primum quidē per semet- Quomodo seminatur ipsum, postea verò per Apostolos & alios Discipulos suos, ac demum per successores eorū, & SEMINAVIT, & seminatur, & seminabit usq; ad consummationem seculi, modis variis & innumerabilibus.

IN AGRO SVO. In mūdo videlicet uniuerso, ut ipse Iesus agrū istū in ea q̄ hāc præcessit parabola interpretari voluit. Per mundum verò, non terram terrenamve substantiam, sed animas humanas, quæ solæ huius sancti seminis capaces sunt, intelligit. Beatus, qui TERTIA doctrina hoc semen ut par est recipit; beatior qui retinet, beatissimus qui crescere & fructum in se Quis beatus & bene ipsas. edere ad finem usque vitæ suæ facit. Utinam verò omnes ex horum simus numero. Hac enim ratione Spes viva in nobis vigeret. Erimus



Minimum  
quomodo  
intelligēdū  
historicē.

mus autē, si & dicta & dicenda seruauerimus.

QVOD MINIMUM QVIDEM EST OMNIBVS SEMINIBVS, ait Christus loquens prouerbialiter, vt sæpè aliās. In prouerbis verò rigor verborum ad amissim non est excutiendus. Satis enim est ad veritatem prouerbii, vt sit ex minimis. Sicut nos quoq; in nostra lingua, cum minimum quid denotare volumus, dicere consueuimus esse tam paruum vt granum papaueris, licet etiā papauere alia seminū genera minora reperiātur. Quis verò nouit, an in Palestina eo tempore, quo hæc Christus loquebatur, omnium seminum minimum nō fuerit granum sinapis? cum & nos in Italia viderimus, quædam semina eiusdem speciei minora nostratibus? Id quidem incertum: at illud videtur mihi certissimum, vt apud nos de papauere, ita olim apud Iudæos de sinapi prouerbum fuisse. Ideo Christus Dominus alio etiam loco eo adagio vtitur minimum quid fidei designare volens, licet fides minimo careat, cum sit res spiritualis & indiuisibilis. Hęc quantum ad veritatem parabole.

Literaliter.

Quod verò ad literalem eius significationem attinet, verbis istis notatur principium Euangelii, & Ecclesiæ Christi Domini. Initium enim eorum minimum fuit præ omnibus aliis siue disciplinis, siue Rebus pub: tū numero credentiū: tū vilitate p̄dicatiū tū humilitate recipientiū: tū quod nō fuit in sublimitate sermonis,

1. Cor. 2. 1.

monis,

*monis*, non in acumine ratiocinationis, non in appetentia honoris; sed potius in contemptu & despicientia horum omniū. Propterea qui tum temporis erant Christiani, abiecti, viles, imò & stultitiam à Gentibus, quàm à Iudæis reputabantur. Quam tamen stultitiam tanti fecit Apostolus, ut non solum præferret illā omnibus honoribus; sed etiam in ea gloriari voluerit. Quàm multum nos inde distamus, qui impios Idololatrias, imò ipsum Luciferū potius, quàm Apostolum imitari studemus? Quid enim sibi volunt aliud ioci illi, illæ sub-  
 fannationes, sæpe etiam calumniæ, quibus proscindimus eos, qui piè in Christo vivere satagunt? iam nullius momenti homines, viles, melancholicos; iam hypocritas & stultos eos vocitantes? Magna impietas, sub titulo pietatis (Christiani enim vocari volumus, an verò finis nouit *scrutans corda & renes Deus*) nō solū impiè vivere: sed etiā piè vivere volētes cōtēnere, persequi, lacerare. Quid vero dicā de illis, q̄plūquā Luciferiana inflati superbia, fratres suos Christi sanguine redemptos, ablutos, sanctificatos, p̄ supremum cōtēptū caninum vocant sanguinem, si ex nobili non fuerint prognati profapia? Itāne Christus Iesus pro canibus nobilissimum, regium, Diuinūq; suum fudit sanguinem? O Christiani, ne Christiano quidem digni nomine, qui ita Christum in membris ipsius inhonoratis. Vtinam, aut nullus talis in templo hoc reperia-

Moraliter in  
 inde. non p  
 ubi p̄stet in  
 p̄stet in

Gal. 6: 14

QVARTA  
 doctrina cō-  
 tra superbiā

Cum subsa-  
 natorum.

Psal. 7. 10.

Tū nobiliū.



tur, aut nullus inde talis discedat. sed omnes qui eiusmodi fuerunt summa contritione, & sancta pœnitentia accōfessione tam ingentes culpas diluant suas. Quam ad rem conferet plurimum, eorum, quæ in parabola sequuntur, diligens cōsideratio. Ait verò Seruator:

Quò crescit  
grā: & eccl:

CVM AVTEM CREVERIT. Cùm videlicet granum quidem sinapis in terra, verbum verò Dei in anima seminatum excreuerit, & fructum quem & agricola & Deus exoptat protulerit.

Quomodo  
fit maxim:

MAIUS EST OMNIBVS OLERIBVS. Ecclesia quidem ex Euangelio procreata per totū orbē diffusa, & personarū numero, & virtutum pondere fit maxima: sinapis verò, eò quem in semine explicuimus modo, vel etiam in iis partibus simpliciter maior & altior est omnibus fruticibus, quæ olera vocantur. Lingnescit enim quasi in stipite.

Et arbor.

ET FIT ARBOR. Cùm interim alia olera aut terræ affixa iaccāt, aut in terra fructum suum abscondant, aut non multum à terra eleuentur: sinapis verò talem proferat arborem.

Volucres caeli  
id est Aë-

ITA VT VOLUCRES COELI, id est, aëris. Aër enim in scriptura sæpè celi insignitur nomine, iuxta comunem loquendi modum, quò omnia quæ supra nos sunt, celos vocare consueuimus. Ita enim pluuias, niues, grandines è cælo descendisse, fulgura, tonitrua & similia procreari in cælo dicimus, licet hæc omnia

omnia in aëre ortum suum habeant. Fit ergò  
ut auiculæ, quæ in aëre volitant in arborem  
sinapis.

VENIANT ET HABITENT IN RA-  
MIS EIVS. Pro habitare nidulari vertūt<sup>a</sup> qui-  
dā, quod displicet aliis: <sup>b</sup> & meritò: tum quod  
ab Hæreticis vel eorum fautoribus hæc profe-  
cta fuerit interpretatio: tum quod vox Græ-  
cā id non exigit: multò minus autem Hebræa:  
tum quod experientiæ repugnet. Quomodo  
enim in sinapi nidificare poterunt auiculæ,  
eum antequam ea in arborem crescat iam ipse  
pulos ut plurimum excluderint suos? In se-  
quentem verò annum arbutum hoc seruari  
nequit, cū sicut & alia olera, quotannis are-  
scat & conteratur. Satis verò propriè habita-  
re vel inhabitare dicentur VOLVERES in  
ea: tū quod turmatim in arbutu illo cōglo-  
bentur ad decerpenda grana sinapis: tū quod  
nonnunquam etiam quiescere & obdormire  
in eo soleant. Hæc pro intellectu sensus  
parabolici seu Historici dicta sufficiant.

De sensu verò literali quid dicemus? Id vi-  
delicet quod omnes (quantū scire possum)  
sancti Patres Græci & Latini aiunt, denotari  
hic progressum Evangelii, & Ecclesiæ Christi  
Domini. Cuius rei eximiam sanè figuram &  
typum habemus in arbore illa maxima, quam  
Rex Nabuchodonosor in somnis vidit, in qua  
(inter alia) *conuersabantur* (ecce declaratio  
Verbi HABITENT, quod in Evangelio le-  
gimus)

Quo habita-  
re dicuntur.

<sup>a</sup> Eras. &

<sup>b</sup> Beza.

<sup>b</sup> Io: Mal-  
don.

Historicā.

obomouit.

mixam se.

modis.

Literaliter.

Figura expli-  
catur & ap-  
plicatur Ec-  
clesiæ.

Dan. 4. 7.



gimus) *volucres celi* & ex ea *vescebatur omnis caro*. Quæ quidē arbor, quamuis secūdu Danie-  
 lis interpretationem designauerit Medorū  
 & Persarum Monarchiam: nihilominus tamē  
 denotasse eam magis etiam literaliter hanc ar-  
 borem nostram sinapicam, tum verò Eccle-  
 siam Christi, vel ex eo patet, quod quæ ibi di-  
 cuntur plus Monarchiæ Ecclesiæ Catholicæ,  
 quàm Persicæ conueniant: vt illud *Proceres  
 eius contingens calum*. Hæc enim sola est Monar-  
 chia, quæ cælos contingit; quæ ciues suos ad  
 cælos dirigit, quæ cum ea, quæ in cælis est Mo-  
 narchia cōmunionē copulatur, prout etiam  
 in Symbolo Apostolico profiteamur. Rursus  
 illud: *Aspectus illius erat vsque ad terminos ter-  
 uersa terræ*, nunquid non Catholicæ per totū  
 orbem diffusæ propriissimè, Persicæ verò Mo-  
 narchiæ non nisi impropriè ratione alicuius par-  
 tis terræ competit? Denique quod dicitur:  
*Et in ramis eius conuersabantur volucres celi*, &  
 parabolæ hodiernæ, & Ecclesiæ maximè qua-  
 drat. Etenim vt in Daniele. ita hîc per volu-  
 cres cæli Reges & Principes rectè intelligun-  
 tur, qui ibi quidem sub dominio Nabucho-  
 donosor, & pauci, & ad breue tempus pace  
 fruebantur: hic verò & multi, & ad consum-  
 mationem sæculi HABITANT, conuersan-  
 tur, & quiescunt, iuxta illud alterius Prophetæ  
*Isa. 49. 23.* *Et erunt Reges nutritij tui,  
 & Regina nutrices tue*; quod quotidie magis  
 magisque impleri videmus in tot diuersarum  
 gentium

gentium & regnorum conuerſione. Quod ſi per volucres cæli contemplatiuos voles intelligere, tum verò quæ tam in Daniele, quàm in Euangelio dicuntur, multò etiam magis propriè Eccleſiæ Catholicæ conuenient. Verùm quia de parabola ſinapis in ſequenti con- cione pluribus eſt nobis agendum, ad aliam tranſeamus.

ALIAM PARABOLAM LOCUTVS EST EIS. Iudaicæ videlicet plebi Chriſtus Domi- nus aliam protulit parabolam, idem pene ſi- gnificantem quod prior, vt in principio nota- uimus, vbi etiam illud.

Alia Chriſti parabola.

SIMILE EST REGNUM COELORVM explicuimus. Cui verò eſt ſimile?

FERMENTO ait Dominus Ieſus. Dubiũ non eſt, hîc bonum quid per fermentum deſi- gnari præter conſuetudinem (vt dixi) totius ſcripturæ. In qua aut pro fermento naturali, aut pro vicio ſumitur. Cæterum de fermento naturali occurrit nō parua difficultas, quo- nã modo in veteri teſtamẽto hoc fermentũ, & vetabatur offerri & præcipiebatur? vtrunq; enim in Moyſe legimus. Primum quidẽ cum ait: *Omnis oblatio, quæ offertur Domino, abſq; fermento fiet.* Alterum verò, cum deſcribens ſacri- ficium, quod in die Pentecoſtes fieri ſolebat, iubet *ſacrificium nouum Domino offerre, quod inter alia conficiebatur etiam de duabus decimis ſimile fermentatæ.* Sed & in oblatione, pacifico- rum panis fermentati mentionẽ facit. Quid?

Fermentum hic in bonũ

Difficultas ex veteri lege.

Leu: 2. 11.

Leu: 23. 17

Leu: 7. 13.



*Leu. 7. 13.*  
Solutur iuxta historiam.

*Leu. 2. 11.*

*Myſterium explicatur,*

*Moralia colliguntur ut itaq.*

oblitus ne ſui Moyſes, cōtraria ſcribit? Abſit. Eſt enim hīc myſterium. Et quod ad ſentum quidem hīſtoricū attinet, forte nodum hunc illis Moyſi verbis: *nec quicquam fermenti ac mellis adolebitur in ſacrificio Domino*, non incongruē diſſoluemus, ſi dicamus adoleri quidem fermentum nunquam debuiſſe, offerre tamen in aliquo genere Sacrificiorum panes fermentatos, ſemper licuiſſe: qui quidem oblati cedebant poſtea in vltimū partim ſacerdotum, partim offerentium. Myſterium verò & typus hic fuit cū Euangelij hodierni, in quo boni fermenti mentionem factam videmus: tum verò eius quod in lege noua (ideò oblationem hanc *ſacrificium nouum* Moyſes vocat) obſeruari conſpicimus. Poſtquā enim Apoſtoli miſſum ſibi in die Pentecoſtes Spiritum ſanctum acceperunt, illico parabola hæc impleri, & fermentum iſtud nouum, bonum, ſanctū, in tria ſata, hoc eſt in tres mundi partes **ABSCONDI** capit **DONEC FERMENTVM EST TOTVM**; donec totus orbis terrarum repletus eſt doctrina Euangelica, & verbo Dei Hæc verò omnia ceſſerunt, & huſcuſq; cedunt in vſum, & bonum, tum prædicantium, tum recipientium Euangelium, ex quibus conſtat & conſtituitur Eccleſia Chriſti Domini.

Sed ad moralia veniamus; & primū quidem malum **FERMENTVM** vt illud fugiamus: deinde verò bonum, vt id complectamur.

mur paulisper perpendamus. Occurrit autem in primis Oseas, qui & si per fermentum Idololatriam præcipuè intelligat: tamen quia post illa verba: *donec fermentaretur totum* statim subiungit Oseas, *dies Regis nostri, caperunt principes furere à vino* nemo dubitare potest, ebrietatem hic quoque notari. malum certè fermentum ebrietas, & magna dispositio tum ad alia, tum ad maximum fermentum, quod est Idololatria, hæresis, ac perfidia. Exemplum est in Iudæis vitulum adorantibus, de quibus Moses: *Sedit populus manducare & bibere & surrexerunt ludere*. Nunquid & maiores nostri in ipso Luthero, & nos in discipulis eius, id non perspeximus? quando tum Vitembergæ, & in aliis nidis Ministrorum; tum in aulis lex vel septem Principum Germaniæ versati sumus? Animaduertimus sanè, & hucusq; in nostratibus videmus, illos videlicet, qui ebrietati, epulis, somno monstroso, & quæ hæc consequuntur dediti sunt, ad castra perfidiæ transire facillimè. Hic est igitur primus ebrietatis effectus. Alter magis internus est, & claris à propheta exprimitur verbis, *furere à vino*. Vix ebrietas melius describi potest, quàm depicta est à diuino vate: dūmodo per vinum siceram, & omne quod inebriare potest intelligatur.

At ego inquis, non furo temulentus, nulli quicquam mali infero, viuo quietus. Hæc est ebriosorum quorundam calua excusatio,

QVINTA  
doctr. contra ebrietatem  
Osc. 7. 4.

Quæ dispositio est ad perfidiam.

Ex: 32. 6.

Exempla.

NOTA.

1. Iudæorum.

2. Lutheri.

3. Nostratium.

Et furorem excitat.

Leu: 10. 9.

Obiectio soluitur.

NOTA.



satio, qualicere sibi putant, quod Deo, sanctis eius, imò & piis omnibus exosum est. Qui ponant sibi ante oculos velim mentis, (dummodò sine mente non sint) furorem esse duplicem, alterum internum, externum alterum. Illo quomodo quæso carebit is, cui neq; mens, neque lingua, neq; pes suum officium facit? Quid est enim aliud furor, quàm mentis emotio? quid furiosus, quàm mente captus? Omnis igitur ebriosus furiosus est: atq; ita optimè ebrietas per furorem à propheta describitur. Quid verò vitiosum magis quam sponte & voluntariè furiosum se reddere? Quod si interno extimus adicietur furor, peccatum peccato addetur, & prævaricationes multiplicabuntur, quæ demum in detractiones, secretorum revelationes, iurgia, contentiones, maledicentias, odia, vulnera, cædes deniq; & hæreses ac infinita mala excrescunt, quæ quotidie vel lachrymabundis conspiciamus oculis, vel auribus audiimus nostris. O perniciosum fermentum, quod & tantorum malorum causa est, & ipsi naturæ repugnat humanæ!

Væ potenti-  
bus ad bibē-  
dum.

Quid verò de illis dicemus, qui talem in ebrietate cōtraxerunt habitum, vt etiam si noctu & interdiu vino se ingurgitent, præsentem sibi esse, & prudenter ad omnia respondere, nec vllum motæ mentis signum edere credantur? liberosne à vitio tales esse censuimus? Nouimus sanè eiusmodi, neq; adeò paucos

paucos neq; viles: neq; verò volo, vt nos eis respondeamus. Facit em̃ id propheta, imò Deus ipse, qui sic per prophetam clamat: *Væ Is. s. 22. qui potentes estis ad bibendum vinum, & viri fortes ad miscendum ebrietatem*: Væ inquit Deus, Deo autem maledicente quis benedicet? vel quid etiam totius creaturæ proderit benedictio? Væ minitanti, quis effugiet? pœnas intentanti, quis resistet? nemo equidem, Hæc igitur & similia considerent quælo, qui fermento hoc pessimo & ipsi sunt infecti, & alios inficere student, simulq; perpendant, quâ graphicè illos descripserit propheta. Sunt etenim tales *potentes*, non animi corporisue viribus, sed ventris ingluvie, qua præditi vini ingentem copiam ex haurire solent; *miscet* verò *ebrietatem* quia idētidem vina sibi infundere iubent, id enim hæc phrasis denotat. Nā pro ebrietate apud Iudeos & Septuaginta interpretes legimus siceram: Miscere verò, infundere est teste Sapia, cum inquit; *Venite bibite vinum quod miscui* (Id est, infudi & præparavi) *vobis.*

*Pro. 9. 5.*

Quis verò enumerabit quotnam tã ebrii, quàm ebriosi (Hoc enim nomine potentes istos bibones ab Apostolo nuncupari arbitror) reperientur calamitoso isto anni tempore, quo ii, qui à Christo nomen acceperūt, eo relicto ad Idola iterum conuertuntur? Hoc agnomen, hoc res ipsa loquitur. Agnomen quidem. Nam dies istos Bacchanalia nuncu-

SEXTA doctrina cont:  
Bacchanalia,  
1. Cor. 5. 11.  
1. Cor. 6. 10



*Phil: 3. 19*  
Gloria in  
confusione,

*Ioan: 4. 6.*  
Remedia.

*Ioan: 9. 28*

*Luc: 21. 1*  
SEPTIMA,

nuncupatis. Bacchus verò nōne Idolum fuit tam spurcum, vt ipsi quoq; Ethnici prudentiores illud abominati fuerint? Hi igitur iudices vestri erunt. Res verò multò eos magis prodit. Hæc enim sunt maximè temporaria, in quibus infiniti inueniuntur, *quorum Deus venter est, & gloria in confusione eorum*, quos deslere satis non potest Apostolus. De ventre cogitatur, venter infarcinatur, ad ventrem tanquam ad Deum omnia referuntur cogitata, dicta, facta. Neq; id satis est, sed gloria in confusione quæritur. Quæ enim confusio maior esse deberet Christiano, quam Christum offedere? quod vtiq; fit sicut aliis peccatis, ita & ebrietate. Nos verò ex hac confusione gloriâ etiâ quærimus, dū & ipsi inde gloriamur & alios laudamus, quod potentes sint ad bibendum vinum, quòd epulentur quotidie splendide, quòd ita tractant hospites, vt vix quisquam à mensa illorum discedat sobrius. Decet ne id discipulos eius, qui *fatigatus ex itinere sedebat sic supra fontem* & dicebat: *Da mihi bibere*, nec erat qui vel aquam frigidam ei porrigeret? eius inquam, qui dum in cruce operaretur nostram salutem, dixit SITIO, neque tamen vinum, sed acetum, degustauit? vos ipsi iudicate, an id conueniat, & respiscite, vitamq; emendate vestram, nos verò ad alia fermenta transeamus.

Est enim aliud fermentum, de quo sic ipse Saluator, *Attendite à fermento phariseorum, quod est*

*est hypocrisis.* Quàm apte simulatio fermento comparatur? Sicut enim *modicum fermentum totam massam corrumpit*, teste Apostolo: ita hypocrisis omnia opera quæ aliàs sancti simè fierent, ita corrumpit & eneruat, , vt ne boni quidem facti nomine digna censeantur. Quid dicam de operibus, quæ indifferentia vocamus? quid de ipsis loquar vitis? omnia ista ita inficit simulatio vt ex vno plura etiam efficiat peccata, imò *maculat totum corpus & inflamat rotam natiuitatis nostræ inflamata à gehēna.* Quidni enim hæc applicuerim hypocrisi, quæ alter Apostolus de lingua protulit? Imò ni fallor, multò etiam magis hæc simulationi competunt, tum quod lingua bene vti aliquando quispiam possit; hypocrisi verò nūquam, tum quod hæc plus quam illa maculat totum corpus & animam, vt quæ nihil planè sani in omni operatione nostra relinquat. Pessimum itaq; vitium est hypocrisis & cauendum valde, hac præsertim nostra ætate, qua Doctores exorti sunt, qui eam exprofesso profitentur & docent. Qua de re quia aliàs non paucis egimus, nunc & de hoc, & de aliis fermenti peculiaris generibus dicere omittamus.

Vniuersim verò loquēdo, quoduis mortiferū peccatū Apostolus fermentū vocat & fermentū vetus (ad differētiā noui, quod bonū ē) ideoq; expurgare illud iubet dicens: *Expurgate igitur vetus fermentum.* Et paulò post *Itaq; e. 1. Cor. 5. 7*  
*pulemur*

doct: contra  
hypocrisim.  
*Gal. 5. 9.*  
Cur ferme-  
to compare-  
tur & quæ  
mala faciat.

*Iac 3. 6*

OCTAVA  
contra om-  
nia vitia.



*pulemur non in fermento veteri, neq; in fermento malitiæ & nequitia. Pulchre omnium quadrât.*  
 Vnde ea pro  
 ueniant. Describit enim primò quidnam per fermentũ  
 hic intelligat, omnem videlicet malitiam &  
 nequitiam: secundò vnde id proueniat? nem-  
 pe ex veteri homine, qui (vt idẽ non obscure  
 docet) à Deo creatus non est: tertio, quidnam  
 fieri cum hoc fermento debeat. Expurgandũ  
 est enim. Deniq; quò explodendum? Epu-  
 lando videlicet tum *in azymis sinceritatis &*  
*veritatis*: tum in fermento nouo, cuius laus  
 est in Euangelio hodierno. Sicut enim clauus  
 clauo extruditur, & habitus habitu pellitur,  
 ita vetus fermentũ nouo fermẽto expurgan-  
 dum est: quod docet hæc parabola.

Quare quidnam per FERMENTVM hic  
 intelligatur iam videamus. Intelligitur autẽ  
 secundum Patrum expositionem idẽ, quod  
 per GRANVM SINAPIS, nempe verbum  
 Dei, ecclesia inde exurgens, prædicatio Euã-  
 gelij, fides, Christus quoq; ipse, addunt alij  
 Eucharistiam, & charitatem: illam qui-  
 dem Cyrillus cum Bonauentura: hanc ve-  
 rò Augustinus. Quibus & spem adiun-  
 gere & possumus & debemus: omnia autem  
 ista, & si quæ his sunt similia, in sensu literalĩ  
 per FERMENTVM designari, nihil equidem  
 ambigo: tum quòd omnia à Christo Domi-  
 no non solum intenta, sed etiam verbo hoc  
 per translationem notata fuisse putem: tum  
 quòd audiam ex ore ipsius Christi per *bonum*  
*semen*

Fermẽtũ in  
 Euãgelio,  
 multa signi-  
 ficat.

Literaliter.

*semen iam filios Regni, iam verbum Dei intelligi. Mat. 13. 38*  
 Nec mirū si enim simplex oratio plura simul *Luc. 8. 18*  
 significat ( vt exemplis in præterita concione  
 datis patuit ) quantò magis metaphoricæ lo-  
 cutioni id competet ? Nos tamen primum,  
 qui ab omnibus inculcatur, & postremū, qui  
 huic concioni plurimum quadrat, in exposi-  
 tione huius parabolæ sensum, maximè profe-  
 quemur. Itaq; vt vnde disfluxit nostra redeat  
 oratio; assimilatur à Christo Domino RE-  
 GNVM COELORVM FERMENTO.

QVOD ACCEPTVM MULIER. *Mulieris*  
 facit mentionē, Primo quia in Palæstina mu- *curfacta mē*  
 nus pinsendi panes ad mulieres pertinebat; *tio.*  
 Secundò, vt sciamus vtrumq; sexum ad Eccle- *1. Ratio hi-*  
 siam pertinere. In qua teste Apostolo *torica.*  
*non est*  
*Indeus neque Græcus, non est seruus, neq; liber, nō*  
*est masculus, neq; femina,* omnes enim hi, iisque *2. Ratio li-*  
*similes,* verè sunt membra Ecclesiæ. Per hanc *teralis.*  
*Gal. 3: 28.*  
 verò mulierem Augustinus sapientiam, Ber-  
 nardus Beatissimā Virginem Mariam, alij prædi-  
 catores, alij animā cuiusuis intelligunt. Quæ  
 ABSCONDIT, id est ita commiscuit fa-  
 rinæ fermentum, vt nihil eius præter effectū,  
 appareat. Qui quidem effectus ( de quibus *Triplex effe-*  
 sub finem concionis plura dicemus ) præcipuè *ctus fermenti*  
 triplices sunt. Primū em̄ eleuat & auget cre-  
 scereq; facit massam mirum in modum, dein-  
 de quasi vitam panis tribuit, quem postremò  
 sapidum reddit. Quæ omnibus à nobis re-  
 censitis pulchrè applicari possunt. Spes certè *NONA 40.*  
 excel-



Etina spem  
ex effectis  
excitat.

excellenter habet hæc vniuersa, quia ad supe-  
ra mentem eleuat nostram: quia crescere nos  
in virtutibus facit: quia meritum auget: quia  
expectatione æternorum ipsas etiam tribula-  
tiones lapidas reddit: quia vitam dat operi-  
bus nostris, quam tamen à charitate mutua-  
tur: ideò viuā esse debet: mortua enim vix est  
spei digna nomine. Itaq; hanc, & alia, quæ  
diximus, **ABSCONDIT** sapiens mulier.

Quid satū.  
*Gen: 18.*

Figura  
Myterium  
Trinitatis, &  
dilatationis  
Ecclesie.

DECIMA.  
Ex specōso-  
lationē cap-  
pit & orare  
docet.

**IN FARINÆ SATIS TRIBVS.** Satum  
mensuræ genus est. Totidem verò lata com-  
miscuerat Sara, quando Abraham vir suus  
tres Angelos conuiuio excepit, & vnum ado-  
rauit. Magnum & hic, & illic mysterium: il-  
lic pater fidei iudæorum Abraham in Trini-  
tate vnitatem adorat; hic Pater Christianorū  
Christus Iesus fidei Trinitatis in vnitae a-  
dorandæ, p totū terrarum orbem dilatationem  
miro artificio adumbrat. Docet em̃ quomo-  
do **FERMENTVM** hoc sanctissimum, Euan-  
gelium, videlicet (quod mysterium Trinita-  
tis omnibus etiam simplicissimis clarè pan-  
dit) omnes orbis terrarum partes peruadere  
debit, prout maximam mundi partem iam  
penetrasse videmus: reliquam verò breui fer-  
mentatum iri speramus: atque ex spe ista nos  
qui Catholici sumus, & per quos solos id ad-  
impletur miram consolationem capimus: &  
ad Deum nostrum clamamus; O dulcis & cu-  
pide salutis humanæ Seruator noster Christe  
**IESV**, adauge quæsumus, perface, & penetra  
per

per Euangelium sanctū tuum, quod reliquum  
est adhuc orbis terrarum: peruat quò non-  
dum peruenit hoc tuum sanctissimum F E R-  
M E N T V M; illumina lux mundi Indiarum o-  
rientem & occidentem versus, gentes, linguas,  
nationes, prouincias, insulas & regna innume-  
ra: Iaponenses quoque, Chinentes, aliosque  
qui hucusque *in tenebris & in umbra mortis se-* *Luc. i. 79*  
*dent*, fide tua illustra vniuersos, vt laudetur,  
exaltetur & benedicatur nomen sanctum tu-  
um *à mari vsque ad mare, & à flumine vsque ad* *ps. 71. 8.*  
*terminos orbis terrarum*, secundum fidelissima  
promissa tua: vtq; adimpleatur, quod ecce ex  
ore audiuius tuo.

D O N E C F E R M E N T A T V M E S T T O- *Quid tria sa*  
T V M. Restat enim adhuc non parum, tantū *ta designent*  
videlicet, quantum nemo nostrum scire po-  
test: tu verò bene nosti, qui scis vniuersa, & in  
cuius manu *sunt omnes fines terra.* Verum quia *ps. 94. 4.*  
de hac quæ est trium istorum satorū maximè  
literalis intelligentia in præcedenti concione  
pluribus egimus; nunc reliquas, quæ apud  
sanctos Patres reperiuntur breuiter per strin-  
gamus. Etenim per hæc tria fata, alij tres illas  
partes hominis, in quas D. Paulus hominem *1 Tess. 5. 23*  
partitur, in corpus inquam, animam, spiritū  
(sic Hieronymus & Theophilactus) alij tres  
illas condiciones diligendi Deū ex toto cor-  
de, ex tota anima, & ex totis viribus (ita Au-  
gustinus) alij tres Christi naturas, corpus, ani-  
mam & diuinitatem, quæ in vtero Matris Dei,



concurrente hac sanctissima muliere & virgine, hypostaticè vnita sunt ( sic Bernardus ) alij tres filios Noè, alij tres virtutes Theologicas, alij tres animæ potentias, alij ( idq; pleriq; ) rationalem, irascibilem, & concupiscibilem, potentias intelligunt. Omnia rectè siue literaliter siue mysticè, siue tropologicè accipiantur: porriguntq; nobis & multas & eximias doctrinas morales, quas recensere omnes nec tēpus patitur, nec exigit necessitas.

Mar: 9. 17

VNDECIMA doctr:  
Noua sata  
& farina p-  
curanda.

Ne tamen nihil dicamus, duo subiungemus: alterum quod Christus Dominus alibi de vino nouo in vtres novos mittendo disseruit: illud de FERMENTO hoc intelligendum esse, nempe FERMENTVM nouum in noua vasa reponendum, nouaq; farinæ immiscendum esse. Itaq; requiritur, vt & noua SATA ( satū n̄. vas quoddam erat tertiam partem ephi continens ) & farinam nouam adferamus, si participes fermenti huius sancti esse volumus. Quid verò hæc significant iam iam dicemus.

Duplex hominis consideratio & partitio.

Alterum, ex hac congerie interpretationū trium istorum satorum, nos duas eligere, secundum duplicem hominis considerationem & partitionem. Si enim præcipuum quod est in homine animā videlicet ipsam intuebimur, TRIA SATA. tres ipsius potentias, intellectum, memoriam, & voluntatem vocabimur. Sin verò totum hominem contemplabimur, illa quæ ex Platone Patres adduxerūt, rationa-

rationalem scilicet, irascibilem, & concupiscibilem potentiâ per hæc Sata intelligemus.

Farinam verò nouam non ineptè forte, vocabimus pium animum, & affectum, ac voluntatem bonam. Hæc enim, & ad fidem, & ad gratiam diuinam recipiendam, apprimè sunt necessaria: proinde qui his sunt præditi, eos

Farina noua quæ.

ex Italico, bonam pastam nuncupamus. Hæc igitur omnia vt habeamus, à nobis diligenter procurandum est, si panem bonum & sapidum, Deo præpotenti efficere, vel effici potius, volumus. Etenim sicut si quis, aut in vas

Nouitas hæc quâ sit necessaria.

sordidum, ac fætidum, aut in farinam mucidam, marcidamq; FERMENTVM etiam omnium præstantissimum, iniecerit, sapidum

A simili

tamen panem non parabit vnquam: ita nisi, & tria illa nostra SAT A sint benè purgata, & farina nostrâ ritè præparata, purus panis non efficiemur Christo Domino. Quinimo, nec fermenti illius perfectissimi, quod est charitas, participes efficiemur aliquando.

Mundanda igitur sunt vasa nostra per cessationem à peccatis; expurgandum vetus fermentum per contritionem, & confessionem: adhibenda animi intentio, & contentio, ad habendam piam, ac sanctam affectionem: procuranda animi promptitudo, ad exequenda omnia, quæ Deus à nobis exigit: mens denique nostrâ instruenda, vt actiones suas vniuersas, ad maiorem gloriam Christi Iesu dirigat, & conuertat. Hæc enim si reperientur in no-

Quo vasa mundanda.

Effectus egregios.



NOTA.

bis, MULIER ista sanctissima, quæ est sapientia Patris æterni, FERMENTUM cum fidei, tum verò grati, ac charitatis, instillabit, & imponet animis & corporibus, & ita farine miscebit nostræ, ut nec intellectus cogitare, nec voluntas desiderare, nec memoria aliud quicquam velit meminisse, quam quod placeat Christo Iesu, cui se probavit, & probatus illi inueniri cupit semper. FERMENTABITUR insuper, & rationalis nostra ne erret; & concupiscibilis, ne illicita amet, & irascibilis ne proximum suum (quod nefas est) sed seipsum id est vitia, & peccata sua odio prosequatur summo, ac extincta esse, quam maximè velit, & satagat. O beatus homo cui hæc sunt, O felix anima hoc FERMENTO fermentata. Omnis enim, qui huiusmodi est, igne Spiritus sancti tostus, purus & sapidus efficietur panis Christi IESU.

DVODECI

MA doct.

Bona opera

abscondenda

Eccl: 9: 2.

Phil: 3: 2.

2. Pet: 1: 10

Sed & verbum illud ABSCONDIT. haud temerè positum esse arbitremur. Docet enim nos tum quid Christus nobiscum agat, tum quid à nobis fieri velit. Abscondit ille fermentum sanctissimum gratiæ suæ in nobis, ut nesciat homo, utrum amore an odio dignus sit, sed omnia in futurum seruantur incerta: ut hac ratione dum monentibus Principibus Apostolorum obedi-  
dimus, cum metu, & tremore nostram salutem operemur, & satagamus, ut per bona opera certam nostram vocationem & electionem faciamus. Abscondere verò nos quoque vult si quid boni virtute FER-

te FERMENTI huius facimus, ne per inane gloriam turpiter perdamus, quod cum diuino adiutorio, laboriosè acquisiuimus. Ideò Saluator noster alibi monet vt nesciat sinistra tua, quid faciat dextera tua.

Mat. 6. 3.

Denique abscondendum est fermentum istud DONEC FERMENTATVM sit TOTVM. Non enim latis est vnā vel alteram siue potentiam, siue affectionem mortificationem habere, sed necesse est, vt totum quod in nobis est, quodq; ipsi sumus totum penitus hoc sanctissimum fermentum peruat & penetret. Hæc est enim fermenti huius (gratiæ inquam Diuinæ) natura vt aut nihil, si abest: aut totum si adest, hominem viuificet. Nam vt D. Iacobus ait: *Quicumque totam legem serauerit, offendat autem in vno, factus est omnium reus*, ac si dicat, nisi fermentum hoc totum te penetrauerit, ita vt nihil sit in te, quod Diuinam offendat maiestatem, & legis Diuinæ totius præuaricator reputaberis, & non Dei, sed inimici eius Diaboli, panis & esca efficiaris. Si-  
cut autem auicula dum tantum vnguiculotenus ab aucupeprehenditur, perinde ac si tota retibus inuolueretur in potestatem venatoris venit, sitq; esca eius: ita quæcunque anima per vnum mortiferum peccatum Diuinam transgreditur legem, totius præuaricatrix constituitur: atq; ita tota in calles Dæmonis incidit escaq; ipsius efficitur. Quod ne fiat summo opere noctu & interdiu vigilandum est, vt

DECIMA  
TERTIA.  
Totum fermentandū  
Id enī deceat.

1. Natura huius fermenti.

2. D. Iacobus

Iac. 3. 10.

3. Periculū.

4. Simile.



quicquid est in nobis hoc FERMENTO FERMENTETVR TOTVM. Verum de parabolis dicta sufficiant: iam verò finem & Euangelij videamus, & concioni imponamus, subdit itaq; Euangelista.

HÆC OMNIA LOCVTVS EST IESVS IN PARABOLIS. Multas enim simul parabolas protulerat in medium, loquens ad

TVRBAS, Apostolis verò & claras doctrinas dabat, & aliquas parabolas edifferebat.

Quo fine  
parabolis  
nō loq̃batur  
Christus.

ET SINE PARABOLIS NON LOQVBATVR EIS. Plebi videlicet, quod vel de illo tantum tempore est intelligendum, vt sentit Chrysostomus; vel quod ferè nil sine eis plebi loqueretur, vt vult Augustinus. Verum quia hac de re aliàs pluribus egimus; nunc causas propter quas ita Christus loquebatur, videamus: nec verò alias præter eas, quas Euangelistæ assignent; Sunt autem tres vt in prima concione diximus, & ibidem primam ac præcipuam excussimus: nunc duas reliquas prosequemur. Quarum alteram his verbis D.

Ratio D.  
Marci explicatur.

Mar. 4. 33.

*Et talibus multis parabolis loquebatur eis verbum, prout poterant audire, sine parabola autem non loquebatur eis.* Quam duplici & quasi contrariomodo autores interpretantur. Alii enim volunt idè id factum, ne intelligerent (& ita hæc ratio cum prima coincidit) alii contrà, vt qui simplicem sermonem capere non poterant, per parabolas eum cognoscerent, ita enim *poterant audire*, id est, intelligere.

gere. Vtrumq; puto fuisse verum in diuersis personis, quod & nunc tum in Hæreticis, tum in aliis sepultis in peccatis videmus fieri. Videmus, inquam illa, quæ & clarè dicuntur, & à simplicibus etiam fæminis Catholicis rectè percipiuntur, ab obstinatis penitus non intelligi. Excæcat enim eos perfidia & malitia eorum. Multò verò magis id eueniebat in parabolica locutione, quæ natura sua obscurior est. Quare propter duo hominū genera per parabolas loquebatur Christus Dominus; tū propter Phariseos, ne mysteria eius caperent: tum propter simplices & rectos, vt ea facilius intelligere possent. Consideret quilibet vestrum, in quorum numero reperiri velit. Altera ratio sic in Euangelio ponitur.

VT IMPLERETVR. Iam in prima concione diximus particulā VT, non causam, sed euentum denotare.

QVOD DICTVM ERAT PER PROPHETAM Dauidem potius quā Asaph. Probabilius em̄ censeo cum Sāctis Patribus, Dauidem omnes Psalmos composuisse.

DICENTEM partim comemorando antiqua beneficia, partim noua prophetādo.

APERIAM IN PARABOLIS OS MEVM: Citatur locus secundū 70 Interpretes. Nam in Hebræo paulò est aliter: sed sensus idē: quē notauimus in superioribus concionibus.

ERVCTABO, Hoc est de profundo eliciā.

ABSCONDIRA A CONSTITVTIO-

DECIMA  
QVARTA  
Curandum  
vt parabolas  
intelligam⁹.



DECIMA  
QVINTA  
spes viua  
procuranda.

Spei comen-  
datio, & di-  
coru summa.

Que cauenda  
da sperare  
volenti.

NE MVNDI. Quod nemo melius facere po-  
tuit, quàm Christus Iesus, qui & secundum  
Diuinam naturam creauit mundum; & iuxta  
humanam naturam locutus est in mundo:  
sponsæq; suæ Ecclesiæ, & manifestauit & huc-  
usque manifestat multa mysteria, vt creden-  
tes salui fiant. Vtinam verò id omnibus no-  
biseueniat. Eueniet autem dilectissimi, si &  
non cum obstinatione, sed magna cum animi  
demissione ac humilitate Diuina audiuerimus  
mysteria, & per spem viuam fermenti huius  
sanctissimi participes efficiemur. Etenim si spes  
viua aderit, sola sufficiet, quia sola non erit.  
Aderit enim ei fides cui innititur, aderit cha-  
ritas, à qua vitam accipit, aderunt iustitia, pru-  
dentia, temperantia, fortitudo, & omnes re-  
liquæ quas propter spem vitæ æternæ exerci-  
bimus virtutes.

Quare præclaræ huius & eximie virtutis  
exercitationem plurimum vobis commendo  
dilectissimi. Hoc verò habebitis; tum fugien-  
do ac profligando, quæ huic virtuti contraria  
esse nouimus: tum sectando, quæ ad eam ac-  
quirendam conducunt. Illud obtinemus, si  
ea quæ dicta sunt serio obseruauerimus: hoc  
verò assequemur, si proprietates fermenti di-  
ligenter considerauerimus. Cauenda igitur,  
& profliganda est nobis in primis ingratitude,  
quæ & Iudeos pessundedit, & vim virtutis hu-  
ius enervat, imò funditus eam è medio tollit.  
Nullus enim ingratus bene vnquam sperare  
potest:

potest: sed aut spe penitus priuatur: aut pulchram spem turpi commutat præsumptione. Profliganda deinde est fiducia, quæ in terrenis, & caducis istis collocari solet. Hæc enim grauis est pestis spei diuinæ: quæ sursum omnia trahit & eleuat. Profliganda deniq; ebrietas, hypocrisis, & quoduis fermentū vetus, quod expurgandum præcipit Apostolus. Inferenda verò & procuranda, quæ his sunt contraria, gratitudo, mentis ad Deum eleuatio, sobrietas, synceritas, & cæteræ in bono fermento à Christo Domino adumbratæ virtutes.

Quæ procu-  
randa.

Maximè verò tres, quæ & in tribus proprietatibus fermenti (mirabilibus sanè) pulchrè denotantur, & ab Apostolo tanquam fontes, & origo spei ponuntur. Prima fermenti proprietas est, paruū esse, & magna efficere. Nunquid non videtis quotidie quomodo parua fermenti particula, modio farinæ iniecta, plurimum eam crescere faciat? Talis est HUMILITAS, minima in se, maxima in effectū. Quidquid enim est in homine totū vera humilitas reparat. Secunda fermenti proprietas, mortuum quid esse, & tamen massā viuificare. Sic MORTIFICATIO cū ipsa sit in se mortua (vnde & nomen accipit) omnes potentias nostras rationalem, irascibilem, & concupiscibilem, mirum in modum viuificat. Tertia fermenti est conditio, in se quidem rem esse insipidam, sapidum tamen reddere panem. Ita PATIENTIA quæ pro fundamento ha-

Mirandæ  
tres fermēti  
pprietates.

Tres virtutes  
denotant;  
quæ



bet tribulationes & tentationes varias, quibus nil ex natura sua magis est insipidum, lapidissimū tamē Christo Domino efficit panē. Cuius rei testis est Sāctus ille Martyr Ignatius, qui rugientes & ad se deuorandum paratos audiens leones exclamauit [ Frumentum Christi sum, dentibus bestiarum molar, vt panis mundus inueniar ] ō virum eximium, & imitatione dignum. Hæc verò omnia spem viuam in nobis efficere & perficere docet nos *Rom: 5.3.* Apostolus illis verbis; *Tribulatio patientiam operatur, patientia autē probationē, probatio verò spem, spes autem non confundit.* Tribulatio enim, cū omnis, tūm verò vltro propter Christum suscepta sanctam operatur patientiam. Hæc verò probationem, quæ magna est in humilitate Isnamq; verè est probatus, qui verè est humilis. *Probatio verò spem; & talem spem, quæ non confundit, in æternū.* Quare? *Quia Charitas diffusa est in cordibus nostris, per spiritum Sanctum qui datus est nobis.* Vtinam verò detur omnibus nobis, præstāte eodem viuifico spiritu Sācto cui vna cum Patre, & Filio, sit eadem adoratio, laus honor & gratiarum actio, in secula seculorum. Amen.

Spem in nobis  
causant.

GRANVM  
SINAPIS  
CHRISTVS

## CONCIO QVARTA

### Charitas.

*Simile*

*Simile est regnū cælorū grano sinapis. &c.*

**M**irabilis est sanè Christus Dominus noster, sicut in operibus; ita & in sermonibus suis. Et quidem stupenda eius facta ipsa miracula produnt: dicta vero miranda, cum alia, tum parabolæ testatur. Quarum prima in Euangelio hodierno, est de GRANO SINAPIS. Quid verò mirandū magis, quàm rem maximam, maximiq; valoris, rei minimæ ac nullius precii comparare? quid minus, magis uè abiectum esse potest GRANO SINAPIS? quod & aspectū hominis penè fugit, & etiam si videatur, tamen ne à pauperrimo quidem, qui obolum tollit, è terra, leuatur: Huic nihilominus cōfert Christus Dominus REGNUM CÆLORVM, quo quid maius, carius, augustius? Neq; verò id tantum, quod plerumq; per regnum cælorum intelligimus, granum Sinapis designat: sed & aliud quidpiam longè etiā hoc excellentius.

Quo Christi  
maxima mi-  
nimis com-  
parat.

Quid nā verò sit istud in hac concione inuestigare institui. Idcirco primū quidē videbimus granū hoc quā nā proprietates habeat. Deinde quonam modo Christum Dominū designet. Postremò qua ratione, & quo cum fructu grani huius participes eē possimus. Da granum sanctissimum Christe IESV id ita cōsiderare, vt nos quoq; granum sinapis per tui imitationem esse valeamus.

PROP: tria  
continet

GRA-



I. PUNCTU  
Proprietates  
grani sinapis  
explicat.

GRANVM SINAPIS mirificum est sa-  
nè: tùm sui natura: tùm ob effectus multos  
& admirabiles. Aspectu em̃ paruū ē, obicurū,  
ac vile: at verò virtute ingēs est, copiosum &  
p̃clarū. Neq; principiū, neq; finē habet (prout  
triticum, hordeum, & alia eiusmodi habere  
videmus) rotundum est enim; principio ta-  
men, & fine non caret, aliisq; dat principium.  
Cum viuit, mortuum esse videtur, cum autē  
moritur, multis vitam tribuit. Hoc commu-  
ne habet cum tritico, & aliis seminibus. Sed  
illud pecculiare; quòd primū penē in vere  
virescit,, quòd florem gratum apiculis edat,  
quòd cum MINIMVM sit OMNIBVS SE-  
MINIBVS ita crescit, vt fiat ARBOR, ET  
VOLVCRES CÆLI HABITENT IN EA.  
Sed & illud mirandum, quòd alio collimat,  
alio ferit; Deorsum enim descendit, & caput  
petit. GRANVM SINAPIS igneū est, su-  
pra omnia semina, teste Pythagora, & Plinio  
acrisq; sed nō ingrati saporis. Deniq; cū ē in-  
tegrum, nulli penē sensui, vel agrē alicui pa-  
tet: contritum verò vniuersos turbat, tactū  
igneā sua natura quodammodo adurit, gu-  
stū acrimonia sua pungit, visū clarificat,  
oculosq; in lachrymas resoluit, è naso sternu-  
tationes elicit; cerebrum purgat, sicq; ipsum  
quoq; auditum iuuat. Quid dicam de mor-  
bis, quibus medetur? Dicam quædam sub fi-  
nem cōcionis, reliqua à medicis pete; nos no-  
stra prosequamur.

Quid

Quid igitur GRANVM SINAPIS signi-  
 ficat? Inter alia in præcedentibus dicta con-  
 cionibus designat secundum Patrum expo-  
 sitionem Christum Iesum. Et sanè merito.  
 Si enim propter Christum aliis rebus appli-  
 catur hæc parabola, multò certè magis com-  
 petit ipsi Christo. Et verò proprietates sina-  
 pis, quas recēsumus nullibi magis elucescūt,  
 quam in Christo Domino. Is enim cū pri-  
 mū ē terra illa de qua Dauid. *Benedixisti Do-*  
*mine terram tuam.* ex vtero inquam virginis  
 erumpit, quā mirè omnia aspectu suo lati-  
 ficat? virescit etenim, & gratum præbet aspe-  
 ctum matri suæ, & patri putatiuo in ciuitate  
 Betlehem, pastoribus vigilantibus in agro,  
 Magis in montibus, Angelis in àere, & cælo,  
 brutis deniq; animantibus in stabulo, quan-  
 do *cognouit bos possessorem suum, & asinus præse-*  
*pe Domini sui.* Is paulò pōst florem emittit  
 gratum & vtilem apiculis illis sanctissimis, Si-  
 meoni seni, Annæ viduæ, Ioanni quoq; ba-  
 ptistæ, & parentibus eius: Isq; præterea, qui  
 in adulta ætate exteriūstūm pauper, & obscu-  
 rus fuit, vt non haberet vbi caput reclinaret  
 suum: interiūs tam erat copiosus, vt diuitiis  
 suis totum impleteret terrarum orbem: nullus  
 enim est diues, nisi per illum. Claritas verò  
 quam ingens in miraculis apparet? is qui fo-  
 ris tam erat abiectus, vt pro stultò, etiam à  
 suis haberetur, ab inimicis verò, pro voraci,  
 potatore vini, & peccatore reputaretur; in-  
 tus &

II. PVN-  
 CTVM  
 Christi doe-  
 minū grano  
 sinapis de-  
 notari.

Tū a minori  
 Tū ob pro-  
 prietates.

1  
*Psa: 87. 2.*

1s: 1. 2.  
 2

3  
*Luc: 9. 48*

*Mar: 3. 21*

*Mat: 11. 19*

4.



tus & sapiētia erat patris, & ita omnibus virtutibus planus, vt aduersariis dicere auderet. *Quis ex vobis arguet me de peccato?* Is verè, ac propriè secundum vnā naturam, & principio, & fine caret, qui tamen iuxta alteram, & initium ē virginis vtero, & finem vitæ mortalis in cruce habuit; quiq; rebus omnibus, & naturalis & spiritualis vitæ tribuit initium: is mortalem viuens vitam, quasi mortuus & sine fructu esse videbatur, mortuus verò multum fructum attulit, vt ipse de se sub alterius grani parabola testatur. In primis autem ea, quæ in Euangelio de grano sinapis dicuntur, Christo Domino plurimū conueniunt. Dignum igitur est, vt singula ponderemus.

Regnum cælorū Christi  
quinq; de  
causis.

SIMILE EST REGNUM CÆLORVM, inquit Dominus IESVS. Quid verò nos vetat, per regnum cælorum ipsummet, qui hæc loquitur intelligere? Nihil sanè, imò suadent multa. Ipse igitur Christus est regnum cælorum, qui illud nobis promeruit, qui præparauit, qui eò nos ducit, & perducit, qui vires, & gratiam ad illud possidendum tribuit, qui deniq; REGNUM CÆLORVM, & beatitudo nostra est. Iesum itaq; amemus dilectissimi, ad eum suspiremus, in quo perfecta nostra felicitas sita est. In eò enim & anima & corpus, requiem inueniet suam: anima quidem in diuinitatis, corpus verò in humanitatis eius contemplatione sempiterna. Quis putat est fidelis Christi seruus cui hæc eueniente  
Vtinam

Vtinam verò omnibus nobis contingāt. Hoc igitur regnum cælorum, hic Christus IESVS similis est

GRANO SINAPIS Imò ipse granū sinapis, miris & incōprehensibilibus modis, quorum quosdam paulò ante recensuimus, quosdam inferius tangemus, reliquos piis vestris meditationibus relinquemus. *In meditatione* enim *exardescit ignis* amoris Dei, quem ignis in hoc grano abconditus præfigurat. Est verò Christus granum sinapis.

Granum sinapis idem Christus.

*Psa: 38. 4*  
Ignis amoris.

QVOD ACCEPTVM HOMO SEMINAVIT. Quis est iste homo qui seminat? Sanctissima Trinitas & ipse Christus Dominus. Absurdū id videbitur infidelibus, tot & tam diuersa eidem aptare: at fidelibus, inprimis verò personis spiritualibus contemplatio hæc & utilissima, & iucundissima est. Nec desunt exempla in scriptura. Quid enim magis diuersum, ac penè contrarium, quàm ostium, pastor, & ostiarius? Nihilominus tria hæc, eidē Christo in eodem loco accommodantur: duo quidē priora ab ipso met, cum inquit, *Ego sum ostium ouium* Et paulò post. *Ego sum pastor bonus*: postremum verò à patribus. Et meritò quidem. Christus enim ostium, quia aperit nobis paratq; aditum, tum ad hoc ouile, quod est ecclesia, tum ad illud, in quo æterna beatitudo consistit: Et ipse idem SEMINAVIT, & seminat modis variis. Vbi verò?

Homo qui seminat idē ipse Christus.

*Ioan: 10. 9.*

IN AGRO SVO: quod fecit primū quidem



Seminat ve-  
ro modismi  
radis Christ<sup>o</sup>

*Pf. 109. 4.*

Stimuli ad  
amorē Chri-  
sti.

dem in vtero virginis Mariæ, vbi verbum caro factum est. Deinde in monte Caluariæ, vbi granum hoc mortuum est, vt fructum referret vberimum: tum in sepulchro, vbi ad vitam reuocatum est. Posthæc in cælo vbi in assumpta natura post quadraginta dies apparuit. Postremò seminatur etiam nunc, suo modo, ineffabili sanè, & inenarrabili: cui non solum Iudæi, & Gentiles, sed etiam quidam qui se Christianos vocant, fidem adhibere nolunt, in Eucharistia inquam, in qua ipse, & hostia, & sacerdos manens *in æternum secundum ordinem Melchisedech* seipsum mirabiliter sistit hic in terra præsens, vt sit, & oblatio pro peccatis nostris, & cibus in hac peregrinatione nostra. O gratiæ ingentes & beneficia inmensa? Quis tibi dulcis Christe, bone IESV, pro tanto amore tuo, non solum amorem dignū te, sed etiam sufficientes gratiarum reddet actiones? nemo equidem. Demus tamen dilectissimi quantas possumus: ipse enim pro sua bonitate, defectus nostros supplere dignabitur. Et quidem modi seminandi granum istud hucusq; recensiti, Christi Domini personam attingunt. Sunt & alij quibus verbum, & Euangelium suum, & olim ipse p se & nunc diuersimodè seminat in mundo; qui licet ex præcipuis sit huius parabolæ sensibus: tamen quia in aliis concionibus, de eo iā disseruimus huic iam supersedeamus negotio, & quæ in Euangelio sequuntur, nostro accommode-

mus

mus instituto. Pergit itaq; Christus Dominus  
de GRANO SINAPIS differere.

Christus mi-  
nimus  
omnium.

QVOD MINIMUM QVIDEM EST OMNI-  
BUS SEMINIBUS. De quorum verborum  
sensu historico, seu parabolico ibi diximus:  
iam verò eadem Christo applicemus. Et exi-  
miè certè hæc illi competunt, tum naturali-  
ter, tum moraliter. Naturaliter quidem: Hac  
enim ratione, meo iudicio, minimus fuit o-  
mnium hominum Christus Dominus: non  
quidem in adulta ætate: ita enim satis proce-  
ræ fuit staturæ ( si vera est figura quæ Romæ  
visitur ) sed tunc temporis quando primum  
in vtero matris, homo fieri voluit. Ad id ve-  
rò asserendum impellor partim Philosopho-  
rum placitis, partim fide Catholica. Certum  
est namq; secundū phycos, quadragesimo,  
vel paulò post à conceptione die, si masculus  
est; octuagesimo verò si fæmina, animam à  
Deo creari, corpusculo vniri, & tunc primū  
hominem & esse, & nuncupari ( quod & lex  
Moyfi in purificatione post partum mulieris  
non obscurè insinuat ) quo tempore embrio-  
nis notabilis iam solet esse magnitudo. Con-  
stat præterea fide Catholica Christum IESVM,  
neq; embryonis figuram vnquā tenuisse, neq;  
tempus illud expectasse: sed post verba illa  
virginis, *Fiat mihi secundum verbum tuum*, statim  
in eodem instanti, & corpusculum, è puris-  
simo virginis sanguine formatum, & animam  
creatam, & vtrumq; Verbo hypostaticè vnitū  
fuisse.

Tum natu-  
raliter.

Leu: 12

Lue: 1. 28

Mmm

fuisse



fuisse, quo tempore, cum corpusculum (iuxta eosdem physicos, & experientiam) tam paruum esse soleat, ut aciem oculorum vix non effugiat, euincitur, nullum vnquam hominē (embrio enim homo dici non potest) Christo Domino minorem fuisse. Et quis nouit an granum sinapis magnitudine excesserit, cum id factum non sit impossibile?

Vnde tres  
hauriuntur  
doctrinæ.

1 Fidei con-  
firmatio.

Quid verò nos ex hac paulò subtiliori speculatione discemus? Tria inter alia. Fecit enim hoc Christus Dominus, ut fidem firmaret Catholicam; ut Charitatem nostram & gratitudinem acueret, ut nos humilitatē doceret. Primum præstat, cum factum hoc nos instruit, ne pro absurdo reputemus (ut quidam impii faciunt hæretici) in Eucharistia verum ac integerrimū esse Christum dominum, etiam in parua hostia: illum ipsum qui in utero matris in minimo corpusculo totus continebatur. Alio quidem modo hic, alio in Eucharistia: fateor: sed tamen ad confirmandā fidem nostram haud valde dissimili ratione.

2 Charitatis  
inflamatio.

Charitatis verò in nobis excitandæ quantus stimulus est? considerare illum qui apud Prophetam *Calum* inquit *sedes mea, terra autem scabellum pedum meorum* amore nostri tam paruum factum esse, ut granum Sinapis magnitudine vix excederet? Quis igitur gratus tanti beneficii non erit? quis non liquefcet amore illius, qui tantum nos ad amant? qui ut nos magnos efficeret, minimus fieri dignatus

gnatus est? Et hoc ipsum multò etiam clarior  
 us humilitatem nobis commendat, quam à  
 tam paruo initio mirificè toto vitæ suæ tēpo-  
 re amavit, coluit, exercuit. Christus nō I E S V S  
 rex regū, natus est in fætido stabulo, circum-  
 cisus tertia die ac si esset peccator, fugit in Egy-  
 ptum infantulus, tanquam exul à patria, &  
 veluti servus nō autē filius; humi cubat in  
 templo adhuc puerulus, quod postmodum  
 & in deserto, & alibi sæpe illum factitasse cre-  
 dendum est: Deniq; tota vita & mors eius fu-  
 it exemplar humilitatis, forma submissionis.  
 Fuit obediens parentibus, omnium parentū  
 ipse parens, submisit se vectigal exigentibus,  
 discipulis pedes lauit, cū esset magister &  
 dominus. Verum quis omnes humilitatis  
 eius actus non modò numerando recensere,  
 sed etiam cogitando assequi poterit? Quare  
 hac ratione moraliter quoq; omnium qui vn-  
 quam fuerūt, sunt, & erunt, hominum mini-  
 mus fuit. Itaq; cū humilitatem sanctam,  
 non solum exemplo suo nobis obnixè com-  
 mendauerit; sed etiam ad eam amplecten-  
 dam nos cohortari voluerit, dicens: *Disce à*  
*me quia mitis sum & humilis corde*, quàm solici-  
 te hac virtus à nobis sit procuranda, non est  
 quinō videat. Neq; frustra verò id fecerimus.  
 Nam quod in parabola dicitur.

CUM AVTEM CREVERIT id per hu-  
 militatem assequemur. Mirum sed verū,  
 submissione aliquem crescere. Etenim contra-

Humilita-  
 tis comen-  
 datio.

Tum mora-  
 liter.

Vnde magis  
 commendatur  
 humilitas  
 præsertim  
 spirituali-  
 bus.

Mat. 11. 29

Humilitate  
 cū quilibet  
 crescit.

1. Quia via  
 Dei & mun-  
 di contrariæ.



rio hic Christus dominus tramite quàm mundus procedit. Iste enim tum temporis aliquè creuisse arbitratur, cum quis ex paupere sit diues, ex ignobili nobilis, ex simplici ciue, aliqua in Republica dignitate fulgens. Tunc, inquam eiulmodi homini sui congratulantur alieni inuident: omnes verò vno ore creuisse eū inclamant. Verū secus euenit in Christo, & fieri debet in Christiāis. Tū tēporis enim Iesus creuisse dicitur, quādo ex stirpe regia pgenitus, vilis oppiduli fuit incola factus, quādo *propter vos* *egenus factus est cū esset diues, ut illius inopia vos diuites essetis.* Quāā ratione? Nū diuites eritis per superbiam & pōpas honoresq; mundanos? Minimè: sed sicut Christus per humilitatem, abiectionem, & crucem, de qua paulò pōst. O quàm crudele est venenum, viris praelatim religiosis, arbitrari, tum se crescere cum ab omnibus honoratur? tum laudatum, cum se magnum esse quis reputat? Contrariū nos docet Paulus, qui se minimum & *Apostolorum & sanctorum* vocat, cum fuerit maximus. Cōtrarium princeps Apostolorum Petrus, qui post admonitionem factam tum subditis, tū praelatis inquit: *Omnes autem inuicem humilitatem insinuate.* Causamq; assignat *Quia Deus superbis resistit, humilibus autem dat gratiam.* Ecce tibi veram veri honoris descriptionem. Gloria enim Christianorum, in sola gratia diuina consistit. Ea qui pollet honoratus est; qui caret inglorius; etiam si esset omnium mortaliū

2. Quia ita  
Christus Do-  
minus in vi-  
ta sua.

2. Cor. 8. 9.

3. Quia ma-  
gni fieri ve-  
nenum.

4. Exemplo  
Pauli.

1. Cor. 11. 9.

Eph. 5. 8.

1. Pet. 5. 5.

5. Insti-  
tutione Petri.

NOTA.

6. Quia ver-  
honor inde.

liū locupletissimus, nobilissimus, doctissimus. O quam turpiter errat mundus in diiudican-  
do, qui sint veri honores? Quod si nullus Christianorum excusabitur, si neglecto vero, mundanos & fanaticos consecratur honores; quā excusationem habebunt, qui posteaquā se à mundo segregarunt, mundanam gloriam totis viribus aucupantur? Quid plura? Doctrina ipsius Christi domini est dicentis: *Nam qui minor est inter vos omnes, hic maior est.* Quid nostro proposito dici potuit accommodatius? Deniq; Saluator noster in cruce id maxime docuit, in qua omnem suam collocavit gloriam: ideoq; eam exaltationem vocat, dicens: *Et ego si exaltatus fuero à terra, omnia traham ad me ipsum.* O utinam & me, & populum hunc in nomine tuo hic congregatum trahas ad te bone IESU, vt agnoscentes in cruce tua veram gloriam nostram consistere, & cum Paulo in ea sola gloriemur, & tecum sedulo eam amplectamur, atq; adamemus. Adamasse autē crucem Christum dominum præter alia innumera, docet nos hæc eius parabola. Quando enim vel quomodo GRANVM hoc SINAPIS Christum inquam IESVM creuisse arbitramini, ita vt sicut granum sinapis cum creuerit, MAIUS EST OMNIBVS OLERIBVS: sic ipse maior & excellētior esset omnibus hominibus? nonne in cruce? Ita sanè. Id enim expressis verbis testatur Apostolus. Et propterea etiam subiungitur in parabola.

7. Quia contrariū nocuum & turpe

Luci. 9. 40. 8. Quia id docet IESVS

Io: 12. 32. 9. Quia crux exaltatio.

Idco amāda

Phil: 2. 8



Christus in  
cruce creuit  
teste Augu.

Ioan. 3. 30.

Aug: Ser:

116.

Indefructus

figurari à

Dan.

Dan: 4. 7.

1. Operatio

salutis.

2. Fortitudo

nostra.

Pf: 73. 12.

3. Mediator.

4. Saluatio

nostra.

1. Tim: 25.

Nem: 21. 9.

ET FIT ARBOR. Nonne cum arboris fieri mentionem audis, ARBOR crucis tibi in mentem venit? Nec immerito: in ea enim Christus IESVS pendens vnum quodammodo cum illa effectus est, teste Augustino, qui explicans illam Ioan: Baptista prophetiam de Christo; *Illum oportet crescere me autem minui* ait eam expletam fuisse, quando [iste minutus est in capite, ille creuit in cruce] Quod dū facit, quæ beneficia nobis non præstat?

Libet iterum cōsiderare arborem illam Regis Nabuchodonosoris (valde eū nostro seruit proposito) quæ cum alia; tum verò fructus passionis Christi IESV pulcherrime nobis ob oculos ponit. Etenim primum quidē arbor illa dicitur fuisse sita in medio terræ: quod quasi explicans, vel prædicens potius Dauid inquit: *Deus autem noster* (qui est Christus IESVS) *operatus est salutem in medio terræ.* Deinde arbor illa dicitur fuisse magna & fortis. Quid cruce fortius quæ & omnipotentem sibi affixum tenuit, & vt inde ad nos omnis fortitudo deriuatur effecit? Tertiò ait, *proceritas eius contingens calos.* Nil aptius. Ipse enim est mediator Dei & hominum, homo Christus Iesus. Quartò subiungit; *aspectus illius erat vsq; ad terminos vniuersæ terræ.* Sicut nō olim nemo liberabatur à serpētū morlu mortifero, nisi qui intuebatur serpentem æneum à Moise exaltatum: ita neq; olim, neq; nunc vllus salutem animæ consequitur, nisi per aspectū & sanguinem Christi cruci-

sticru-

sti crucifixi. Quod considerans dilectus Christo discipulus asserit, *Agnū occisum esse ab origine mundi.* *Apoc. 13. 8.*

Quinto inquit Daniel, *& solia eius pulcherrima:* *5. Verbum penetrans.*

per sona verba & sermones recte intelliguntur (*ut illud & folium eius non defluet* patres interpretantur) quid verò pulchrius dictis Christi *Psal. 1. 8.*

domini: cum in vita tum in cruce & morte prolatus. Pulcherrima sanè, non quidem sophistarum acumine fucata, nec oratorum lenocinio ornata, sed Spiritu Dei, virtute, & sapientia roborata; ac proinde penetrabiliora *Heb. 4. 12.*

*omni gladio anticipi.* Tales sunt qui crucem & crucifixum sincere amant. utinam verò omnes *NOTA Exhorta.*

simus tales, tum qui loquimur, tum qui audimus conciones, ut non suauiloquentiam, sed Spiritum Dei in iis quærentes, fructus referamus vberes, dignos Deo, utiles nobis. Sequitur *Et fructus eius nimius.* Nulli id equidem *6. Fructus nimii.*

proprie cōpetit nisi soli arbori crucis; in qua copiosa peracta est *redemptio*: imò ut hic dicitur *Pf. 129. 7.*

*nimia.* Cum enim vna gutta diuini sui sanguinis nos redimere potuisset, ita totum effudit, ut reliquum, quod circa cor habuit, siue naturalis siue miraculose cruoris, extrahi lancea pateretur. O liberalitas inaudita. O amor incomprehensibilis. O utinam redamare non pigeat, quos talia audire delectat. Nimi-

us igitur arboris huius fructus fuit, & si ita loqui licet nimium nimius. Pergit Propheta: *7. Esca vberima.*

*Et esca vniuersorum in ea.* Pro vniuersis enim præ-



Cum pro o-  
mnibus.

Tum verò, p  
perfectis.

Ideo ea ven-  
dum.

Dan: 4. 2.

Quomodo  
Christus de  
crescendo  
creuerit.

NOTA.

parata est, sufficiatq; pro omnibus, quod si  
verò non omnes eicæ huius participes effici-  
untur, sibi imputent. Additur *Et super eam ha-*  
*bitabant animalia & bestie.* Imperfectiores qui  
sunt in Ecclesia notat, de quibus paulò post.

De perfectis verò subdit *Et in ramis eius con-*  
*uersabantur volucres celi.* Eadem pene verba  
in parabola hodierna ex ore Christi domini  
audis, cum de arbore sinapis, (quam crucem  
designare demonstratum est) inquit;

ITA VT VOLUCRES COELI VENIANT  
ET HABITENT IN RAMIS EIUS. Con-  
templetur hæc anima fidelis, Deo deuota; ne-  
que solum meditetur, sed & fructum haurire  
studeat, de quo apud Daniele, *& ex ea re-*  
*scebat omnis caro.* Hæc nos nostri admonent  
offici, docentq; quomodo tantorum fructu-  
um participes fieri & esse possimus.

Ceterum antequàm ad ea explicanda veni-  
amus, videndum est & quid per animalia, be-  
stias, volucresq; intelligatur, & quomodo ea,  
quæ tum ex Prophetia, tum ex Euangelio  
protulimus, pendente adhuc in cruce Christo  
Domino, executioni mandari cepta fuerint.  
Magnum etenim est hic mysteriũ stuporeq;  
planè dignũ: nempe quonamodo is, qui mi-  
nimus erat, tum temporis crescere cepit, cum  
secundum mundi iudiciũ maximè decresce-  
bat. Nam vt audistis, GRANVM HOC SINAPIS  
Christus IESVS minimus fuit omnium, qui  
vnquã erant, vel futuri sunt hominũ; natura-  
liter

liter quidē dum in vtero matris virginis esset  
 constitutus: moraliter verò, dum per humi-  
 litatem pendens in cruce opprobria sustine-  
 ret. Cū enim à die natiuitatis suæ in hac par-  
 uitate cresceret quotidie, tandem in passione  
 eam consumauit. Ideò D. Paulus postquam  
 non pauca de exinanitione Christi Domini  
 per assumptam formam serui locutus fuisset,  
 concludit actu humilitatis eius perfectissimo  
 & ait: *Humilianuit semetipsum factus obediens*, *Phil: 2. 8.*  
*vsq; ad mortem mortem, autem crucis;* demonstrās  
 eū vterius progredi non potuisse. Hæc enim  
 mors fuit vt acerbissima, ita omnium igno-  
 miniosissima. Audiamus hac de re eorum sen-  
 tentiam, qui eam intulerunt: Sic enim isti a-  
 pud sapientem. *Morte inquitunt turpissima con-*  
*demnemus eum.* Quod cū perficeretur, cū in-  
 quam, Christus IESVS in illo acerbissimo esset  
 agone, cū minimum & humillimum omni-  
 um actionum suarum opus exerceret, cū in  
 cruce pendens idem quasi cum ea factus fu-  
 isset; tum temporis crescens in ignominia se-  
 cundum mundi & impiorū iudicium: crescere *Deo & om-*  
 cæpit in gloria, apud Deum, Angelos eius, & *ni cœatura*  
 omnem tam terrenam quam cælestem crea- *teste.*  
 turam: quæ tam atrox intuens facinus vni-  
 uersa commouetur. Terra etenim tremore  
 concutitur insolito, petra scinduntur, sepul-  
 chra aperiuntur, aër obtenebratur, *velū tem-*  
*pli scinditur in duas partes à summo vsq; deorsum:* *Mat: 27. 51*  
 sol præter omnem naturam suam obscura-  
 tur.



tur. Hæc rationis expers creatura.

Quam rationis  
cōpote

Quid verò rationis particeps? Eam duplicem in rerum natura reperiri nostis, angelicā videlicet, & humanam: quarum illa quidem ut spiritualis per VOLUCRES in Euangelio, hæc vero terrena, per animalia & bestias apud Prophetam præsignatur. De Angelis enim illud Iob: *volucres quoq; calilaret*, omnes intelligunt: homines verò animalia quædam esse nimis est euident. Videte iam quæso utriusq; munus & officium in cruce pēdenti Christo IESU præclarè exhibitum. Quemadmodum enim videmus paruas auiculas è ramis arboris sinapicæ pendere ita quid putatis, quot nā angeli beati pendente in cruce IESU, ipsi quoq; suo modo & ex ea pendebant, & Christo cōpatiebantur? Quamuis enim illud Prophetæ

Iob 20. 2

Angelis, qui  
flebant suo  
modo.

Isa: 33. 7.

D. Th. par-  
te: 1. q. 113

Art: 7. ad 1.

Anima latro-  
nis, q̄ adora-  
bat.

Hominibꝰ,  
quorum.

Dan: 4. 9.

Pii compa-  
tiebantur.

*Angeli pacis amarè flebant*, in sensu historico de nuntiis Ezechieꝝ propter verba Raphaelis flentibus intelligatur: tñ metaphorice & anagogicè posse hæc de angelis accipi, cōcedūt facti. Quibus si adnumerauerimus animam dextrilatronis, quando egressa è cauea carnis adorabat corpus Saluatoris sui, minimè certè à vero aberrabimus. *Subter eam verò habitabant animalia & bestia* teste propheta, per quæ genus humanum designari diximus. Quod totum eo temporis in Gentiles & Iudæos diuidebatur. Pulchrum sanè mysterium. Videmus enim sub cruce stantes primum quidem beatissimam virginem matrem. Ioannē quoque

que Euangelistam, Mariā Magdalenā, cæte-  
 rasq; pias fæminas, quæ omnes Christo dolenti  
 condolebant: deinde Iudæos percutientes pe-  
 ciora sua & pœnitentiam agentes. postremo  
 etiam ipsos Gentiles de quibus ait Euangeli-  
 sta: *Centuriò autem, & qui cum eo erant, custodi-*  
*entes Iesum, viso terræ motu & his quæ fiebant, ti-*  
*muerunt valde dicentes: verè filius Dei erat iste.*  
 Vides quàm eximiè figuræ res ipsa responde-  
 at? Vides quàm ingens sit honor & gloria in  
 ipsa crucis & blasphemantium ignominia?  
 Cogita quò hæc deinde creuerit in sepul-  
 tura honestissima, in resurrectione celeberrima:  
 in ascensione gloriosissima: in prædicatione  
 Euangelij per totum terrarum orbem  
 augustissima. Hæc, hisq; similia vobis medi-  
 tanda relinquo, utq; inde amorem Christi in  
 vobis excitetis, hortor.

Iudæi pœni-  
 tēt ā agebāt  
*Luc. 23. 48*  
 Gentiles cō  
 uertebantur

*Mat. 27. 54*

Meditādi &  
 amandi mā-  
 teria.

Ad id, quòd vltimo loco tractandum pro-  
 posui, me acingo voloq; demonstrare, quid-  
 nam nobis sit faciendum, ut tum eas, quas  
 recensuimus; tum alias vtilitates & commo-  
 da, referre valeamus. Breuiter allequemur  
 hæc, si sub arbore ista esse, si habitare, si nidi-  
 ficare, si deniq; de fructu eius vesci studue-  
 rimus. Iste etenim sunt quatuor actiones,  
 quas nobis tum prophetæ, tum parabola E-  
 uangelica commendant. Quarum tres primæ,  
 præcipuè tribus, qui sunt in Ecclesia statibus  
 conueniunt, singulæ singulis. Vltima verò  
 omnibus competit, de qua tamen postremi  
 plus

III. PVN-  
 CTVM Fru-  
 ctus & corū  
 participatio  
 Quam ut af-  
 sequamur  
 debemus



plus cæteris gustant, pluriq; utilitatis refe-  
runt.

PRIMO  
sub arbore  
crucis esse.

Nō foris qui  
sunt dupli-  
ces-

Apo: 2.2.15

Ni verò redi-  
būt per fidē  
& peniten-  
tiam.

Itaq; primò & ante omnia requiritur, vt si-  
mus sub arbore crucis. Nam vt Ecclesia canit  
[in cruce domini nostri IESU Christi est vi-  
ta, salus, & reſurrectio noſtra.] Propterea qui  
sub cruce non ſunt, foris ſunt: qui verò foris  
ſunt, ſalutem non conſequentur *Foris etem̃*  
*teſte D. Ioāne ſunt canes, & venefici, & impudi-*  
*ci, & homicidæ, & Idolis ſeruientes, & omnis qui*  
*amat, & facit mendacium.* Quibus in verbis, li-  
cet partibus plures; genere tamen, duo im-  
piorum ſtatus notantur: alter eſt infidelium,  
quos canes Idolis ſeruientes, mendacium &  
amantes & facientes vocat: alter fidelium  
quidem, ſed impiè viuentium; quorum poſt-  
quam aliquot ſpecies enumeraret, reliquas  
nobis conſiderandas reliquit. Horum verò  
omnium licet priores magis ſint extorres à  
cruce Chriſti, (poſteriores enim ſaltem per fi-  
dem quoquo modo inhærent ei) neutri tamē  
de meritis ſanguinis eius in cruce eſuſi, vt par-  
teſt eſt participare valent. Quare ſi ſalui eſſe cu-  
piunt, neceſſe eſt vt veniant ſub crucem, eiq;  
ſuo inferantur modo. Id verò fit fide, & pæ-  
nitentia. Fide enim perfidia eſt propulſanda;  
pænitentiā verò, diuina ira eſt mitiganda. Iſti  
ſunt duo modi, duæq; virtutes, quæ nos ſub  
arbore hac ſancta ſinapica, ſub cruce inquam  
Chriſti IESU collocant. Vidiftis iam typum,  
vel exempla potius huius rei, dum ad huc  
Chri-

Christus dominus in cruce penderet: tum in Iudæis, ac Gentilibus; qui sub cruce erant: tum in latrone, in alia cruce, cum Christo pendente. Pulchra auidula, serò quidem nata, sed virtutibus plena. Imitanda sanè, sed non ratione temporis, prout quidam non minus insulse, quam periculose faciunt, differetes conuersionem suam usque ad mortis articulum. Caue. Nam ut alias dixi, & sæpe dicendum est, unde tibi constat; te id priuilegii tunc habiturum? Cur te non terret potius alter latro à sinistris pendens, ne idem tibi eueniat, qui *contra spem in spem peccas*? At fecit hoc Abraham inquis: Absit hoc vel cogitare, credidit quidem Abraham *contra spem in spem* quod optimum est: sed nunquam, peccauit in spem contra spem, quod tu facis: Id enim pessimum. Ergo conuertere ad dominum Deum, & age pœnitentiam, ut sub cruce Christi esse possis. Id enim & primus iste status requirit, qui incipientium dicitur, & omnes reliqui; qui hunc præsupponunt.

Exempli latronis quomodo imitandum.

Rom: 4.18

Hic status incipientium.

Alter status est, qui proficietium vocatur, quibus competit, non solum esse, sed etiam **HABITARE** sub arbore crucis Christi. Hi enim sicut tum in fide, tum in operibus bonis, magis magisque sunt *radicati & fundati*: ita etiam progrediuntur *de virtute in virtutem* ut & virtute crucis Christi muniti, cui fortius quam priores in hærent. Eiusmodi si quando tribulationibus, tentationibus, & aliis agitantur

SECUNDO HABITARE qui ad progredientes spectat.

Eph. 3. 17.  
Psal. 83. 6.



gitantur molestiis ( id enim talium est proprium ) statim memores officii sui, quod nō est aliud, quā H A B I T A R E sub cruce; & sustinent ea propter Christū libenter, & repellunt fortiter, & è cruce Christi miras hauriunt consolationes abundanter. Ideò autem siue sub cruce, siue in R A M I S E I V S H A B I T A R E dicuntur: quia habitum patientiæ, qui ex continua crucis Christi meditatione oritur, vtcunq; contraxerunt.

TERTIO  
NIDIFICA-  
RE quod est  
perfectorum  
Qui.

Ier: 48. 28.

Ser: 61. in  
Cant.

1. Fugient ci-  
uitates.

2. Canebūt  
supercibiam.

Tertius status perfectorum est: quibus nō satis sit; E S S E & H A B I T A R E; requiritur enim etiam N I D I F I C A R E In cruce domini nostri I E S V Christi, monente eos alio propheta, & dicente: *Relinquire ciuitates & habitate in petra habitatores Moab: & estote quasi columba nidificans in summo ore foraminis.* Meminit huius loci D. Bernardus nos pro contemplatiuis quatuor hīc considerabimus, duo fugiendā, & duo præstanda. Fugiendæ sunt ciuitates, ideò eas relinquere iubet, personis enim contemplationi deditis, non solum secularia negocia, quæ in ciuitatibus exercentur: sed etiam aliæ actiones, quæ distractionem pariunt, multum nocere solent. Eiusmodi sunt familiarita es non necessariae, colloquutiones diuturnæ, sollicitudo inutilis, & similia: Deinde verò cauenda maximè superbia, cui tales valdè sunt obnoxii. Eam verò sub typo habitatorum Moab, tum perstringit, tum deferere iubet Propheta. Ideò statim subiungit:

*Audi.*

*Audiuimus superbiam Moab, superbus est valde.*  
Hæc igitur ne inuadate eos, qui aliis eminere  
videntur ac proinde ne propterea grauiter la-  
batur pes eorum, diligenter videndum est.

Duo verò alia curanda eis erunt. Alterum,  
vt habitent in petra. Petra autem erat Christus (in-  
quit Apostolus explicans Prophetam.) Ad  
Christum igitur IESVM omnes suas cogitati-  
ones dirigent contemplatiui, de eo loquen-  
tur libenter, propter illum quicquid agunt  
operabuntur; dabuntque operam, vt ipsi in  
Christo, & Christus in illis habitet: nō solum  
per gratiam suam (quod fit etiā in prioribus  
gradibus) sed etiam per quandam familiarita-  
tem spiritualem, quod ipsorum est proprium.

Alterum, curabunt vt sint *quasi columba nidifi-  
cans in summo ore foraminis.* Quod nam est hoc  
supremum os foraminis, quod in arbore hac  
sinapica, id est, in cruce domini IESV visitur?  
Non aliud equidem, quàm quòd miles lancea  
aperuit, quod aqua & lāguine maduit: quod  
sponsam Christi protulit; quod vsq; ad cor  
IESV penetrauit. Ideoq; sumum os forami-  
nis nuncupatur, quia cuspis lancee militaris  
vsq; ad cor IESV peruenit. Ibi igitur contem-  
platiui nidum suum ponet, ibi quasi colū-  
ba gemitum pro cantu edet: tum priora sua  
& aliorum peccata deplorando, tum patienti  
Christo compatiendo, tum prolongationem  
incolatus sui deslendo. Ibi interiora Christi  
IESV rimabitur & intuebitur, nempe, cor  
amore,

3. Procura-  
bit familia-  
ritatem cum  
Deo.

1. Cor. 10. 4

4. Contēpla-  
buntur pasi-  
sionem Chri-  
sti.

NOTA.  
Miras inde  
utilitates.



amore salutis nostræ liquefcens, iecur suo modo pallefcens, stomachum ieiunius contractum, splen exsiccatum, fel sine felle, quod enim in nobis, per validam mortificationem lapidescit, ( vt Phyci tradunt ) hoc in Christo præ dulcedine spiritus credi potest emarcuisse; omnia denique interiora ad temperantiam, sobrietatem, & castitatem, mirè disposita: hacq; ratione interiora & exteriora sua, qua moderabitur, qua inflammabit. Moderabitur tum risum & lætitiā inanem, tum escæ & potus appetitum non necessarium: tum animi ægritudinem seu tristitiā superfluam: tum iram choleramq; exēstuantem: tum denique omnes affectus & motus suos inordinatos. Inflammabit verò cor suum ad amorem Dei & proximi feruentem. Inde q; ad patientiam, humilitatem, castitatem, modestiam, mansuetudinem, cæterasq; virtutes. Ibi denique pullos excludere conabitur suos, nihil cupiens, nihil intelligere volens, nisi Christum IESVM & hunc crucifixum, propter quem mortificatur tota die, sui q; planè oblitus, quæ solius Christi sunt sincere querit. O beata anima, cui hæc sunt! O sælix & Angelica interris conuerlatio! Tales fuerunt, primum Apostoli, postea Martyres: tum anachoretæ sanctissimi: deniq; Confessores & Doctores: nec non virgines: denique religiosarum familiarum fundatores. Quos utinam nos quoque imitari studeamus, ne tantorum parentum filii

fili degeneres reperiamur. Verum de statibus satis.

Omnibus verò competit de fructu arboris QUARTO, huius VESCI. Hocñ. Dan: aperte Et ex ea (in VESCEN- TVR, quod quit arbore) vescebatur omnis caro: hoc in pa- omnib' cō-

rabola Christus. Quorsū n̄ GRANVM SINAPIS petit. Dan: 4. 9.

feminatur, crescit, colligitur, nisi vt edatur? Manducatur autē & salubriter & suauiter: salubriter quidē, quia si Physicis credimus, sinapis multa depellit morborum genera, cū capiti, pectori, & stomacho p̄sit. Suauiter verò comeditur, quia aliorum quoq; condimentum est ciborum. Nunquid id non docet experientia? Quid verò vos cū GRANO SINAPIS facitis? Inprimis emundare illud con-

Sinapis quē pparetur. sueuistis, dein purgatum siue in mortarium æreum, siue in molam lapideam iniicitis: tum aut pistillo ferreo, aut ligno prægrandi contunditis, aut mola (vt fieri vidi) ita conteritis, vt nec species eius, nec color pristinus, appareat: ac demū siue musto, siue aceto, melleuē delibutum cōdimētū saporigratum efficitis.

Idem omninò cum eo, qui GRANO SINAPIS comparari vult actum videmus. Per-

purgatus em̄ iuxta impiorum opinionem, & emendatus est IESVS, virgis, flagellis, & scorpionibus dirissimis, dicente Pilato: *emendatum illum dimittam.* Quorum licet neutrum præstiterit homo sceleratus; neq; n̄ emēdauit, quia in homine innocentissimo nihil esse potuit emendatione dignum; neque dimisit,

N n n

quia

Passioni Christi applicantur. hac  
Lu: 23. 16  
NOTA.  
Capita argumētōrum amoris Christi.



- quia mendax fuit: nobis tamen fecit aliquid,  
quia cibum delicatissimum præparauit. Ve-  
rum initia hæc sunt dolorum & præparatio-  
num. Etenim additur attritio, quæ pugnīs,  
palmis, calcibus, spinis, & arundinibus ita per-  
acta fuit, vt qui hæc fieri siue præcipiebat, siue  
30. Am: 19. 5. conuiuebat, admirans dicat: **E C C E H O M O**,  
verbis istis contestans, vix hominis in eo a-  
gnosci effigiem. O amor **I E S V**, ô bonitas Sal-  
uatoris, qui hæc propter nos in se fieri voluit.  
3 Sed nondû finis. Ducitur deinde cruce p̄grā-  
di onustus extra ciuitatē, ibiq; siue in molā  
lapideā, siue in mortariū p̄icitur æreū. Ingēs-  
sanè pistillus fuit crux, dira & dura mola mons  
Caluariæ, in quo omni ex parte, intus & foris,  
ita contūdatur & conteritur, vt qui eū per præ-  
notionem spiritus viderunt, obstupefacti ex-  
clamarint: alter quidem in persona ipsiusmet  
Psal: 21. 7. Christi. *Ego autem sum vermis & non homo, oppro-  
brium hominum & abiectio plebis.* Quid vero vos  
cum vermiculo, quando eum vultis perdere,  
facitis? nonne ita pede illum conculcatis, &  
conteritis, vt ne vestigium quidem ipsius vl-  
tra appareat? Idem penè cum **I E S V**, grano fina-  
pis actū ē, vt esset nobis cibus suauissimus. Al-  
4. ter verò Propheta: *Non est species ei inquit, neq;  
15. 13. 7. decor: & vidimus eum & non erat aspectus, despe-  
ctum & nouissimum virorum, vnde nec reputaui-  
mus eum.* Quid verò causæ? Respondet. Ipse  
Vers: 5. autem vulneratus est propter iniquitates nostras, at-  
tritus est propter scelera nostra, disciplina pacis no-  
stra

*stra super eum, & liuore eius sanati sumus. Maxi-*  
ma equidē, inaudita hæc est gratia tua Chri-  
ste. Verū id satis nō erat bonitati, & amorī  
tuo. Non enim propter hæc solū attritus  
es, sed etiam vt escam nobis preparares præ-  
stantissimam: hæc verò esca, non aliud quid,  
sed tu ipse es, qui nobis corpus & sanguinē in  
Eucharistia Sacramēto reliquisti tuum.

Quid ergò tam munifico Patri pro tantis  
reddemus beneficiis? Et quid reddere valebi-  
mus, cū quicquid non solū habeamus sed  
etiam simus, ipsius sit? Cū ergò referre be-  
neficia nobis nō liceat, gratos saltē esse libeat.  
Gratitudo verò quā factori suo creatura, ho-  
mo Deo, exhibere potest, in duobus sita esse  
videtur: nempe, in beneficiorum eius, tum  
iugi memoria cum gratiarum actione, tū fre-  
quenti vñ cū amore. Hæc itaq; quantū fieri  
potest efficere conemur: recordemur cū om-  
ni reuerentia, & gratiarū actione beneficiorū  
Christi, quæ tāta hic sunt, quāta nec ab omni-  
potēti Deo sperare, nec à munificētissimo Dño  
expectare, nec à patre amātissimo mēs huma-  
na vnquam desiderare potuisset. Superat em̃  
omnem desiderii modum, collatorum in nos  
beneficiorum magnitudo. Quis enim vnquā  
mortalium desiderare potuisset, vt vulneri-  
bus & sanguine supremi omnium Monarchæ  
culpæ & sordes abiectissimi abluerentur man-  
cipi? Quis vel in animum inducere suum, po-  
tuisset fore, vt plagis, liuore, morte denique

Grati tñto-  
rū benefici-  
orū erimus.

Tū ea reco-  
lēdo cū gra-  
tiarū actioe



ipsa, Optimi Maximiq; Dei, sanarentur morbi fugitivi & pessimi serui? Quod tamen & prædictum à Propheta audistis, & perfectum ex Euāgelistis didicistis. Quis præterea imaginari valuisse, attritionē tantam, quantam sustinuit Christus quando veluti in mola positus utroq; illum constringente lapide, & in corpore spinas, clauos, lanceam, crucem; & in anima tātam sustinuit amaritudinem, ut clamaret voce magna: *Deus meus, Deus meus, ut quid dereliquisti me?* Quis deniq; cogitare potuisset, Filium Dei dum in supremis doloribus constitutus esset, loco refrigerii, fellis amaritudinem, myrrhæ acerbicatem, aceti acrimoniā degustaturū, ut GRANVM hoc SINAPRIS suauē nobis redderet? Suauitatem verò hanc & Apostoli olim experti sunt, quādo in die Pentecostes, mustum nouum in noua vasa infusum fuit: & nunc gustus mirandos experiuntur omnes pii, q̄ deuotē ad Sacramētum Euchar: accedunt. Hæc igitur amoris IESV argumēta noctu atq; interdiu mens reuoluat humana, cū ea qua par est gratiarū actione.

Tum iis vtē  
do cū amore  
P̄f. 15. 2.

Gratiarum verò actioni addat vsum. Etenim non alia de causa Deus, qui bonorum nostrorum non eget dona sua reliquit nobis, nisi ut profint nobis; prodesse verò nobis nō poterunt, nisi eis vtamur. Vtemur autem illis, si illa quatuor, quæ in decursu orationis attulimus, diligenter obseruauerimus. Si inquam, sub arbore crucis Christi Domini, per fidem

fidem fideiꝫ; condigna opera ESSE, si per patientiam & longanimitatem HABITARE, si per humilitatem & contemplationē NIDIFICARE, si de fructu eius VESCI, & ad participandum corpus & sanguinem Christi IESV, dignē, & frequenter nos præparare studuerimus; si deniq; hæc vniuersa amore Dei & proximi condiemus; sicut Christus IESVS amore suo diuino condidit vniuersa. Etenim vt D. Augustinus inquit[. solus amor ē ex omnibus anime motibus, sensibus, & affectibus, in quo potest creatura etiā si, nō ex equo, respōdere auctori suo, vel illi mutuā repēdere vicē.] Amorē igitur Dei & ppter Deū pxiimi, vt habeamus, nobis sūmoperē elaborandū est.

*August. in  
Manuali  
Cap. 18.*

Verū enim verò, vnde nobis tantum bonum, nisi tu dederis auctor & consumator omnis boni Christe IESV? Ad te itaq; mentes manusq; tollimus nostras, te supplices rogamus, vt qui GRANO SINAPIS assimilari voluisti: nos quoq; tibi assimilari, & fructus spirituales grani huius recipere facias. Tu qui ex maximo minimus fieri voluisti, minimos nos in oculis nostris per sanctam humilitatem efficias. Tu qui in arbore crucis ita creuisti, vt in ipsa ignominia gloriam tuam mundo demonstrares; nos crucem tuā amplecti, sub illa esse, & habitare, ac in sūmo ore foraminis illius nidificare, in eaq; sola gloriari edoceas. Tu qui ad instar GRANI SINAPIS duplici contritione contritus es, vt nobis ci-

*Oratio ad  
Christū sū-  
mā dīctōrē  
ōtinens*



Luc: 24. 32

Ier: 9. 21.

bum suauissimum ex corpore & sanguine tuo  
 præparares, fac vt digne ad hoc Sacramentū  
 accedētes, fructus inde vberrimos referamus.  
 Calefaciat obsecro cor nostrum amore tuo  
 sanctissimo ignita vis virtutis tuæ, quæ olim  
 corda discipulorū in Emaus inflāmauit; con-  
 coquat granū hoc in nobis libidinem, & omnē  
 malū humorem; pellat frigidam ad res diuinas  
 pigritiā; propulset antiqui serpentis venena-  
 tas suggestiones; purget cerebrum nostrum,  
 ne velimus plus quam oportet sapere; imple-  
 at amaritudine os & linguam nostram, vt ab  
 ebrietate, epulis, detractionibus, maledicen-  
 tiis, murmurationibus, vaniloquiis sibi tem-  
 peret: conturbet & communiat omnes par-  
 tes sensuum nostrorum, ne mors per illos in-  
 grediatur ad animam nostram: In primis verò co-  
 piosas tū doloris, p peccatis nostris; tum cō-  
 passionis pro laboribus & passionibus tuis, ex  
 oculis nostris eliciat lachrymas. Ac deniq; gra-  
 nū hoc sit nobis & medicina contra ōnes mor-  
 bos spirituales, & cibus, ne in hac peregrinati-  
 ōne deficiamus, & condimentū omniū actionū  
 nostrarū, vt eas purè & syncerè sursum eleuare  
 valeamus, ad laudem & honorem nominis  
 tui, qui cū patre in vnitae Spiritus San-  
 cti viuīs & regnas Deus in æternū.

A M E N.


# ERRATA TYPOGRAPHICA

propter meam absentiam non pauca  
irreperunt; præcipua sic corriges, & in  
marginè addes.

*Pag: 39. Vers: 12. post virili dele tuo. Pag: 117. Vers: 30.  
sua lege tua. Pag: 130. & 16. nostræ lege nomine. Pag:  
145. Vers: 24. causauit lege causatus est. Pag: 157. & 24  
nostræ lege naturæ. Pag: 161. & 9. scripto, lege, scirpo:  
Pag: 197. & 8. constientudi, lege, constituendi. Pag: 209.  
Vers: 2. sacramentum lege Sacramentarii. Pag: 212. & 10.  
sapientia lege sapietem. Pag: 226. & 6. peruaricatrix  
lege præuaricatrix. Pag 247. & 25. mariri lege mirari.  
Pag: 262. & 11. puerū esse lege non esse Pag: 344. & 6.  
quorum lege quocum. Pag: 346. & 8. sibi si vobis lege  
tibi si voles. P: 358. & 3. inter, lege, istæ. Pag: 400. & 24.  
caullis lege cauillis. Pag 409. & 21. conātur adde indu-  
cere. Pag: 429. & 23. rem lege eam. Pag: 449. Vers: 2  
consortio vi lege cōsortiū qui. Pag. 456. & 11. post ali-  
orū, adde ommissa: p̄fertur, & ita præfertur., vt occa-  
sione illius Christus contra. Pag: 464. Vers: 4. facti, lege  
fracti. Pag: 468. Vers: 1. pmittuntur lege promittuntur.  
Pag: 476. & 4. à Deo, lege, ad eò. Ibid: Vers: 10. versamini  
lege, auersamini. Pag: 477. Vers: 4. post q̄to adde ablata.  
Pag: 478. & 5. q̄ in vasiteos lege quæ inuasit eos. Ibid:  
& 21. laudamus lege claudamus. Pag. 579. & 24. ciuſq;  
lege couſq;. Pag: 632. & 1. ædem lege eadem. Pag: 659.  
& 1. superdendum lege supsedendū. Pag 703. Vers: 18.  
vt lege ne. Pag: 705. & 12. mētē lege mentū. Pag: 714.  
Vers: 23. viuas lege iuuas. Pag: 729. & 3. in omnia lege  
in anima. Pag: 760. Vers: 16. q̄to lege quam. Pag: 764.  
& 11. docere lege nocere. Pag: 788. & 16. dotis lege do-  
tibus. Pag 807. & 19. vtrumq; lege vtcunq;. Pag: 816.  
Vers: 3. obseruantur lege obuersantur.*









7359

L. P.

- 31 .



